



NAZIONALE

BIBLIOTECA

42

4-D

11.

ROMA

VITT. EMANUELE









# D. DIONY-

SII CARTHVSIANI SVMMAE  
fidei orthodoxæ libri duo postremi, nuper pmissi.

¶ TERTIVS SCILICET, IN  
quo agitur de virtutibus tam theologicis quàm  
cardinalibus, de earum diuisionibus ac partibus, de  
virtutibus eisdem annexis, & vitijs contrà oppo-  
sitis, de donis item ac fructibus.

¶ QVARTVS, IN QVO DE INCARNA-  
tione agitur Christi, vita, passione, morte, resurrectione, de  
matris eius Mariæ sanctificatione, desponsatione, annuncia-  
tione, de sacramentis nouæ legis ac eorum ritibus, Baptismi  
Confirmationis, Eucharistiæ, Pœnitentiæ, Vnctionis extre-  
mæ, Ordinis & matrimonij, de præmio item bonorum & re-  
tributione malorum.

¶ *Libera sint cuiq; sua iudicia, & tamen hæc Summa  
iampridem ex Dionysio utilius nihil prodiit.*

B

PRINCIPIVM EX FIDE



FINIS IN CHARITATE.



PARISIIS

¶ Apud Hieronymum, & Dionysia de marnes vi-  
duâ spectab. viri Ambrosij Girault, sub Pellicano.

1 5 4 8.

PRAESTANTI IN PRI-  
mis viro, eidemq; reuerendo in Chri-  
sto patri, D. Georgio Sarens, Abbati  
ac domino diui Trudonis, Ge-  
rardus Moringus S. D.



A Epenumero in initio luctuosissimi huius  
seculi, mecum demirari soleo, Pater in Chri-  
sto Reuerende, ac Meccenas longe huma-  
nissime, cum hostes sanæ Catholicaeque fi-  
dei, eorumque sectatores, quorum pro dolor,  
hodie numerus ingens est, tanto studio resanæ suæ li-  
bros per vulgum dispergerent, ac vbiuis gentium semina  
sua nocentissima sererent, non idem studiū nostris quoque in-  
cesseret, cum nostra sine dubio firmissimis rationibus, et tunc  
fide habita literis diuinis, Conciliis et Patribus, demon-  
strari, illorum nisi fucatis malique cohererentibus, possent.  
Videbam sceleratissimi Luteri praeestigia, forma Enchiri-  
dii Germanice reddita, quo videlicet commodius quocumque  
locorum circumferri possent, atque id ipsum iter factum esse de  
pestilentissimis somniis Ioannis Oecolampadii, denique de  
naniis aliquot aliorum, quorum hic recensere nomina, ni-  
hil prorsus attinet. Tamen si paulo post re melius perpen-  
sa, non tam inertia nostrorum ac languori hoc, quam quod  
quoadmodum in subita trepidatione non protinus arma,  
quibus obuiam iretur, in expedito essent, assignata. (Quis  
namque tempestatem hanc augurari potuisset? ) aut si ad ma-  
num essent, non ita statim commode promi possent, sed ad hoc  
tempore opus foret, ut firmiter aliquid solidique, quodque arte  
aduersariorum minime posset eludi, promeretur. At verò

processu tēporis, longe aliam rerum speciē inductam vidimus. Vidim⁹ eruditos ex omnibus orbis partibus, apud Italos, Germanos, Gallos, Anglos, per summā laudē execrabili incendio nauiter succurrere, alios quicquid ex literis diuinis, vetustisq; omnibus generis monumentis ullo pacto conficiēdis hostibus trahi posset, maximis sudoribus colligendo: alios in diatribis quæ veritatis essent, fortissime asserendo: alios in sacris concionibus, nutantes plebis animos studiosissime confirmando: alios, bonorū authorum lucubrationes, quæ in vetustis biliothecis diu situ obducta iacuerant, vnde tamē plurimum præsidii nostris afferri posset, strenue populo mandādo. Alios aliter, pro suis quēq; dotibus & virium modo, vt eorum insignium virorū opera partim effectum crediderim, ne exitiabile malū omnia furori suo muoluerit: partim breui efficiendum sperē, vt turbis omnibus defuncta mater Ecclesia, ad pristinum suū florē vigorēmq; reuirescat: quod vt faxit dominus, sollicita omnibus vota faciendæ sunt. Cæterum, cū omnes qui in hoc pulcherrimo campo fidelē operā Ecclesiæ præbuerunt & etiā hodie præbēt, immortalē gloriā meruisse consteat: tamē inter hos nuper nō postremos factos, ne dicam inter præcipuos, dominos Carthusianos, præsertim Colonienſes, ingenue assero: vtpote quibus potissimum secūdū deū debemus, quod nunc paulatim opera sanctissimi simul & eruditissimi viri Dionysii à Richel, hætenus fere orbi incognita, in lucē prodeant, licet sumptu eorū immani & incredibili. Nā scripsit vir ille insignis plurima & varia, vt haud sciam an plura quis scripserit annis retro mille: neque tamen talia, quorū vel aliquid vbi quis didicerit, postea dediscendum sit: qualia multa scripsisse Dydimū Grammaticum, & ipsum Polygraphum, author est Seneca: sed

omnia frugifera & pia, vnde mores plurimum promoueri, & res Christiana magnopere adiutari & fulciri queat. Quibus vtique scriptis eo plus merito accedere debet fidei, quod ab authore profecta sunt vitæ plane puræ & illibatæ, quemq; etiam in vita quædam supra vires humanas edidisse, idonei authores produnt. Siquidem si fides in est, qui dotibus modo naturalibus ornati aut non eximiis moribus præter cæteros commendati, in aliquo doctrinæ genere, siue naturalis philosophiæ, siue alio, quippiam posteris prodidere: quanto æquius est, fidem in habere, quos excellens pietas commendat, ac quorum mores ad doctrinam per omnia quadrant, qui ob id in intuendo vero perspicaciores esse, atque eo altius omnia penetrare credendi sunt, quanto à fuligine perturbationum, quæ haud dubie sæpenumero ab attingendo scopo submouet, minus impeditenti patiuntur, sicut certius longe sanus, quàm lippus oculus de rebus iudicat. Fama fert, hunc eminentissimum virum, vbi se instituto monastico iam in totum dedicasset, adeo penitus statim mundo rebusq; mundanis mortuum fuisse, & item permansisse, vt nihil deinde vnquam aliud præter deum & cœlestia neque spirauerit, neque (vt sic dixerim) somniauerit admiraculum vsque, semper parco simul & horrido victu fuisse supra quàm cuiquam credibile, vigiliarum patiëntem, vt solidas noctes post persolutum cum sodalibus pensum precum matutinarum, aut lectione, aut precatione sacra, aut stilo transigere, veluti pro ludo habuerit. Ita ad hæc altissimam illam contemplationem cœlestium sibi familiarem habuisse, vt leuissima ex causa sæpenumero ad horas aliquot, totus stupidus steterit & alienatus, oculis intentis, pectore plane anhelato: denique tale quiddam patiens, quale passam esse

Sibyllam, poeta tradit: & post illa arcana quædã rerum futurarum prænuñciasse, quæ identidem libris suis subindicat, licet causa modestiæ sub aliena persona. Et id genus alia multa, de eo ab iis qui vitam eius depinxerunt, tradita sunt, quæ nulli bono non mirabilia, ac argumẽta viri plane cælestis & diuini videantur. Quæ cum ita sint, in inquirenda veritate plus ei luminis, plus claritatis adfuisse, quàm cuius alii, bono quidẽ illi & probato, sed non ea pietate prædito, nemo recte dubitet. Illud ve reor, ne in scriptis eius plerisque displiceat, quod nõ eam orationis munditiam præbeat, qualem hodie scribentes præbere meditantur. At verò meminerint, quæso, quos fortassis hoc alienauerit, non eo consilio lucubrationes eius in publicum datas, vt videlicet lector inde Veneres phalerasq; verborum sibi petat: quas si venetur, abunde multos alios ad manum habeat, qui hac parte animum eius affatim expleant: sed vt res inde sumat, quas in eo esse multo grauiores, multoq; solidiores, quàm qui hodie ob dictionis cultum cū admiratione multorum leguntur, nulli sano dubium crediderint. Est sane ornamentum pulcherrimum orationis nitor, quo honestata, multo etiã maiorẽ veri speciem præferunt. Audio & fateor. At si cui is per infelicitatẽ tẽporum non contigit, differit autẽ aliqui lectu auditumq; multo dignissima, quorum cognitio confessione omnium vere sapientum, ad officium vitæ ad veramq; pietatem plurimũ conduxerit. quis illum iure, nisi nimium Trossulus contempserit? Nisi eadem opera castaneas fastidiemus, quia hirsutis tunicis includuntur: & aurum argentumq; continemus, quia rudia etiãnum & informia. Pro suo enim quæq; pondere & momẽto quod habet, & ab eo quod in eis quæritur, æstimanda sunt. In quibus authoribus res modo quærentur ii demũ



à rebus: in quibus venustas splendorq; orationis, ii tātū  
 inde, nec aliunde in precio habendi sunt. Pater eximius  
 Dionysius in ea incidit tēpora, quibus omnia etiā tū bar-  
 barie scabritiēq; loquēdi plena erant, neq; dum linguis  
 honor & admiratio erat. Quod si in felicissimum hoc no-  
 strū seculum, quo linguæ in pristinū suū gradū pulcher-  
 rime repositæ sunt, incidisset: nō minori neq; studio illas  
 eū persecuturū, neq; felicitate (quo erat impetu) affecutu-  
 rū fuisse existimauērim, quā quēuis aliorū, qui in perci-  
 piendis eis, præcipuū quod habēt tēporis ociiq; cōsumūt:  
 utiq; vtilitate earū & necessitate ad literas sacras per-  
 spectæ, quibus exacte cognoscendis eū totū deditū fuisse  
 plane constat: tātū abest vt cōtēpturū fuisse existimem.  
 Quapropter neuus ille in seculū, nō in ipsum refertur.  
 Porro autē vt omnes egregii viri labores, quos quidem  
 ego hactenus viderim, impense mihi placuerint, nescio  
 tamē quo pacto singulariter vnicēq; placeat opus quod-  
 dam ab eo cōpositū, cuius inspiciēdi mihi nuper copiā fe-  
 cit vir religiosus iuxta ac eruditus, D. Ioānes à Zulre,  
 Prior Carthusianorum apud Zeelem: quam Summā fidei  
 Orthodoxæ inscripserunt, in quo miro stringit cōpēdio,  
 quicquid ferme Theologi tum veteres tū recentiores fu-  
 sioribus paginis de persuasionē nostra Catholica prodi-  
 derunt. Habes ibi quicquid ab vllō vnquā traditū est  
 de deo optimo maximo, quicquid de sacrosancta triade,  
 de triadē homousia, de spiritibus supernis, de vi ratio-  
 neq; orbiū cœlestiū, de natura animæ humanæ, atq; adeo  
 totius hominis, de conditione primorū hominū, de libero  
 hominis arbitrio, de natura & gratia. Rursum, quicquid  
 vspiam legere est de virtutibus, earumq; distinctis offi-  
 ciis, quicquid itē de Christi incarnatione, vita, passiōe,  
 de sacramētis Ecclesiasticis, ac eorū retribus, de præmio

bonorum retributioneq; malorum. Quid quæris? Habes  
 veluti summulam multorū operum Augustini. Multa ad  
 hæc quæ iustis voluminibus singulatim Hieronymus,  
 quæ Ambrosius, quæ Cyrillus & alii patres prisca. Et  
 vt semel dicam, habes quæ Theologi recentiores secuti  
 priscos, in quatuor libros sententiarū Petri Lombardi, or  
 dine scripta reliquerūt, atq; id sicut dixi, cōtracte, præ  
 sectis lōgiorib<sup>9</sup> argumētorū ambagibus, q<sup>ue</sup> subinde lecto  
 ri tædiū creēt: prætermisiss quoq; quæ stionibus ociosis,  
 nihil prorsus in se pensi habētibus. Neq; tamē rursus ge  
 neratim tantū, & per summa rerū fastigia, sed sigillatim  
 & distincte: vt vnus ipse hoc opere vice omnium esse  
 queat, neq; lectorē, nō omnino infelicis indolis, annos mul  
 tos cōterere euoluēdis aliis, qui & ipsi eadē differuerūt,  
 magnopere sit necesse. Accedit, quod & dilucidus est, cla  
 rus & perspicuus, minimēque spinosus: quales plerique,  
 quos scriptis suis nimīū inuolutis, laudē ingemi captare  
 verius quā docere voluisse, fortassis haud immerito di  
 cas. Verū quidē, per parcus est citandis nominatim autho  
 ribus, quibus tamē nititur, confirmādis itē operosioribus  
 rationibus in, quæ determinat. At nō ambiticē quasi quæ  
 aliorū essent, pro suis vēdicare voluerit: neq; quia ra  
 tiones cōplures producere non potuerit, id prætermisit:  
 sed quia hic propositū ei nō fuit, tractare quæ tractanda  
 susceperat quā posset spaciosissime, cū id in opere Sentē  
 tiarū aliisq; abunde satis præstet: sed cōpendio & angu  
 ste, sicut diximus, vt vno aliquo breui opere veluti cō  
 mētario, quæ legere posset lector haberet, quæ alibi ha  
 beret plenius & vberius. Ac fortassis nō admodū operæ  
 preciū esse arbitrabatur probare illa religiosius, de qui  
 bus nodū inductis hæresibus & dogmatibus, nemo tū am  
 bigeret, sed pro certissimis ac firmissimis ab omnibus ha

beretur: quæ tamē si temporibus hīs nostris scriberetur, multo indubie probanda foret firmitus ac solidius. Neq; me præterit, esse posse, qui fortassis sentiāt, ad ipsos poti⁹ fontes (hoc est, ad ipsos authores) vnde hic sua hauserit, accedendū: quod ex fontibus omnia purius ac liquidius, ex deductis riuulis subinde impurius, ac nōnihil immutata etiā promanēt. Nō impedio quidē, neq; improbo, si quis hoc faciat. Nā quis tandē nō probarit? Verū si riuus deductus à fonte suo nihil prorsus degeneret, eūdēq; plane saporē & gustum præbuerit, præterea ad vsum tibi multo fuerit propinior, vt inde statim haurias vbi libuerit, cū si illud ipsum à fonte requiras, multa passuū milia tibi explicāda sint, nōne tum malles, quia cōmodius & expeditius sit, riuū quā fontē adire? Ita res habet in proposito. Dionysius noster hoc in opere riuus est, deductus quidē tāquā à fonte à veteribus, sed nihil prorsus ab eis degeneras: quinimo eundē plane saporē exhibēs, eādēq; prorsus indolē & naturā respiciēs, videlicet si vim sententiarū & pōdus rerū respicias. Alioqui non me clā est, ob alia plurima veteres illos præferēdos esse. Poterisq; citius & expeditius hinc quæ videbūtur depromere, cū ea ipsa à veteribus si requiras, nisi aliquot etiam annorū mora, ægre potueris. Interim tēpus quod supererit, conferri in alios nondū lectos, quorū semper vis infecta restabit, pro lubito cōcedetur. Aut esse opus istud velut nota aut signū poterit, cuius intuitu in memoriā omniū quæ antea latius tibi lecta fuerint, ilico reducaris: quēadmodū qui multarū rerū antē gestarū, aut prolixi alicuius habiti sermonis ex integro subito reminisci volunt, id faciūt agnitione quarūdā notularū aut sediū, quas in animo in hoc sibi antea designauerāt. Postremo esse itē poterit, præsertim theologi nouitiis, quædā ad alios suo tēpore

## EPISTOLA.

facilius assequēdos præparans isagoge, aut veluti quoddam propositum specimen, quo degustato, ad reliqua deinceps, aut eadē copiosius cognoscenda, hoc magis inuidentur, sicuti ea ipsa mente negociatores aliquid ex singulis mercibus empturiētibz obiiiciunt. Vt ut erit, quicumque lectioni eius ociū tempusque impenderit, credat meæ fidei, non impēderit frustra, sed cū magna sua tum fruge, tū voluptate: modo alioqui animū candidū & simplicē adduxerit, nihil aliud inde petēs, quā in quod ea quæ ibi traduntur, tradita sint. Quoniā autem mihi provincia data est, duo eius posteriora volumina viro alicui eximio nuncupandi, sub cuius nominis auspicio contra latratus inuidorū, stare tutū possit, nō alii cuiquā rectius P. R. quā paternitate tuæ ea nuncupaturus videbar: non quia Mecænas meus sis plurimis iisdāque maximis beneficiis quotidie me prosequens, ut nisi aliquo pignore singularē istam in me tuā beneuolentiam palam agnoscam, iure ingratis habear (nam hoc alias, spōso, iuste faciam, etiamsi nunc arrabonem eius videri dedisse, nō recusem) sed quod quā maxime congruere videatur, ut opus cui titulus esset Summa orthodoxæ fidei, non alii cuiquā quā viro in primis orthodoxo & Christiano dicaretur, qualē esse te, non equidē dico, qui hoc nonnullis, dare auribus tuis videri possim: sed quia id te stibus omnibus, qui te vel extrema (quod aiunt) linea norint, inculpatissimi tui mores & innocentia vitæ, aperte demonstrant, quo etiam virū singularis tū eruditionis tum religionis, D. Theodoricum Loher à stratis, Carthusianū, ut duo priora volumina tibi consecrarit, adductū existimo. Siquidem quis in te non protinus illam omnibus gratam acceptamque, illā Christianam & prope diuinā indolis tuæ mansuetudinē perspiciat: qualem nunquā in

## EPISTOLA.

alto vlllo hominū vidisse me sancte deierare ausim. Quis  
 non statim illam dulcissimam, atque adeo fatalem morum  
 comitatem, facilitatē, humanitatem, benignitatē videat?  
 qua mirū dictu, quātopere familiam susceptam, in amorē  
 tui rapias, prōpteq; ad omnia morigerā habeas, prudē-  
 ter scilicet animaduertēs, hominē animal īgenū esse, qđ  
 duci magis quā trahi cupiat: quā itē animos studiaque  
 tuorū populariū tibi hac ratione cōcilies, vt si res ferret,  
 casusque aliquis durior (quod abominor) incideret, & ip-  
 sorū fide opēq; opus foret, nihil nō causa tua, etiā cū ingē-  
 ti suo incōmodo, modo ita demū incōmodo tuo mederi lice-  
 ret, subituros esse arbitrer. Iam verò, quis nō illā incōpa-  
 rabilē ingenii tui, nulli neque fastui, neq; supercilio ob-  
 noxiā modestiā animaduertat? qua tanq̃ vnus ē numero,  
 omnes etiā humilimos quosque, ipse honore fere præue-  
 nias: nō expectes autē, vsque dū illi priores eū tibi defe-  
 rāt: credo, quia verbū Apostoli sic monētis, tibi iugiter  
 ob oculis obuersetur: cōtra morē tamē aliorū tui ordinis,  
 quibus imposita dignitas, intolerabiles hac parte cristas  
 subiicit: quasi verò seruator Christus, nō etiā ad ample-  
 xus paruulorū, maiestatis suæ fascēs demiserit. At verò  
 quoniā quispiā hæc in te naturæ esse, nō industriæ, à qui-  
 bus solis cōmēdamur, authore Aristotele, dixerit, cui nō  
 rara ista tua & singularis in deū pietas in diuosque reli-  
 gio, continuo in oculos incurrat, vt nimirū ferme quoti-  
 die, nisi vel valetudine, vel negociis impeditus, ipse sa-  
 crū facias: loca itē sacra, summa cura licet etiā impēsa, tū  
 instaures, tū adornes? Qua vigilantia pastor ouibus in-  
 diuulsis pene adsis. Qua diligentia, vt professionis suæ  
 semp meminerint, pro facultate assidue vrgeas, interim  
 nihil præscribens, quod pro viribus & ætate, ipse prior  
 non præstes, gnarus scilicet, eorum qui in turba latent,

## EPISTOLA.

vitia tenebras habere: qui verò aliquo fastigio è cæteris eminent, velut in luce posita, ab omnibus conspici. Vt ne dicam quoque de pudicitia, quam à puero in hanc vsque ætatem semper hic illibatus fueris, neque vnquã hoc nomine vel fabulis hominum inquinatus. Taceo itẽ de hospitalitate, quã quoscunque velut obuiis vlnis excipias: de frugalitate, vt in conuiujs etiam amplissimis, semper hic illibatus fueris, neque vnquam hoc nomine vel fabulis hominum inquinatus. Taceo item de hospitalitate, quã quoscunque velut obuiis vlnis excipias: de frugalitate, vt in conuiujs etiam amplissimis, semper tui similis maneat. Cuiusmodi alia multa cõmemorare possem quidem, si modo vel frons tua pateretur, vel nisi notiora vulgo essent, quàm vt cõmemorare à quoq̃ vlllo pacto debeant. Vnum tamen illud præterire non possum, quod ob eminẽtẽ istam vitæ integritatẽ, antecessor tuus, vir sane quàm elegans proborum hominũ spectator, cum secum & cum amicis de designando successore sollicitius agitarẽt, & per viros plurimos eximios, dotibusq̃; haud quaquam aspernandis instructos, oculos circumtulisset, & pleriq̃; etiam sua sponte sese offerrent, non alius tamen ei quàm P. tua adlubuerit. Potuit quidẽ surrogare virum apprimenobilem, qui amicis & clientela plurimum suis cõmodare potuisset. Potuit quoque adsciscere virum singularis supra cæteros eruditionis, qui mirabili doctrina, rerumq̃; multipliciũ cognitione, suis plurimum vsui esset. Sed longe efficacissimum visum fuit, ad id quod instituerat, adsciscere virum insigniter pium, & quem præsertim disciplinæ monasticæ diligentem seuerumq̃; exactorem futurum præsumeret: vt quem in statum ipse eam à solutiore redegisset, in eo ille eam sartam tectam custodiret, indiesq̃; magis firmaret & stabiliret: ad quod vti-

## EPISTOLA.

que nemo tum habilior ei quàm P.t. visus fuit, etiam si tu nunquã hoc ambieris, neque singularis vllatibi cum eo necessitudo fuerit. At virtus quamvis obscura, diu latere non potest, vt idem Seneca inquit, quin mittit sui signa, ac suapte vi oculis omnium sese ingerit. Præclara illa administratio cœnobiarchiæ Boneffiensis, præiudicium ei fuerat, quo pacto etiã aliam administrare posses: ideoque etiam nihil cogitantem, sibi huc adsciscendum duxit. Verum ne cui studio in laudes tuas descendisse videar, his super sedeo. Restat Mecœnas optime, vt quæ tua in aliis pene omnibus facilitas est, opus istud eruditum in præsentia consecrari tibi æqui bonique cõsulas, ipsumque ab insectationibus maleuolorum, quibus fortassis (vt hodie tempora sunt) obnoxium erit, autoritate tua, quæ sane non vulgaris est, fortiter vendices: pluris faciens, quid homines sani synceri quæ pectoris de eo censeant, quàm quod illi morbidi & purulenti, quibus in omnia incurrere, quæ vel non intelligant, vel ad stomachum non respondeant, iam olim solene fuit: certum quoque habes, ex nullo firmitus colligi aliquid præclarum esse, quàm dum dentibus inuidorum obrodi cœperit, vt recte ille Atheniensium dux Themistocles dictitare solebat. His in domino vale Mecœnas longe amabiliissime, ac patres Carthusianos, quibus vnionem hunc preciosissimum debemus, tibi commendatos habe, mæque vt soles, amare ne desine. E monasterio tuo ad diui Trudonis. Anno salutis M.D.XXXVI. ipsis Calend. April.

Tuus ex animo Gerardus Morin-  
gus P.tuæ cliens obseruantissimus.



# ARTICVLORVM ATQVE

QVAESTIONVM, HOC EST, OM-

nium quæ præcipua in his duobus sequen-  
tibus libris Summæ fidei orthodoxæ  
catholicæ tractantur, index.

- P** Rocemiū: Omnis gloria regis abint<sup>9</sup> fo. 1. a
- 1 An obiectum fidei, sit veritas prima 1. b
- 2 An complexa possint esse fidei obiecta. Et an fidei possint subesse falsum 1. b
- 3 An visum, vel scitum possint fidei esse obiectum 2. a
- 4 De distinctione credendorū per articulos fidei. Et quo modo fides creuisse dicatur secundū successionē tēporū. 2. b
- 5 De enumeratione articulorum fidei in Symbolo. Et de ordinatione eorūdem. 3. b
- 6 Quomodo cōponere symbolum fidei sit summi Pontificis. 4. b
- 7 Quid sit credere. Et de triplici actū fidei. 5. a
- 8 An ad salutem necessariū sit aliquid credere quod ratio nem excedit. Et an oporteat etiam illa credere quæ naturali ratione inuestigari possunt. 5. b
- 9 Quod ad salutem requiritur aliquid explicitè credere & q non oēs tenentur equaliter ad fidem explicitam. 6. a
- 10 An fides mysterij Christi & sanctæ Trinitatis explicita, fuerit semper ad salutem necessaria 7. a
- 11 An credere sit meritorium. Et vtrum ratio humana diminuat meritum fidei 8. a
- 12 Quod confessio est actus fidei. Et quō confessio fidei sit ad salutē necessaria. 8. b
- 13 De diffinitione fidei secundum Apost. 9. a
- 14 De subiecto fidei. Et quo modo charitas dicitur fidei forma 9. b
- 15 An fides informis & fides formata sint eadem fides. Et vtrum fides sit virtus. 10. a
- 16 Quomodo fides sit vna. an omniū virtutū prima. 10. b
- 17 Per quem modum fides certior est scī ac ceteris habitibus intellectualibus 11. a
- 18 An in angelo & homine ante peccatum fuit fides. Et an in dæmonibus fides existat. 11. b
- 19 Quod discredens in vno articulo fidei: fidē non habet Et qualiter fides vnus maior esse possit fide alterius. 12. b
- 20 Quod fides inest homini per infusionem à deo. Et quæ etiam fides informis sit donū gratiæ dei. 13. a

## ARTICVLO. ET

## QVAESTIONVM

21 Quod fides est causa timo-  
ris, & purificationis cordis

13. b

22 Quod intellectus sit donū  
spirituū. possitq; simul in eo-  
dē esse cū fide. Et utrū sit spe-  
culatiuus, vel practicus 31. b

23 Quod donum intellectus  
sit in omnibus habētibus gra-  
tiam. Et solū in eis. Et qđ do-  
num intellectus à cæteris do-  
nis distinctum sit 14. b

24 De beatitudine corres-  
pondēte dono intellectus. Et  
quomodo fides dicitur fru-  
ctus intellectus 15. b

25 Quod scia est donū. Et qđ  
pertinet ad res creatas. 16. a

26 An scia (quæ est donum)  
sit practica. Et quæ beatitudo  
correspondeat ei. 16. b

27 De peccato, infidelitatis  
de subiectio eius, an infideli-  
tas sit maximū pccōrū. 17. b

28 An quælibet actio infide-  
lium sit peccatum. Et de spe-  
ciebus infidelitatis, & quorū  
infidelitas grauior est 18. a

29 Quomodo cum infideli-  
bus disputandum est publice  
Et utrū infideles ad fidem  
compellendi sint. Et an liceat  
fidelibus communicare cum  
infidelibus 19. a

30 An infideles habere pos-  
sint prælationē atq; dominiū  
super fideles. Et utrū infideli-  
um ritus sint tolerandi. 20. a

31 An Iudeorum & aliorum  
infidelium pueri sint baptizan-

di inuitis parentibus 20. b  
32 De specie hæresis, de eius  
materia 21. a

33 An hæretici sint sustinen-  
di, an reuertentes sint recipi-  
endi. 21. b

34 Quod apostasia ad infide-  
litatē pertineat. An propter  
apostasiam princeps ius domi-  
nandi amittat. 22. a

35 De blasphemia, quod sit  
opposita confessioni. An sit  
semper mortale peccatum.  
An sit maximum peccatorū.  
An inueniatur in danaris. 22. b

36 De peccato seu blasphe-  
mia in spiritum sanctum, de  
speciebus eius. 23. b

37 De irremissibilitate pec-  
cati in spiritum sanctum. An  
quis peccare possit in spiritu  
sanctum non præcedentibus  
aliis culpis. 24. b

38 De cæcitate mentis, de he-  
betudine sensus, de distinctio-  
ne atq; origine vitiorum isto-  
rum. 25. a

39 De præceptis pertinenti-  
bus ad fidem, & ad bona in-  
tellectus atq; scientiæ. 26. a

40 Quod est spes virtus, de  
obiecto ipsi, an vnus homo  
sperare possit alij beatitudi-  
nem sempiternam. 26. b

41 An liceat sperare in ho-  
mine, an spes sit virtus theo-  
logica ab aliis distincta. 27. a

42 An spes sit prior charita-  
te, vel e contra. 28. a

43 De spei subiecto. An spes

- sit in beatis, An sit in damna-  
 tis, De spei certitudine. 28.b  
 44 Vtrū deus timeri debeat  
 De diuisione quoq; timoris.  
 An timor mundanus semper  
 sit malus. 29.a  
 45 De timore seruili. An sit  
 bonus, an realiter idem cū ti-  
 more filiali. Et vtrū cum cha-  
 ritate permaneat 29.b  
 46 Quomodo timor dicatur  
 initium sapiētiae. Et an timor  
 initialis distinguatur realiter  
 à timore seruili. 30.b  
 47 Quod timor donum est  
 spiritui Et quomodo charita-  
 te crescente timor dicatur di-  
 minui. 31.a  
 48 An timor in patria mane-  
 at. Et de beatitudine dono ti-  
 moris correspondente. 31.b  
 49 De desperatione, quomo-  
 do sit peccatum. An absq; in-  
 fidelitate committi possit, an  
 etiam sit maximum peccato-  
 rum. Et de origine eius 32.a  
 50 De obiecto præsumptio-  
 nis, de præsumptionis pecca-  
 to, cui virtuti præsumptio cō-  
 trarietur, de ei⁹ origine. 33.a  
 51 De præceptis pertinenti-  
 bus ad spem & timorem. 33.b  
 52 Quod charitas est amici-  
 tia. Vtrum sit aliquid creatum  
 in anima. 34.a  
 53 An charitas sit virtus, an  
 sit virtus specialis, an sit virt⁹  
 vna, an omnium virtutum al-  
 tissima. 35.a  
 54 Quod sine charitate nul-  
 la sit perfectā virt⁹, quod cha-  
 ritas est forma virtutum. 35.b  
 55 De charitatis subiecto.  
 Quod sit per infusionē à deo  
 an charitas infundatur secū-  
 dū capacitātē naturalīū. 36.a  
 56 De charitatis augmento.  
 Vtrū quolibet actu charitatis  
 augeatur, an in infinitū pos-  
 sit augeri. 36.b  
 57 An charitas in hac vita  
 possit esse perfectā, de gradi-  
 bus charitatis, qualiter chari-  
 tas diminuatur 37.b  
 58 Quomodo charitas pos-  
 sit amitti. 38.a  
 59 An solus deus sit charita-  
 te diligendus, an ipsa chari-  
 tas per charitatem diligenda  
 sit, an irrationales creaturæ  
 sint ex charitate amandæ. 39.a  
 60 Quemadmodum ex cha-  
 ritate diligere debemus nos-  
 ipsos, quomodo propriū cor-  
 pus, quomodo peccatores. 39.b  
 61 An peccatores seipsos di-  
 ligant, quod inimici sint ex  
 charitate diligendi, an neces-  
 se sit eis signa amicitiae exhi-  
 beri. 40.b  
 62 An angeli sint diligendi  
 an demones sint ex charitate  
 diligendi, de numero diligen-  
 dorum. 41.a  
 63 De ordinē charitatis, quod  
 plus diligere debemus deum  
 quā proximum, quod plus  
 diligere debemus deum quā  
 nosipsos. 42.a

# ARTICVLO. ET QVAESTIONVM

64 An homo magis seipsum diligere debeat quàm proximum, an impensius proximū quàm corpus proprium, an etiam plus vnum proxi. quàm alium 42.b

65 Quis magis diligendus est, Melior, vel coniunctior, secū dum carnem affines, vel aliunde coniuncti, pater vel filius, pater vel mater 43.a

66 Quem magis diligere debet homo, parentem, vel vxorem, Benefactorem, vel beneficiatum. An ordo charitatis in patria perseueret 44.a

67 An sit charitati magis proprium amari, vel amari. An amare sit idem quod beneuolētia. Quod deus est propter seipsum amandus. Vtrum in hac vita possit immediate amari 45.a

68 Quomodo deus possit taliter amari. Qualiter diuinę dilectionis nō est aliquis modus. An sit magis meritorium diligere inimicum, vel amicū Vtrum etiam magis sit meritorium amare deum vel proximum. 46.a

69 An gaudium sit charitatis effectus. An compatiatur secum tristitiam. Quomodo etiam possit esse plenum. Vtrum sit virtus 47.a

70 An pax sit concordia, an omnia appetant pacem. An sit effectus charitatis. Vtrum sit virtus 47.b

71 De motiuo misericordię Quorum sit miserendum. An misericordia sit virtus. An sit maxima virtus 48.b

72 Cuius virtutis actus sit beneficentia. Qualiter omnib⁹ sit benefaciendum. Quomodo magis coniunctis potius benefaciendum est. Vtrum beneficentia sit virtus specialis 50.a

73 Quod eleemosynarū largitio sit actus charitatis. De distinctione eleemosynarum Quę sint digniores 51.a

74 An eleemosyna corporalis habeat spirituales effectum. An dare eleemosynam sit in pręcepto. An de necessario sit eleemosyna impendenda. 52.b

75 An de illicite acquisitis eleemosyna fieri possit. Quorum sit dare eleemosynam. Quibus etiam danda. Quomodo impendenda est. 53.a

76 Vtrum fraterna correctio sit actus charitatis. An sit in pręcepto. Vtrū ad omnes se extendat, & non tantum ad pręlatos 54.b

77 An subditi teneantur pręlatos corrigere. An peccatores possint corrigere. An etiam a correctione cessandum sit, ne correptus deterior fiat. 55.a

78 Quomodo secreta correctio denuntiationem publicam pręcedere debet. Quali

SVMMAE FID. ORTHOD. INDEX

- 99 Quod odiū dei est maximum omnium peccatorum, quomodo deus possit odiri qualiter etiam odium proximi sit peccatum. 56.b
80. Quod acedia est peccatum. An sit peccatum speciale. An mortale, an capitale. 57.a
- 81 De inuidia quid sit. an sit peccatum mortale, an capitale. De filiabus inuidiæ. 58.b
- 82 De peccato discordiæ, de origine eius. 60.a
- 83 Quando cōtentio sit mortale peccatum. Cuius vitij filia sit. 60.b
- 84 Quod schisma est speciale peccatum, an sit grauius in fidelitate. De potestate schismatici. De pœna eorundem. 60.b
- 85 An aliquod bellum sit licitum. Vtrum clericis liceat bellare, an etiam liceat vri in fidiis in bellis, an iu die festo pugnare liceat 61.a
- 86 De culpa rixæ. De origine ri. 62.b
- 87 An seditio sit peccatum speciale: an mortale 63.a
- 88 Quid est scandalum, an sit peccatum. Vtrum sit peccatum speciale, an possit esse peccatum mortale 63.b
- 89 An perfectorum sit scandalizari, an eorum sit scandalizare, an spiritualia bona sint dimittenda propter scandalum, an etiā temporalia 64.b
- 90 De præcepto charitatis, an sit vnum, vel plura. 66.a
- 91 Quomodo deus diligipræcipiatur, quomodo toto corde, quomodo tota mente Vtrum hoc charitatis præceptum in via impleri possit. 66.b
- 92 De distinctione proximi an ordo charitatis cadat sub præcepto 67. a
- 93 Quod sapientia est donū spiritus sancti. De subiecto eius, an sit speculatiua, vel practica. 67.b
- 94 Vtrum sapientiæ donum sine gratia haberi, possit, an etiam sit in omnibus gratiam habentibus, quæ beatitudo ei correspondeat 68.b
- 95 Quod stultitia opponitur sapientiæ, an sit peccatum, de quo capitali vitio oriatur. 69.a
- 96 De virtutibus cardinalibus, & primo de prudentia, Et an sit cognoscitiua singularium, an sit virtus specialis. 69.b
- 97 Quod prudentiæ non sit præstituire finem, sed mediū in virtutib⁹ moralibus, quod præcipere sit actus prudentiæ, quod etiam ad prudentiā pertinet in sollicitudo, Vtrum se extendat ad regimen multitudinis. 70.b
- 98 De speciebus prudentiæ, vtrum prudentia etiam sit in subditis, an inueniatur in hominibus malis 71.b
- 99 An prudentia insit omni

bus gratiā hñtibus, quomodo  
insit à natura, de modo amit  
tendi prudentiam. 72.a

100 De partibus prudentiæ.

71.a

101 Qualiter memoria sit ps  
integralis prudētiæ, qualiter  
intelligētiā, qualiter docilitas  
qualiter solertia. 73.b

102 Quomodo ratio sit pars  
prudētiæ, quomodo prudē  
tiā, quomodo circumspectio,  
quomodo cautio 74.b

103 De partibus subiectiuis  
prudētiæ, quibus multitudo  
gubernatur, de prudentia le  
gis positiva, De politica, De  
œconomica, De miliari. 75.b

104 De partibus potentiali  
bus prudētiæ, scilicet virtu  
tibus sibi adiunctis, quæ sunt  
Eubulia, Synesis, Gnom.

76.a

105 Quod consilium est do  
nū spūs scī, quod correspon  
deat virtuti prudētiæ, an ma  
neat in patria, quæ etiā beati  
tudo ei respondeat. 77.a

106 Qualiter imprudētiā est  
peccatū, & quomodo sit spe  
ciale peccatum, De præcipita  
tione seu temeritate. 78.a

107 De inconsideratione, de  
incōstantia, de prædictorum  
quoq; vitiorum origine. 78.b

108 An negligentia sit pec  
catum speciale, An mortale,  
Cui virtuti opponatur. 79.a

109 De peccato prudētiæ  
carnis, an sit speciale, An astu  
tia sit speciale peccatum, Do

dolo, De fraude, de sollicitu  
dine temporalium rerum, an  
liceat sollicitum esse in crasti  
num, De prædictorum vitio  
rum origine. 79.b

110 De præceptis pertinen  
tibus ad prudentiam, De his  
quæ pertinent ad vitia ei op  
posita. 81.a

111 De obiecto iustitiæ, de  
diuisione iuris, an ius genti  
um sit ius naturale, De distin  
ctione iuris dominatiui &  
paterni. 81.b

112 De diffinitione iustitiæ,  
An sit semper ad alterum, V  
trum etiam sit virtus, de sub  
iecto ipsius iustitiæ. 82.b

113 An iustitia sit virtus ge  
neralis, an in quantum gene  
ralis sit idem cum omni vir  
tute, de iustitia quoque par  
ticulari, de eius materia. 83.b

114 De obiecto iustitiæ, De  
medio eius, de actu ipsius, de  
eius dignitate excellentia  
que. 84.b

115 An iniustitia sit vitium  
speciale, an iniusta agere sit  
proprium iniusto, An aliquis  
possit pati iniustum nolens,  
An iniustitia ex suo genere  
sit peccatum mortale. 85.a

116 Quod iudicium est a  
ctus iustitiæ, an iudicare sit li  
citum, An etiam per suspica  
tiones sit iudicandum. 85.b

117 An dubia sint in melio  
rem partem interpretanda,  
An iudicium per leges scri  
ptas sit proferendum, an etiā

# SVMMAE FID. ORTHOD. INDEX

am iudicium per vsurpationem fiat peruersum. 86.b

118 De speciebus iustitiæ, & medio ac materia earum, An etiam iustum idem sit quod contra passum 87.b

119 De restitutione, an necesse sit ablatum restituere. Vtrum etiam multiplicatum oporteat restitui, an restituendum sit quod ablatum nō est. 88.b

120 An restituendum est ei à quo acceptum est. An eū qui accepit necesse sit reddere, vel alium aliquem, An etiam statim restitutio facienda sit 89.b

121 Quod personarum accipio sit peccatum, An locum habeat in dispensatione spiritaliū, an in exhibitione honorū, An & in iudiciis. 90.b

122 An liceat bruta occidere, An etiam peccatores occidere liceat, an priuatæ personæ, An clerico hoc licitum sit. 19.b

123 An liceat seipsum occidere, An hominem iustum, An alium defendendo seipsum, vtrū homicidium casuale sit peccatum mortale. 91.a

124 An mutilatio membri licita sit, an sit percussio serui & pueri, an incarceratio, De aggrauatione horum. 93.b

125 Vtrum exteriorum rerū possessio sit naturalis, an liceat aliquid tanquam propriū possidere, de furto & differē

tia rapinæ & furti, de peccato furti & rapinæ, An liceat propter necessitatem furari, de prędis bellatū, an grauius sit p̄c̄m furtū, an rapia. 94.a  
126 An aliquis iuste iudicare potest non sibi subiectū, An possit ferre sententiā cōtra veritatem quā nouit propterea ea quæ proponuntur, an etiam iudex dānare possit non accusatum, an possit p̄nam relaxare 95.b

127 An homo teneatur accusare, an accusatio sit faciēda in scriptis, Quomodo accusatio fiat vitiosa, de p̄na male accusantium. 96.b

128 An peccet homo mortaliter veritatē negans propter quam damnaretur, an se calūniose defendere liceat, vtrū liceat iudicium subterfugere appellando. An cōdemnatus per violentiam defensare possit. 97.b

129 An homo teneatur ad testimonium ferendum, An duorum, vel trium testimoniū sufficiat, cur etiam à testimonio aliq̄s repellatur, vtrū falsum testimoniū perhibere sit peccatum mortale. 98.b

130 Vtrū aduocatus tenetur pręstare patrocinium causę pauperū, an etiā aliq̄s arcēd<sup>9</sup> est ab aduocati officio, an aduocatus peccet causā iniustā defendēs, an peccet pecunia p̄ suo patrocinio sumēs. 99.b

131 Quid sit cōtumelia, an sit



semp peccatū mortale, an oporteat cōtumeliosos rep̄mere, de causa cōtumelię. 100.b  
 132 Quid sit detractio, an sit peccatū mortale, de cōparatione ei⁹ ad alia vitia, vtrū de tractionē audiēs peccet. 101.a  
 133 De distinctione susurrationis & detractiois, vtrum horum sit grauius. De distinctione irrisiois ab alijs vitiis De derisione 102.b  
 134 An liceat maledicere homini, an irrationali creaturæ vtrum maledictio sit peccatū mortale, de cōparatione eius ad alia vitia 103.a  
 135 Vtrum liceat aliquid vendere pluri quā valeret, de iniusta vēditioe ex pater rei vēditæ, an liceat negotiando rē pluri vēdere q̄ est ēpta. 104.a  
 136 De vsura, an licet quantumq; recōpensationē accipere pro mutuo, vtrū etiā homo tenetur restituere quod de pecunia vsuraria iusto lucro lucratus est, an liceat accipere mutuo pecuniā sub vsura 105.a  
 137 De partibus integrali b⁹ iustitiæ, An trāsgressio sit speciale peccatum, an omisio sit speciale peccatū, de cōparatione quoq; earum. 106.b  
 138 De virtutibus iustitiæ annexis, scilicet de partibus potestatiuis. 107.a  
 139 An religio cōsistat in ordine ad deū, an sit virtus, An virtus vna, an sit specialis

virtus, an sit virtus theologi-  
 ca, An sit ceteris virtutibus moralibus dignior, vtrum habeat actus exteriores, An sit idem quod sanctitas 108.b  
 140 Vtrum deuotio sit specialis actus religionis, de causa quoq; deuotionis, De effectu ipsius. 109.a  
 141 Cuius potētiæ actus est oratio, an sit conueniens orare, vtrum oratio sit actus religionis, an solus deus orāsus sit. 110.a  
 142 An in oratione sit aliquid determinate petendum an tēporalia sint petenda, an pro alijs hominibus sit orandū, an etiā pro inimicis. 111.a  
 143 De septem petitionibus orationis dominicæ, an orare sit proprium rationali creaturæ, vtrum sancti in patria orent pro nobis, an oratio debeat esse vocalis. 111.b  
 144 Vtrum attritio requiratur ad orationē, an oratio debeat esse diuturna. Quomodo sit ad impetrandū idonea vtrum sit meritoria 112.b  
 145 De adoratione, an sit actus patriæ, an importet actū interiorem, vel exteriorē, an determinationem loci requiratur. 114.a  
 146 An offerre deo sacrificium sit de lege naturæ, an soli deo sit offerendum, vtrum offerre sacrificium sit actus specialis virtutis, an omnes ad offerendum sacrificium teneant

- 147 Vtrū oblationes aliquæ cadunt sub præcepto, quibus debeantur oblationes, de quibus rebus fieri debeant, vtrū ad oblationes primitiarū hō ex necessitate teneatur. 115.b
- 148 An hō ex præcepto teneatur soluere decimas, de quibus rebus sint decimæ dandæ quibus dandæ sint, quibus cōpetat eas dare 116.b
- 149 Quid sit votū. Quid cadat sub voto, De obligatione voti, de utilitate vouēdi. 117.b
- 150 Cuius virtutis votum sit actus, vtrū ex voto facere sit magis meritorium, de solennitate voti, an possint vouere qui aliorū potestati subduntur. 118.b
- 151 An pueri se obligare possunt voto ad religionis ingressum inuitis parentibus, an votū sit dispensabile, vel cōmutabile, vtrū in solēni voto cōtinētiæ possit dispēdari, an etiā in dispēstatione voti exigatur superioris autoritas. 119.b
- 152 Quid sit iuramentum, an sit licitum, de comitibus iuramenti, cuius virtutis actus sit iuramentum 120.b
- 153 De frequentatione iuramenti, an liceat per creaturas iurare, an iuramentū sit obligatoriū, an āplius obliget iuramentum, vel votum 121.b
- 154 De dispensatione iuramenti, de impedimento eius ex parte personæ iurantis, vtrū etiā licitū sit adiurare homines, vtrū dæmones, an irrationales creaturas 122.b
- 155 An deus sit ore laudāndus & vtrum laudibus dei adhibendus sit cantus 124.a
- 156 De superstitione, de speciebus eius, an etiam in cultu dei esse possit aliqd perniciosū, An aliqd superfluū. 124.b
- 157 De idolo atri, an sit peccatum grauiissimum, de causa huius peccati. 125.a
- 158 Vtrum diuination sit peccatum, an sit species superstitionis, de speciebus diuinationis, de diuinatione quæ fit per dæmones 126.b
- 159 De diuinatione quæ fit per astra, de diuinatione quæ fit per somnia, de ea quæ fit per auguria, de diuinatione per sortes 127.b
- 160 Vtrum obseruātia artis notoriæ, vel ad corporū immutationē ordinatæ, vel etiā ad præcognoscendū quādā fortuna seu infortunia liceat de suspensione quoq; sacrōrū verborum ad colla hominū, an licita sint. 129.b
- 161 In quo consistat tētatio dei, an sit peccatū, cui virtuti opponatur, de cōparatione eius ad alia peccata 130.b
- 162 An falsitas requiratur ad periuriū, de peccato periurij an peccet qui periuro iuramentum iniungit. 131.b
- 163 Quid est sacrilegiū, an sit speciale peccatum, de specie-

bus eius, de pœna ipsius.

132.a

164 Quid sit Simonia, an liceat pro sacramentis pecuniā sumere, an pro spiritualibus actibus.

133.a

165 Vtrum videri liceat annexa spiritualibus, an solum munus à manu Simoniacum facit, de pœna quoque Simoniacorum.

134.b

166 Ad quos extendat se pietas. Quid ipsa exhibeat, an sit spiritualis virtus, vtrum religionis obtentu sit prætermittendum pietatis officium.

135.a

167 Quod obseruantia sit virtus specialis, quid alteri exhibeat, de comparatione ipsius ad pietatem.

136.b

168 An honor sit aliquid spirituale, vel corporale, an debeat solis superioribus, An dubia sit virtus specialis, an à latría distinguatur per species.

137.a

169 An homo debeat obedire homini, an obedientia sit virtus specialis, de comparatione ei⁹ ad alias virtutes, an inobedientia sit maximum vitiorum.

138.a

170 Vtrum sit deo in omnibus obediendum, an subditi teneantur suis superioribus obedire in omnibus, an christiani teneantur obedire secularibus potestatibus.

138.b

171 An. gratitudo sit virtus specialis, vtrum magis regra-

tiari teneatur peccator, vel innocens, an semper teneatur homo regratiari omni benefactori, vtrum gratiarū retributio sit differenda, Secundu quid sit mensuranda, an aliquid maius oporteat respondere.

140.a

172 Vtrum ingratitude sit peccatum speciale, an mortale, an ingrato sint beneficia subtrahenda.

141.a

173 An vindicatio sit licita, an sit virtus specialis, de modo vindicandi, In quos sit exercenda vindicta.

141.b

174 Vtrum veritas sit virtus specialis, an sit pars iustitiæ, an magis declinet ad minus.

142.b

175 Quod mendacium veritati opponitur, de speciebus mendacij, an sit semper peccatum, an sit peccatum mortale.

143.b

176 Vtrum omnis simulatio sit peccatum, An hypocrisis sit simulatio, An opponatur veritati, an sit mortale peccatum.

145.a

177 Cui virtuti contrarietur iactantia, An sit peccatum mortale, An etiam ironia sit peccatum, de comparatione eius ad iactantiam.

145.b

178 An amicitia seu affabilitas sit virtus specialis, An sit pars iustitiæ, vtrum adulatio sit peccatum mortale de ligio.

146.b

179 An liberalitas sit virtus  
de eius materia, de actu ipsi  
quid magis ad eam pertineat  
vtrum sit pars iustitię, de com  
paratione eius ad alias virtu  
tes 147.b

180 An avaritia sit peccatū,  
ā sit peccatū speciale. Cui vir  
tuti opponatur, an sit morta  
le peccatū, an sit peccatū gra  
uissimū, an sit peccatū carna  
le vel spirituale, an sit vitiū ca  
pitale, Ac de filiab<sup>9</sup> ei<sup>9</sup>. 148.b

181 De pdigalitate, an sit pe  
ior quā avaritia, de hepikēia  
quoq; , ā sit pars iustitię 149.b

181 An pietas sit donū sancti  
spirit<sup>9</sup>, Quid sibi in beatitudi  
nib<sup>9</sup> & fructibus correspon  
deat 150.a

183 Vtrū pręcepta decalogi  
sint pręcepta iustitię. De pri  
mo pręcepto, de secundo, de  
tercio, de 4. de aliis sex. 150.b

184 An fortitudo sit virt<sup>9</sup>, an  
sit virtus specialis, de materia  
eius, an sit solū circa timorem  
mortis, an in reb<sup>9</sup> bellicis, v  
trum sustinere sit actus eius  
pręcipuus. 152.b

185 Vtrū fortitudo agat pro  
pter pprīū bonum, an habeat  
delectatiōē in suo actu, an cō  
sistat maxime in repētinis, an  
utatur ira, an sit virtus card  
nalis, de cōparatione eius ad  
alias virtutes 155.b

185 De martyrio, Cuius vir  
tutis sit actus, de perfectione  
martyrij, de pœna eius, de  
causā quoque ipsius 154.b

187 An timor sit peccatum,  
an contrarietur fortitudini,  
an sit peccatum mortale, an  
sit peccati diminutiuus. 155.b

188 De intimiditate, quod  
sit peccatum, quod fortitudi  
ni contrarietur, de audacia,  
quod sit vitium. Quod forti  
tudini opponatur 156.a

189 De partibus fortitudinis  
an magnanimitas sit circa ho  
nores, an sit solum circa ma  
gnos honores, an sit virt<sup>9</sup> spe  
cialis 156.b

190 An magnanimitas sit  
pars fortitudinis, de compa  
ratione ipsius ad fiduciā, de  
comparatione eius ad secu  
ritatem, de cōparatione ma  
gnanimitatis ad alia bona  
fortunę 158.a

191 De pręsumptione, Cui  
virtuti opponatur, de ambi  
tione, Cui virtuti contrarie  
tur 159.a

123 An appetitus glorię sit  
peccatum, an sit peccatum  
mortale, an capitale, de filia  
bus inanis glorię 159.b

193 De pusillanimitate, Cui  
virtuti opponatur 161.a

194 An magnificētia sit vir  
tus specialis, de obiecto ipsi  
us, & an sit pars fortitudinis  
de vitiis sibi oppositis. 161.b

195 An patientia sit virtibus  
an sit maxima virtutum, an si  
ne gratia possit haberi, an sit  
pars fortitudinis, an sit idem

- quod longanimitas 162.a  
 196 An perseverantia sit virtus, an sit pars fortitudinis, quomodo se habeat ad constantiam, vtrum indigeat auxilio gratiae 163.a  
 197 An fortitudo sit donum quid ei in beatitudinibus & fructibus correspondeat, de praeceptis fortitudinis, de praeceptis partium eius. 163.b  
 198 An temperantia sit virtus, an sit sp̄alis de obiecto temperantiae, de regula eius, vtrū sit virtus cardinalis, an virtutum potissima 164.a  
 199 Vtrum insensibilitas sit peccatum, an intemperantia sit vitium puerile, de comparatione eius ad timiditatem. An intemperantiae vitium sit maxime opprobriosum. 165.b  
 200 De partibus temperantiae, an verecundia sit virtus, de quibus sit verecundia, à quibus homo verecundetur, quorum sit verecundia. 166.a  
 201 De comparatione honestatis ad virtutem, ad decorē, ad vtile & delectabile, à sit pars temperantiae, &c. 167.b  
 202 An ieiunium sit actus virtutis, cuius virtutis sit actus, an cadat sub praecepto, an aliqui ab hoc praecepto excusentur 168.a  
 203 De tempore ieiunij, an semel cōcedere, requiratur ad ieiunium, de hora comestitionis ieiunantium. de cibis à quibus abstinent 168.b  
 204 Angula sit peccatum: an mortale, an gravissimum, de gula speciebus, an sit vitium capitale, de filiabus eius. 169.b  
 205 De meteria sobrietatis, an sobrietas sit virtus specialis, an vsus vini sit licitus, quibus cōueniat sobrietas. 170.b  
 206 An ebrietas sit peccatum, an mortale, an gravissimum, an à peccato excuset 171.a  
 207 Vtrum castitas sit virtus an sit virtus generalis, an distincta sit ab abstinencia, quomodo habeat se ad pudicitiam. 171.b  
 208 In quo consistat virginitas, an sit licita, an sit virtus, an sit matrimonio dignior, alijsq; virtutibus. 172.b  
 209 De obiecto luxuriae, an aliquis concubitus esse possit sine peccato, an luxuria sit vitium mortale, an capitale, de filiabus eius. 173.b  
 210 De diuisione partium luxuriae, vtrum fornicatio simplex sit peccatum mortale, an sit maximum peccatorum, an in tactibus, osculis &c. consistat peccatum mortale, an pollutio nocturna sit peccatum, de stupro. 174.a  
 211 De raptu, de adulterio, de incestu, de sacrilegio, de vitio cōtra naturā, de ordine grauitatis praedictorum. 175.b  
 212 Vtrū continentia sit virtus. de obiecto, & subiecto ipsius. de cōparatione eius ad temperantiam 176.a  
 213 An incontinentia perti-

eat ad corpus vel animam,  
an sit virtus. quomodo se ha-  
beat ad intemperantiā quis  
superior sit, incontinens iræ-  
vel incontinens concupis-  
centiæ 176.b

214 An mansuetudo & ele-  
mentia differant, an sint, vir-  
tutes, an temperantiæ partes.  
de comparatione earum ad  
alias virtutes 177.a

215 An irasci sit licitum, an  
ira sit peccatum, an peccatū  
mortale, an sit grauissimū. de  
speciebus eius, an sit vitium  
capitale. de filiabus ipsius de  
opposito vitio 177.b

216 Quod crudelitas oppo-  
nitur clementiæ. quomodo  
se habeat ad feritatem seu sa-  
uitiā. quod modestia est pars  
temperantiæ. de obiecto mo-  
destiæ 179.a

217 Vtrum humilitas sit vir-  
tus. de subiecto eius, an humi-  
litas debeat se omnibus subii-  
cere, an sit pars modestiæ,  
quomodo se habeat ad alias  
virtutes de gradibus humilita-  
tis 179.b

218 An superbia sit peccatū  
an speciale sit vitium, de sub-  
iecto, eius de speciebus super-  
biæ, an sit peccatum mortale  
an sit maximū. de cōparatiōe  
supbiæ ad alia vitia, &c. 180.b

219 An peccatum primi ho-  
minis fuerit superbia. quid A-  
dā peccādo appetiit, de gra-  
uitate peccati Adæ, an magis  
peccauit quā Eva 181.b

220 De mortale, de aliis pec-  
nis consequutis &c. 182.b

221 De studiositate. de curi-  
ositate. vbi locū habeat &c.  
183.b

222 An circa motus exte-  
res sit virtus, an in ludis sit  
virtus. de vitio & superfluita-  
te ludi &c. 184.a

223 De virtute quæ est circa  
exteriore apparatus, an mu-  
lieres peccent in ornatu su-  
perfluo, de præceptis tēperā-  
tiæ & partiū eius 184.a

224 De his quæ specialiter  
pertinet ad aliquos homines,  
an prophetia ad cognitionē  
pertineat, an sit habitus, an sit  
tātū futurorū contingētium,  
an omnia noscat, ā discernat  
ea quæ diuinitus scit ab alijs  
ā possit ei subesse falsū. 185.b

225 An prophetia sit natura-  
lis, an sit mediantibus angelis  
an requiratur ad eam disposi-  
tio naturalis, an bonitas mo-  
rum, an sit aliqua prophetia à  
dæmonibus. Vtrum prophete  
dæmonum aliquando dicant  
verum 186.b

226 An prophetæ videant  
dei essentiam, an cognitio de  
Christo prophetalis fiat per  
influentiam specierū, vel lu-  
minis tantum, an sit semper  
cum alienatione à sensibili-  
bus, an prophetia sit semper  
cum cognitione eorum quæ  
prophetantur 187.a

227 De diuisione prophe-  
tiæ, an sit aliqua altior quā

imaginaría . De diuersitate graduū eius, an Moyses fuerit eximius pphetarū, an aliquis cōprehēsor possit esse ppheta, an prophetia creuerit secundum temporum interualla 188.a

228 An aīa hominis rapiatur ad diuina, ad quā potentiam pertineat raptus, an Paul⁹ in raptu vidit diuinā essentiam, an fuerit alienatus à sensibilibus, an aīa ei⁹ p tunc fuerit à corpore separata, qd circa hoc sciuit & ignorauit. 189.a

229 Vtrū per gratiā linguarū deī homini omniū linguarū scientia, de cōparatione huius doni ad pphetiam, an etiam in sermōe cōsistat gratia gratis data, quibus hæc gratia competat 190.a

230 De gratia miraculorum, quibus cōueniat, de diuisione vitæ in vitam actiuam & contemplatiuam. 191.a

231 Ad quā potentiā animæ pertineat vita contrēplatiua. Vtrū virtutes morales requirātur ad eā, an cōsistat solum in vno actu, an qualibet cōsideratio veritatis spectet ad eā an possit ad visionem diuinæ essētiæ eleuari, de motib⁹ cōtrēplariōis secundum Dionysiam, de eius delectatione, de duratione ipsius. 191.b

232 Vtrū virtutes morales ad vitā actiuā pertineāt, an prudētia, an doctrina ad vitā actiuam pertineat, de duratio

ne ipsius 192.b  
233 Vtra vita sit dignior, cōtrēplatiua vel actiua. Vtra maioris meriti, an actiua cōtrēplatiuā impediāt, de ordine vtriusque 193.a

234 Quid faciat in hoīb⁹ statū. Vtrū diuersi stat⁹ ac diuersa officia esse in hoīb⁹ debeāt de differētia officiorū, de differētia statuum 193.b

235 Vtrū pfectio attēdat secundū charitatē: an possit homo in presenti esse perfect⁹. In quo magis cōsistat pfectio an omnis perfectus sit in statu perfectionis 194.b

236 An plati & religiosi sint ī statu pfectiōis, an oēs praelati sint in illo, quorū status sit pfectior, episcoporum vel religiosorum, de cōparatiōe quæque religiosorū ad plebanos & archidiaconos 195.a

237 An liceat episcopatū appetere, an finaliter recusare, an oporteat ad episcopatū eligere meliorē, an liceat episcopo religionē intrare. 195.b

238 An liceat episcopo propter persequeutionē gregē relinquere, an possit habere propriū, An peccet mortaliter bona ecclesiastica pauperib⁹ erogādo, An religiosi facti episcopi teneātur seruare obseruantias regulares. 196.b

239 An status religiosorum sit perfectus, An religiosi teneantur ad omnia consilia. Vtrum voluntaria paupertas



requirat ad religionē, an cō-  
nētia, an obedientia. 197. a  
40 Vtrum oportet hęc tria  
ab voto cadere. De sufficien-  
tia horū votorū. De cōpara-  
tione eorū adinuicē, an reli-  
giosus semper mortaliter pec-  
et regulæ suæ statutū tran-  
sēns. An cæteris parib⁹ plus  
eccet in eodē genere culpæ  
religiosus quā secularis. 198. a  
42 An liceat religiosis do-  
cere, prædicare, & similia fa-  
cere, an secularibus reb⁹ sese  
promittere debeāt, an teneā-  
tur manib⁹ opari, an possint  
de elemosynis viuere, an mē-  
dicare ipsis liceat, An viliora  
estimenta portare 198. a  
42 An sit tātū vna religio,  
vel plures. An possit institui  
aliqua religio ad opera vitæ  
& iuæ. An ad bella gerenda,  
An ad prædicandum vel ad  
studium scientiæ 198. b  
43 An religio ad contēpla-

tiuam vitam ordinata, sit po-  
tior. An habere aliquid in cō-  
muni diminuatur de perfectio-  
ne religionis, an religio soli-  
tariorū sit præferēda religio-  
ni in societate viuētū. 199. b  
244 An nondū exercitati in  
præceptis dei, debeāt religio-  
nē īgredi, an liceat aliquē vo-  
to obligare ad religiōis īgres-  
sum. Et an sic obligati, teneā-  
tur intrare, an vouentes reli-  
gionem intrare, teneantur in  
ea perpetuo remanere. An  
pueri sint recipiendi. 200. a  
245 An ppter parentū obse-  
quiū retrahi debeat hō à reli-  
giōis īgressu. An presbyteri,  
curati, vel archidiaconi pos-  
sint īgredi claustrū. An possit  
aliquis de vna religiōe trāsire  
ad aliā, an aliquis debeat aliū  
ad religionis īgressum īduce-  
re, an requirat magna delibe-  
ratio cū cognatis atq; amicis  
ad religiōis īgressum. 201. a

## INDEX QVARTI LIBRI.

**P**ROCEMIŪ: Beatus ho-  
mo qui inuenit sapiē-  
tiam, & qui affluit pru-  
dentia 202. a  
1 Vtrum conueniens fue-  
rit deum incarnari, an fue-  
rit necessarium ad redimen-  
dum genus humanū, an deus  
carnem assumpturus fuisset,  
non existente peccato. 202. b  
2 An deus principalius in-  
carnatus sit ad tollendū pec-

catum originale vel actuale.  
Cur nō sit incarnatus in prin-  
cipio mundi, nec in termino  
eius 203. a

3 An vnio verbi incarnati  
sit facta in natura, an sit fa-  
cta in persona, an etiā in sup-  
posito vel hypostasi, an perso-  
na Christi sit cōposita 203. b

4 An in Christo sit aliqua  
vnio animæ & corporis, An  
natura humana sit verbo ac-

## ARTICVLO. ET QVAESTIO.

cidentaliter vnita, an vnio  
ista sit quid creatum, an sit  
idem quod assumptio 204.b  
5 Vtrum vnio verbi cum ho-  
mine, sit maxima vnionum,  
an sit facta per gratiam, an  
merita eam præcesserunt, an  
gratia fuerit Christo homini  
naturalis 205.b

6 An assumere competat di-  
uinæ personæ, an conueniat  
diuinæ naturæ, an psona po-  
test assumere psonalitate ab-  
stracta, an vna persona po-  
test assumere sine alia. 205.b

7 An alia persona diuina  
quam filius possit assumere,  
an plures persone possint as-  
sumere vnā naturam nu-  
mero, vel vna persona duas  
naturas, cur magis conue-  
niat filio incarnari 207.a

8 An humana natura fuit  
magis à filio dei assumptibi-  
lis quàm aliqua alia natura,  
an verbum assumpserit per-  
sonam, an deus assumpserit  
hominem 207.b

9 Vtrum fuisset conueniēs,  
quod deus assumpsisset na-  
turā humanā separatā, vel in  
omnibus suis indiuiduis exi-  
stentē, vel in aliquo non pro  
creato ex primo parēte 208.a

10 An filius dei assumpse-  
rit verum corpus, an corpus  
terrenum, an animam & in-  
tellectum assumpserit 208.b

11 An verbum assumpserit  
carnem mediante anima, an  
animam mediante spiritu seu

mente, an anima fuerit ante  
corpus assumpta, an tota na-  
tura sit assumpta mediantibus  
partibus, an per gratiam  
facta sit vnio naturæ huma-  
næ cum verbo. 209.a

12 An in Christo fuerit gra-  
tia habitualis, an etiam vir-  
tutes, an fides, an spes, an do-  
na, an donum timoris. 210.a

13 An in Christo sint gratiæ  
gratis datæ, an prophetia, an  
plenitudo gratiæ, an talis ple-  
nitudo sit propria Christo, an  
gratia Christi sit infinita, an  
posset augeri, quomodo se  
habeat ad vnionem 211.a

14 An Christus sit caput Ec-  
clesiæ, an sit caput hominum  
secūdū corpus vel animā, an  
sit caput omniū hominū, an  
etiam angelorum 212.a

15 An gratia qua Christus est  
caput Ecclesiæ, sit eadē cum  
gratia habituali, an Christo  
sit propriū esse caput Eccle-  
siæ, an diabolus sit caput om-  
nium malorum, an etiam an-  
tichristus. 213.a

16 An Christus habuit scien-  
tiam præter diuinam, an ha-  
buit scientiā beatorū, an ha-  
buit scientiam inditā, an etiā  
acquisitam 213.b

17 An anima Christi cōpre-  
hendat diuinam essentiā, an  
omnia cognoscat in verbo,  
an agnoscat infinita, an cla-  
rius videat deū qualibet alia  
creatura. 214.b

18 An Christus per scientiā

infusam sciuit omnia, an po-  
uit ea uti sine cōuersione ad  
phantasmata, an hæc scientia  
fuit collatiua, quō se habuit  
ad cognitionem angelicam,  
an fuit habitualis & distincta  
per habitus. 215.a

9 An per scientiam experi-  
mentalem seu acquisitā Chri-  
stus omnia cognouit, an in ea  
profecit, &c. 216.a

10 An anima Christi habuit  
omnipotētiā quo ad immuta-  
tionē creaturārū, &c. 216.b

11 An Christ⁹ assumpsit cor-  
poris defectus, an necessita-  
tem quoq; subiacendi defe-  
ctibus talibus, an istos defe-  
ctus contraxit, Vtrum omnes  
assumpsit 217.a

12 An ī Christo fuerit p̄ctm,  
ignorantia, an passibilitas  
&c, an dolor sensibilis. 218.a

13 An in Christo fuerit tri-  
stia, an timor, an admira-  
tio, &c. 218.b

14 An sequētes p̄positiones  
sunt verae, Deus est hō, hō est  
Christus, Christus est hō domini  
s. An ea quæ cōueniūt filio  
p̄is, possint prædicari de fi-  
lio dei, & ecōtrario, an etiam  
cōueniūt naturæ diuinæ,  
& cōueniūt de natura humana, &  
contra in abstracto 219.b

15 An istæ p̄positiones sint  
vera. Filius dei factus est hō,  
hō factus est deus, ille hō  
(Christū demonstrando)  
cepit esse, vel fuit semper.  
Christus secundum quod hō

mo est creatura, Christus se-  
cundū quod homo est deus,  
Christus secundū quod hō est  
hypostasis vel persona. 220.b  
26 An Christus sit vnum vel  
duo. Vtrum in ipso sit dunta-  
taxat vnum esse 221.b

27 An distinguātur in Chri-  
sto voluntas diuina & huma-  
na, an in humanitate Christi  
sit alia volūtas rationis & alia  
sensualitatis, an ī ipso fuerūt  
plures voluntates rationis, an  
liberum arbitrium. An volun-  
tas humana fuit diuinæ con-  
formis per omnia, an erat in  
Christo aliqua voluntatū cō-  
trarietas 221.b

28 Vtrum in Christo sit vna  
vtriusq; naturæ operatio, an  
sit in eo tātū vna operatio se-  
cundū naturā humanā. Vtrū  
per operationē humanā ali-  
quid meruit sibi, an & nobis  
quid promeruit. 223.a

29 An Christ⁹ sit patri subie-  
ctus, an etiā sibiipsi 223.b

30 An Christo cōueniat ora-  
re, an orare competat sibi se-  
cundum suam sensualitatem,  
pro quibus sibi orare conue-  
niat, an omnis ei⁹ oratio fue-  
rit exaudita 224.a

31 An Christus sit sacerdos,  
an simul & hostia. De effectu  
sacerdotij eius. Ad quos effe-  
ctus hic p̄tineat. De æternita-  
te sacerdotij Christi. Quō di-  
catur sacerdos secundum or-  
dinem Melchisedech. 224.b

32 An deo cōpetat filios ado-

# ARTICVLO. ET QVAESTIO.

ptare, an soli patri hoc cōpetat, an homini p̄priū sit adoptari à deo. Vtrū Christus dici possit filius adoptiu⁹. 225. b

33 An christ⁹ sit p̄destinatus, an sit p̄destinat⁹ sc̄dm qđ hō, an p̄destinatio christi sit exēplar & causa nostrae p̄destinationis 226. b

34 An vna & eadē adoratio ne sit adorāda Christi diuinitas atq; humanitas, an adoratio patriae sit exhibēda carni Christi, imagini eius, cruci eius, & matri. De adoratione reliquiarū sanctorum. 227. a

35 An Christo sit proprium esse mediatorē dei & hōim, an hoc ei conueniat ratione naturae humanae 228. a

36 De sanctificatiōe matris Christi, an habuit gratiae plenitudinem, an caruit omni peccato Ibidem. a

37 An mater Christi fuit virgo in conceptu, an in partu, an post partum, an virginitatis votum emisit. Ibidem. b

38 An Christus debuit nasci de matre despōsata, an inter Mariam & Ioseph matrimonium verum fuit. 229. a

39 De annūciatiōe Marię de nūtio. Ordo annūciatiōis. ib. a

40 An caro christi fuit sūpta ex Adā, Abrahā & David. De genealogia christi. Cur de sœmina nasci elegerit. Ibidem. b

41 An Christi corpus sit de purissimis sanguinib⁹ Marię formatū, an caro Christi fuit

in antiquis patribus secundū aliquid signatū, an erat in eis p̄ctō subnoxia, an fuit decimata in mēbris Abrahę. 230. a

42 An spūssanctus fuit principiū actiuum in cōceptione Christi, an Christus sit de spū sancto conceptus, an spūssanctus possit dici pater Christi secundum carnem, an virgo mater aliquid actiue egit in Christi conceptione 231. a

43 An corpus Christi in primo instanti cōceptionis fuit formatum, an animatum, an assumptum, an illa conceptio erat miraculosa 231. b

44 An Christus in primo cōceptionis instanti fuit sanctificatus per gratiam, an habens vsū liberi arbitrij, petens mereri, an fuit in illo instanti comprehensor 232. a

45 An natiuitas sit naturae vel psonae, an in Christo fuerint duę natiuitates, quod virgo Maria est mater Christi & genitrix dei, an Christus sit filius dei & hominis secundum duas filiationes, de modo, loco & tempore natiuitatis Christi 232. b

46 An Christi natiuitas debuit manifestari omnib⁹, vel solum aliquibus, quibus manifestari debuerit, quomodo seu per quos, de ordine quoque huius manifestationis, de stella, de veneratione Magorum 233. b

47 De Christi circuncisione

# SVMMAE FID. ORTHOD. INDEX.

de appellatione, de oblatione, de matris eius purgatione. 234. b

8 De baptismo Ioannis, qđ uenit à deo, an contulit gratiā, an alij prater Christū ab ipso debebāt baptizari. De cessione huius baptismi, an baptizati baptismo Ioannis, re-baptizandi erant baptismate Christi. 235. a

9 An christus debuit baptizari, an à Ioāne baptizari debuit. De tēpore quo est baptizatus. De loco illius baptismi. De apertione cœli. De spiritu sancto in specie colūbæ per Christum descendēte. De voce patris super Christum: Hic est, &c. 235. a

An Christus debuit ducere uitā solitariā, an austeram, an abiectam, an secundū veterem legem. 237. a

An cōueniēs fuit Christū tentari. De loco quo tentatus est. De tempore huius tentationis. De modo tentationū. De ordine earum 237. b

An Christus debuit solum Iudæis prædicare, an deinde eorum turbationem uincere, an debuit publice prædicare, an debuit verbo vel scripto docere. 238. a

An Christus debuit miracula facere, qua uirtute ea fecit, quo tēpore incepit, an per miracula talia sufficiēter ostēdit eius diuinitas. 238. b

De miraculis Christi cir-

ca spūales substantias, Circa cœlestia corpora, Circa homines, Circa irrationabilia 239. a

55 De trāsfiguratiōe Christi, An claritas illa fuit dos aīæ. De testibus transfigurationis. De testimonio patris. 240. b

56 Vtrum necesse fuit Christum pati pro mūdi salute, an possibilis fuit alius modus liberationis. An ille modus fuit cōuenientior, An in cruce cōueniens erat Christum pati, de generalitate passiōis Christi. An maxima fuit 241. a

57 An tota aīa Christi patiebatur, an passio eius gaudiū fruitionis impediuit. De tempore quo passus est. De loco passionis, Cur inter latrones suspensus sit Christus. An passio eius est diuinitati attribuenta 242. a

58 An Christus à seipso vel ab alijs occisus sit. Cur passioni se tradiderit 243. b

59 Cur Christus à gentibus passus sit. An occisores eius eum nouerunt. De grauitate excessus eorum. 244. a

60 An passio Christi sit causa nostræ salutis per modum meriti, &c. Ibidem. b

61 Quod p Christi passionē redēpti sumus à peccatō. 845. a

62 Quod per Christi passionem deo reconciliati sumus, quod etiam per eam ianua regni aperta est Ibidem. b

63 Quod cōueniens erat Christū mori, an p mortē fue-

bus gratiā hñtibus, quomodo  
insit à natura, de modo amit  
tendi prudentiam. 72.a

100 De partibus prudentiæ.

73.a

101 Qualiter memoria sit ps  
integralis prudētiæ, qualiter  
intelligētia, qualiter docilitas  
qualiter solertia. 73.b

102 Quomodo ratio sit pars  
prudētiæ, quomodo prudē  
tia, quomodo circumspectio,  
quomodo cautio 74.b

103 De partibus subiectiuis  
prudētiæ, quibus multitudo  
gubernatur, de prudentia le  
gis positiva, De politica, De  
œconomica, De militari. 75.b

104 De partibus potentiali  
bus prudētiæ, scilicet virtu  
tibus sibi adiunctis, quæ sunt  
Eubulia, Synesis, Gnom.

76.a

105 Quod consilium est do  
nū spūs scī, quod correspon  
deat virtuti prudētiæ, an ma  
neat in patria, quæ etiā beati  
tudo ei respondeat. 77.a

106 Qualiter imprudētia est  
peccatū, & quomodo sit spe  
ciale peccatum, De præcipita  
tione seu temeritate. 78.a

107 De inconsideratione, de  
incōstantia, de prædictorum  
quoq; vitiorum origine. 78.b

108 An negligentia sit pec  
catum speciale, An mortale,  
Cui virtuti opponatur. 79.a

109 De peccato prudētiæ  
carnis, an sit speciale, An astu  
tia sit speciale peccatum, De

dolo, De fraude, de sollicitu  
dine temporalium rerum, an  
liceat sollicitum esse in crasti  
num, De prædictorum vitio  
rum origine. 79.b

110 De præceptis pertinen  
tibus ad prudentiam, De his  
quæ pertinent ad vitia ei op  
posita. 81.a

111 De obiecto iustitiæ, de  
diuisione iuris, an ius genti  
um sit ius naturale, De distin  
ctione iuris dominatiui &  
paterni. 81.b

112 De diffinitione iustitiæ,  
An sit semper ad alterum, V  
trum etiam sit virtus, de sub  
iecto ipsius iustitiæ. 82.b

113 An iustitia sit virtus ge  
neralis, an inquantum gene  
ralis sit idem cum omni vir  
tute, de iustitia quoque par  
ticulari, de eius materia. 83.b

114 De obiecto iustitiæ, De  
medio eius, de actu ipsius, de  
eius dignitate excellentia  
que. 84.b

115 An iniustitia sit vitium  
speciale, an iniusta agere sit  
proprium iniusto, An aliquis  
possit pati iniustum nolens,  
An iniustitia ex suo genere  
sit peccatum mortale. 85.a

116 Quod iudicium est a  
ctus iustitiæ, an indicare sit li  
citum, An etiam per suspica  
tiones sit iudicandum. 85.b

117 An dubia sint in melio  
rem partem interpretanda,  
An iudicium per leges scri  
ptas sit proferendum, an eti

iudicium per vsurpationem fiat peruersum. 86.b

De speciebus iustitiæ, & medio ac materia earum, An iniustum idem sit quod contra passum 87.b

De restitutione, an necesse sit ablatum restituere. Item etiam multiplicatum oporteat restitui, an restitutum sit quod ablatum non est. 88.b

An restituendum est ei à quo acceptum est. An eum qui cepit necesse sit reddere, an alium aliquem, An etiam restituio facienda sit 89.b

Quod personarum acceptum sit peccatum, An locum habeat in dispensatione spirituali, an in exhibitione honorum, An & in iudiciis. 90.b

An liceat bruta occidere. An etiam peccatores occidere liceat, an priuatae personae, An clerico hoc licitum 19.b

An liceat seipsum occidere, An hominem iustum, an alium defendendo seipsum, vtrum homicidium casuum sit peccatum mortale. 92.a

An mutilatio membri licita sit, an sit percussio serui pueri, an incarceration, De grauatione horum. 93.b

Vtrum exteriorum rerum possessio sit naturalis, an liceat aliquid tanquam proprium considerare, de furto & differre

tia rapinae & furti, de peccato furti & rapinae, An liceat propter necessitatem furari, de prædis bellatorum, an grauius sit proprium furtum, an rapina. 94.a  
126 An aliquis iuste iudicare potest non sibi subiectum, An possit ferre sententiam contra veritatem quam nouit propterea ea quae proponuntur, an etiam iudex danare possit non accusatum, an possit poenam relaxare 95.b

127 An homo teneatur accusare, an accusatio sit facienda in scriptis, Quomodo accusatio fiat vitiosa, de poena male accusantium. 96.b

128 An peccet homo mortaliter veritatem negans propter quam damnetur, an se calumniose defendere liceat, vtrum liceat iudicium subterfugere appellando. An condemnatus per violentiam defensare possit. 97.b

129 An homo teneatur ad testimonium ferendum, An duorum, vel trium testimonium sufficiat, cur etiam à testimonio aliquis repellatur, vtrum falsum testimonium perhibere sit peccatum mortale. 98.b

130 Vtrum aduocatus teneatur prestare patrocinium causae pauperum, an etiam aliquis accedens est ab aduocati officio, an aduocatus peccet causam iniustam defendens, an peccet pecunia pro suo patrocinio sumens. 99.b

131 Quid sit cotumelia, an sit.



semp peccatū mortale, an o-  
 porteat cōtumeliosos rep̃me-  
 re, de causa cōtumelię. 100.b  
 132 Quid sit detractio, an sit  
 peccatū mortale, de cōpara-  
 tione ei⁹ ad alia vitia, utrū de  
 tractiōe audiēs peccet. 101.1  
 133 De distinctiōe susurra-  
 tionis & detractiōis, vtrum  
 horum sit grauius. De distin-  
 ctiōe irrisiōis ab aliis vitiis  
 De derisione 102.b  
 134 An liceat maledicere ho-  
 mini, an irrationali creaturæ  
 vtrum maledictio sit peccatū  
 mortale, de comparatione ei-  
 us ad alia vitia 103.a  
 135 Vtrum liceat aliquid ven-  
 dere pluri quā valet, de in-  
 iusta vēditōe ex pater rei vē-  
 ditæ, an liceat negociando rē  
 pluri vēdere q̃ est ēpta. 104.a  
 136 De vsura, an licet quan-  
 cumq; recōpensatiōē acci-  
 pere pro mutuo, utrū etiā ho-  
 mo tenetur restituere quod  
 de pecunia vsuraria iusto lu-  
 cro lucratus est, an liceat ac-  
 cipere mutuo pecuniā sub  
 vsura 105.a  
 137 De partibus integrali b⁹  
 iustitiæ, An trāsgressio sit spe-  
 ciale peccatum, an omisiō sit  
 speciale peccatū, de compara-  
 tione quoq; earum. 106.b  
 138 De virtutibus iustitiæ an  
 nexis, scilicet de partibus po-  
 testatiuis. 107.a  
 139 An religio cōsistat in or-  
 dine ad deū, an sit virtus, An  
 sit virtus yna, an sit specialis

virtus, an sit virtus theologi-  
 ca, An sit cæteris virtutibus  
 moralibus dignior, vtrum ha-  
 beat actus exteriores, An sit  
 idem quod sanctitas 108.b  
 140 Vtrum deuotio sit spe-  
 cialis actus religionis, de cau-  
 sa quoq; deuotionis, De effe-  
 ctu ipsius. 109.a  
 141 Cuius potētie actus est  
 oratio, an sit conueniens ora-  
 re, vtrum oratio sit actus reli-  
 gionis, an solus deus orāsus  
 sit. 110.a  
 142 An in oratione sit ali-  
 quid determinate petendum  
 an tēporalia sint petenda, an  
 pro aliis hominibus sit oran-  
 dū, an etiā pro inimicis. 111.a  
 143 De septem petitionibus  
 orationis dominicæ, an ora-  
 re sit proprium rationali cre-  
 aturæ, vtrum sancti in patria  
 orent pro nobis, an oratio de-  
 beat esse vocalis. 111.b  
 144 Vtrum attentio requira-  
 tur ad orationē, an oratio de-  
 beat esse diuturna. Quomo-  
 do sit ad impetrandū idonea  
 vtrum sit meritoria 112.b  
 145 De adoratione, an sit a-  
 ctus patriæ, an importet actū  
 interiorem, vel exteriorē, an  
 determinationem loci requi-  
 rat. 114.a  
 146 An offerre deo sacrifici-  
 um sit de lege naturæ, an soli  
 deo sit offerendum, vtrum of-  
 ferre sacrificium sit actus spe-  
 cialis virtutis, an omnes ad of-  
 ferendum sacrificium tēnean

- 114.b  
7 Vtrū oblationes aliquæ  
sunt sub præcepto, quibus  
beantur oblationes, de qui-  
s rebus fieri debeant, vtrū  
oblationes primitiarū hō  
necessitate teneatur. 115.b  
8 An hō ex præcepto tene-  
r solvere decimas, de qui-  
s rebus sint decimæ dandæ  
bus dandæ sint, quibus cō-  
at eas dare 116.b  
9 Quid sit votū. Quid ca-  
sub voto, De obligatione  
i, de vtilitate vouēdi. 117.b  
10 Cuius virtutis votum sit  
is, vtrū ex voto facere sit  
is meritorium, de solen-  
te voti, an possint vouere  
aliorū potestati subdun-  
118.b  
11 An pueri se obligare pos-  
voto ad religionis ingres-  
sū inuitis parentibus, an vo-  
tū sit dispensabile, vel cōmu-  
ne, vtrū in solēni voto cō-  
tinenti possit dispēdari, an etiā  
dispensatione voti exigatur  
prioris autoritas. 119.b  
12 Quid sit iuramentum, an  
iuramentum, de comitibus iura-  
menti, cuius virtutis actus sit  
iuramentum 120.b  
13 De frequentatione iura-  
menti, an liceat per creaturas  
iurare, an iuramentū sit obli-  
gatoriuū, an āplius obliget iu-  
ramentum, vel votum 121.b  
14 De dispensatione iura-  
menti, de impedimento eius  
arte personæ iurantis, v-  
trū etiā licitū sit adiurare ho-  
mines, vtrū dæmones, an irra-  
tionales creaturas 122.b  
155 An deus sit ore laudā-  
dus & vtrum laudibus dei adhi-  
bendus sit cantus 124.a  
156 De superstitione, de spe-  
ciebus eius, an etiam in cultu  
dei esse possit aliqd pernicio-  
sū, An aliqd superfluū. 124.b  
157 De idolo'atri', an sit pec-  
catum grauiissimum, de causa  
huius peccati. 125.a  
158 Vtrum diuination sit pec-  
catum, an sit species supersti-  
tionis, de speciebus diuinati-  
onis, de diuinatione quæ fit  
per dæmones 126.b  
159 De diuinatione quæ fit  
per astra, de diuinatione quæ  
fit per somnia, de ea quæ fit  
per auguria, de diuinatione  
per sortes 127.b  
160 Vtrum obseruātia artis  
notoria, vel ad corporū im-  
mutationē ordinatā, vel etiā  
ad præcognoscendū quādā  
fortunia seu infortunia liceat  
de suspensione quoq; sacro-  
rū verborum ad colla homi-  
num, an licita sint. 129.b  
161 In quo consistat tētatio  
dei, an sit peccatū, cui virtuti  
opponatur, de cōparatione  
eius ad alia peccata 130.b  
162 An falsitas requiratur ad  
periuriū, de peccato periurij  
an peccet qui periuro iura-  
mentum iniungit. 131.b  
163 Quid est sacrilegiū, an sit  
speciale peccatum, de specie-

## ARTICVLO. ET

bus eius, de pœna ipsius.

132.a

164 Quid sit Simonia, an liceat pro sacramentis pecuniā sumere, an pro spiritualibus actibus.

133.a

165 Vtrum videri liceat annexa spiritualibus, an solum munus à manu Simoniacum facit, de pœna quoque Simoniacorum.

134.b

166 Ad quos extendat se pietas. Quid ipsa exhibeat, an sit spiritualis virtus, vtrum religionis obtentu sit prætermittendum pietatis officium.

135.a

167 Quod obseruantia sit virtus specialis, quid alteri exhibeat, de comparatione ipsius ad pietatem.

136.b

168 An honor sit aliquid spirituale, vel corporale, an debeat solis superioribus, An dubia sit virtus specialis, an à latría distinguatur per species.

137.a

169 An homo debeat obedire homini, an obedientia sit virtus specialis, de comparatione ei⁹ ad alias virtutes, an inobedientia sit maximum vitiorum.

138.a

170 Vtrum sit deo in omnibus obediendum, an subditi teneantur suis superioribus obedire in omnibus, an christiani teneantur obedire secularibus potestatibus.

138.b

171 An. gratitudo sit virtus specialis, vtrum magis regra-

## QVÆSTIONVM

uari teneatur peccator, vel innocens, an semper teneatur homo regratiari omni benefactori, vtrum gratiarū retributio sit differenda, Secundum quid sit mensuranda, an aliquid maius oporteat rependere.

140.a

172 Vtrum ingratitude sit peccatum speciale, an mortale, an ingrato sint beneficia subtrahenda.

141.a

173 An vindicatio sit licita, an sit virtus specialis, de modo vindicandi, In quos sit exercenda vindicta.

141.b

174 Vtrum veritas sit virtus specialis, an sit pars iustitiæ, an magis declinet ad minus.

142.b

175 Quod mendacium veritati opponitur, de speciebus mendacij, an sit semper peccatum, an sit peccatum mortale.

143.b

176 Vtrum omnis simulatio sit peccatum, An hypocrisis sit simulatio, An opponatur veritati, an sit mortale peccatum.

145.a

177 Cui virtuti contrarietur iactantia, An sit peccatum mortale, An etiam ironia sit peccatum, de comparatione eius ad iactantiam.

145.b

178 An amicitia seu affabilitas sit virtus specialis, An sit pars iustitiæ, vtrum adulatio sit peccatum mortale de ligio.

146.b

SVMMAE FID. ORTHOD. INDEX

19 An liberalitas sit virtus  
eius materia, de actu ipsi  
id magis ad eam pertineat  
rum sit pars iustitię, de com  
paratione eius ad alias virtu  
s 147.b  
20 An avaritia sit peccatū,  
sit peccatū speciale, Cui vir  
ti opponatur, an sit morta  
peccatū, an sit peccatū gra  
simū, an sit peccatū carna  
vel spirituale, an sit vitiū ca  
rale, Ac de filiab<sup>9</sup> ei<sup>9</sup>. 148.b  
21 De prodigalitate, an sit pe  
r quā avaritia, de hepikēia  
oq; , ā sit pars iustitię 149.b  
22 An pietas sit donū sancti  
rit<sup>9</sup>, Quid sibi in beatitudi  
b<sup>9</sup> & fructibus correspon  
eat 150.a  
23 Vtrū pręcepta decalogi  
at pręcepta iustitię. De pri  
o pręcepto, de secundo, de  
tio, de 4. de aliis sex. 150.b  
24 An fortitudo sit virt<sup>9</sup>, an  
virtus specialis, de materia  
us, an sit solū circa timorem  
mortis, an in reb<sup>9</sup> bellicis, v  
um sustinere sit actus eius  
rācipuus. 152.b  
25 Vtrū fortitudo agat pro  
er ppiū bonum, an habeat  
electatiōē in suo actu, an cō  
tat maxime in repētinis, an  
atur ira, an sit virtus card  
alis, de cōparatione eius ad  
ias virtutes 155.b  
26 De martyrio, Cuius vir  
tis sit actus, de perfectione  
martyrij, de pœna eius, de  
usa quoque ipsius 154.b

187 An timor sit peccatum,  
an contrarietur fortitudini,  
an sit peccatum mortale, an  
sit peccati diminutius. 155.b  
188 De intimiditate, quod  
sit peccatum, quod fortitudi  
ni contrarietur, de audacia,  
quod sit vitium. Quod forti  
tudini opponatur 156.a  
189 De partibus fortitudinis  
an magnanimitas sit circa ho  
nores, an sit solum circa ma  
gnos honores, an sit virt<sup>9</sup> spe  
cialis 156.b  
190 An magnanimitas sit  
pars fortitudinis, de compa  
ratione ipsius ad fiduciā, de  
comparatione eius ad secu  
ritatem, de comparatione ma  
gnanimitatis ad alia bona  
fortunę 158.a  
191 De pręsumptione, Cui  
virtuti opponatur, de ambi  
tione, Cui virtuti contrarie  
tur 159.a  
123 An appetitus glorię sit  
peccatum, an sit peccatum  
mortale, an capitale, de filia  
bus inanis glorię 159.b  
193 De pusillanimitate, Cui  
virtuti opponatur  
161.a  
194 An magnificētia sit vir  
tus specialis, de obiecto ipsi  
us, & an sit pars fortitudinis  
de vitiis sibi oppositis.  
161.b  
195 An patientia sit virtutibus  
an sit maxima virtutum, an si  
ne gratia possit haberi, an sit  
pars fortitudinis, an sit idem

quod longanimiras 162.a

196 An perseverantia sit virtus, an sit pars fortitudinis, quomodo se habeat ad constantiam, vtrum indigeat auxilio gratiae 163.a

197 An fortitudo sit donum quid ei in beatitudinibus & fructibus correspondeat, de praeceptis fortitudinis, de praeceptis partium eius. 163.b

198 An temperantia sit virtus, an sit sp̄alis de obiecto temperantiae, de regula eius, vtrum sit virtus cardinalis, an virtutum potissima 164.a

199 Vtrum insensibilitas sit peccatum, an intemperantia sit vitium puerile, de comparatione eius ad timiditatem. An intemperantiae vitium sit maxime opprobriosum. 165.b

200 De partibus temperantiae, an verecundia sit virtus, de quibus sit verecundia, a quibus homo verecundetur, quorum sit verecundia. 166.a

201 De comparatione honestatis ad virtutem, ad decorum, ad utile & delectabile, a sit pars temperantiae, &c. 167.b

202 An ieiunium sit actus virtutis, cuius virtutis sit actus, an cadat sub praecepto, an aliqui ab hoc praecepto excusentur 168.a

203 De tempore ieiunij, an semel concedere, requiratur ad ieiunium, de hora comestionis ieiunantium, de cibis a quibus abstinent 168.b

204 Angula sit peccatum: an mortale, an gravissimum, de gula speciebus, an sit vitium capitale, de filiabus eius. 169.b

205 De meteria sobrietatis, an sobrietas sit virtus specialis, an usus vini sit licitus, quibus conveniat sobrietas. 170.b

206 An ebrietas sit peccatum, an mortale, an gravissimum, an a peccato excuset 171.a

207 Vtrum castitas sit virtus an sit virtus generalis, an distincta sit ab abstinencia, quomodo habeat se ad pudicitiam. 171.b

208 In quo consistat virginitas, an sit licita, an sit virtus, an sit matrimonio dignior, a lijsq; virtutibus. 172.b

209 De obiecto luxuriae, an aliquis concubitus esse possit sine peccato, an luxuria sit vitium mortale, an capitale, de filiabus eius. 173.b

210 De diuisione partium luxuriae, vtrum fornicatio simplex sit peccatum mortale, an sit maximum peccatorum, an in tactibus, osculis &c. consistat peccatum mortale, an pollutio nocturna sit peccatum, de stupro. 174.a

211 De raptu, de adulterio de incestu, de sacrilegio, de vitio contra naturam, de ordine grauitatis praedictorum. 175.b

212 Vtrum continentia sit virtus, de obiecto, & subiecto ipsius, de comparatione eius ad temperantiam 176.a

213 An incontinentia perti-

ad corpus vel animam,  
ut virtus, quomodo se ha-  
beat ad intemperantiā quis  
pior sit, incontinens ir-  
incontinens concupis-  
ciæ

176.b

An mansuetudo & cle-  
mentia differant, an sint, vir-  
tes, an temperantiæ partes.  
comparatione earum ad  
virtutes

177.a

An irasci sit licitum, an  
peccatum, an peccatū  
mortale, an sit gravissimū, de  
effectibus eius, an sit vitium  
mortale: de filiabus ipsius de  
obscuro vitio

177.b

Quod crudelitas oppo-  
sit clementiæ. quomodo  
se habeat ad feritatem seu sæ-  
vitiam. quod modestia est pars  
temperantiæ, de obiecto mo-  
destiæ

179.a

Vtrum humilitas sit vir-  
tus subiecto eius, an humi-  
litas debeat se omnibus subii-  
cere, an sit pars modestiæ,  
quomodo se habeat ad alias  
virtutes de gradibus humilita-  
tis

179.b

An superbia sit peccatū  
mortale sit vitium, de sub-  
iecto eius de speciebus super-  
biæ an sit peccatum mortale  
et maximū, de cōparatiōe  
superbiæ ad alia vitia, &c. 180.b

An peccatum primi ho-  
minis fuerit superbia, quid A-  
dam peccādo appetiit, de gra-  
titudine peccati Adæ, an magis  
se habuit quā Eua

181.b

220 De mortale, de aliis pec-  
catis consequutis &c. 182.b

221 De studiositate, de curi-  
ositate, vbi locū habeat &c.  
183.b

222 An circa motus exterio-  
res sit virtus, an in ludis sit  
virtus, de vitio & superfluita-  
te ludi &c. 184.a

223 De virtute quæ est circa  
exteriorē apparatus, an mu-  
lieres peccent in ornatu su-  
perfluo, de præceptis temperā-  
tiæ & partiū eius 184.a

224 De his quæ specialiter  
pertinēt ad aliquos homines,  
an prophetia ad cognitionē  
pertineat, an sit habitus, an sit  
tātū futurorū contingētium,  
an omnia noscat, an discernat  
ea quæ diuinitus scit ab alijs  
an possit ei subesse falsū. 185.b

225 An prophetia sit natura-  
lis, an sit mediantibus angelis  
an requiratur ad eam disposi-  
tio naturalis, an bonitas mo-  
rum, an sit aliqua prophetia à  
dæmonibus. Vtrum prophete  
dæmonum aliquando dicant  
verum 186.b

226 An prophetæ videant  
dei essentiam, an cognitio de  
Christo prophetalis fiat per  
influētiā specierū, vel lu-  
minis tantum, an sit semper  
cum alienatione à sensibili-  
bus, an prophetia sit semper  
cum cognitione eorum quæ  
prophetantur 187.a

227 De diuisione prophe-  
tiæ, an sit aliqua altior quā

imagitaria. De diuersitate graduū eius, an Moses fuerit eximius pphetarū, an aliquis cōprehēsor possit esse ppheta, an prophetia creuerit secundum temporum interualla 188.a

228 An aīa hominis rapiatur ad diuina, ad quā potentiam pertineat raptus, an Paul⁹ in raptu vidit diuinā essentiam, an fuerit alienatus à sensibilibus, an aīa ei⁹ p tunc fuerit à corpore separata, qd circa hoc sciuit & ignorauit. 189.a

229 Vtrū per gratiā linguarū deī homini omniū linguarū scientia, de cōparatione huius doni ad pphetiam, an etiam in sermōe cōsistat gratia gratis data, quibus hæc gratia competat 190.a

230 De gratia miraculorum, quibus cōueniat, de diuisione vitæ in vitam actiuam & contemplatiuam. 191.a

231 Ad quā potentiā animæ pertineat vita contēplatiua. Vtrū virtutes morales requirātur ad eā, an cōsistat solum in vno actu, an qualibet cōsideratio veritatis spectet ad eā an possit ad visionem diuinæ essētiæ eleuari, de motib⁹ cōtēplariōis secundum Dionysiam, de eius delectatione, de duratione ipsius. 191.b

232 Vtrū virtutes morales ad vitā actiuā pertineāt, an prudētia, an doctrina ad vitā actiuam pertineat, de duratio

ne ipsius

192.b

233 Vtra vita sit dignior, cōtēplatiua vel actiua. Vtra maioris meriti, an actiua cōtēplatiuā impediat, de ordine vtri- usque 193.a

234 Quid faciat in hoīb⁹ statū. Vtrū diuersi stat⁹ ac diuersa officia esse in hoīb⁹ debeāt de differētia officiorū, de differētia statuum 193.b

235 Vtrū pfectio attēdat scūdū charitatē: an possit homo in præsenti esse perfect⁹. In quo magis cōsistat pfectio an omnis perfectus sit in statu perfectionis 194.b

236 An plati & religiosi sint ī statu pfectiōis, an oēs prælati sint in illo, quorū status sit pfectior, episcoporum vel religiosorum, de cōparatiōe quæque religiosorū ad plebanos & archidiaconos 195.a

237 An liceat episcopatū appetere, an finaliter recusare, an oporteat ad episcopatū elīgere meliorē, an liceat episcopo religionē intrare. 195.b

238 An liceat episcopo propter persecutionē gregē relinquere, an possit habere p-priū, An peccet mortaliter bona ecclesiastica pauperib⁹ erogādo, An religiosi facti episcopi teneātur seruare obseruantias regulares. 196.b

239 An status religiosorum sit perfectus, An religiosi teneantur ad omnia consilia. Vtrum voluntaria paupertas



uirat ad religionē, an cō-  
tia, an obedientia. 197. a  
Vtrum oportet hæc tria  
voto cadere. De sufficien-  
tiā votorū. De cōpara-  
tione eorū adinuicē, an reli-  
giosi semper mortaliter pec-  
cant regulæ suæ statutū tran-  
gredi. An cæteris parib⁹ plus  
et in eodē genere culpæ  
religiosus quā secularis. 198. a  
An liceat religiosis do-  
ctrinā prædicare, & similia fa-  
cere. An secularibus reb⁹ sese  
immittere debeāt, an teneā-  
tur operari, an possint  
elemosynis viuere, an mē-  
te ipsius liceat, An viliora  
munera portare 198. a  
An sit tātū vna religio,  
multæ. An possit institui  
vna religio ad opera vitæ  
directa. An ad bella gerenda,  
ad prædicandum vel ad  
studium scientiæ 198. b  
An religio ad contēpla-

tiuam vitam ordinata, sit po-  
tior. An habere aliquid in cō-  
muni diminuat de perfectio-  
ne religionis, an religio soli-  
tariorū sit præferēda religio-  
ni in societate viuētiū. 199. b  
244 An nondū exercitati in  
præceptis dei, debeāt religio-  
nē īgredi, an liceat aliquē vo-  
to obligare ad religiōis īgres-  
sum. Et an sic obligati, teneā-  
tur intrare, an vouentes reli-  
gionem intrare, teneantur in  
ea perpetuo remanere. An  
pueri sint recipiendi. 200. a  
245 An ppter parentū obse-  
quiū retrahi debeat hō à reli-  
giōis īgressu. An presbyteri,  
curati, vel archidiaconi pos-  
sint īgredi claustrū. An possit  
aliquis de vna religiōe trāsire  
ad aliā, an aliquis debeat aliū  
ad religionis īgressum īduce-  
re, an requirat magna delibe-  
ratio cū cognatis atq; amicis  
ad religiōis īgressum. 201. a

INDEX QVARTI LIBRI.

Roemius: Beatus ho-  
mo qui inuenit sapiē-  
tiam, & qui affluit pru-  
dentia 202. a  
Vtrum conueniens fue-  
rit incarnari, an fue-  
rit necessarium ad redimen-  
dum genus humanū, an deus  
in assumpturus fuisset,  
ante existentē peccato. 202. b  
An deus principaliter in-  
uentus sit ad tollendū pec-

catum originale vel actuale.  
Cur nō sit incarnatus in prin-  
cipio mundi, nec in termino  
eius 203. a  
3 An vnio verbi incarnati  
sit facta in natura, an sit fa-  
cta in persona, an etiā in sup-  
posito vel hypostasi, an perso-  
na Christi sit cōposita 203. b  
4 An in Christo sit aliqua  
vnio animæ & corporis, An  
natura humana sit verbo ac-

# ARTICVLO. ET QVAESTIO.

cidentaliter vnita, an vnio  
ista sit quid creatum, an sit  
idem quod assumptio 204.b  
5 Vtrum vnio verbi cum ho  
mine, sit maxima vnionum,  
an sit facta per gratiam, an  
merita eam præcesserunt, an  
gratia fuerit Christo homini  
naturalis 205.b  
6 An assumere competat di  
uinæ personæ, an conueniat  
diuinæ naturæ, an psona po  
test assumere psonalitate ab  
stracta, an vna persona po  
test assumere sine alia. 205.b  
7 An alia persona diuina  
quam filius possit assumere,  
an plures personæ possint as  
sumere vnā naturam nu  
mero, vel vna persona duas  
naturas, cur magis conue  
niat filio incarnari 207.a  
8 An humana natura fuit  
magis à filio dei assumptibi  
lis quàm aliqua alia natura,  
an verbum assumpserit per  
sonam, an deus assumpserit  
hominem 207.b  
9 Vtrum fuisset conueniēs,  
quod deus assumpsisset na  
turā humanā separatā, vel in  
omnibus suis indiuiduis exi  
stentē, vel in aliquo non pro  
creato ex primo parēte 208.a  
10 An filius dei assumpse  
rit verum corpus, an corpus  
terrenum, an animam & in  
tellectum assumpserit 208.b  
11 An verbum assumpserit  
carnem mediante anima, an  
animam mediante spiritu seu

mente, an anima fuerit ante  
corpus assumpta, an tota na  
tura sit assumpta medianti  
bus partibus, an per gratiam  
facta sit vnio naturæ huma  
næ cum verbo. 209.a  
12 An in Christo fuerit gra  
tia habitualis, an etiam vir  
tutes, an fides, an spes, an do  
na, an donum timoris. 210.a  
13 An in Christo sint gratiæ  
gratis datæ, an prophetia, an  
plenitudo gratiæ, an talis ple  
nitudo sit propria Christo, an  
gratia Christi sit infinita, an  
posset augeri, quomodo se  
habeat ad vnionem 211.a  
14 An Christus sit caput Ec  
clesiæ, an sit caput hominum  
secūdū corpus vel animā, an  
sit caput omnīū hominū, an  
etiam angelorum 212.a  
15 An gratia qua Christus est  
caput Ecclesiæ, sit eadē cum  
gratia habituali, an Christo  
sit propriū esse caput Eccle  
siæ, an diabolus sit caput om  
nium malorum, an etiam an  
tichristus. 213.a  
16 An Christus habuit scien  
tiam præter diuinā, an ha  
buit scientiā beatorū, an ha  
buit scientiam inditā, an etiā  
acquisitam 213.b  
17 An anima Christi cōpre  
hendat diuinā essentiā, an  
omnia cognoscat in verbo,  
an agnoscat iusfinita, an cla  
rius videat deū qualibet alia  
creatura. 214.b  
18 An Christus per scientiā

sciam sciuit omnia, an po-  
 ea uti sine cōuersione ad  
 atasmata, an hæc scientia  
 collatiua, quō se habuit  
 cognitionem angelicam,  
 ut habitualis & distincta  
 habitus. 215.a  
 an per scientiam experi-  
 alem seu acquisitā Chri-  
 omnia cognouit, an in ea  
 cit, &c. 216.a  
 an anima Christi habuit  
 potētiā quo ad immuta-  
 creaturarū, &c. 216.b  
 an Christ⁹ assumpsit cor  
 defectus, an necessita-  
 uoq; subiacendi defe-  
 talibus, an istos defe-  
 contraxit, Vtrum omnes  
 pfit 217.a  
 i Christo fuerit pām,  
 orantia, an passibilitas  
 dolor sensibilis. 218.a  
 an in Christo fuerit tri-  
 an timor, an admira-  
 218.b  
 sequētes ppositiones  
 ra, Deus est hō, hō est  
 Christus est hō domini  
 ea quæ cōueniūt filio  
 ossint prædicari de fi  
 & ecōtrario, an etiam  
 ueniūt naturę diuinę,  
 de natura humana, &  
 a in abstracto 219.b  
 istæ ppositiones sint  
 lius dei factus est hō,  
 actus est deus, ille ho-  
 ristū demonstrando)  
 esse, vel fuit semper.  
 s secundum quod ho

mo est creatura, Christus se-  
 cundū quod homo est deus,  
 Christus secūdū quod hō est  
 hypostasis vel persona. 220.b  
 26 An Christus sit vnum vel  
 duo. Vtrum in ipso sit dunta-  
 xat vnum esse 221.b  
 27 An distinguātur in Chri-  
 sto voluntas diuina & huma-  
 na, an in humanitate Christi  
 sit alia volūtas rationis & alia  
 sensualitatis, an i ipso fuerūt  
 plures voluntates rationis, an  
 liberum arbitrium. An volun-  
 tas humana fuit diuinæ con-  
 formis per omnia, an erat in  
 Christo aliqua voluntatū cō-  
 trarietas 221.b  
 28 Vtrum in Christo sit vna  
 vtriusq; naturæ operatio, an  
 sit in eo tātū vna operatio se-  
 cundū naturā humanā. Vtrū  
 per operationē humanā ali-  
 quid meruit sibi, an & nobis  
 quid promeruit. 223.a  
 29 An Christ⁹ sit patri subie-  
 ctus, an etiā sibi ipsi 223.b  
 30 An Christo cōueniat ora-  
 re, an orare competat sibi se-  
 cundum suam sensualitatem,  
 pro quibus sibi orare conue-  
 niat, an omnis ei⁹ oratio fue-  
 rit exaudita 224.a  
 31 An Christus sit sacerdos,  
 an simul & hostia. De effectu  
 sacerdotij eius. Ad quos effe-  
 ctus hic prineat. De æternita-  
 te sacerdotij Christi. Quō di-  
 catur sacerdos secundum or-  
 dinem Melchisedech. 224.b  
 32 An deo cōpetat filios ado

# ARTICVLO. ET QVAESTIO.

- ptare, an soli patri hoc cōpetat, an homini p̄priū sit adoptari à deo. Vtrū Christus dici possit filius adoptiu⁹. 225. b
- 33 An christ⁹ sit p̄destinatus, an sit p̄destinat⁹ scđm qđ hō, an p̄destinatio christi sit exēplar & causa nostræ p̄destinationis 226. b
- 34 An vna & eadē adoratio ne sit adorāda Christi diuinitas atq; humanitas, an adoratio patriæ sit exhibēda carni Christi, imagini eius, cruci eius, & matri. De adoratione reliquiarū sanctorum. 227. a
- 35 An Christo sit proprium esse mediatorē dei & hoīm, an hoc ei conueniat ratione naturæ humanæ 228. a
- 36 De sanctificatiōe matris Christi, an habuit gratiæ plenitudinem, an caruit omni peccato Ibidem. a
- 37 An mater Christi fuit virgo in conceptu, an in partu, an post partum, an virginitatis votum emisit. Ibidem. b
- 38 An Christus debuit nasci de matre despōsata, an inter Mariam & Ioseph matrimonium verum fuit. 229. a
- 39 De annūciatiōe Marię. de nūtio. Ordo annūciatiōis. ib. a
- 40 An caro christi fuit sūpra ex Adā, Abrahā & David. De genealogia christi. Cur de fce mina nasci elegerit. Ibidē. b
- 41 An Christi corpus sit de purissimis sanguinib⁹ Mariæ formatū, an caro Christi fuit in antiquis patribus secundū aliquid signatū, an erat in eis p̄ctō subnoxia, an fuit decimata in mēbris Abrahę. 230. a
- 42 An spūsanctus fuit principiu aēiuum in cōceptione Christi, an Christus sit de spū sancto conceptus, an spūsanctus possit dici pater Christi secundum carnem, an virgo mater aliquid aēiue egit in Christi conceptione 231. a
- 43 An corpus Christi in primo instanti cōceptionis fuit formatum, an animatum, an assumptum, an illa conceptio erat miraculosa 231. b
- 44 An Christus in primo cōceptionis instanti fuit sanctificatus per gratiam, an habens vsum liberi arbitrij, petens mereri, an fuit in illo instanti compræhensor 232. a
- 45 An natiuitas sit naturæ vel psonæ, an in Christo fuerint duę natiuitates, quod virgo Maria est mater Christi & genitrix dei, an Christus sit filius dei & hominis secundum duas filiationes, de modo, loco & tempore natiuitatis Christi 232. b
- 46 An Christi natiuitas debuit manifestari omnib⁹, vel solum aliquibus, quibus manifestari debuerit, quomodo seu per quos, de ordine quoque huius manifestationis, de stella, de veneratione Magorum 233. b
- 47 De Christi circuncisione

appellatione, de oblatione  
de matris eius purgatione  
234. b  
De baptismo Ioannis, quod  
à deo, an contulit gratiam,  
an prater Christum ab ipso  
debant baptizari. De cessante  
huius baptismi, an baptis-  
mus baptismi Ioannis, re-  
novandi erant baptismate  
Christi. 235. a  
An Christus debuit bap-  
tizari à Ioanne baptizari de-  
bit. De tempore quo est bap-  
tizatus. De loco illius bap-  
tismi. De aperture cœli. De spi-  
ritu sancto in specie columbæ  
descendente. De voce patris super Chri-  
stum. Hic est, &c. 235. a  
An Christus debuit ducere  
vitam solitariam, an austeram,  
an erectam, an secundum ve-  
terem legem. 237. a  
An conveniens fuit Christo  
tentari. De loco quo tentatus  
fuit. De tempore huius tenta-  
tionis. De modo tentationum.  
De fine earum. 237. b  
An Christus debuit so-  
lus prædicare, an de-  
betur turbationem vi-  
ci debuit publice præ-  
dicare, an debuit verbo vel  
scriptura docere. 238. a  
An Christus debuit mira-  
culis, qua virtute ea fe-  
cit. De tempore incipit, an per  
talia sufficienter ostē-  
ditur divinitas. 238. b  
De miraculis Christi cir-

ca spirituales substantias, Circa  
cœlestia corpora, Circa homines,  
Circa irrationabilia 239. a  
55 De transfiguratione Christi,  
An claritas illa fuit deus aīa.  
De testibus transfigurationis.  
De testimonio patris. 240. b  
56 Vtrum necesse fuit Chri-  
stum pati pro mundi salute, an  
possibilis fuit alius modus li-  
berationis. An ille modus fuit  
convenientior. An in cruce con-  
veniens erat Christum pati,  
de generalitate passionis Chri-  
sti. An maxima fuit 241. a  
57 An tota aīa Christi patie-  
batur, an passio eius gaudiū  
fruitionis impediuit. De tem-  
pore quo passus est. De loco  
passionis, Cur inter latrones  
sensus sit Christus. An  
passio eius est divinitati at-  
tribuenda 242. a  
58 An Christus à seipso vel  
ab alijs occisus sit. Cur passio  
ni se tradiderit 243. b  
59 Cur Christus à gentibus  
passus sit. An occisores eius  
eum noverunt. De gravitate  
excessus eorum. 244. a  
60 An passio Christi sit cau-  
sa nostræ salutis per modum  
meriti, &c. Ibidem. b  
61 Quod per Christi passionem  
redempti sumus à peccato. 845. a  
62 Quod per Christi passio-  
nem deo reconciliati sumus,  
quod etiam per eam ianua re-  
gni aperta est Ibidem. b  
63 Quod conveniens erat  
Christum mori, an per mortem fue-

# ARTICVLO. ET QVAESTIO.

rat separata ī eo vnio diuinitatis & carnis, an vnio quoq; diuinitatis & aīæ, &c. 246.a

64 An cōueniens fuit Christum sepeliri. An corpus Christi iacuit in sepulchro resolutum. De tempore quo fuit in sepulchro 247.a

65 An Christus ad infernum descendit. Ad quem infernum descendit Ibidem.b

66 An Christus liberauit sanctos patres de inferno, an etiam damnatos, an & pueros in originali peccato defunctos, an eos quoq; qui in purgatorio erant 248.a

67 De necessitate, De tempore. De ordine. De causa resurrectionis Christi Ibidem.b

68 Quare xps post resurrectionē habuit corp<sup>u</sup> verū 249.a

69 Quib<sup>us</sup> Christus post resurrectionem apparere debuit. Cur cū discipulis post resurrectionē cōuersatus sit. 250.a

70 An Christus ī alia effigie apparere debuit, an per argumenta probare debuit suam resurrectionē, de sufficiētia argumentorū illorum Ibidem.b

71 Quod resurrectio Christi sit causa nostræ resurrectionis, &c. 251.a

72 An cōueniēs fuit Christū ascendere secundum quā naturam ascendit, &c. Ibidem.b

73 Quod xps sedet ad dexterā patris, Secūdu quā naturā hoc ei cōueniat, an id sit proprium Christo 252.a

74 An Christo competit iudiciaria potestas, Secundum quā naturam conueniat ei. An meruit eam 252.b

75 An xpo cōueniat iudiciaria potestas ad oēs. An pręter pręsens iudiciū sit expectādū finale iudicium, &c. 253.a

75 An sacramētū sit ī gñe signi, an oē signū rei sacrę sit sacramētum, an sacramētū sit solū vnus rei signū. An sit signū qđ est res sensibilis. Ibi.b

77 An ad sacramenta requiratur determinata materia. An significatio quoque per verba, &c. 254.a

78 An sacramēta necessaria sint ad humanam salutem, an fuerunt necessaria ante peccatum, &c. 255.b

79 An sacramēta nouę legis sint causę gratiæ. An gratia sacramentalis aliquid addat super gratiā virtutum & donorum, &c. 256.a

80 An in sacramētis sit virt<sup>us</sup> gratiæ causatiua, qđ hęc virtus deriuat ā passiōe Christi. An sacramenta veteris legis gratiā causabant 256.b

81 An sacramenta causent characterem. Quid sit character. Cuius sit, De subiecto eius, &c. 257.b

82 An solus deus operet<sup>ur</sup> ītus in sacramētis. An institutio sacramentorū sit solum ā deo. De potestate Christi in sacramentis, An potuit illam alijs communicare. Vtrum malis

eniat potestas ministerij in  
 amentis. 258. b  
 An mali peccat sacramenta  
 fando, an angeli possunt ea  
 ministrare, &c. 259. a  
 De numero, De ordine, de  
 comparatione sacramentorum  
 inuicem, &c. 260. a  
 An baptismus sit ipsa ablutio  
 aqua. De institutione baptis-  
 mi, de materia baptismi, an re-  
 quiritur ad eam aqua simplex, de for-  
 ma sacramenti huius. 261. b  
 An possit dari baptismus in  
 nomine christi, an ad baptismum  
 requiratur immersio, &c. 262. b  
 De ritu, de diuisione, de co-  
 mparatione baptismatum. 263. b  
 Cuius sit dare baptismum, an  
 laicus eum conferre possit, an mu-  
 lier, an non baptizatus. 264. a  
 An plures simul possint ba-  
 ptizare eundem, an requiratur a-  
 liquis leuans baptizatum de sa-  
 cro fonte, &c. 264. b  
 Vtrum oes teneantur baptismum  
 recipere, an debeat differri, an  
 aliquis sine baptismo possit sal-  
 uari, an peccatores sint baptizan-  
 di, an eis baptizatis sit poeniten-  
 tia iniungenda, an ad baptismum  
 exigatur peccatorum confessio. 265. a  
 An in baptismo requiratur  
 intentio in recipiente, an etiam  
 fides, an pueri sint baptizandi,  
 an pueri iudeorum sint bapti-  
 zandi inuitis parentibus, An  
 pueri in utero materno sint ba-  
 ptizandi, an furiosi & amentes  
 baptizandi sint. 266. a

92 An per baptismum deleantur omnia peccata, an omnes quo-  
 que poenae, an poenalitates praesentis vitae, an etiam in eo con-  
 ferantur virtutes & gratiae, De  
 effectibus virtutum qui ascri-  
 buntur baptismi. 267. a  
 63 An in baptismi gratia & vir-  
 tutes paruulis conferantur, an ia-  
 nua regni aperiat, &c. 267. b  
 94 An circumcisio fuit praeparatiua  
 et figuratiua baptismi, de  
 institutione. De ritu. De effe-  
 ctibus circumcisionis. 268. a  
 95 An catechismus & exorcismus  
 baptismum precedere de-  
 beant, an ea quae in ipsis sunt  
 aliquid efficiant, &c. 269. a  
 96 An confirmatio sit sacramen-  
 tum. De materia eius, &c. Ibid. b  
 97 An confirmatio imprimat  
 characterem, an character co-  
 nfirmationis characterem baptis-  
 malem praesupponat, &c. 270. a  
 98 Cur sacramentum confir-  
 mationis detur in fronte, an o-  
 porreat esse aliquem qui teneat  
 confirmandum, &c. 271. a  
 99 Vtrum Eucharistia sit sacra-  
 mentum, an sit vnum vel plura  
 An sit de necessitate salutis. De  
 nominibus eius, &c. 272. a  
 100 De materia sacramenti Eucharistiae,  
 an requiratur ad eam  
 determinata quantitas, &c. 273. a  
 101 An aqua sit vino miscenda,  
 an aquae admixtio sit neces-  
 saria, &c. 274. b  
 102 Vtrum in hoc sacramento  
 sit verum corpus Christi & san-



# ARTICULO. ET QVAESTIO.

guis, an substantia panis & vini post consecrationem remaneant, an annihilentur, &c. 274.a

103 An post cōsecrationem forma substantialis panis permaneat, an conuersio hæc fiat in instanti, &c. 275.a

104 An totus Christus sit in hoc sacramēto, an totus sit sub qualibet specie, an sub qualibet parte specierum, &c. 275.b

105 An corpus Christi sit in hoc sacramēto localiter, an mobiliter, an visibiliter, &c. 276.b

106 An accidentia maneant sine subiecto in hoc sacramēto, an quantitas sit eorum subiectum, an illa accidentia possint immutare corpus extrinsecum, &c. 277.a

107 An ex formis seu speciebus sacramenti possit aliquid generari, An aliquis potest ex eis nutriri, de fractione panis consecrati, &c. ibidē.b

108 De forma huius sacramenti, de cōnuenientia formæ consecrationis corporis Christi, de cōnuenientia cōsecrationis sanguinis Christi, &c. 278.a

109 An huius sacramenti effectus sit collatio gratiæ, an adeptio gloriæ, an remissio quoque peccati mortalis. 279.b

110 An per hoc sacramentum tota pœna peccati dimittatur, an per ipsum homo à peccatis futuris præseruetur, &c. 280.a

111 De duplici modo manducandi hoc sacramentum, an soli ho-

mini competat manducare spiritualiter, &c. 280.b

112 De quantitate peccati māducantium indigne, An peccator ad hoc sacramentum accedens sit repellendus, &c. 281.a

113 An hoc sacramentū dādū sit nō habētibus vsum rōnis, an sit quotidie sumēdū, &c. 282.a

114 An Christus sumpsit proprium corpus & sanguinem, et dedit illud Iudæ, quale corpus dedit discip. &c. 283.a

115 An consecrare hoc sacramentum sit proprium sacerdoti, An plures possint eādē hostiam consecrare, an dispensatio huius sacramenti sit sacerdotis, &c. 283.b

116 An missa mali sacerdotis minus valeat quā boni, an hæretici, schismatici, vel excommunicati, possint cōficere, an etiā degradati, an peccent à talibus communionem recipientes. &c. 284.a

117 An Christus celebratione imoletur, de tempore, de loco celebrationis, &c. 285.a

118 De his quæ in celebratione dicuntur, de his quæ in ea aguntur, &c. 285.b

119 An pœnitētia sit sacramentum, de materia eius, de forma ipsius, &c. 287.b

119 De ordine pœnitentiæ ad alia sacramenta, de institutione eius, de duratione & continuatione ipsius, &c. 288.b

120 An pœnitentia sit virtus,

an sit virtus specialis, Sub qua  
virtute contineatur, &c. 289. a  
121 An peccata mortalia per  
pœnitentiā auferantur, an vnū  
sine alio possit remitti. 290. a  
122 An pœnitentiā auferat cul-  
pā remanēte reatu, an maneant  
reliquiæ pœtōrum, &c. Ibidem, a  
123 An peccatum veniale po-  
test dimitti sine pœnitentia, an  
etiam sine gratiæ infusione, an  
venialia dimittantur per asper-  
sionem aquæ benedictæ. 291. a  
124 Vtrum pœtā dimissa per se  
quēs peccatum redeant, an re-  
deant per ingratitudinem secū  
dū quādā genera culpæ, an re-  
deāt in æquali reatu, &c. 291. b  
125 An per pœnitentiā restitu-  
antur virtutes, an reddantur in  
æquali quantitate, &c. 292. b  
126 An opera virtuosa per pec-  
catū sequēs mortificetur, an o-  
pera p pœtā mortificata, p pœ-  
nitentiā reuiuiscant, &c. 293. a  
127 An pœnitentiā habeat ptes,  
de nūero partiū eius, &c. 293. b  
128 An aliq pœnitentiā debeat  
esse solēnis et publica, &c. 294. b  
129 An homo pōt de vno pœtō  
satisfacere sine alio, &c. 295. a  
130 An ad pœnitentiā veniali-  
um teneamur, An teneamur ea  
confiteri, an vnum veniale sine  
alio dimitti possit. 296. a  
131 An ludi atq; spectacula im-  
pediant pœnitentiā. 296. b  
132 An animæ post hanc vitā  
de peccatis contritionem habe-  
ant, an cōtritio potest totaliter

tollere pœnæ reatū. Ibidem, b  
133 An soli sacerdoti confiteri  
oporteat, an liceat in aliquo ca-  
sulaico cōfiteri, an laicus extra  
casum necessitatis possit cōfesi-  
onē venialiū audire, &c. 297. a  
134 An cōfessio possit esse īfor-  
mis, an aliter fieri va. &c. 298. a  
135 Vtrū debeāt esse clauēs i ec-  
clesia. qd sint, quot sunt. 298. b  
136 Quid sit excommunicatio,  
Cur fiat, Pro quibus rebus, an  
excommunicatio iniuste lata,  
fortiatur effectum. 299. a  
137 An quilibet sacerdos po-  
test excommunicare, &c. 300. a  
138 An liceat excōmunicato cō-  
municare in pure corporalib⁹,  
an excōmunicato cōmunicās,  
sit excommunicatus, &c. 301. a  
139 An quilibet sacerdos ab-  
soluere potest subditum suum  
ab excōmunicatione, an aliquis  
potest absoluti inuit⁹, &c. 301. b  
140 An sacerdos legalis habuit  
clauēs, an etiā christ⁹, &c. 302. a  
141 An sacerdos potest semper  
subditū suum absoluere 302. a  
142 An per indulgētiā aliquid  
pœnæ remittatur, an indulgen-  
tiæ tantū valeant sicut pronū-  
ciantur, &c. 302. b  
143 Quorum sit dare seu face-  
re indulgentias 303. b  
144 An semper tenetur con-  
fessor celare q sub confessionis  
sigillo audiuit, an de licētia cō-  
fētis ea reuelare pos. &c. 303. b  
145. An vnctio extrema sit sa-  
cramētū, de vnitare, &c. 304. a

## ARTICVLO. ET QVAESTIONVM.

- 149 An vnctio extrema p̄c̄ā  
dimittat an corporalē sanitatē  
efficiat, an charact̄erem impri  
mat. 305. a
- 147 Quid oleū oliuæ sit hui⁹  
sacramēti materia, &c. 305. b
- 148 De forma huius sacramen  
ti. 305. b
- 149 De ministro hui⁹ sacramē  
ti, de eo cui conficiēdū est, qua  
parte sit dandum. 306. a
- 150 An vnctio extrema possit  
iterari, an in eadē infirmitate  
valeat iterari. 306. b
- 151 An ordo in ecclesia esse de  
beat, quid sit ordo, an sit sacra  
mentum &c. 307. a
- 152 An in sacramēto ordinis cō  
feratur gratia gratū faciēs, an  
charact̄er ordinis p̄supponat  
charact̄erē baptisinalē, an in sa  
cramento ordinis imprimatur  
charact̄er, &c. 308. a
- 153 Vtrū ad receptionē ordinis  
exigat̄ bonitas vitæ, an scientia  
roti⁹ scripturæ, an aliqs ex me  
rito vitæ sit sacerdos, an p̄mo  
uēs indignos peccet, &c. 309. b
- 154 De pluralitate ordinū, de  
numero eorū, de diuisiōe ipso  
rū in sacros & nō sacros. 309. b
- 155 De actib⁹ ordinū, qñ chara  
ct̄er sacerdotalis īprimi. 310. a
- 156 De corona & rasura ordi  
natorū, an corona sit sacramē  
tum, &c. 311. a
- 157 An sup sacerdotalē ordinē  
debeat ēē episcopalis potestas,  
an episcopat⁹ sit ordo, &c. 311. a
- 158 De vestibus sacris ministro  
rum ecclesiæ Ibidem. b
- 1 An ordines cōferre sit epī  
coporū dūtaxat, an heretici &  
p̄icci ordines cōferat, &c. 312. b
- 160 An seruitus, & homicidi  
um, an illegitima natiuitas, an  
defectus membrorū impediāt  
à susceptione ordinis. 313. a
- 161 An matrimoniū sit natura  
le, an sit in p̄cepto, an act⁹ e  
ius sit semper peccatū, an pos  
sit esse mentorius. 313. b
- 162 An matrimoniū sit sacramē  
tum, de institutione eius, an cō  
ferat gratiam, &c. 314. b
- 163 Quid sit matrimonium, an  
consensus sit causa eius effici  
ens, an oporteat cōsensum ex  
primi verbis, &c. 315. a
- 194 An alter cōiugū religionē  
ingredi possit altero inuito, an  
mulier pōt nubere alteri viro  
priore ante carnalē copulam  
religionem ingresso. 319. a
- 165 Quid sint spōsalia, quis pos  
sit ea cōtrahere, vtrum sponsa  
lia dirimi possint. Ibidem. a
- 166 Quō bigamia cōtrahit̄, q̄ ir  
regularitas sit ei annexa. 317. a
- 167 An iuramētū additū cōfē  
sui p̄ verba de futuro faciat mā  
trimoniū, ā copula carnalis ad  
dita talib⁹ verbis matrimoniū  
faciat, an cōsent⁹ in occulto p̄  
verba de p̄senti expressus fa  
ciat matrimonium, &c. 317. b
- 168 An cōfēci⁹ coact⁹ tollat mā  
trimoniū, an cōfēci⁹ cōditiōat⁹  
faciat matrimonium, &c. 318. a
- 169 An error impediāt matri

monium, an omnis error hoc  
faciat. 318.b

170 De bonis matrimōij, & de  
nūmero bonorum matrimonij  
de ordine eorundem. 319.a

171 An habere plures vxores  
sit contra legem naturæ, an a-  
liquando licuit. 319.b

172 Vtrū cōcubinā habere sit  
cōtra legem naturę, an sit pec-  
catum mortale. &c. 320.a

173 An separabilitas vxoris sit  
de lege naturæ, an vxorē dimit-  
tere licuit p dispensationē, an in  
lege Mosi licuit vxorem dimit-  
tere, an licuit repudiatae alium  
virum habere, &c. 320.b

174 De variis impedimentis  
matrimonij. 321.a

175 An propter fornicationem  
sit vxor dimittenda, an hæc sit  
in præcepto, &c. 322.a

176 An vir & vxor sint ad paria  
iudicādi in causa diuortij, an  
post diuortiū vir alteri nubere  
possit, an post diuortium vir &  
mulier recōcilizari possint. 322.b

177 An seruus potest cōtrahe-  
re matrimonium sine cōsensu  
domini, an seruitus potest ma-  
trimonio supuenire, &c. ibid.b

178 An defect⁹ gratis matrimo-  
niū tollat, an liceat viro vxorē  
in adulterio deprehensam occi-  
dere, an talis possit, &c. 323.a

179 An fidelis possit matrimo-  
niū cum infideli cōtrahere, an  
inter infideles sit, &c. 324.a

180 Quid sit consanguinitas,  
de distinctione eius per grad⁹

& lineas

324.b

181 An consanguinitas de lege  
naturali impediatur matrimoniū  
an gradus cōsanguinitatis ma-  
trimonium impediens sit ab  
ecclesia vsque ad gradum ta-  
xandus. 325.b

182 An ex matrimonio cōsan-  
guinei affinitas causet, an ma-  
neat post mortem viri inter re-  
lictam & viri consanguineos,  
an ex illicito concubitu caue-  
tur affinitas, an ex sponsalibus  
causetur affinitas, an affinitas  
sit causa affinitatis. 326.a

183 An affinitas impediatur ma-  
trimonium, an habeat, &c. 327.a

184 De filiis illegitimis, de pœ-  
na eorum, an etiam valeant le-  
gitimari. 327.a

185 Vtrum spiritualis cognatio  
impediatur matrimoniū, an talis  
propinquitat per solum baptis-  
mum contrahatur. Ibidem.b

186 Inter quos contrahatur spi-  
ritualis cognatio, an transeat à  
viro in fœminam, an à patre in  
filios. 328.a

187 De diffinitione adoptio-  
nis per quā est legalis cognati-  
o, an ex adoptione impediatur  
matrimonium, inter quos con-  
trahatur talis cognatio. ibidē.b

188 An secundæ nuptiæ sint li-  
citæ, an sint sacraméntales. 329.a

189 An vterque coniugum te-  
neatur semper ex æquo ad red-  
dendum debitum, etiam ali-  
quando non petenti propter  
verecundiam, an vir & mulier

possint votum emittere contra debitum matrimoniꝝ sine mutuo consensu, an temporibus sacris debitum petere sit mortale peccatum Ibidem. b

190 An aīabus post mortē receptacula assignētur, an statim post mortē ad ipsa animę deducuntur, an de ipsis locis egredi valeāt, an limbus inferni sit idē quod sinus Abrahę, an limbus sit idem quod infernus damnatorum, &c. 330. a

191 An in anima separata maneant potētīę sensitiuę, an maneant actus dictarum potentiarum, &c. 332. a

192 An suffragia facta p vnū, alijs possint prodesse, an mortui possint iuari operibus viuorum, ad suffragia per peccatores facta mortuis prosint, an quę a viuis pro mortuis fiunt, facientibus prosint 333. a

193 An suffragia prosint etiam existētibus in inferno in limbo puerorum & sanctis in patria existētibus, an orationibus Ecclesię & sacrificio altaris & elemosynis animę defunctorum iuuentur Ibidem. b

194 An indulgentię quas facit Ecclesiā, etiam mortuis prosint an cultus exequiarum prosint defuncto, an suffragia quę fiūt pro defunctis tantundem valeant alijs quantū illis pro quibus fiunt 334. a

195 An sancti nostras agnoscāt orationes, an debeam⁹ sanctos

orare ad interpellandum pro nobis, an orationes sanctorum ad deum pro nobis suscipiantur per exaudiuntur Ibidem. b

196 An aduētū dñi præcedēt aliqua signa, an circa iudicium scdm rei veritatē sol & luna obscurabūtur, an cœlorū virtutes dño veniēte mouebūtur. 335. a

197 An aliqua mūdi purgatio sit futura p ignē eiusedē speciei cū igne elemētari, an ignis ille purgabit etiā cœlos superiores an ignis ille, &c. Ibidem. b

198 An oīa elementa per ignē purgabūtur, an ignis vltimę cōflagrationis iudicium sequatur an ignis ille habebit talem effectum in hominibus qualis designantur, &c. 336. a

199 An corporum resurrectio sit futura, an resurrectio erit oīm generaliter, &c. 337. a

200 An Christi resurrectio sit causa nostrę resurrectionis, an vox tubę causa nostrę resurrectionis, &c. Ibidem. b

201 An tempus resurrectionis differri oporteat vsq; ad finem mundi, an tempus illud sit occultum, an resurrectio erit noctis tēpore, an resurrectio subito fiet, an successiue. 338. a

202 An mors sit termin⁹ a quo resurrectionis, an oīm resurrectio erit a cineribus, an pulueres illi ex quib⁹ corpus humanū reparabitur, aliquā inclinationē naturalē habebūt ad animā quę eis cōiungetur. Ibid. b

203 An aīa idē corp<sup>o</sup> numero  
resumet in resurrectione, an  
oporteat pulveres humani cor  
poris ad eādem partē corporis  
quæ cū eis dissoluta est, per re  
surrectionem redire 339.a  
204 An oīa membra humani  
corporis resurgēt, an capilli &  
ungues resurgent, an hoīes re  
surgēt, an totū quod fuit in hu  
mano corpore de veritate hu  
manæ naturæ, &c. 339.b  
205 An oēs resurgēt in eadem  
ætate, scilicet iuuenili, an oēs  
resurgent staturæ, an oēs resur  
gent in sexu virili, an omnes re  
surgent in sexu animali. 340.a  
206 An sanctorū corpora post  
resurrectionem futura sint im  
passibilia, an impassibilitas erit  
equalis oībus, an impassibilitas  
sensum in aīa à corporib<sup>o</sup> glo  
riosis excludit, &c. 340.b  
207 An subtilitas sit proprie  
tas corporis gloriosi, an quæcū  
que duo corpora siue gloriosa  
siue nō gloriosa possint esse si  
mul in eodē loco, nisi per solā  
virtutē diuinā & miraculū, an  
ex sua subtilitate remoueatur  
à corpore glorioso necessitas  
existēdi in æquali loco, an cor  
pus gloriosum ratione suæ sub  
tilitatis sit impalpabile. 341.a  
208 An corpora gloriosa sint  
futura agilia, an sancti agilitate  
sua vnquā vtātur vt moueātur,  
an moueātur in instante. 343.a  
209 An claritas inerit corpo  
ribus gloriosis, an claritas illa

videri poterit, &c. 344.a  
210 An corpora dānatorū cū  
suis deformitatib<sup>o</sup> resurgēt, an  
eorū corpora erūt icorruptibi  
lia, an erunt impassibilia. 344.b  
211 An cognoscat quilibet hō  
in iudicio oīa peccata sua, an  
possit quilibet omnia merita &  
demerita sua & aliena, vno iu  
tuitu videre. 345.a  
212 An generale iudicium sit  
futurum, an quantum ad disce  
ptionem fiet per vocalem lo  
cutionē, an fiet tempore & lo  
co incognitis. 345.b  
213 An aliqui angeli & hoīes  
cū Christo iudicabunt, an iu  
diciaria potestas correspōdeat  
voluntariæ paupertati, an post  
diē iudicij dæmones exequan  
tur sententiā iudicis in dāna  
tos, an oēs tā boni quā mali cō  
pareāt ī iudicio vt iudicent, an  
angeli ī futuro iudicent. 346.a  
214 An Christus in forma ser  
ui sit iudicaturus, an apparebit  
in forma humanitatis gloriosa,  
an ei<sup>o</sup> diuinitas posset sine gau  
dio videri. 347.a  
215 An mūdi innouatio sit fu  
tura, an motus corporū cœle  
stium in illa innouatione cessa  
bit, an in corporibus cœlestib<sup>o</sup>  
ac elemētis claritas augeat in  
illa innouatione, &c. 348.a  
216 An intellectus humanus  
possit peruenire ad videndum  
deū per essentiā, an sancti post  
resurrectionē deū corporalib<sup>o</sup>  
oculis sint visuri, an sancti vidē

## ARTICVLO. ET QVAESTIONVM

res deū p̄ essentiā, oīa videant  
quā deus in seipso videt. 348.b  
217 An beatitudo sanctorū sit  
maior futura post diem iudicij  
quā ante resurrectionem fue-  
rit, an beatitudinis gradus mā-  
siones dici debeāt scdm̄ diuer-  
sos charitatis, &c. 349.b  
218 An beati qui sunt ī patria,  
miserias dānatorū sine cōpas-  
sione videāt, an beati de dāna-  
torum p̄cnis letantur 350.a  
219 An ponendae sint aliquae  
dotes, an ratio dotis distinctae  
realiter à beatitudine, Christo  
conueniat, an conueniat ange-  
lis, an conuenienter ponantur  
tres esse animae dotes, scilicet  
visio, dilectio, & fructio. Ibi, b  
220 An aureola sit aliquod a-  
liud prēmīū à prēmio essen-  
tiali, quod aurea vocatur, an  
aureola differat à fructu, an  
fructus debeat soli virtuti cō-  
tinentiae, an conuenienter tres  
fructus tribus continentiae par-  
tibus assignentur. 351.b  
221 An virginib⁹ debeat aureo-  
la, an martyrib⁹ debeat, an  
debeat doctorib⁹, an xp̄o de-  
beat, an cōpetat angelis, an  
conueniat etiā corpori. 352.b  
222 An cōueniēter tres aureo-  
lae designentur, virginū scilicet,  
martyrū & doctorū, an virginū  
aureola sit iter alias potissima,  
an vnus aureolam virginitatis,

vel martyrij, vel doctoris, ex-  
cellentius alio habeat 353.b  
223 An dānati in inferno, (qli  
p̄na ignis affligantur, an ver-  
mis quo affligūtur īpij, sit ver-  
mis corporalis, an fiet⁹ qui erit  
in dānatis, sit corporalis. 354.a  
224 An ignis inferni quo cru-  
ciabūt corpora dānatorū, sit  
corporeus, an ignis ille eiusdē  
sit speciei cum igne isto corpo-  
reo quem videmus, an ignis il-  
le sit sub terra. 355.a  
225 An oīs voluntas dānatorū  
sit mala, an damnati vnquā p̄e-  
niteant de malis quae fecerūt,  
an damnati recta ratione & de  
liberatiua possent velle nō esse  
an damnati in inferno, vellent  
alios esse damnatos, qui non  
sunt damnati 356.a  
226 An damnati habeant deū  
odio, an damnati demereātur,  
an damnati possint vti notitia  
quam hic in mundo habuerūt,  
an damnati cogitabunt de deo  
an damnati videant gloriam  
beatorum Ibidem.b  
227 An ex diuina iustitia in-  
feratur peccatorib⁹ p̄na eter-  
na, an per diuinam misericor-  
diam omnis p̄na terminetur,  
tam hominū quā etiam da-  
monum, an Christianorū prae-  
sertim opera misericordiae fa-  
cientiū p̄na per diuinam mi-  
sericordiam terminetur. 357.a

LAUS DEO.



# D. DIONYSII CARTHUSIANI IN TERTIVM LIBRVM SVM-

mæ fidei orthodoxæ, in quo agitur de virtutibus tam theologicis quàm cardinalibus, de earum diuisionibus ac partibus, de virtutibus eisdem annexis, & vitijis contrà oppositis, de donis item ac fructibus.

## P R A E F A T I V N C V L A.

O MNIS gloria eius filia regis abintus. Decor quem in rationalibus creaturis amat altissim<sup>9</sup>, in interiori venustate consistit: quæ in ornatu virtutum ac scientiali splendore essentialiter arbitrandæ est. Nempe quæadmodum corporalis pulchritudo est debita partium habitudo quo ad se inuicem atq; ad totum, cum congruentis perfusione coloris: sic spiritualis pulchritudo est ordinatio omnium interiorum affectionum ac motuum, quod ad virtutes pertinet, cum splendido quodam candore, quem sapientia atq; scientia causant. Deniq; in superiori libro habita est cōsideratio de virtutibus vitijisque oppositis, ac passionibus, & alijs moralem materiam concernentibus in vniuersali: nunc autem de eisdem in speciali est dicendum. Omnium verò virtutum pluralitas ad septem virtutes reducitur, quarum tres sunt theologicæ, scilicet fides, spes, charitas, de quibus in primis loqui congruit. Aliæ quatuor sunt virtutes cardinales: ad quas reducuntur omnes cæteræ virtutes morales: & ergo in considerationibus virtutum cardinalium, tractare oportet de virtutibus annexis. Sed & de donis & fructibus ac beatitudinibus determinare necesse est, simul cum ipsis virtutibus quibus conueniunt. Intellectualium autem virtutum (quæ quinque sunt) vna est prudentia, quæ inter cardinales cōtinetur & ponitur. Ars autem

## D. DIONYSII CARTHUSIANI

ad moralem non spectat, quia moralis est circa agibilia: ars  
verò est recta factibilium ratio. Cæteræ tres virtutes intelle-  
ctuales, videlicet sapientia, scientia, & intellectus etiam in ip-  
so suo nomine cum donis spiritus sancti conueniunt. Ideoq;  
de ipsis quoq; diceretur, quando de donis sermo occurrit. His  
autem peractis, nihil moralium erit intaetum.

### ¶ *Vtrum obiectum fidei sit veritas prima. Articulus 1.*

**A**duertendum, quod in obiecto scientialium seu co-  
gnoscitiuorum habituum, duo considerantur.  
Vnum quasi materiale, videlicet res ipsa quæ scitur.  
Aliud velut formale, id scilicet per quod res ipsa co-  
gnoscitur, quod est formalis ratio obiecti: quemadmodum  
præmissæ sunt medijs & ratio cognoscendi conclusionem.  
Itaque si in obiecto fidei pensemus formalem rationem ob-  
iecti, quod scilicet est ratio cognoscendi ea quæ credenda  
traduntur: sic veritas prima obiectum est fidei, quoniã fides  
nulli assentit nisi quia diuinitus est reuelatũ. Vnde fides, quæ  
est virtus theologica, diuinæ ac primæ veritati innititur. Si  
autem attendamus materiale obiectum, tunc omnia possunt  
appellari fidei obiectum quæ nobis proponuntur credenda,  
videlicet humanitas Christi, sacramenta ecclesiæ, & cætera.  
Quia tamen huiusmodi sub fidei assensu non cadunt, nisi  
prout ordinem aliquem ad deum habent, inquantum vide-  
licet sunt effectus deitatis, quibus homo iuuatur vt tendat ad  
deum: ideo etiam de materiali obiecto loquendo, prima ve-  
ritas, seu deus, quoddam fidei obiectum vocatur, eo quod ad  
ipsum cætera ordinentur. Propter quod Dionys. 8. capit. de  
diuin. nomin. ait: Est autem fides circa simplicem & sem-  
per existentem veritatem, quæ est prima æternaque veri-  
tas.

### ¶ *An complexa possint esse fidei obiectum 2. Et an fidei possit subesse falsum. Articulus 2.*

**D**enique de obiecto fidei dupliciter possumus loqui.  
Vno modo ex parte rei creditæ, scilicet prout res  
est in seipsa, & sic obiectum fidei est quid comple-  
xum, scilicet deus, de quo fides habetur. Alio modo

attendi potest fidei obiectum ex parte credentis, prout res ipsa est in intellectu credentis. Semper enim, secundum Boethium, cognita sunt in cognoscente secundum modum cognoscentis. Quoniam ergo connaturale est intellectui nostro, ut componendo & diuidendo veritatem agnoscat, ut tertio de anima patet: propterea ex parte nostri, complexum per modum enuncialis, potest fidei dici obiectum. Vnde sicut intellectus diuinus propter suam perfectionem complexa atque composita incomplexè cognoscit: sic intellectus humanus ob suum defectum, ea quæ in se simplicia incomplexa; sunt, per complexionem & propositionalem enunciationem agnoscit.

2. ¶ Præterea sicut sexto Ethicorum ait Philosophus: nulla virtus perficiens intellectum, se habet ad falsum, sed quod falsum est malum intellectus. Cum ergo sit fides intellectum perficiens, non habet se nisi ad verum. Sciendum est itaque, quod nihil subest alicui potentie, actui vel habitui nisi mediante ratione formali obiecti: sicut conclusio sciri non potest, nisi per medium, nec color nisi per lumen. Dictum est autem, quod veritas prima est formalis ratio obiecti fidei. Ideo nihil fidei subest, nisi quod stat sub veritate diuina, sub qua falsum non stat: sicut non ens stare nequit sub ente. Vnde fidei subesse non ualet falsum. Et si fidelis in aliquo erret circa fidem, non est hoc ex fide, sed ex coniectura humana. Omnes quoque virtutes intellectum perficientes, excludunt falsum. Dicit autem Thomas, quod virtutes appetitiuam partem perficientes, non excludant totaliter falsum, cum tamen ipsemet dicat, quod de ratione virtutis sit, ut se habeat tantum ad bonum.

¶ *An uisum uel scitum possit fidei esse obiectum. Articulus .3.*

**P**orro fides importat intellectus assensum ad id cui credit. Intellectus autem dupliciter alicui assentit, Primo ex ratione sumpta ex parte obiectorum, quorum aliqua sunt per se nota, ut prima principia: aliqua uero deducuntur ex primis principiis. Secundo assentit intellectus alicui non quia mouetur ad hoc per rationem ex obiecto acceptam, sed per quandam propriam voluntatis electionem, qua magis inclinatur ad assensum unius partis quam alterius. Quod

## D. DIONYSII CARTHUSIANI

si talis assensus est cum dubitatione atq; formidine, erit opinio. Si autem cum certitudine, erit fides. Illa ergo videri dicuntur, quæ per seipsa ad sui agnitionem intellectum mouent vel sensum. Vnde nec fides, neque opinio esse potest, de visis nisi videre valde communiter accipiatur, quemadmodum ait Apostolus: Videmus nunc per speculum in ænigmate. Et Augustinus dicit in libro de verbis domini, quod quilibet sensus visus vocatur, imo quandoque vnaquæque notitia visio appellatur: & ita ipsa fides est quoddam lumen, faciens animam videre quæ credenda consistunt. Insuper, cum scientia sit eorum, quæ ex principiis per se notis probantur: ideo omnia scita, sunt intellectualiter visa. Vnde nec scita, sicut nec visa, esse possunt fidei obiectum: nec potest idem esse visum & creditum, saltem ab eodem & secundum idem: tamen quod vnus credit alius scire potest, sicut quæ nunc creduntur, in patria à sanctis videntur: & nos quoque ea tandem videbimus: quia videbimus eum sicut est. Potest etiam de deo aliquid sciri, videlicet quod est, & quia vnus est, de quo tam multa creduntur: sed hoc non est secundum idem. Vnde Gregorius asserit, quod ea quæ apparent, non habent fidem, sed agnitionem. Est autem fides inter opinionem & scientiam medium, nam cum scientia communicat in certitudine, cum opinione verò in hoc quod non est ex sufficienti naturali ratione.

¶ *De distinctione credendorum per articulos fidei 2. Et quomodo fides creuisse dicatur secundum successionem temporum. Articulus 4.*

**P**Roinde credibilia fidei Christianæ in quosdam diuiduntur articulos, in quantum diuiduntur in quasdam particulas, aliquam adinuicem coaptationem habentes. Nomen enim articuli à græco vocabulo arthron, quod latine sonat articulus, deriuatur. Arthron autem signat distinctarum partium coaptationem: quemadmodum particula corporis coaptata adinuicem, membrorum nominantur articuli. Licet verò obiectum fidei vnum sit, tamen de illo vno multa creduntur, & ad ipsum multa credibilia ordinantur, quæ utiq; sic ordinate coaptantur. Est autem fides de aliquo diuino non viso: & ideo vbi occurrit specialis ratio &

difficultas inuisibilitatis, ibi & specialis articulus fidei: ubi verò aliqua secundum eandem rationem incognita sunt, non sunt multi nec diuersi articuli. Vnde de hoc Christus est passus & mortuus atque sepultus, non sunt plures articuli, sed quod est passus & resurrexit, requirit distinctos articulos. Agnoscendum quoque, quod fides est per se de his, quæ nos ordinant ad vitam æternam, vt est deus trinitas, Christi incarnatio, & cætera, & de his solis assignantur articuli. Alia verò sunt credibilia de quibus non est fides secundum se, sed solū in ordine ad prædicta, in quantum ad manifestationem ipsorum nos introducitur, vt quod habuit Abraham filios duos, & similia, & secundum horum diuersitatem non traduntur articuli fidei. Dicit autem Isidorus, quod articulus est præceptio diuinæ virtutis, tendens in ipsam. Alij verò dicunt, quod articulus est indiuisibilis veritas de deo, ad credendum nos arrans, Præterea, aduertendū quod sicut se habet prima principia per se nota in naturali sciētia: sic se in facultate Theologicæ sapientiæ habent articuli fidei Christianæ. In primis autem principijs ordo est & reducitur vnum ad aliud, imo & omnia ad illud primum principium: De quolibet esse vel non esse, de nullo vero simul: vt habetur quarto primæ Phil. Sic ergo articulorum fidei quidam continentur virtualiter in alijs, quoniam in fide redemptionis humanæ includuntur implicitè incarnatio, passio, resurrectio Christi, & alia talia. Omnes autem alij articuli fidei, reducuntur ad hos duos, scilicet, vt credatur deus esse, & prouidentiam circa humanam salutem habere, quemadmodum ait Apo. Accedentem ad deum oportet credere quia est, & quia inquirentib. se remunerator sit. In esse nanq; diuino, omnia includuntur quæ deo æternaliter inesse creduntur, in quibus beatitudo consistit. In prouidentia verò cuncta continētur, quæ tēporaliter à deo dispē santur ad humanam fœlicitatem quæ sunt via nostræ salutis.

2. ¶ Dicēdum ergo quod fides secundum temporis successionem creuit, non secundum substantiam, sed secundum explicationem. Nam quò veteris testamenti, vel temporis, homines aduentui Christi erant propinquiore, eò magis explicite fidei agnouerunt articulos: tamen tota illa posteriorū cognitio, in fide priorum includebatur implicitè. Vnde Gregorius dicit: Secundum temporum incrementa, creuit scientia sanctorum patrum. Et ad Moysen deus ait: Nomen meum

## D. DIONYSII CARTHUSIANI

Adonai non indicaui eis, scilicet prioribus sanctis. Et Apostolus: Alijs (inquit) generationibus non est agnitus mysterium Christi, sicut modo reuelatum est sanctis eius Apostolis. Insuper agnoscendum, quod in generatione naturali præexiguntur duæ causæ, videlicet materia & efficiens: & quo ad ordinem causæ efficientis, sic generatio incipit à perfecto. Nam Boethius ait: Natura semper à perfecto initium sumit. Necesse est enim imperfecta à perfectis produci, nec possunt imperfecta ad perfectionem perducì, nisi per aliqua perfecta præexistentia. Sed secundum ordinem causæ materialis, generatio & operatio naturæ ab imperfecto incipiunt. In reuelatione autem fidei deus se habet per modum agentis seu efficientis, quia notitiam influit: homo autem per modum materiæ, quoniam influxum à deo recipit. Ideoque ex parte hominis decuit scientiam fidei ab imperfecto inchoari, & sic tandem per Christum hanc perfici: propter quod tempus Christi vocatur tempus plenitudinis & tempus gratiæ, quia veritas & gratia per Iesum Christum facta est.

¶ De enumeratione articulorum fidei in Symbolo 2. Et  
de ordinatione eorundem.      Articulus 5.

**E**st autem fides sperandarum substantia rerum. Ideoque de illis est fides quæ in patria nos visuros speramus, & quæ ad visionem beatam nos promouet. Duo ergo nobis præcipuè credenda traduntur, videlicet occultum deitatis, cuius visione beatificamur: & mysterium incarnationis, per quod ad deitatis contemplationem perducimur. Prima ergo distinctio credibilium est, quod quædam pertinent ad diuinitatis maiestatem, quædam verò ad verbi incarnati humanitatem. Circa diuinitatem autem tria nobis credenda traduntur. Primum est vnitas dei, & de hoc est primus fidei articulus. Secundum est diuinarum personarum suppositalis distinctio, & iuxta hoc secundum tres personas, tres quoque assignantur articuli. Tertium est operatio deitatis ad extra, quæ triplex est. Prima respicit esse naturæ, & sic proponitur articulus creationis. Secunda pertinet ad esse gratiæ, & sic omnia ad sanctificationem humanam spectantia, sub vno comprehenduntur articulo. Tertia pertinet ad esse gloriæ, & sic est articulus de resurrectione mortuo-

rum & vita æterna. Itaque septem sunt articuli ad diuinitatem spectantes. Totidem quoque de Christi humanitate traduntur. Primus est de incarnatione seu conceptione Christi secundus de natiuitate eius ex virgine, tertius de eius passione, morte, & sepultura, quartus de descensu ad inferos, quintus de resurrectione, sextus de ascensione, septimus de aduentu ad iudicium. Quidam autem distinguunt duodecim articulos duntaxat, scilicet sex de diuinitate, & sex de verbi humanitate. Tres enim articulos de trinitate sub vno comprehendunt, eò quòd trium personarum sit vna cognitio. Nam in ratione patris intelligitur filius, & amborum nexus scilicet spiritus sanctus. Articulum verò de glorificatione distinguunt in duos, videlicet in resurrectione carnis & in gloriâ animæ. Deniq; articulū conceptionis & natiuitatis non diuidūt, quia tamen circa singulas personas diuinas attendenda sunt aliqua, circa quæ contingit esse errorē, quoniā proprietatibus distinguuntur: ideo de vnaquaque persona poni potest arti. proprius. Præterea in hoc quod credimus deū omnipotentem, in omnipotentia compræhenditur omnium scientia & prouidentia. Quia intellectualis naturæ potestas nō agit nisi secundum voluntatem & agnitionem. Non enim omnia posset deus in rebus cunctis efficere, nisi eorum notitiam prouidentiamque haberet.

¶ Sed dubitare quis potest de sacramento eucharistiæ cur de ipso non assignatur specialis articulus, cum tamen singularem habeat difficultatem? Item cum sit fides eorum quæ per rationem sciri non valent, quomodo de hoc quod deus est vnus, ponatur fidei primus articulus, cum ratio naturalis hoc sciat, & à philosophis demonstratum est? Respondendū ad primum quod in sacramento eucharistiæ duo pensantur. Vnum in quantum est sacramentatum, & sic continetur sub articulo, qui est de effectibus gratiæ sanctificantis. Ad secundum, quod corpus Christi illic miraculose existit, & hoc ad omnipotentiam pertinet. Ad aliud respondendum, quod licet deum esse vnum philosophi nouerant, tamen sub articulo de vnitatem dei multa complectuntur, quæ rationem humanam excedunt, videlicet omnium dei prouidentia, omnipotentia, & quod ipse solus sit colendus: circa quæ philosophi multipliciter errauerunt.

2. ¶ Agnoscendum est autem quod symbolum dicitur col-



## D. DIONYSII CARTHUSIANI

lectio sententiarum fidei in vnum, vnde, cum accedentem ad deum oporteat credere, necessarium erat vt ex sacra scriptura, in qua ea quæ credenda sunt diffusè dispersimque conscripta sunt, vna quasi compendiosa ac summaria collectio credendorum fieret, quâ omnes facilius scire & discere possunt: & hoc propter idiotas & simplices atque in exterioribus occupatos, præsertim necessarium extitit, eò quòd tales studio vacare non possunt, nec ex scriptura credenda colligere. Facta sunt autem plura propter hereses insurgentes, quorum posterius prioris quodammodo declaratiuum est: Vnde Symbolum patrum manifestè & solenniter in missa cantatur, quia æditum est fide iam promulgata, Symbolum autem apostolorum, in prima & completorio in secreto profertur contra tenebras errorum præteritorum & futurorum perfidorum: quoniam factum est tempore persecutionum, fide nondum publicè dilatata.

**¶** *Quod componere Symbolum fidei sit summi pontificis. Articulus. 6.*

**Q**uoniam itaque noua æditio Symboli ideo fit, vt insurgentes hæreses destruantur, ad eum pertinet Symbolum facere, cuius est de fide finaliter determinare, sic vt eius determinationi immobiliter cõsentiat. Hoc vero est summi pontificis, ad quem maiores & difficiliore ecclesiæ quæstiones referuntur, vt in decretis distinctio e quadragesima tertia, dicitur. Vnde Christus Petro dixit: Ego pro te rogaui, vt non deficiat fides tua & tu alii quando conuersus confirma fratres tuos. Præterea, totius ecclesiæ vna debet esse fides, dicente Apostolo: Id ipsum dicatis omnes, & nõ sint in vobis schismata. Hoc verò seruari nequaquam valeret, nisi quæstio fidei ad eum finaliter referretur, qui toti ecclesiæ præsidet. Ideoque solius domini Papæ est Symbolum ædere, sicut etiam est eius generalem synodum congregare, & talia agere. Quauis enim in doctrina Christi & apostolorum fides satis aperta est, tamen propter peruerforum hominum adinventiones vanissimas, necesse est subinde ea magis explanare. Sed dicet forsitan aliquis: In gestis primæ Ephesinæ synodi, Calcedonenfis quoque concilij, sub anathemate prohibetur, ne quis aliam fidem scribere, ædere

aut componere audeat, quam quæ à sanctis patribus in Nicæno concilio ædita est. Respondendum, quod prohibitio talis atque sententia synodi, extendit se ad priuatas personas quarum non est determinare de fide. Vnde per ordinationem huiusmodi non aufertur synodo sequenti nouum symbolum facere: quod nouum vocatur, non quia nouam fidem, aut aliam, cōprehēdat: sed quia prioris synodi symbolum magis declarat. De Athanasio autem Alexandrino patriarcha sciendum, quod ipse manifestationem fidei ædidi, non per modum Symboli, sed doctrinæ. Quia tamen eius doctrina integram fidem plenè & compendiose complectitur, propterea eius æditio-  
authoritate Papæ recepta est.

¶ *Quid sit credere, 2. Et de triplici actu fidei. Articulus. 7.*

**A**ugustinus in libro de prædestinatione sanctorum, ait, quod credere est cum assensione cogitare. Vbi sciendum, quod cogitare tripliciter sumitur. Primo cōmuniter pro qualibet actuali consideratione intellectus, & sic scire vel intelligere est etiam cum assensione cogitare. Secundo dicitur cogitare consideratio intellectus cum quadam inquisitione, antequam perueniat ad perfectionem intellectionis per certitudinem visionis: & sic cogitatio propriè dicitur motus animi deliberantis, nondum per certitudinem visionis perfecti. Et quia deliberatio ita esse potest tam circa intensiones vniuersales, quæ ad intellectum respiciunt, quam circa particulares, quæ pertinent ad cogitatiuam virtutem. Ideo tertio cogitare accipitur pro actu virtutis cogitatiuæ. Sumendo ergo cogitare secundo modo, sic August. conuenienter diffinit actum fidei, qui est credere. Actuum namque intellectus quidam habent firmum assensum sine cogitatione huiusmodi, ut ea quæ sciuntur. Quidam autem actus intellectus habent cogitationem informem absque tali assensu: siue in neutram partem declinent, ut in dubitante, siue in alteram partem magis declinent, tamen ex quodam leui signo, ut in suspicante, siue vni parti adhæreat cum formidine de opposito, ut in opinante. Credere autem habet futurum assensum, & in hoc conuenit cum sciente & tamen eius agnitione non est perfecta per manifestam veritatis notitiam, & quo ad hoc cōuenit cum dubitante, suspicante ac opinante. Vnde

## D. DIONYSII CARTHUSIANI

propriam est actui fidei, qui est credere, quod sit cum assensu cogitationis: & differt iste actus à cæteris omnibus. Verum tamen Damascenus ait 4. li. quod credere est non inquisitus assensus, pro tanto quia per naturalem rationem fides nō demonstratur: nihilo minus id quod creditur, habet aliquam inquisitionem eorum, per quæ ad credendum homo inducitur puta quia à deo sunt dicta, & quia confirmata miraculis. Aduertendum quoque, quod intellectus credentis determinatur ad vnum, non per rationem sed voluntatem. Ideoq; in proposito assensus accipitur pro actu intellectus, secundum quod à voluntate ad vnam partem determinatur.

2. ¶ Porro, in li. de verbis domini, & super Iohannem, ponit August. tres actus fidei, scilicet credere deum, credere deo, & credere in deum: Actus enim potentia, seu habitus, sumitur secundum ordinem ad suum obiectum. Credere autem est actus intellectus, secundum quod à voluntate ad credendum mouetur. Itaque obiectum fidei tripliciter cōsideratur. Primo ex parte intellectus, & hoc dupliciter, quoniam in obiecto fidei duo possunt attendi, videlicet materiale, id est res quæ creditur: & formale, scilicet ratio propter quam rei credibili assensus prebetur. Ex parte ergo materialis in obiecto fidei, sic actus fidei, est credere deum: quia etiam nihil aliud creditur, nisi in quantum ad deum aliquam ordinationem habet. Ex parte vero formalis, ponitur actus fidei credere deo, quia diuina veritas est cui finaliter tota fides inuititur. Tercio consideratur obiectum fidei ex parte voluntatis intellectum mouentis & sic actus fidei est credere in deum, quia veritas prima ad voluntatem refertur prout habet rationem finis. Porro per hos tres actus non designantur realiter actus distincti, sed vnus & idem actus habens diuersam relationem ad fidei obiectum. Quauis etiam infideles credant deum esse, vel deo, non tamen eo modo quo ista ponuntur fidei actus, non enim credunt cum talibus conditionibus quas fides includit, vt dictum est, vnde nec verè credunt. Insuper, quia voluntas intellectum, & alias vires, mouet in finem: secundum hoc ponitur credere in deum actus fidei.

¶ An ad salutem necessarium sit aliquid credere quod rationem excedit. 2. Et an oporteat etiam illa credere quæ naturali ratione inuestigari possunt. Articulus 8.

**I**ntuemur demum in omnibus rebus bene ordinatis, quod ad perfectionem inferioris naturæ duo concurrunt. Vnum quod ei secundum motum proprium competit. Aliud quod secundum superioris naturæ influxum, quemadmodum aqua proprio motu mouetur ad centrum, motu vero lunæ circa centrum motu fluxus atque refluxus: & in orbibus planetarum videmus quod duplici motu mouentur. Natura ergo rationalis, quia vniuersalem rationem boni & veri cognoscit, immediatum ordinem habet ad deum, cuius per cognitionem est capax. Ideoque eius perfectio non solum in naturali cognitione consistit, sed in hoc quod diuinæ illuminationis supernaturaliter consors efficitur. Beatitudo autem hominis in supernaturali dei visione reponitur, ad quam homo pertingere nequit nisi per modum addiscētis, iuxta illud: Omnis qui audiuit à patre & didicit, venit ad me. Talis verò disciplinæ à deo doctore fit homo particeps, non statim, sed successiuè secundum modum suæ naturæ. Addiscens autem ad perfectam scientiam venire non valet nisi credat doctori vt etiam Aristotel. ait: Vnde peruenire non potest rationalis creatura ad dei clarā visionem, nisi per modum discipuli deo credat. Sicut aut per naturale lumen rationis assentimus primis principiis: sic per habitum & lumen fidei assentimus his, quæ fidei sunt, & indicamus quibus consentire oporteat.

**2** ¶ Præterea, necessarium est fide assentire, non solum his quæ naturalē capacitatem excedūt, sed etiā his quæ naturaliter sciri possunt (sicut deū esse & deū incorporeū fore, ac talia) ppter tria. Primo, vt homo ad diuinorū notitiā citius perducatur, quia sciētia de diuinis & separatis substantiis & deo, vltimo dicitur & plura præexigit. Ideoque ad eā hoīes tarde veniūt, nisi fide docerentur. Secūdo, vt agnitio de deo cōmuniō sit, nā multi ad Philosophiā indispositi sunt, & propter alias necessitudines, causas, & occupationes, studio inhærere non valent. Vnde, ppter istos fide tradēda sunt, quæ ab aliquibus naturaliter sciri possunt de deo atque diuinis. Tertio ppter certitudinē, rō nanque humana in indagatione diuinorū debilis est, & inter naturaliter philosophātes de deo, multā discordia extat. Ideoque nisi vulgus p fidē imobilē instrueretur, ignoraret quib' poti' crederet, essetque pauca certitudo in diuinorū notitiā.

¶ Quod ad salutem requiritur aliquid explicitē credere, & quod non omnes tenentur æqualiter ad fidem explicitam. Art. 9.

**P**orro præcepta, quæ homo implere tenetur, sunt de actibus virtutum. Actus verò ad obiectum referuntur. In obiecto autem cuiuslibet virtutis duo possunt perpendi. Vnum quod est per se obiectum, & in omni actu virtutis directe intentum. Aliud quod secundario & quasi accidentaliter spectat ad propriam rationem obiecti. Obiectum autem fidei per se, est id quo homo beatus efficitur. Secundarium autem illa omnia, quæ in sacra scriptura contenta sunt, vt quod Dauid est filius Iesse. Determinatio denique actus virtuosus ad proprium & per se obiectum cadit sub præcepto, sicut & actus virtutis. Determinatio verò sit actus virtuosus ad id quod se secundario & velut indirecte habet ad obiectum, non est sub necessitate præcepti, nisi pro loco & tempore. Quantum ergo ad prima credibilia, quæ sunt articuli fidei, tenetur homo explicitè credere sicut & fidem habere tenetur. Sed quantum ad alia credibilia non tenetur explicitè credere, sed implicite, vel in animi præparatione, prout, videlicet, paratus est credere quicquid in scriptura sancta asseritur. Tunc quoque explicitam tenetur fidem habere, cum agnouerit id, quod proponitur, in scriptura positum esse. Sed dicit *Augustinus* aliquis, quia multi fuerunt qui non potuerunt fidem habere (quomodo enim credent sine prædicante) hi ergo, ad quos nemo missus est, non videntur ad fidem obligati. Respondendum quod ad multa tenetur homo quæ non potest, nisi auxilio gratiæ, sicut diligere deum & proximum: ad articulos quoque fidei, quæ omnia potest per gratiam. Istud verò subsidium gratiæ, quibusdam misericorditer impartitur, quibusdam iuste negatur atque subtrahitur propter præcedens peccatum saltem originale, quæ admodum in libro de correctione & gratia asserit *Augustinus*.

2 ¶ Præterea agnoscendum, quod explicitè credere ea quæ fidei sunt, non est æqualiter ad salutem necessarium quo ad omnes. Explicatio nanque credibilium fit per reuelationem diuinam, quæ ordinatè deriuatur à superioribus ad inferiores, videlicet à deo ad angelos, & per angelos venit ad homines: sed & superiores homines, videlicet à deo illuminati, instruere debent inferiores, vt *Dionysius* ait. Quemadmodum ergo superiores angeli perfectiorem notitiam habent de his de quibus inferiores illuminant, secundum *Dionysium* duo decimo capitulo de cælesti Hierarchia: sic superiores in bo-

minibus, pleniorē habere debent notitiā credendorū, quam inferiores, & magis explicite credere, secundum Dionysium loco præfato. Vnde Gregorius dicit: quod minores in credendis, adhærere debent maioribus, quia vtrique maiores plura credere obligantur. Denique minores examinandi non sunt de subtilitatibus fidei, nisi timeatur quod ab hæreticis sint deprauati. Si autem inueniuntur peruersæ doctrinæ adhærere, non quidem pertinaciter, sed ex simplicitate, non eis imputatur.

**¶** *Vtrum fides mysterij Christi, & sanctæ trinitatis, explicita, fuerit semper ad salutem necessaria.*

*Articulus 10.*

**S**uperius declaratum est, ea per se pertinere ad finem, per quæ æternam fœlicitatem consequimur. Quia ergo mysterium incarnationis passionisq; Christi via est ad beatitudinem, semper necesse fuit apud omnes mysterium incarnationis Christi aliquo modo credi: diuersimode tamen secundum diuersitatem personarum ac temporum. Nam ante peccatum primus homo habuit explicitam fidem de Christi incarnatione, secundum quod ordinatur ad consummationem gloriæ, non in quantum ordinatur ad liberationem à peccato per passionem & resurrectionem. Non enim præscius fuit homo sui peccati. Videtur autem incarnationis præscius fuisse cum dixit: Propter hoc relinquet homo patrem suum & matrem, & adhærebit uxori suæ. De quibus verbis ait Apostolus: Sacramentum hoc magnum est, ego autem dico in Christo & in ecclesia: quod sacramentum primum hominem ignorasse non est credibile. Post peccatum verò fuit mysterium Christi explicite creditum, non solum quo ad incarnationem, sed etiam quo ad passionem & resurrectionem quibus à morte redimimur. Aliter non præfigurasset Christi passionem quibusdam sacrificiis, tam ante legem quam sub lege: quorum quidam sacrificiorum rationem atque signatum, maiores explicite, minores verò implicate agnoscebant, ut pote credentes ea diuinitus esse disposita de Christo venturo. Porro tempore gratiæ reuelatæ, omnes etiam minores habere tenentur fidem explicitam de mysteriis Christi, præsertim quo ad ea quæ communiter solennizantur & publice propo-

## D. DIONYSII CARTHUSIANI

nuntur, ut sunt de incarnatione articuli. Considerationes vero subtiles circa incarnationem, aliqui magis vel minus credere tenentur, prout vniuscuiusque statui & officio conuenit. Ex his innotescit, quod Iohannes Baptista, quando dixit: Tu es qui venturus es, & cetera: non quæsiuit an Christus venisset in carne, hoc enim agnouit. Sed secundum Gregorium, interrogauit, an in propria persona esset ad inferos descensurus: sciebat tamen, quod passio Christi usque ad limbum patrum se extenderet, sicut prædictum est: Tu quoque in sanguine testamenti tui, emisisti vinctos tuos de lacu, in quo non erat aqua. Et quanuis Iohannes hoc nouerat, potuit tamen nescire an Christus in propria persona illuc descenderet. Secundum Ambrosium verò super Lucam, Iohannes non ex ignorantia, sed ex pietate, interrogauit. Secundum Chrysostomum autem, quæsiuit ut discipuli eius magis instruerentur de Christo. Agnoscendum præterea, quod etiam quibusdam gentilium de Christo reuelatio facta fuit, sicut Iob, & Sibillæ secundum Augustinum. Tempore quoque Constantini sepulchrum inuentum est, in quo sepultus erat homo, in cuius pectore erat aurea lamina habens inscriptum. Christus nascetur de virginē, & credo in eum. O sol, Helenæ & Constantini temporibus iterum me videbis. Denique si qui saluati sunt quibus de Christo reuelatio facta non est, nec ipsi sine fide mediatoris saluati sunt, quia ad minus habuerunt fidem implicitam in diuina prouidentia: credentes deum esse mundi saluatorem, secundum modum sibi placentem, atque aliquibus ab ipso reuelatum. Vnde Augustinus in libro de correctione & gratia: Ista (inquit) est sana fides, qua credimus nullum hominem, siue maioris siue minoris ætatis, à contagione liberari peccati, nisi per mediatorem vnum dei & hominum Iesum Christum.

¶ Aduertendum est insuper, quod cum in mysterio Christi trinitas contineatur, videlicet quod filius dei carnem assumpserit, & per gratiam spiritus sancti renouauerit mundum, atque de spiritu sancto conceptus sit: ideo sine fide trinitatis explicite credi non potest mysterium Christi. Vnde sicut ante Christi aduentum aliqui habebant fidem de Christi mysteriis explicite, quidam implicite: pariformiter de fide trinitatis sentire oportet: quia maiores explicite eam credebant, nam in veteri testamento sæpe innuitur. Non autem tenebantur omnes e-



am explicite credere: nunc verò tempore gratiæ omnes obligantur manifeste credere supersanctæ trinitatis mysterium.

**¶** *An credere sit meritorium 2. Et utrum ratio humana diminuat meritum fidei.*

*Articulus 11.*

**A**ctus proinde humani meritorij sunt, prout procedunt à libero arbitrio, à deo per gratiam moto. Vnde omnis actio, quæ libero arbitrio subditur, esse potest meritoria si sit in deum relata. Credere autem (vt dictum est) est actus intellectus, diuinæ veritati ex voluntatis imperio assentientis, gratia dei voluntatem mouente. Ideoque actus fidei meritorius esse potest. Denique natura comparatur ad gratiam, sicut materia ad formam, fides quoque comparatur ad charitatem sicut dispositio præcedens formam: & igitur sicut materia seu dispositio non agit nisi forma adueniat, sic nec actus naturæ, nec fidei meritorius est, antequam charitas adsit, qua habita, vterque esse meritorius potest. Nam & actus scientiæ si ad charitatem, videlicet ad dei honorem, vtilitatemque proximi ordinetur, meritorius fit. In actu tamen scientiæ sunt duo, scilicet assensus, & ille non est meritorius, quoniam libero arbitrio non subditur, quia per vim demonstrationis, intellectus ad assensum cogitur. Actualis autem consideratio scientiæ voluntati subiicitur & potest meritorius fieri. Actus vero fidei quo ad vtrumque videlicet assensum & vsum, meritorius esse valet. Intellectus enim non cogitur ad assensum, habet tamen sufficiens inductiuum, quia innititur authoritati diuinæ scripturæ, miraculis approbatæ: & quod potius est, quoniam interiori dei instinctu, fides in actum procedit. Porro opinio, quoniam non habet firmum assensum, non procedit ex voluntate perfecta. Ideoque ex parte assensus non apparet meritoria. Ex parte autem considerationis actualis, meritoria esse potest.

2. **¶** Præterea ratio humana dupliciter se potest habere ad id quod fides proponit. Vno modo quasi præcedens, sic quod homo non crederet nisi rationem talem audiret: & sic ratio diminituit fidei meritum, sicut passio præcedens diminituit laudem virtuosij actus, cum non propter passionem, sed rationis

## D. DIONYSII CARTHYSIANI

iudicium, fieri debeant actiones virtutum. Secundo ratio humana se habet ad voluntatem credentis, per modum consequentem, quando videlicet credens, etiam ratione cessante, propter diuinam authoritatem promptissime crederet, tamē quia id quod credit diligit, veritatem fidei reuoluit, & ex eius amore rationes ad eius roborationem excogitat: & ita ratio humana est signum meriti amplioris, nec meriti rationem excludit, causamq; merendi non interimit. Itaque, quod ait Gregorius: Fides non habet meritum, cui ratio præbet experimentum: intelligendum est, quando homo voluntatem credendi promptam non habet, nisi propter vim rationis humanæ. Rationes præterea, quæ inducuntur ad fidem, non sunt demonstratiuæ, sed potius remouent fidei impedimenta, ostendendo ea non esse impossibilia, quæ asserit fides. Rationes verò demonstratiuæ, quæ ad aliqua quæ fidei sunt, scilicet quod deus est, & quod vnus est deus, adducuntur, sunt quasi præambula fidei, & quanuis diminuunt rationem fidei, dum sciunt esse apparentia quæ proponuntur, non tamen diminuunt rationem charitatis, per quam voluntas prompta est ad illa credenda, rationibus non adductis. Propterea non minuitur ratio meriti. Amplius autem sciendum est, quod ea quæ fidem impugnant, siue interior consideratio, siue exterior persecutio, tanto magis meritum fidei augent, quanto in eorum resistentia ostenditur voluntas ad credendum deo pronior atq; robustior. Ideoque sancti martyres maximum fidei meritum habent, & post eos viri ingeniosi ac sapientes, qui propter rationes hæreticorum ac philosophorum, proprias quoque adinventiones subtiles, non recedunt à fide. Vnde eis cooperatur in bonum, quod hæreses sciunt.

¶ *Quod confessio est actus fidei 2. Et quomodo confessio fidei sit ad salutem necessaria.*

Articulus 12.

**I**Nsuper actus exterior illius est actus virtutis, ad cuius finem ex propria specie ordinatur: quemadmodum ieiunare est actus abstinentiæ, cuius est carnem domare: conformiter quia confessio ordinatur ad id quod est fidei sicut ad finem, videlicet ad exteriorem locutionem ex fide manantem: ideo est fidei actus exterior, sicut interior conceptio

eorum, quæ fidei sunt, est interior actus. Est autem triplex confessio, quæ in scriptura laudatur. Vna quæ est actus fidei, vide licet protestatio credendorum. Secunda quæ est gratiarum actio & est actus laetitæ. Tertia est confessio peccatorum, & est actus poenitentiae.

2. ¶ Denique confessio fidei cum sit quiddam affirmatiuum, non cadit nisi sub præcepto affirmatiuo. Præcepta autem affirmatiua obligant semper, sed non ad semper, imo obligant solum pro loco & tempore, & secundum aliquas circumstantias ad actum virtutis requisitas. Vnde fidem confiteri, solum est de necessitate salutis, quando per huius actus omissionem, honor dei, aut proximorum subtraheretur utilitas. Si autem fides videtur periclitari, tunc quilibet tenetur fidem publice confiteri: si vero ex confessione fidei oriatur maior seditio, aut infidelium irrisio & nulla proximorum utilitas, tunc non est laudabile fidem fateri, ne sanctum canibus detur.

¶ *De diffinitione fidei secundum Apostolum.*

*Articulus. 13.*

**A**D Hebræos ait Apostolus: Fides est substantia rerum sperandarum, argumentum non apparentium. Pro cuius declaratione sciendum, quod habitus diffiniendus est per proprium actum, in ordine ad obiectum. Credere autem (quod est actus fidei) est actus intellectus, determinati ad vnum ex imperio voluntatis. Ideoque actus fidei ordinem habet, tam ad obiectum voluntatis, quod est bonum seu finis, quam ad obiectum intellectus, quod est verum. Cumque fides sit virtus theologica, habet idem pro obiecto & fine: vnde oportet obiectum & finem fidei sibi proportionaliter correspondere. Obiectum denique fidei est veritas prima in quantum est non visa, & ea quibus propter primam veritatem inhæretur. Sic ergo necesse est vt veritas prima se habeat ad fidei actum, secundum rationem finis, sub ratione non visi, quod pertinet ad rationem rei speratæ, secundum illud Apostoli: quod non videmus, speramus. Veritatem quippe videre, est eam habere. Quod autem quis habet, non sperat: sperat vero id quod nondum habet. Sic itaque habitudo actus fidei ad finem, qui est voluntatis obiectum, si-

gnificatur in eo quod dicitur: fides est substantia rerum sperandarum. Solet nanque substantia dici prima inchoatio rei, præsertim cum tota res virtualiter continetur in tali principio: quemadmodum dicimus, quod prima principia sunt tota substantia sciëntiæ. Non enim capitur hic substantia prout in quolibet genere primum in se aliqua virtualiter continens dicitur aliquorum substantia. Fides ergo est substantia rerum sperandarum, id est, prima inchoatio rerum sperandarum in nobis, est per fidei assensum, qui in se virtute continet res sperandas. Nam in hoc scelerari speramus, quod aperte videbimus ea, quibus modo per fidem adhæremus. Porro habitudo actus fidei ad obiectum intellectus, prout est obiectum fidei, insinuat cum dicitur: Argumentum non apparentium: & sumitur argumentum pro argumenti effectu, videlicet pro ipsa adhæssione intellectus ad non apparentem fidei veritatem. Vnde verba Apostoli in formam diffinitionis redigi possunt, ut dicatur: Fides est habitus mentis, qua inchoatur vita æterna in nobis. Patet ergo, quod non bene dicant, qui asserunt verba apostoli non esse fidei diffinitionem, licet non ponantur in forma diffinitiva: imo omnia, per quæ fides diffiniri potest, Apostolus tangit. Aliorum vero diffinitiones non sunt nisi quædam explicationes diffinitionis apostoli, ut quod Augustinus ait: Fides est virtus qua creduntur, quæ non videntur. et Damascenus. Fides est inquit, non inquisitus consensus. Quod proinde septimo capitulo de diuinis nominibus Dionysius dicit: Fides est manens credentium fundamentum, collocans eos in veritate, & in ipsis veritatem: idem est ei quod ait Apostolus: Substantia rerum sperandarum. Agnoscendum est autem, quod argumentum ex propriis rei principiis sumptum, facit rem in se ipsa apparentem. Argumentum verò ex diuina autoritate acceptum, non facit rem apparentem in se: & tale est fidei argumentum.

¶ De subiecto fidei 2. Et quomodo charitas dicitur fidei forma. Articulus 14.

**D**Enique ad perfectionem actus, ex duobus principiis procedentis exigitur, utrumque actuum principium esse perfectum ac bene dispositum: non enim esse potest perfecta serratio, nisi serans artem ha-

beat, & serra disposita sit. Dictum est autem, actum fidei ab intellectu à voluntate moto procedere. Ideo ad perfectionem actus fidei, oportet tam voluntatem quam intellectum esse bene dispositum. Dispositio verò per quam potentia se ad opposita habens, ad bene agendum disponitur, est habitus. Intellectus ergo indiget habitu, quo ad actum credendi habilis fiat. Credere autem est immediate actus intellectus, quoniam verum est obiectum ipsius. Ideoque fides, quæ est principium huius actus, est in intellectu. Et quoniam obiectum fidei est verum æternum, seu veritas prima: ideo fides est in intellectu speculativo. Sed quoniam veritas prima est omnium desideriorum actuumque nostrorum finis, secundum Augustinum primo de Trinitate: ideo fides per dilectionem operatur, quemadmodum & intellectus speculativus extensione sui fit practicus, secundum Philosophum tertio de anima. Vnde sicut ad perfectionem actus potentia concupiscibilis requiritur prudentia in ratione, & temperantia in concupiscibili: sic ad perfectionem actus fidei, requiritur in intellectu fides & in voluntate dilectio.

2 ¶ Propterea equidem dicitur charitas fidei forma, inquam per charitatem actus fidei perficitur ac formatur. Vnum quodque enim per suam formam agit. Cum ergo (secundum Apostolum) fides per dilectionem operetur, recte charitas forma fidei perhibetur, non quidem intrinseca, quasi ex fide & charitate vna res constituatur, sed vt dictum est. Denique actus voluntarii speciem sortiuntur à fine. Illud autem à quo res speciem recepit, forma eius vocatur. Id igitur ad quod actus voluntarius ordinatur, forma & finis eius dici potest. Actus verò fidei ordinatur ad bonum diuinum, quod est charitatis obiectum, sicut ad finem. Et ideo charitas fidei forma censetur. Nil autem prohibet vnum actum à diuersis actibus vel habitibus informari: & sic ad diuersas species ordine quodam reduci.

¶ *An fides informis & fides formata sint eadem fides*

2. Et utrum fides sit uirtus. Articulus 15.

**D**IXERVNT præterea quidam, alium esse habitum fidem formatam, & fidem informem: & quod adueniente fide formata, fides informis tollatur.

## D. DIONYSII CARTHUSIANI

Itemque, quod post mortale peccatum, destructa fide formata, fides informis de nouo à deo infundatur. Istud autem inconueniens est. Nam domum dei nō infunditur propter mortale peccatum. Dicendum ergo, quod fides informis & formata non distinguuntur realiter. Habitus enim, seu virtus, nō diuersificatur nisi per id, quod per se ad ipsam pertinet. Cum ergo sit fides in intellectu per se, id tantummodo pertinet ad speciem fidei, quod pertinet ad intellectum. Ideoq; siue charitas habeatur quæ ad voluntatem pertinet, siue non, fides vna numero manet. Licet ergo mortuum non fiat viuum, neque imperfectum perfectum, cum vita vel imperfectio est de ratione atque essentia rei: tamen cum aliquid viuum, aut imperfectum, seu perfectum dicitur, ratione alicuius accidentaliter adiuncti: tūc mortuum potest fieri viuum, imperfectum que perfectum: quemadmodum anima per peccatum mortua fit per gratiam viuā: & sic est de fide informi, quæ viuā efficitur per charitatem adiunctam.

2 ¶ At verò cum virtus sit quæ habentem perficit, & opus eius bonum reddit: ideo cum fides reddat actum hominis bonum, constat eam esse virtutem. Dictum est autem, quod credere est actus intellectus ex imperio voluntatis, ideo ad perfectionem fidei duo exiguntur. Vnum ex parte intellectus, videlicet vt infallibiliter tēdat in suum bonum. quod est verum: aliud ex parte voluntatis, vt scilicet per charitatem ordinetur iste actus in vltimum finem: & vtrumque horum est in fide formata: ideo ipsa virtus est, non autem fides informis. Informitas enim facit eam deficere à perfecta ratione virtutis, cum virtus sit ex propria ratione quædam perfectio. Fidei autem informi deest id quod ex parte voluntatis requiritur.

¶ *Quomodo fides fit vna 2. An omnium virtutum prima.*

Articulus 16.

**F**ides præterea cum sit virtus & habitus, comparari potest ad obiectum. Et tunc fides est vna specie. Nam obiectum eius est vnum, videlicet veritas prima, cui innitendo credimus quæcumque fide tenemus. Ex formali verò ratione obiecti, virtus speciem accipit. Secundo fides consideratur in ordinatione ad subiectum, sicque

diuersificatur numero, secundum diuersitatem credentium. Accidens nanque indiuiduatur per subiectum. Licet itaque fides respiciat æterna ac temporalia, tamen est vna, quoniam non est de temporalibus, nisi in ordinatione ad veritatem æternam. Sapientia autem à scientia distinguitur, quia sapientia est de æternis, scientia de temporalibus, secundum Augustinum tertio decimo de Trinitate, quia hi habitus considerant æterna & temporalia secundum proprias rationes.

¶ Sciendum præterea, quod virtus aliqua dici potest prior dupliciter. Primo per se, secundo modo per accidens. Per se ergo loquendo, fides est virtutum omnium prima. Virtutes enim Theologicæ cæteris sunt priores, quoniam earum obiectum est vltimus finis. Finis autem in agibilibus, est sicut principium in speculationibus: sed necesse est vltimum finem prius esse in intellectu per cognitionem, quam esse possit in voluntate, in qua est per charitatem & spem. Cumque naturalis cognitio attingere deum non valeat, secundum quod est beatitudinis obiectum, oportet vt prius vniatur homo deo per fidem. Porro per accidens dicitur aliqua virtus prima, in quantum remouet prohibens: sicut fortitudo esse potest prior fide quia repellit inordinatum timorem quo quis à fide retrahitur. Humilitas quoque, quoniam expellit superbiam, per quam refutat intellectus se subdere veritati diuinæ, eo quod nequeat eam comprehendere. Spes etiam dicitur introducere ad fidem non quod fidem præcedat, sed quia facit fidei firmiter adherere, atque in ea perseuerare. Veruntamen (teste Augustino in libro contra Iulianum) nulla est vera virtus nisi fide supposita. Fides enim ostendit omni virtuti debitum finem. Quod autem de fide dictum iam est, de fide formata intelligi potest. Fides nanque informis non est virtus completa.

¶ *Per quem modum fides certior est scientia, ac cæteris habitibus intellectualibus.*

*Articulus 17.*

Certitudo autem veritatis dupliciter potest perpendi. Vno modo ex parte causæ certitudinis, & sic quia diuina veritas est cui fides innititur omni scientia, intellectu aliq; habitu, ide certior est. Secundo ex parte subiecti, & sic certius dicitur, quod cognoscentis intelle-



Quis plenius intruetur atque consequitur. Fides igitur, quia rationem naturalem excedit, & de non apparentibus est: ideo secundum hunc modum habitus intellectuales certiores sunt fide, innituntur enim rationi humanæ. Et quoniam vnumquodque iudicatur secundum suam causam simpliciter, secundum dispositionem verò subiecti secundum quid, ideo fides simpliciter loquendo, prædictis habitibus certior est. At verò quandoque habituum intellectualium duo, videlicet prudentia & ars, sunt circa contingentia. Fides autem circa æterna. Ideoque est eis certior. Aliquando uero tres habitus, scilicet sapientia, scientia, & intellectus sunt circa necessaria: quæ tria quandoque nominant dona spiritus sancti, quandoque verò accipiuntur ut sunt virtutes. Si ergo accipiuntur pro donis, tunc supponunt fidem. Vnde fides etiam hoc modo certior est eis, licet certitudo eorum manifestior sit. Nam per fidem peruenitur ad intellectum, secundum illud Isaia: Nisi credideritis, non intelligetis. Nihilominus tota certitudo istorum donorum procedit à certitudine fidei, sicut certitudo agnitionis conclusionum à certitudine principiorum: Vnde non est maior, quamvis apertior.

*¶ An in angelo & homine ante peccatum existit fides 2. Et an in demonibus fides existat. Articulus 18.*

**A**mplius autem constat, quod nec angeli ante confirmationem, nec homo ante peccatum, visionem dei beatificam habuit nec vidit dei essentiam. Cum ergo fides sit argumentum non apparentium, quæ creduntur quæ non videntur: patet quod homo & angelus in sua prima conditione fidem habuerit: nisi quis asserat eos in puris naturalibus esse creatos, & de his, quæ fidei sunt, nil prorsus nouisse, quod tamen dicendum non est. Erant enim in via accedendi ad deum. Accedentem autem ad deum oportet credere, secundum Apostolum. Ideoque erat in eis quædam inchoatio speratæ felicitatis ex gratia, per fidem in intellectu, per charitatem quoque & spem in voluntate. Sed considerandum, quod in obiecto fidei est aliquid formale, videlicet prima veritas, & quo ad hoc fidem habebant: & aliquid materiale, id scilicet, cui propter veritatem diuinam as-

sensus prebatur. Et quia horum aliud est vni creditum, & ab alio scitum: ideo concedendum est quod angelus ante confirmationem, & homo ante peccatum, aliqua de diuinis mysteriis sciuit quæ modo sola fide tenentur. Quia (vt ait Hugo de sancto Victore in suis sententiis) nouit homo in primo statu creatorem suum, non ea cognitione quæ foris solo auditu percipitur, sed ea quæ intus per inspirationem ministratur. Clarior quippe erat ante peccatum contemplatio quam modo non tamen certitudo tanta quæ fidem excludit. Quod denique Hugo dicit: Non ea cognitione cognouit homo creatorem quomodo à credentibus absens fide quæritur, sed ea quæ per contemplationis præsentiam manifestius cernebatur, quauis verba hæc, magistralia sint, auctoritatem tamen non habent. Proinde quod fides dicitur ex auditu esse, accipi debet non solum de auditu humano exteriori, sed etiam de auditu interiori, quemadmodum scriptum est: Audiã quid loquatur in me dominus deus, & hoc modo audiebant deum propheta.

**E**x præhabitis insuper innōtescit, quod intellectus fidei assentit, non quia rem creditam videt, vel in se aut per resolutionem ad principium per se notum, sed ex voluntatis imperio: quod dupliciter contingere potest. Primo ex ordine voluntatis ad bonum, & sic credere est laudabile. Secundo quia intellectus conuincitur vt iudicet esse credendum his, quæ dicuntur, non propter euidētiā rei, (sed signi, quo constat id quod dicitur à deo (qui mēdacij confirmator esse nequit) proferri: Velut si propheta annunciet & miraculo id confirmet mortuum suscitando, tali signo conuincitur ratio vt credat illud dici à deo, & isto modo est in dæmonibus fides. Vident namque manifesta iudicia, quibus certissime sciunt doctrinam ecclesiæ à deo. Ipsas vero veritates quas credit ecclesia, vt deum esse trinum &c. non vident. Vnde dæmonum fides est quasi coacta, & etiam displicet eis vt fieri pro fide miracula. Ideoque non est laudabilis, neque eorum malitiam minuit. Fides quoque dæmonum non est donum gratiæ, sed ex perspicacitate naturalis intellectus ad fidem coguntur. Fides enim quæ est gratiæ donum, inclinat hominem ad credendum secundum aliquem boni effectum, quanuis informis sit. Nunc igitur lucet, cur Iacobus dicat: Dæmones credunt, & contremiscunt.

**E**X præinductis elucescit, fidem speciem ac unitatem fortiri à formali ratione sui obiecti. Fidei autem obiectum est veritas prima, secundum quod in scriptura canonica atque doctrina ecclesiæ manifestatur.

Quicumq; ergo doctrinæ ecclesiæ, quæ ex diuina veritate in scripturis manifestata procedit, non innititur, tanquam diuinæ ac infallibili regulæ: ille amittit formalem obiecti fidei rationem, nec innititur scripturarum authoritati, sed propriæ voluntati & sensui, qui credit scripturæ in vno & non in alio, & ob id in ipso fides non permanet. Vnde hæreticus discredens vnum articulum, fidem non habet nec formatam neq; informem. Sicut qui vnum mortale peccatum committit, charitatem penitus perdit, & ea quæ fidei sunt non seruat per fidem sicut fideles, sed alio modo: quemadmodum qui adhæreret alicui conclusioni, & medium demonstrationis eius ignorat, nō adhæreret ei per sciētiā sed opinionem: ita hæreticus de alijs articulis non veram fidem, sed opinionem habet, secundum propriam voluntatem.

1. ¶ Præterea fides, sicut & quilibet habitus, considerari potest in ordine ad obiectum & item per comparationē ad subiectum. In obiecto autē fidei sunt duo, scilicet formale, quod est veritas prima, quæ est medium probandi cuncta quæ fidei sunt. Et quo ad hoc fides non diuersificatur in credentibus, sed est vna in specie: hoc enim obiectum est vnū & simplex. Aliud est materiale in fide, ea videlicet quæ propter primam veritatem creduntur: & hæc credi possunt magis vel minus explicitè: sic quæ plura credere potest vnus quā alter, & hoc modo fides in vno maior est quam in alio. Si autem fides cōparetur ad subiectum, sic est actus intellectus à voluntate determinati & moti. Ideoq; fides vnus maior esse potest fide alterius, tam ex parte intellectus, propter ampliorem videlicet certitudinem & firmitatem, quam ex parte voluntatis propter maiorem credentis promptitudinem, deuotionem, vel confidentiam, secundum quod gratia dei est copiosior in vno quam altero. Nihilominus in omni credente exigitur, vt diuinæ veritati super omnia innitatur atque inhæreat.

¶ Quod fides inest homini per infusionem à deo 2. Et quod etiam fides informis sit donum gratiæ dei. Articulus 20.

**D**Vo autem exiguntur ad fidē. Primo vt homini proponantur credēda. Secundo requiritur assensus credentis. Cum ergo sit fides eorum notitia quæ rationem transcendunt necesse est principium istorum esse à deo credibilia reuelante. Quibusdam enim reuelantur immediate à deo, quemadmodum ait Apostolus: Quomodo prædicabunt nisi mittantur? Quantum ad secundum, potest duplex caussa fidei considerari. Vna exterior ad fidem inducens, videlicet miraculum aut humana persuasio, quorū neutrum est fidei causa sufficiens. Videntium nāq; idem miraculum, atque eandem prædicationem audientium, quidam credunt & alij non. Ideoq; præter hæc necesse est interiorē ponere causam, ad fidei assensum mouentem. Hanc autem Pelagiani asseriebant solum liberum arbitrium hominis: dicētes initium fidei esse à nobis, inquantum parati sumus his quæ sunt fidei assentire, cōfirmationem verò fidei esse à deo. Hoc autem falsum est. Nam cum homo per fidem eleuetur supra suam naturam, videlicet ad supernaturalium veritatum considerationem: oportet hoc fieri à supernaturali principio, hominem interius mouente, videlicet deo: & ob id fides quantum ad assensum, qui est principalis fidei actus, à deo est per gratiam eius.

2. ¶ Insuper aduertendum, quod informitas fidei est quædam priuatio. Priuatio autem interdum est de propria ratione rei, quemadmodum de ratione ægritudinis est incommensuratio seu distemperatio humorum. Quandoque autem priuatio non pertinet ad rationem rei sed superuenit ei, sicut de ratione diaphani non est obscuritas. Quando autem assignatur causa rei, intelligitur assignari causa rei & eius quod pertinet ad rationem ipsius. Informitas verò non est de ratione fidei nec pertinet ad speciem eius, cum fides dicatur informis ratione formæ intrinsicæ, quæ est in voluntate, videlicet propter charitatis absentiam. Vnde sicut deus est causa fidei simpliciter dictæ, sic est etiam fidei informis causa: non tamen est causa informitatis. Itaq; cum aliquis fidem informem à deo recepit, nō sanatur à deo totaliter, nec absolvitur à præcedēti culpa infidelitatis, sed sanatur secūdu

## D. DIONYSII CARTHVSIANI

quid, vt scilicet cesseret à tali peccato. Hoc autem fit sæpe vt quis deo agente cesseret ab vno peccato, qui tamen propria iniquitate suggerente, non cesseret etiam ab aliis: & sic datur aliquando homini à deo vt credat, non tamen datur ei charitas: sicut quandoque datur alicui donum prophetiæ vel aliud tale sine charitate.

¶ *Quod fides est causa timoris. 2. Et purificationis cordis. Articulus. 21.*

**T**Imor denique ad virtutem appetitiuam pertinet & est motus appetitiuæ potentiæ. Omnium autem appetitiuorum motuum principium atque obiectum, est bonum vel malum apprehensum. Vnde appositio mali causat timorem. Quoniam ergo per fidem habemus notitiam de malis pœnalibus, à deo iuste infligendis pro culpis: propterea dicitur fides causa timoris. Fides enim informis est causa timoris seruilis: Formata vero est causa filialis timoris. Nam fides docet nos diuinam excellentiam & bonitatem. Et hinc oritur timor reuerentialis & castus. Docet quoque iusta dei iudicia, & sic efficit timorem seruilem. Vnde Iacobus: Demones (inquit) credunt & contremiscunt.

2. ¶ Porro impuritas rerum inde consurgit, quod rebus virioribus commiscantur: velut si aurum vniatur plumbo. Si vero coniungitur aliud suo superiori inde purificatur aut melioratur. Rationalis autem creatura inferioribus atque caducis ac sensibilibus cunctis præstantior est: & cum illis commiscetur siue inhæret, scædatur. Cum autem ad deum & ad superiora conuertitur, sanctificatur. Huius vero quod homo ab inferioribus se elonget & ad diuina conuertat, primum principium est fides. Nam accedentem ad deum credere, & quidem fides informis impuritatem ignorantie delet, cum autem ei charitas copulatur, omnia cordis crimina delet, quia vniuersa peccata operit charitas. Propter prædicta ait Petrus: Fide purificans corda ipsorum.

¶ *Quod intellectus sit donum sancti spiritus. 2. Pos-  
sitque simul in eodem esse cum fide. 3.  
Et utrum sit speculatiuus vel practi-  
cus. Articulus. 22.*

**C**ognitio autem sensitiva & intellectiva in hoc differunt, quod sensitiva cognitio est circa exteriores rei qualitates & circa accidentalia rei: intellectus autem designat quandam intimam rei notitiam. Dicitur nanque intelligere, quasi intus legere. Vnde intellectus constituitur essentiam rei, sub exterioribus formis latentem. Nam obiectum eius est quod est. Multa sunt autem quę interius latent, ad quę intellectum penetrare oportet. Nam sub accidentibus latet natura, sub verbis significatiua, sub similibus & figuris veritas figurata, sub effectibus causa, & vice versa. Lumen denique naturale ipsius intellectus finitę veritatis est. Vnde non nisi ad determinatum aliquid pertinere potest. Multa sunt itaque ad quę per se peruenire non valet, quę videlicet naturalem rationem transcendunt: indiget ergo supernaturali quodam lumine, quo roboratus ad supernaturalia intelligenda penetret, & hoc lumen dicitur donum intellectus. Patet ergo, quod intellectus quandoque est nomen potentię, interdum autem est nomen habitus. Hic verò pro dono accipitur. Porro lumen istud ita se habet ad ea quę nobis supernaturaliter innotescunt, quemadmodum lumen naturale ad ea quę naturaliter agnoscuntur. Vnde istud lumen non dicitur ratio, sed intellectus. Ratio quippe semper ab intellectu principiorum incipit, & ad conclusionis intellectum terminatur. Ratiocinamur nanque ab aliquibus intellectis inchoantes, tuncque rationis discursus perficitur, dum id quod ante ignotum erat, intelligimus.

2. **P**raterea, intellectus prout est donum, esse potest simul cum fide in vno, nec prohibet ea quę fidei sunt, hoc modo intelligere: circa quod aduertendum quod quędam cadunt directe sub fide vt articuli fidei: quędam secundo, quę videlicet ordinantur ad fidem, quemadmodum alia vniuersa in sacra scriptura contenta. Rursus intelligi aliquid dupliciter dicitur: vno modo perfecte, quando videlicet essentia rei in seipsa cognoscitur, & sic ea quę directe ad fidem pertinent, intelligi in hac vita pręsenti non valent. Secundo modo intelligi dicitur aliquid imperfecte, non quod natura eius in seipsa sciatur, vel quod veritas propositionis agnoscatur, quomodo sit: cognoscitur tamen quod ea quę forinsecus per sensum vel per naturalem rationem apparent, veritati creditę non contrariantur: & sic ea quę fidei sunt,

## D. DIONYSII CARTHUSIANI

intelligere dicimus, in quantum videmus propter ea quæ exterius apparent, non esse recedendum à fide, sicque fides & intellectus sunt simul.

3. ¶ Ex his elucescit, utrum intellectus, qui est donum, sit speculativus an practicus. Dictum est enim, quod quædam principaliter & directe cadunt sub fide, quæ videlicet speculabilia tantum sunt, & omnem rationem excedunt. Et respectu horum est principaliter intellectus. Secundario autem cadunt sub fide actus humani, in quantum ordinantur ad fidei finem: & circa hæc operabilia est etiam donum intellectus secundum quod in agendis regulamur rationibus æternis legis divinæ; & prout referuntur ad fidem felicitatis æternæ, quibus conspiciendis & consulendis inhæret, secundum Augustinum duodecimo de trinitate, superior ratio: quæ utique ratio intellectus dono perficitur & sic actus humani sortiuntur excellentiam quandam. Itaque intellectus iste est principaliter speculativus. Quia tamen fides per dilectionem operatur, ideo secundario est quodammodo practicus. Sicut in psalmo habetur: Intellectus bonus omnibus facientibus eum. At vero humanorum actuum regula duplex est, scilicet ratio humana, & lex divina. Sicut igitur lex divina rationem naturalem excedit, sic humanorum agnitio actuum, prout divina lege regulantur seu diriguntur, rationem transcendit & ita sub fide & intellectu (fidei donum est) cadunt.

¶ Quod donum intellectus sit in omnibus habentibus gratiam. 2. Et solum in eis. 3. Et quod donum intellectus à cæteris donis distinctum sit. Articulus. 23.

**A**T vero in omni habente gratiam necesse est esse rectitudinem voluntatis circa ultimum finem. Nam secundum Augustinum, voluntas per gratiam præparatur ad bonum. Ad ordinationem autem voluntatis ad deum requiritur cognitio intellectus, quæ est per fidem. Et sicut per donum charitatis ordinatur ad deum voluntas, sic deus per donum intellectus illuminat mentem, ut supernaturalem veritatem recte cognoscat, in quam tendere voluntatem oportet. Ideoque sicut donum charitatis omnibus gratiam habentibus inest, sic & donum intellectus. Verum tamen habens gratiam gratum facientem pati potest hebetu-



dinem mentis, contra quam, secundum Gregorium in secundo moralium, datur donum intellectus, in his quæ non sunt de necessitate salutis: sed circa ea quæ de necessitate salutis sunt, instruitur sufficienter à deo, secundum illud Iohannis: VNCTIO docet vos de omnibus. Et ita patet quomodo dicat Gregorius, quod donum intellectus sanctis interdum vtiliter subtrahitur, ne in elationem erigantur.

2. ¶ Præterea sciendum, quod donum intellectus solis habetibus gratiam inest. Dona etenim spiritus sancti perficiunt animam, in quantum ipsa est mobilis à spiritu sancto, & supernaturale donum intellectus animam perficit, in quantum circa ultimi finis notitiam dirigibilis est. Hæc autem motio, est consideratio qua homo apprehendit veritatem circa ultimum finem: & ob id nisi de illo veram æstimationem habeat donum intellectus nondum suscepit. De ultimo vero fine veram æstimationem non habet, nisi qui circa illum non errat, sed ei tamquam optimo firmiter inhæret. Hoc autem non est nisi habetium gratiam gratum facientem, quemadmodum in mortalibus habet homo rectam æstimationem de fine per habitum virtutis. Ex his patet, quod fides importat solum assensum ad ea quæ fidei sunt. Intellectus autem penetrationem vel perceptionem quandam importat veritatis, eorum quæ fides proponit circa ultimum finem. Porro in Daniele scriptum est: Intelligentia est opus in visione. Illic aliter capitur intelligentia quam hic, ut pote pro illustratione circa dicta prophetica, quæ sine gratia esse potest.

3. ¶ Præterea, distinctio doni intellectus à tribus, videlicet pietate, fortitudine, & timore, evidens est, cum illa ad vim appetitivam pertineant. Intellectus ad cognoscitivam potentiam. Alia vero tria dona, scilicet sapientia, scientia & consilium & etiam intellectus, ad supernaturalem cognitionem fidei ordinantur. Fides autem est ex auditu, & non de re visa. Et primo quidem circa primam veritatem, secundo quoque circa quasdam creaturas, in ordine ad deum consideratas, & ultra extenditur ad actus humanos, quia fides per dilectionem operatur. Itaque circa credenda per fidem, duo exiguntur ex parte nostra. Primo ut intellectu quodammodo perspiciantur ac penetrentur, & hoc fit per donum intellectus. Secundo, ut de his habeat homo rectum iudicium, quatenus æstimet eis firmiter inhærendum

atque ab eorum oppositis præcauendum. Hoc autem iudicium, quantum ad res diuinas, pertinet ad donum sapientiæ: quantum verò ad res creatas, ad donum scientiæ. Quo ad operationes autem humanas, videlicet quantum ad applicationem ad singularia opera, pertinet ad donum consilij. Alij aliter distinguunt ista dona dicentes quod donum scientiæ & consilij pertinent ad practicam cognitionem: intellectus autem ad speculatiuam. Intellectus quoque à dono sapientiæ diuidunt, quoniam ad sapientiæ donum iudicium pertinet. Ad intellectum verò capacitas seu penetratio intima credendorum. Hæc autem distinctio non apparet valere, quia (secundum præhabita) donum intellectus non solum respicit speculanda, sed etiam operanda. Similiter donum scientiæ, sicut patebit. Deniq; tam donum intellectus quàm fides sunt circa prima principia cognitionis gratiæ, scilicet articulos fidei. Difformiter tamen. Fidei enim est eis assentire, intellectus verò, quodammodo penetrare.

¶ *De beatitudine correspondente dono intellectus 2. Et quomodo fides dicitur fructus intellectus. Art. 24.*

**S**icut in libro de sermone domini in monte ait Augustinus: Sexta operatio spiritus sancti, quæ est intellectus, cōuenit mundis corde, qui purgato oculo videre possunt, quæ oculus non vidit. Vnde sexta beatitudo, videlicet: Beati mundo corde, correspondet dono intellectus. In hac autem beatitudine, sicut in cæteris, duo continentur. Vnum per modum meriti, scilicet cordis munditia: aliud per modum præmij, scilicet visio dei: & horum vtrumque ad donum intellectus quodammodo pertinet. Est nempe duplex cordis munditia, vna quasi præambula ac dispositiua ad dei visionem, quæ est expurgatio affectus ab affectionibus inordinatis, & fit per virtutes & dona, vim appetitiuam perficientia. Alia est cordis munditia, quæ est quasi completiua respectu visionis diuinæ: & hæc est munditia mentis à fantasmatibus atque erroribus depuratæ, quando diuina non corporaliter neque fideliter, sed syncera acie conspiciuntur: & hanc efficit donum intellectus. Conformiter visio dei est duplex, vna perfecta, quæ est diuinæ essentiæ clara inspectio, quæ est in patria. Alia est dei visio imperfecta, in qua licet

non videamus de deo quid sit, cernimus tamen quid non est. Et hæc notitia est tanto perfectior : quanto amplius videmus deum excedere omnia, quæ de ipso dicuntur. Vtraque autem visio pertinet ad intellectum. Prima ad donum intellectus contummatum, prout habetur in patria. Secunda ad donum inchoatum in via.

2. ¶ Insuper aduertendum, quod finis rei dicitur fructus eius. Fructus ergo spiritus sunt quædam vltima & delectabilia, quæ in nobis ex virtute spiritus sancti proueniunt, tale autem vltimum habet ratione finis, qui est voluntatis obiectum. Vnde id quod est vltimum delectabile in voluntate, est quodammodo fructus omnium ad alias potentias pertinentium. Fructus ergo boni, vel virtutis potentiam perficientis est duplex. Vnus ad suam potentiam pertinens, & sic dono intellectus correspondet pro fructu fides, id est, fidei certitudo. Intellectus quoque qui est donum, est fructus fidei, quæ est virtus. Secundo modo dicitur fructus, vltimum quoddam pertinens ad voluntatem, & sic dono intellectus correspondet gaudium: dono autem consilij non correspondet proprie aliquis fructus. Quoniam consilium pertinet ad practicam cognitionem duntaxat. Practicæ verò cognitionis fructus esse non potest in ipsa, cum talis cognitio non habeatur propter se sicut speculatiua, sed referatur ad aliud. Denique donis sapientiæ intellectus, atque scientiæ correspondet vnus tantummodo fructus, videlicet certitudo significata nomine fidei. Donis autem, quæ ad vim appetitiuam respiciunt, plura dona correspondent, quia ratio finis, qui includitur in ratione fructus, ad appetitum potius pertinet.

¶ Quod scientia est donum 2. Et quod pertinet ad res creatas. Articulus 25.

**N**atura proinde non vtrique perfectior est quam gratia, sed è contra. Ideoque gratia non deficit in his, in quibus homo per naturam perfici potest. Circa veritatem autem naturaliter cognitam, dupliciter perficitur intellectus. Primo quod veritatem conspicit, secundo quia de ea rectum iudicium habet. Cõformiter in his quæ fidei sunt, intellectus duobus perficitur. Primo vt credenda sanè accipiat, quod ad donum intellectus pertinet: secundo

ut de eis certum iudicium habeat, & credenda à non credendis discernat. Tale autem iudicium circa creata credenda ad scientiam pertinet, prout hic accipitur: ideoque est donum. Et sicut scientia dei non est discursiva nec ratiocinativa sed absoluta & simplex: sic scientia, quæ est donum, non est discursiva, sed est divinæ scientiæ similis, cum sit quædam participata similitudo ipsius. Porro circa credibilia duplex assignatur scientia: una de qua nunc est dictum, quæ est donum sancti spiritus, & est omnibus communis gratiam habentibus. Alia est qua homo scit ea quæ fidei sunt manifestare, explanare, per-suadere, defendere. Et de ista scientia ait Augustinus, quod licet plures fideles polleant fide, non tamen scientia. Amplius quoque sciendum, quod licet dona virtutibus moralibus & intellectualibus perfectiora sint, non tamen virtutibus theologicis: imo omnia dona ad eas tanquam ad finem ordinantur, & ob hoc non est inconueniens si vni virtuti theologicæ plura dona respondeant, sicut & fidei correspondent intellectus & scientia.

2. ¶ At verò certum rei iudicium ex causa sua potissime sumitur. Ideo secundum ordinem causarum est ordo iudiciorum. Et sicut causa prima est causa causæ secundæ: sic de causa secunda iudicatur per causam primam. De causa autem prima non potest iudicari per causam aliam. Vnde iudicium quod datur per primam causam, perfectissimum primumque existit. In his verò, in quibus est vnum perfectissimum, aliquod speciale nomen adaptatur perfectissimo. Nomen autem generale reseruat inferioribus. Cumque nomen scientiæ iudicium quoddam certum importet, & iudicium quod sit per altissimam primamque causam, proprio nomine dicatur sapientiæ: ideo nomen scientiæ reseruat iudicio quod de rebus creatis atque humanis habetur, & circa illas est tantum donum scientiæ.

¶ Vtrum scientia, quæ est donum, sit practica 2. Et quæ beatitudo correspondeat ei. Articulus 26.

**E**X præostensis nunc patuit, quod tam causa scientiæ, quam intellectus donum, ad fidei certitudinem ordinetur. Cum ergo fidei obiectum formale sit veritas prima, fides primo & principaliter in cōtemplatione

consistit. Sed quia veritas prima est ultimus hominis finis, propter quem omnia agimus: ideo fides ad operationem se extendit: nam per dilectionem operatur. Pariformiter donum scientiæ primo atque præcipuè ad speculationem se habet, quia per ipsum agnoscimus quid circa creata tenendum sit fide. Secundario autem etiam ad operationem extenditur, prout per scientiam dirigimur in agendis, circa ea quæ ad credibilia consequuntur. Porro sicut non omnis qui intelligit, habet donum intellectus, sed qui intelligit ex habitu gratiæ: Sic illi duntaxat donum scientiæ habent, qui ex infusione gratiæ certum iudicium habent circa credenda atque agenda: sic quod à rectitudine iustitiæ in nullo aberrant. Hæc est autem sanctorum scientia, de qua dicitur: Iustum deduxit dominus per vias rectas, & dedit illi scientiam sanctorum.

2. ¶ Igitur ad scientiam pertinet rectum de creaturis in ordine ad ultimum finem, iudicium. Ex creaturis verò homo occasionaliter à deo auertitur. Iuxta illud: Creaturæ factæ sunt in odium: & in muscipulam pedibus insipientium, utpote, qui in eis finem sibi constituunt. Per donum autem scientiæ docetur homo de creaturis recte sentire, ac per hoc ei innotescit peccatum & damnum, quod incurrit eis erroneè inhærendo, ex qua insuper agnitione oritur luctus. Vnde tertia beatitudo, videlicet: Beati qui lugent, respondet dono scientiæ. Dicit enim Augustinus in libro de sermone domini in monte: Scientia conuenit lugentibus, qui didicerunt quibus malis victi fuerunt, quæ quasi bona petierunt. [Secundario tamen dono scientiæ respondet consolatio, dum homo per iudicium scientiæ ordinat creaturas ad bonum diuinum. Bona nempe creata spirituale non excitant gaudium, nisi referantur ad deum: Ideoque pax, & gaudium consequens, dono sapientiæ correspondent directe. Contruendum est quoque, quod dono scientiæ ratione considerationis, nulla beatitudo correspondet, quia in solius dei speculatione felicitas ponitur. Sed beatitudo hominis in debito usu & ordinata affectione creaturarum quodammodo sita est, & hoc quantum ad beatitudinem viæ, & ergo non attribuitur scientiæ beatitudo ad contemplationem respiciens, sed consolatio quæ hic inchoatur, & in futuro perficitur.

**C**ognoscendum est insuper, quod infidelitas quandoque accipitur purè negative, ut ex hoc solo dicatur infidelis, quoniam fidem non habet: & sic infidelitas in his qui nihil de fide audierunt, non habet rationem culpæ sed pænæ, quæ pœna seu ignorantia ex primi parentis peccato secuta est. Et hi damnantur non propter infidelitatis peccatū, sed ad alia crimina, quæ sine fide remitti non possunt. Vnde super illud Ioannis, Si non venissem & locutus eis fuisset, peccatum non haberent, ait Augustinus, Quod dominus loquitur de peccato illo, quo non crediderunt in Christum. Secundo modo infidelitas sumitur secundum contrarietatem ad fidem, ut dum quis resistit auditui fidei, vel fidem contemnit, & in hoc ratio infidelitatis consistit, sicque peccatum vocatur. Oritur enim ex superbia quia non dignatur se homo scripturæ sanctæ subijcere. Vnde ad peccatum superbiæ infidelitas potest reduci. Sciendum autem, quod sicut virtutes Theologicæ non reducuntur ad cardinales sed sunt eis priores, sic quoque non oportet peccata theologicis virtutibus contraria ad septem vitia capitalia reduci.

2. ¶ Denique contrariorum est idem subiectum: Ideo sicut fidei subiectum est intellectus, sic & infidelitatis, quæ fidei contrariatur. Propriè enim dicitur esse peccatum in illa potentia, quæ est principium actus peccati. Intellectus verò est proxima causa actus infidelitatis. Est autem duplex principium actus: vnum quasi primum & vniuersale, quod imperat omnes actus, & sic voluntas est causa infidelitatis. Aliud est principium proximum & proprium actum eliciens, & ita est intellectus subiectum & causa infidelitatis.

3. ¶ Præterea, cum peccatum formaliter in auersione mentis à deo consistat, tanto peccatum est grauius, quanto à deo magis elongat. Infidelitas verò maximè elongat à deo, quia infidelis nec valet de deo notitiam habere. Nec potest quantum ad aliquid cognoscere deum, quia de eo falsam opinionem habet: nam quod opinatur esse deum, deus non est. Vnde omnium peccatorum, quæ circa perversitatem morū, (id est quæ contrariantur virtutibus moralibus) contingunt,

infidelitas grauissimum est : secus verò est de aliis vitiis, quæ contrariantur virtutibus theologicis, sicut patebit. Dicit autè Augustinus, & habetur in iure, quod non audet præcipitare sententiam de hoc, An fidelis pessimis moribus imbutus, peior sit hæretico qui aliunde malus non est, an non: nam quauis peccatum hæretici ex genere grauius sit, potest tamen ex circumstantia leuius fieri quibusdam peccatis eius qui credit.

¶ An quælibet actio infidelium sit peccatum 2. Et de speciebus infidelitatis 3.

Et quorum infidelitas grauior est.

Articulus

28.

**P**eccatum proinde mortale gratiam gratificantem penitus tollit : naturale tamen bonum, seu dona naturæ, non aufert. Infidelitas autem mortale peccatū est, non ergo potest infidelis aliquid meritoriè agere. Potest tamen aliquid bonum morale, ad quod naturalis potentia se extendit, operari. Vnde non oportet quod infidelis in omni actu peccet. Itaque quod Apostolus ad Romanos ait: Omne quod non est ex fide, peccatum est. Itemque quod illic Glossa adiungit: Tota vita infidelium peccatum est, intelligi debet quod vita infidelium sine peccato esse non potest: vel quia quicquid ex infidelitate operantur, peccatum est. Nam sicut fidelis non peccat faciendo actum, quem ad fidei finem non ordinat: dummodo non ordinet ad finem contrarium virtuti ac fidei, sit infidelis aliquid sine peccato efficere potest, dum illud ad suæ perfidiæ finem non refert. Quicquid autem ad finem, quem sperat in sua secta, refert, hoc culpa est. De Cornelio quoque centurione sciendum, quod fidem implicitam habuit.

2. ¶ Præterea virtus in eo consistit, quod rectæ cognitionis vel operationis regulā mediumq; attingit quod vno duntaxat modo cōringit. Vnde de 4. ca. de diuinis no. Dionysius dicit: Bonū vno modo efficitur, malum verò multipliciter. Et idem secundo Ethicorum Aristoteles ait: Propterea vni virtuti plura vitia opponuntur, quorum diuersitas consideratur dupliciter. Primo secundum diuersam habitudinem ad virtutem, & sic species vni virtuti oppositæ determinatæ sunt. Nam virtuti morali opponitur vnum vitium secundum



excessum: aliud secundum defectum. Secundo diuersitas ista attenditur secundum corruptionem circumstantiarum, & eorum quæ ad virtutem exiguntur: & sic vni virtuti, vt fortitudini, & cætera. infinita vitia opponuntur, prout infinitis modis con'ingit varias circumstantias, quæ ad virtutem requiruntur, corrumpi. Itaque secundum primum modum tres assignantur species infidelitatis, nam infidelitas principaliter consistit in quodam veritatis renisu atque contemptu: quod dupliciter accidit, quia vel renititur quis fidei nondum susceptæ, & sic est infidelitas gentilium seu paganorum. Aut renititur fidei Christianæ susceptæ. Et hoc dupliciter, vel in figura, & sic est infidelitas Iudæorum, qui veterem legem suscipiunt, quæ nouæ legis figura est: vel in manifestatione, & sic est infidelitas hæreticorum, qui euangelicam legem recipiunt.

¶ Si autem secundo modo pensetur diuersitas infidelitatum, sic indeterminatè sunt species infidelitatis, secundum quod circa fidem infiniti errores accidere possunt, vt in libro de hæresibus Augustinus inducit. Denique formale obiectum infidelitatis non est veritas prima, sed sententia cui falsæ adhæretur. Veruntamen veritas prima est obiectum infidelitatis secundum rationem mali, in quantum per eam à summa veritate receditur, sed inde infidelitas non suscipit speciem, sed potius est speciei priuatio.

3. ¶ Insuper aduertendum, quod si attendamus in infidelitate comparationē eius ad fidem, sic eorum infidelitas, qui veritati fidei susceptæ repugnant, grauior est: & ita infidelitas hæreticorum grauißima est, deinde Iudæorum, postremo paganorum. Secundo considerari potest in infidelitate corruptio alicuius, quod ad fidem requiritur. Cum ergo in pluribus errent pagani quàm Iudæi, & Iudæi quàm hæretici: ideo hoc modo grauior est infidelitas paganorum infidelitate Iudæorum, & Iudæorum quàm hæreticorum, nisi forte quorundam, puta Manichæorum, qui circa fidei veritatem plus errant quàm pagani. Istarum autem grauitatum prima præponderat secundum rationem culpæ, quoniam infidelitas culpam potissimè habet propter veritatis renisum. Plus autem veritati renituntur qui veritatem semel nouerunt. Vnde simpliciter loquendo, hæreticorum infidelitas est grauißima, paganorum leuißima, Iudæorum autem est media:

nam & ipsi recipiunt Christianæ fidei veritatem in figura, quam malè exponunt.

**¶** Quando cum infidelibus disputandum est publice 2. Et utrum infideles ad fidem compellendi sint 3. Et an liceat fidelibus communicare cum infidelibus.

Articulus

29.

**P**orrò in disputatione duo pensanda sunt. Vnum ex parte disputantis, videlicet intentio. Si nanque disputet tanquam dubitans, & fidei argumenta experiri intendens, nec fidem pro certo supponens: tunc peccat tanquam infidelis. Quod si disputet propter confutandos errores, aut propter exercitium, laudabile est. Secundo attendenda est qualitas audientium, quia vel sunt eruditi, & in fide firmati ac sapientes, & coram illis disputare non extat periculum: vel sunt simplices & in fide minus instructi: & tunc distinguendum videtur. Nam aut sunt de fide pulsati, aut sollicitati per infideles, fidem eorum corrumpere satagentes: & tunc necesse est coram eis publice disputare de fide, si assint idonei, qui disputare possint, quorum taciturnitas foret robur erroris. Vnde Gregorius in secundo libro Pastoralis: Si cut incauta locutio in errorem pertrahit, sic indiscretum silentium eos qui audire poterant, in errore relinquit. Si verò simplices non sint ita de fide pulsati, tunc periculosum est coram ipsis disputare de fide: præsertim cum eorum fides tanto sit firmior, quo nihil à sua fide diuersum audierunt. Vnde non expedit eis verba perfidorum audire. Ex istis patet quomodo dicat Apostolus: Noli verbis contendere. Itemque lex Martiani Augusti per canones confirmata, sic dicit: Iniuriam facit iudicio religiosissimæ synodi, si quis semel iudicata ac recte disposita reuoluere & publice disputare contendit: hoc quippe vult, quod disputandum non est de talibus ex dubiosa inquisitione.

2. **¶** Denique infidelium quidam fidem nunquā receperūt, & hi ad fidem nequaquā cogēdi sunt: nam credere est solum volentis, secundum Augustinum. Attamen si assit facultas, cohibendi sunt ne fidem aliquo modo impedian. Ideo enim contra eos Christiani belligerant frequēter, quos tamē etiā si victi & capti fuerint, ad fidem non cogunt. Alij sunt infi-

deles qui fidem semel professi sunt, ut hæretici atque apostata: & tales quoque corporaliter ad credendum cogendi sunt, quatenus quod promiserunt ac susceperunt, tenendo adimpleant. Nam sicut vouere est voluntatis, reddere autem necessitatis: sic fidem suscipere voluntatis est, susceptam verò tenere, necessitatis. Quod verò dominus in euangelio prohibet zizania colligi, ne simul eradicetur & triticum, intelligendum est (secundum Augustinum) quando ex occisione hæreticorum instat periculum occisionis fidelium: illo tamen metu sublato, non sunt tolerandi hæretici.

3. ¶ Præterea communio alicuius personæ interdicitur Christiano dupliciter. Primo in pœnam eius cui aufertur communio, scilicet excommunicato. Secundo propter cautelam eorum qui alijs communicare vetantur. Cum ergo ecclesia de his qui fidem nunquam receperunt, iudicare non habeat spirituali iudicio, dicente Apostolo: Quid mihi de his qui foris sunt iudicare, sed temporali duntaxat, quando videlicet inter fideles morantur & peccant: propterea non prohibentur fideles secundum primum modum communicare Iudæis neque paganis, dicit nempe Apostolus: Si quis vos vocat infidelium ad cœnam, & vultis ire, omne quod vobis apponitur manducate. Sed his qui fidem receptam reliquerunt, isto modo est subtrahenda communio. Nam & excommunicationis sententiam contra eos profert ecclesia: Quo ad secundum verò modum quâdo videlicet propter cautelam prohibetur communio, distinguendum est secundum diuersitatem personarum, negotiorum, & temporum. Nam si fideles sint tales quod potius speranda est infidelium conuersio ad Christum quàm fidelium à fide auersio, tunc communio mutua prohibenda non est, quo ad eos qui fidem nunquam habuerunt, maxime si vrget necessitas. Si verò fideles sint simplices, & in fide non bene fundati, ita quod de eorum subuersione timendum apparet: tunc prohibendi sunt à communionem perfidorum, & potissime à magna familiaritate, & cū nulla occurrit necessitas. Vnde Deut. 7. dicitur: Non inibis cū eis fœdus, &c. Iudæi nanque ad idololatriam proni erāt. Nihilominus potest ecclesia propter specialem causam, communionem fidelium infideli subtrahere.

¶ Amplius autem sciendū, quod licet fidelibus in fideles seruos habere, quia probabilius est quod seruus sequetur do-

minum, quum dominus seruum. Si tamen domino ex tali ser-  
uo immineret periculum, eum abijcere statim deberet, sicut  
scriptum est, Si pes tuus scandalizat te, erue eum, &c.

¶ *An infideles habere possint praelationem atque domini-  
um super fideles. 2. Et utrum infidelium ritus sint to-  
lerandi.* Articulus. 30.

**C**onsiderandum præterea, quod dominium & praela-  
tio hominum sunt inducta ex iure humano. Distin-  
ctio autem fidelium & infidelium oritur ex iure diui-  
num, quodem ex gratia, nō tollit ius humanum, quod  
est ex naturali ratione. Ideoque distinctio fidelium secundū  
se non tollit praelationem neque dominium infidelium super  
fideles. Veruntamen de ista praelatione dupliciter possumus  
loqui. Vno modo de praelatione quasi de nouo instituenda;  
& sic nullatenus permittendum est vt infideles dominantur  
fidelibus, tum propter vitandum scandalum, tum propter  
vitandum periculum. Faciliter enim homines imitantur eos  
quorum inrisdictioni subduntur. Tum propter vitandum fi-  
dei contemptum, quam infideles contemnunt, dum fidelium  
defectus cognoscunt. Vnde Apostolus ad Corinth. prohibet fi-  
deles apud infideles litigare aut iudicari.

¶ Secundo loqui possumus de dominio præexistente; & sic  
(vt dictum est) possunt infideles dominari fidelibus, quod ta-  
men dominium potest ecclesia, dei potestatem habens, ab in-  
infidelibus tollere, eo quod merito suæ perfidiæ, merito per-  
dant authoritatem super fideles, qui transferuntur in liberta-  
tem filiorum dei, & interdum quidem ecclesia facit hoc, quā-  
doque non facit. Nam de illis infidelibus, qui ecclesiæ & mē-  
bris eius subiiciuntur, ecclesia statuit vt seruus Iudæorum  
Christianus effectus mox à seruitute liberetur nullo precio  
dato, si sit vernaculus in seruitute natus. Si autem emptus est  
ad mercationem, tenetur eū Iudæus infra tres menses adven-  
dendum exponere. Et hoc ecclesia iuste agit. Cum enim Iu-  
dæi sint serui ecclesiæ, potest ecclesia de eorum rebus rite  
disponere. In illis autem infidelib⁹, qui potestati ecclesiæ nō  
subduntur, ecclesia istud non statuit, quanuis posset propter  
scandalum vitandum, quemadmodum Christus ostendit  
se à debito tributi liberum, quoniam liberi sunt filij: quod

tamen ne scandalizarentur persoluit. Vnde Apostolus: *Qui-  
cunque* (inquit) sub iugo sunt serui, dominos suos omni hono-  
re dignos arbitrentur, ne nomen domini & doctrina eius bla-  
sphementur. Permittit tamen ecclesia vt fideles colant terras  
Iudæorum, hoc enim minus periculosum est, quia per hoc nō  
subduntur infidelibus simpliciter, sed solum ad quædam spe-  
cialia opera, nec propter hoc indiget multum conuersari cū  
eis. Nam & Salomon ab Iram rege Tyri expetiit magistros  
operum.

¶ Dicit autem Philosophus primo Politicorum, quod seruus  
est domini sui instrumentum in his, quæ pertinent ad vitam  
humanam, sicut minister est instrumentum artificis in perti-  
nentibus ad artis operationem.

¶ Amplius aduertendum, quod regimen humanum à diui-  
no regimine oritur ipsumque imitatur. Sicut ergo omnipo-  
tens & summe bonus deus multa mala permittit, quæ vtique  
impedire solo nutu posset, ne malis sublati maiora bona o-  
mittantur, vel plura mala sequantur. Sic quoque in humano  
regimine prælati ac principes quædam mala permittunt, ne  
bona tollentur, vel peiora nascantur, vt in libro de ordine v-  
niuersi Augustinus de meretricibus ait, sic ergo ecclesia ri-  
tus Iudeorum tollerat, quia per hoc testimonium nostræ fi-  
dei ab hostibus nostris elicimus, eo quod in ritibus Iudæorū  
veritas nostræ legis præfigurata sit. Ritus vero gentilium nō  
sustinet, cum nihil veritatis aut vtilitatis inde proueniat, nisi  
forte ad vitandum scandalum atque dissidium. Sic quippe ri-  
tus hæreticorum ac paganorum ecclesia quandoq; sustinuit,  
quando illorum magna multitudo extiterat, propterea Gre-  
gorius in decr. distin: 45. capitulo *Qui seruire*, dicit de Iu-  
dæis: Omnes festiuitates suas, sicut hætenus ipsi & patres ip-  
sorum tenuerunt, liberam habeant seruandi celebrādiq; li-  
centiam. Denique interdum ad tempus tollerandi essent ri-  
tus gentilium & hæreticorum, propter salutem ipsorum, qua  
tenus sic tollerati paulatim conuertantur ad fidem.

¶ *An Iudæorum & aliorum infi-  
delium pueri sint baptizan-  
di inuitis parentibus.*

Articulus .31.

**M**aximam denique auctoritatem habet consuetudo ecclesiæ, quæ est semper æmulanda: nam & catholicorum dicta doctorum ab ecclesia auctoritatem suscipiunt. Vnde multo maiorem auctoritas ecclesiæ quàm Augustini, vel Hieronimi, aut alicuius doctoris. Nunquam autem ecclesiæ consuetudo fuit, vt Iudeorum pueri inuitis parentibus baptizarentur, cum tamen præteritis temporibus fuerint potentissimi principes, vt Constantinus & Theodosius, quibus familiarissimi erant sanctissimi Antistites, vt Constantino Syluester, & Ambrosius Theodosio, qui nequaquam omisissent istud impetrari ab ipsis, si licuisset. Ideo periculosum esset nunc recenter inducere, quod pueri tales sic baptizarentur. Primo propter periculum fidei quam postea forte de facili ex inductione parentum relinquerent, eo quod nescientes baptizati essent. Secundo, quia hoc repugnaret naturali iustitiæ. Filius enim est aliquid suorum parentum, & vsque ad vsum rationis est sub cura ipsorum, nam vsque tunc non differt ab irrationabilibus brutis.

¶ Adhuc autem antiquorum patrum infantes in fide parentum saluari sunt, quo constat quia parentum est prouidere filiis ad salutem. Rursus, non est parentibus auferendum ius patriæ potestatis.

¶ De specie hæresis .2. De eius materia Articulus 32.

**Q**uemadmodum Hieronymus ait, & habetur in decretis. 44. quæst. 3. hæresis græce ab electione dicitur, eo quod sibi vnusquisque disciplinam eligat quam meliorem existimat. Vnde sicut voluntas spectat ad fidem, sic electio ad hæresim. Denique electio est mediocrum ad finem, præsupposito fine. In credendis autem voluntas assentit primo vero, tanquam proprio bono ac vltimo fini. In fide ergo credentis est aliquid, cuius dicto credens assentit, & hoc est principale in fide, aliud est sententia quam sectando alicui credit. A fide ergo Christiana dupliciter deniatur. Primo non assentiendo ipsi Christo, & talis est infidelitas Iudeorum atque gentilium, qui circa finem malam habent voluntatem. Secundo per hoc quod assentire Christo intendit, sed errat in medijs, ea videlicet eligendo, quæ nõ sunt verè à Christo tradita, sed quæ sibi propria ratio suggerit, &

juxta proprium sensum verba Christi exponit. Vnde hæresis est species infidelitatis eorum videlicet, qui fidem Christi profitentur, sed fidei documenta corrumpunt: sic igitur proximus finis hæresis est adhærere sententiæ propriæ, & inde speciem habet, finis autem remotus est honor, fama, vel gloria. Dicit enim Augustinus in libro de utilitate credendi, hæreticus est qui temporalis commodi & maximè principatus aut gloriæ suæ causa, falsas novasque opiniones vel gignit vel sequitur. Propter quod patet, quod ut frequenter hæresis ex cupiditate vel superbia oritur, quandoque tamen ex illusione fantastica nascitur. Hæresis ergo ut modo accipitur, corruptionem fidei importat.

2. ¶ Dupliciter quoque (ut præhabitu est) pertinet aliquid ad finem, videlicet directe, ut articuli fidei: & indirecte, ut omnia alia quæ in scriptura sacra habentur: & circumtrūq; cōtingere hæresis potest. Itaq; sicut hæreses Iudæorū erāt circa quæstiones Iudaismi, sic hæreses Christianorū sunt circa ea quæ fidei sunt. Dicit autē Hieronymus, q̄ qui aliter scripturā intelligit aut exponit quā sensus spiritus sancti efflagitat, licet ab ecclesia non recesserit, tamen hæreticus appellari potest: quod tunc cōtingit, dum quis veritatem scripturæ retorquet ad ea quæ fidei extant contraria, & suæ opinioni fauentia. Rursus Hieronymus dicit, quod ex verbis inordinate prolatis oritur hæresis. Confessio namque, quæ est fidei actus, per verba exprimitur, & ergo si verba inordinate dicantur, per exteriorē actum, interior fides potest corrumpi. Verum tamen (ut Augustinus testatur, & habetur, in decretis. 27. q. 3.) nemo deputatur hæreticus, quamuis falsam ac fidei contrariam sententiam teneat, nisi eam pertinaci animositate defendat. Porro contra authoritatem summi pontificis, nullus doctorum sanctorum suam sententiam defensare præsumit.

¶ *Utrum hæretici sint sustinendi. 2. An reuertentes sint recipiendi.*      *Articulus.*      33.

**D**Vo præterea in hæretico pensari possunt. Vnum ex parte hæretici, scilicet peccatum ipsius, & per hoc meretur non solum excommunicari, sed insuper occidi; cum multo sit grauius fidem corrumpere quā monetam falsare. Si ergo pecuniarum falsarij occi-



duntur, multo iustius conuicti de hæresi mox possent interfici. Secundo consideranda est misericordia ecclesiæ, cuius est errantem ad fidem reducere, & sic ecclesia non statim prima vice hæreticum damnat, sed post primam & secundam admonitionem, vt docet Apostolus: Si vero tunc pertinax manserit, separat eum à se ecclesia, per excommunicationis sententiam, & vltèrius relinquit eum seculari iudicio, tradédum ad mortem. Dicit nanque Hieronymus, & habetur in decretis 44. q. tertia. Secundæ sunt putridæ carnes, & scabiosa ouis à caule repellenda, ne rota domus massa, corpus, & pecora ardeant, corrumpantur, putrescant, intercant. Arrius in Alexāndria vna scintilla fuit, sed quoniam non statim oppressus est, totum orbem eius flamma depopulata est. Itaq; sunt extirpanda zizania, dum sine extirpatione tritici fieri potest.

2 ¶ Aduertendum est insuper quod ecclesia, Christo docente, etiam inimicos diligit, & eis benefacit. Est autem duplex bonum, quod per charitatem proximo exhibemus. Vnū spirituale, videlicet animæ salus, quod charitas principaliter respicit: & quantum ad hoc ecclesiā semper hæreticos quotiescunque reuertuntur, ad pœnitentiam recipit, offerens eis viam salutis. Aliud est temporale bonum, quod charitas secundario respicit, vt pote vita corporalis, possessio, dignitas, fama: & talia non debemus aliis, nisi secundum quod ipsorum atq; aliorum saluti expediens est. Propterea ecclesia primo ab hæresi redeuntes, ad fidem suscipit quo ad vtrumque bonum, cōseruans eos in vita & interdum pristinam dignitatē propter bonum pacis, eisdem restituens. Si verò iterum relabantur, non recipit eos ad temporale bonum, nec à ortem tuerur. Primo, quia si semper reciperentur, alij securius fidem desererent. Secundo, quia iste relapsus est incōstantiæ signum. Terrio, quia si reciperentur, id posset in aliorum præiudicium euenire, Nam si rursus à fide recederent, fideles occiderent. Ideo decre. dicit, quod si aliqui post abiurationem erroris depræhensi fuerint in abiuratā hæresim recidisse, seculari iudicio sunt relinquendi.

¶ Quod apostasia ad infidelitatem pertineat 2. An propter apostasiam princeps ius domini amittat. Artic. 34.

**R**ecessum autem à fide apostasia significat. Sicut ergo homo multipliciter deo vnitur, videlicet primo per fidem, Secundo per obedientem voluntatem, Tertio per specialia erogationis opera, scilicet per susceptionem religionis, clericaturæ, seu ordinis: sic quoque multipliciter à deo receditur. Nam recessus à religione suscepta vel ordine, dicitur apostasia religionis seu ordinis. Sed non est apostasia simpliciter dicta, remoto quippe posteriori remane prius, sed non e contra. Et ergo quanuis homo à deo recedat religionem, vel ordinem relinquendo, aut dei mandatis non obediendo: manet tamen deo per fidem vnitus, quam si reliquerit, omnino atque simpliciter apostasiam incurrit. Vnde ad infidelitatem apostasia pertinet, non sicut species eius, sed sicut circumstantia aggrauans, secundum illud Petri: Melius erat eis veritatem non cognoscere, quàm post agnitâ retro ire.

¶ Amplius intuendum, quod infidelitas secundum se non repugnat dominio, cum dominium sit ex iure humano, fidelitas autem ex gratiæ dono. Ius autem diuinum non tollit humanum. Potest tamen per infidelitatem peccans, ius prælationis amittere per sententiam ecclesiastici iudicis, sicut & quandoque propter alia mala. De his autem qui foris sunt, id est, si dem nunquam receperunt, ecclesia iudicare non habet, vt eorum infidelitatem puniat. Sed in his qui fidem relinquunt, rationabiliter perfidos punit per hoc quod fideles ab eorum dominio liberat. Præsertim, ne per infideles dominos à fide subuertantur. Vnde quodcunque princeps denuntiatur apostata, absoluuntur ab eius dominio Christiani. Vnde Grægorius septimus dicit: Nos sanctorum prædecessorum statuta tenentes, &c. quæ consonant istis.

¶ De blasphemia, quod sit opposita confessioni 2. An sit semper mortale peccatum 3. Vtrum sit maximum peccatorum 4. An inueniatur in damnatis. Articulus 35.

**P**ræfens articulus quatuor tangit. Circa primum sciendum quod blasphemia est derogatio alicuius excellentis bonitatis, & præcipue diuinæ. Deus autem est (secundum Dionysium) ipsa bonitatis essentia, & quicquid ei conuenit, pertinet ad bonitatem ipsius. Qui.

cunque ergo de deo negat quid ei conuenit, vel ei ascribit quod sibi non conuenit, derogat bonitati diuinæ. Quod dupliciter accidere potest. Vno modo tantum in corde, videlicet secundum solam opinionem intellectus, aut affectionem voluntatis. Et hæc est blasphemia cordis. Secundo, quod talis derogatio per locutionem prodeat foras, & hæc dicitur blasphemia oris, & opponitur confessioni, quæ est fidei actus exterior.

¶ Ponunt autem quidam tres blasphemiarum species prima cum deo ascribitur quod ei non conuenit, secunda cum ab eo negatur quod sibi competit, tertia cum creaturæ tribuitur quod deo appropriatur. Sed secundum ista duo prima non possunt propriè accipi diuersæ species peccati blasphemiarum, quia non differunt nisi secundum negationem & affirmationem, quæ diuersitas distinctionem specificam non inducit. Nam affirmatio & negatio per eandem scienciam agnoscuntur, & per eandem ignorantiam circa vtrumque erratur, cum negatio per affirmationem probetur, quemadmodum primo posteriorum habetur.

2 ¶ Præterea cum mortale peccatum sit illud, quo separatur homo à primo principio spiritualis vitæ, quod est charitas, constat quod blasphemia ex suo genere sit peccatum mortale, derogat enim diuino honori, & sic repugnat diuinæ bonitati, quæ est charitatis obiectum. Aduertendum tamen quod cum ea quæ ex subreptione contingunt videlicet sine deliberatione, non sint peccata mortalia: ideo blasphemia si ex subreptione eueniat, sic quod homo propter passionis vehementiam, significationem verborum non pensat, neque considerat, tunc veniale peccatum erit, & non habet perfectam rationem blasphemiarum. Si autem aduertat hoc quod dicit esse blasphemiam, tunc passio subita à peccato mortali non excusat: sicut nec ille qui ex subito motu iræ aliquem perimit, à mortali excusatur peccato.

3 ¶ Insuper quoniam dictum est quod blasphemia opponatur confessioni fidei: ideo habet in se infidelitatis peccatum, & addit super hoc si adueniat detestatio veritatis, grauatur quoque culpa blasphemiarum magis si in verba exteriora prorumpat sicut & laus dei augetur & clarificatur per dilectionem & confessionem.

¶ Itaque sicut infidelitas secundum suum genus est maximū

## D. DIONYSII CARTHUSIANI

peccatū, sic & blasphemia, additque supra culpam infidelitatis. Perfecta verò blasphemiarum ratio est, cum quis intendit derogare diuinæ bonitati, loquendo conuicia, non tantum secundum conceptionem intellectus, sed etiam secundum affectionem voluntatis, detestantis & impediētis honorem diuinum pro viribus. Quandoque autem dicitur quod excusatio culpæ sit maximum peccatum. Quod ideo dictum est, quia excusatio talis est circumstantia quædam aggrauans omne peccatum.

4 ¶ Amplius autem considerandum, quod in inferno est miserorum blasphemia, est enim illic detestatio bonitatis diuinæ, videlicet iustitiæ dei. Nam cum in damnatis remaneat semper peruersa voluntas, diligunt ea pro quibus puniuntur, vellentque, si possent, vti eisdem, pœnas quoque iustas odiunt, & de peccatis commissis dolent, non quia ea secundum se odiunt, sed quoniam propter ea torquentur, & ita detestantur iustitiam dei: & hæc cordis detestatio, est interior eorum blasphemia. Credibile etiam est, quod post resurrectionem erit in ipsis vocalis blasphemia, sicut in sanctis laus vocalis.

¶ Denique, vt asserit glosa super illud Apocalyp. 16. Aestuebant homines æstu magno, & blasphemabant nomen dei, habentis potestatem super plagas has. Quauis in inferno sciāt se iuste puniri, dolebunt tamen quod deus tantam potestatem habet quod eis talia infert.

¶ De peccato seu blasphemia in spiritum sanctum 2  
De speciebus eius. Articulus 36.

**T**Riplex insuper inuenitur apud doctores modus loquendi de peccato in spiritum sanctum. Antiqui enim doctores, Arhanasius, Hilarius, Ambrosius, Hieronymus, Chrysostomus, accipiunt peccatum in spiritum sanctum prout spiritus sanctus est nomen essentialē toti trinitati & singulis personis conueniens, nā quælibet persona est spiritus & sanctus: siue prout est nomen tertiæ personæ in diuinis, & secundum hoc Mathæi. 12. diuiditur blasphemia in spiritum sanctum contra blasphemiam in filiū hominis: Christus quippe quædam operabatur vt homo, manducando, bibendo, &c. quædam vt deus, per virtutem diuinitatis & spiritus sancti, mortuos suscitando &c. Iudæi igitur primo blas-

phemabant opera eius humana, appellantes eum voratorem &c. & hæc dicitur blasphemia in filium hominis. Secundo opera eius diuina, diabolo eius ascribendo miracula: & ista est blasphemia in spiritum sanctum. Augustinus autem in libro de verbis domini: ait peccatum in spiritum sanctum esse finalem impœnitentiam, dum quis vsque ad mortem in peccatis perseuerat, quod fieri potest verbo, cogitatione, & actu: & dicitur peccatum tale in spiritum sanctum, quoniam est contra remissionem peccatorum, quæ à spiritu sancto præstatur. Alij verò dicunt peccatum in spiritum sanctum quod fit contra appropriatum spiritus sancti, cui appropriatur bonitas, sicut patri potentia, filio sapientia. Vnde sicut peccatum ex infirmitate est contra patrem, peccatum ex ignorantia in filium: sic peccatum ex certa malitia, id est, ex electione mali, cum scilicet malitia propter se placet, est peccatum in spiritum sanctum, vt dicit magister libro secundo. Quod dupliciter accidere potest. Primo ex inclinatione habitus viciosi, qui malitia dicitur, & hoc non est peccare in spiritum sanctum, sed quædam generalis peccati conditio. Secundo quia contemnitur atque abiicitur quod mali electionem, peccatumque impedit vt sunt spes, timor, & alia quædam, quæ spiritus sanctus propriè operatur in nobis, & istud secundum tertium modum est peccare in spiritum sanctum. Porro secundum primam & tertiam expositionem peccatum seu blasphemia spiritus sancti est speciale genus peccati: Non autem secundum expositionem Augustini, sic nanque esse potest circumstantia cuiuslibet generis peccati.

¶ Præterea, sicut ex diuersis libris Augustini colligitur, sex sunt peccata in spiritum sanctum quæ etiam conuenienter vocantur species peccati in spiritum sanctum, secundum tertium modum de isto peccato loquendo, videlicet præsumptio, desperatio, impœnitentia, obstinatio, impugnatio veritatis agnitæ atq; inuidia gratiæ fraternæ, quorum distinctio datur secundum ea, vel eorum contemptum, per quæ homo à peccati electione retrahitur, quorum sunt quædam ex parte diuini iudicii, quædam ex parte donorum dei, quædam autem ex parte peccati. Auertitur enim homo à malo, considerando iudicium dei, in quo cōpræhenditur misericordia atq; iustitia, & ex consideratione misericordiæ concipitur spes,

## D. DIONYSII CARTHUSIANI

ex iustitia vero oritur timor. Cū ergo peccator tollit à se spē de misericordia dei diffidendo, dicitur desperatio: cum vero timorem contemnit, præsumptio dicitur, dum quis præsumit gloriam sine meritis, aut veniam sine pœnitentia adipisci.

¶ Dona autem dei, quibus à peccato retrahuntur, sunt duo, videlicet veritatis agnitio, contra quod committitur impugnatio veritatis agnitæ, dum homo veritatem fidei agnitam impugnat, quatenus licentius peccet. Aliud est gratiæ interioris auxilium, cui reeditur inuidencia gratiæ fraternæ, dum homo nō solūm personæ fratris, sed gratiæ dei crescentis in mūdo, est inuidens. Ex parte quoque peccati sunt duo, quibus homo merito à peccato retrahi debet. Primum est inordinatio seu turpitudine actus peccaminosi, & contra hoc ponitur impœnitentia, non secundum quod dicit permanentiam in peccato vsque ad finem, sic namque est communis circumstantia culpæ: sed capitur hic impœnitentia pro proposito non pœnitendi. Aliud autem est paruitas & breuitas boni quod in peccato optatur, & hoc remouetur per obstinationem qua quis firmat propositum vt peccato inhæreat.

¶ *De irremissibilitate peccati in spiritum sanctum 2. An quis peccare possit in spiritum sanctum, non præcedentibus alijs culpis.*

Articulus 38.

**E**X præostensis iam patuit quomodo peccatum tripliciter dicatur in spiritum sanctum. Si itaque peccatum in spiritum sanctum dicatur finalis impœnitentia, sic est simpliciter irremissibile, quia nec in præsentī, nec in futuro dimittitur. Secundum alias vero acceptiones dicitur irremissibile, non quod nequaquam remitti posset quoniā omnipotenti medico nullius languor insanabilis extat, sed quia ex se meritum habet vt nunquam ignoscatur, & hoc dupliciter. Primo ex parte pœnæ, Peccatum namque ex ignorantia & infirmitate aliquam excusationem habet, vnde pœna eius minui queat. Peccatum verò ex certa malitia, nullam. Secundo quantum ad culpam, quemadmodum enim morbus corporalis insanabilis fertur, quia ex se habet rationē quod sanari non possit: quanuis deus eum sanare posset: sic peccatum in spiritum sanctum quia ea excludit & spernit per quæ

remissio fit, ideo ex parte culpæ irremissibile est: per hoc tamen non præcluditur via omnipotentiae atque clemencie dei, per quam tales peccatores quasi miraculose interdum convertuntur.

¶ Præterea si peccatum in spiritum sanctum, seu ex certa malitia, dicatur quia ex inclinatione habitus mali procedit, sic peccatum in spiritum sanctum non potest primo & ante alia peccata fieri, oportet namque ante habitum malum actus multos præcedere, sed hoc non est propriè peccare in spiritum sanctum. Si autem peccatum in spiritum sanctum propriè accipiat, ut pote quia est ex contemptu eorum, quæ peccata impediunt: tunc iterum non potest alia cuncta peccata præcedere, scriptum est enim: Impius cum in profundum peccatorum venerit contemnit. Potest tamen contingere quod aliquis in primo actu peccati in spiritum sanctum peccet per contemptum, tum propter libertatem arbitrij. Tum propter varias prævias dispositiones, vel propter forte motuum seu debilem affectum ad bonum. Vnde viris perfectis, raro vel nunquam contingere potest, ut statim in principio in spiritum sanctum peccent, ut ait Origenes in libro Periarcho. In pluribus enim tam in bono quam in malo est successivus processus ab imperfecto ad perfectum. De iustis nempe habetur: Iustorum semita, quasi lux splendens, crescit & proficit usque ad perfectum diem.

¶ De cæcitate mentis 2. De hebetudine sensus 3. De distinctione atque origine viciorum istorum.  
*Articulus 38.*

**S**icut cæcitas corporei visus est privatio luminis, per quod fit visio corporalis: sic cæcitas mentis est privatio luminis quod est principium intellectualis visionis. Hoc autem principium seu lumen triplex est: unum est naturale lumen rationis, & hoc tolli non potest, quia ad speciem hominis pertinet. Potest tamen per inferiores potentias impediri & obtenebrari, quemadmodum in amentibus, furiosisq; constat. Secundum principium visionis mentalis est habituale gratiæ lumen naturali lumini superadiunctum, quo anima per peccatum priuatur, ut scriptum est: Excæcavit eos malitia eorum. Tertium eius principium est aliquod primum



intelligibile, per quod homo intelligit alia, & cui intendere ac non intendere potest: quod autem tali principio non intendit dupliciter accedit. Primò quia se ab illius consideratione sponte auerit. Secundo quia circa alia occupatur: de primo scriptum est, Noluit intelligere ut bene ageret. De secundo, Supercecidit ignis, scilicet concupiscentia, & non viderunt solem, veritatis videlicet atque iustitiæ. Vtroque autem modo cæcitas mentis peccatum existit. Denique quod Iohannis non scribitur: Si cæci essetis, non haberetis peccatum, intelligendum est de cæcitate quæ ex naturali defectu contingit, illa enim à peccato excusat.

2 ¶ Considerandum præterea, quod hebes acuto opponitur. Ideoque sicut acurum aliquid dicitur quia penetrare ad intima potest: sic hebes vocatur quod obrutum est, penetrare non valens. Vnde sensus corporalis acurus est, quia aliquid à remoto percipit, vel quia aliquid sensibile paruum sentit: qui etiam appellatur obtusus, si non nisi magna ac de propinquo sentire valet. Similitudinarie igitur dicitur quispiam obtusi sensus circa intellectualia. Sensus autem circa intelligibilia non percipit obiectum per medium corporalis distantia, sed per media rationis, cognoscendo causam per effectum, & essentiam per qualitates & actus. Sicut ergo intellectualiter acuti dicitur sensus, qui mox ex accidentibus atque effectibus naturam occultasque rei condiciones cognoscere valet: hebes verò qui vix per multa sibi exposita, intima atque subtilia capere potest, & si capit, non tamen profundè intelligit: sic in proposito hebetudo sensus circa intelligentiam debilitatem designat circa spiritualium considerationem bonorum. Cæcitas verò mentis omnimodam priuationem cognitionis eorum importat, & sic parer horum distinctio.

¶ Vtrumque autè dono intellectus opponitur, cuius est spiritualia quasi penetrando subtiliter intueri, habet quoque hebetudo sensus rationem peccati, in quantum voluntaria est, ut cum affectus circa carnalia delectatus, spiritualia pensare siue discutere fastidit ac negligit.

3 ¶ Aduertendum proinde, quod intellectualis operationis perfectio in homine, in abstractione & elongatione à sensibilibus rerum fantasmatibus imaginibusque consistit, & quanto intellectus à talibus absolutior fuerit, tanto ad considerandum intelligibilia, ordinandum quoque sensibilia, efficacior

redditur. Vnde Anaxagoras ait, quod oportet intellectum esse immixtum, quatenus imperare atque materiæ dominari sufficiat. Delectatio autem applicat & reprimat intentionem ad ea, in quibus quis delectatur. Dicit namque Aristoteles primo Ethicorum: Vnusquisque ea in quibus delectatur, optime operatur, alia verò nequaquam vel debiliter. Cumque gula & luxuria circa maximas delectationes carnales consistant, ideo per eas homo maximè applicatur & immiscetur carnalibus, atque à spiritualibus impeditur: Maximè per luxuriam, quanto delectationes venereæ cæteris extant maiores, propterea ex luxuria oritur cæcitas mentis, quæ quasi totaliter spirituales notitias tollit, ex gula verò hebetudo sensus. Denique sicut vitia ista actum rationis præsertim offuscant, sic virtutes oppositæ, abstinencia scilicet & castitas, ad intellectualem operationis profectum potissimè conferunt, sicut in Daniele de pueris abstinencia & sobrietati vacantibus, scribitur. Propter quod in Moralibus Gregorius asserit, quod hebetudo mentis oritur ex gula, cæcitas verò animæ ex luxuria.

¶ De præceptis pertinentibus ad fidem, & ad dona intellectus atque scientiæ.

Articulus 39.

**E**X quo ad Romanos tertio Apostolus veterem legem vocat legem factorum, diuidens eam contra legem fidei, videri forsitan posset: quod in veteri lege non essent data nec danda præcepta de fide, seu credendi. Cognoscendum itaque quod lex non datur à domino nisi sibi subiectis. Prima autem subiectio hominis sub deo est per fidem: Ideo fides requiritur ante legis præcepta, & ideo in Exodo fides præmittitur ante præcepta, cum dicitur: Ego sum dominus deus tuus, qui eduxi te de terra Aegypti. Et in Deuteronomio: Audi Israel, dominus deus tuus, deus vnus est. Sed in veteri lege non erant secreta fidei populo exponenda sicut in noua lege. Sunt tamen in ea multa præcepta prohibitiua eorum, quæ fidem corrumpunt. Denique dantur etiã in veteri lege præcepta ad dona intellectus & scientiæ pertinentia. Vnde in Deuteronomio habetur: Hæc est vestra sapientia & intelligentia coram populis, vt audiētes & intelligentes vniuersi præcepta hæc dicāt: En populus sapiēs & intelligēs, quo inno-

tescit quod fidelium scientia & intellectus, in præceptis diuinæ legis consistat. Ideoque primo danda erant præcepta, & postea ad illorum intellectum, atque scientiam erant homines inducendi. Præterea, circa scientiam & intellectum tria possunt pensari. Primo ipsorum acceptio, quæ fit per doctrinam & disciplinam, & de hoc dicitur in deuteronomio: erunt verba hæc in corde tuo, quod ad discipulum pertinet, ut scilicet cor suum applicet doctrinæ, docentis. Et narrabis ea filiis tuis hoc pertinet ad doctrinam. Secundo consideratur usus ipsorum. Usus autem intellectus & scientiæ est meditatio eorum, quæ homo scit atque intelligit, & de hoc subditur. Et mediteris sedens in domo tua. Tertio consideratur horum conseruatio, quæ fit per memoriam, indeque subditur. Ligabis ea quasi signum in manu tua. Hæc quoque mandata in noua lege copiosius præcipiuntur.

¶ Dicitur autem in Deuteronomio: Meditaberis ea dormiens atque consurgens. Quod intelligendum non est, quasi homo dormiendo meditari valeat, sed dormiens, id est, vadens dormitum. Nam ex hoc dormienti meliora occurrunt fantasmata, quia fantasmata transeunt intus à vigilantibus ad dormientes secundum Philosophum septimo Ethicorum. Præterea, mandatur ut in omni opere quis mediteretur in lege, non quod homo semper actu meditari posset in lege, sed ut cuncta quæ agit moderetur per legem ac ordinet.

¶ Quod spes est uirtus 2. De obiecto ipsius 3. An unus homo sperare possit alij beatitudinem sempiternam. Articulus 40.

**V**irtus est, quæ bonum facit habentem & actum eius efficit bonum ut secundo Ethicorum habetur. Et ideo ubique inuenitur actus bonus, necesse est ut ex aliqua virtute procedat. Porro bonum in actibus humanis dicitur secundum quod attingit propriam mensuram & regulam. Actuum verò hominis duplex mensura est, una proxima & homogenea, scilicet ratio humana: alia suprema atque excedens: videlicet deus. Omnis ergo actus: qui rationem vel deum attingit, bonus consistit. Talis autem est actus spei. Nam spei obiectum est bonum arduum, futurum haberi possibile. Duplèter autem est aliquid nobis possibile, ut ter-

tio Ethicorum dicitur. Vno modo per nos. Secundo per alios scilicet amicos. Itaque in quantum speramus aliquid, ut possibile nobis per diuinum auxilium, sic spes nostra attingit ad deum, unde constat quod sit virtus prout nunc de ea fit sermo.

2 ¶ Cum ergo spes diuinæ innitatur virtuti, quæ utique infinita est, propterea aliud nihil à deo sperare debemus finaliter, quàm bonum infinitum, quod est beatitudo æterna. Causa namque & effectus proportionari debent, & igitur infinitæ dei virtuti proprium extat, ad infinitum bonum perducere, sic itaque beatitudo æterna est spei obiectum, & alia quæ à deo speramus & petimus, ad istud principale obiectum referuntur, sicut & aliqua credimus de creaturis, prout ad increata tam veritatem ordinem sortiuntur.

3 ¶ Præterea spes ab amore distinguitur, quoniam amor unionem importat amantis ad amatum, spes verò processionem seu motum in bonum arduum, vnio autem est distinctionem habentium, cum ergo amans propter amorem, alium tanquàm seipsum reputet: ideo amor directe alium respicere potest. Spes verò respicit directe proprium bonum, eo quod motus est ad proprium terminum mobili proportionatum. Si ergo loquamur de spe absolute, sic solum respicit proprium bonum. Si autem loquamur de ipsa spe præsupposita vnione amoris per alium, sic aliquis desiderare atque sperare potest alteri bonum, sicut & sibi, & etiam vitam seu felicitatem æternam. Denique sicut est eadem charitas quâ deum proximumque diligimus, ita est vna spes quâ nobis & aliis vitam æternam speramus.

¶ *An liceat sperare in homine 2 An spes sit uirtus theologica ab alijs distincta. Articulus 41.*

**E** Lucescit ex dictis, quod spes principaliter atque finaliter respicit vltimum finem, qui est beatitudo æterna. Secundario autem ea per quæ vltimum finem obtinemus, ut est auxilium dei. Itaque si consideretur finale spei obiectum ac vltimus finis, sic in solo deo sperandum est. Si veròensemusea, quæ quasi instrumentaliter conferunt & opem impendunt ad vltimi finis adeptionem, sic in hominibus bonis confidimus atque ad sanctos conuertimur.

2 ¶ Denique beatitudo aeterna habet rationē vltimi finis. Illa verò quæ ad ipsam introducunt, habent rationem causæ efficientis. In causa autem tam finali quàm efficienti est ordo est nanque finis simpliciter vltimus, & finis secundarius ad vltimum ordinatus, & est causa efficiens principalis & prima, est quoque causa instrumentalis ac secundaria. Fides autem respicit aeternam beatitudinem vt vltimum finem: diuinum vero auxilium vt causam principalem efficientem ac primam, cæterorum autem subsidia, vt causas instrumentales & secundarias, in quibus spei actus non sistit, sed in deo eiusque auxilio vltimate quiescit. Præterea, cum spes attingat supremam actuum humanorum regulam, scilicet deū, sicut primam causam efficientem, in quantum eius auxilio innititur, & vt vltimam causam finalem, secundum quod ex eius fruitione felicitatem expectat, elucescit quod sit virtus theologica: habet nanque deum pro principali obiecto.

¶ Porro virtus moralis consistit in medio duorum vitiorum quia est circa ea quæ ratione regulantur, videlicet passionēs: virtus autem theologica, cum sit circa ipsam regulam primam non regulatam, non consistit in medio nec habet excessum per se, quoniam deo atque diuino auxilio nemo potest nimis inniti, sed per accidens, ratione rei quæ speratur, potest spes habere extrema, in quantum præsumit de his, quæ vires suas transcendunt, vel de sibi possibilibus desperat, & simile est de fide & charitate. Sciendum quoque quod expectatio quæ in diffinitione spei locatur, non designat dilationem quemadmodum expectatio ad longanimitatem pertinens, sed respectum ad diuinū auxilium, siue illud quod speratur differatur siue non.

¶ Denique cum virtutum theologicarum obiectum sit deus, necesse est hoc esse secundum rationem diuersam, cum virtutes distinguantur per obiecta. Potest enim aliquis alicui rei adhærere dupliciter. Vno modo propter seipsam. Secundo, in quantum per ipsam deuenitur ad aliud. Charitas itaque quia vnit affectum amantis cū deo, facit hominē deo adhærere propter seipsum, Fides verò & spes adhærere faciūt deo sicut principio à quo nobis bona quædā proueniūt. Sortimur verò à deo veritatis notitiā, perfectamq; felicitatē: & quo ad primū facit fides deo adhærere, spes autem quo ad secundum, in quantum speramus à deo completam bonitatis suæ partici-

pationem, ad quam fides formata perducit: Sic igitur constat quomodo spes sit specialis virtus. Ex his insuper patet, quod vniuersaliter loquendo spes fidem præexigit, nam per fidem agnoscimus quid sperare oporteat, & quid habere possibile sit.

¶ Quod ergo quandoque dicitur spes introitus fidei, intelligendum est de actu fidei, vel de re ipsa quæ creditur.

¶ An spes sit prior charitate, vel e contra.

Articulus

42.

**D**Vpliciter autem dicitur aliquid prius altero. Primo secundum viam generationis atque materiam, sicut imperfectum præcedit perfectum. Alio modo secundum viam perfectionis & formæ, sicut perfectum imperfecto naturaliter prius est. Spes igitur primo modo prior est charitate. Nam spes, omnisque motus appetitiuus, ex amore deriuatur. Amorum autem alius est perfectus, quo scilicet aliquis secundum se amatur, cui videlicet amator vult bonum, quemadmodum homo amat amicum. Alius vero est amor imperfectus, per quem quis aliquid amat non secundum seipsum, sed ut illud bonum sibi ipsi proueniat, sicut rem aliquam homo propter propriam vtilitatem concupiscit. Primus autem amor ad dei pertinet charitatem, quæ deo inhæret propter seipsum. Spes vero ad secundum spectat amorem. Nam quod quis sperat, hoc sibi obtinere intendit. Ideoque in via generationis spes charitate est prior. Sicut enim timor seruilis introducit ad charitatē, eo quod per hoc quod quis timet puniri cessat à culpa, sic spes ad charitatem inducit, ut cum quis ex consideratione diuinæ remunerationis ad dei amorem accenditur. Porro secundum ordinem perfectionis, charitas prior est spe eamque perficit, quia de amicis præsertim confidimus, & secundum hoc ait Ambrosius: Ex fide est charitas & ex charitate spes. Et Magister tertio libro: Spes, inquit, ex meritis prouenit. quod de spe formata intelligi congruit. Non tamen omnis spes prouenit ex charitate, qua homo sperat bonum à deo tanquam amico, hoc enim spei formatae est proprium. Omnis vero spes ex tali ad minus amore procedit, quo quis bonum expectatum amat.

**H** Abitus insuper cognoscuntur per actus, sicut forma per operationem. Cum ergo actus spei sit motus appetitiue potencie, constat quod spes in appetitiua parte consistat. Appetitus vero est duplex, sensitivus videlicet, qui in concupiscibilem irascibilemque dividitur: & intellectivus qui nuncupatur voluntas. Consimiles quoque motus, qui sunt in appetitu sensitivo, sunt cum passione: in superiori verò appetitu sine passione. Cum autem obiectum spei non sit bonum sensibile, sed immateriale atque diuinum, oportet spem in superiori appetitu, videlicet in voluntate, sicut in subiecto existere. Nam sicut obiectum appetitus sensitivi irascibilis, est bonum arduum sensibile: sic voluntatis obiectum est arduum intelligibile. Aduertendum autem quod actus charitatis & spei, ordinem habent ad invicem, & ob id simul in eadem potentia esse possunt: quemadmodum intellectus multa simul intelligere valet ad invicem ordinata.

2. ¶ Præterea, subtrahita differentia seu ratione specifica, tñ remanet eadem species. Spes autem speciem habet à suo obiecto, quod est beatitudo æterna, in quantum ipsa est bonum arduum haberi possibile ex diuino auxilio. Vnde bonum tale non cadit sub spe, nisi sub ratione futuri. Cum igitur beati tale nunc bonum adepti sunt, non est spes in ipsis. In Christo quoque non erat spes, tamen quia viator fuit secundum passibilitatem naturæ quam tulit, ideo gloriam immortalitatis sperare valebat, sicut in Psalmo de eo habetur: In te domine speravi. Denique beati in patria beatitudinem sperare possunt illis pro quibus orant, non tamen per virtutem spei, sed ex charitatis amore.

3. ¶ Item quemadmodum in beatis non est spes, quia beatitudo non est in eis futura: sic nec in damnatis, quoniam felicitatis non est in ipsis possibilis, sicut enim de ratione beatitudinis est ut voluntatem quietet, sic de ratione pœnæ est ut repugnet affectui. Non potest autem voluntatem quietare nec ei repugnare quod ignoratur, & ob id (secundum Augustinum) angeli ante suam confirmationem perfectè esse



beati non poterat, quoniam sui euentus non fuerant praeficij. Itaque sicut ad beatitudinem pertinet vt quis certus sit de perpetuitate ipsius, quatenus contentetur ac quietetur in ea, sic cum perpetuitas poenae sit de ratione perfectae misericordiae opus est vt reprobis sciant se nunquam posse poenas euadere. In purgatorio tamen est spes, qui foelicitatem expectant.

4. ¶ Præterea dupliciter conuenit alicui certitudo, videlicet essentialiter: & sic conuenit cognoscitiuis potentiis: Secundo participatiue, vtpote his quæ à cognoscente ad debitum finem directè mouentur. Et ita natura certitudinaliter operatur, in quantum à diuino intellectu mouetur, & virtutes morales mouentur à ratione, & per hunc modum spes viatorum certitudinem habet, prout tendit in suum finem, à fine quæ est in intellectu, certitudinem suam participans.

¶ Et aduertendū quod spes principaliter innititur non gratiae habitæ, sed diuinæ omnipotentiae ac misericordiae de quibus certus est quod eam consequi possit, omnis qui fidem habet, quauis gratiam nondum sortitus sit.

¶ *Vtrum deus timeri debeat. 2. De diuisione quoque timoris. 3. An timor mundanus semper sit malus. Articulus 4.4.*

**Q**uoniam obiectum timoris est malum futurum, deus autem ipsa bonitatis essentia, ideoque habetur quomodo deus timendus dicatur. Sed respondendum quod sicut spes primo directèq; respicit beatitudinē aeternam, secundo diuinum auxilium cui innititur: sic timor respicit primo suum obiectum, vtpote malum quod refugit, secundo id à quo malum infligi preuenireque potest. Deus igitur secundo modo obiectum timoris esse potest, & hoc dupliciter. Primo in quantum ab ipso malum infligitur, quod est malum poenae pro culpa. Secundo per comparisonem ad ipsum. Nam per comparisonem ad ipsum potest nobis malum culpae accidere, si separemur ab eo, & utroque modo deus timendus est, sicut enim ratione misericordiae in eo confidimus, sic propter iustitiam eum timemus.

2. ¶ Denique quatuor dantur species timoris, quas tertio libro assignat magister, est namque timor filialis, seruilis, ini-

tialis, atque mundanus. Timor quippe (ut modo accipitur) est secundum quod per ipsum ad deum conuertimur vel ab ipso auertimur. Obiectum namque timoris est malum. Propter malum autem quandoque homo recedit à deo, & sic est timor humanus siue mundanus. Interdum vero propter malum, quod homo timet, ad deum conuertitur, & hoc malum est duplex, videlicet poenæ & culpæ. A malo poenæ oritur timor seruilis. A malo culpæ filialis seu castus, inter quos timor initialis est medius, cum utroque participans. Timor proinde naturalis his speciebus non connumeratur, quia nec bonus nec malus est. Prædictæ enim species respiciunt morale bonum vel malum, quod præcipue in conuersione aut auersione dei consistit: Timor verò naturalis, præsupponitur bono & malo morali. Damascenus denique libro secundo ponit sex species timoris, addit namque erubescerentiam atque segnitiam, sed ipse loquitur de timore prout est passio animæ.

¶ Agnoscendum præterea, quod actus habitusque morales, à propriis obiectis nominantur ac specificantur, obiectum verò motuum potentie appetitiue est bonum finale. Ideoque actus & habitus appetitiue virtutis à fine nomē sortiuntur & speciem. Vnde amor mundanus vocatur, quo quis mundo tantumquam fini innititur, & ob id semper est malus. Timor autem ex amore causatur, quia secundum Augustinum, hoc homo timet amittere quod amat habere. Sicut itaque timor mundanus ex mala radice nascitur: sic & ipse semper malus censeatur. Respicit enim poenam à deo auertentem, quam inimici dei quandoque infligunt, cum tamen à deo & iustitia ac ratione propter nullas poenas recedere fas sit. Præsertim cum dicat, ethicorum philosophus, quædam esse mala, propter quæ nequaquam à virtute abeundum est, cum ea sit peius committere, quàm quasunque poenas subire.

¶ De timore seruili. 2. An sit bonus. 3. An realiter idem cum timore filiali. 4. Et utrum cum charitate per  
 Articulus. 45.

**P**orro timor seruilis, inquantum seruilis, semper malus est. Seruitus nanque libertati opponitur. Sicut ergo liberum est quod est causa sui, sic seruus est, qui non causa sui operatur, sed velut aliunde motus atque ab

extrinseco inductus. Hoc autem est charitati contrarium, quoniam omnis amans, ex interiori inclinatione ad operandum mouetur. Sed aduertendum quod seruitas non est de ratione timoris seruilis, quemadmodum nec informitas est de ratione fidei informis, nam actus & habitus moralis ex obiecto speciem trahit. Obiectum vero timoris seruilis est poena, cui accidit quod bonum tali poenae contrarium ametur ut ultimus finis, & ex consequenti malum poenae timeatur tanquam principale finale & malum, quod accidit in non habente charitatem, sicut in habente charitatem malum huius timoris ordinatur ad deum, dum scilicet quis timet poenam, non solum quia est proprii boni diminutiuum, sed quoniam est a dei bonitate elongans. Timor ergo seruilis secundum substantiam bonus est, seruitas vero ipsius mala existit, & ita verba sanctorum dicentium timorem seruilem esse malum, sunt exponenda.

¶ Denique amor mercenarius propter temporalia bona operatur, quod est simpliciter charitati contrarium. Ideoque talis amor semper est malus.

2. ¶ Præterea, cum obiectum timoris seruilis sit malum poenae, obiectum autem timoris filialis malum culpae, patet hos duos timores realiter esse distinctos. Vnde præhabitu est, secundum diuersitatem malorum diuersos esse timores. Plus ergo differunt timor seruilis & filialis, quam fides formata & informis. Nam vtriusque fidei est vnum obiectum.

3. ¶ Intuendum præterea quod timor seruilis causatur ex sui ipsius amore, sicut ergo amor proprius cum charitate stare potest, sic & timor seruilis. Amor vero sui tripliciter ad charitatem se habet: vno enim modo est ei contrarius, quando videlicet aliquis in amore proprii boni finem constituit. Secundo includitur in charitate, ut cum homo diligit se in deo & propter deum. Tertio modo a charitate distinguitur, non tamen eidem contrariatur: sicut dum homo amat seipsum propter proprium bonum, non tamen in hoc sibi finem constituit. Quemadmodum etiam proximum aliquis amare potest speciali affectione, videlicet consanguinitatis seu alterius communionis humanae, præter dilectionem dei: dummodo affectio talis sit ad deum & ad charitatem referibilis. Pariformiter timor poenae includitur vno modo in charitate. Nam a deo separari est summa poena, quam maxime refugit charitas: & hoc pertinet

ad timorem castum. Alio modo timor pœnæ contrariatur charitati, dum scilicet malum pœnæ timetur tanquam principale & maximum malum: & tunc timor seruilis cum charitate esse non valet. Tercio modo timor pœnæ distinguitur secundum substantiam à timore filiali, quia timet quis malum pœnale inquantum est proprio naturali quæ bono contrarium. Non tamen penitus contrariatur charitati, quoniam pœna non timetur finaliter tanquam potissimum malum. Talis igitur timor cum charitate manet, non tamen vocatur seruilis: nisi quando malum pœnæ principaliter formidatur. Et ob id timor seruilis, inquantum seruilis, cum charitate non permanet quanuis substantia huius timoris cum charitate perseuerare queat, & per hoc soluuntur autoritates, quæ asserunt charitatem non compati secum timorem seruilem.

¶ *Quomodo timor dicatur initium sapientiæ 2. Et an timor initialis distinguatur realiter à timore serui. Artic. 46.*

**D** Enique initium rei duobus modis accipitur. Primo, quia est principium rei quantum ad suam essentiã: sicut principia ex quibus procedit scientia, sunt scientiæ initium. Secundo quãtum ad effectum seu opus: quemadmodum fundamentum vocatur initium artis ædificatiuæ, quoniam ab ipso domus inchoatur. Primo modo initium sapientiæ sunt articuli fidei seu fides. Secundo modo timor, quia à timore incipit sapientia operari.

¶ Insuper cum sapientia sit diuinorum cognitio, aliter consideratur à fidelibus aliter quæ à philosophis. Nam cum secundum fidem catholicã finis noster sit supernaturalis dei fruitio, nos loquimur de sapientia non tantum ut est cognoscitiuus habitus sed etiam ut est directiua ad deum vitæ humanæ, quæ dirigitur non tantum ratione humana, sed lege quæ ac ratione diuina, secundum Augustinum. 12. de trinitate: Ideo quæ sapientia à timore operandi sumit exordium, verum tamen aliter timor seruilis est initium sapientiæ quàm filialis. Timor enim seruilis est initium eius quasi extra disponens, inquantum à peccato facit discedere, scriptum est equidẽ: Timor dei expellit peccatũ, & ita habilitat ad sapientiæ actum. Timor autem filialis est initium sapientiæ, sicut primus eius effectus. Ad sapientiam namque pertinet ut vita hominis regu-

letur secundum rationes diuinas, cuius regulationis initium est, quod homo deum reueretur & ei se subijcit, quod ad castum timorem pertinere nunc dictum est. Vnde timor iste comparatur ad vitam humanam per sapientiam regulatam, vt radix ad arborem, & ergo in Ecclesiastico habetur: Radix sapiētiæ est timere deum. Sicut igitur radix est virtualiter tota arbor: sic timor dicitur sapiētia, nō essentialiter, sed virtualiter, & ideo Iob ait: Timor domini ipsa est sapientia.

2. ¶ Præterea, cum tam timor seruilis quàm castus sit initium sapiētiæ, ac per hoc vterque aliquo modo dici possit initialis: iam tamen timor initialis accipitur prout competit incipientium statui, in quibus inchoatur amor filialis per inchoationem charitatis, & admiscetur eis aliquid timoris seruilis: vnde sicut se habet charitas imperfecta ad perfectam, sic timor initialis ad filialem. Per quod innotescit, quod isti duo timores secundum essentiam idem sunt, sed secundū statum tantummodo differunt. Nam perfectum & imperfectum seu magis & minus, non diuersificant speciem. Est itaque timor initialis inter seruilem filialemque medius, non sicut inter extrema eiusdem generis, sed sicut ens imperfectū est medium inter non ens, & ens perfectum, quod à non ente penitus differt, sed cum ente imperfecto realiter est idem, vt dicitur secundo Metaphysicæ.

¶ Quod timor donum est spiritus sancti 2. Et quomodo charitate crescente timor dicitur diminui. Articulus. 47.

**T**imor insuper, qui inter septem dona connumeratur, non est timor mundanus neque seruilis, quia isti timores sine charitate habentur: sed est timor filialis, de quo Christus: Nolite (inquit) timere eos qui corpus occidunt, &c. Dona quippe spiritus sancti sunt quædam habituales virium animæ perfectiones, quibus redduntur à spiritu sancto faciliter mobiles, sicut potentiæ appetitiuæ per virtutes morales rationi promptè subduntur. Cum ergo timor filialis faciat hominem deo reuerēter subiectum, non repugnantem nec pigrum, constat quod meritò donum vocetur, tenetq; primū locum ascendendo, vltimū verò descēdēdo, secundum Augustinū. Amor tamē perfectior est timore, quia directè respicit bonum: timor verò pro obiecto habet

malum, dicit autem Gregorius quod timor datur contra superbiam: Nam cum initium superbiæ sit apostatare à deo, id est, deo nolle subdi, id quod deo hominem subditum facit, merito contra superbiam datur, hoc verò efficit timor filialis, vnde & ipse est humilitatis principium. Considerandum est autem quod dona spiritus sancti sunt principia virtutum intellectualium atque moralium, & perfectiora sunt eis, virtutes verò theologicae sunt donorum principia. 2. ¶ Præterea, quanto amplius crescit charitas, tanto timor filialis magis augetur, quia quo quis deum intentius diligit, tanto offensam ipsius ac separationem ab ipso vehementius expauescit. Denique timor, quo ad seruitutem, charitate adueniente penitus tollitur. Manet tamen timor poenæ secundum substantiam, sed charitate crescente iste timor quātum ad actum decrescit: quia quò aliquis deum ardētius amat, eò poenam minus formidat, tum primo quia minus attendit proprium bonum, cui timor poenæ contrarius est: tum secundo quoniam quò amplius deo adhæret, eò de præmio magis confidit.

¶ *Utrum timor in patria maneat. II Et de beatitudine dono timoris correspondente.*

*Articulus. 48.*

**N**unc autem scire oportet, quod licet timor seruilis per securitatem æternæ felicitatis omnino auferatur in patria: tamen timor filialis in patria perficietur, sicut & charitas. Non autem secundum eundem actum remanebit in patria, quem modo habet. Sicut enim obiectum spei est bonum possibile: sic obiectum timoris est malum possibile: vnde timor est quædam fuga mali possibili. Cumque vniuscuiusque bonum in hoc consistat, ut in suo ordine perseueret, & malum cum debitum ordinem deserit. Bonum rationalis creaturæ est, ut deo se subdat. Malum verò dum inferioribus rebus per amorem se subiicit. Itaque malum intellectualis substantiæ est deo non subdi in eum præsumptuose insilire, aut eum contemnere, hoc autem malum possibile est omni creaturæ, secundum suam naturam considerata propter libertatem arbitrij, sed in beatis est impossibile ratione fruitionis & gratiæ. Itaque fuga seu timor huius mali, quod est deo non subiici, secundum quod est naturæ crea-

tæ possibile, felicità vero impossibile, in patria permanet quemadmodum scriptum est: Timor domini sanctus permanens in seculū seculi. Vnde Gregorius super illud sancti Iob: Columnæ cœli contremiscunt, virtutes (ait) cœlestes, quæ deū sine cessatione conspiciunt, in ipsa contemplatione contremiscunt, sed idem timor ne eis pœnalis sit, non timoris est sed admirationis.

¶ Timor igitur iste in patria manet quoniam naturalem defectum importat creaturæ à creatore in infinitum distantis.

2. ¶ Præterea, cum filialis timoris sit deum reuereri eiꝛue subiici, id quod ex hoc actu consequitur ad donum timoris pertinet, ex hoc autem quod quis deo reuerenter se subiicit, oritur quod in nullo alio quàm in deo magnificati desideret, diuitias, famam, honorem, & gloriam hominum aspernando, sed hoc certum est ad paupertatem spiritus pertinere. Ideoque prima beatitudo quæ est, beati pauperes spiritu, correspondet dono timoris: Hanc nanque beatitudinem exponit, Augustinus de humiliatione inflati supbiꝛue cordis. Ambrosius atque Hieronymus de temporalium abiectiōe bonorū, quæ sponte ac spiritualiter fit.

¶ De desperatione quomodo fit peccatum. 2. An absque infirmitate committi possit. 3. Vtrum etiā sit maximum peccatorum. 4. Et de origine eius.

Articulus. 49.

**S**ecundum Aristotelem sexto Ethicorum, quod est in intellectu affirmatio & negatio, hoc in voluntate est persecutio & fuga. Itemque sicut se habet ad intellectum verum & falsum: sic ad voluntatem bonum ac malum. Propterea motus appetitiuus conformis intellectui vero est bonus, conformis autem intellectui falso, est malus. Vera insuper intellectus de deo æstimatio est, vt de misericordia eiꝛ venia speretur, falsa quoque si propter eius iustitiam desperetur. Vnde sicut spes, cum sit conformis veræ æstimationi de deo extat laudabilis, sic desperatio quoniam falsæ æstimationi de deo similis est vituperanda consistit.

¶ Considerandum autē, quod peccata virtutibus theologicis contraria, principaliter respiciunt auersionem à deo. Cætera verò peccata respiciunt conuersionem ad bona caduca, quia



## D. DIONYSII CARTHUSIANI

immediatum theologicæ virtutis obiectum est deus.

2. ¶ Præterea, desperatio sine infidelitate accidere potest, nam infidelitas pertinet ad intellectum, desperatio ad voluntatem. Intellectus verò est vniuersalium, appetitus autem circa particularia versatur. Potest verò aliquis in communi veram habere habitualement notitiam, quanuis in particulari actus notitiæ per passionem, seu habitum oppositum, impediatur: sicut qui fornicatur, quauis sciat fornicationem esse morale peccatum, tamen in particulari eius electio propter passionem aberrat. Pariformiter habens fidem, quod in ecclesia sit peccatorum remissio, desperationem incidere potest ex suggestionem, passione aut alia causa sine infidelitate.

3. ¶ Amplius autem considerandum, quod peccata virtutibus theologicis opposita, secundum genus cæteris omnibus grauiora sunt, & in auersione a deo præcipue attenduntur. Ideoque illud quod primo & per se auertit à deo, est inter mortalia peccata grauisimum. Si ergo comparemus infidelitatem, desperationem, & odium adinuicem, erit desperatio minus peccatum quam alia duo. Nam duo illa contrariantur deo secundum quod in seipso est, vt infidelitas diuinæ veritati, odiumque bonitati diuinæ. Desperatio autem contraria deo est secundum quod participari potest à nobis. Nam desperatio est, quia non confidimus nos dei bonitatem participare posse: veruntamen ex parte nostra desperatio periculosior est, sicut enim per spem reuocamur à malis atque ad bona inducimur, sic per desperationem spe sublata homo in omne vitium, sine refrenatione prolabitur, & ob hoc interdum perhibetur desperationem omnium peccatorum esse grauisimum.

4. ¶ At vero obiectum spei est bonum arduum possibile adipisci. Vnde dupliciter deficere potest spes à beatitudine obrinenda. Primo quia obiectum spei non reputatur vt arduum, id est, magnum atque præcipuum bonum, & secundum hoc desperatio oritur ex luxuria, per quam accidit quod homo spiritualia bona paruipendit atque fastidit, nec ea tanquam ardua sperat. Secundo spes deficit, quoniam beatitudinem aliquis non reputat sibi possibilem: & quo ad hoc desperationem inducit acedia, per quam homini videtur quod nunquam ad altiora ac spiritualia bona erigi possit. Est namque acedia tristitia quædam, spiritus deiectionis & oppressiua,

& ergo per nimiam desidiā animo dominantem desperationem adducit, quia tamē ad rationem obiecti spei, esse possibile specialiter pertinet (Nam bonū & arduum ad alias quoque passionēs respiciunt) ideo ex acedia oritur specialius desperatio, & hoc in moralibus Gregorius dicit.

¶ De obiecto præsumptionis. 2. De præsumptionis peccato. 3.  
Cui uirtuti præsumptio contrarietur. 4. De eius  
origine. Articulus 50.

**P**ræsumptio insuper spei excessum designat. Spei uerò obiectum est bonum arduum possibile adipisci. Dupliciter quoque est aliquid possibile homini, utpote ex seipso, & itē per uirtutē diuinā. Et circa utrumque cōtingere potest immoderatio spei. Primo, cū aliquis intēdit, in aliquid quod vires suas excedit secundū quod in libro Iudith scribitur: Præsumentes de se humilias. Secūdo ex parte uirtutis diuinæ est spei excessus, dū aliquis intēdit in aliquid tāquam possibile per uirtutem & misericordiam dei: quod tamen impossibile est. Sicut cum quis sperat adipisci ueniam sine poenitentia, uel gloriam sine meritis. Et hæc præsumptio est propriē species peccati in spiritum sanctum, quoniam per eam contemnitur auxilium spiritus sancti, quo quis à peccato trahitur, scilicet timor diuinæ iustitiæ. Vnde constat, quod grauius peccat, qui immoderatē innititur diuinæ potentia, quā propriē potestati. Diminuit enim diuinā iustitiā, quod grauius est quā propriam extollere facultatem.

2. ¶ Præterea cum præsumptio correspondeat intellectui falso de deo, uidelicet quod deus perseverantibus in malo ueniam aut gloriam præstet: ideo extat peccatum. Est tamen minus peccatum quā desperatio, quanto amplius propriū est deo misereri & parcere quā punire, cum sibi ex seipso misereri conueniat: punire autem ob nostras malitias. Sciendum autem, quod peccare cum proposito perseverandi in malo sub spe ueniam, ad præsumptionem pertinet, si uerò quis peccet sub spe ueniam cum proposito abstinendi à culpa, hoc non est peccatum in spiritum sanctum, sed peccatum diminuit. Et sic magister dicit libro secundo, quod Adam peccauit sub spe ueniam.

3. ¶ Ex his patet, quod præsumptio secundum ueritatem

opponitur spei. Quia quod spes ordinatè, hoc præsumptio inordinatè, confidit. Nihilominus videtur habere manifestam oppositionem contra timorem: præsertim seruilem, quæ ratione diuinæ iustitiæ pœnam formidat. Ipsis quippe virtutibus non solum contrariantur vitia manifesta, sed etiam palliata & quasi vicina virtutibus: quemadmodum prudentiæ non tantum contrariatur temeritas, sed etiam astutia.

¶ Spes denique & præsumptio non dicuntur respectu mali nisi abusiue.

4. ¶ At verò præsumptio, qua quis proprijs viribus nimis innititur, ex inani gloria oritur, quia inanis gloria facit hominem laudis famæque cupidum, & per consequens altiora se attentantem. Præsumptio autem, quæ deo immoderatè inhæret, ex superbia nascitur, ac si putet, quia nec peccantem deus reprobabit & puniet.

¶ De præceptis pertinentibus ad spem & timorem.

Articulus

51.

**O**Portet quoque advertere, quod præceptorum sacræ scripturæ quædam sunt præambula ad legem, ea videlicet sine quibus dari lex nequit. Et hæc sunt præcepta spei, & fidei. Nisi enim homo per fidem, dei veritatem agnoscat & per spem præmium speret, ac per ista se deo subiiciat, lex viuendi ei à deo donari non posset. Alia autem sunt præcepta pertinentia ad substantiam legis scilicet quæ ad vitæ rectitudinem directionemque pertinet. Et ista statim in ipsa legislatione proponuntur homini deo per fidem & spem subiecto. Prima autem præcepta, in principio proponenda non erant per modum præcepti: sed præcepta de fide per modum denuntiationis & commemorationis, Præcepta verò spei, per modum promissionis primitus tradenda extiterant. Veruntamen quoniam lege iam posita, sapientum est virorum ut homines ad præceptorum non solum obseruantiam sed etiam ad fundamentum & perfectionem inducant. Ideo post primam legis & præceptorum decalogi lationem, multa in sacra scriptura inducta sunt de spe, non solum per modum promissionis sed etiam admonitionis & præcepti, ut est: Spera in domino, & c. Præterea, cum sit duplex timor seruilis videlicet & filialis; sicut homo inducitur

ad bene agendum spe præmiorū: sic quoq; inducitur ad præceptorum obedientiā timore pœnarum. Vnde sicut de spe nō erant dāda præcepta in prima legislatione: sic nec de seruilī timore, sed ad eum inducendi erant homines cōmunicatiōne pœnarum, quod factum est in traditione præceptorū decalogi, secundarijsq; legis præceptis. Porro sicut prophetæ, quorum intentio erat homines stabilire in obedientia legis, multa docuerūt de spe, nedum per modum promissionis, sed communicationis ac iussionis: sic & de timore seruilī fecerūt docendo. Timor autē filialis, quoniā ad dilectionē pertinet & ex ea procedit est quasi quoddā principiū omnīū quæ in dei reuerētia observantur. Nā timor iste ac charitas, præambula sunt ad exteriores actus in lege præceptos, ad quos mandata decalogi pertinent. Ideoq; sicut de dilectione, sic & de timore filiali dantur præcepta in lege. Quēadmodū scriptū est: Et nūc Israël, quid dominus deus tu<sup>9</sup> petit à te, nisi vt timeas eū?

¶ *Quod charitas est amicitia 2. Vtrum sit aliquid creatum in anima. Articulus 52.*

**N**ON quilibet autem amor rationem amicitiae habet, sed ille qui cum beneuolentia est, quando videlicet volumus alicui bonum. Si enim res amatas diligimus, in quantum ad nostram vtilitatē cedunt, non amore amicitiae, sed concupiscentiae eas amamus, sicut equum vel cibum, ad quæ nullus amicitiam habere probatur. Denique nec beneuolentia ad amicitiam sufficit, sed reamatio quædam exigitur. Est enim amicus amico amicus. Hæc verò reamatio in communicatione quadam fundatur. Est autem nobis cum deo communicatio secundum intellectualem animæ perfectionem, secundum quam nobis deus suam beatitudinem nunc inchoatiuè per fidem, postmodum autem planè per speciem communicat. Propterea est inter nos & deum amicitia quæ charitas dicitur. Vnde apostolus Fidelis (inquit) deus, per quem vocati estis in societatem filij eius. Et ad Philipenses: Nostra, inquit, conuersatio in cœlis est. Considerandum autem, quod amicitia se extendit ad aliqū dupliciter. Vno modo respectu sui ipsius. Et sic nullus diligit nisi reamantē amicum. Secundo modo respectu alterius personæ, propter cuius amorē vniuersa ad eū spectantia, tam  
e ij

filijs quàm serui & alia, diliguntur. Et quoniam dilectio amici tanta esse valet, ut propter eum diligamus eos qui attinent ei, quanuis nos offendant vel odiant. Ideo hoc modo inimicos propter deum, & in ordine ad eum, ex amicitia charitate diligimus. Imo & non virtuosos, propter amorem virtuosum amamus ex charitate: quanuis ista dilectio primo ac principaliter respiciat virtuosum.

2. ¶ Præterea agnoscendum, quod magister sententiarum primo libro asserit, charitatem, qua diligimus deum, esse spiritum sanctum, non tamen vult dicere quod ipse motus dilectionis quo deum amamus, sit spiritus, sed quod motus talis à spiritu sancto immediatè procedat mentem inhabitantem, non mediante habitu virtutis animam informantem, quemadmodum aliarum actiones virtutum, à spiritu sancto emanant per intermedios habitus: & hoc dixit propter charitatis excellentiam. Nam cum hominem ad infinitum bonum perducatur, videtur quandam infinitam dignitatem sortita. Hæc autem positio vera non est. Nam de ratione actus charitatis est, quod sit voluntarius. Et ergo oportet, quod etiam ipse amans sit aliquo modo huius actus principium. Quod esse non potest, nisi per habitum informantem. Actus enim voluntarius est, cuius principium est in seipso. Quod esse non potest, nisi sit aliquid in volente, inclinans ipsum ad actum. Unde deus, qui cuncta ad debitos fines dirigit, singulis proprias formas impressit, per quas ad connaturales operationes & fines inclinantur. Ideo enim omnia suauiter regere dicitur. Cum ergo actus charitatis naturalem animæ virtutem excedat, necesse est, ut supernaturalis quædam virtus, seu habitus, animæ conferatur, quo diligat deum. Præsertim cum dilectio sit omnium radix meritorum, & ipse actus charitatis sit maximè iucundus & facilis: quoniam nulla virtus tantam habet inclinationem ad suum actum ut charitas, & ipsa delectabilior operatur: & tanto iucundius agit quo vehementior fuerit. Porro quod AVGVSTINVS secundo de Trinitate ait: Qui proximum diligit, consequens est ut dilectionem diligat, deus autem est ipsa dilectio. Consequens, est igitur, ut deum præcipuè diligat. Hæc atque similia verba AVGVSTINI, dicta sunt secundum modum loquendi Platoniorum, quorum doctrinis AVGVSTINVS instructus erat. Nam sicut dicimus boni aut sapientes boni.

tate vel sapientia, quæ deus est, non quod deus sit formalis bonitas aut sapientia nostra: sed in quantum bonitas aut sapientia, qua formaliter boni sapientesque sumus, est diuinæ bonitatis participatio: Sic diligere dicimur dilectione, quæ deus est. Et istud quidam non attendentes, ex uerbis Augustini errorem illapsi sunt.

¶ *An charitas sit uirtus 2. An sit uirtus specialis 3. An sit uirtus una 4. An omnium uirtutum altissima.*

Articulus

53.

**D**Vplex autem est mensura seu regula actuum humanorum, ut dictum est, scilicet ratio humana, & ipse Deus seu lex diuina. Vnde sicut de ratione virtutis moralis est, ut secundum rectam rationem existat: sic uirtus diuina est, quæ secundum deum agit & dirigit. Caritas autem deo nos unit, & ad ipsum actus nostros perducit. Ideoque uirtus est.

2. ¶ Est insuper caritas uirtus specialis. Habet enim speciale obiectum, uidelicet deum secundum quod est ultimus finis, seu beatitudinis obiectum. Dicit tamen Hieronymus, quod caritas est omnis uirtus, non quod sit essentialiter omnis uirtus: sed quia ad omnes uirtutes se extendit, & ab ea omnes dependent.

3. ¶ Denique, caritas est una uirtus. Caritas namque est amicitia quædam. Amicitiarum autem species uno modo accipiuntur secundum diuersitatem finis, & sic sunt tres species amicitiarum, scilicet amicitia honesti, utilis, & delectabilis. Secundo secundum diuersitatem communicationum, in quibus fundatur amicitia. Vnde alia est amicitia consanguineorum, quæ fundatur in communicatione naturali. Alia conciuum, quæ fundatur in communicatione ciuili. Alia peregrinantium, ut dicitur 8. Ethicorum: Neutro autem modo caritas diuidi potest. Nam finis eius est unus, scilicet bonitas æterna, communicatio quoque in qua fundatur, est una, uidelicet, beatitudo æterna. Quauis autem charitatis obiecta dicantur deus & proximus, hoc tamen non est ex æquo. Est enim una ratio diligendi deum & proximum, scilicet bonitas dei, & ideo eadem charitate uterque diligitur, deus propter seipsum, & proximus propter deum.

4. **I**nsuper, quoniam charitas deo mentem perfectissimè vnit, & ipsum deum, qui est summa actuum humanorum mensura ac regula, directe secundum quod in se est attingit: ideo est summa virtutum. Id enim quod est per se, dignius est illo quod est per aliud. Spes autem & fides non vniunt nos deo nec ipsum attingunt, nisi secundum quod ab ipso prouenit nobis adeptio boni atque cognitio veri. Vnde sicut in virtutibus moralibus prudentia ceteris virtutibus excellentior est, quia rationem quæ est regula operationum bonarum attingit secundum se: sic omnibus virtutibus charitas est sublimior, quoniam deo secundum se vnit. At verò idem est obiectum charitatis & spei, sed diuersimode. Nam charitas importat vniorem ad illud, & ergo de ratione obiecti sui non est arduum. Spes verò distantiam quãdam à bono significat, respicit enim bonum arduum haberi possibile, id est, futurum: & sic charitas perfectiùs deo copulat quàm spes.

**¶** *Quod sine charitate nulla sit perfecta uirtus . 2. Quod charitas est forma uirtutum. Articulus. 44*

**V**irtus autem ordinatur ad bonum finemque rei, bonum nanque & finis coincidunt. Nam ea, quæ ordinantur ad finem, non sunt bona nisi per comparisonem ad finem. Sicut autem duplex est finis, uidelicet ultimus & proximus: sic duplex est bonum. Vltimum scilicet & particulare seu proximum. Vltimū verò principaleque bonum hominis, est dei fruitio. Secundarium autē seu proximum, est particulare alicuius bonum: quod tamen ad vltimum finem, quantum in se est, aliquo modo ordinabile est. Tale bonum est duplex utpote verum, & apparens. Cū ergo charitas ordinet hominem ad verum ac vltimū finē qui deus est seu dei fruitio: ideo sine ea nulla est virtus simpliciter dicta atque perfecta. Possunt tamē quædam virtutes, dici virtutes non perfectæ sed ad particulare bonū relatæ, quanuis charitas desit. Sicut quæ ordinantur ad conseruationem rei publicæ, aut simile aliquid. Porro vt Augustinus ait lib. quarto contra Iulianum, quicquid agit infidelis in quantum infidelis, uidelicet quod refert ad finem suæ perfidiæ, est peccatū quanuis nudum operiet aut esurientem alar. Alius autem actus hominis charitate carentis non secundum quod charita



re caret, sed secundum quod alia dona dei habet, utpote spē aut fidem informem seu alia, & sic agere potest opera ex genere bona, imperfecta tamen & immeritoria.

2. ¶ Præterea in moralibus forma actus præcipuè attenditur ex parte finis, forma autem ad finem actus, consequitur formam agentis. Ideo quod in moralibus dat actui ordinem ad finem. Sed charitas est aliarum virtutum ordinatiua, & ergo dat eis formam: & ob id vocatur forma virtutum, non exemplaris vel essentialis, sed quasi effectiua atque extranea, inquantum eis ordinem imprimit.

¶ De charitatis subiecto. 2. Quod sit per infusionem à deo  
3. Vtrum charitas infundatur secundum capacitatem naturalium.      Articulus      55.

**Q**uemadmodum autem appetitus sensitivi obiectū, est bonum sensu apprehensibile: sic appetitus intellectiui, qui appellatur voluntas, obiectum est bonū sub communi ratione boni, videlicet apprehensibile per intellectum. Cum ergo charitatis obiectum non sit bonum sensibile, sed bonum diuinum: palam est, quod charitatis subiectum sit ipsa voluntas. Regulatur quoque charitas, non à ratione humana, sed à diuina sapientia.

2. ¶ Præterea charitas est amicitia hominis ad deum, in cōmunicatione æternæ felicitatis fundata, ut dictum est. Hæc autem felicitas est supernaturale & gratuitum donum. Ideo charitas ad eam perducens, naturalem facultatem excedit: nec generatur ex actibus humanis, sed per infusionem gratiæ datur. Naturalia enim agere nō possunt ultra propriū gradū: vnde nec per ea ad supernaturalem finem pertingitur. Quod autem ait, Apostolus: Finis præcepti est charitas, de puro corde & conscientia bona, &c. accipi potest de actu charitatis: vel quia illa disponunt ad charitatis receptionem. Conformiter intelligi debet verbum Augustini dicentis, quod timor introducit charitatem: & quod ait. Glossa Matthæi primo: Fides generat spem, spes charitatem.

¶ Insuper, cum charitas naturalem proportionem ac facultatem transcendat, & ex sola liberalitate spiritus sancti conferitur: ideo non dependet ex naturali virtute, neque secundum capacitatem naturalium infunditur, sed secundum volun-

tatem donantis, quemadmodum scriptum est: Spiritus ubi vult spirat. Et Apostolus: Hæc omnia (inquit) operatur vnus atque idem spiritus, diuidens singulis prout vult.

¶ Est tamen quædam dispositio seu conatus in homine præcedens gratiam dantis. Et propter hanc dicitur: Dedit unicuique secundum propriam virtutem. Veruntamen conatum dispositionemque hanc præuenit spiritus sanctus, mentem hominis mouens, vel plus vel minus secundum suam voluntatē.

¶ Denique charitas & natura non pertinent ad idem genus, sicut gratia & gloria. Ideoque necesse non est, vt secundum dispositionem naturalium charitas infundatur. In angelis tamen, secundum magistrum libro secundo, infusa sunt dona gratuita secundum naturalium dignitatem. Angeli enim sunt omnino intellectuālis naturæ: & ergo in quod feruntur, in id totaliter mouentur. Et ita in superioribus fuit maior conatus, siue ad bonum siue ad malum, & per consequens maior conuersio charitatis vel auersio consecuta est. Et quo angeli erant dignioris naturæ, eo sunt maioris gloriæ vel malitiæ: Sic autem non est de homine, qui quandoque est in actu quandoque in potentia, & est etiam sensitiuæ naturæ.

¶ *De charitatis augmento. 2. Vtrum quolibet actu charitatis augeatur. 3. An in infinitum possit augeri. Articulus 56.*

**Q**uoniam præsens vita est via quædam ad vitam futuram, ad quam charitas nos perducit: palam est, quod charitas viæ augeri possit, secundum quod ad deum magis ac magis accedimus. Ad quem appropinquamus, non passibus corporis, sed mentis affectibus. Vnde Augustinus super Iohannem: Charitas, inquit, meretur augeri, vt aucta mereatur & perfici. Istud vero augmentum non est secundum quantitatem dimensionem sed virtualem. Quæ attenditur non solum secundum numerum obiectorum, prout videlicet, plura aut pauciora amantur, sed secundum intentionem actus, in quantum aliquid efficacius diligitur. Illi ergo qui charitatem dixerunt augeri non secundum essentiam, sed radicationem in subiecto seu feruorem, propriam vocem non intellexerunt. Nam cum charitas sit accidens, cuius esse est inesse. Vnde nihil aliud est eam secun-

dum essentiam augeri, quàm subiecto magis inesse: quod est in subiecto radicari. Conformiter cum charitas essentialiter ordinetur ad actum, nihil aliud est charitatem essentialiter augeri, quàm ipsam efficientiam habere ad feruentiores actus amoris.

¶ Porro augmentum istud charitatis, non est per additionem charitatis ad charitatem. Potest enim forma augeri per additionem vno modo ex parte obiecti: sicut dum se aliquis intus extendit ad plura obiecta quàm antè vt in sciètia aliqua accidit, quando quis de nouo quædam in ea incipit scire, quæ antè non nouit. Secundo ex parte subiecti, quemadmodum albedo augetur per appositionem albi ad album. Quoniam ergo minima charitas se extendit ad omnia quæ charitate amanda sunt, subiectum quoque charitatis, videlicet anima, simplex sit, constat quod neutro horum modorum charitas augeri valeat per additionem charitatis ad charitatem. Propterea charitatis augmentum non est nisi secundum quod subiectum magis aut minus charitatem participat: vtpotè, quia magis reducitur in actum charitatis, & ei perfectius subditur. Hic quippe modus augmenti proprius est cuilibet formæ, quæ intenditur, eo quod talis formæ esse, omnino consistat in hoc quod subiecto inheret. Et sic quoniam magnitudo rei consequitur esse ipsius, talem formam esse maiorem, est ipsam magis inesse & adhærere susceptibili, non autem aliam formam adiungi. Itaque in charitatis augmento, non incipit aliquid inesse, quod antè non inerat, sed quod antè debilius inerat, tunc iuerat, tunc incipit inesse perfectius: prout similitudo spiritus sancti, qui charitas est, plenius participatur in anima.

2. ¶ Aduertendum demum, quod charitatis augmentum aliquo modo simile est corporali augmento. Sicut ergo in animali ipsa augmentatio non est motus còtinuus, sic vt in qualibet parte temporis partim aliquid addatur, sed natura ad tempus ad augmentum disponit, & postmodum augmentum actu producit: sic non quolibet actu charitatis ipsa augetur, sed quilibet actus ad eius augmentum disponit, secundum quod operantem promptiorem, ad eundem actum aut similem habilioremque efficit: qua habilitate crescente, prorumpit homo in actum feruentiorem dilectionis, conando ad charitatis profectum, & tunc charitatis augmentum sortitur.

## D. DIONYSII CARTHUSIANI

3. ¶ Amplius autem notandum, quod augmento alicuius formæ præfigitur terminus tripliciter. Primo ex parte formæ, quemadmodum in pallore, & in formis mediis, in quibus ulterius progrediendo venit ad aliam formam, puta albedinis siue nigredinis. Secundo ex parte agentis, cuius virtus se ultrà extendere nequit. Tertiò ex parte subiecti, quod amplioris perfectionis capax non est. Sed nullo horum modorum charitatis augmento terminus ponitur. Nam charitas cū sit participatio charitatis immēlæ, quæ est spiritus sanctus, finem non habet. Causa quoque efficiens charitatis, videlicet deus, est infinitæ potestatis. Anima etiam quò magis in charitate crescit, eo ad magis amandum habilior fit.

¶ Charitatis ergo augmento terminus statui nequit, sed in infinitum in via augeri potest. Est tamen ad aliquem finem cum sit quidam motus: sed ille non est in vita præsentis sed patriæ. Capacitas itaque intellectualis naturæ per charitatem augetur, quia per eam dilatatur, dicente Apostolo: Cor nostrū dilatatum est. Veruntamen charitas viæ, quæ ex fide procedit, ad æqualitatem charitatis patriæ venire non potest: quoniam nō est hic eadem ratio quantitatis, cum charitas patriæ sequatur visionem apertam, charitas verò viæ ænigmaticam visionem.

¶ *An charitas in hac vita possit esse perfecta*

.2. *De gradibus charitatis. 3. Qualiter charitas diminuatur.*

*Articulus 37.*

**D** Enique charitas perfecta dici potest vno modo ex parte diligibilis. Deus autem est bonitas infinita, & per consequens est infinito amore amandus. Sic verò à nullo perfectè amari valet, nisi à seipso. Et sic charitas ex parte obiecti, scilicet dei, non potest esse perfecta in mente creata. Secundo charitas vocatur perfecta ex parte amantis, videlicet quando aliquis secundum totum suum posse diligit deum. Et hoc tripliciter accidit. Primo, cum aliquis toto corde semper actualiter fertur in deum: & ista est perfectio patriæ: quæ præsentis vitæ impossibilis est, propter vitæ infirmitatem humanæ. Secundo dum aliquis studium suū ordinat ad vacandū deo atq; diuinis, vniuersis relictis,

quantum vitæ necessitudo permittit. Hæc autē perfectio est huic vitæ possibilis, sed non est cunctis communis. Tertio sic quod quis totum cor suū habitualiter ponat in deo, ita quod nihil deo contrarium velit aut cogitet: & est ista perfectio cū cōis communis charitatem habentibus. Peccata enim venialia non contrariantur charitati, sed actui eius.

¶ Præterea tres sunt gradus charitatis, incipientium, scilicet, proficientium, & perfectorum. Quorum distinctio sumitur secundum diuersa studia, ad quæ per charitatis augmentum homo perducitur. Primo nempe incumbit homini vt recedat à malo, & concupiscētiis malis resistat: & hoc agit charitas incipientium, quæ propter suam imperfectionem nutrienda fouendâque est. Huic autem studio succedit secundum quo homo principaliter occupatur circa profectum in bonis: quod proficientibus conuenit, qui ad hoc præcipuè tendunt, vt in ipsis charitas per augmenta roboretur. Tertio studendum est homini, vt deo inhæreat & ipso fruatur: quod est perfectorum, cupientium dissolui & esse cum Christo. Horū simile est in motu corporali: Nam primo receditur à termino à quo, secundo acceditur ad terminum ad quem, tertio in ipso termino quies est.

¶ Porro proficientes similes sunt illis de quibus in Esdra habetur, quod ædificantes, vna manu faciebāt opus, ex alia parte habentes manum ad gladium. Propter præinducta ait Augustinus super primam canonicam Iohānis. Charitas cū fuerit nata, nutritur: cum fuerit nutrita, roboratur: cum roborata, perficitur: cum ad perfectionem venerit, dicit: Cupio dissolui & esse cum Christo.

¶ Insuper aduertendum quod charitas ex parte obiecti nec augetur nec minuitur. Nam illud innuariabile est, scilicet deus. Si ergo minuatur, hoc est ex parte subiecti. vel ergo minuitur per actum contrariū, vel per cessationem ab actu. Per cessationem quidem ab actu minuuntur & quandoque corrumpuntur virtutes ex actibus acquisitæ, quia vnumquodque depēdet à sua causa. Vnde Philosoph. 7. Ethic. dicit, quod multas amicitias inappellatio, id est, non appellare amicū neq; colloqui ei, dissoluit. Charitas autem nō causatur ex actibus, sed à deo infunditur. Ideo per cessationē ab actu non potest diminui, dummodo in cessatione desit peccatum. Si ergo minuitur, hoc esset per peccatum. Non autē per peccatū mortale,

## D. DIONYSII CARTHYSIANI

illud enim charitatem non minuit, sed penitus destruit. Similiter nec per peccatum veniale charitas minui potest, nec effectiue nec meritoriè. Non effectiue: quia tale peccatum charitatem non attingit, cum charitas sit circa vltimum finem. Peccatum verò veniale, est inordinatio quædam circa media ad finem: sed non minuitur amor finis ob id, quod aliquis inordinationem aliquam committit circa ea quæ sunt ad finem quemadmodum ægrotantes, aliquando sanitatem multum desiderant quanuis circa dietæ obseruationem inordinatè se habeant. Rursus, veniale peccatum charitatis diminutionem non meretur. Nam deus non magis auertit se ab homine, quàm homo ab ipso: & ergo propter delictum in minori, non meretur homo diminutionem pati in maiori. Vnde propter hoc quod aliquis circa media ad vltimum finem inordinatè se habet, non meretur detrimentum pati in ipsa charitate, per quam immediatè ordinatur ad deum. Relinquitur ergo quod charitas directe loquendo, diminutionem nullo modo pati possit, sed indirectè, secundum quod dispositio ad charitatis corruptionem quæ per peccata venialia fit, dici potest charitatis diminutio: quæ etiam dispositio per cessationem exercitiorum charitatis accidere valet.

### ¶ *Quomodo charitas possit amitti. Articulus 38.*

**T**ripliciter insuper considerari charitas potest. Primo ex parte causæ suæ, quæ est spiritus sanctus animam ad dei dilectionem mouens, & ex hac parte charitas impeccabilitatem sortitur, propter virtutem spiritus sancti infallibiliter operantis, & in anima quicquid sibi placuerit facientis. Et ergo prima Iohannis dicitur: Omnis, qui natus est ex deo, peccatum non facit, quia semen dei manet in eo. Secundo attenditur charitas secundum propriam rationem: & sic charitas non potest nisi id, quod ad charitatis rationem pertinet. Et quo ad hoc charitas non potest peccare, sicut nec calor infrigidare. Propter quod Augustinus in epistola ad Iulianum comitem, dicit: Charitas, quæ deserui potest, nunquam vera charitas fuit. Tertio consideratur ex parte subiecti, & ita amitti potest, quia subiectum ratione liberi arbitrij existit veribile. Charitas verò patriæ amitti non potest, tum quia semper in actu est, tum quia totam intellectuales nature

petentiam replet, quorum neutrum charitati viæ conuenit. Ideoq; actu charitatis cessante, aliquid potest occurrere, per quod charitas amittatur.

¶ Porro peccatum mortale charitati directè contrariatur. Nam ratio charitatis exigit, vt se homo deo omnino subiciat, atque in ipsum omnia ordinet, ipsūque super omnia amet. Cū ergo vnum contrarium aliud tollat, elucescit quod omne peccatum mortale, imò vna sola actio peccati mortalis, charitatem pœnitus aufert. Virtus tamen acquisita ex actibus non statim corrumpitur per vnum actum contrarium: quoniam actus directè opponitur actui, non ipsi habitui. Sed in charitatis infusione deus se habet ad animam sicut & sol in illuminatione ad aërem. Et ideo mox interueniente obstaculo diuinæ conseruationi seu infusioni, charitas perditur. Agnoscendum autem, quod charitas dupliciter perditur. Primo, per actuale contemptum, & hoc modo Petrus Christum negando charitatem non amisit. Secundo indirectè, cōmittendo aliquid charitati contrarium propter passionem concupiscentiæ, vel timoris: & sic Petrus charitatem amisit, sed eandem cito recuperauit. Et quo ad hoc aliqualiter saluari potest, quod Leo Papa ait ad Petrum loquens: Vidit in te dominus non fidem fictam, nec dilectionem auersam, sed cōstantiam fuisse turbaram, abundauit fletus, vbi non defecit affectus. Effectus charitatis lauit verba formidinis. Ex quibus verbis motus est Bernardus, vt diceret in Petro negante, charitatem non fuisse extinctam, sed sopitam.

¶ *An solus deus sit charitate diligendus 2. Vtrum ipsa charitas per charitatem diligenda sit 3. An irrationales creaturæ sint ex charitate amandæ. Articulus 39.*

**H**abitūs autem diuersificantur per actus, & actus per obiecta secundum formalem rationem eorum. Vnde necesse est, vt idem specie actus sit, qui fertur in rationem obiecti & in obiectum sub ratione formalis: quemadmodum eadē visio est qua color videtur, & ipsū lumen, quod est ratio videndi colorem. Deus autem est qui directè diligitur & charitatis obiectum est, & ipse quoque est ratio diligendi proximum. Ideoque idem est actus in specie,



## D. DIONYSII CARTHUSIANI

quo deus amatur & proximus, & extendit se charitas secundario ad proximum. Et sicut dicitur de amore proximi, quo amatur propter deum, quod sit eiusdem rationis cum amore dei: sic de timore proximi, quo timetur propter aliquid diuinum in ordine ad deum, dicendum est, quod sit eiusdem speciei cum timore quo deus timetur, loquendo de actu timoris. Nam habitus timoris vnus est sicut & amor.

2 ¶ Præterea intellectus & voluntas sunt conuersiui ad se ipsos & ad proprium actum reflexiui: & ob hoc voluntas vel le & amare potest proprium actum & habitum, in quantum est quoddam bonum sub obiecto voluntatis contentum. Dictum est autem, quod charitas non est simplex amor, sed etiam amicitia. Per amicitiam verò aliquid dupliciter diligi potest. Vno modo sicut id cui bonum volumus, & ita amatur amicus. Alio modo sicut bonum quod amico volumus, & sic charitas per charitatem diligitur. Ipsa namque est bonum, quod omnibus volumus, quos ex charitate amamus. Et similis ratio est de beatitudine aliisque virtutibus.

3 ¶ Denique constat ex his, qualiter irrationales creaturæ diligi possunt. Non enim sunt diligendæ ex charitate secundum primum modum, videlicet vt id cui bonum volumus, sed solum secundo modo, in quantum opramus eas conseruari ad honorem dei vtilitatemque proximi. Et huius triplex est ratio. Prima, quoniam propriè non possumus bonum velle creaturæ irrationali, cum non sit domina vtendi bono, sed ordinetur ad rationalem creaturam. Secunda, quia amicitia fundatur in quadam communicatione vitæ, quæ non conuenit homini secundum rationalem ac propriam perfectionem cum irrationabilibus. Tertia, quia charitas fundatur (vt dictum est) in communicatione æternæ beatitudinis, ad quam irrationalia nullum ordinem sortiuntur.

¶ *Quemadmodum ex charitate diligere debemus nos ipsos 2. Quomodo proprium corpus 3. Quomodo peccatores. Articulus 60.*

**P**orrò de charitate dupliciter loqui cōtingit. Vno modo in communi, in quantum est amicitia quædam. Et sic nemo propriè diligit seipsum, quia amicitia vniōnem designat. Hominis autem ad seipsum nō est vniō,

sed vnitas. Vnde sicut de ipsis principiis non habetur scientia sed aliquid maius, videlicet intellectus: sic nemo ad se habet amici. iam, sed aliquid maius. Ait enim Philosophus 9. Ethicorum, quod amicitia ad alterum oritur ex amicitia quæ est ad seipsum. Secundo de charitate loqui possumus secundum propriam rationem ipsius, videlicet prout est amicitia hominis principaliter ad deum & ex consequenti ad ea quæ ordinantur ad deum, inter quæ est etiam ipse homo qui diligit. Ideoque qui deum amat se quoque in ordine ad deum amat.

2 ¶ Denique quia corpus nostrum, secundum propriam naturam consideratum, est instrumentum animæ, quo animæ vti potest ad dei honorem & per ipsum deo seruire: ideo etiã corpus nostrum ex charitate diligere possumus. Imperfectio- nem autem culpæ corruptionemque pænæ corporis nostri, non diligere, sed odire debemus, quia per hæc elongamur à deo, vnde Apostolus: quis (inquit) liberabit me de corpore mortis huius?

3 ¶ Insuper, peccatores diligere debemus secundum eorū naturam, per quam deo assimilantur, & beatitudinis capaces consistunt. Secundum culpam verò, qua deo aduersantur, odendi sunt etiam parentes atque propinqui. Sed isto modo eos odire, est ipsos verè diligere, & hoc est perfectum odium, quod veræ & diuinæ charitati contrarium nō est, de quo propheta ait: Perfecto odio oderam illos. Nam eiusdem rationis est malum alicuius odire: & bonum ipsius amare. Veruntamē opera charitatis quibus corrigi possint, peccatoribus subtrahenda non sunt, nisi in obstinatam & insanabilem malitiam incidāt. Nam & Aristoteli 9. Ethicorū testatur, quod amicis peccantibus beneficia subtrahi non debent, quandiu habetur spes de sanatione ipsorum.

¶ Porro imprecationes sacræ scripturæ, quæ peccatoribus mala optare videntur, vt est, conuertantur peccatores in infernum, & similes, tripliciter possunt exponi. Vno modo per modum prænuntiationis, vt sit sensus: conuertantur, id est cōuertentur. Secundo per modum orationis, non tamen quo ad pœnam hominis, sed quo ad iustitiam punientis, quia nec deus lætatur in perditione impiorum, sed in sua iustitia. Tercio vt desiderium referatur ad culpæ remotionem, nō autem ad pœnam, videlicet vt peccata destruantur, homines verò remaneant.

¶ Denique sicut in viris iustis laudabile est, ut cum peccatoribus conuersentur, quatenus eos corrigant, sic infirmis periculosa est conuersatio talis.

¶ An peccatores seipsos diligant 2. Quod inimici sint ex charitate diligendi 3. An necesse sit eis signa amicitiae exhiberi. Articulus 61.

**E**st autem quidam amor vniuersis communis, nam omnes homines naturali amore amant seipsos, inquantum amant propriam conseruationem: & hic amor nascitur ex cognitione, qua quis intelligit se secundum id quod putat se esse, sed quia aliqui estimant se id quod principaliter sunt, ut pote secundum intellectualem naturam, quæ secundum Apostolum dicitur homo interior: aliqui verò, videlicet mali, æstimant principale suæ substantiæ esse sensitivam naturam, & isti non verè, sed carnaliter tamen se diligunt quia nec veraciter se agnoscunt: primi autem verè se diligunt quoniam se verè cognoscunt, & hoc Aristoteles nono Ethicorum ostendit per quinque, quæ amicitiae competunt, quorum primum est, quod amicus vult, amicum suum esse. Secundo vult ei bona. Tertio cooperatur ad hoc. Quarto delectabiliter cõuiuit eidem. Quinto concordat amico in eisdem delectando secum & contristando. Hæc autem bonis se mutuo amanti- bus, non autem malis, conueniunt: volunt enim boni sibi inuicem vera ac spiritualia bona, & eadem sibi impendunt &c. Mali autem non iuuant se mutuo in veris bonis, sed est ipsis amor priuatus, de quo Augustinus decimo quarto de ciuitate dei ait, quod ciuitatem Babylonis constituit, & vsque ad dei contemptum perducit.

2 ¶ Præterea, de inimico tripliciter loqui possumus. Primo secundum quod inimicus est, & sic non debemus inimicum diligere, quia hoc esset malum eius amare, quod charitati repugnat. Imò displicere nobis debet, quod inimicatur nobis. Secundo consideratur inimicus quantum ad naturam, per quam dei imago est, sed tamen in vniuersali inquantum est homo, & ita dilectio inimici est de necessitate salutis, quia ab illa generali dilectione, qua deum proximumque diligere iubemur, excludi non debet. Tertio considerari potest inimicus ut est singularis persona, & tunc inimicorum dilectio non est abso-

Iute de necessitate salutis, quia non obligamur in speciali motum dilectionis ad inimicum habere, imò nec ad alios quoniam hoc impossibile est vt quis singulos sigillatim amet. Est tamen dilectio inimici necessaria, quo ad præparationem animi, vt scilicet homo præparatus sit animo, subuenire inimico si articulus necessitatis occurreret. Sed sine necessitate hanc dilectionem impendere & subuenire, ad perfectionem pertinet, non ad necessitatem. Nam dum deum aliquis perfectissimè diligit, tunc omnes homines tanto amplius amat, quo deum plus diligit, & per hæc patet quomodo intelligi debeat quod in Enchiridio asserit Augustin<sup>9</sup>. Hoc (inquiens) tam magnum bonum, vt est inimicos diligere, non est tantæ multitudinis, quantam credimus exaudiri in oratione, qua dicitur: *Dirige nobis debita nostra.*

¶ Præterea innotescit ex his, quando & quoniam necessarium sit inimicis signa seu effectum dilectionis impendere. Signa enim atque effectus amoris ex interiori dilectione procedunt, & proportionantur eidem. Ideo sicut tenemur inimicos diligere in communi de necessitate in speciali verò secundum præparationem cordis: sic quoque communia beneficia, & signa dilectionis eis subtrahere nephas est, vt sunt ea quæ exhibentur proximis in communi, videlicet cum aliquis orat pro cunctis fidelibus, aut communitati aliquid præstat: si talia subtraherentur inimicis signum esset liuoris atque vindictæ, contra quod Moyses dicit. *Nō quaeres vltionem nec memoreris iniuriæ ciuium tuorum.* Alia autem sunt spūalia charitatis signa, quæ alicui specialiter impenduntur: & talia inimicis offerre non est de necessitate præcepti, nisi secundum animi præparationem. Puta si necessitatis articulus se offerret, aliàs talia exhibere perfectionis existit, qua quis studet nō solum non vinci à malo, quod necessitatis est, sed insuper vincere malum in bono, satagens inimicum beneficiis ad suum amorem inducere, quod vtique ad perfectionis cumulum pertinet. Ait enim glossa super illud Marci septimo, *benefacite his qui vos oderunt, quod inimicis benefacere, est cumulus perfectionis.*

¶ *Vtrum angeli sint diligendi 2. An dæmones sint ex charitate diligendi 3. De numero diligendorum. Articulus 62.*

**Q**uemadmodum præinductum est, vera charitas in communicatione æternæ beatitudinis fundatur. Cum ergo homines ad angelicam felicitatem ordinentur, erunt enim sicut angeli dei: constat quod angelos, quoque ex charitate teneamur diligere, sicut in libro de doctrina Christiana August. fateatur. Denique dilectio angelorum reducitur ad dilectionem proximorum, quanuis enim homo & angelus non conueniant in natura specifica, conueniunt tamē in vno fine, etiam in gratia, & homo nunc aliquo modo angelicam conuersationem habere potest, quā postea perfectē habebit.

2 ¶ Præterea, quoniam naturam iniquorum tenemur diligere & culpam odire: ideo dæmones non sunt ex charitate diligendi, quia in nomine dæmonis peccatum includitur. Si autem nominetur nomine aliquo, in quo non includitur culpa, tunc sunt diligēdi, non sicut intellectuales substantiæ beatitudinis susceptiue, ad quas propriē habemus amicitiam: nō enim possumus eis bonum tale velle, cum sint in æternum dānati per diuinam iustitiam, quam per charitatem approbare tenemur. Sunt tamen diligendi sicut irrationales creaturæ: in quantum volumus eos conseruari in bonum alterius, videlicet in gloriam diuinam, naturalia eorum sunt bona, & iustitia dei relucet in ipsis.

3 ¶ Insuper aduertendum quod secundum August. 1. de doctrina Christiana, quatuor sunt ex charitate diligenda. Vnum quod super nos est, ut pote deus: alterum quod nos sumus, tertium, quod iuxta nos est, scilicet proximus, quartum quod infra nos est, videlicet corpus. Cū enim charitatis amicitia fundetur in communicatione beatitudinis, in beatitudine verō est vnum, beatitudinem influens, scilicet deus, aliud est beatitudinem directē participans: puta homo & angelus. Tertium est beatitudinis quandam redundantiam ex influentia animę sortiens, & est corpus humanum. Id autem quod beatitudinē directē participat, potest diligibile duplici ratione consistere vel quia est vnum nobiscū, & ita homo amat seipsum: vel quia est nobis in beatitudinis participatione consociatū, & ita diligitur proximus, in quo etiam intelligitur angelus. Sic igitur innotescit, quod diuersa habitudo diligentis ad diligibile, facit diuersam rationem diligibilitatis, & secundum hoc assignatur quatuor diligenda. Quanuis ergo homo diligens & pro-

prium eius corpus, sint duo diligibilia: proximus tamē & corpus eius sunt vnum diligit se quia directē beatitudinis capax: corpus autem suum, quia beatitudinis redundantiam capere potest. Proximus verō & corpus eius vna duntaxat ratione diliguntur, videlicet propter consociationem in beatitudinis participatione nobiscum.

¶ De ordine charitatis 2. Quod plus diligere debemus  
Deum, quā proximum 3. Quod plus diligere  
debemus Deum, quā nos ipsos. Art. 63.

**S**ecundum præhabita, charitas tendit in Deum sicut in primum beatitudinis causale principiū. Sed ubicunq; est aliquod principium: necesse est esse aliquē ordinē. Ordo autē includit prius & posterius. In his ergo quæ charitate amātur, est ordo seruandus, & dilectio ordinatē impendenda: quemadmodum Canticorum secundo scribitur: Ordinavit in me charitatem.

2. ¶ Deniq; cum amicitia charitatis in beatitudinis cōmunicatione fundetur, eāq; respiciat: ideo sicut deus est essentialiter & eminenter beatitudinē habens, & omnis felicitatis principiū: sic est primo & maximē diligendus. Sciendum verō, q̃ dupliciter dicitur aliquid eā dilectionis. Primo, quia est ratio diligendi, & sic bonū est causa amādi. Secundo quia est via ad diligendum: & ita visio est diligendi causa, nam per eā ad amandū perducimur. Et quo ad hoc secundum, primo diligendus est proximus: non quod sit magis diligendus quā deus, sed quia primo occurrit nobis ad diligendum, cum sit magis visibilis & notus quā deus: Et ob id dicit Iohannes: Qui non diligit fratrem suum quem videt, deum quem non videt, quomodo potest diligere?

3. ¶ Præterea amore naturali, qui in cōmunicatione naturalīū donorum fundatur, homo in suæ integritate naturæ consideratus, plus diligit deum quā seipsum: & non solum homo, sed etiam quælibet creatura, suo modo plus amat vel appetit deum quā seipsum, vel intellectuāli vel rationali vel animali, vel naturali saltē amore. Nam quælibet pars plus amat naturaliter bonum commune totius, quā bonum particulare ac proprium. Quod ex operatione partis ostenditur.

¶ At verō in virtutibus quoque politicis cernimus, quod ciues pro bono cōmuni seu principis, propriarum rerū & per-

sonarum incurrunt pericula : deus autem est primum omnium vniuersaléque bonum , sine quo nil esse vel persistere potest. Si ergo naturalj amore deus summè amatur, tunc multo amplius charitate amicitiae, quæ in communicatione donorum gratuitorum fundatur, Hoc verum est. Plus ergo amare debemus deum quàm nosmetipsos. Ideoque quod Aristote. 9. Ethicorum, ait amicitiam ad alium oriri de amicitia ad seipsum, intelligi debet, de amicitia rei, quæ habet bonitatem nõ essentialiter & secundum plenitudinem, sicut deus, sed per participationem vt creaturæ. Itemque de amicabilibus in quibus est bonum secundum particularem modum, & non de his in quibus est ratio boni secundum quandam communitatem & rationem totius.

**¶** *Vtrum homo magis seipsum diligere debeat quàm proximum 2. An impensius proximum, quàm corpus proprium 3. An etiam plus unum proximum quàm alium. Articulus 63.*

**M** Agis autem diligere debet homo seipsum, quã aliquem alium post deum. Nam secundum præostensa, deus diligitur tãquam principium boni, in quo charitatis dilectio est fundata, & seipsum diligit homo in quantum istius boni est particeps : proximum verò ratione consociationis in participatione boni diuini: consociatio autem in vnione fundatur. Vnde sicut vnitas prior & potior est vnione: sic dilectio ad seipsum maior esse debet dilectione ad alium. Nam dilectio ad seipsum est exemplar dilectionis ad alium: scriptum est enim : Diliges proximum tuum: sicut teipsum: sed exemplar principalius est exen plato.

**¶** Itaque quanuis proximus sit quandoq; melior ac deo propinquior quàm homo qui diligit, non tamen ob hoc amplius diligi debet. Nã dilectio, sicut & quilibet actio, nõ solum habet quantitatem ex parte obiecti, sed etiam ex parte subiecti. Nullus autem est tam propinquus amanti vt ipse sibi. Et signum horum est quod homo non debet subire in alium animæ, siue peccatum propter proximum: quanuis temporalium rerum pericula, imo & proprij corporis incurrere debeat propter spirituale proximi bonum. Semper tamen bonum cõmune est magis amabile vnicuique, quàm proprium bonum.



Nam charitas non quærit quæ sua sunt, quoniam bonum commune proprio bono præponit, secundum Augustinum.

2 ¶ Denique cum proximus ratione animæ sit directè essentialis beatitudinis, quæ est dei fruitio, particeps: corpus verò per solam redundantiam ab anima: ideo magis debemus diligere proximum, quàm corpus proprium. Non tamen tenetur homo corpus suum exponere mortis periculo pro proximo, nisi cum imminet ei cura salutis pro proximo. Quod si quis ultro se sponte pro ipso exponat, hoc perfectio nis est, non necessitatis.

3 ¶ Præterea sicut in naturalibus inclinatio naturalis inest secundum convenientiam actionis & motus cuiuslibet rei, ut in terra est maior inclinatio grauitatis ad locum deorsum, quàm in aqua: quoniam competit terræ esse sub aqua: sic in inclinatione gratiæ ex charitate procedente, oportet ut ipsa interior charitatis affectio proportionetur exterioribus signis atque effectibus charitatis. Vnde sicut vni sunt magis impendenda charitatis beneficia quàm alteri: sic est vnus alio amplius interiori affectu amandus. Rursus quia quantitas dilectionis pensatur ex propinquitate ad deum & proximum: ideo secundum quod vnus est deo vel ipsi amanti magis propinquus, sic magis est diligendus.

¶ *Quis magis diligendus est 2. Melior uel coniunctior 3.*

*Secundum carnem affines uel aliunde coniuncti*

4. *Pater uel filius, pater uel mater.*

*Articulus 67.*

**V**T dictum est, actus proportionatur obiecto & agenti, & ex obiecto habet species, ex virtute verò agentis intensionem vel remissionem quemadmodum motus specificatur à termino ad quem, velocitatem autem habet secundum dispositionem mouentis: conformiter dilectio species habet à suo obiecto quod est deus. Sed intensionem sui actus habet ex dispositione amantis. Meliores ergo sunt magis diligendi quantum ad species dilectionis. Sunt enim variæ species dilectionis, secundum diuersa bona quæ alicui volumus. Melioribus autem velle debemus maius bonum, videlicet ampliorem diuinæ bonitatis participationem seu felicitatem. Hoc nanque charitas exigit, ut velit homo di

## D. DIONYSII CARTHUSIANI

uinam iustitiam cōseruari, quæ melioribus maiorem gratiam tribuit. Porro ex parte diligentis maiori effectu, diligimus propinquiores, quia affectuosius optamus eis id bonum quod eis optamus, quàm melioribus maius bonum.

¶ Denique propinquiores pluribus modis diligimus quàm meliores, secundum quod in pluribus cum eis communicamus, amicitia nempe in communicatione fundatur. Adhuc autem charitas quæ in communicatione diuina fundatur, omnibus aliis amicitiiis bonis imperat: & sic siue diligatur aliquis consanguineus, vel quia cenciuis, aut sodalis: omnes istæ amicitix in deum ordinari possunt, & per consequens propinqui intensius diliguntur.

2 ¶ Amplius autem charitas nos deo conformat, non ut semper velimus quæ deus, sed secundum proportionem: quatenus sicut deus diligit quod ei conuenit, sic homo se habeat ad id quod suum est. Ex his elucescit, quod secundum carnalem originem propinqui sunt maximè diligendi, quia cum illis est nobis maior communio, diuersorum enim dilectio est mensuranda secundum coniunctionem diuersam, ut unusquisque in eo potissimè diligatur, quod pertinet ad coniunctionem illam propter quam diligitur. Vnde consanguineos plus diligere decet in his, quæ spectant ad bona naturæ, & ad necessaria vitæ: concines autem in his quæ pertinent ad conuersationem ciuilem, commilitones verò in bellicis rebus. In his autem communicationibus & coniunctionibus potissima est, quæ est secundum carnalem propaginem: est enim prior & immobilior, quia est secundum substantiam rei. Aliæ verò accidentales & debiles extant. Ideo consanguineorum amicitia stabilior est. Aliæ tamen possunt esse maiores secundum quid, videlicet in eo quod singulis proprium est. Vnde in pro uerbis scribitur: Vir amicabilis ad societatem, magis est amicus quàm frater. Nam quia talis amicitia ex propria libertate contrahitur, ideo in agendis præponderat. Sic quoque Ambrosius, in primo de officiis dicit: se non minus diligere quos in euangelio genuit, quàm si carnaliter eos genuisset. Nam talibus in instructione morum & bonis gratiæ, maximè prouidere debet pater spiritualis.

3 ¶ Præterea gradus dilectionis ex duobus pensatur. Primo ex parte obiecti, & sic quod est magis bonū, est magis amādū. Et quo ad hoc, plus diligere debet homo patrem suum quàm

filium, quia pater habet rationem principij & causæ, filius autem rationem effectus. Secundo ex parte subiecti diligentis, & ita quod est magis coniunctum magis diligitur: & sic magis diligit homo filium quam patrem secundum Philosophum secundo Ethicorum. Primo quoniam parentes diligunt filios tanquam aliquid sui, quia filius de substantia parentum est generatus, pater verò non est aliquid filij. Secundo, quia parentes certius sciunt de filiis quod sui sint, quam econtra. Tertio quia filius est parenti propinquior, cum sit pars eius. Quarto quia parentes diutius amauerunt quam filij, amor autem tanto est fortior quanto diuturnior, iuxta, illud Ecclesiasti, 9. Nò derelinquas amicum antiquum, nouus enim non erit similis ei. At verò quoniam pater habet rationem principij, ideo filius debet parentibus honorem & reuerentiam exhibere. Parentes verò filiis prouidere habent, quia filius habet rationem effectus, effectum autem conuenit recipere influentià à suo principio. Ideoque Apostolus: Non debent (inquit) filij thesaurizare parentibus, sed parentes filiis. Vnde secundum Aristotelem, 8. Ethicorum parentes naturaliter plus diligunt filios quam diligantur ab eis. Veruntamen in necessitatis articulo obligatur filius maximè prouidere parentibus, propter beneficia sibi impensa.

4. ¶ Præterea pater in quantum pater per se loquendo, magis diligendus est quam mater secundum quod mater quantum aliunde propter speciales rationes vel virtutes, oppositum sæpe contingere possit. Pater quippe & mater amantur ut principia quædam naturalis originis. Sed pater habet excellentiorem rationem principij in generatione quam mater: habet namque se per modum adiui principij, mater autem per modum patientis. Et quanuis ipsa materiam ministraret informem: tamen in semine patris est virtus formatiua: & ita pater magis disponit ad formæ substantialis susceptionem quam mater.

¶ Quem magis diligere debet homo, parentem  
uel uxorem .2. Benefactorem uel beneficia  
tum .3. An ordo charitatis in  
patria perseueret.

Articulus 66

**A**mplius autem, cum parentes habeant rationē principij respectu filiorum: ideo magis diligendi sunt quā vxor, ex parte obiecti amoris, quod est bonū. Sed quoniam vxor magis copulatur viro quā parentes, sunt enim vna caro: ideo secundum rationem coniunctionis, quæ causat gradum dilectionis ex parte diligentis, vxor magis diligitur. Nam licet homo propter vxorem parentes relinquat quo ad cohabitationem, carnalemque copulam in quibuidam tamen magis debet homo assistere parentibus quā vxori.

2. ¶ Præterea, quia benefactor habet rationē principij respectu eius cui benefecit, & quandam dignitatem super beneficia recipientem: ideo attendēdo gradū dilectionis ex parte obiecti seu boni, magis amare debet homo benefactorem quā beneficiatum. Pensando autem gradum dilectionis ratione coniunctionis, seu ex parte subiecti, magis diligendus videtur beneficiatus, vt 9. Ethicorum habetur. Cuius assignat Philosophus quatuor rationes. Primo, quia beneficiatus est quasi quoddam opus benefactoris. Secundo quia benefactor videt in beneficiato propriam quandam perfectionem, videlicet rationem boni honesti, beneficiatus autem in benefactore non respicit, nisi bonum vrile suum. Tertio, quia ad amantem pertinet agere circa dilectum, quod benefactori maximè conuenit. Quarto, quoniam difficilius est bona impendere quā recipere: ea autem in quibus magis conamur magis diligimus: quæ verò de facili veniunt, quasi contemnimus. Veruntamen quidam sunt benefactores, videlicet deus & pater, quos præ omnibus beneficiatis oportet magis diligere.

4. ¶ Denique palam est ordinem charitatis remanere in patria, quo ad hoc vt deus super omnia diligatur. Sed de ordine charitatis quantum ad seipsum distinguendum est. Nam secū dum præstensa, gradus dilectionis attenditur primo secundum differentiam boni, quod quis optat amato. Secundo ex parte intentionis ipsius dilectionis. In patria itaque plus diligit homo meliores quā seipsum, quia per charitatem maius bonum eis vult, secundum quod dei iustitia exigit: minus autem bonos minus amabit, tunc quippe cessabit potestas merendi, & ob id non optabit minus bono maius bonum: quod tamen nunc fieri potest, secundum præhabita.

¶ Quantum verò ad secundum plus diligit homo seipsum quam proximum etiam meliorem . quia dilectionis intensio pensatur ex parte subiecti amantis : & sic sicut homo est sibi coniunctior quam alteri, sic intensius vult sibi bonum, quod competit sibi.

¶ Denique ad hoc datur vnicuique charitas à deo, vt primo propriam mentem ordinet in deum. Secundario autem ordinem aliorum ad deum velit, & pro posse efficiat. Porro cōsiderando ordinem proximorum adinuicem , sic in patria ille simpliciter magis amabitur, qui deo propinquior est & melior. Nam totus ordo dilectionis in patria, est secundum comparisonem beatorum ad deum. Tunc quoque cessabit necessitudo vitæ præsentis, & promissio, propter quæ propinquiores nunc magis amantur , & ampliora beneficia dilectionis exigunt. Nihilominus propinquiores in patria pluribus de causis diliguntur, quoniam honestæ causæ amicitiae non tollentur, eo quod gratia naturalia non auferat sed perficiat. Sed his omnibus incomparabiliter præferetur ratio dilectionis, quæ prouenit ex propinquitate ad deum.

¶ *Vtrum sit charitati magis proprium, amare uel amari. 2. An amare sit idem quod beniuolentia.*

3. *Quod deusest propter seipsum amandus. 4. Vtrum in hac uita possit immediatè amari.*

*Articulus. 67.*

**C**haritas denique cum sit quædam virtus, ex propria natura inclinationem habet ad proprium actum: amare autem non est actus charitatis eius qui amatur sed amantis . Ideoque amare conuenit charitati in quantum est charitas. Amari verò secundum communem rationem boni prout aliquis ad bonum tale mouetur, quia est bonum quoddam. Vnde magis charitati conuenit amare quàm amari, vt octauo Ethicorum habetur, cuius duplex est signum. Primum, nam amici magis laudantur ex hoc quod amant, quàm qui amantur. Secundum, quia matres, quæ maximè amant, potius quærunt amare quàm amari. Sicut illæ non quærunt amari, quæ filios suos committunt nutrici, vt Philosophus asserit. Qui etiam dicit, quod plures volunt amari quàm

## D. DIONYSII CARTHUSIANI

amare. Et idcirco multi fiunt adulescentes, homines enim volunt amari, in quantum volunt honorari. Nam sicut honor exhibetur in testimonium virtutis: sic homo amatur propter bonum, quod in ipso putatur, & ex hoc consequenter honoratur.

2. ¶ Præterea secundum Philosophum nono Ethicorum, benivolentia est simplex actus voluntatis, quo bonum alicui volumus, & differt ab actuali amore appetitus sensitivi, quia ille est passio; & cum impetu quodam inclinatur in suum obiectum. Passio quoque amoris non subito generatur in aliquo, sed ex assidua impressione rei dilectæ in amantem. Benivolentia autem ex solo rationis iudicio oritur, & interdum subito generatur: quemadmodum videns homo pugilem quandoque repente appetit ei triumphum. Sed amor per consuetudinem inest & gignitur. Distinguitur insuper benivolentia ab actu amoris intellectivi, qui in voluntate consistit, nam talis actus unionem importat amantis atque dilecti: sic, quod amans reputat amatum tanquam unum secum, vel pertinentem ad se: benivolentia autem est simplex motus non designans unionem huiusmodi. Propter quod ait Philosophus nono Ethicorum, quod benivolentia non est amicitia neque amatio sed principium eius, dilectio namque includit benivolentiam & addit unionem. Et quo ad hoc secundo Rhetor. Aristoteles dicit, quod amare est alicui bonum velle, quod ad benivolentiam pertinet.

3. ¶ Præterea cum dicitur aliquid amabile propter aliud, propter habitudinem causæ designat. Est autem quadruplex causa videlicet efficiens, finalis, formalis, & materialis. Et secundum unamquamque potest aliquid esse amabile. Deus autem non potest esse amandus propter causam formalem, finalem aut efficientem: cum ipse sit omnium primum principium, tam formale seu exemplare: quam finale & effectivum. Potest tamen dici amandus propter causam materiale, id est, materiale dispositionem, in quantum per effectus ipsius, utpote beneficia vel promissa, vel minas dei, ad eius amorem disponimus atque inducimur, quanvis postquam amare incœpimus, non iam propter sua beneficia ipsum diligamus, sed propter propriam suæ bonitatis virtutem per quam ipse nos prior dilexit. Vnde Augustinus in libro de catechizandis rudibus astruit, quod nulla est maior prouocatio ad dilectionem,

quam præuenire amando.

4. ¶ Amplius intueri oportet, quod cognitio fertur in agnū-  
tum, secundum quod illud est in ipso cognoscente. Deū autē  
in hac vita cognoscere non valemus, nisi per res creatas, quæ  
diuinam naturam in seipsa non plenē repræsentant. Appeti-  
tus verò fertur in rem volitam, secundum quod res est in se-  
metipsa. Ideoq; charitas etiam in via mouetur immediatē in  
ipsum deum. Nam vbi cognitio sistit, ibi dilectio incipit. Sed  
deum in præsentī vitā, immediatē videre aut noscere nequa-  
quam possumus, quoniam non inest menti per propriam spe-  
ciem, amor autem intrat, vbi cognitio foris stat.

¶ *Quomodo deus possit totaliter amari 2. Qualiter diuinæ  
dilectioni non est aliquis modus 3. Vtrum sit magis meri-  
torium, diligere inimicum uel amicum 4. Vtrum etiā  
magis sit meritorium amare deum uel proximum.*

Articulus

68.

**E**X quo dilectio inter amantem atque amatum mediū  
quoddam est vniens vnum cum alio: cum quæritur an  
deus possit amari totaliter, primo potest ista totalitas  
referri ad deum: & sic deus totaliter diligi debet, quia  
quicquid ad eum pertinet, amabile est. Secundo intelligi po-  
test totalitas ex parte amantis. Et tunc quoque deus totaliter  
est amandus, quia rationalis creatura totis viribus suis deum  
diligere habet. Tertio accipitur totalitas secundum compa-  
rationem diligentis ad dilectum, vt sit sensus, an deus tantum  
possit amari quantum extat amandus. Et ita cum deus sit infi-  
nita bonitas, in infinitū diligibilis est, nec ab alio quā a se-  
ipso hoc modo totaliter diligi potest.

2. ¶ Præterea secundum Augustinum, modus est quem vni-  
cuique propria mensura præfigit, determinatio autem men-  
suræ, quam modus significat, diuersimodē est in ipsa mensu-  
ra & in mensuratis. In mensura nanque inuenitur essentiali-  
ter & per se, eo quod mensura secundum seipsam determinet  
& modifcet mensurata. In mensuratis verò est secundum  
quod mensuram attingit. In mensura ergo nihil immodi-  
ficatum accipi potest. Porro in agilibus & appetibili-  
bus mensuræ est finis, nam in talibus oportet propriam ra-  
tionem ex fine accipere, secundum Philosophum secundo



physicorum. Vnde finis secundum seipsum habet modum, ordinata verò ad finem, in quantum fini proportionantur. Propter quod secundum Aristotelem primo Politicorum, appetitus finis in omnibus actibus, est sine modo & termino. Medicus namque sanitatem efficit quantumcumque bonam potest. Mediorum autem ad finem est terminus. Cum ergo dilectio dei sit omnium humanarum actionum affectionumque finis, non est in ea modus sic quod in ea possit esse excessus, sicut in mensuratis contingit: sed est in ea modus secundum quod in ipsa mensura, modus quidem existit, non quod in ea possit esse minus & plus: sed quanto magis habetur, tanto est melius. Et ita in dilectione est modus, quia quo Deus magis amatur, tanto perfectior extat dilectio.

3. ¶ Aduertendum est insuper, quod cum dilectio referri possit ad ipsum diligentem, vel ad deum, qui est ratio diligendi proximum, dilectio amici præminet dilectioni inimici ex parte subiecti amantis: quia amicus est melior atque coniunctior, & per consequens est materia dilectioni aptior. Vnde actus dilectionis super eam transiens melior est, oppositumque ipsius deterius. Est enim maius peccatum odire amicum, quam inimicum.

¶ Quantum verò ad id quod est ratio proximum diligendi, videlicet Deus, dilectio inimici præminet dilectioni amici. Primo, quia huius dilectionis solus deus est causa, amicus verò ob alias causas diligi potest. Secundo, nam ex inimici amore ostenditur dilectio dei fortior esse in homine, eo quod propter eam homo tam difficilia impleat, quod etiam inimicum diligit: sicut calor ignis tanto est amplior, quanto in remotiorem materiam agere valet. Nihilominus dilectio amici secundum se est feruentior & melior & meritoria magis. Ad rationem nempe virtutis & meriti plus facit bonum quam difficile. Propter quod licet inimici dilectio sit difficilior, non tamen oportet ut melior ac magis meritoria sit. Si autem amicus diligatur ea tantum ratione quia amicus. & non propter deum tunc inimici dilectio præponderat. Et ergo Marc. secundo habetur: Si eos diligitis qui vos diligunt, quam mercedem habebitis? Signum quoque huius, quod amicus propter se & non ob deum amatur, est, quando sic amicus diligitur, ut inimicus odio sit.

4. ¶ Denique cum id quod melius est magis meritorium sit,

si consideretur dilectio proximi seorsum, palàm est quod magis meritorium sit diligere deum quàm proximum. Si verò sumatur dilectio proximi, inquantum includit dilectionem dei, & dei dilectio secundum se accipiat, tunc dilectio proximi habet se ad dilectionem dei sicut perfectum ad imperfectum, quoniam perfecta dei dilectio, se semper extendit ad proximos. Et sic dilectio proximi magis meritoria esset. Quod igitur ait Apostolus: Optabam anathema esse à Christo pro fratribus meis, nō debet intelligi quod plus fratres quàm deū dilexit, vel quod simpliciter à deo separari maluisset. Sed quia plus deum quàm seipsum dilexit, volebat ad tempus carere dei fruitione, quod pertinet ad dilectionem sui, quatenus honorem dei procuraret in alijs, quod pertinet ad dilectionem dei. Et ita exponit Chrysostomus libro de corruptione.

¶ *Vtrum gaudium sit charitatis effectus 2. An compatiatur secum tristitiam 3. Quomodo etiam possit esse plenum 4. Vtrum sit uirtus.* *Articulus 69.*

**P** Ræterea, ex amore oriuntur gaudium & tristitia. Nā sicut ex præsentia boni amati, vel ex hoc quod ipsi quem amamus proprium bonum inest & ei bene succedit, nascitur gaudium in amante: sic per oppositum modum ex amore procedit tristitia ex absentia vel aduersitate dilecti. Amor autem dei charitas dicitur, & ex hoc quod deus amatur, manet in amante per nobilissimum effectum, quemadmodum scriptum est: Qui manet in charitate, in deo manet, & deus in eo. Vnde spirituale gaudium, quod de deo habetur, ex dei charitate causatur. Spirituale igitur gaudium de deo dupliciter potest haberi. Primo, secundum quod bonitas dei in seipsa consideratur. Et hoc est perfectius gaudiū, ad amorem beniuolentiæ pertinens. Secundo, inquantū bonitas diuina participatur aut participari potest à nobis. Et tale gaudium potest etiam nasci ex spe, prout fruitionē dei speramus, quemadmodum Apostolus dicit: Spe gaudentes.

2. ¶ Denique gaudium quod ex charitate diuina procedit, secundum quod deus propter seipsum purè diligitur, admixtionem tristitiæ non habet: sicut nec bonitas dei malum habet admixtum. Vnde Apostolus: Gaudere (inquit) in domino

## D. DIONYSII CARTHYSIANI

semper. Gaudium autem secundo modo ex charitate, vel etiā ex spe procedens, admixtionē tristitiæ habere potest, propter ea quæ participationem seu fruitionē dei à nobis impediūt, vel à proximis nostris. Sic nempe & luctus ex charitate descendit, quia sicut de participatione boni quis gaudet: sic de absentia vel impedimentis ipsius tristatur. Sicut in Psalmo canatur: Heu mihi, quia incolatus meus, &c.

3. ¶ Insuper aduertendū, quod gaudium dicitur plenum, vel ex parte eius de cuius bonitate quis gaudet, vel ex parte gaudentis. Dum ergo bonitas perfectionis diuinæ sit infinita, dignum est, vel de ea infinitum gaudium habeatur. Et ita solius dei gaudiū plenum est. Nam eius gaudium verè & intensiue est immensum. O beatissime & voluptuosissime deus. Ex parte autem gaudentis gaudium plenum est, quando desiderium perfectè satiatur & contentatur. Sicut enim se habet quies ad motum: ita se habet gaudium ad desiderium. Sic autem gaudium nostrum plenum erit in patria, nunc autem semper crescere possumus atque perficere in omnibus bonis, in beatitudine verò patriæ vnusquisque attingit terminum sibi à diuina prædestinatione præstitutum, itemque præfixum, & ergo nil vltra appeti valet.

4. ¶ Amplius autem considerandum, quod ex vna virtute possunt procedere plures actus ordinati rationis eiusdem. Et quia vnus non oritur à virtute nisi per alium, ideo ipsa virtus diffinitur & denominatur ab actu, qui primo de ipso emanat. Amor autem est prima affectio appetitiuæ potentiæ, ex quo desiderium gaudiūque procedunt. Et ergo idem est habitus virtutis inclinans appetitum ad diligendum bonum, & ad desiderandum amatum atque ad gaudendum de bono. Et quoniam horum actuum prior est dilectio: ideo à dilectione, non autem à desiderio vel gaudio virtus ista vocatur, quæ charitas dicitur. Vnde gaudium non est virtus à charitate distincta, sed eius effectus & actus est. Propter quod inter fructus ab Apostolo ponitur ad Galatas quinto. Tristitia demum quæ gaudio opponitur & vitium est, oritur ex inordinato sui ipsius amore: qui amor non est, speciale vitium, sed generalis radix omnium vitiorum.

¶ An pax sit concordia 2. An omnia appetant pacē 3. Vtrum sit effectus charitatis 4. Vtrum sit virtus. Articulus 70.

**C**oncordia denique est semper ad alterum, utpote diversorum cordium in idem consensus. Pax verò concordiam includit in sua ratione & aliquid addit. Potest enim cor hominis in diversa tendere dupliciter. Primo secundum diversas vires appetitivas, quarum una alteri contrariatur quemadmodum appetitus sensitivus voluntati saepe repugnat. Secundo quando una & eadē appetitiva potētia tendit in diversa, quæ simul assequi nequit, & ex hoc rebellionem incurrit. Horū itaq; contrariorū motuū unio, est de ratione pacis. Nam quandiu appetitui aliquid deest quod appetit quavis aliqua appetibilia habeat, pacem tamen perfectam non habet. Sed unio hæc non est de ratione concordia, quia cōcordia importat unionem appetitus diversorū appetentium. Pax verò ultra unionem hanc importat etiam unionem appetituum unius appetentis. Quod autem Augustinus ait: Pax est ordinata concordia, dicit de pace quæ est unius hominis ad alium. Dicit quoq; q̄ pax est tranquillitas ordinis, quæ tranquillitas consistit in hoc quod in eodē hoīe oīs motus appetitui cōquiescunt. Patet igitur q̄ ubicūq; est pax, illic est concordia, sed nō ecōtra. Vnde in solis bonis est pax, sicut scriptum est: Non est pax impijs. Cōcordia verò in malis esse potest, vnde propter duplicem unionem, quæ ad pacē requiritur, scilicet ad seipsum & ad alium duplex dissensio paci opponitur, una quo ad seipsum, alia quo ad alterū, concordia verò opponitur tantum secunda dissensio.

2. ¶ Præterea sicut aliquis appetit assequi bonum optatum: sic etiam appetit impedimenta talis affecutionis auferri. Potest verò aliquis impediri ab adeptione boni desiderati per appetitum contrarium tam sui quàm alterius: horum autem utrumque per pacem aufertur. Ideoque sicut omnia appetūt sine impedimento tranquillè adipisci, quod cupiunt: sic omnia appetunt pacem secundum modum suæ naturæ proportionatū. Et hoc Dionysius asserit 9. cap. de divinis nominib<sup>9</sup>.

¶ Est autē pax quædam, quæ non est vera pax, sed est solum de bono apparenti, in quo aliqui erroneè affectum suum fi-gunt, & de illa dicit Christus: Non veni pacem mittere.

3. ¶ Denique pax præsentis status imperfecta existit, quia multa aduersa occurrunt, in futuro autem perficietur, ubi sine impugnatione bonū possidebitur. Cū ergo de ratione pacis sit duplex unio: ideo pax est propriè charitatis effectus,

charitas enim est virtus vnitiva . Et ergo per charitatem, qua diligitur deus, inest homini ordinatio sui ipsius ad deum & propriorum appetituum adimpletio . Nam charitas agit ut omnia sua referat homo in deum . Et sic vterque hominis appetitus mouetur ad vnum. Aliam quoque vniionem pacis, quæ est ad proximum facit charitas proximi, quia per charitatem vnus suum affectum alteri conformat, amicorum quippe est vnum velle & nolle, secundum Tullium. Aduertendum autem quod secundum Philo. 9. Ethico. ad amicitiam non pertinet consensus in opinionibus, sed in confessionibus ad vitã: præsertimque in rebus magnis. Et ergo non repugnat paci, quod sancti doctores in opinionibus interdum dissentiunt, quoniam opiniones ad intellectum pertinent, pax autem ad voluntatem. Si etiam aliqui in principalibus bonis concordant, quanuis in aliquibus paruis circa illa discordant, non est contra pacem, talis enim dissensio ex diuersitate opinionum procedit, prout vnus æstimat aliquid pertinere ad illud principale bonũ, cuius alter oppositũ putat. Ista tamẽ perfectæ paci, quæ erit in patria, contrariatur.

4. ¶ Est autem pax etiam effectus iustitiæ, & hoc indirecte in quantum remouet prohibens, vnde in Esaia scribitur: Erit opus iustitiæ pax. Ex his innotescit quod pax non est virtus, sed actus virtutis. Nam iuxta ostensa, cum plures actus secundum eandem rationem ab agente procedunt, non habent singulares proprias virtutes à quibus causentur, sed ordinatè ex vno virtutis habitu oriuntur. Vnde sicut gaudium ita & pax est charitatis effectus, & quoniam pax est actus virtutis perfectæ: propterea inter beatitudines collocatur. Ponitur quoque inter fructus, beati pacifici, inquãtũ est quoddã finale bonũ, spiritualẽ dulcedinẽ habens. Nunc igitur patet, quàm conuenienter. 11. cap. de diuinis no. Dionysius dicat: Pax est hominũ vnitiva & operatiua consensus.

¶ De motiuo misericordiæ 2. Quorũ sit miserẽdũ 3. Vtrũ misericordia sit uirtus 4. An sit maxima uirtus. Articuli. 71.

**M**isericordia, secundum Augustinum nono de ciuitate dei, est alienæ miseriæ in corde nostro compassio, qua si possumus subuenimus. Miseria autẽ fœlicitati opponitur, fœlix verò vocatur, qui ha-

bet quicquid vult & nil mali vult; contrario autem modo miser quis dicitur. Tripliciter demum volumus aliquid. Primo appetitu naturali, & sic omnia volunt esse & vivere. Secundo appetitu electiuo. Tertio volumus aliquid non in se neque apertè, sed in sua causa: sicut manducans nociua, vult infirmari. Motiuum ergo ad misericordiam ex parte eius cuius miseremur, est malum contrarium prædictis bonis. Primo nempe miseremur alicui si ei contingant ea, quæ naturaliter desiderata corrumpunt siue contristant, vt sunt morbus & mors. Secundo amplius miseremur, quando mala sunt contra electionem voluntatis, quorum sæpe (secundum Philosophum) fortuna est causa, vt cum de illo alicui prouenit malum, vnde sperabatur bonum. Tertio sunt maximè miserabilia seu misericordiam prouocantia ea, quæ sunt contra totam hominis voluntatem, vt cum ei eueniunt mala qui semper bona sectatus est, vt pote quæ quis indignè & sine merito patitur.

¶ Denique quanuis culpa in quantum culpa seu voluntaria non habet rationem miserendi, sed puniendi: tamen quia culpa potest etiam esse pœna secundum quod aliquid habet annexum, voluntati peccantis contrarium: ideo habere potest rationem miserabilis, sicque compatimur peccatoribus. Et quoniam misericordia est compassio alienæ miseriæ, ideo propriè non est alicuius ad seipsam nisi secundum similitudinem, in quantum in eodem considerantur partes diuersæ. Vnde in Ecclesiastico dicitur: Misere animæ tuæ placens deo. De proprio autem malo habetur propriè dolor. Sed & de malo coniunctorum magis dolere quàm compati dicimur, propter ampliorem propinquitatem ad nos.

2. ¶ Præterea secundum Damascenum libro secundo, misericordia est species tristitiæ & dolor quidam. Tristitia verò ac dolor concipitur de proprio malo: Ideoque in tantum aliquis de aliena miseria dolet atque compatitur, in quantum reputat illam vt suam. Quod dupliciter accidit. Vno modo ratione vnionis in affectu, quem efficit amor. Vnde sicut amicus reputat amicum tanquam seipsum: ideo de malo eius dolet sicut de proprio. Alio modo secundum vnionem realem, quando videlicet aliorum malum propinquum est, vt ad nos ab eis deueniat. Et ergo secundum Aristotelem secundo Rhetor. homines misereantur sibi coniunctis atque similibus, quia

ex horum passione conspecta, magis putant similia mala sibi accidere posse. Propter quod sapientes & senes sunt magis misericordes, quoniam pensant se posse mala incidere. Et est simile de formidulosis atque debilibus. Econtrario quidam reputant se adeo potentes & prosperos quasi nihil mali eis accidere queat. Et isti non sunt misericordes, & ideo superbi, & qui pauperes spernunt, immisericordes sunt. Illi denique qui sunt in maximis malis, vel omnino perierunt seu nimis formidant, non misereantur, quoniam non timent se maiora mala posse incidere: vel tantum occupantur circa sua pericula, quod de aliena non curant miseria.

¶ Contumeliosus etiam & qui contumeliam passi sunt, non condolent. Nam tales prouocantur ad iram & audaciam, quæ sunt passionibus virilitatis, extollentes animum ad arduum inferentesque homini astimationem, quod non sit amplius talia perpeffurus. Tales ergo hac dispositione durante non misereantur. Propter quod Prouerbiorum 27. dicitur: Ira non habet misericordiam, nec erumpens furor. Et Gregorius ait, quod falsa iustitia, scilicet superbiorum, non habet compassionem, sed indignationem.

3. ¶ Præterea compassionis dolor, quem misericordia importat vno modo nominat motum appetitus sensitiui: & tunc misericordia non est virtus sed passio. Alio modo misericordia nominat motum appetitus intellectiui, quo alicui malum alterius displicet: qui motus ratione regulatur, & secundum eum compassio sensitiui appetitus regulari moderarique potest. Et sic est virtus. Nam ratio virtutis humanæ in eo consistit, vt motus animi ratione regulentur. Est autem misericordia virtus moralis, & reducitur ad medietatem morum, quæ Nemesis dicitur, quæ gaudet de hoc quod aliquis dignè affligitur & tristatur, quando indignis bene accidit. Subiectum autem misericordiæ hoc modo dictæ est voluntas. Et quauis misericordia ex charitate nascatur, sicut gaudium & pax: est tamen potius virtus quàm illa duo, quoniam gaudium & pax nil addunt super rationem boni, quod est charitatis obiectum: & idcirco non requirunt aliam virtutem quàm charitatem. Misericordia autem respicit specialem rationem obiecti, videlicet miseriam eius cui compatitur. Causa quoque miserendi ex parte miserentis est aliquis defectus, secundum quod homo reputat malum alterius tan-



quam suum, vel aduertit in se possibilitatem incidendi similia mala. Porro inquantum misericordia est passio, est impen- ditua consilij, quoniam à iustitia abducit. Vnde Salustius: Omnes homines qui de rebus dubijs considerant, ab ira & misericordia vacuos esse decet. Non enim facile animus verum prouidet, vbi ista affuerint. Quod autem misericordia se- cundo modo sit virtus, hinc constat, quod Tullius, Iulium Cæ- sare[m] laudans, ait: Nulla de virtutibus tuis nec admirabilior est nec gratiosior, quàm misericordia. Et hoc ipsum Augusti- nus 9. de ciuitate dei inducit.

4. ¶ Amplius autem dupliciter dici potest virtus aliqua esse maxima. Primo secundum se & sic misericordia est maxi- ma virtus, quia eius actus dignissimus est, videlicet se alteri effundere: & quod potius est, alterius defectum subleuare, quod est maximè superioris, propter quod miseri ponitur proprium deo, & miserendo omnipotentiam suam maximè ma- nifestare describitur. Secundo virtus dicitur maxima per cõ- parationem ad habentem. Sic verò non est misericordia ma- xima virtus, nisi qui habet eam sit maximus, nullum habens supra se, & omnes sub se. Et quippe qui superiorem habet, ma- ius & melius est superiori cõiungi quàm alterius, scilicet in- ferioris prouidere defectui. Et ergo quo ad hominem, maior virtus est charitas quàm m̃ia. Inter oēs autem virtutes hoīs ad proximum pertinentes, potissima est misericordia: sicut ex di- gnitate sui actus ostenditur. Propter quod sacrificio antefer- tur, misericordiam volui & non sacrificium, Esai. 7.

¶ Cuius uirtutis actus sit beneficentia 2. Qualiter omnibus sit  
benefaciendum 3. Quomodo magis coniunctis potius bene-  
faciendum est 4. Vtrum beneficentia sit uirtus  
specialis. Articulus 72.

**B**eneficentia insuper aliud nihil designat, quàm ali- cui facere bonum. Bonum autem dupliciter conside- ratur. Primo, secundū communē rationē boni. Et hoc ad cōmunē beneficētiā pertinet rationē, sicq; est ami- citiā actus, & per consequēs charitatis: quoniā in actu chari- tatis includitur beneficentia, quā quis vult amico bonum: vo- luntas verò si absit facultas, agit, quod cupit. Secūdo, bonum quod quis alteri facit, accipitur sub speciali ratione boni:

## D. DIONYSII CARTHUSIANI

& tunc beneficentia specialem rationem accipiet, & ad specialé pertinebit virtutem. Nam, verbi gratia, in collatione donorum considerat, contingit exterius datum, & hoc modo ad charitatem pertinet collatio doni. Secundo pensari potest interior passio, quâ quis ad diuitias habet in eisdem oblectatus. Huius verò passionis liberalitas moderatiua est: & sic beneficentia est actus liberalitatis. Potest etiam esse actus iustitiæ, si consideretur in bono ratio debiti, vel misericordiæ si attenditur ratio non debiti. Deniq; 4. cap. de diuinis no. Dionysius ait, quod amor inordinata ad mutuâ habitudinē mouet, inferiora ad superiora conuertens, vt ab eis perficiantur, superiora quoque ad inferiorum prouisionem inducens. Sic autem beneficentia est actus amoris, nec est nostrum deo benefacere sed honorem impendere: eius verò est nobis benefacere ex sua dilectione.

2. ¶ Præterea cum beneficentia sit actus charitatis, sicut charitas se ad oēs extendit: sic omnibus benefaciendū est, quibus homo aliquo modo est maior aut ditior, tamen secundū locū & tempus. Vnde necesse est vt habeat homo animum praparatū ad benefaciendum cunctis & singulis, si tempus aut necessitas exigat. Etiam nihilominus aliud beneficium, scilicet oratio, quod omnibus saltem in communi impendere possumus.

¶ Excommunicatis autem & hostibus reipublicæ sunt beneficia subtrahenda, in quantum per hoc à malo arcentur. Si tamen necessitatis articulus se offerret, succurrendum eis foret, ne siti aut fame aut simili modo deficerent, nisi secundum ordinem iustitiæ paterentur.

3. ¶ Aduertendum demum, quod eo modo quo magis coniuncti amplius sunt diligendi, etiam potius ipsis benefacere conuenit, gratia nanque & virtus ordinem naturæ à diuina sapientia rebus impressum, sequuntur. Est autem naturalis ordo, vt omne agens prius & fortius in sibi propinquiora quàm in alia agat, vt ignis primo sibi magis proxima calefacit, & secundum Dionysium 4. cap. Hierach. cœlest. Deus in substantias sibi viciniore prius atque exuberantius bonitatis suæ dona diffundit. Cum ergo exhibitio beneficiorum sit actio charitatis, aliquibus debemus esse magis benefici. Propinquitas verò vnius ad alium varia esse potest, secundum quod diuersi in diuersis magis vel minus communicant. Consanguinei

namque communicat cōmunionē naturali, conciuēs cōmunionē ciuili, fideles spiritali, commilitonēs cōmunione rei bellicæ. Vnicuique itaque magis subueniendū beneficiendūq; est in his bonis, quæ ad cōmunicationem pertinent, in qua talis aut talis propinquitās fundatur, propter quā nobis suo modo cōiunctiores existunt & hoc simpliciter loquendo ita est. Potest tamē in speciali casu oppositū accidere: vt magis videlicet sit beneficiendū extraneo quā propinquo, si scilicet sit in necessitatē arti. imo quā patri, non tantā necessitatē habenti. Vnde quod in euāg. Christus dicit, Cum facis prandiū, noli vocare amicos & cognatos, non prohibet penitus inuitare huiusmodi, sed vult vt non inuitentur propter reinuitationem. Ex his patet quod in bellicis rebus miles magis debeat adiuuare commilitonem extraneum, quā cognatum hostem. At verò in his atq; similibus dari non potest vniuersalis regula propter diuersā varietatē singularium casuum, vt 9. Ethico. Aristo. asserit, imo prudentis iudicio speciales casus relinquuntur determinandi.

4. ¶ Præterea cū virtutes distinctionem suscipiant à formali diuersitate obiecti. Eadem verò est ratio obiecti charitatis & beneficentiæ, quoniam vtrūque respicit communem rationem boni: ideo beneficentia non est alia virtus à charitate, sed est actus ipsius.

¶ Rursus, beniuolentia & beneficentia nō differunt, nisi sicut actus interior atq; exterior, cū beneficentia sit beniuolentiæ executio. Sicut ergo beniuolentia nō est alia virtus à charitate, ita nec beneficentia. Sciendū quoq; quod præcepta non dantur de habitibus virtutū, sed actibus. Ideoq; præceptorū diuersitas non designat diuersitatem virtutum, sed actuum.

¶ Quod eleemosynarum largitio sit actus charitatis 2. De distinctione eleemosynarum 3. Quæ sint digniores. Artic. 73.

**A**ctus proinde exterior ad illam virtutem refertur, ad quā pertinet motiuū talis actus, motiuū verò ad eleemosynā dādā est subuenire egēti: hoc aut ad misericordiā pertinet. Cū igitur (secūdū ostēsa) mīa sit actus charitatis, cōstat qd etiā eleemosyna charitatis actus existat, misericordia mediante. Eleemosyna enim diffinitur, quod sit opus quo datur aliquid indigenti ex compassione propter

Deum. Aduertendum autem, quod aliquid dicitur actus virtutis dupliciter. Primo materialiter quemadmodum facere iusta est actus iustitiæ. Et talis actus virtutis sine virtute esse valet, nam multi iniusti faciunt aliqua iusta ex naturali ratione, vel timore, seu spe aliquid acquirendi. Secundo dicitur actus virtutis formaliter, vtpote actio iusta eo modo quo iustus agit, videlicet promptè, dilectabiliter, & ob talem finem. Sic autem actus virtutis sine virtute non est, sic itaque dare eleemosynam materialiter sine virtute esse potest: dare autem eas formaliter, scilicet ob debitum finem & vt circumstantiæ exigunt, non est absque virtute.

¶ Potest quoque eleemosyna ad iustitiam pertinere, inquantum est opus satisfactorium. Nam idem actus virtutis qui est propriè vnus virtutis, elicitiuè potest attribui alteri virtuti vt imperanti. Habet etiam eleemosyna rationem hostiæ, secundum quod offertur ad placandum Deum & tunc imperatur à latría. Item ad liberalitatem pertinet, inquantum liberalitas remouet passionem cupiditatis eleemosynam impediens.

2. ¶ Præterea, eleemosyna duplex est, scilicet corporalis & spiritualis, & vtraque diuiditur in septem species, vnde species eleemosynæ corporalis hoc versu continentur: Visito, cibo, poto, redimo, tego, colligo, condo. Eleemosynæ quoque spirituales in isto: Consule, castiga, solare, remitte, sere, ora. Sic tamen vt sub consilio intelligatur doctrina.

3. ¶ Distinctio enim eleemosynarum accipitur secundum diuersos defectus proximorum, quorum quidam sunt corporales, alij spirituales. Defectus autem corporalis est vel in vita vel post vitam: si in vita, aut est omnibus communis, aut alicui specialis: si est communis, vel est interior, vel exterior. Interior duplex est: vnus cui subuenitur per alimentum siccum, & sic ponitur pascere esurientem: alter est cui succurritur per alimentum humidum, & sic potare sitiētem est opus misericordiæ aliud. Defectus verò communis respectu exterioris auxilij, duplex est. Vnus respectu tegumenti: & sic ponitur vestire nudum. Alius respectu habitaculi, & tunc ponitur suscipere seu colligere hospitem. Similiter si est defectus specialis, vel est ex causa intrinseca, sicut infirmitas: & sic ponitur visitare infirmum. Vel ex causa extrinseca: & tunc ponitur redemptio captiuorum. Cōformiter spiritualibus defectibus subuenitur dupli-

citer, Vno modo poscendo à deo auxilium: & sic ponitur oratio qua pro aliis aliquis orat. alio modo, impendendo humanum auxilium, & hoc tripliciter. Primo contra defectum intellectus, & si est defectus intellectus speculatiui, adhibetur remedium per doctrinam: si practici, datur remedium per consilium. alio modo est defectus ex parte passionum partis appetitiuæ, inter quas tristitia maxima est, cui subuenitur per consolationem. Tertio modo ex parte actus inordinati, qui tripliciter consideratur. Primo ex parte peccantis, ex cuius voluntate procedit, & sic impenditur remedium per correptionem. Secundo ex parte eius in quem peccatur, & si peccatur contra nos damus remedium ignoscendo, si verò contra deum vel proximū peccatur, nō est nostri arbitrij illud dimittere secundum Hieronymum. Tertio consideratur actus inordinatus quo ad sequelam ipsius, ex qua molestantur cōuiuentes, etiam præter intensionem peccantis: & tunc exhibetur remedium supportādo onera aliorum, maximè eorum qui ex infirmitate peccant, iuxta illud apostoli ad romanos: Debemus autem nos firmiores imbecillitates aliorum portare. Nec solum onera infirmorum, sed & grauiora onera sunt portanda, secundum illud: alter alterius onera portate. Sciendum autem, quod dominus sepulturam mortuorum non connumerat operibus misericordiæ, quia non confert homini quo ad vitam præsentem. Ad prædictas denique necessitates aliæ omnes reducuntur. Vnde dirigere cæcum, sustentare claudum reducitur ad visitationem ægrorum.

¶ Porro eleemosynæ spirituales simpliciter loquendo, sunt corporalibus meliores, ob triplicem causam. Primo ratione doni quod impenditur, quod quia spirituale est, corporalibus beneficiis præminet. Secundo ratione eius cui succurritur, scilicet spiritus, qui corpore existit nobilior. Nam sicut homo sibi ipsi magis prouidere debet in anima quàm circa corpus: ita & proximo. Tertio ratione actus. Nam actus spiritaliū eleemosynarū sunt spirituales, ideoque præstantiores censentur. Possunt tamen istæ eleemosynæ comparari secundum aliquam specialem euentem vel casum & sic quandoque corporalis eleemosyna esset spirituali præferenda: quemadmodum fame deficienti magis impendenda esset esca, quàm doctrina: sicut secundum philosophum, indigenti melius est dari, quàm philosophari.

¶ An eleemosyna corporalis habeat spirituale effectum.

2. Vtrum dare eleemosynam sit in præcepto. 3. An de necessario sit eleemosyna impendenda.

Articulus.

84.

**T**Ripliciter autem de ipsa eleemosyna corporali loqui possumus. Primo secundum substantiam suam. Et sic habet tantum corporalem effectum, supplendo videlicet necessitatem alterius. Secundo ex parte cause eius, prout scilicet ex dilectione dei & proximi prodit: & sic habet spirituale fructum & meritum. Tertio ex parte effectus: & tunc in tantum spirituale fructum sortitur, in quantum eleemosynam sumens orat pro eleemosynam dante: quemadmodum scriptum est: Absconde eleemosynam in sinu pauperis, & ipsa orabit pro te. Itaque quoniam in eleemosyna dependet potissimum fructus spiritualis ex parte interioris affectus: ideo vidua illa dās duo minuta, plus omnibus dedit, maxime secundum suam proportionem.

2. ¶ Præterea, quia dilectio proximi in præcepto est, ea quoque necesse est sub præcepto cadere, siue quibus dilectio impleri non valet. Ad dilectionem autem pertinet proximo nolum bonum velle, sed etiam facere, secundum illud Iohannis: Non diligamus verbo neque lingua, sed opere & veritate. Quod implere non possumus, nisi indigentia proximi succurramus: quod utique per eleemosynæ largitionem fieri habet. Propterea largitio eleemosynæ cadit sub præcepto. Præcepta verò sunt de actibus virtutum. Eo igitur modo eleemosynæ exhibitio in præcepto est, quo actus est necessitate virtutis, utpote secundum quod recta ratio dicat & exigit, in qua est aliud considerandum ex parte eleemosynam dantis, & aliud ex parte recipientis. Ex parte dantis considerandum quod illud quod eleemosynam erogandum est, sit ei superfluum non solum quo ad seipsum in ordine ad deum, sed etiam ad sibi commissos. Vnde saluator: Quod superest, inquit, date eleemosynam. Ex parte autem recipientis requiritur, quod necessitatem habeat, aliàs non esset ratio cur eleemosynam reciperet. Quia tamen unus subvenire nequit omnibus necessitatem habentibus, non omnis necessitas obligat. Sed illa sola, sine qua aliquis sustentari non potest. Nam in illo locum habet verbum Ambrosij: Si non pueris fame morientem, oc

cidisti. Sic itaq, dare, eleemosynā de superfluo est sub præcepto, & dare eleemosynam ei qui est in extrema necessitate. Aliās autem est solū in consilio, sicut de quolibet meliori datur consilium.

2. ¶ Porro temporalia bona quanuis sint possidentis quantum ad proprietatem, tamen quo ad vsum debent esse illorū, qui de eorum superfluo sustentari possunt. Vnde Basilius ait, Si fateris ea tibi diuinitus prouenisse, an iniustus est deus, inē qualiter res nobis distribuens? Cur tu abundas & ille mendicat: nisi vt tu bonæ compensationis merita consequaris, ille verò patientiæ brauiis decoretur? Etiam famelici panis quem tu tenes, nudj tunica quam in conclauī conseruas, discalcia- ti calcius qui penes te marcescit, indigentis argentum quod possides inhumatum: tot iniuriaris, quot dare valeres. Idem quoque ait Ambrosius in decretis. oct. 57. At verò omnis subuentio proximi, ad præceptum de honoratione parentum reducitur. Præterea, necessarium dupliciter dicitur. Primo illud, sine quo aliquid esse non potest. Et de tali non est eleemosyna facienda, etiam in extrema necessitate: hoc enim esset sibi & pertinentibus ad se vitam subtrahere: tamen magnę personæ subueniendo, ex cuius conseruatione respublica dependeret etiam in isto casu laudabiliter aliquis sibi necessaria abstraheret, quanuis ex hoc mortem incurreret. Nam bonum commune præferendum est bono priuato. Secundo necessarium dicitur, sine quo vita transigi non valet conuenienter. Istud autem necessarium non consistit in indiuisibili, quia si aliquid addatur vel diminuatur, non potest vltiā iudicari necessarium: & de isto necessario eleemosynā dare bonum est, caditq, sub consilio, non autem præcepto. ¶ Inordinatum verò esset: si quis sibi de necessarijs tantum subtraheret alijs dando, quod de residuo secundum sui status decentiam viuere conuenienter non posset, quia nemo inconuenienter viuere debet. Sed inde tria excepta sunt. Primo cum aliquis statum mutat, religionem intrando. Secundo quando ista subtrahēta faciliter resarciri possint. Tertio in necessitate extrema proximi.

¶ An de illicitē acquisitis eleemosyna fieri possit. 2. Quorum sit dare eleemosynam. 3. Quibus etiam dari la. 4. Quomodo impendenda est. Articulus 5. 75.



## D. DIONYSII CARTHUSIANI

**Q**uædam proinde illicitè acquisita, licitè seruari nō possunt, sed ei reddenda sunt à quo ablata sunt & de his fieri non debet eleemosyna: vt sunt per furtum & rapinam adepta. Aliud est iniuste acquisitum, quod nec retineri potest à possidente, nec restitui debet, quia vnus contra iustitiam acquisiuit, & alius iniuste dedit, quemadmodum in symonia: & tale bonum in eleemosynam erogandum est.

¶ Tertio est aliquid illicitum non quod acquisitio sit illicita sed quoniam illud ex quo acquiritur, est illicitum, vt est merces meretricis, quæ vocatur turpelucrum, & tale acquisitum potest seruari & in eleemosynas dari, non tamen in templo vel altari offerri, propter sacrorum honorem.

¶ De acquisitis quoque per aleas aduertendum, quod si à furioso vel minore aliquid lucretur, vel etiam aliquis alium ad ludum trahat cupiditate lucrandi, aut fraudulenter lucretur, semper ad restitutionē tenetur, quia contra ius diuinum agit in casibus istis. Si autem per ius positium ludus alearum prohibitus est, tenetur lucrator restituere, nisi forte inductus sit à perdente: tunc enim non tenetur reddere ei, quoniam aliter est indignus recipere: nec tamen potest licitè reseruare tali iure durante. Ideoque debet de hoc eleemosynā facere.

2. ¶ Præterea, qui in alterius potestate constitutus est, secundum superioris sui dispositionem regulari debet. Vnde ea in quibus superiori subiicitur, dispensare non potest, nisi iuxta superioris commissionem: & ergo nec eleemosynam facere potest, nisi illo sciente & permittente. Si autem aliquid habet in quo nō subditur alteri, quo ad hoc proprii iuris est, & eleemosinam facere licet.

¶ Itaque monachus cui dispensatio à superiori commissa est, eleemosynam agere non debet nisi secundum illius commissionem. Quod si dispensationem non habet, eleemosynā facere non debet: quia nihil proprium habet nisi de licentia, vel expressè concessa aut certe probabiliter præsumpta: nisi in necessitatis articulo, in quo cuncta communia sunt. Cōformiter si vxor habeat aliqua præter dotem, quæ ad onera matrimonij sustentanda ordinantur, videlicet ex proprio lucro aut alias acquisita, de hoc sine viri consensu eleemosynā facere potest: moderatè tamen, ne vir depauperetur. De aliis bonis agere debet sicut de monacho dictum est.

¶ Vir quoque cum sit caput mulieris, etiam principalis est in dispensatione domestica rei. Si autem mulier est solum sponsa & nondum vxor, eleemosynam facere potest. Pariformiter filius non debet eleemosynam facere sine patris consensu, saltem probabiliter praesumpto, nisi forte modicam: & multo minus seruus.

3 ¶ Denique secundum Augustinum, primo de doctrina Christiana. Qui sunt nobis magis coniuncti, quasi sorte quadam obueniunt nobis, ut eis potius benefacere ac providere debeamus. Ideoque ceteris paribus, magis coniunctis atque propinquis eleemosynae potius dandae sunt. Veruntamen in hoc discretionis moderamen seruandum est. Nam multum sanctiori magisque indigenti & ad rei publicae commodum magis utili, est eleemosyna amplius danda, quam personae propinquiori, praesertim non multum coniunctae. Eleemosyna quippe data personae extraneae, sed sanctae, magis meritoria esse potest ex parte recipientis, videlicet quia ille efficacius & fructuosius orat pro benefactore quam propinquus. Sed attendendo eleemosynae meritum ex parte radicis unde nascitur, ut pote charitatis donantis, sic eleemosyna propinquieribus data efficacior existit, quoniam ordo charitatis, per quem coniunctis primo benefacere decet, in ea magis seruatur. Propter quod ait Apostolus: Si quis suorum, & maxime domesticorum, curam non habet, fidem non habet, & est infideli deterior.

4 ¶ Insuper aduertendum, quando & quomodo eleemosyna abundanter impartienda existat. Abundantia quippe eleemosynae considerari potest, primo ex parte dantis, ut scilicet secundum proportionem facultatum suarum distribuatur homini. Iuxta illud Tobiae 4. Simul tibi fuerit, abundanter tribue. Et ista abundantia bona est. Secundo ex parte recipientis. Et hoc dupliciter. Primo, ut indigentiae eius sufficienter succurratur: & istud laudabile est. Alio modo, usque ut superfluitatem ei impendatur, & hoc malum foret. Nam secundum Ambrosium primo de officiis, non debent simul effundi opes, sed dispensari: nisi in mutatione status, sicut Heliseus boues suos occidit, & pauperibus dedit. At verò eis qui delicatius nutriti sunt, vel magis ingenui sunt, aut sine suo vitio in paupertatem ceciderunt, aut aetatis prouectioris annos fortiti sunt, copiosior eleemosyna danda est, secundum prudentum discretionem.

¶ Virū fraterna correptio fit actus charitatis. 2. An  
fit in præcepto 3. Virum ad omnes se exten-  
dat, & non tantum ad prælatos.

Articulus 76.

**P**Ræterea peccatum dupliciter consideratur. Primo in quantum est nocium peccati. Secundo, prout est læsivum vel scandalizantium aliorum, aut contra boni communis iustitiam. Cū ergo delinquentis correctio sit quoddam remedium contra peccatum: ideo ista correctio in quantum adhibetur peccato hominis, prout peccatum est peccanti nocium, est actus charitatis. Nam eiusdem virtutis rationisq̃ue est alicuius malum removere, & bonū eius procurare. Peccatū autem est malum animæ, & ergo fraterna correctio est multo amplius actus charitatis, quā infirmitatis curatio, aut paupertatis releuatio. Correctio autem in quantum ordinatur contra peccatum, prout est aliis & bono nocivū, est propriè actus iustitiæ. Prima verò correctio propriè appellatur fraterna correctio, nec ei opponitur fraterna supportatio. Nam supportamus fratris defectum, dum contra eū non turbamur, & hinc sequitur pia atque fraterna correctio.

2. ¶ Denique præcepta negatiua obligant semper & ad semper, quia prohibent actus peccatorum, actus autem peccatorum nunquam fieri debent. Præcepta autem affirmatiua non obligant ad semper, quia præcipiunt actus virtutum: actus verò virtutum non semper, sed cum debitis circumstantiis, debent fieri, videlicet vbi, quando, quomodo, & quare. In his quoque circumstantiis maximè attenditur, quare aliquid fiat, scilicet ratio finis, qui est bonum virtutis. Quod si aliqua circumstantia omittatur, quæ non penitus corrumpit actum virtutis, non est contra præceptum. Fraterna autem correctio ordinatur ad emendationem fratris. Ideoque eo modo cadit sub præcepto quo ad hunc finem necessaria est. Non autem pro quolibet loco, tempore, vel vt delinquens semper & vbiq̃ue corripiatur, sed secundum circumstantias debitas. Et quæ ad hoc, ait Augustinus libro de verbis domini: Si neglexeris corrigere, peior factus es eo qui peccauit. Qui etiam in libro de correctione dicit: Nescientes quis pertineat ad numerum prædestinatorum, & quis non: sic affici debemus charitatis affectu, vt omnes velimus saluos fieri: & ideo omnibus debemus

fraternæ correctionis affectum impendere, sub spe diuini auxilij. Et præceptum istud ad honorationem parentum reduci-  
tur: sicut & quodlibet beneficium proximo impartendum.

¶ Porro fraterna correctio tripliciter committitur. Primo meritoriè ex charitate, quando oportunius tempus expectatur, vel timetur ne delinquens deterior fiat. Secundo omittitur cum mortali peccato, videlicet ex timore pœnæ corporalis, vel cupiditate aut simili causa: quæ non sunt fraternæ charitati præferenda. Tertiò cum peccato veniali, quando videlicet prædictæ causæ hominem ad corripiendum tardiores efficiunt, non tamen omnino auertunt. Agnoscendum insuper, quod illi qui nobis commissi sunt, non sunt expectandi, sed requirendi vt corripiantur. Alij verò requirendi nō sunt, sed pro loco, tempore, & causa corripiendi existunt. Præterea fraterna correctio, in quantum est actus charitatis, ad omnes charitatem habentes pertinet. Sed prout est actus iustitiæ est prælatorum, quibus incumbit non iam duntaxat admonere, sed etiam punire. Et quauis non quilibet sit alio superior, tamen omnis delinquens, in quantum delinquens, inferior est corripiente, qui quo ad hoc sanum iudicium habet: & ita alteri, quauis simpliciter superiori, hanc spirituales elemosynas impendere valet.

¶ An subditi teneantur prælatos corrigere 2. Vtrum peccatores possint corrigere 3. An etiam à correctione cessandum sit, ne correctus deterior fiat. Artic. 77.

**N**unc dictum est, quemadmodum fraterna correctio vno modo sit actus charitatis. Alio modo est actus iustitiæ. Primo igitur modo debent subditi prælatum corripere. Quia tamen actus virtuosus sunt debitis circumstantiis adornandi, correctio ista fieri nō debet proteruè aut durè, sed reuerenter & cum mansuetudine, sicut Apostolus docet: Seniore[m] ne increpaueris, sed obsecra vt patrem. Qui etiam Colossensibus scribit, vt prælatum suum admoneant, dū ait: Dicite Archippo, ministerium tuum imple. Vnde Augustinus in regula sua dicit: Et prælati vestri misereamini, qui quo inter vos in loco superiori, tanto in periculo maiori versatur. Si autem fidei aut reipublicæ immineret periculum, tunc præ-

latus esset manifestè redarguendus: quemadmodum Paulus ait de Petro: In faciem restitui ei, scilicet Petro, quia in defensione fidei & boni communis ei par extitit. Et in eo (secundū Augustinum) Petrus posteris exemplum reliquit, ne ipsi à subditis corripì spernant.

2 ¶ Præterea cum delinquentem corripere sit eius qui habet sanum iudicium: ideo peccator per peccatum sibi defectum ingerit, ut minus idoneus sit ad corripiendum: quia tamen peccatum non penitus aufert bonum naturæ: ideo peccator si cum humilitate corripiat, non peccat quauis se per hoc condemnabilem esse ostendat. Est autem eius correctio minus idonea propter tria. Primo propter peccatum præcedens, ad corripiendum indignus efficitur, maxime si sit in maiori peccato quàm alter vel in mortali secundum Hieronymum. Secundo propter scandalum. Videtur enim, quod peccator corripiat non ex charitate, sed ostentatione, secundum Chrysostomum, quia videtur per suam doctrinam proprium peccatum velle celare. Tertio propter eius superbiam: nam corripiendo alium, videtur se illi præferre.

3 ¶ Amplius autè correctio, quæ est actus iustitiæ & ad prælatos pertinet, non est propter turbationem seu peiorationem peccatis deferenda. Illa enim habet vim coactiuâ, & ergo per eam compellendus est delinquens per poenâs ut à peccato desistat, si propria sponte cessare contemnit. Secundo, quia licet peccans incorrigibilis sit tamen ex eius correctione bono communi vtilitas prouenit, dum seruetur ordo iustitiæ, & eius exemplo cæteri deterrentur.

¶ Porro correctio fraterna, quæ est actus charitatis, cuius finis est fratris emendatio, non habens vel fraternam coactionem, citationem, sed simplicem admonitionem, deferenda est quando verisimiliter æstimatur quod delinquens ex correctione durior fieret. Quod autem primo modo nō sit correctio deferenda, hinc patet, quod iudex non omittit damnationis ferre sententiâ in peccantem, propter eius aut amicorū ipsius turbationem. Sed secundo modo correctio omittitur, non timore illo, ne correctus contumelias reddat, sed ne tractus ad odium peior fiat. Ex his insuper constat, quod Dionysius Demophilum monachum iuste redarguit, quia Demophilus su perio rem, videlicet sacerdotem, irreuerenter correxit, eumque de ecclesia expulit.

¶ Quomodo secreta correctio denunciationem publicam  
 præcedere debet 2. Qualiter etiam testium indu-  
 ctio præcedere habet.

Articulus 78.

**P**eccata quædam sunt publica, & in talibus non solum emendationi peccatis, sed aliis quoque providendum est, ne scandalizentur. Ideoque hæc statim publicè arguenda sunt quemadmodum ad Timotheum ait Apostolus: Peccantem coram omnibus argue, ut cæteri timorem habeant, quod secundum Augustinum de publicis peccatis est dictum. Alia autem peccata sunt occulta, & hæc duplicia sunt, nam quædam sunt in nocumentum aliorum corporale vel spirituale: ut si quis occultè tractet quomodo civitatem comburatur, aut fideles à fide auertat. Et in his statim ad denunciandum proceditur, nisi quis probabiliter putaret, quod talem peccantem per occultam correctionem à malo auertere posset. Alia verò peccata occulta sunt solum in malum peccantis, & eius in quem peccatur, quia peccante læditur saltem ex ipsa notitia. Nam si peccans te offendat coram aliis, non tantum peccat in te, sed & in alios quos conturbat. Itaque in peccatis hoc ultimo modo occultis, locum habet quod ait dominus: Si peccauerit in te frater tuus, &c. unde tunc solum ad hoc conandum est, ut peccanti succurratur, quantum ad conscientiam, sic tamen, ut fama eius conseruetur, quæ ad multa est utilis, quoniam propter timorem diffamæ, multi retrahuntur à malo: & rursus, quia vno diffamato, alij in famam tur. Sed ex quo conscientia præferenda est famæ, voluit Christus, ut conscientia fratris à peccato liberetur cum dispendio famæ, quando simpliciter corrigi renuit. Unde de necessitate præcepti par est, ut secreta admonitio publicam denunciationem præcedat.

¶ Denique his non obuiat quod in capitulis religiosorum proclamationes fiunt sine præuia admonitione, quia proclamationes huiusmodi sunt solum de leuibus culpis, quæ famæ non derogant, & ergo sunt potius commemorationes obliorum culparum, quam accusationes vel denuntiationes. Si autem frater diffamaretur ex aliquibus grauibz sibi obiectis, contra præceptum Christi ageret talis proclamator. Porro si prælatus præcipiat subditis, ut referant ei si quid corrigendum

agnouerint, intelligendum est talè præceptum, saluo ordine correctionis fraternæ, scilicet antea admonendo peccantem aloquin magis obediendum est deo quàm prælato. Si verò aliter prælato obediatur, tam ipse quàm præceptor peccat.

2 ¶ Præterea ab vno extremo in aliud conuenienter transi-  
tur per medium. Sicut ergo Christus voluit in correctione  
fraterna principium esse occultum, videlicet admonitionem  
secretam, finem autem manifestum scilicet denuntiationem,  
sic inter duo hæc voluit esse testium inductionem quasi me-  
dium, quatenus peccatū primò paucis indicetur, qui possint  
prodesse, & non obesse, vt saltem sine communi diffamia fia-  
ter emendetur. Et illud intelligendum est, non solum quando  
peccans secretam admonitionem recipit, vt aliqui asserunt.  
Nam Augustinus ait in regula. quod peccatum non debet oc-  
cultari ne in corde putrefcat. Et ergo si quis post secretam ad-  
monitionem semel vel pluries factam non se emendat, ad  
testium inductionem procedendum est, quantumcūque pec-  
catum occultum sit.

¶ At verò ista inducō testium tripliciter potest intelligi,  
Primo, vt per eos ostendatur id esse peccatum, de quo frater  
corripitur. Secundo, ad conuincendum fratrem de actu, si a-  
ctus reiteretur. Tertio, ad ostendendum quod corripiciens fe-  
cit quod in se fuit. Amplius autem (quod Augustinus ait in re-  
gula) primo peccatum esse reuelandum prælato quàm testes  
inducendos, accipiendum est de prælato, vt est quædam sin-  
gularis persona, non autem secundum quod est loco iudicis  
atque ecclesiæ.

¶ Quod odium dei est maximum omnium peccatorum

2. Quomodo Deus possit odiri 3. Qualiter etiam  
odium proximi sit peccatum.

Articulus 78.

Oidium denique est motus appetitiuæ potentiæ, cuius  
operatio semper ex aliqua apprehensione procedit  
Deus verò dupliciter agnoscitur. Vno modo secun-  
dum seipsum, quando videlicet eius essentia videtur  
Et ita videtur in patria. Cū ergo deus sit ipsa bonitatis es-  
sentia, odio haberi non potest ab his qui eum hoc modo co-  
gnoscunt, quoniam de ratione boni est vt ametur.



¶ Secundo modo apprehenditur deus per suos effectus. Diuinorum autem effectuum aliqui nullo modo possunt esse contrarij voluntati, sicut esse viuere, & intelligere. Ideoque quando apprehenditur. Deus vt author horum effectuum, odiri non valet. Alij autem effectus dei sunt contrarij voluntati peruersæ: quemadmodum inflictio pœnæ, prohibitio culpæ. Propterea secundum quod deus apprehenditur vt mali punitor itemque culpæ prohibitor, odio haberi potest.

2 ¶ Præterea secundum Philosophum octauo Ethicorum: Optimum opponitur pessimo. Sicut ergo charitas dei est maxima virtus: sic odium dei est summum peccatum. Rursus peccatum formaliter in auersione à deo consistit. Hæc autem auersio primo modo atque per se designatur in odio dei, in alijs verò peccatis est quasi participatiue. Illud verò quod est per se est maius & potius ceteris. Vnde odium dei est maxime peccatum in spiritum sanctum: non tamen numeratur inter species peccati in spiritum sanctum, quoniam reperitur communiter in omnibus illis.

3 ¶ Insuper cum odium contrarietur amori, tantum habet odium de ratione mali, quantum amor de ratione boni. Proximus autem amandus est secundum illud quod à deo habet, videlicet secundum naturam & gratiam: non autem secundum illud quod habet à seipso & dæmone, scilicet peccatum, iustitiæque defectum. Itaque licet proximum odio haberi secundum culpam & defectum, non autem secundum naturam & gratiam. Sed hoc modo proximum odio habere, est eum verè diligere, nam eiusdem rationis est vt velimus alicuius bonum & odiamus eius malum. Ideo odium proximorum si simpliciter accipiatur, semper est peccatum.

¶ Vtrum odium sit grauius homicidio 2. An sit uitium capitale 3. Ex quo uitio capitali procedat.

Articulus 79.

**A**duertendum præterea, quod peccatum in proximum commissum, ex duobus rationem mali sortitur. Primo ex inordinata voluntate peccantis. Secundo ex nocumento alicui illato. Odium itaque omnium peccatorum, quæ in proximum fiunt est maximum. Primo modo, quia per ipsum deordinatur voluntas hominis, quæ est po-

tissimum in homine: cuius inordinatio est radix peccati. Nam quicquid culpæ inest actui exteriori, ab interiori inordinatione dependet. Imo hominis occisio non est peccatum, nisi originaliter propter inordinatum occidentis affectum, ut si ignoranter, vel zelo iustitiæ homo interficiatur. Sed attendendo gravitatem peccati ex parte nocimenti, quod alicui infertur: sic homicidium & aliqua exteriora mala, odio grauiora existunt.

2 ¶ Præterea vitium capitale vocatur, ex quo frequentius alia oriuntur. Vitium verò est, cōtra naturam hominis prout est rationalis naturæ, bonum autem naturæ non subito, sed paulatim per peccatum corrumpitur. Primo equidem receditur ab eo quod est minus secundū naturā. Quod etiā minus innaturale est: sed vltimo ab eo quod est maximè secundū naturam. Quod enim est primū in constructione, est vltimum in destructione seu resolutione. Quemadmodū igitur bonū diligere, præsertim diuinum, & secundario proximū, est maximè secundū naturā odire id ipse est maximè contra naturā. Vnde sicut boni huius dilectio est prima virtutum: sic odiū eius est quasi vltimum vitiorū, ideoque odium non est vitiū capitale.

3 ¶ Denique cum odium sit vltimum in progressu quo naturaliter diligitur proximus, iō ex inuidia formaliter & propriè nascitur, quanuis nascatur ex ira dispositiue. Quod enim quis ab eo quod est naturale recedit, hinc contingit q̃ aliquid innaturale vitare intēdit. Omne autem animal sicut naturaliter diligit delectationem, sic naturaliter fugit tristitiam secundum Philosophum 1. Ethicorum. Ideoque sicut ex delectatione nascitur amor, sic ex tristitia oritur odium. Eos nempe qui nos contristant, incitamus odire, inquantū sub ratione mali apprehenduntur. Cūque inuidia sit de bono alterius quædam tristitia, constat q̃ odium ex inuidia directè secundum rationem sui obiecti nascatur. At verò secundum Philosophum secundo Rhetor. non inuidemus his qui multum distant à nobis, sed qui nobis propinqui sunt. Propterea odium dei non potest esse inter prima peccata, sed odium proximi seipsum præcedit. Vnde odium dei oritur ex inuidia mediante odio proximi.

¶ Quod accidia est peccatum 2. An sit peccatum speciale 3. An mortale 4. An capitale. Artic. 80.

**A**Cedia autem gaudio charitatis opponitur. Est enim secundum Damascenum tristitia animum aggrauās, sic vt nil boni agere libeat, quia est quoddam tædiū animi & torpor mentis, bona inchoare negligentis.

Talis autem tristitia semper est mala, quandoque quidem secundum se, interdum verò secundum effectum. Tristitia nāq; de apparenti malo & verè bono, secundum se, mala est: sicut e contrario delectatio mala est, quæ de apparenti bono & verè malo concipitur. Spirituale autem bonum, est verè bonum. Ideoque de eo tristitia per se mala est. Insuper tristitia, quæ est de verè malo, videlicet defectu vel peccato, secundum effectum est mala, si hominem sic grauet, vt à bono impediatur. Accedia ergo, vt nunc sumitur, videlicet pro vitio non pro passione, est dupliciter mala, videlicet in se & in suo effectu. Et ergo peccatum est. Causatur autem ista tristitia seu acedia quandoque ex quodam contemptu, quando homo bona sibi diuinitus data paruipendit & spernit, & aliorum bona immoderatè tollit, ac per hoc acediam incidit, qua bona agere tædet. Vnde debet homo sic aliorum dona & gratias magnipendere, vt bona sibi à deo prouisa nequaquam contemnat. Porro secundum Cassianum acedia non declinando, sed resistendo superanda est. Nam omnia vitia tunc fugiendo melius superantur, quando cogitatio eò amplius præbet incentiuum peccati, quò magis continuatur, quemadmodum in gula atque luxuria. Resistendo autem peccata vincenda sunt, quando cogitationis perseuerantia tollit incentiuum peccati: & sic de acedia est. Nam quanto de spiritualibus bonis diutius cogitamus, tantò placentiora redduntur, ex quo cessat acedia.

¶ Denique cum acedia gaudio opponatur, sicut gaudium est delectatio consequens actum charitatis de bono diuino: sic accedia est tristitia quædam de bono spirituali secundum quod est diuinum: & inde habet rationem vitij specialis, quia respicit bonum spirituale, non absolutè, sed in quantum diuinum. Omnia namque spiritualia bona in primum diuinumque bonum ordinantur: & ergo de eis habetur speciale peccatum si fastidiantur, quod vocatur acedia secundum comparisonem ad diuinum bonum.

3 ¶ Insuper acediam constat ex suo genere esse mortale peccatum quia charitati directè opponitur. Est enim tedium

## D. DIONYSII CARTHUSIANI

operandi in spiritualibus rebus. Sed sicut in aliis peccatis ex genere suo mortalibus primi motus, qui scilicet in sensualitate sistunt, nec plenum rationis consensum accipiunt, nō sunt mortales, sed veniales: sic etiam si propter rebellionem carnis contra spiritum oriatur in sensualitate acediae motus, est veniale peccatum, donec consenserit ratio. Nam ratio est principium virtutis & culpae humanae. Si verò consenserit ratio in horrorem & fugam ac detestationem spiritualis boni, mox peccatum erit mortale, & contrariatur acedia praecepto de sanctificatione sabbati, in quo prout est praeceptum morale, praecipitur quies mentis in deo, cui acedia opponitur, cum sit tristitia animi de bono diuino.

4. ¶ Amplius autem cum vitium capitale dicatur ex quo frequenter alia oriuntur secundum rationem causae finalis: elucescit acediam esse vitium capitale. Nam sicut propter delectationem homo multa agit, vel ut eam consequatur, aut ex impetu delectationis in actum profiliens: sic propter tristitiam multa efficit homo, vel ut eam vitet, vel ex pondere atque grauamine eius ad illicita agenda prorumpens. Habet autem acedia sex filias, secundum Gregorium, quae sunt pusillanimitas, desperatio, torpor, rancor, euagatio mentis, & malitia. Exsumitur torpor, quando homo circa praecepta pigrescit. Pusillanimitas verò, cum quis ad consilia perfectionis tædiosus efficitur. Rancor quoque hic capitur pro indignatione contra eos, qui hominem ad spiritualia bona inducere volunt. Malitia pro impugnatione spiritualis boni. Quia enim secundum Philosophum octauo Physicorum: Nullus diu sine delectatione manere potest. Ideo acediosus, quia in spiritualibus non delectatur, ad alia se conuertit, & ad corporalem delectationem, secundum Philosophum octauo Ethicorum. Et sic ex acediae vitio multa pessima germina pullulant, quae fortiter resistendo, & ad spiritualia se aptando superare oportet. Porro secundum Isidorum de acedia oriuntur septem filiae, quae sunt otiositas, somnolentia, importunitas mentis, inquietudo corporis, instabilitas, verbositas, curiositas.

¶ De inuidia quid sit 2. An sit peccatum mortale 3.

An capitale 4. De filiabus inuidiae.

Articulus 81.

**D**Amascenus autem libro secundo ponit inuidiam tristitiæ speciem. Obiectum autem tristitiæ est proprium malum. Malum verò alterius apprehendi potest vt proprium malum: & sic potest de illo haberi tristitia. Quod dupliciter accidit. Primò cum quis tristatur de bono alterius; inquantum sibi ex hoc imminet aliquod nocumentum: sicut aliquis tristatur de gaudio inimici, timens lædi aut opprimi ad ipso. Et istud est effectus timoris, non autem inuidia, secundum philosophum 2. Rhetori. Alio modo bonum alterius apprehenditur vt minoratum propriæ excellentiæ, honoris, & gloriæ: & ita tristatur inuidus de bono alterius. Vnde propriè inuidia est de his, in quibus gloria consistit, & de quibus homo honoratur secundum philosophum: sic ergo bonum sub ratione mali apprehensum esse potest obiectum tristitiæ.

¶ Denique secundum philosophum, 2. Rhetori. homo inuidet ei, qui sibi similis est, & non multum à se distans: quia ad illorum quibus multum dispares sumus, honorem vel statum non aspiramus. Sic quoque similitudo est causa delectationis atque tristitiæ, sicut & amoris ac odij: sed opposito modo. Nam per se causat delectationem & amicitiam, inquantum voluntari concordat, tristitiam verò ac odium, secundum quod bonum alterius, proprii boni diminutivum putatur. Ex his patet, quod amatores honoris sunt amplius inuidi: deinde pusillanimes, quia omnia reputant magna: & quicquid boni acciderit alteri, arbitrantur illum se multum excedere: & ergo in libro Iob dicitur: Parvulum occidit inuidia. Dicit quoque philosophus, quod senes iunioribus invident.

¶ Denique de bono alterius quatuor modis tristitia concipi potest. Primo (vt iam dictum est) quando ex bono alterius aliquis sibi, vel suis nocumentum timet. Et sic (secundum Gregorium) lætari possumus de ruina inimici, & de eius exaltatione tristiari sine peccato, quando mali sublimatio opprimit bonos, eiusque deiectio eripit eos. Alio modo dolemus de bono alterius, non quia ille habet, sed quoniam nobis deest. Et hæc tristitia dicitur zelus, & est bona quando est de bonis honestis: si autem sit de bonis temporalibus, esse potest bona & mala. Hanc quoque tristitiam appellant sancti bonam inuidiam, ex qua homo incitatur ad proficiendum cum perfectioribus. Tercio contingit tristiari de bonis alterius, quia est eis indi-

## D. DIONYSII CARTHUSIANI

gnus. Et hæc de bonis honestis haberi non valet, quia talia faciunt hominem iustum & dignum, sed est secundum philosophum de diuitiis. Et hanc tristitiam ipse dicit bonam & nominat Nemeseim. Sed fides prohibet eam, quemadmodum scriptum est: Noli æmulari in malignantibus. Cuius ratio datur, quia fides considerat temporalia bona in ordine ad bona æterna, & in quantum secundum occultam diuinæ providentiæ dispositionem dignis atque indignis proueniunt. Sed philosophus considerauit ea secundum se. Quarto tristatur aliquis de bono alterius, in quantum excedit ipsum in bonis. Et hæc est propriè inuidia, & est semper malum, quia de illo dolet de quo gaudere oportet, videlicet de bono alterius.

2 ¶ Præterea, cum ratio obiectalis inuidiæ sit contraria charitati, patet ipsam inuidiam esse mortale peccatum. Nam sicut charitas gaudet de bonis proximi, sic inuidia de eisdem tristatur. Veruntamen primi motus inuidiæ, qui rationem non attingunt, sunt venialia mala. Propriè autem inuidia opponitur misericordiæ, quæ est actus charitatis. Nam ad misericordiam spectat de alterius malo dolore & ei succurrere, cuius oppositum inuidus agit.

3 ¶ At verò sicut acedia est tristitia de bono spirituali diuino: sic inuidia est tristitia de proximi bono. Ideoque sicut acedia ponitur vitium capitale, propter causas in proximo articulo positas: sic inuidia est vitium capitale dicenda. Nec obstat: quod inuidia est inanis gloriæ filia, quia secundum Gregorium, vitia capitalia sic sibi cohærent, ut vnum non nascatur nisi ex alio. Superbia quippe inanem gloriam gignit, ex qua ultra inuidia manat. Veruntamen nec Cassianus in libro de institutis cœnobiorum, nec Isidorus, ponunt inuidiam inter capitalia vitia: fortè ideo, quia ipsa manifestè ex alio vitio oritur.

4 ¶ Porro numerus filiarum inuidiæ sic sumitur. Nam inuidia est principium, medium, & finis. Principium est, ut quis alterius gloriam minuat: & hoc vel in occulto, & sic est susurratio: vel in aperto, & tunc est detractio. Medium est ipsa facultas inuidientis, qui quandoque potest minuere alterius gloriam, & tunc est exultatio in aduersis: interdum non potest, & sic est afflictio in prosperis proximi. Vnde afflictio ista vno modo est ipsa inuidia, in quantum quis dolet de bonis proximi, secundum quod gloriam aliquam ha-

habent bona eius: sed inquantum prospera veniunt contra conatum invidentis: sic est filia invidiæ. Finis verò invidiæ est in eo, qui invidet scilicet odium, quia sicut bonum delectans causat amorem: sic malū contristans introducit odium, quinque ergo sunt filiæ invidiæ.

¶ De peccato discordiæ. 2. De origine eius.

Articulus

82.

**C**oncordia insuper est actus charitatis, quæ diversorum corda in vnum coniungit, primo & maximè in bonum divinum: secundario autem in proximi bonum. Quia ergo discordia concordia opponitur, palàm est ipsam esse peccatum. Dupliciter verò concordia per discordiam tollitur. Primò per se, quando videlicet aliquis ex intentione & scienter discordat ab alio in bono divino, vel proximi: in quo concordare deberet. Et hoc ex suo genere est peccatum mortale, propter contrarietatem ad charitatem. Secundò per accidens, quod scilicet, aliqui in principali bono consentiunt. sed in aliquibus, quæ sunt circa illud, dissentiunt, eo quod unus æstimat istud quod sibi videtur melius, alius aliud: & hæc est præter intentionem, nec est peccatum, neque charitati opponitur, nisi sit cū errore circa ea, quæ sunt de necessitate salutis, vel aliquis pertinaciter suæ æstimationi adhæreat. Discordia ergo quandoque est ex peccato unius, interdum quoque ex amborum peccato. Ex his patet, quod discordia Pauli & Barnabæ non erat peccatum, quia erat per accidens: nec fuit circa ea quæ sunt de necessitate salutis. Denique est quædam concordia mala, quæ est unio voluntatum in malo: quæ non est vera concordia: & hanc per oppositam discordiam rumpere, non est peccatum. Sic enim Paulus inter Pharizæos & Sadducæos discordiam fecit. Non enim tenemur alterius cordi consentire, nisi inquantum illud se deo conformat.

2. ¶ Amplius autem, cum discordia sit segregatio voluntatum, patet eam ex superbia aut inani gloria nasci inquantum unusquisque proprio sensui vel voluntati immoderatè adhæret, atque alterius affectioni propriam præfert, unde discordia non est vitium capitale.

h. iij.



**Q**uemadmodum discordia contrarietatem importat in motibus voluntatis, sic contentio contrarietatem in locatione designat. Contrarietas autem loquentis vno modo pensatur ex intentione loquentis, & contententis. Secundo ex modo loquendi. Quo ad primum considerandum est, an aliquid resistat veritati vel falsitati. Quo ad modum autem contrariandi, attendendum est verum talis modus negotiis atque personis conueniat. Contentio itaque, quæ est impugnatio veri cum inordinato modo, est mortale peccatum, & ita Ambrosius accipit eam dicens: Contentio est impugnatio veritatis cum confidentia clamoris. ¶ Contentio demum, quæ est falsitatis impugnatio cum moderata acrimonia, est laudabilis. Quod si modus excedatur, erit veniale peccatum, nisi in tantum excedatur, quod alij scandalizentur. Vnde apostolus: Noli (inquit) verbis contendere, ad nihil enim vtile est, &c. Porro contentio quæ non est cum intentione veritatem impugnandi, sed dum quisque defendit quod sibi verum apparet, non est perfecta contentio, nec mortale peccatum. Et talis inter Christi apostolos facta est quando nondum spirituales extiterant. Sumendo itaque contentionem secundum perfectam rationem, qua est mortale peccatum, ille contendit in iudicio qui iustitiæ veritatem impugnat, & in disputatione, qui doctrinæ veritati rebellat. Et hoc est mortale peccatum. Si tamen sit talis impugnatio solum cum quadam acrimonia vocis, non est semper mortale peccatum.

2. ¶ Agnoscendum quoque, quod propter eandem causam, qua discordia est superbiæ, vel inanis gloriæ filia quæ in proximo expressa est articulo, etiam contentio filia est superbiæ aut inanis gloriæ.

¶ Quod schisma est speciale peccatum. 2. Vtrum sit grauius infidelitate. 3. De potestate schismaticorum. 4. De pœna eorumdem. Articulus 84.

**S**ecundum Isidorum autem schisma, à scissura animorum acceptum est. Scissio verò vnitati opponitur. Ideoque peccatum schismatis dicitur, quod

per se ac directè vnitati opponitur. Nam in naturalibus atq; moralibus id quod est per se, constituit speciem. Sed in moralibus illud vocatur per se, quod directè intenditur, & quod præter intentionem contingit, per accidens appellatur. Schisma igitur speciale peccatum est ex eo, quod intendit se quis ab vnitate separare: quâ charitas facit, quæ non solum vnâ personam alteri, sed etiam totam ecclesiam in vinculo dilectionis vnitateque spiritus seruat. Propterea schismatici propriè sunt qui se sponte & ex intentione ab vnitate ecclesiæ segregant. Porro ecclesiæ vnitas in duobus consistit. In connexionem videlicet membrorum ecclesiæ ad inuicem, & item in ordinatione omnium membrorum ecclesiæ ad vnum caput, quod est Christus, cuius in terra vicem gerit papa. Vnde schismatici sunt, qui summo pontifici contemnunt subesse, vel membris sibi subiectis renuunt communicare: & hoc ex rebellionem & pertinacia atque malitia. Vnde Augustinus in libro contra Faustum, ait: Schisma est eadem opinantem atq; eodem ritu quo cæteri deum colentem, solo congregationis dissidio delectari. Propter quod sicut hæresis opponitur fidei, sic schisma ecclesiasticæ charitatis vnitati. Omnis autem hæreticus est schismaticus, sed non econtrario. Schisma tamen est via ad hæresim, & secundum Hieronimum quauis in principio ab hæresi differat: tamè nullum schisma est, quin aliquam sibi hæresim fingat, vt rectè ab ecclesia recessisse putetur.

2. ¶ Præterea, peccatum aliquod dupliciter alio grauius dicitur. Vno modo secundum speciem, alio modo secundum circumstantias. Prima autem grauitas est simpliciter maior, quia attenditur ex parte obiecti.

¶ Illud itaque peccatum secundum se grauius est, quod maiori bono opponitur, sed infidelitas contrariatur ipsi deo secundum quod in seipso consideratur, videlicet in quantum est veritas prima cui fides innititur: schisma autem opponitur vnitati ecclesiæ, quæ est quoddam bonum particulare creatum & minus diuino bono. Vnde simpliciter infidelitas, seu hæresis, grauius peccatum est schismate, quauis ex circumstantia quidam schismaticus grauius peccare possit quodam hæretico, vel propter maiorem contemptum, aut maius periculum quod inducit, aut simile aliquid. Sciendū quoque, quod sicut ordinem opponitur charitati secundum suum

## D. DIONYSII CARTHYSIANI

principale obiectum, quod est deus: sic schisma charitati opponitur ratione secundarii sui obiecti, quod est proximus.

3. ¶ Insuper agnoscendum, quod duplex est spiritualis potestas, videlicet sacramentalis, & iurisdictionalis. Sacramentalis est, quæ per aliquam consecrationem confertur. Omnes verò consecrationes ecclesiæ, sunt immobiles, vt etiam in rebus inanimitas videmus. Nam altare semel consecratum non denuo consecratur, nisi dissipatum destructumque fuerit. Quauis ergo homo consecrationem aliquam habens, in hæresim aut schisma labatur: tamen potestas ista in ipso essentialiter manet. Vnde rediens non rursus consecratur. Sed quoniam potestas inferior agere debet secundum ordinem potestatis superioris, & prout ab illa mouetur: ideo hæretici atque schismatici vsum potestatis sacramentalis amittunt, nec vti ea licite possunt: quod si vti fuerint, ipsorum potestas in sacramentalibus effectum habebit: nam in talibus non agit homo nisi vt instrumentum dei. Ideoque effectus sacramentales propter malitiam ministri, quantumcunque maligni, non excluduntur. Vnde quod Cyprianus in epistola ait: Novatius, qui nec vnitatem spiritus, nec conuentionis pacem obseruat & se ab ecclesiæ vinculo atque à sacerdotum collegio separatur, nec episcopi potestatem habere potest, nec honorem: de vfu peccati intelligi debet. Porro potestas iurisdictionalis est, quæ ex simplici coniunctione hominis donatur, & illa non immobiliter adhæret. Vnde nec in hæreticis & schismaticis manet. Propter quod nec absolute, nec excommunicare, nec indulgentias facere possunt: quod si fecerint, nil actum est.

4. ¶ Denique quoniam pœna correspondere debet culpe, & per eadem quis puniendus est per quæ peccat: ideo sicut schismatici se ab vnitatem ecclesiæ separant sic iustum est vt excommunicationem incurrant. Et iterum, quia se capiti ecclesiæ subdere nolunt, æquum est, vt temporali potestate coerceantur, dicitur enim .23. quæsti. 7. Diuinæ, & mundanæ leges statuerunt, vt ab ecclesiæ vnitatem diuisi, & pacem eius perturbantes, à secularibus potestatibus comprimantur. Veruntamen in necessitatis articulo posset à schismatico baptismus recipi: imo à quolibet quauis pagano.

¶ Patet itaque, quod quando schismatici per excommunicationem non corriguntur, addendum esse brachij secularis flagellum, quando tamen flagellum est, vna pœna sufficiens,

non est alia adijcienda.

¶ *An aliquod bellum sit licitum. 2. Vtrum clericis liceat bellare. 3. An etiam liceat uti infidiis in bellis. 4. An in die festo pugnare liceat.*

Articulus

85.

**A**D hoc autem quod bellum sit licitum, tria requiruntur. Primo authoritas principis. Nam privatae personae non licet bellum mouere, quia potest ius suum in iudicio superioris prosequi. Item non pertinet ad eam multitudinem conuocare, quod in bello fieri oportet. Vnde libro secundo contra Manicheum Augustinus, exponens illud euangelij: Omnis qui acceperit gladium dicit, quod ille accipit gladium qui sine superiori & legitima potestate hoc agit. Itaque quia principibus commissa est cura reipublicae, intestinos atque extraneos hostes compescere habent. Secundo exigitur causa iusta. Tertio autem intentio bellantium recta, quia nocendi cupiditas, vlciscendi crudelitas, implacabilis animus, feritas rebellandi, libido dominandi, atque similia, iuste culpantur. Illud autem quod dominus ait: Ego dico vobis, non resistere malo, & alia talia, seruanda sunt solum secundum praeparationem animi.

2. ¶ Præterea, ad bonum socialis vitae humanae multa necessaria sunt, nec possunt singula à singulis conuenienter exerceri, secundum Philosophum in Politicis. Vnde qui maioribus rebus deputantur, minoribus prohibentur occupari secundum leges humanas. Nam militibus negotiatio interdicitur. Bellica autem exercitia, officijs atque operibus episcoporum ac clericorum maximè contrariantur.

Primo propter inquietudinem quæ in eis potissima est, & à contemplatione & oratione laudeque dei maxime impedit. Ideoque bellica negotia magis contrariantur statui clericorum quàm negotiationes, quæ tamen eis non licent, quia secundum apostolum: Nemo militans deo, implicat se secularibus negotijs. Secundo propter specialem rationem. Clerici nanque deputantur ad altaris ministerium, in quo sub sacramento repræsentatur passio Christi. Propterea non conuenit clericis sanguinem fundere, sed potius ad proprii sanguinis effusionem paratos pro Christo consistere: quatenus

## D. DIONYSII CARTHUSIANI

opere impleant, quod mysterio gerunt. Vnde etiam institutum est, vt effundentes sanguinem quanuis sine peccato, tamen irregulares fiant. Cum ergo nemini id liceat, per quod proprio officio ineptus efficitur, non licet clericis gerere bella, sed spiritualibus armis gregem suum defendere debent. Et propter hoc possunt prælati & clerici ex commissione superioris interesse bellis, quatenus populum hortentur, absoluant, & doceant. Quod autem proprijs manibus pugnent, abusionis est. Possunt autem alios ad bellum iustum inducere, sicut 28. quæsti. 8. habetur de Adriano papa, qui Carolum contra Longobardos ad bellandum vocauit.

3. ¶ Denique, insidiæ ad hostes fallendos ordinantur. Duplíciter autem aliquis fallitur, dicto vel facto. Primo cum falsum aliquod dicitur, vel promissum non seruatur. Et hoc illicitum est, quia secundum Ambrosium libro de officijs, etiam inter hostes sunt fœdera & pacta seruanda. Secundo aliquis fallitur, quia propositum seu conceptum nostrum ei non pandimus. Et istud est licitum, quia & in doctrina fidei quædam secreta hostibus fidei occultantur, ne sanctum canibus detur: sic quoque in documentis rei militaris præcipuum est, ne cõsilia hostibus reuelentur, vt in libro stratagematum Francorum habetur.

4. ¶ Insuper obseruatio sabbati non repugnat defensionis salutis proprii corporis, aut reipublicæ, quia medici in festis licitè medentur. Ideoque licet pro defensione communis boni in festis pugnare, si necessitas exigat, nam per hoc multa mala atque pericula, tam in spiritualibus quàm in temporalibus, euitantur: imo hoc esset deum tentare, in tali necessitate à bello velle abstinere.

### ¶ De culpa rixæ 2. De origine rixæ. Articulus 86.

Icut autem discordia est segregatio voluntatum, & dissensio contradictio sermonum: sic rixa est in factis, vt cū se aliqui ex ira percutiunt. Vnde rixa est bellum inter priuatas personas, non ex superioris autoritate, sed inordinata earum voluntate. Et ergo est semper peccatū, in eo enim qui alium iniuste inuadit, est mortale peccatum. Nam inferre proximo nocumentum opere manuali, non est sine peccato mortali. In eo autem qui se defendit quandoque est sine pec-

cato, interdum autem cum peccato veniali, & interdum cum peccato mortali. Si enim se defendit solo animo repellendi iniuriam cum debito moderamine, non est peccatū, nec rixa propriè ex parte ipsius, quando verò aliquis levis motus iræ aut odij se miscet, & rectum moderamen parum exceditur, est veniale peccatum. Si autem obfirmato animo insurgat in inuadentem, vt eum grauitè lædat, est peccatum mortale. Dicit autem Isidorus, Rixosus est, qui semper ad contradicendum est paratus & iurgijs delectatur, alijsque ad contendendum prouocat. Dictum est autem quod bellum iustum non est, nisi autoritate publicæ potestatis fiat, ideo rixæ, bellum, semper est malum, quoniam ex priuato affectu iræ vel odij oritur.

2. ¶ Præterea, ira propriè dicitur, cum quis alium ipso sciente lædere nititur. Et quia hoc iræ conuenit. Ira enim cōm fit appetitus vindictæ, vult vt alius sciat. id cōtra ipsum agi, quatenus magis torqueatur, nec sufficit irato latenter nocere, sed alio sciente & à repugnante, sed inuidus, quoniam querit absolute malum alterius, non curat an palàm, an secretiùs noceat, propterea rixa magis propriè est filia iræ quamvis ex odio possit procedere. Dicit tamen apostolus Iacobus. Vnde lites in vobis, nōne ex concupiscentijs &c. quia videlicet passionibus irascibilis, quarum ira vna est, ex passionibus concupiscibilis oriuntur.

¶ *Vtrum seditio sit peccatum speciale 2. An mortale.*  
*Articulus 87.*

**E**ST autem seditio speciale peccatum, & conuenit cū rixa & bello in hoc, quod contradictionem designat. Sed differt ab eis, quia rixa & bellū, important actua- lem mutuam pugnam. Seditio verò dicitur siue pugna sit in actu, siue ad pugnam aliqui præparentur. Vnde dicitur seditio tumultus ad pugnam. Secundo differunt, quoniam bellum est propriè contra extraneos hostes, quasi multitudinis contra multitudinē, rixa verò est vnius contra vnū, aut paucorum contra paucos, sed seditio propriè est inter partes vnius multitudinis inter se dissentientis, vt cum vna pars ciuitatis contra aliam incitatur. Sic itaque quia seditio speciali bono opponitur, scilicet vnitati ac paci multitudinis,

est speciale peccatum.

2. ¶ Denique, est & mortale peccatū, & tanto grauius rixā, quanto bonum cōmune aut plurium melius est bono vnius aut paucorum. Opponitur enim iustitiæ, & bono communi. Nam secundum Augu. 21. de ciuitate dei, populus dicitur nō omnis cōtūs multitudinis, sed cōtūs iuris atque communis ytilitatis consensu sociatus. Huic autem vnitati seditio cōtra nititur. Et ergo primo pertinet ad eum, qui seditionē procurat, & est in ipso grauissimum peccatum. Consequenter autē in sibi consentientibus inuenitur. Porro seditio à schismate in duobus distinguitur. Primo, quoniā schisma est contra vnitatē spiritualem ecclesiæ: seditio autē contra vnitatē multitudinis temporalem. Secundo quia schisma non importat præparationem ad pugnam corporalem, sicut seditio.

¶ Quid est scandalum 2. An sit peccatum 3. Vtrum sit peccatum speciale 4. An possit esse peccatum mortale. Articulus 88.

**D**enique (vt testatur Hieronymus) scandalum græcè, latinè offensio, ruina vel impingentia dicitur. Sicut enim in via corporali aliquando obex ponitur, in quem transiens si impingit prolabitur: sic in via spirituali contingit hominem ex dicto vel facto alterius, ad peccati ruinam disponi: & talis obex in vtraque via, scandalum appellatur.

¶ Nil autem ex sua natura disponit ad spiritualement ruinam, nisi aliquē rectitudinis defectum sortiatur. Quod enim perfectè rectum virtuosumque est secundum suam rationem, plus hominem contra malum munit, quàm ad peccandum inducat. Ideo scandalum conuenienter describitur, quod sit dictum vel factum minus rectum: præbens alicui occasionem ruinæ. Et sumitur hic minus rectum, non quod ab aliquo alio in rectitudine superetur, sed pro peccato, quod de se obliquum est, vel pro eo, quod speciem mali habet, velut si quis in idolio accubet, per quod videtur idolo honorem impendere. Vnde Apostolus: Ab omni (inquit) specie mala, abstine te vos. At verò quoniam nihil est homini perfectæ atque sufficiens causa peccandi, nisi propria voluntas: propterea in diffinitione scandalum non dicitur, dans causam, sed præbens



occasionem. Nam in potestate alterius est, recipere scandalum, vel non.

¶ Aduertendum tamen, quod dictum vel factum hominis, potest dupliciter esse alteri peccandi occasio. Vno modo per se, quando videlicet aliquis admonitione, vel exemplo, intendit aliquem ad culpam inducere: vel etiam, licet ipse non intendat hoc, tamen opus suum tale est, quod ex sua natura alium ad malum inducere potest: vel quia malum est, aut speciem mali habet: & tale dictum vel factum, dicitur scandalum actiuum. Secundo per accidens, quando videlicet ex dicto vel facto alicuius, aliquis scandalizatur præter intentionem agentis, & præter conditionem operis: vt cum opus in se bonum est, sed alter ex sua malitia inde ad peccandum inducitur: & hoc est scandalum passiuum sine actiuo, nam agens non peccat, nec quantum in se est, alij occasionem ruinæ ministrat. Patet itaque, quod interdum sunt simul scandalum actiuum in vno, & passiuum in altero, quandoque est scandalum actiuum in vno, non autem passiuum in altero, quia videlicet alter non consentit: interim quoque est scandalum passiuum sine actiuo.

2. ¶ Denique vtrunque scandalum semper est peccatum. Nam scandalum passiuum non est, nisi in quantum aliquis ruit spiritali ruina. Scandalum quoque actiuum, vel est malum, & sic est per se peccatum: vel habet speciem mali, & tunc propter proximi charitatem dimittendum foret, & qui non dimittit, contra charitatem agit & peccat. Porro quod in euāgelio dicitur: Necessesse est vt scandala veniant, intelligendum est, non de necessitate absoluta, sed conditionali: quemadmodum præscita à deo necesse est euenire, vel necesse est ea fieri necessitate finis, quoniā ad aliorum probationē vtilia sunt.

3. ¶ Præterea, scandalum passiuum non est speciale peccatum, quia secundum quodlibet genus peccati, contingit aliquem ex dicto vel facto alterius ruere.

¶ Scandalum verò actiuum quod est præter intentionē agentis, non est speciale peccatum, vt cum aliquis non intendit alium scandalizare, sed propriæ voluntati satisfacere. In moralibus nanque, quod est per accidens, non constituit speciem. Scandalum autem actiuum, quo quis intendit alium scandalizare, est speciale peccatum ratione specialis finis intenti: & opponitur directè correctioni fraternæ.

## D. DIONYSII CARTHUSIANI

4. ¶ Præterea scandalum passivum, interdum est veniale peccatum, ut cum quis ex alterius dicto vel facto ad venialis peccati motum impingitur: quandoque autem mortale, ut si quis mortaliter ruat. Similiter scandalum activum per accidens est veniale peccatum, quando quis actum venialis peccati, vel qui solum habet speciem mali, committit: quandoque verò est mortale peccatum, vel quia mortale peccatum committit, vel quia proximi salutem contemnit, nolens propter eam omittere, quod sibi placuerit. Scandalum autem activum per se ex intentione agentis, tunc est mortale peccatum, quando quis alium ad peccandum mortaliter conatur inducere: quod si ad veniale peccatum inducere velit, esset veniale peccatum.

¶ *Utrum perfectorum sit scandalizari 2 An eorum sit scandalizare 3 An spiritualia bona sint dimittenda propter scandalum 4. An etiam temporalia. Articulus 89.*

**P**orro scandalum passivum, commotionem animi à bono importat. Viri autem perfecti deo, cuius incommutabilis bonitas est, firmiter & inconcussè adherent, nec superiori homini obediunt, nisi in quantum ille sub ordine dei perseverat. Ideo ex dictis vel factis aliorum inordinatis, non recedunt à deo intrinsecus, quanvis forinsecus impediuntur. Vnde in Psalmo: Qui confidit in domino sicut mons Sion, non commovebitur in æternum. Et rursus: Pax multa diligentibus legem tuam, & non est illis scandalum. Et Apostolus ait: Neque mors, neque vita, neque creatura alia, poterit nos separare à charitate dei. Propter quod Hieronymus dicit: Qui scandalizatur, paruulus est. Maiores enim non recipiunt: veruntamen scandalum quandoque largè accipitur pro quolibet impedimento, & sic Christus Petro dixit: Scandalum mihi es.

¶ Amplius autem quanvis perfecti, ex carnis infirmitate venialia peccata incidere valeant, non tamen ex defectu alterius scandalizantur secundum veram scandali rationem, licet quandoque scandalo appropinquent, sicut scriptura testatur: Mei autem penè moti sunt pedes.

2. ¶ Præterea scandalum activum magis perfectioni repugnat quam passivum. Cum ergo perfectorum sit omnia secun-

dum regulam rationis peragere, dicente Apostolo: Omnia honestè, & secundum ordinem fiant in vobis: ideo perfectorum non est scandalizare, secundum quod scandalum actuum dicitur dictum vel factum, quod ex sua natura tale est, ut alium ad ruinam inducere possit. Nam quanuis in actibus perfectorum aliqua possit imperfectio esse: illa tamen ex carnis fragilitate procedit, nec tanta est ut rationabiliter debeat aliquis inde occasionem ruinæ contrahere: imo qui ex talibus scandalizantur, non scandalizantur à scandalo actiuo alterius, sed proprio. Nam ipsi seipsos scandalizant. Vnde quod Paulus scribit, se Petro in facie restitisse, in hoc, secundum Augustinum, Petrus incautè se habuit, & aliquantulum peccauit, non tamen eatenus quod inde aliquis scandalizari debebat.

3. ¶ At verò cum quæritur an propter scandalum sint spiritualia bona omittenda, certum est de scandalo passiuo intelligi. Agnoscendum ergo, quod quædam bona sunt de necessitate salutis: & hæc propter alterius scandalum vitandum, non sunt deferenda. Alia spiritualia bona, ad salutem non necessaria. Et circa illa distinguendum est. Nam scandalum quod ex his oritur, quandoque est ex malitia sicut pharisæi de Christi doctrina scandalizantur, vnde cum aliqua spiritualia bona impedire conantur, scandala concitando, non sunt bona omittenda. Interdum autem oritur scandalum de spiritualibus bonis ex infirmitate aliquorum, quod est pusillorum: & tunc propter charitatem sunt spiritualia bona occultanda, vel differenda: donec ratione reddita, cesset scandalum tale. Quod si post redditam rationem non cessaret, tunc pertinet ad malitiam, & non essent bona omittenda. Ex his patet, qualiter veritatis instructio, ac fraterna correctio, propter scandalum sint omittenda. Nam ille cui incumbit docendi officium, quanuis veritatem deferere non debeat: tamen actum docendi exercere debet secundum congruentiam personarum & temporis. Sic nanque eleemosynæ tam spirituales quàm corporales, & adimpletio consiliorum non sunt omittenda, quando alicui, vel ex cura animarum, aut ex iniuncto officio, aut ex voto incumbunt. At verò quidam dixerunt, propter scandalum alterius, maximè ne in mortale peccatum labatur, venialiter esse peccandum. Sed hoc implicat, nam si peccatum est faciendum, non est pec-

catum nec malum, quia peccatum non est eligibile. Contingit autem aliquod non esse veniale peccatum ex circumstantia, quod illa sublata esset veniale peccatum: quemadmodum verbum iocosum secundum se est veniale peccatum: si verò dicatur ex rationabili causa, non est peccatum: imo nec iocosum. Itaque quia peccatum disponit peccantem ad mortale, non est committendum propter vitandum in alio mortale peccatum.

4. ¶ Præterea, temporalium bonorum quædam sunt nobis commissa, ut bona ecclesiæ committuntur prælatis & bona rei publicæ ipsis rectoribus: & horum cōservatio imminet his, quibus commissa sunt de necessitate, quemadmodum & depositorum: Vnde nec propter scandalum dimittenda, sicut nec alia quæ de necessitate salutis sunt. Nam sanctus Thomas Cantuariensis repetijt bona ecclesiæ cum scandalo regis. Alia temporalia bona sunt nostra. Et hæc propter scandalum dimittenda sunt, vel largiendo ea alijs, si apud nos sint, vel non repetendo si apud alios sint, quando scandalum oritur ex ignorantia vel infirmitate, quod est scādalum pusillorum. Sunt inquam dimittenda omnino, vel scādalum alio modo sedandum est. Vnde Augustinus: Dandum est, quod nec tibi nec alteri noceat, & cum negaveris quod petit indicanda est ei iustitia: tuncque melius aliquid ei dabis cum errantem correxeris. Aliquando oritur scandalum ex malitia, quando videlicet aliqua scandala concitant aut concipiunt ex sua durtia: & ob tale scandalum non sunt temporalia dimittenda. Hoc enim vergeret in detrimentum boni communis, quia daretur impijs rapiendi occasio, & ipsis rapientibus hoc ipsum noceret in anima: propterea (secundum Augustinum) præceptum Christi in euange. Ei qui vult tecū contendere in iudicio & tunicam tollere, dimitte & palliū. Item verbum apostoli: Iam quidem omnino delictum est in vobis, quod iudicia habetis. Quare non magis iniuriam accipitis? intelligenda sunt secundum præparationem animi sic ut sit homo paratior iniuriam pati vel fraudem, quā iudicio contendere, si hoc ipsum magis expediat. Vnde etiam in quibusdam locis, ecclesiæ Christi non recipiunt à populo decimas, quia non est in eis solitum decimas soluere, & ideo decimæ sine scandalo non exigentur. Proinde istis non obstat, quod ait Hieronymus, Dimittendum est propter scandalum, omne quod potest præter-

mitti, salua triplici veritate, scilicet vitæ, iustitiæ, & doctrinæ, quia consilia pertinent ad perfectionem veritatis, vitæ, atque iustitiæ, & saluti multorum obesset, si bona aliena retinere vel rapere possent.

¶ De præcepto charitatis. 2. An sit unum uel  
plura.                      Articulus 90.

**P**Ræceptum præterea importat aliquid debitum. Est autem aliquid dupliciter debitum. Primo per se, sicut finis, quoniam finis habet per se rationem boni. Secundo propter aliud, sicut media ad finem, quem admodum in arte medicinæ, sanitas est per se intenta & medico debita. Potio autem & diæta, propter sanitatem. Finis autem spiritalis vitæ, est deo adherere, quod per charitatem efficitur, & ergo de charitate datur præceptum per se, de actibus verò aliarum virtutum, prout ad charitatem ordinantur. Vnde Apostolus: Finis præcepti est charitas de corde puro, & conscientia bona, & fide non ficta.

¶ Virtutes quippe, quæ sunt circa passionem, cor purificant, & quæ sunt circa operationes, conscientiam bonam efficiunt. Fides quoque non ficta cognitionem deo coniungit, & omnia hæc ad actum charitatis ordinantur atque disponunt: Ideo præceptum de charitate est maximum. & quoniam omnia præcepta decalogi, ad dei & proximi charitatem ordinantur: ideo præceptum de charitate inter illa numerandum non fuit, imo in omnibus includitur.

2. ¶ Insuper sic se habent præcepta in lege, sicut propositiones primorum principiorum in scientijs speculatiuis, in quibus conclusiones virtualiter continentur. Neque necesse est ex principijs conclusiones deducere, nisi propter minus capaces, nam qui ipsa principia secundum ipsorum totam virtutem cognosceret, in ipsis simplici intuitu omnes conclusiones videret. Charitas autem est finis virtutum in agibilibus. Sed finis in agibilibus se habet ut principium in speculabilibus. Ideoque sicut conclusio continetur implicitè in principio: sic charitas proximi continetur virtualiter in dilectione dei. Tamè sicut ex principijs necesse est a pertè conclusionem inferre, sic propter incapaciosiores necesse fuit post

## D. DIONYSII CARTHUSIANI

dilectionis diuinæ præceptum, etiam de dilectione proximi mentionem fieri. Et ergo sunt duo charitatis præcepta, quorum vnum ordinatur ad aliud, est tamen vna charitas habens duos actus quorum vnus (videlicet dilectio proximi) ordinatur finaliter ad alium, id est, dilectionem dei. At vero cum charitas sit amicitia quædam, quæ ad minus duos requirit, cum nullus seipsum propriè dicatur diligere: ideo duo sunt charitatis præcepta. Amor enim, seu charitas, est boni. Bonorum autem aliud est finis, scilicet Deus, & de hoc est primum charitatis præceptum, aliud ordinatur ad finem videlicet proximus, & de hoc est secundum charitatis præceptum. Quæuis autem sunt quatuor charitate amanda, tamen de dilectione sui & corporis proprii, non erant danda præcepta, nã horum dilectio homini semper adhæret, quantumlibet à charitate excidat. Sed modus ea amandi præcipitur, quatenus ordinatè amentur, per hoc, quod Deus diligere iubetur.

¶ *Quomodo Deus diligere præcipiatur. 2. Quomodo toto corde. 3. Quomodo tota mente. 4. Vtrum hoc charitatis præceptum in uia impleri possit.*

Articulus

91.

**Q**uoniam quidem autè ad actum virtuosum non solum exigitur vt supra debitam cadat materia, sed vt insuper debitis vestiatur circumstantijs, quibus tali materiæ proportionetur: propterea non tantum præcipitur vt deus diligatur, sed etiam vt toto corde ametur, cum ipse sit omnium vltimus finis. Nam in eo quod dicitur: Ex toto corde, insinuat modus dilectionis diuinæ. Quæuis enim, modus quem habet virtus à superiori virtute, sub præcepto non cadat: modus tamen, qui ad ipsam virtutem pertinet cuius est actus, præcipitur. Porro quod dicitur: Ex toto corde, vno modo intelligitur actu, vt scilicet cor hominis semper in deum actualiter feratur, & hoc est perfectio patriæ. Alio modo in habitu vt videlicet homo nil agat quod charitati repugnat, & hoc est perfectio viæ. Charitas quoque, ad quam ordinantur consilia inter prædictas duas charitatis perfectiones est media, quia per eam homo temporalia licita deserit, quæ mentem à dei actuali dilectione vbertim præpediunt.

2. ¶ Aduertendum præterea, quod præceptum de charitate Dei in Marco plenè datur, cum dicitur: Ex toto corde ex tota mente, ex tota anima, & ex tota virtute. In Deuteronomio autem non ponitur, ex tota mente, quia sub yno istorum intelligitur. Matth. quoque omittit, ex tota fortitudine tua. Lucas quoque dicit, ex totis viribus tuis, quod idem est, quod ex tota virtute, seu tota fortitudine.

3. ¶ Dilectio ergo est actus voluntatis, quæ hic per cor designatur, nam sicut cor est principium omnium corporalium motuum, sic voluntas est principium omnium motuum spiritualium. Motuum autem, qui à voluntate imperantur, sunt tria principia scilicet intellectus, qui hic significatur per mentem, vis appetitiua inferior, quæ signatur per animam, vis quoque executiua exterior, quæ intelligitur per virtutem seu fortitudinem. Iubemur itaque Deum toto corde diligere, quatenus tota intentio nostra feratur in deum. Tota etiam mente, ut scilicet intellectus deo subdatur. Tota anima, ut videlicet appetitus inferior secundum deum reguletur. Tota demum virtute, quatenus omnis noster actus exterior deo subijciatur. Et sciendum quod præceptum dupliciter impleri potest, utpote perfectè & imperfectè. Perfectè quidem, quando secundum intentionem præcipientis impletur: ita ut vsque ad ipsius intentionem perueniatur, & sic (secundum Augustinum libro de perfectione iustitiæ) præceptum charitatis, non nisi in plenitudine charitatis patriæ implebitur, quia tunc homo deo penitus atque omnimode subijcietur, quod est intentio Dei hoc præceptum iubentis. Imperfectè verò præceptum impletur, quando vsque ad intentionem præcipientis non pertingitur, sed tamen contra ipsius intentionem nil agitur, velut si dux militibus iubeat, ut pugnent, ille perfectè obedit qui hostem vincit, cum hæc sit ducis intentio: qui autem pugnât, triumphum tamen non obtinet, imperfectè obedit, & ita præceptum de dilectione dei impleri potest in via, quando videlicet nil charitati contrarium homo committit, sed in patria erit deus omnia in omnibus, nunc verò tanto vnusquisque præceptum hoc perfectius implet, quâto perfectioni patriæ, quæ semper in actu est, magis appropinquat.

¶ De dilectione proximi. 2. An ordo charitatis cadat sub præcepto.

Articulus 92.

i iij



## D. DIONYSII CARTHUSIANI

**I**N præcepto insuper, quod de dilectione proximi datur, duo tanguntur, videlicet ratio diligendi, & dilectionis modus. Primum cum dicitur, diliges proximum. Nam ideo aliquem debemus diligere, quoniam proximus noster est, tam secundum naturalem Dei imaginem, quam secundum gloriæ capacitatem. Nec refert, an dicatur proximus, vel frater, vel amicus, sicut in Leuitico dicitur. Semper enim eadem affinitas designatur. Porro modus diligendi innuitur cum additur: Sicut teipsum, non quod alium debeamus diligere æqualiter, sed similiter nobis: & hoc tripliciter. Primo secundum ordinem finis, quatenus sic diligit homo proximum propter Deum, sicut seipsum propter Deum diligere debet. Secundo ex parte mensuræ dilectionis, videlicet, ut nō condescendat proximo in malo, sicut nec sibiipsi. Tertio ex parte rationis dilectionis, ut scilicet amet proximū, non propter proprium commodum, sed propter illud bonum, propter quod amat seipsum.

2. ¶ Præterea, modus ad rationem virtuosi actus pertinens, cadit sub præcepto, quod de virtute donatur. Cum ergo ordo charitatis sit modus pertinens ad rationem actus dilectionis, quia accipitur secundum proportionem dilectionis ad diligibile, constat quod ordo charitatis sub præcepto cadere debeat quod etiam ex scriptura ostenditur. Sunt quippe quatuor ex charitate diligēda, videlicet Deus, homo ipse, proximus & proprium corpus. Cum autem præcipitur ut deus diligatur toto corde, iubemur deum super omnia diligere. Cum verò mandatur, ut diligamus proximum tanquam nosipsos, insinuat, quod homo seipsum primo & magis quam alium diligere debeat: & qui aliter diligeret, ageret contra ordinem charitatis de quo scriptum est: Ordinavit in me charitatem. Præterea, quod plus debet diligi proximus quam proprium corpus, mandatur pri. Ioan. 3. Debemus pro fratribus animam ponere, id est, vitam corporalem. Pariformiter cum ait Apostolus: Operemur bonum ad omnes, maximè ad domesticos fidei. Et ad Timotheum: Qui non habet curam suorum, innuitur quod meliores, præsertimque propinquiore magis debemus diligere.

¶ Quod sapientia est donum spiritus sancti. 2. De subiecto eius. 3. An sit speculatiua uel practica. Articulus 93.

**Q**uinto primæ philosophiæ Aristoteles docet, quod ad sapientem pertinet considerare altissimam causam, per quam, videlicet dealius certissimè iudicari, & secundum quam omnia regulari oportet. Dupliciter autem dicitur causa altissima, vel simpliciter, sicut deus est prima omnium causa: & qui talem considerat, simpliciter sapiens dicitur, quia per regulas & rationes ac leges diuinas omnia alia iudicat & ordinat. Et tale iudicium percipit homo à spiritus sancto, iuxta illud Apostoli: Spiritu-  
 alis homo omnia iudicat, ideo sapientia est donum spiritus sancti. Secundo dicitur causa altissima in certo genere, per quā de omnibus ad illud genus pertinentibus optime iudicatur: ut in arte medicinæ est aliqua excellentior causa, & qui talem considerat, sapiens in illo genere perhibetur. Porro sapientia, quæ est donum, distinguitur à sapientia quæ est virtus, & habitus intellectus acquisitus: quoniam illa studio humano acquiritur, ista autem desursum est. Differt quoque à fide, fidei enim est, diuinæ veritati assentire: sapientiæ autem de ipsa veritate iudicare. Habetur enim in Iob: Ecce timor domini ipsa est sapientia, & secundum interpretationem Septuagintæ, qua vitur Augustinus: Ecce pietas ipsa est sapientia, non quod sapientia sit essentialiter aliquid illorum, sed quia per pietatem, quæ est cultus dei, & timorem filialem maximè manifestatur.

**I**taque (ut iam dictum est) sapientia importat rectum iudicium per rationes diuinas, rectitudo autem iudicii vno modo habetur per plenum vsum rationis: Alio modo per cōnaturalitatem iudicantis ad id de quo profertur iudicium: sicut de castitate bene iudicat secundum primum modum, qui moralem scientiam didicit qui autem ipsam castitatis virtutem habet, de ea secundo modo bene iudicat. Similiter de rebus diuinis iudicare per rationis inquisitionem pertinet ad sapientiam, quæ est habitus intellectualis, sed per cōnaturalitatem cum eis de ipsis iudicare, attinet dono sapientiæ: quæ admodum. 2. capite de diuinis nominibus de sancto Ierotheo Dionysius scribit, quod erat in diuinis perfectus, non tantum discens ea, sed etiam patiens. Hæc verò compassio seu cōnaturalitas habetur per charitatem, quæ deo nos vnit.

2. **U**nde sapientia, quæ est donum causam habet in voluntate, videlicet charitatē, sed ipsa essentialiter est in intellectu

## D. DIONYSII CARTHUSIANI

cuius actus est iudicare. Vnde patet quare in libro de gratia noui Testamenti August. dicat, sapientia est charitatis dei.

3. ¶ At verò intellectus duos habet actus, utpote percipere, ad quem ordinatur donum intellectus, cuius est veritate per necrare: & alium actum, scilicet iudicare, quod ad sapientie pertinet donum, quando fit per rationes diuinas, sed cum fit per rationes humanas, est actus doni scientie.

Præterea secundum Augusti. 12. de trinitate, superior pars rationis deputatur sapientie, inferior autem scientie. Superior quoque pars rationis intendit rationibus supernis seu diuinis conspiciendis ac consulendis: conspiciendis, in quantum contemplatur diuina secundum se: consulendis, prout per diuina iudicat de humanis per leges diuinas, dirigendo actus humanos per regulas diuinas: propter quod sapientia est non solum speculatiua sed etiam practica. Sapientia tamen per prius est diuinorum cognitio seu speculatiua, & secundario per rationes diuinas iudicat dirigique humana. Vnde Gregorius: In contemplatione (inquit) principium quod Deus est queritur in operatione aut sub graui necessitatis fasce laboratur.

¶ *Vtrum sapientie donum sine gratia haberi possit. 2.*

*An etiam sit in omnibus gratiam habentibus. 3.*

*Quæ beatitudo ei correspondeat. Art. 54.*

**M**odo ostensum est, quod donum sapientie iudicat de diuinis atque de aliis per rationes diuinas, propter connaturalitatem seu vnionem ad diuina, cuius conaturalis conformitatis charitas causa est, secundum præostensa. Sed charitatis sine gratia esse non valet. Patet igitur quod donum sapientie non conuenit nisi in gratia existentibus. Vnde scriptum est: In maliuolam animam non introibit sapientia: sed sapientia, quæ est habitus intellectualis, cum mortali peccato haberi potest.

2. ¶ Præterea doni sapientie sunt diuersi gradus, & quidam eminentius aliis sortiuntur diuinitus sapientie donum, omnibus tamen habentibus gratiam, hoc commune est quod sapientie donum habent quantum saluti necessarium est: ut scilicet de rectitudine iudicij circa diuina, & in ordinatione rerum humanarum tantum accipiant, quantum ad propriam dire-

Etione opportunū est. Alij verò altius illustrātur intrā, ut quæ dā proferenda dininorū mysteria videant, & in actibus humanis non tantū se, sed alios quoque dirigere queant. Vnde Apostolus: Sapientiam (inquit) loquimur inter perfectos. & denuo: Alij datur per spiritum sermo sapientiæ Nec istud cōmune est oīb⁹, sed potius pertinet ad gratias gratis datas.

2. ¶ At verò septima beatitudo, quæ est Beati pacifici, dono sapientiæ adaptatur tam quo ad meritum, quā quo ad præmium. Meritum enim ponitur cum dicitur: Beati pacifici, id est pacem facientes, vel in se aut in aliis. Quod fit per hoc quod ea in quibus pax consistit, ad debitum ordinem referuntur, cum pax sit tranquillitas ordinis, ordinare autem est actus sapientiæ. Porro ad præmium pertinet, quod dicitur: Quoniam filij dei vocabuntur. Homines enim dicuntur filij dei, inquantum similitudinem vnigeniti naturalisq; filii participant, sicut ait Apostolus: Quos præsciuit conformes fieri imaginis filij sui, sed filius Dei est sapientia genita. Ideoque participando sapientiam, homo ad dei filiationem pertingit.

¶ Quod stultitia opponitur sapientiæ. 2. An sit peccatum  
3. De quo capitali vitio oriatur. Articulus 93

**S** Tultitia denique est quædam mentis hebetudo & obtusio sensuum, fatuitas autem est mæra spiritualis sensus priuatio. Cum ergo sapiētia à sapore dicatur, quia per eam fit homo idoneus ad dinoscentiam rerum atque causarum, constat quod stultitia opponatur sapientiæ, fatuitas quoque eidem opponitur tanquam pura priuatio.

2. ¶ Sciendū præterea, quod stultitia aliquando inest ex naturali dispositione seu causa, ut in amentibus, & tunc non est peccatum. Interdum verò ex immersione sensuum in terrenis, per quam fit homo ad diuina stupidus atque insipidus, sicut ait Apostolus: Animalis homo non percipit, ea quæ sunt spiritus Dei. Quemadmodum etiam habenti gustum infectū dulcia videntur amara. Et hæc stultitia est peccatum.

3. ¶ Innotescit proinde, quod per luxuriam cor in terrenis potissimè mergitur ac hebetatur, & ergo (secundum Gregoriū) Stultitia ponitur filia luxuriæ. Frequenter tamē oritur ex ira quoniam ira sua acuitate corporis naturam immutat, & ad veritatis contemplationem inhabilem reddit mentem.

¶ De uirtutibus cardinalibus, & primo de prudentia. 1. De subiecto prudentiæ 2. Et an sit cognoscitiua singularium.

An sit uirtus specialis. Articulus. 96.

**E**st autem (secundum Augustinum) prudentia cognitio rerum appetendarum & fugiendarum, & secundum Isidorum dicitur prudens quasi procul videns, Ideoque prudentiæ subiectum est ratio. Prudens namque considerat ea quæ procul sunt, inquantum per ea adiuuatur in his, quæ sunt vel principaliter vel præsentialiter agenda. Vnde ea quæ prudentia considerat, ordinantur ad aliud tãquam in finem. Sed eorum quæ sunt ad finem est consilium in ratione, electio uero in appetitu inter quæ consiliũ magis ad prudentiam pertinet. Nam Philosophus sexto Ethicorum dicit: Prudens est bene consiliatiuus. Quoniam tamẽ electio præsupponit consilium, cum sit appetitus preconiliari, ut 1. Ethicorum habetur: ideo etiam eligere potest ascribi prudentiæ ex consequenti, secundum quod prudentia per consilium dirigit electionem. Ex his insuper, constat, quod prudentia est in ratione practica, & non speculatiua. Prudentis namque est bene consiliari, sed consilium est eorum quæ per nos fieri possunt in ordine ad aliquem finem. Talium uero est ratio practica. Propterea. 6. Ethicorum ait Philosophus Prudentia est recta ratio rerum agibilium, quod ad practicã pertinere rationem palam est, quia finis eius est praxis. Veruntamen nomen prudentiæ quandoque communius sumitur ab Ambrosio & Tullio, & etiam in scripturis. uidelicet pro qualibet cognitione humana.

2. ¶ Præterea, cum prudentiæ sit applicare considerationem communem ad opus: ideo prudentia est singularium cognoscitiua, quia actiones & passionis sunt circa singularia: tamen prudentia cum sit in ratione, quæ semper est uersaliũ, primitus est circa communia. Deinde quasi per reflectionem est singularium, unde tertio de anima dicitur, quod intellectus per reflectionem, ad materiam se extendit. Et quoniam singularia sunt inderterminata, ideo incertæ sunt prudentiæ nostræ ut Sapientiæ nono habetur. Nihilominus singularia ad aliqua finita reduci possunt, quæ ut frequentiùs accidunt, quorum cognitio sufficit ad certitudinem humane prudentiæ.

3. ¶ Deniq; uirtus est, quæ bonũ facit habet, & opus eius bo

nū reddit. Sed dupliciter aliquid dicitur bonum, materialiter scilicet vt pote quia est res bona: & formaliter, id est secundū rationem boni. Bonum autē formaliter dictum est obiectum appetitiuæ potentiæ. Habitus ergo, qui faciunt rectā confide rationem rationis, non habendo respectum ad rectitudinem appetitus, minus habent de ratione virtutis, quia non ordinant nisi ad bonum materialiter sumptum. Sed habitus respecientes bonum sub ratione boni formaliter, plus vtique de ratione virtutis fortiuntur. Cum ergo ad prudentiam pertineat applicare actum rationis ad opus, quod sine certitudine appetitus fieri nequit: ideo prudentia est virtus, non iam duntaxat sicut cæteræ virtutes intellectuales, sed etiam sicut virtutes morales. Et ergo connumeratur vtrisque.

¶ Dicit autem Philosophus, quod artis est virtus, quia videlicet ad hoc quod aliquis recte vtatur arte, requiritur virtus, quæ rectum faciat appetitum.

¶ At verò actus & habitus, speciem ex obiecto recipiunt, vnde habitus habēs speciale obiectum dicitur specialis, quod si fuerit bonus, vocatur virtus specialis. Sed obiectū dicitur speciale dupliciter. Primo secundum materialem distinctionem. secundo & magis propriè, secundū rationem formale. Nā vna res secundum diuersam rationē, sub diuersis habitibus atque potentiis cadit. Maior autē exigitur diuersitas obiecti ad diuersitatem potentiæ quàm habitus, quia plures habitus in vna potentia esse possunt: & ergo diuersitas, quæ causat diuersitatem potentiæ, multò ampliùs diuersificat habitum. Cum ergo prudentia sit in ratione, à cæteris habitibus intellectualibus diuersificatur secundum materialem obiectum differentiam. Nam sapientia, sciētia, & intellectus sunt circa necessaria: ars autem & prudentia sunt circa contingentia. Sed ars est circa factibilia, quæ scilicet in exteriori materia fiunt: prudentia verò circa agibilia, vt pote quæ in ipso operante consistunt, vt sunt actus humani immanentes.

¶ Porro à virtutibus moralibus distinguitur prudentia secundum rationē formale potentiarū distinctionē, vtz intellectus & appetitus. Nam prudentia est in intellectu, virtutes autem morales in appetitu. Ideo prudentia ab omnibus virtutibus difert. Ponitur tamen prudentia in definitione virtutis moralis. Quia sicut appetitus sensitius est subiectū virtutis moralis, in quantum aliquid rationis participat: sic virtutes mo-

D. DIONYSII CARTHUSIANI

rales, quæ in ipso, scilicet appetitu sunt, habent rationem virtutis secundum quod intellectualem virtutem participant.

**¶** Quod prudentiæ non sit præstituire finem, sed medium in uirtutibus moralibus 2. Quod præcipere sit actus prudentiæ 3. Quod etiam ad prudentiam pertinet sollicitudo 4.

Vtrum se extendat ad regimen multitudinis.

Articulus 97.

**F**inis proinde virtutum moralium est bonum humanum, bonum verò humanum (secundum Dionysium quarto capitulo de diuinis nominibus) est esse secundum rationem humanam. Ideo fines virtutum moralium, in ratione præexistunt. Quemadmodum autem in ratione speculatiuæ sunt quædam principia per se nota, quorum est intellectus, & aliqua quæ ex ipsis principiis innotescunt, vt sunt conclusiones quorum est scientia: ita in ratione practica præexistunt quædam tanquam principia naturaliter nota, quorum est synteresis: & hæc sunt fines virtutum moralium. Alia verò tanquam conclusiones deducuntur ex eis, & hæc sunt media ordinata ad finem, in quorum notitiam deuenimus ex finibus: quia sicut se habet principium in speculatiuis sic se habet finis in agilibus. Horum verò est prudentia, applicans vniuersalia principia operabilium ad determinatas materias. Ideoque prudentiæ est disponere de his, quæ sunt ad finem virtutum moralium, non autem virtutibus moralibus præstituire finem. Vnde elucescit, quod ad prudentiam spectet inuenire medium in virtutibus moralibus. Cuiuslibet enim virtutis moralis finis est, rationem in rectitudine confirmare: sicut temperantia in hoc ordinatur, ne propter concupiscētias homo à ratione abscedat. Et hic finis præstitutus est homini secundum naturalem rationem, ratio enim naturalis vnicuique dicat vt secundum rationem agat, sed qualiter atque per quæ media, homo medium attingere possit rationis, ad dispositionem prudentiæ pertinet. Nam quanuis attingere medium sit finis virtutum moralium, hoc tamen medium inuenitur per rectam dispositionem eorum, quæ sunt ad finem, quod ad prudentiam attinet, quæ ex experimentis circa finem



gularia moderatè versatur ipsa in passionibus ac operationibus constituit medium.

2 ¶ Præterea, cum prudentia sit recta ratio agibilium, ille est præcipuus actus prudentiæ, qui est principalis actus rationis practicæ agibilium, cuius utique triplex est actus. Primus est consiliari, quod pertinet ad inuentionem: nam consiliari est quærere. Secundus actus est de inuentis iudicare, quod facit ratio speculatiua. Sed quoniam ratio practica ordinatur ad opus, ideo tertius sequitur actus, qui est præcipere, quod facit prudentia, dum cõsiliata & iudicata applicat operi. Hic quoque est principalis actus rationis practicæ, & per consequens prudentiæ, cuius signum ponit Philosophus Sexto Ethicorum, quia perfectio artis consistit in iudicando, non autem in operando. Ideo reputatur melior artifex qui in arte peccat volens quàm nolens: ut pote rectum iudicium habens. In prudentia autem contrario modo est. Et licet mouere sit actus voluntatis, tamen quia præcipere est motio cum quadam ordinatione, pertinere potest ad rationem.

3 ¶ Insuper (ut Isidorus docet) sollicitus dicitur quasi solers, prout scilicet ex solertia animi sit homo velox ad persequendum agenda. Præsertim de præconsiliatis & iudicatis: Nam secundum Philosophum sexto Ethicorum, Oportet qui dem tarde consiliari, velociter autem consiliata operari, et sollicitudo ad prudentiam propriè pertinet, propter quod Augustinus ait, Prudentiæ sunt excubiæ atque vigilantissima custodia, ne repenti mala paulatim suasionem fallamur. Vnde Petrus: Estote prudentes, & vigilate in orationibus. Sollicitudo itaque seu vigilantia, ad prudentiam respicit. Dicit autem philosophus, quod magnanimus est ociosus & piger, cui sollicitudo opponitur, non quod magnanimus de nullo sollicitus sit, sed quoniam non est superflue sollicitus: est enim magis confidens & minus formidans, & ergo minus sollicitus, nisi prout ratio requirit in magnis negotiis.

4 ¶ Amplius autem, ut refert Aristoteles, quidam ponebāt prudentiam non esse nisi circa proprium regimen, quia opinabantur hominem non debere curare bonum commune. Sed hoc charitati repugnat, quæ non quærit quæ sua sunt: & rectæ rationi, quæ priuato bono præfert bonum commune. Vnde Valerius Maximus dicit, quod antiqui Romani malebant esse pauperes sub diuiti imperio, quàm diuites sub imperio

paupere. Igitur quia pertinet ad prudentiam rectè consiliari, iudicare, atque præcipere de ordinandis in finem, constat quod etiam prudentia se ad bonum commune extendit. Vnde sicut omnis virtus moralis ad bonum commune relata, nominatur legalis iustitia: sic prudentia relata ad bonum commune, iustitia appellatur politica. At verò qui quærit bonum commune, quærit etiam proprium bonum, cum sit ipse pars communis. Et secundum Augustinum libro confessionum, turpis est omnis pars, quæ non congruit suo toti.

¶ De speciebus prudentiæ 2. Vtrum prudentia sit etiam in subditis 3. An inueniatur in hominibus malis.

Articulus 98.

**S**pecies verò habituum ex formali distinctione obiectorum accipitur. Ratio autem formalis eorum quæ sunt ad finem, sumitur ex parte finis. Ideoque ex relatione ad diuersos fines, attenditur specifica distinctio habituum. Cum ergo diuersa sit ratio boni proprii, bonique domus, seu familiæ, & boni ciuitatis seu regni: alia est prudentia simpliciter dicta, quæ scilicet respicit proprium bonum: & alia œconomica quæ spectat ad bonum domus: atque alia politica, quæ ordinatur ad bonum ciuitatis.

¶ Dicit autem Aristoteles tertio Politicorum, quod eadem est virtus boni viri, & boni principis, quia videlicet ad bonum virum pertinet non tantum posse subiici, sed etiam principari: & sic in virtute boni viri, virtus principis est inclusa.

¶ Aduertendum quoque, quod etiam fines, quorum vnus ordinatur ad alium, diuersificant speciem habitus: sicut equestris & militaris atque civilis specie differunt, licet finis vnus ordinetur ad finem alterius. Et simile est de bono proprio, quod ordinatur ad bonum commune.

2 ¶ Præterea, prudentia est in ratione, cuius est proprium gubernare & regere, vnde in tantum conuenit alicui ratio prudentiæ, quantum participat de gubernatione. Cum ergo seruis & subditis in quantum huiusmodi non competat gubernare, sed gubernari: ideo prudentia non est virtus serui nec subditi in quantum huiusmodi. Quia tamen omnis homo in quantum rationalis, habet aliquid de regimine secundum arbitrium rationis: ideo in tantum conuenit ei habere pruden-

tiam, in quantum regit seipsum in quibusdam: propterea prudentia est in principe per modum artis architectonicæ, in subditis verò per modum artis subseruentis. Adhuc autem, secundum Philosophum, seruo non competit consiliari aut præcipere subditis, consiliari verò atque præcipere sunt actus prudentiæ, & ergo prudentia non est virtus serui aut subditi secundum quod tales sunt: tamen ut sunt animal rationale, præcipere consiliarique possunt saltem sibimetipsis.

3 ¶ Denique prudentia triplex est scilicet falsa, quæ ad finem malum sua media conuenienter disponit, quam Christus dicit inesse filiis huius seculi, & de qua ait Aposto. Prudentia carnis mors est. Alia est prudentia vera sed imperfecta, quæ videlicet respicit finem vitæ humanæ non omnibus communem, sed particularem: ut est prudentia negotiatoris, vel nauatæ. Tertia est prudentia perfecta & vera quæ ad bonum finem totius vitæ humanæ bene consiliatur, iubet & iudicat, & hæc est prudentia simpliciter dicta, nec in peccatoribus esse potest: dicit namque Philosophus sexto Ethicorum. Impossibile est prudentem non esse bonum. Prima autem est in solis peccatoribus. Secunda quoque communis est bonis & malis.

¶ Præterea, quanuis fides sit præstantior prudentia, potest tamen fides sine virtutibus haberi: & non prudentia quia fides in sola in cognitione consistit, prudentia verò ordinem denotat ad appetitum rectum. Primo, quia principia prudentiæ sunt fines operabiliū, de quibus habetur recta æstimatio per habitus virtutum moralium, appetitum facientium rectum. Ideoque prudentia sine virtutibus moralibus esse non potest. Secundo, quia prudentiæ est opera recta præcipere, quod sine recto appetitu effici nequit. Et quanuis mali possint esse consiliatiui ad aliquem finem malum, vel ad particulare bonum: tamen ad finem bonum totius vitæ non sunt perfecte bene consiliatiui, quoniam consilium ad effectum non perducunt & ergo in eis non est prudentia, quæ se habet solum ad bonum, sed ut ait Philosophus sex. Ethic. est in ipsis dei notitia, id est, naturalis industria, quæ se habet ad bonum & malum: vel astutia, quæ se habet solum ad malum, quæ est prudentia carnis, seu seculi.

¶ Vtrum prudentia insit omnibus gratiam habentibus

2. Quomodo insit à natura 3. De modo amittendi prudentiam. Articulus 99.

**V**irtutes præterea eatenus sunt connexæ, vt vna sine alia haberi non valeat, quicumque autem habet etiam charitatem: & per consequens omnes virtutes atque prudentiam. Vnde cum ad prudentiam requiratur industria prouidendi circa agenda & cauenda: ista industria omnibus conuenit gratiam habentibus secundum aliquem gradum, prout saluti necessarium est, vt sciant sibi vt eūque prouidere, & ergo de vniuersis gratiam habentibus dicitur: Vñtio docet vos de omnibus, ad salutem videlicet requisiti, nam & si alieno consilio regi egent, in hoc saltem sibi prouident si gratiam habent, vt aliorum requirant consilium. Alia verò industria est, quā quis sibi & aliis non solum de necessariis, sed etiam de aliis ad vitam humanam spectantibus consulere potest, & ista non omnibus datur.

¶ Dicit autem Philosophus, q̄ iuuenes non sunt prudentes quod utique de prudentia acquisita sumendum est, illa namque experimento & tempore indiget. Prudentia verò gratuita, ex infusione diuina causatur, & est in baptizatis infantibus secundum habitum, sicut in amentibus. In habentibus verò vsum rationis, meretur ista prudentia augmentum secundum exercitium hominis, quoadusque perficiatur sicut & reliquæ virtutes.

2 ¶ Præterea secundum præhabita prudentiæ est, vniuersalem cognitionē ad particularia agenda applicare: quantum ergo ad vniuersalem cognitionem, sic prima principia prudentiæ naturaliter insunt & patēt: quemadmodum speculatiuarum scientiarum principia. Sed secundum Philosophum, principia prudentiæ sunt nobis magis connaturalia eo q̄ speculatiua vita sit supra hominem. Principia autem posteriora per inuentionem habentur, quantum autem ad particularem notitiam eorum, circa quæ prudentia est, distinguendum est: nam operatio est tam circa finem quā circa media ad finē. Fines autem recti humanæ vitæ, sunt determinati: & ideo respectu eorum potest esse inclinatio naturalis, quia aliqui ex naturali dispositione virtutes quasdam habent, per quas ad rectos fines inclinantur, & per consequens de eisdem finibus rectum iudicium naturaliter sortiuntur.

¶ Porro ea quæ sunt ad finem in rebus humanis, determinata non sunt, sed iuxta varietatem personarum & negotiorum diuersificantur. Ideoque respectu eorum, non habet homo

cognitionem naturalem, sed experimentalem: quanuis vnus ex naturali dispositione sit aptior ad talia discernenda quàm alius, vnde quia prudentia non est circa fines, sed circa ordinata ad finem, ideo non est naturalis.

¶ Insuper aduertendum, quod obliuio respicit cognitionem tantummodo, vnde habitus omnino intellectuales, vt ars & scientia, per solam obliuionem possunt amitti: quia secundum Philosophum secundo Ethicorum, habitus ex eisdem (tamen contrario modo factis) generatur atque corrumpitur. Quia igitur dictum est, quod prudentia ex sua ratione rectitudinem appetitus respicit, & eius est præcipere & applicare notitiam ad agenda, ideo magis per passionem quàm obliuionem corrumpitur, vnde secundum Philosophum, delectabile & triste peruertunt æstimationem prudentiæ: & iterum ait, quod obliuio est artis & non prudentiæ. Nihilominus potest obliuio impedire prudentiam, secundum quod actus prudentiæ ex cognitione procedit.

¶ De partibus prudentiæ. Articulus 100.

**T**Vllius autem secundo Rhetorice tres ponit partes prudentiæ, scilicet memoriam, intelligentiam, & prouidentiam. Macrobius verò secundum Plotini sententiam ponit sex, videlicet rationem, intellectum, circumspectionem, prouidentiam, docilitatem, & cautionem. Alij verò aliter assignant partes prudentiæ. Pro quorum concordia aduertendum, quod triplex est pars, vt pote integralis vt paries & tectum sunt partes domus. Subiectiua, vt homo & equus, sunt partes animalis. Potestatiua, quemadmodum vegetatiuum ac sensitium partes sunt animæ. Tripliciter itaq; assignari possunt partes virtutibus. Vno modo secundum similitudinem integralium partium. Et sic dicuntur partes integrales virtutis, quæ necesse est concurrere ad perfectum actum virtutis, & sic sunt octo partes prudentiæ, quarum sex ponit Macrobius (vt nunc patuit) quibus addenda est memoria, quam ponit Tullius, & Eustochia seu solertia, quam Aristoteles ponit. Nam ad prudentiam, in quantum est cognoscitiua, quandoque concurrunt memoria, ratio, intellectus, docilitas, atque solertia. Tria quoque ad prudentiam pertinent prout est præceptiua, applicando agnitionem ad opus, vide-

licet providentia, circumspectio, cautio, quorum distinctio sumitur penes tria, quæ circa cognitionem attenduntur. Quorum prima est ipsa substantia cognitionis, quæ si sit præteritum, est memoria: si præsentium, est intellectus. Secundo consideratur circa cognitionem eius acquisitio, quæ fit vel per disciplinam, & ad hoc pertinet docilitas, vel per inventionem, ad quam eustochia pertinet, quæ est bona coniecturatio, cuius est solertia pars, quæ est bona coniecturatio medij, ut sexto Ethicorum habetur, & primo Posteriorum. Tertio consideratur usus rationis, qui in prudentia est præcipere, & hic ad rationem pertinet. Ratio autem, quatenus rectè præcipiat, tria habere debet. Primo ut ad finem ordinet accommodum aliquid, quod ad providentiam spectat. Secundo attendere debet circumstantias rei, quod circumspectionis est. Tertio ut impedimenta devitet, quod ad cautionem est pertinens. Porro partes subiectivæ virtutum, dicuntur species diversæ ipsarum & ita species prudentiæ sunt, prudentia quâ quis regit seipsum, & prudentia quâ quis regit multitudinem, quæ in diversas species dividitur, secundum varias species multitudinis, scilicet in militarem, quæ est respectiva exercitus, in æconomicam, quæ regit familiam, & in eam quæ regit civitatem aut regnum. Sumendo autem prudentiam large, secundum quod etiam scientiam speculativam includit, sic Dialectica, Rhetorica, & Physica partes eius ponuntur. Denique partes potentiales virtutis, sunt virtutes adiunctæ, quæ ordinantur ad secundarios actus, siue materias, tanquam non habentes totam potentiam principalis virtutis. Et sic partes prudentiæ sunt, cubilia, quæ est circa consilium, synesis, quæ est circa iudicium eorum, in quibus quandoque oportet à communi lege recedere, providentia autem est circa principalem actum prudentiæ, qui est præcipere.

**¶** Qualiter memoria sit pars integralis prudentiæ 2.

Qualiter intelligentia 3. Qualiter docilitas 4.

Qualiter solertia. Articulus 101.

**E**st insuper (secundum præhabita) prudentia circa contingentia operabilia, scilicet actus humanos, in quibus homo dirigi nequit per necessaria, sed per ea quæ in pluribus accidunt. Sed quæ sint illa, quæ ut in pluri

bus accidunt, per experimentū scire oportet. Experimentum verò ex multis memoriis sumitur. Quia ergo ad prudentiam oportet multorum habere memoriam. Ideo memoria est pars integralis prudentiæ, tanquā ad perfectum eius actum necessario requisita. Sunt autem quatuor, per quæ homo bonam de rebus agnitis memoriam habet. Primo, ut memorandorum quasdam similitudines sibi accipiat, non multum consuetas sed raras. Quia insolita magis miramur, & per hoc fortius animus in eis detinetur. Et ergo quæ in pueritia vidimus, tenacius recordamur. Secundo oportet, ut homo in sua consideratione ordinate ea disponat, quorum memoriam habere intendit, quatenus ex vno memorato ad aliud facilius procedatur. Vnde secundum Philosophum, à loco reninisci videmur. Tercio oportet ut sollicitudo & affectus adhibeantur his, quorum quis vult memorari, quoniam, secundum Tullium, sollicitudo conseruat integros simulachrorum figuras. Quarto oportet de memorandis meditari frequenter, nam secundum Aristotelem, meditationes saluant memoriam, cum consuetudo sit quasi altera natura. At verò quia ex præteritis argumentum accipere oportet de futuris, propterea memoria necessaria est ad consiliandum de futuris.

2 ¶ Deniq; intellectus in quantum est pars prudentiæ, non est intellectiua potentia, sed quædā recta existimatio alicuius extremi principij, quod sumitur tanquā per se notum, sic nepe prima principia intelligere dicimur. Omnis autē rōnis deductio procedit ab aliquo principio per se noto. Ergo & actus rationis ab intellectu procedet. Cū itaq; prudentia sit recta rō agibilium, oportet totū processum ipsius ab intellectu derivari. Et ob hoc est intellectus pars prudentiæ. Non tamen sumitur hic intellectus ut est virtus intellectuālis, videlicet pro habitu principiorum, qui est cognoscitiuus vniuersalium, sicut quod nulli est malefaciendum, sed pro recta æstimatione de particulari aliquo fine. Intellectus quoque est donum sancti spiritus, prout accipitur pro quadam perspectione acuta diuinorum.

3 ¶ Insuper cum prudentia sit circa particularia operabilia in quib⁹ sunt tot diuersitates quod ab vno de facili, neque in breui omnes considerari possunt: ideo in his, quæ prudentiæ sunt, maximè indiget homo ab alijs instrui: præsertim à senibus expertis. Nam secundum Philosophum sexto Ethico-



rum, oportet attendere expertorum & seniorum, & prudentium in demonstrabilibus, enuntiationibus & opinionibus, non minus quàm demonstrationibus. Cum ergo ad docilitatem pertineat, ut sit homo per eam disciplina bene susceptivus: ideo est pars prudentiæ. Et quanvis ad omnem virtutem intellectualem utilis sit, potissimè tamen ad prudentiam: licet etiam aliquibus insit quodammodo à natura: tamen ad eius consummationem plurimùm confert studium hominis, dum scilicet animum suum solícite, reuerenter atque frequenter applicat documentis maiorum, non negligens ea propter ignaviam, neque contemnens propter superbiam.

4 ¶ Porro cum providentiæ sit rectam habere æstimationem de agendis, ideo sicut docilitas est pars prudentiæ, secundum quod homo bene se habet acquirendo hanc æstimationem, per maiorum doctrinam: ita solertia est pars prudentiæ, in quantum homo bene se habet acquirendo æstimationem prædictam per propriam inventionem. Nam dupliciter aliquid agnoscimus, videlicet addiscendo, & inveniendo. Et accipitur hic solertia pro eustochia, cuius est pars. Eustochia namque est bene coniecturativa de quibuscunque. Solertia verò est prompta & facilis coniecturatio circa inventionem medijs, siue in demonstratiuis, siue in operatiuis. Talis autem propria coniecturatio, ad prudentiam necessaria est, potissimè dum aliquid ex improviso occurrit.

¶ *Quomodo ratio sit pars prudentiæ 2. Quomodo providentia 3. Quomodo circumspectio 4. Quomodo cautio. Articulus 102.*

**R**atio quoque prudentiæ pars est sumendo eam non pro naturali potentia, sed pro bono usu rationis. Ad prudentiam enim spectat bene consiliari, consilium verò est inquisitio de vno in aliud procedens: hoc autem est opus rationis, cuius est discursuum esse. Ratio enim imperfectionem includit, & defectum intellectus. Nam in quibus vis intellectiva plenarie viget, ratione non egent neque discursu, sed ipsam veritatem simplici certunt intuitu, ut deus & angelus: hominis verò est proprium ex noti notitia, ad ignoti agnitionem transire.

2 ¶ Denique cum opus prudentiæ sit, media in finem ad ip

sum finem debitè ordinare: ideo providentia est potissima pars prudentiæ. Quavis enim divinæ dispensationi subiiciantur ordinata ad finem, licet necessaria sint vitæ humanæ, tamen prudentiæ subduntur solùm operabilia contingentia. Præterita verò, itemque præsentia, inquantum huiusmodi, necessitatem aliquam habent. Nam quæ fuerunt, & sic sunt, necesse est fuisse, vel esse, formaliter loquendo.

¶ Ideoque contingentia futura, prout sunt ad finem vitæ humanæ ordinabilia, humanæ subduntur prudentiæ. Et quia hoc ad providentiam pertinet, scilicet de futuris ex præteritis præsentibusque disponere: ideo est providentia pars prudentiæ, & quia necesse est inter multa, quæ ad vnum ordinantur, ordinem esse, atque in omni toto esse vnam principalissimam partem, à qua totum vnitatem sortitur, ideo providentia est dignior pars prudentiæ, & ab ea nomen prudentiæ sumptum est.

3 ¶ Præterea ponitur etiam circumspectio pars prudentiæ, cuius est considerare bonitatem finis prudentiæ, non solùm secundum se, sed secundum debitas circumstantias. Cùm enim prudentia sit circa operabilia particularia, in illis potest aliquid secundum se esse bonum, quod tamen bonum non est ex circumstantia, quoniam in particularibus multa concurrunt, quemadmodum dilecto ostendere signa amoris in se bonum est: tamen si inde oriatur ei suspitio adulationis, aut motus superbiæ, non esset hoc ad finem charitatis: ideo circumspectio ad prudentiam exigitur, quâ homo id quod ordinatur in finem, compareret cum his quæ actum circumstant, considerando an pensatis circumstantiis sit ad finem accommodum.

4 ¶ Porro, quoniam in operandis particularibus, circa quæ versatur prudentia, commiscetur verum falso, & bonum malo: propter singularem multiformitatem, in quibus bona sæpe impediuntur à malis, mala speciem boni sibi assumunt, propterea cautio quoque requiritur, quatenus sic accipiantur bona, quod mala vitentur. Ideo cautio prudentiæ pars est. Pertinet namque ad cautionem, impedimenta extrinseca deuitare. Non tamen possunt in singulari omnes impedimentales occurfus circa actum prudentiæ per cautionem vitari, cùm sint indeterminati, & ratione comprehendendi non valeant. Sed de his quæ ut sapius accidunt, cautio adhibetur, ne in ipsis defectus præpediat finem prudentiæ.

# D. DIONYSII CARTHYSIANI

¶ De partibus subiectiuis prudentiæ, quibus  
multitudo gubernatur 1. De prudentia  
legispositiua 2. De politica 3.  
De œconomica 4. De mili  
tari. Articulus. 103.

**Q**uoniam autem ad prudentiam spectat regere atque præcipere: ideo necesse est illic esse specialem speciem prudentiæ, ubi in actibus humanis consistit specialis ratio regiminis & præcepti. In eo autem qui communitatem ciuitatis vel regni gubernat, inuenitur specialis & perfectissima regiminis ratio, quia tale regimen est vniuersalius, & communiorem ac meliorem finem attingit. Et ergo prudentia, quæ conuenit regi, cuius est ciuitatem vel regnum regere, specialis est virtus, & dicitur regitiua, vel secundum philosophum, legispositiua. Quoniam condere leges est principalis actus eius, & solis regibus propriè conuenit: aliis verò in quantum aliquid de regali proprietate participant. Ad rectorem autem duæ virtutes, videlicet prudentia & iustitia, maximè pertinent. Dicit enim Philosophus quinto Ethicorum: Princeps custos est iusti. Et quia inter quinque politias regnum est optimum, ideo à regno ista prudentia nominatur, includuntur tamen in regno alia politia bonæ.

2 ¶ Præterea, quamuis serui & subditi mouentur secundum superioris imperium, non tamen omnino sicut inanimata, sed sunt etiam propter rationis arbitrium aliquo modo domini actuum suorum: & non solum aguntur, vt naturalia, sed etiam agunt. Propterea est in ipsis quædam rectitudo regiminis, qua semetipsos dirigunt principantibus obediendo. Quod ad speciem prudentiæ, quæ politica dicitur, pertinet. Et est secunda species prudentiæ, conueniens subditis, quæ se habet ad prudentiam principis sicut ars manuoperans ad artem architectonicam.

3 ¶ Insuper quia domus vel familia est medium inter vnā personam, ciuitatem, & regnū: ideo tertio ponitur prudentia œconomica, inter prudentiam communiter dictam, quæ est virtus rectiua, & politicam media est, & ab vtrisque distincta. Nam ratio obiecti diuersificata secundum vniuersale & particulare, aut secundum totum & partes, diuersificat virtu-

tes & artes, & secundum talem diuersitatem est vna principa-  
lis respectu alterius.

4. ¶ Præterea, sicut natura tendit ad duo, videlicet vt regat-  
rem in seipsa, & secundo vt vnunquodque resistat corrupti-  
uis & impugnantibus: Vnde etiam animalibus dedit vim con-  
cupiscibilem quo ad primum, & irascibilem quo ad secundū  
conformiter in his, quæ sunt secundum rationem, non tantū  
requiritur prudentia politica, qua bonum commune in seip-  
so disponatur, sed insuper militaris, per quam hostium insul-  
tus repellantur. Et quannis militiae executio ad fortitudinē  
spectet, tamen directio eius & præsertim inducere ipsum ex-  
ercitum, ad prudentiam pertinet. Et sic ponitur quarta spe-  
cies prudentiæ.

¶ De partibus potentialibus prudentiæ, sci-  
licet virtutibus sibi adiunctis, quæ  
sunt. 1. Eubulia. 2. Syne-  
sis. 3. Gnomin. Ar-  
ticulus. 104.

**P**orro eubulia est virtus humana, quoniam actum  
hominis, qui est consiliari, bonum facit. Importat e-  
nim eubulia bonitatem cōsiliij. Et dicitur ab eu quod  
est bonum, & buli consilium, quasi bene consiliatiua  
de his que ad vitam spectant humanam, scilicet practicam,  
nam speculatiua vita est diuina & super hominem secundum  
philosophum. Vnde, 6 Ethico. dicitur, quod eubulia est recti-  
tudo cōsiliij rationem perficiens. Et etiam virtus specialis cō-  
distincta prudentiæ. Nā cū virtus ordinetur ad propriū actū  
oportet secundum differentiam actū eē distinctionē virtutū  
præsertim dum non est eadem ratio bonitatis in actibus. Si  
enim essent vna ratio bonitatis in actibus, ad eandē pertine-  
rent virtutē: quemadmodum amor, desiderium, & gaudiū ex  
vna charitate causantur. Actus autē rationis ad opus ordi-  
nari diuersi sunt, neque eandem rationem bonitatis habent:  
ex alio nanque fit homo bene consiliatiuus, & ex alio bene  
iudicatiuus, atque ex alio bene præceptiuus. Quod hinc  
patet, quia hæc in quibusdam separantur. Ideoque eubu-  
lia cuius est bene consiliatiuum esse, à prudentia, cuius est  
præcipere, differt. Sed sicut consiliari ordinatur ad præcipe

re, sic eubulia ad prudentiam, sine qua virtus non esset: quæ admodum nec virtutes morales sine prudentia essent virtutes, nec aliqua sine charitate. Veruntamen (secundum prætaçta) ad prudentiam pertinet consiliari, sed imperatiuè, ad eubuliam autem elicituè.

¶ Præterea, sicut eubulia est rectitudo consilij: sic synesis est rectitudo seu bonitas iudicij id est virtus per quam quis bene iudicatiuus efficitur. Cum ergo iudicium sit perfectius quàm consilium, sequitur quod synesis virt<sup>9</sup> etiam perfectior quàm eubulia, atque ab aliis distincta, quia (vt dictum est) alia est ratio bonitatis consilij & iudicij. Ideoque sicut diuersi sunt actus, sic diuersificantur virtutes. Multi quippe sunt bene consiliatiui, qui non sunt rectè iudicatiui seu bene sensati. Sicut in speculatiuis quorundam ratio est bene inquisitiua propter dispositionem imaginatiuæ potentiæ, quæ diuersa fantasmata formare facilius potest, quorum intellectus nõ est bene iudicatiuus propter indispositionem sensus communis, cuius ineptitudo intellectum potissimè impedit. Rectitudo demum synesis non est circa speculabilia, sed de his quæ ad prudentiam pertinent.

¶ Et quidam naturaliter dispositi sunt ad actum huius virtutis, sed ex exercitio, vel gratia, actus redduntur perfecti & virtus completa.

3. ¶ At verò gnomin virtus est bene iudicatiua de his, in quibus oportet quandoque à communi lege recedere, vt quod impugnatori patriæ non est reddendum depositum. Et ideo gnomin est distincta à synesi, sicut sapientia, à scientia, quoniam altiora principia considerat quàm synesis. Eamque quæ præter communem legem sunt, oportet in altiores causas reducere, quàm quæ iuxta communem cursum aguntur: quemadmodum de monstruosis defectibus patet. Gnomini igitur importat perspicacitatem iudicij, & ex propriis principiis procedit. Et per eam homo iudicat, quando aliquid in consueti modo agendum est. Et quauis circa actum consiliandi sit vna virtus, quæ eubulia dicitur: tamen circa iudicium sunt duæ virtutes. Consilium enim, cum sit inquisitio, ex communibus fit. Sed Dialectica, quæ inquisitiua est, ex communibus procedit principiis.

¶ Iudicium verò ex propriis fieri debet, quemadmodum scientia demonstratiua, quoniam iudicatiua est, procedit ex pro-

SVMMAE FIDEI ORTHOD. LIB.III. 77.  
priis. Et igitur synesis & gnomin ex propriis fiunt principijs,  
& incondistinctæ sunt.

¶ Quod consilium est donum spiritussancti. 2. Quod  
correspondeat uirtuti prudentiæ. 3. Vtrum ma-  
neat in patria. 4. Quæ etiam beatitudo ei  
respondeat. Articulus. 10j.

**D**ona autem spiritussancti (vt dictum est) dispositio-  
nes quædam sunt, quibus efficitur anima bene mobi-  
lis à spiritus sancto, quia (secundum Gregorium) do-  
na præstantur in adiutorium. Deus autem mouet v-  
nunquodque secundum propriam naturam. Cum ergo ratio  
nali creaturæ proprium sit per inquisitionem ad veritatis a-  
gnitionem moueri, quæ inquisitio consilium dicitur: ideo  
spiritus sanctus per modum consilii mouet rationalem crea-  
turam in inquirendo, quod verum & bonum est. Propter  
quod inter dona spiritussancti consilium ponitur. Licet enim  
prudentia vel eubulia, siue sit acquisita siue infusa, hominem  
dirigat inquisitione consilij, secundum ea quæ homo com-  
prehendere valet, vt vel sibi aut alijs sit bene consiliatius  
quia tamen homo considerare non potest omnia singularia  
ac contingentia, quæ occurrere possunt, præsertim cum co-  
gitationes mortalium sint timidæ, & incertæ prouidentia  
nostræ: propterea indiget homo inquisitione consilij dirigi à  
spiritus sancto omnia cognoscente. Quod sit dono consilij  
tanquam consilio à deo accepto: quemadmodum etiam mi-  
nus sagaces à sapientibus consilium quærunt. Omnes quoq;  
qui in gratia sunt, donum consilij habent, quo ad ea quæ sa-  
luti propriæ necessaria sunt. Aliquibus verò datur copiosius,  
scilicet prout est aliorum directiuum. Sicut de Simone fratre  
Iudæ Machabæi habetur: Ecce Simon frater vester, vir  
consilij est.

2. ¶ Præterea, cum ratio humana ad rationem diuinam se  
habeat sicut motor inferior ad motorem superiorem: ideo  
conuenit sibi ab illa adiuuari ac perfici. Prudentia autem est  
2. actitudo rationis humanæ in agendis. Et ergo conuenit ei  
regulari ac dirigi à ratione diuina in his, quæ sunt ad finem  
vitæ actiue. Hoc autem (secundum ostensa) fit per donum  
consilij: ideo donum consilij correspondet prudentiæ tan-

quam dirigens eam atque perficiens. Et quanuis ad prudentiam spectat iudicium ac præceptum: tamen donum sibi correspondens consilium appellatur, quoniam mens humana, in quantum à spiritus sancto mouetur, habet se per modum passivi: præcipere verò & iudicare, est potius mouentis & agentis quàm moti & passivi.

3. ¶ Aduertendum præterea, quod alia est dispositio mentis humanæ dum est in motu, & alia quando est in termino motus. Circa quod sciendum, quod quando mouens est solum principium motus, & non causa formæ ad quam motus terminatur, tunc motu cessante cessat actio agentis: quemadmodum domo ædificata, nō vltrā ædificatur ab artifice. Sed quando mouens est causa formæ quæ est terminus motus, tunc non cessat actio mouentis forma inducta atque adepta: sicut aërem sol illuminat quamdiu lumen in aëre permanet. Et hoc modo est Deus causa cognitionis & virtutum in nobis, non solum quando acquirimus, sed quamdiu in ipsis perseveramus. Hoc igitur modo donum consilij manet in patria, in quantum Deus cognitionem cōsiliij conseruando cōtinuat in beatis. Et etiam secundum quod illuminatur de quibusdam effectibus ad prouidentiam diuinam spectantibus quorum cognitio ad essentiam felicitatis non pertinet. Nec oportet, vt in beatis præcedat dubitationis anxietas. Hoc enim ad consilium viatorum attinet, sed est in eis simplex nescientia, secundum Dionysium sexto cœlestis Hierarchiæ quinto capitulo à qua per illuminationē purgantur per simplicem conuersionem ad superiorem.

4. ¶ Porro consilium est de his quæ ad finem sunt utilia. Ideoque pertinentia ad finem, potissimè correspondere debent dono consilij. Hoc autem est misericordia, sicut scriptum est: Pietas ad omnia utilis est. Ob hoc ergo beatitudo Septima: Beati misericordes, maximè dono consilij correspondet, tanquam dirigenti, non sicut actum elicienti. Vnde Augustinus libro de sermone domini in monte testatur: Consilium conuenit misericordibus, quoniam vnicum est consilium de tantis malis erui, dimittere aliis & dare. Itaque donum consilij prout est donum, dirigit nos in vniuersis quæ ad finem vitæ æternæ ordinantur, siue sint de necessitate salutis, siue non. At verò sicut virtutes cardinales non eundem habent actum in via & in patria: sic nec donum consilij.



¶ Qualiter imprudentia est peccatum. 2. Et quomodo sit speciale peccatum. 3. De præcipitatione seu temeritate. Articulus 106.

**N**unc de vitijs oppositis prudentiæ enarrandum est. Imprudentia autem prudentiæ contrariatur. Dicitur autem imprudentia tripliciter, scilicet negatiuè. Et sic est sola carentia prudentiæ. Et sic non est semper peccatum. Secundo priuatiuè, videlicet quando aliquis caret prudentia quam posset & debet habere. Et sic est peccatum propter annexam negligentiam, quia non adhibuit studium ad addiscendam prudentiam. Tertio accipitur imprudentia contrariè, scilicet prout imprudens mouetur & agit contrario modo à prudente. Et sic est peccatum secundum propriam rationem. Si ergo imprudentia ista contingat per auersionem à regulis diuinis, est mortale peccatum, ut dū homo præcipitanter operatur, diuinæ legis documenta contemnens. Si autem præter eas agat sine contemptu, est veniale peccatum. Et cognoscendum, quod per pœnitentiam restituitur homini infusa prudentia, quæ carentiam huius prudentiæ tollit, non autē redditur prudentia acquisita quantum ad habitum. Aufertur tamē actus contrarius, in quo propriè imprudentiæ peccatum consistit.

2. ¶ Præterea, peccatum dupliciter generale vocatur. Primo absolute, videlicet quia est commune respectu omnium vitiorum. Et hoc iterum dupliciter, utpote, vel per essentiam, quia de omnibus prædicatur. Sic autem imprudentia non est generale peccatum, sicut nec prudentia est hoc modo virtus communis, vel per participationem. Et hoc modo imprudentia est generale peccatum. Sicut enim prudentia participatur à cunctis virtutibus inquantum dirigit eas, ita imprudentia participatur ab omnibus vitijs, cum nullum peccatum accidere possit nisi sit defectus in aliquo actu rationis dirigentis: quod ad prudentiam pertinet. Secundo dicitur peccatum generale, non absolute sed quia continet sub se species multas: & ita imprudentia est generale peccatum. Nam sicut prudentiæ assignantur triplices partes, videlicet subiectiua, potestatiua, & integrales, ut paulo antè præhabuitur: sic per oppositum modum diuersa vitia sub imprudentia continētur. Vnde quo ad defectum consilij, circa

## D. DIONYSII CARTHUSIANI

quod est eubulia, præcipitatio seu temeritas ponitur imprudentiæ species, ad quam reducuntur ea quæ opponuntur docilitati, memoriæ, & rationi. Quantum verò ad defectum iudicii, circa quod est gnomini & synesis, sic species imprudentiæ inconsideratio dicitur, sub qua incircumspectio & incautela includuntur. Sed quantum ad præceptum, quod est proprius prudentiæ actus, est inconstantia seu negligentia, ad quam improvidentia defectus quoque solertiæ & intelligentiæ, reducuntur. Denique præcipitatio dicitur in actibus animæ ad similitudinem in motu corporali, in quo aliquid mobile præcipitatur, quando de summo in ima, sine determinatis gradibus repente prolabitur. Conformiter quando anima ad opus extrinsecum transit sine determinato intermedio ordine, præcipitationis peccatum incurrit. Summum autem animæ, ratio est: imum verò exterius medijs quoque gradus per quos ordinate oportet ascendere, sunt præteritorum memoria, præsentium intelligentia, futurorum solertia. Ratiocinatio vnum alteri conferens. Docilitas qua homo maiorum acquiescit sententijs. Quando itaque homo his gradibus omisis consiliatur aut agit, præcipitium incidit. Cum igitur inordinatio consilij ad imprudentiam spectet, palam est quod vitium præcipitationis sub imprudentia sit contentum. Hæc autem præcipitatio interdum ex voluntatis, seu passionis, impetu accidit, quandoque autem ex radice superbiæ, quæ alienæ directioni seu regulæ subesse contemnit, & hoc ad temeritatem pertinet, quæ sub præcipitatione continetur, quoniâ præcipitatio utrunque respicit. Primum tamen magis proprie. Aduertendû verò, quod secundum Philosophum primo Ethicorum in acquisitione consilij, multa particularia consideranda occurrunt. Propter quod tarde consiliari oportet. Vnde præcipitatio, seu nimia festinatio in consiliando magis opponitur recto consilio, quàm nimia tarditas, cum tarditas ipsa quandam similitudinem consilij habeat.

¶ De inconsideratione. 2. De inconstantia. 3. De prædictorum quoque ultiorum origine. Arti. 107.

**C**onsideratio denique est actus intellectus, rem veraciter intuentis, & sicut inquisitio ad rationem: sic iudicium pertinet ad intellectum. Propter quod consideratio ad iudicium maximè spectat. Vnde defe-

Actus recti iudicij ad inconsiderationem reducitur, prout aliquis iudicando ideo deficit, quoniam contemnit aut negligit ea attendere, ex quibus iudicium rectum procedit. Manifestum est itaque, quod inconsideratio sit speciale peccatum, sub imprudentia comprehensum. Et accipitur hic inconsideratio, non communiter sed secundum agibilia humana, in quibus varia pensare oportet potius, quam in speculatiuis, eo quod operationes circa singularia versentur.

2. ¶ Præterea, inconstantia est recessus quidam à bono proposito diffinito, cuius recessus principium est in appetitu, cui aliud inordinate placet, quod ipsum à bono proposito retrahit. Consummatio autem huius recessus in ratione consistit, quæ ideo fallitur, quod ex defectu suo repudiat id, quod rectè attentavit. Posset enim impulsioni passionum resistere, sed ob suam debilitatem non se firmiter tenet in bono concepto, & ita inconstantia secundum consummationem, ad rationis defectum spectat. Sicut autè omnis rectitudo rationis practicæ aliquammodo ad prudentiam pertinet: sic omnis defectus ipsius ad imprudentiam respicit. Ideoque inconstantia ad imprudentiam pertinet. Et quemadmodum præcipitatio est ex defectu circa actum consilij, inconsideratio verò circa actum iudicij: sic inconstantia est circa actum præcepti, in quantum videlicet ratio deficit in præcipiendo consiliata & iudicata.

3. ¶ Porro vitia ista, secundum Gregoriū, ex luxuria oriuntur, quoniam delectationes speciales, & præsertim venereæ, rectam æstimationem prudentiæ maximè corrumpunt. Cum ergo vitia hæc sint quidam defectus circa actus prudentiæ, patet quod sint luxuriæ filia, quanuis inconstantia ex ira vel invidia quandoque nascatur, in quantum passionibus illæ animā ad aliud retrahunt. Dicit autè philosoph⁹ septimo Ethicorū, quod incōtinēs iræ rationem quidē audit, sed imperfecte: incōtinens verò concupiscentiæ eam prorsus non audit.

¶ An negligentia sit peccatum speciale. 2. An mortale. 3. Cui uirtuti opponatur. Arti. 10<sup>o</sup>.

**N**egligētia insuper est defectus debitæ sollicitudinis, omnis autem defectus debiti actus rationem peccati habet. Ideo negligentia rationem culpæ sortitur, quemadmodum sollicitudo est actus specialis

## D. DIONYSII CARTHUSIANI

virtutis. Peccatū autē speciale dicitur, vel quia est circa speciale materiam, vt luxuria circa delectationem veneream, vel propter specialitatem actus ad omnē materiam se extendentis. Et talia sunt omnia vitia, quæ sunt circa actum rationis. Quilibet nanq; actus rationis, ad omnem se materiam moralem extendit. Vnde sicut sollicitudo est specialis actus virtutis: sic negligentia propter specialitatem actus est speciale peccatum, quanuis in omni peccato sit quædam negligentia.

2. ¶ Præterea, negligentia solitudini directè opponitur. Sollicitudo autem ad rationem pertinet, & rectitudo eius ad rectitudinem prudentiæ spectat: est enim sollicitudo supradicta actus prudentiæ. Vnde constat negligentiam ad imprudentiam pertinere. Nam secundum Isidorum, dicitur negligens quasi non eligens. Et ergo sicut recta electio eorum quæ ad finem sunt, est actus prudentiæ. Sic negligentia horum ad imprudentiam pertinet. Consistit autem negligentia in defectu actus interioris, torpor verò atque pigritia exteriorem executionem concernunt, & oriuntur ab acedia, quia acedia est tristitia aggrauans. Omissio quoque ad exteriorem pertinet actum, & contrariatur iustitiæ, estque effectus negligentiae. At verò sicut sollicitudo est circa præceptum, sic negligentia. Negligens tamen actum præcepti aliter omittit quàm inconstans. Inconstans nanque deficit inductus ab aliquo impedimento, negligens verò ex propria voluntate.

3. ¶ Quoniam itaque negligentia ex omissione voluntatis procedit, per quam contingit quod ratio non sollicitatur præcipiendo, quæ debet, vel quomodo debet: potest negligentia dupliciter esse mortalis. Primo ex parte omissi, quod si de necessitate salutis extiterit, negligentia mortale peccatū est. Secundo ex parte causæ, vt si voluntas eatenus remittatur quod à charitate totaliter excidat, negligentia culpa mortalis fit, maximè quando ex contemptu causatur: si verò committitur aliqua circumstantia vel actio, quæ de necessitate salutis nō est, non utiq; ex contemptu, sed ex defectu furoris, quē veniale peccatum inducit, tunc negligentia veniale peccatum existit.

¶ De peccato prudentiæ carnis. 2. An sit speciale. 3. An astutia sit speciale peccatū. 4. De dolo. 5. De fraude. 6. De sollicitudine temporalium rerū. 7. An liceat sollicitum esse in crastinum.

8. De prædictorum vitiorum origine. Arti. 109.

**M**odo de vitijs prudentiæ oppositis, aliquam tamen similitudinem cum ea habentibus, restat examinandum. Quemadmodum ergo prudentia est circa ea, quæ ordinantur ad finem totius vitæ humanæ ætius: sic prudentia carnis vocatur, quando aliquis sibi in bonis carnis finem constituit, atque secundum talis finis exigentiam operationes vitæ suæ dirigit. Talis ergo prudentia peccatum est, quia secundum Apostolum, inimica est deo. Et cōprehendit Apostolus sub prudentia carnis prudentiam seculi, quæ est respectu honoris, famæ, vel gloriæ. Amplius autem quia prudentia quædā sapiëntia dici solet, potest distingui triplex mala prudentia secundū tres tentationes, videlicet mundi, carnis, & dæmonis: sicut Iacobus ponit sapiëntiā terrenā, animalem, & diabolicam, quarum nulla vera prudentia est.

2. ¶ Porro si prudentia carnis simpliciter accipiatur, sic quod in cura carnis finis constituatur, erit peccatū mortale: si autem sumatur secundum rationem, vel potius secundum similitudinē particularis prudentiæ, scilicet quod homo non simpliciter sibi finem in bonis carnis cōstituatur, sed inordinate afficiatur circa illa, tamen sub deo: sic est veniale peccatum.

3. ¶ Præterea, cōtra prudentiā potest esse aliquod peccatum, habendo tamen cum ea similitudinē quandā fallacē, dupliciter. Primo, quoniā studiū rationis ordinatur ad finē non verē sed apparenter bonū, & hoc ad carnis prudentiā attinet. Secundo, quia homo vitur vijs non veris sed simulatis ad consequēdum aliquem finem, siue sit bonus siue malus: & hoc ad astutiam spectat. Ideo astutia est peccatum speciale, prudentiæ contrarium, & contra prudentiam carnis distinctum. Attamen sicut interdum prudentia abusive in malo accipitur, sic astutia quandoque improprie in bono suscipitur.

4. ¶ Denique dolus est quædā executio astutiæ. Nā sicut ad astutiā pertinet excōgitatio, sic ad dolum simulatarum atque falsarum viarum astutiæ executio spectat. Et quia executio astutiæ maximē fit per verba, quoniam verba præcipuum locū habent inter signa: ideo dolus proprie consideratur in verbis. Quemadmodum scriptum est: Linguis suis dolose agebant. In factis quoque aliquando inuenitur. Vnde scriptum est: Dolos facerent in seruos eius: Imò & in corde dolus ponitur quo ad radicem, vnde procedit, secundum illud Psal. Dolos tota die meditabantur.

5. ¶ At verò sicut dolus, ita & fraus ad executionem astutię pertinet, sed in hoc differunt, quod dolus dicitur tam in verbis quàm in factis, fraus vero in factis præsertim attenditur.

6. ¶ Aduertendum est insuper, quod sollicitudo in his potissimè adhibetur, in quibus aliquis magis formidat deficere. Sollicitudo itaque temporalium rerum, vno modo illicita fit ex parte rerum de quibus sollicitamur, videlicet si in temporalibus adipiscendis vel conseruandis finem sibi quisquā constituat. Secundo propter superfluitatem studij circa temporalia. Quod contingit dum aliquis propter illorum studium à spiritualibus impeditur. Tertio ratione timoris superflui, quo homo timet sibi necessaria posse deficere, quanuis ea quæ facere tenetur, adimpleat. Quod dominus tripliciter improbat. Primo, ex consideratione maiorum beneficiorum, quæ nobis dominus præter nostram sollicitudinē præstitit, scilicet corpus & animam. Secundo propter subiectionē naturæ humanæ sub deo. Tertio ratione diuinæ prouidentię, ob cuius ignorantiam gentiles de transitorijs sollicitantur. Vnde de bonis spiritualibus procurandis sollicitari præsertim debemus, confidentes in domino, quod temporalia nobis prouenient ad necessitatis sufficientiam, si egerimus quod tenemur.

7. ¶ Præterea, ad opus virtuosum, tã intus in mente quàm foris, requiruntur debita circumstantiæ, quarum vna est oportunitas temporis. Nam vnique tempore conuenit propria sollicitudo, sicut æstati sollicitudo metendi, autumno cura vindimiandi. Si ergo quis tempore æstiuo de vindemiatione sollicitetur, superflue occupatur: & ob hoc Christus prohibet sollicitum esse in crastinum & in tempus futurum, cuius causam adiungit: Crastinus enim dies sollicitus erit sibi: p̃si, id est propriam sollicitudinem habebit, quæ ad animæ afflictionem sufficiet. Propter quod subdit: Sufficit diei malitia sua, id est, solitudinis pœna. Potest tamen de futuro esse sollicitudo determinatæ prouidentię, secundum exigentiā necessitatis humanæ, pensatis pensandis. Vnde Augustinus in libro de sermone domini in monte, ait: Cum viderimus aliquem seruum dei prouidere, ne ista necessaria sibi desint, non iudicemus eum de crastino esse sollicitum. Cum & Christus propter exemplum oculos habere dignatus sit, & in actibus apostolorum leguntur victui necessaria procurata in futurum propter famem instantem.

2. ¶ Amplius agnoscendum, quod prædictorum vitiorum origo præcipua est avaritia, habent nanq; (vt dictum est) similitudinem quandam cum prudentia, quæ in vsu rationis cōsistit. Vsus autem rationis inter virtutes morales, in iustitia magis apparet, quæ est in appetitu intellectuuo. Et sicut determinatus vsus rationis maxime apparet in virtute iustitiæ: ita in vitio ei opposito indeterminat<sup>9</sup> vsus rationis præcipue patet. Opponitur autem iustitiæ avaritia. Ideoque prædicta vitia, quæ ad falsam rationis indaginem pertinent, ex avaritia magis nascuntur, quanuis ex alijs vitijs aliquo modo & indirecte procedere possint.

¶ De præceptis pertinentibus ad prudentiam. 2. De his quæ pertinent ad vitia ei opposita. Artic. 110.

**P**ensandum proinde, quod cum præcepta decalogi data sint omnibus, ad naturalem pertinet rationē. Sicut autē principia speculatiualium: sic & fines operabiliū ad dictamē naturalis attinet rationis, quia vtraq; homini naturaliter innotescūt atq; inscripta sunt. Cum ergo, iuxta prædicta, non sit prudentia circa finē vitæ humanæ, sed circa media quæ ordinantur in finem. Propterea non debuit inter præcepta decalogi aliquid poni ad prudentiā directe respiciēs, quanuis omnia præcepta illa ad eā pertineant, inquātum ipsa omnijū virtuofarū operationum directrix existit. Veruntamē quoniam evang. doctrina est lex perfectionis, ideo in ipsa de prudentia datur præceptum, quemadmodum Christus: Estote prudentes sicut serpentes.

¶ Attamē in posterioribus documētis veteris legis, præcepta dantur de ipsa prudentia, eo quod illa ordinentur ad præcepta decalogi, quæ sine prudentiæ actu impleri nō valēt. Propter quod in lib. Proue. dicitur: Ne innitaris prudentiæ tuæ. Atq; sequenti cap. Palpebræ tuæ præcedant gressus tuos.

2. ¶ Præterea cū in ratione iustitiæ debitū includatur, ideo de iustitia dātur præcepta affirmatiua. Astutia verò opponitur præsertim iustitiæ, quantū ad executionē, quæ cū fraude & dolo cōtingit: & ergo de astutia, prout cōtrariatur iustitiæ & cū dolo fraudeq; agit, cōueniēter dātur præcepta phibitiua. De vitijs autē prudentiæ directe oppositis, non dantur præcepta huiusmodi, quia nō ita opponuntur iustitiæ sicut astutia.



**H**oc deniq; iustitię appropriatur, vt ordinet hominē in his quę sunt ad alterū. Imponit enim æqualitatē, quę propriē ad aliū dicitur. Ceterę autem virtutes perficiunt hominē in his quę ei cōueniunt secundū seipsum: & ergo sicut rectū in operationib; ceterarū virtutū accipitur per cōparationē ad agētē: sic rectū in actu iustitię dicitur per relationē ad alterū. Nā illud in opere hominis iustū seu rectū vocatur quod secundū aliquā æqualitatē alteri correspondet: vt recompensatio præmij pro obsequio, & non cōsiderato qualiter ab agente fiat. Sed in alijs virtutibus non dicitur rectum, nisi prout ab agente conuenienter efficitur. Ideoque iustitię præ alijs virtutibus iustum seu ius, quod idē est, pro obiecto designatur. Ius ergo est obiectum iustitię. Sicut autem Medicina, secundum primam nominis impositionem, remedium sanitatis vocatur, & secundo trahitur ad significandam artem medicinalem: ita nomen iuris positum est ad significandam rem iustam, deinde accipitur pro scientia iuris. Vnde Celsus iurisconsultus ait: Ius est ars boni & æqui. Tertio sumitur pro loco in quo ius redditur, sicut aliquis dicitur comparere in iure. Quarto dicitur ius id quod iudex reddit, quauis quod decernit iniquum consistat. Lex verò est secundum Isidorum, constitutio scripta, vtpote dum ratio iuris quę in mente est, in scriptis redigitur, & ergo lex proprie non est ipsum ius, sed aliqualis ratio eius. Amplius autem quoniam iustitia æqualitatem importat, propterea lex diuina nō appellatur ius, quia deo non possumus recompensare æquiualens. Sed dicitur fas, quoniam scilicet sufficit deo si agimus quod valemus. Vnde Isidorus ait, quod fas est lex diuina, ius lex humana.

2. ¶ Præterea Philosophus quinto Ethicorum diuidit ius humanum in naturale & legale, id est posituum. Ius nanque seu iustam, dicitur opus alteri ad æquatum secundū aliquam æqualitatis formam, quod dupliciter fieri potest. Primo ex ipsa rei natura, quemadmodum cum aliquis tantum dat, quantum tantundem recipiat. Et hoc dicitur ius naturale. Secundo ex condicōe seu communi placito, vt dum quis repræsen-

tat se contentum si tantum recipiat. Quod rursus dupliciter accidit. Primo per conditum priuatum, quod scilicet inter personas priuatas firmatur. Secundo ex condito publico, ut cum populus consentit ut aliquid commēsetur adæquareturq; alteri: vel cum princeps, qui populi personam gerit & curam habet, tale quid ordinat: & istud nuncupatur ius positium. Dicitur autem ius humanum naturale, non quia nullo modo possit mutari, sed quia semper vniforme est, quando natura ipsa humana naturaliter & bene se habet. Sed quia natura humana mutabilis est per arbitrij libertatem: propterea in certo casu, quod naturaliter iustum esset, omittendum est, sicut naturale ius est, quod depositum restituatur: sed si voluntas depositoris deprauetur, & in inimicitiam rei publicæ vel furorem conuertatur, non est reddendum depositum. Quorum uerò natura omnino incommutabilis est, eorum quoq; naturale ius nunquam variatur. At uerò ius positium ex voluntate humana procedit, non quod humana voluntas possit indifferēter in omnibus aliquid facere iustum: sed in his tantū quæ aduersus ius naturale repugnantiam nō habent. Quod si aliquid iuri naturali repugnet, in talibus ius positium locum non obtinet. Non enim constitui potest quod furari aut adulterari sit licitū, propter quod Esaias ait: Væ qui condunt leges iniquas.

¶ Prædictæ autem diuisioni non obstat, quod aliquid dicitur ius diuinū, utpote quod diuinitus promulgatur. Nam hoc partim est de his quæ sunt naturaliter iusta, partim de his quæ ex diuina institutione sunt iusta. Et ergo ipsum diuidi posset per duo prædicta, sicut & ius humanū. Sunt enim in lege diuina quædam præcepta, quia bona: & quædā prohibita, quia mala. Et iterum sunt ibi quædam bona, quia præcepta: & quædam mala, quia prohibita.

3. ¶ Insuper secundum ostensa, ius naturale est quod ex sua natura adæquatum est alteri. Quod dupliciter accidit. Primo secundum absolutam sui considerationem, quemadmodum masculus commensurationem habet ad feminam, ut ex ea generet, & pater ad prolem, ut eam enutriet. Secundo istud contingit non secundum absolutam rationem, sed secundum aliquid ex natura consequens, ut est proprietas possessionū: ut si consideretur aliquis ager absolutè, non habet commensurationem, cur potius sit vnus quā alterius. Si uerò cōsi

deretur secundū aliquā proprietatē, videlicet opportunitatē colendi, aut similem, iusta est ratio cur potius sit vnus quā alterius. Et hoc modo seruitus est naturalis, & non primo modo. Quoniā ergo absolute aliquid apprehendere, non solū hominibus, sed alijs quoq; animalibus cōuenit, ideo ius naturale secundū primū modū, cōmune est nobis & illis. Sed secūdo modo acceptum ius naturale, solis hominibus cōuenit, & ius gentiū appellatur. Nā considerare aliquid, per cōparationem ad illud quod ex ipso consequitur, rationis est propriū. Vnde tale ius naturale vocatur: qm̄ ratio naturalis hoc dīcat, nec indiget speciali institutione, propter quod Caius Iuriscōsultus asserit, quod naturalis ratio inter oēs homines constituit, illud apud omnes gentes custoditur, vocatūq; ius gentium.

4. ¶ Præterea 6. Ethicorū Philosophus, distinguit à iure politico ius paternum, & ius dominatiuum. Iustum quippe dicitur per conmensurationem ad alterum, est autem aliquid ab aliquo alterū dupliciter. Primo simpliciter, tanquā omnino ab ipso distinctum: vt duo homines, quorum nullus sub altero est, sed ambo sub principe, & inter tales est iustum simpliciter dictum. Secundo est aliquid ab aliquo alterū nō omnino, sed tanquā aliquid eius existens, vt filius est aliquid patris, & seruus est tāquā instrumentū domini sui. Propter quod inter patrē & filium non est ius, secundū perfectam iusti rationē: sed est ibi ius paternū. Similiter inter dominū & seruū non est cōpleta ratio iusti, sed ius dominatiuum. Inter virum verò & coniugē, est maior ratio iusti quā inter prædictos: quia licet sint vna caro, tamen mulier sumitur ad socialem matrimonij vitam, habentque maritus & vxor, secundum Philosophum primo Politicorum, immediatam relationem ad domesticam communitatem. Et ergo est inter eos non simpliciter iustum politicum, sed potius œconomicum. Omnes autē alij gradus ac differentiæ hominum in ciuitate, immediatam cōparationem ad principem habent. Ideoque inter eos est ius simpliciter dictum, quod tamē secundum officia diuersa distinguitur. Nam dicitur ius militare. Ius magnatum, ius sacerdotum, secundum quod vnique conditioni personæ aliquid debetur secundum officium proprium.

¶ De diffinitione iustitiæ. 2. An sit semper ad alterum. 3. Vtrum etiam sit virtus. 4. De subiecto ipsius iustitiæ. Articuli. 112.

**D**iffinitur autem à viris perfectis iustitia : iustitia est constans & perpetua voluntas , ius suum vnicuique tribuens. iustitia nanque (sicut & qualibet virtus ac habitus) diffiniri debet per proprium actum, qui est circa propriam materiam siue obiectum. Et hic actus cū sua materia tangitur , cum dicitur, ius suum vnicuique tribuens. Porro vt actus sit virtuosus, oportet quod sit voluntarius, stabilis, & firmus. Nam secundum Philosophum 2. Ethicorum ad actum virtuosum tria requiruntur. Primo vt aliquis agat sciens. Secundo vt agat eligens & propter aliquem finem. Tertio quod immobiliter operetur non ex parte eius, quasi actus semper possit continuari, sed ex parte obiecti, quia videlicet aliquis vult perpetuò aliquid facere bene. Propterea in diffinitione iustitiæ primo ponitur voluntas, ad insinuandum quod actus iustitiæ voluntarius esse debet. Et sic sumitur hic voluntas pro actu, non pro potentia, & per actum intelligendus est habitus. Additur autem, constans & perpetua, ad innuendum firmitatem actus iustitiæ. Nec superflue additur, constans ad perpetuam. Nam per perpetuam datur intelligi, quod iustitia in proposito perpetuè geritur. Et per constans, quod in tali proposito perseueret.

2. ¶ Præterea, cum iustitia æqualitatem importet, nihil autem est sibi ipsi æquale : ideo iustitia propriè est ad alterum. Cūque opus iustitiæ sit rectificare actus humanos, ideo iustitia requirit diuersa supposita, nam suppositorum est agere. Quia tamen in vno homine sunt diuersa actionum principia, scilicet appetitus, concupiscibilis, irascibilis & intellectiuis, ideo secundum similitudinem quandam atque metaphoram dicitur in homine iustitia, quo ad seipsum, in quantum ratio inferioribus imperat viribus. Et vnicuique parti, quod sibi conuenit dat. Vera ergo iustitia non est alicuius ad seipsum. Vnde Tullius primo de officijs dicitur. Iustitiæ ea est ratio, qua societas hominum inter ipsos & vitæ communitas continetur.

3. ¶ Et quod iustitia sit virtus testatur Tullius eodē libro, dū ait: Ex iustitia præcipuè viri boni nominantur, & in ea virtutis splendor est maximus. Sciendum verò, quod iustitia nō consistit circa res exteriores, quantum ad facere, quod spectat ad artem. Sed quantum ad hoc quod vitur eis ad alterum.

4. ¶ Amplius autem in illa potentia, tanquam in subiecto

virtus existit, ad cuius actum rectificandum virtus ipsa ordi-  
natur. Iustitia autem non ordinatur ad dirigendum actum  
cognoscendum quia ex hoc quod aliquid recte cognoscimus  
iusti non dicimur. Ideoque subiectum iustitiæ non est in-  
tellectus sed ratio, sed quoniam quis iustus vocatur, quoniam  
iuste agit, relinquitur quod subiectum iustitiæ sit appetitus a  
potentia. Nam proximum principium actus est appetitus. Ap-  
petitus verò duplex est, sensitivus videlicet & intellectivus.  
Cum ergo iustitiæ sit unicuique quod suum est reddere, non  
potest iustitia esse in appetitu sensitivo, eo quod appren-  
sio sensitiva se non extendat ad considerationem proportionis  
vnius ad alterum: sed hoc rationis est proprium, propter quod  
subiectum iustitiæ est appetitus intellectivus, qui voluntas  
vocatur, qui & rationale per participationem dicitur, quia actum  
rationis se dirigentem participat. Unde Anselmus dicit, quod  
iustitia est rectitudo voluntatis, propter se conservata.

¶ Vtrum iustitia sit virtus generalis. 2. An in quantum  
generalis, sit idem cum omni virtute. 3. De iusti-  
tia quoque particulari. 4. De eius mate-  
ria. Articulus 113.

**P**Rædictum iam est, quemadmodum iustitia ordinet  
hominem ad alterum, quod dupliciter accidit. Pri-  
mo ad alterum singulariter consideratum. Secundo  
ad alterum in communi, ut qui communitati deser-  
vit, omnibus ad eum spectantibus famulatur, ad utrumque  
autem potest se habere iustitia proprie, qui autem sub com-  
munitate continetur, est pars quædam communitatis. Pars  
autem secundum id quod est, totius est. Propter quod quod-  
libet bonum partis est ordinabile in bonum totius. Itaque bo-  
num cuiuslibet virtutis siue ordinet hominem quo ad seip-  
sum siue quo ad aliquas priuatas personas, referibile est ad  
bonum totius, ad quod hominem iustitia ordinat, sicque om-  
nium actus virtutum ad iustitiam pertinere possunt. Prout  
ipsa hominem ordinat ad bonum commune, & quantum ad  
hoc vocatur iustitia virtus communis, quia vero ad bonum  
commune ordinare spectat ad legem. Propterea iustitia  
hoc modo generalis, appellatur legalis iustitia, quia videli-  
cet per eam homo concordat legi, ordinanti omnium actio-

nes virtutum in bonum commune: Vnde & iustitia legalis, virtus communis dici potest.

3. ¶ Præterea generale dupliciter dicitur. Primo modo secundum prædicationem, & tale est essentialiter idem cū specialibus suis, sicut animal est cōmune ad hominū, equū & bovē. Secundo quantū ad virtutem quemadmodum causā vniuersalis ad suos effectus generalis est, vt sol ad inferiora, quæ immutat, & tale generale non est idem cum subiectis: hoc autem mō (secundū prædicta) iustitia legalis generalis vocatur, inquantum omnium actus virtutum ad bonū cōe disponit; q̄ est finis sibi proprius, sed hoc est mouere alias virtutes per imperium, vnde quemadmodum charitas, quæ respicit bonū diuinum ob proprium obiectum est virtus specialis secundū essentiam, generalis verò secundum virtutem, inquantum aliarum virtutum actum ordinat ad bonum diuinum, ita iustitia legalis est specialis virtus secundum essentiam bonum cōmune pro obiecto respiciens, generalis verò secundum modum nunc dictum.

4. ¶ Rursum, cum legalis iustitia, non sit essentialiter omnis virtus, oportet præter generalem iustitiam ponere iustitiam particularem, quatenus sicut illa ordinat hominem immediate ad bonum commune: sic hæc ordinet eum circa ea, quæ sunt ad aliquam singularem personam, quia licet iustitia generalis ordinare possit aliquid ad singularem personam, hoc non agit nisi mediate. Vnde Chrysostomus super illud Matthæi. 5. Beati qui esuriunt &c. ait, iustitiam autem dicit, vel vniuersalē virtutē vel particulare avaritiā contrariā. Hæ ergo iustitiæ realiter differunt. Nā obiecta earum, vç; bonū commune & bonum vnius personæ, formaliter distinguuntur.

5. ¶ Denique, omnia quæ ratione rectificari possunt, virtutum moralium obiecta esse possunt. Hæc autem sunt interiores passionēs, exterioresque actiones, res quoque exteriores in vsum hominis venientes. Sicut autem secundum interiores passionēs attenditur rectificatio hominis in seipso: sic secundum exteriores actiones ac res, pensatur ordinatio vnius hominis ad alium. Cū ergo particularis iustitia ordinetur ad alterum, non est circa totam materiam virtutis moralis, sed solum circa res exteriores, & actus secundum specialem rationem obiecti, videlicet prout secundum eas vnus homo ad alium orditur, & hoc 5. Ethicorum dicitur.

**N**unc demum aduertere congruit quod iustitia non est circa passiones. Primo quoniam subiectum eius est voluntas, in qua passiones locum non habent sed in sensitiuo appetitu. Secundo quia iustitia est circa ea quæ ad alterum sunt. Non autem ordinamur immediate ad alium per passiones, sed per actiones. Ideoque materia iustitiæ actiones existunt.

¶ Quod ergo 2 Ethico, ait philoso. virtutes morales esse circa voluptates & tristitias, non est intelligendum, quod materia cuiuslibet virtutis moralis sit voluptas aut tristitia, seu passio aliqua: Sed quod virtutes morales ordinantur ad deletionem & tristitiam, sicut ad quosdam fines operationem bonum consequenter. Et hoc ad iustitiam pertinet non enim est iustus, qui non gaudet in iustis operibus.

¶ Sciendum autem quod cum operationes sint mediæ inter passiones interiores & res, ideo earum rectificatio, secundum quod ex passionibus oriuntur, ad alias virtutes morales pertinet, sed prout ad res exteriores terminantur, sic rectificatio earum ad iustitiam spectat. Et quoniam operationes specificantur à rebus circa quas versantur, non à passionibus vnde nascuntur, ideo potius dicuntur materia iustitiæ quàm aliarum virtutum.

2. ¶ Porro quia iustitia est circa operationes exteriores, quo ad alium, ideo medium iustitiæ consistit in æqualitate proportionis rei exterioris ad exteriorem personam: æquale verò est realiter medium inter maius & minus, & ergo mediū iustitiæ, est medium rei. Aliarum autem, virtutum moralium medium, est medium rationis, quia sunt circa passiones quarum rectificatio perpenditur in comparatione ad hominem cuius sunt passiones, vt scilicet secundum debitas circumstantias passio procedat in actū, vt pote quando & qualiter: &c. Propter quod medium harum virtutum non est in comparatione ad alium, sed ad ipsum virtuosum. Vnde medium tale, dicitur medium quo ad nos id est medium rationis.

3. ¶ Præterea, cum iustitia sit ad alium secundum æqualitatis proportionem, ideo proprius actus iustitiæ est, vnicuique quod suum est reddere. Nā illud dicitur suum vniuscui-



i usque personæ quod ei secundum æqualitatis proportionem debetur. Vnde Ambrosius primo de officijs. Iustitia (inquit) est, quæ unicuique quod suū est tribuit, alienū non vendicat, vtilitatem propria negligit, vt communem æqualitatem custodiat. Agnoscendum præterea quod si de legali iustitia sermo sit, illa vtiq; inter omnes virtutes morales præclarior extat, inquantum bonum commune bono singularis personæ præfertur & ideo quinto Ethicorū dicitur, quod præclarissima virtutum videtur esse iustitia, & neque est hesperus neq; lucifer ita admirabilis. Iustitia quoque particularis alias virtutes excellit morales. Primo ex parte subiecti cum sit in voluntate, quæ est nobilior appetitu sensitivo, qui aliarū virtutum moralium existit subiectum. Secundo ratione obiecti, bonum namque iustitiæ est in relatione ad alium. Aliarum vero virtutum moralium bonitas, est hominis ad seipsum. Laudabilius autem est bonum ad alium quàm ad seipsum, propter quod primo Rheto. Aristoteles asserit, Necesse est maximas esse virtutes, quæ aliis honestissimæ sunt, propter quod fortes & iusti præsertim laudantur, eo quod fortitudo sit aliis utilis in bello, iustitia quoque in bello & pace. Dicit autē philosophus quarto Ethicorum quod magnanimitas ornamentum est iustitiæ omniumque virtutum.

¶ *An iniustitia sit vitium speciale. 2. An iniustitiā agere sit propriè iniusto. 3. An aliquis possit pati iniustum nolens. 4. An iniustitia ex suo genere sit peccatū mortale. Art. 115.*

**Q**uemadmodum autem de iustitia legali præhabitu est, quod secundum essentiam sit virtus specialis, secundum extensionem verò atque imperium super alias virtutes morales generalis: sic iniustitia quæ ei opponitur, secundum se speciale est vitium, quantū verò ad extensionem, est vitium generale, quia per boni communis contemptum potest homo ad vitia vniuersa induci.

¶ Sicut denique iustitiā particularis est specialis virtus, sic iniustitia ei opposita, vitium speciale existit, videlicet quando homo vult plus habere de bonis, puta diuitis siue honoribus. Minus quoque de malis, vtpote damnis atque laboribus, quam æqualitatis ad alium ratio postulat. Omne autem peccatum iniquitas dicitur, inquantum repugnat diuinæ iu-

stitiæ, quæ dicitur per comparationem ad bonum diuinum, sicut iustitia humana ad bonum humanum.

2. ¶ Præterea cognoscendum, quod iniusta agere ex intentione & electione est proprium iniusto, prout iniustus vocatur qui iniustitiæ habitum habet, tunc namque iniusta actio per se placet, quoniã vnicuique habenti aliquem habitum est secundum se acceptum, quod suo habitui conuenit. Vnde dupliciter contingere potest, quod aliquis agat iniustum aliquid non tamen iniustus sit, vel quia non intendit iniuste aliquid facere vt si per ignorantiam operetur, & tunc non agit iniustum formaliter & per se sed materialiter & per accidens. Nam in moralibus, species seu per se est à fine, quæ aliquis directe intendit. Secundo accidit hoc si quis iniusta agat non ex habitu vitioso, sed ex passione, videlicet ira vel concupiscentia.

3. ¶ Denique, actio secundum suam rationem ab agenti procedit, passio verò ab alio est. Vnde idem secundum idem non potest esse agens & patiens. Proprium autem principium agendi in homine, est voluntas. Et ergo quod homo facit volens, proprie facit. Et illud proprie patitur, quod præter voluntatem patitur. Ideo iniustum, formaliter & per se loquendo, nemo potest facere nisi volens, nec pati nisi nolens. Loquendo autem per accidens & materialiter de iniusto, potest aliquis id quod de se iniustum est, vel facere nolens, vel pati volens, vt cum quis præter intentionem operatur, vel propria voluntate plus alteri dat quam debet.

4. ¶ At verò peccatum ex suo genere mortale est quod charitati repugnat, quæ est animæ vita. Charitas verò mouet ad bonum alterius, iniustitia autem ad nocumentum alterius, quia debitum subtrahit, ideoque per se charitati repugnat, atque ex suo genere mortale peccatum est. Verumtamen qui in paruis alicui nocumentum infert, iniustitiam operando, vt; si quis pominum alicui tollat, non agit iniuste secundum perfectam rationem iniustitiæ, quia verisimiliter reputare potest, non penitus esse contra voluntatem eius cui aufertur, & quod inde parum lædatur. Vnde peccata aliis virtutibus contraria, non semper sunt ex suo genere mortalia, sicut peccata iniustitiæ, quia non semper sunt in nocumentum alterius, sed in ordinationem quandam important circa passiones humanas.

¶ Quod iudicium est actus iustitiæ. 2. An iudicare sit licitum. 3. An etiam per suspiciones sit iudicandum. Articulus. 105.

**P**orro iudicium est actus iudicis inquātum est Iudex Iudex verò dicitur quasi ius dicens : Ius quoque est obiectū iustitiæ, ideo iudicium secundum suam primam impositionē importat diffinitionem seu determinationem iuris seu iusti. Sed in opere virtutis bene iudicare procedit ex habitu virtutis. Castus enim de pertinentibus ad castitatem bene iudicat, ideo iudicium in iudicante requirit iustitiæ habitum si recte fieri debet, & sic est actus iustitiæ. Vnde quinto Ethicorum philosophus dicit, quod homines ad iudicem tanquam ad iustitiam animatam confugiunt.

**E**xtenditur tamen iudicium ad designandam rectam determinationem in quibuscumq; rebus, siue speculatiuis siue practicis. Sic enim dicitur quod vnusquisque bene iudicat, quæ cognoscit. In omnibus quoque ad rectum iudicium duo exiguntur. Vt pote virtus iudicium proferens, & sic iudicium est actus rationis, ad quem pertinet diffinire vel dicere aliud. Secundo dispositio iudicantis, per quam idoneitatem sortitur ad bene iudicandum, & sic ad iudicandum in his quæ ad iustitiam spectant, requiritur iustitia, sicut ad iudicandū de pertinentibus ad fortitudinem exigitur fortitudo. Itaque iudicium est actus prudentiæ tanquam proferentis: iustitiæ autem tanquam inclinantis. Nam ad vnāquāque virtutem pertinet iudicium circa materiam propriam, quoniam virtuosus in singulis est mensura & regula, secundum philosophum. Secundum Apostolum quoque spiritualis homo omnia iudicat, quia per charitatem dispositus est, vt per regulas diuinas bene iudicet, ex quibus donum sapientiæ iudicium profert.

**2** **P**ræterea, iudicium, cū sit actus iustitiæ, in tantum est licitum quātum ex iustitia procedit. Tria igitur requiruntur vt iudiciū sit actus iustitiæ. Primo vt ex iustitiæ inclinatione procedat. Secundo quod procedat ex autoritate præsidentis. Tertio quatenus proferatur secundum rectam rationem prudentiæ, & quodcunq; horum defuerit, iudicium illicitum vitiosūq; erit. Si enim sit contra rectitudinem iustitiæ, dicitur peruersum & iniustum : si desit autoritas erit vsurpatum. Si rectitudo rationis, vt pote si sit res occulta vel dubia, tunc iudiciū suspitiosum ac temerariū dicitur, & talia iudicia in scripturis multipliciter prohibentur. Vnde secundū Chrysostomum super illud Matthæ. 7. Nolite iudicare. Illi qui in magnis peccatis sunt iudicare non debent eos, qui in eisdem peccatis

aut certè maioribus sunt, & hoc potissimè intelligi debet, si peccata iudicis publica sint, quia sic scandalum oriretur, si verò occulta sint & necessitas iudicandi immincat propter officium, potest cū humilitate atque timore iudicare siue arguere.

3 ¶ Denique secundum Tullium, suspitio opinionem mali importat, quæ ex leuibus causis concipitur, & procedit ex tribus. Primo ex malitia suspicantis, qui sibi propriæ malitiæ conscius, omnes æstimat tales qualis ipse est. Secundo ex hoc quod quis alteri male afficitur: dum enim quis alium odit, aut spernit, aut ei irascitur, cito de ipso malum ex leuibus signis opinatur, quoniam quilibet facillime credit quod appetit. Tertio ex experientia vnde secundum philosophum secundo Rhetorice, senes sunt maximè suspiciosi, eò quòd aliorum defectus magis experti sunt. Constat autem primas duas causas suspicionis esse peruersas, sed tertia diminuit rationem suspicionis, quia certitudini propinquior est, quæ est contra rationem suspicionis. Et ergo suspitio vitium est, & tanto vitiosior quo magis procedit. Aduertendum igitur quod triplex est gradus suspicionis.

¶ Primus cum quis ex leuibus iudiciis de bonitate alterius dubitare incipit, & hoc est veniale & leue peccatum pertinens ad tentationem humanam, sine qua præsens vita non agitur.

¶ Secundus gradus est, cum quis malitiam alterius pro certo æstimat ex leuib<sup>9</sup> iudiciis, & si hoc est de aliquo graui, est peccatum mortale, inquantum non est sine contemptu proximi.

¶ Tertius gradus est, dū iudex ex suspitione procedit ad aliquem contemnendum, hoc enim ad iniustitiam directè pertinet, estque mortale peccatum: Propterea si suspitiones, secundum primum modum acceptas, vitare nequimus, omnino tamen diffinitiuas sententias vitare debemus.

¶ *An dubia sint in meliorem partem interpretanda 2.*

*Vtrum iudicium per leges scriptas sit proferendum 3. An etiam iudicium per usurpationem fiat peruersum. Art. 117.*

**Q**uia itaque eo ipso quo quis de alio malam opinionem habet sine sufficiente motiuo, iniuriatur ei & ipsum contemnit, quod vtique sine causa cogente, id est, euidente ratione agendum non est: ideo du-

bia in meliorem partem sunt interpretanda, debemusque ali-  
uin habere vt bonum, nisi manifesta iudicia de eius prauitate  
appareant, & quauis aliquis in hoc fallatur, in hoc tamen  
non peccat. Veruntamen quando alicui remedium contra  
peccatum impendendum est, tunc dubia, propter securitatem  
interpretari debent in partem peiorem: non per determina-  
tionem diffinitiuam, sed per quandam suppositionem.

2 ¶ Præterea, leges scribuntur ad declarationem tam iuris  
naturalis quam positiui, tamen difformiter. Nam scriptura le-  
gis continet, non autem instituit ius naturale, quod scilicet  
est ex natura rei. Sed ius positium, quod scilicet ex aliquo  
condicto est, scriptura legis continet atque instituit, dans ro-  
bur auctoritatemque ei, propterea oportet vt iudicium de-  
tur secundum legis scripturam, alioquin ipsum deficeret, vel  
à iure naturali, vel positiuo. Amplius, quoniam leges positiuæ  
& rectæ aliquando à iure naturali deficiunt, in quibus si ser-  
uarentur, naturali iuri contrariarentur, quia nulla lex huma-  
na potest omnes euentus singulares comprehendere, de qu-  
bus tamen iudicare oportet quandoque: ideo in illis non est  
semper secundum literam legis iudicandum, sed recurrédum  
est ad æquitatem, quam legislator prætendit. Vnde iurisperi-  
tus dicit: Nulla ratio iuris aut æquitatis benignitas patitur, vt  
quæ salubriter pro vtilitate hominum introducuntur, ea nos  
duriore interpretatione contra ipsorum incommodum pro-  
ducamus ad seruitutem, & in talibus legislator aliter iudica-  
ret, & si considerasset legem determinasset.

3 ¶ Porro quia iudicium secundum leges scriptas ferendū  
est, ideo qui profert iudicium, dictum legis quodammodo in-  
terpretatur, applicando ipsum ad particulare negotium. Eius-  
dem verò auctoritatis est legē interpretari & condere. Vnde  
quemadmodum lex condi non potest nisi publica authorita-  
te, quæ vtrique se ad illos extendit, qui communitati subdun-  
tur. Ideoque sicut iniustum esset aliquem ad legem seruandā  
compellere, quæ publica auctoritate sancita non est: Sic iniu-  
stum est, si quis aliquem cogat ferre iudicium, quod publica  
auctoritate nō fertur. Si verò quærat, qua auctoritate Mo-  
ses occidit Aegyptium, dici potest quod diuina inspiratione  
hoc fecit, vel secundum quod Ambrosius libro de officio vi-  
detur innuere, fecit hoc defendendo Hebræum, cum modera-  
mine inculpatæ cautelæ. Dicit quippe Ambrosius: Qui non

## D. DIONYSII CARTHUSIANI

repellit iniuriam à socio cum potest, tam est in culpa vt ille qui facit. Et inducit exemplum de Mose. Augustinus tamen in questionibus Exodi asserit, illud homicidium in se vitiosum fuisse, sed magnum fertilitatis signum fuisse, videlicet virtutis qua populum erat liberaturus.

¶ De speciebus iustitiæ, & medio ac materia earum

2. An etiam iustum idem sit quod contrapassum.

Articulus 118.

**I**nsuper particularis iustitia ordinatur ad personas priuatas, quæ sunt tanquam quædam partes communitatis. Partis verò duplex est ordo, vt pote partis ad partem, cui assimilatur ordo vnius personæ priuatæ ad aliam. Et hunc ordinem dirigit iustitia commutatiua quia cōsistit in his, quæ inter personas priuatas contingunt. Secundus est ordo totius ad partem, cui assimilatur ordo boni communis ad singulares communitatis personas, & hunc ordinem dirigit distributiua iustitia, quæ distribuit bona communitatis secundum proportionem subiectorum. Sic ergo iustitiæ particularis duæ sunt partes subiectiuæ seu species, scilicet commutatiua & distributiua, vt 5. Ethicorum habetur. Et differunt hæ species secundum diuersam rationem debiti. Nam alio modo debetur aliquibus quod commune est, atq; aliter quod proprium est.

2. ¶ Præterea in iustitia distributiua datur aliquid personæ priuatæ, in quantum id quod cōmunitatis est, est debitum parti ipsius. Ideo in hac distributione tanto datur alicui maius, quanto maiorem principalitatem ac dignitatem sortitur in toto seu in communitate. Vnde in hac iustitia nō accipitur medium secundum æqualitatem rei ad rem, sed secundum proportionem rerum ad personas: Propter quod ait philo. medium distributiue iustitiæ accipi secundum proportionem geometricam, in quâ attenditur medium secundum proportionē. Non secundū quantitatem, vt si dicamus, sicut se habent sex ad quatuor, ita se habent tria ad duo. In communicationibus autem redditur, aliud alteri propter rem eius, quæ accepta est sicut in emptione venditioneque patet, & ideo in eis oportet æquare rem rei. Et medium ergo communicatiue iustitiæ sumitur secundum æqualitatem rei, & dicit philo. hoc medium accipi secundum proportionem Arithmetica, in qua pensa

tur cōpar quantitatis excessus, quēadmodū quinq; est mediū inter sex & quatuor, sic ergo innotescit quomodo diuersimo de in his duabus speciebus iustitiæ accipiendū sit medium.

3 ¶ Denique iustitia est circa exteriores operationes, communicationum, & distributionum, quæ sunt vsus quorundam exteriorum, videlicet rerum aut personarum, vel operum. Si igitur medium vtriusque iustitiæ accipiamus ea, quorum operationes sunt vsus, eadem extat materia vtriusque iustitiæ, res enim distribui possunt à communi in singulos, & rursus communicari ab vno in alium. Si verò accipiamus vt materiam vtriusque iustitiæ, ipsas principales actiones, quibus rebus vel personis & operibus vtimur, sic inuenitur vtrōque alia materia. Nam distributiva iustitia est distributionis directiua, cōmunicatiua autem communicationis, quæ communicatio esse potest inter personas, quarum quædam inuoluntaria est, alia voluntaria. Potest enim aliquis vti re vel opere aut persona alterius eo inuito: vt patet in fraude, furto, adulterio, detractione. At verò potest alius rem suam transferre in alterū, cum aliqua ratione debiti. Primo, quando hoc simpliciter facit pro recompensatione alterius rei, sicut in venditione. Secundo, quando alius tradit rem suam alteri, concedens sibi vsum rei cum debito recuperandi rem, & si gratis concedat vsum rei, vocatur vsufructus, in rebus quæ ad aliud fructificant. In rebus verò quæ nihil fructificant, vt pecunia, vasa, dicitur mutuum vel accommodatum, q̃ si nec vsus gratis conceditur, appellatur locatio atque conductio. Tertio, tradit aliquis rem suam vt recuperandam non ratione vsus, sed conseruationis, vt in deposito, vel ratione obligationis, vt dum homo rem suā pignori obligat, aut pro alio fideiubet, & omnia hæc ad iustitiam communicatiuam pertinet, quia in eis accipitur medium secundum vnā rationem, videlicet secundum æqualitatem recompensationis.

4 ¶ Præterea considerandum est, quod contrapassum importat æqualem recompensationem passionis ad actionem præcedentem, quod in passionibus iniurijs maximè inuenitur, vt si quis percutit aliū quod reperiatur, vnde in lege dicitur: Oculum pro oculo, dentē pro dente. Secundario autem dicitur cōtrapassum in rebus, vt si quis alteri in te sua intulit damnum, ipse quoq; in re sua damnetur. Vnde in Exodo dicitur: Si quis furatus fuerit bouem, quinq; boues pro v-



no restituat. Tertio transfertur nomen contrapassum ad voluntarias communicationes, in quibus vtrumque est actio & passio. Sed voluntarium minuit rationem passionis. In his vero facienda est recompensatio secundum æqualitatem iustitiæ communicatiuæ, quatenus passio recompensata æqualis sit actioni: non autem esset æqualis si semper idem specie restitueretur, quia si quis lædat personam maiorem, maiori pena punitur quàm intulit, & qui alicui rem suam eo inuito abstulit, non solum punitur in eo quod ablatum restituit, sic enim nihil damnicaretur in re propria, & ideo cogitur multiplici us reddere. Vnde oportet secundum commensuratam proportionem adæquare passionem actioni in communicationibus, ad quod inuenta sunt nummismata, sic ergo contrapassum est iustum communicatiuum. Sed in iustitia distributiva locum non habet, quia in ipsa attenditur æqualitas secundum proportionem rerum ad personas, & non secundum proportionem rei ad rem, vel actionis ad passionem, vnde nominatur contrapassum.

¶ De restitutione 2. An necesse sit ablatum restituere 3.

Vtrum etiam multiplicatum oporteat restitui 4.

An restituendum sit, quod oblatum non est.

Articulus 119.

**R**estituere denique, est aliquem iterato in possessione aut dominio rei suæ statuere. Vnde in restitutione attenditur æqualitas iustitiæ secundum recompensationem rei ad rem: quod ad speciem communicatiuæ iustitiæ pertinet. Ideoque restitutio est actus ipsius: sicut dum aliquis rem ab alio habet, vel ipso volente, vt in deposito, aut nolente, vt in furto.

¶ Propriè autem restitutio pertinet ad rem exteriorē manentem, cuius ius ad alium deuenire potest. Sed sicut nomen communicationis à talibus rebus translatum est ad actiones & passionēs: sic restitutio quoque ad alias transfertur: vt sunt illatio reuerentiæ vel iniuriæ, nocumenti aut commodi, in quibus restitutio dicitur.

2 ¶ Præterea quia seruare iustitiam est de necessitate salutis, ideo restituere ablatum, cum sit actus iustitiæ, de necessitate salutis est. Restitutio enim redditionem rei iniuste abla-

re importat, quæ cum redditur, æqualitas reparatur. Non tamen oportet semper idem numero vel æquale restitui, quia hoc impossibile frequenter esset, puta si quis alium mutilauerit aut domino vel parentibus irreuerentiam fecit, unde in talibus ubi non potest reddi æquivalens, reddendum est quod possibile extat, vel in honore aut in pecunia, aut in alio aliquo, considerata utriusque personæ conditione secundum discretionem probi viri.

¶ At verò tripliciter potest quis alteri famam auferre. Primo verum dicendo & iuste, seruato videlicet ordine debito in accusando, & sic non tenetur restituere famam. Secundo vera dicendo, sed iniuste, scilicet inordinate procedendo, & tunc tenetur ad restitutionem famæ quam potest sine mendatio, ut pote quod dicat se male locutum, aut alium iniuste diffamasse. Quod si famam restituere nequit: debet ei in alio aliquo pro posse recompensare.

¶ Tertio false & iniuste, & tunc obligatur famam restituere, protestando se falsum dixisse.

3 ¶ Si demum quis alium à beneficio iniuste impediat, si donatio nondum firmata fuerit, non tenetur ad recompositionem æqualis boni, quia ille multipliciter impediri potuit: tenetur tamen ad aliquam recompensam, pensatis conditionibus personarum atque negotij secundum sapientis viri arbitrium. Si autem collatio præbenda erat firmata, tenetur ad restitutionem æqualis, tamen secundum suam facultatem.

¶ Præterea, in acceptione rei alienæ iniusta, duo pensantur. Primum est inæqualitas rei. Secundum culpa iniustitiæ. Quantum ergo ad primum, adhibetur remedium per restitutionem, per quam reparatur æqualitas, & quo ad hoc, sufficit reddere simplum quod oblatum est. Sed quo ad secundum adhibetur remedium per inflictionem pœnæ, ad iudicem pertinet, & ergo priusquam damnatus est non tenetur plus reddere quam accipit, sed post sententiam obligatur soluere pœnam. Unde in Exodo habetur: Si quis furatus fuerit bouem vel ouem vel occiderit aut vendiderit, pro vno boue restituet quinque, & pro vna oue quatuor. Hæc quippe lex determinat pœnas esse. Veruntamen quia post Christi aduentum non tenemur ad obseruantiam iudicialis præcepti veteris legis, ob hoc lex illa nunc locum non habet: quauis idem vel simile statui posset in lege humana, si similis ratio esset.

4. ¶ Ex prædictis itaque constat quod damnum restituendum est. Sed agnoscendum quod aliquis damnificari potest dupliciter. Primo in re quam actualiter habet: & tunc æquale reddendum est: vt si quis alicuius domum destruxit, tenetur ei in tanto, quanti valuit domus. Secundo potest quis ab aliquo pati damnum in re quam nondum habet, sed est in via adipiscendi eam: & tunc non tenetur quis reddere ex æquo, quia aliquid habere in potentia vel in via, est imperfectè habere: debet tamen aliquam recompensationem rependere, secundum exigentiam & conditionem personarum ac negotiorum, vt si quis semina agri alterius effodiat, aut pecuniam ultra præfixum terminum seruet, ad quæ alius lucrari posset.

¶ An restituendum est ei à quo acceptum est 2

Vtrum eum qui accepit necesse sit reddere 3. Vel alium aliquem 4.

An etiam statim restitutio facienda est.

Articulus 120.

**E**Lucescit autem ex dictis, quod restitutio sit quædam reductio ad æqualitatem, videlicet, dum ei qui minus habet quàm sibi debetur, per restitutionem defectus suppletur: vt sit æquatio cominutatiuæ iustitiæ. Ideoque ei est facienda restitutio à quo acceptum est. Veruntamen cum restitutio ad vtilitatem recipientis ordinetur si alicui recipienti quod suum est, ex restitutione graue periculum immineret, sicut si furioso gladius proprius redderetur, non esset statim restitutio exhibenda, sed congruum tempus expectandum, vel res reddenda, alteri committenda est, quia nequaquam debet eam sibi appropriare qui recepit. Si autem datio atque acceptio essent illicitæ & contra legem, sicut in simonia contingit, nullus habere deberet, sed res ipsa in pios conuertenda est vsus. Si demum qui recipere habet sit omnino ignotus, debet homo restitutionem facere vt melius potest, videlicet dando pro salute illius in eleemosynas. Si autem est mortuus, debet reddi eius hæredibus, & si multum distet, debet ei transmitti si potest. Alioquin in loco tuto imponendum est, quatenus conseruetur pro ipso. Si verò prælatus rem ecclesiæ sibi deputatam in aliorum dominium transferat tene-

tur restituere, sic, vt restitutum ad successorem deueniat.

2 ¶ Præterea, in alio qui rem alienam accepit, duo pēsan-  
tur, videlicet res accepta, & ex hac consideratione tenetur il-  
le reddere qui accepit, quamdiu rē acceptam apud se habet.  
Secundo consideratur in ipso, ipsa acceptio, quæ se triplici-  
ter habere potest, quia vel est iniuriosa, vt patet in rapina &  
furto, & tunc tenetur homo ad restitutionem non tantum ra-  
tione rei, sed & ratione actionis iniustæ, quanquam de re ni-  
hil apud se maneat, & insuper pro iniuria puniendus est.

¶ Secundo aliquis accipit rem ab aliquo volente ad propri-  
am vtilitatem, vt in mutuo accidit, & tunc iterum homo ad  
restitutionem tenetur ex parte rei & acceptionis, quanuis rē  
ipsam perdidit.

¶ Tertio accipit homo rem alterius eo volente, non ad su-  
am vtilitatem, vt in depositis fit, & tunc homo magis impen-  
dit obsequium quàm debitor fiat, vnde ex parte acceptionis  
non tenetur reddere, sed ratione rei acceptæ, si itaque res si-  
ne sua culpa ei tollatur, restituere non tenetur, secus tamen  
esset si rem depositam cum sua magna culpa amitteret.

¶ Si autem multi alicui quod suum est abstulerint, & vnus  
eorum satisfecerit illi, alij tenentur illi satisfactori refundere  
non alteri.

3 ¶ Denique, quia ad restitutionem aliquis tenetur, non so-  
lùm ratione rei, sed & acceptionis iniuriosæ: ideo quicun-  
que est causa acceptionis iniustæ, ad restitutionem obliga-  
tur. Quod dupliciter contingere valet, directè videlicet &  
indirectè. Directè, vt cum aliquis alium inducit vt capiat alie-  
num, & hoc tripliciter. Primo quidem monendo, vt pote præ-  
cipiendo, consulendo, consentiendo expresse, atque laudan-  
do. Secundo cum aliquis talem domo recipit, aut auxilium  
præbet. Tertio quia in re ablata particeps extat, vel in fur-  
to, aut alio simili. Indirectè quoque istud contingit, dum ho-  
mo non impedit cum possit & debeat, vel subtrahendo præ-  
ceptum & consilium impediens furtum aut simile, vel non  
resistendo cum possit, præbendo auxilium, vel quia oc-  
cultat post factum. Quod tamen de illis verum est, quibus  
ex officio incumbit resistere vel manifestare: alias non es-  
set vniuersaliter verum. Vnde si ex negligentia principis,  
latrones aut raptores increscant, tenetur ad restitutionem  
eis, qui damna incurrunt. Nam redditus sui sunt quasi

## D. DIONYS II CARTHUSIANI

stipendia sibi disposita, quatenus iustitiam seruet & protegat. De quibus omnibus verus sunt: iussio, consilium, consensus, palpo, recursus, Participans, mutus, non obstands, non manifestans. Attamen adulatio atque consilium non semper ad restitutionem hominem obligant, sed tunc quando probabiliter æstimari potest quod ex eis actio iniusta subsequitur.

**I**nsuper sicut rem alienam capere culpa est: sic quoque alienum reservare peccatum est. Impeditur enim per hoc dominus rei ab usu ipsius, patiturque iniuriam à reservante. Et ergo statim restitutio fieri debet, si adest facultas: alioquin est petenda dilatio. Si verò omnino quis impotens sit ad restituendum excusatur.

**¶** *Quod personarum acceptio sit peccatum 2. Vtrum  
locum habeat in dispensatione spiritualium 3. An  
in exhibitione bonorum 4. An & in iudiciis.*

Articulus 121.

**O**pponitur nanque personarum acceptio distributivæ iustitiæ, quæ diversis personis tribuit secundum dignitatem ipsarum ac merita. Vnde considerando proprietatem personæ, propter quam ei aliquid donatur, non est acceptio personæ, sed causæ. Ideoque iudex nō personas, sed causas discernere debet, ut si quis promoveatur ad magisterium propter scientiam, non est personarum acceptio. Est itaque personarum acceptio, cum in aliquo cui aliquid datur non consideratur illud, propter quod illud quod ei præstatur, est sibi proportionatum vel debitum, sed solum quod est iste homo, videlicet Petrus vel Paulus, ut si prælatus det alicui beneficium quia dives est, vel cognatus, est personarum acceptio, quæ semper est peccatum, quia contrariatur iustitiæ. Avertendum tamen quod duplex est datio. Vna quæ est actus iustitiæ & circa talem attenditur personarum acceptio. Alia verò ad liberalitatem pertinet, qua alicui gratis datur, quod ei non debetur, qualis est collatio donorum dei, qui nulli obligatur, & circa huiusmodi non est personarum acceptio, quia unusquisque potest propria dare cui vult & quantum vult, sic ergo innotescit, quod quanvis duorum hominum unius conditionis deus alterum accipiat, alterum verò iuste relinquat, non est tamen apud ipsum personarum acceptio.

2 ¶ At verò cum spiritualia sint temporalibus potiora, ideo personarum acceptio in spiritualibus locum habet, estque in ipsis tanto deterior, quanto bona huius digniora consistunt. Sed aduertendum quod dignitas personæ dupliciter consideratur. Primo simpliciter & secundum se, & sic qui est sanctior & gratiæ amplioris, est simpliciter melior. Alio modo per comparisonem ad bonum commune. Potest autem accidere ut qui minus sanctus ac sciens est, imò simpliciter minus bonus, bono communi vtilior sit, ratione potentiæ & industriæ aut alicuius huiusmodi, quoniam ergo dispensationes spiritualium ad communem vtilitatem potissime ordinantur, ideo quâdoque minus boni melioribus præferuntur in talibus sine personarum acceptione, quemadmodum & dominus interdum præstat minus bonis copiosius gratias gratis datas. Ex his patet, quod si consanguinei alicuius prælati sint aliis minus idonei, tam secundum se quàm quo ad bonum commune, & tamen melioribus præferantur in dispensatione spiritualium, est personarum acceptio. Si verò æque digni sunt ut alij, licite à prælato aliis præferri possunt, quia ad minus hoc de ipsis prælatus magis quàm de aliis confidere potest, quod negotia ecclesiæ secum vnanimiter tractaturi sunt: tamen propter scandalum istud omittendum esset, si videlicet alij prælati ex hoc exemplum caperent dandi suis cognatis, quanuis indignis, prælationes.

¶ At verò cum magnis personis facilius dispensandum est in contractione matrimonij, nam dispensatio circa matrimonium maximè fit propter scdus pacis seruandum, quod bono communi vtilissimum extat, & per copulam excellentium personarum magis acquiritur.

¶ Amplius sciendum, quod secundum iura ad electionem sufficit eligere bonum, nec oportet eligere meliorem, quia sic omnis electio pati posset calumniam, & istud verum est in foro iudiciali, sed quo ad conscientiam eligentis, necesse est eligere meliorem, vel simpliciter vel secundum comparisonem ad bonum commune, & is qui de gremio ecclesiæ sumitur, vtilior esse solet bono communi, ideo secundum statuta ecclesiæ, & secundum legem diuinam consulitur, ut aliquis de conuentu in prælatum eligatur, quanuis extra inueniri possit alius simpliciter melior.

3 ¶ Porro honor impenditur alteri in testimonium virtutis,

& ideo sola virtus est debita causa honoris. Veruntamen honorari quis potest, non tantum propter propriam virtutem, sed etiam propter virtutem alterius. Nam principes & praelati quauis sint mali, tamen honorandi sunt inquantum dei, atque communitatis vices gerunt. Parentes quoque & domini, licet sint prauis, tamen honorantur inquantum participant proprietatem diuinæ dignitatis eius, qui est omnium pater & dominus, senes etiam quia signum virtutis, id est, senectam adepti sunt. Diuites quoque honorandi sunt, inquantum maiorem locum in communitatibus sortiuntur, si verò solo diuitiarum intuitu honorentur, est personarum acceptio, quod Iacobi secundo vetatur: Sic patet quod in exhibitione honoris locum habere potest personarum acceptio, & non sine peccato.

4 ¶ Et quoniam in personarum acceptione semper inæqualitas quædam consistit, quia videlicet datur alicui aliquid præter suæ dignitatis proportionem: ideo iudicium per personarum acceptionem corrumpitur, quia per iudicium inæqualitas ad æqualitatem reducenda est, habet quoque personarum acceptio locum in iustitia communicatiua & distributiua.

¶ *Vtrum liceat bruta occidere 2. An etiam peccatores occidere liceat 3. An priuatæ personæ 4. An clerico hoc licitum sit. Arti. 122.*

**P**Roinde secundum naturalem ordinem rerum, imperfecta sunt propter perfecta, ceduntque in bonum ac vsum eorum. Ideoque plantas licet euellere in escam irrationalium, & bruta animalia propter hominis necessitatem ac commodum occidi possunt, quia nulla nobis rationis communione sociantur, & hoc Philosophus etiam primo politicæ asserit. Vnde in Genesi habetur: Ecce dedi vobis omnem herbam & vniuersa ligna, ut sint vobis in escam & cunctis animantibus. Et Genesi. nono: Omne quod mouetur & viuit, erit vobis in cibum.

2 ¶ Præterea secundum præhabita singularis persona se habet ad communitatem quemadmodum pars ad totum. Ideoque sicut pars ægra, quæ corruptiua est totius corporis, salubriter propter totius sanitatem, abscinditur, sic peccator, qui commune bonum conturbat, & communitati periculosus est propter crimina sua iuste occiditur. Vnde in Exodo. 22. legi-



tur : Maleficos non patieris viuere . Et istud seruandum est, quando, sine nocumento, & morte, atque periculo innocentium ac boni communis hoc effici potest; aliàs secundum euangelij iusionem zizania cum tritico tolerare oportet.

2. ¶ Insuper cum peccatoris occisio ad communis boni utilitatem ordinetur, ideo ad illum duntaxat spectat maleficos occidere, cui cura communis committitur, ut est princeps seu iudex auctoritatem publicam habens, non ergo licet priuatæ personæ quæquam occidere, quod si fecerit tanquam homicida iudicabitur secundum Augustinum primo de ciuitate dei. Possunt tamen inferiores auctoritate superioris malos occidere, sed hoc ipse superior propriè facere dicitur, quia secundum Dionysium decimotertio capit. Hierarch. Cœlest. Ille aliquid agit, cuius auctoritate res fit. Et cognoscendum, quod domestica bestia occidi non potest à quolibet, sed requirit iudicium, non quia bestia est, sed propter dānum domini, bestia autem syluestris sine iudicio potest interfici, quia naturaliter ab homine est distincta. Peccator autē ab aliis naturaliter distinctus non est, & ob id sine publico iudicio non debet interimi.

4. ¶ Denique clerici propria manu peccatores non debent occidere. Primo quoniam deputatur altaris obsequio, in quo Christi passio representatur, Christus autem cum percuteretur non reperiuit, & igitur debent ministri clerici dominum suum imitari. Secundo nam clericis committitur ministerium nouæ legis, in qua pœna corporalis occisionis vel mutilationis non determinatur. In veteri autem lege talis pœna distribuitur, & ergo sacerdotibus atque leuitis Mosaicæ legis occidere licuit impios, sicut de Halia, & Samuele, & Mathathia sacerdotibus legitur. Sed nostri prælati qui officia principum terræ suscipiunt, per alios hoc facere debent, Ait namque Apostolus: Oportet episcopum sine crimine esse, non violentum, non percussorem.

¶ An liceat alicui seipsum occidere . 2. An hominem iustum . 3. An alium defendendo seipsum . 4. Vtrum homicidium casuale sit peccatum mortale, Articulus. 123.

**T**riplici autem ratione nephas est seipsum occidere. Primo quoniam vnumquodque naturaliter amat seipsum & propriam conseruationem appetit ac corruptiuis resistit. Et ergo seipsum occidere est peccatum mortale, tam contra legem charitatis, quàm naturæ.

Secundo, quia quilibet homo est quædam pars communitatis, & ergo occidendo seipsum communitati damnum atque iniuriam infert, vt quinto Ethicorum dicitur. Tertio, quia vita est donum dei, & non habet illud quis à seipso. Vnde qui seipsum vita priuat, in deum peccat: quemadmodum aliquem seruum occidens in dominum illius peccat. Ideoque quod sampson seipsum oppressit, instinctu spiritus sancti fecit, qui per eum miraculum fecit. vt Augustinus primo de Ciuitate dei testatur. Et idem de quibusdam mulieribus sanctis, quarum memoria agitur dicit, quod deo inspirante se occiderunt, ne pollueretur. Veruntamen simpliciter loquendo, non licet mulieri seipsam occidere propter corruptionem vitandam, quia non est committendum maximū malum, quale est suiipsius occisio, propter minus malum vitandū. Præsertim cū non in quinetur corpus nisi de cōsensu mētis, sancta Lucia testante.

2. ¶ Præterea sicut peccator publicæ authoritatis sententia occidi potest, in quantum bonum cōmune corrumpit, sic innocens nullo modo occidi debet, quoniam eius vita cōmunis boni conseruatiua promotiuaque est, & ipse est principalior pars boni cōmunis. Vnde iudex qui secundum allegata iudicare compellitur, si scit aliquem innocentem per testes falsos conuictū, debet occasione exquirere qua liberet eum, testes diligentius examinando, si verò hoc non potest, debet eū ad superiorem remittere, quod si nec id possit, nō peccat secundū allegata iudicando, nec ipse innocentem occidit, sed testes iniqui. Sed & minister iudicis obedire non debet iudici, quando sententia eius intolerabilē continet errorem, alias carnifices qui martyres occiderunt, excusarentur. Si autem non continet manifestam iniustitiam, non peccat minister sententiam exequendo, quoniam ipse superioris sui sententiam non habet discutere, & tunc ipse non occidit innocentem sed iudex.

3. ¶ Denique ad eundem actum duo effectus consequi possunt, quorum est vnus intentus, alter præter intentionem agentis. Actus autem morales specificantur ab illo quod est

intentum, hoc enim est per se : quod verò extra intentionem euenit est quasi per accidens. Sic ergo ex actu defensionis, quo se homo defendit, sequi potest conseruatio propriae vitae, tanquã per se intentã, & inuadentis occisio prater intentionem. Neque per accidens sic inuadentem occidere licet, quia licet secundum iura vim vi repellere, seruato tamen moderamine inculpatae tutelae, vnde non debet se homo immoderate habere defendendo seipsum, nec licet alium occidere causa defendendi propriam vitam, scilicet intendendo alterius mortem, nisi publicam auctoritatem habenti, qui hoc refert ad bonum commune, tamen si clericus aliquem occidat defendendo se, etiã prater intentionem, tamẽ irregularis efficitur.

4. ¶ Amplius autem, omne peccatum est voluntarium. Casus autem est causa per accidens secundo Physicorum, & ergo casualia non habent rationem voluntarij vel intenti per se, & per consequens neque peccati. Veruntamen quod non est per se intentum & volitum, potest per accidens esse intentum ac volitum prout causa per accidens dicitur, remouens prohibens. Si ergo qui hominem casualiter occidit, non remouet ea ex quibus homicidium sequitur, si remouere debet est quodammodo homicidij reus, quod dupliciter accidit. Primo quando dat operam rei vitandae illicitae, ex qua homicidium sequitur. Secundo quando non adhibet sollicitudinem debitam. Vnde secundum iura si quis operam praestet rei illicitae, & tamen debitam diligentiam adhibeat, & nihilominus hominem interficiat, non incurrit homicidij reatum. Si verò det operam rei illicitae, aut etiam licitae: sed debitam diligentiam non apponit, & ex hoc homicidium sequatur, non euadit homicidij reatum. Ideoque Lamech putans occidere bestiam, & hominem s. Cain perimens, non excusatur, quia diligentiam debitam non apposuit, & in decretis dist. l. inducuntur multi canones, in quibus casualia homicidia puniuntur. At verò circa primum punctum huius articuli aduertendum, quod ad veram fortitudinem pertinet, non refugere mortem propter bonum commune, ex timore peccandi & ad peccatum vitandum. Sed si quis sibi mortem inferat vt vitet mala poenalia, habet quandam fortitudinis speciem. Propter quod aliqui seipsos occiderunt aestimantes se fortiter agere de quorum numero fuit Zacharitas de quo 2. Machab. habetur. Non est autem hoc vera fortitudo, sed quedam

## D. DIONYSII CARTHUSIANI

mollicies animi dura sufferre non potentis secundum philosophum. 3. Ethicorum, & Augustinum primo de ciuitate Dei, unde non licet seipsum occidere ex timore cōsentiendi peccato, non enim sunt facienda mala vt bona proueniant vel mala vitentur. Præsertim quæ minora sunt atque incerta.

¶ *An mutilatio membri licita sit. 2. An percussio serui & pueri. 3. An incarceration. 4. De aggrauatione horum*  
*Articulus* 124.

**C**onstat quod de membro hominis disponendum sit secundum exigentiam totius corporis. Ideoque si membrum est putridum, potest illud propter totius sanitatem abscindi propria autoritate, qua vniciueque propriæ salutis cura committitur. Sed cum ipse totus homo ad bonum commune ordinetur, sicut Iudex propter maiorem culpam potest occidere hominem, sic propter culpam minorem abscindere potest alicui membrum quauis sanum. Hoc autem homini quo ad seipsum non licet, nec alicui alteri nisi iudici, & eius autoritatem habenti vel exequenti, quauis aliquis roget alium vt mutilet eum. Ex quibus pater, quod propter spirituale profeetum mutilatio non sit licita, quia spirituali saluti aliter subsidium impendi potest, cum omne peccatum ex voluntate dependeat: non autem licet membrum præcindere, nisi cum homini aliter succursus exhiberi non valet.

2. ¶ Præterea, per verberationem nocumentum quoddam infertur, qui percussus dolore afficitur. Inferre verò nocumentum non licet, nisi per modum pænæ propter iustitiam. Sed punire aliquem eius duntaxat est, cuius ditioni subiectus est alter. Verberare itaque alium aliquem non licet, nisi ei, qui potestatem super alium habet. Quia igitur filius patri, seruusque domino subiiciuntur, percuti licite ab ipsis possunt causa correctionis vel disciplinæ. Attamen moderamen seruandum est, sicut Ephesios apostolus monet. Sed occidere non possunt, quoniam publica autoritate non gaudent.

¶ Et quemadmodum licitum est vniciueque dare disciplinam volenti, cum hoc ad eleemosynas spirituales pertineat: sic volenti dare disciplinam eius est, cui alterius cura commissæ est.

3. ¶ Porro in bonis corporis tria considerantur. Primo integritas eius cui per occisionem & mutilationem detrimentum

infertur. Secūdo quies seu delectatio sensus, cui opponitur percussio, & omnē dolorem inducens. Tertio vsus ac motus membrorum, quæ per incarcerationem ac detentionem vel ligationem impediuntur: quemadmodum ergo illicitum est aliquem occidere, mutilare, vel percutere, nisi secundum ordinem iustitiæ, sic aliquem incarcerare vel detinere, est prorsus illicitum, nisi seruato iustitiæ debito ordine scilicet in pœnam aut tutelam mali vitandi. Quod tamen non licet nisi ei cui incumbit de vita & actu alterius ordinare, quanuis aliquem detinere ad horam ab opere malo mox perpetrando cuilibet liceat.

4. ¶ Insuper quanto iniuria redundat in plures, tanto peccatum fit maius, sicut percutere principem est peius quā priuatam personam: cum hoc in totius multitudinis iniuriam redundet. Ideo inferre iniuriam personæ alteri coniunctæ, cæteris paribus grauius est: quia per hoc duobus ad minus iniuria fit. Potest tamen peccatum, quod in vnum solum committitur esse grauius illo, quod in plures fit, propter circumstantias aliquas, vtpote propter magnitudinem iniuriæ vel dignitatem personæ: & igitur iniuria viduis ac pupillis illata maiorem culpam sortitur, quia magis nocet eis qui releuantem non habet, & etiam quia misericordiæ magis opponitur.

¶ *Vtrum exteriorum rerum possessio sit naturalis. 2. An liceat aliquid tanquam proprium possidere. 3. De furto, & differentia rapinæ & furti. 4. De peccato furti & rapinæ. 5. An liceat propter necessitatem furari. 6. De prædis bellatiu.*  
 7. *Vtrum grauius sit peccatū furtum ne, an rapina. Articulus. 125.*

**D**Vpliciter deniq; possunt considerari exteriora. Primo secundum suam naturam, & ita soli deo competit dominium naturale eorum; nam ad nutum ipsius vniuersæ rerum naturæ immutantur atque obediunt. Secūdo quo ad vsum ipsorū, & sic habet hō naturale dominium super res exteriores, tanquā propter se factas, quia per rationē & voluntatem vti eis potest secundum suam utilitatem. Semper namq; imperfectiora sunt propter perfectiora.

2. ¶ Aduertendum tamen, quod non licet exteriora possidere tanquam propria quo ad vsum ipsorum, sed tanquā cōmunia: quatenus ea de facili indigentibus tribuat atque communice. Dicit enim Ambro. & habetur in decretis dist. 96. c. Sicut hi: Proprium nemo dicat, quod commune est, & de iure naturali omnia sunt communia hoc modo: non quod ius naturale distet nihil tanquam proprium possidendum: sed quia distinctio possessionum non est de iure naturali, sed positio. Non solum autem competit homini circa exteriora possessio, sed etiam ius procurandi dispensandique ea, & sic licitum est aliquid tanquam proprium possidere, imo & necessarium vitæ humanæ. Primo quoniam vnusquisque naturaliter est magis sollicitus procurandi proprium bonū quā quod ad communitatem pertinet: quia quilibet laborem fugiens relinquit alteri, quod omnium aut multorum existit: sicut in multitudine apparet. Secundo, quia res humanæ ordinatius tractantur, dū singulis imminet propria cura alicuius rei procurandæ. Tertio quia status hominum per hoc magis pacificus permanet, dum quilibet proprijs est contentus.

3. ¶ Porro ad rationem furti tria concurrunt. Primo usurpatio rei alienæ, quæ contrariatur iustitiæ. Secundo, quod est circa possessionem, & per hoc differt ab homicidio & adulterio. Tertio, quod aliquid occultæ auferatur, & sic differt a rapina à rapina specificè, quia furtū fit occulte, rapina aperte. ¶ Nullus quippe patitur iniustum volens. Cum ergo rapina & furtum contrariantur iustitiæ, vtrūq; est inuoluntariū ex parte patientis. Inuoluntarium verò dupliciter dicitur, scilicet per violentiam & ignorantiam. 3. Ethico. quorum primū pertinet ad rapinam, secūndum ad furtum. Sunt autem in furto duæ rationes peccati. Prima, quia contrariatur iustitiæ, usurpando alienū. Secūdo est furtum culpa ratione doli seu fraudis, quia occulte & velut ex insidijs agit. Sed sciendum est, quod circa res inuentas opus est distinctione, nam res inuentæ, quæ nunquam in alicuius possessione fuerunt, vt sunt lapilli & gemmæ in littore maris inuentæ, licite reseruantur: similiter thesauri ad antiquo sub terra occultati. Tamen secundum leges ciuiles, tenetur inuētor mediam partem thesauri inuenti dare domino agri. Aliquæ autem res sunt, quæ de proprio in alterius bonis fuerunt, & illas accipere non animo retinendi sed restituendi, non est furtum, alias furtum com-

mitteretur, dicit enim Augustinus & habetur 14. quæst. 5. Si quid inuenisti & non reddidisti, rapuisti.

¶ Si autem aliquis rem suam furtim auferret à depositario, peccaret: quia ille teneretur ad restituendum vel ad ostendendum se innoxium, & ergo grauat depositarium, tenereturq; ad releuandum grauamen ipsius. Si verò alter rem iniuste detinet, tunc qui eam furtim tollit, peccat in quantum prætermisso debito ordine iuris propria recepit, vsurpando sibi iudicium propriæ rei.

4. ¶ Insuper cum furtum sit nocumentum in rebus proximi, & sociali vitæ contrarium, opponitur charitati & est peccatum mortale: tamen in paruis rebus excusatur à tanto, quia quod modicum est pro nihilo habetur. Si verò in illis habeat homo animum furandi, peccat mortaliter. Aduertendum præterea, quod poenæ vitæ præsentis medicinales sunt potius, quàm retributivæ. Nam retributio reseruatur diuino iudicio. Ideoq; non pro quolibet peccato mortali infligitur poena mortis: sed pro illis duntaxat, quæ inferunt irreparabile nocumentum, vel quæ habent horribilem deformitatē. Vnde nec pro furto infligitur mors, quoniam damnum reparabile infert, nisi per grauem circumstantiam aggrauetur, vt in sacrilegio, quod est furtum rei sacræ: & in peculatu, quod est furtum rei cõmunis.

5. ¶ Porro ius humanum iuri naturali vel diuino derogare non potest: res autem exteriores de iure naturali communes sunt, in quantum ex diuina prouidentia factæ sunt in omnium hominum vtilitatem, & maximè ad subueniendum necessitati humanæ: & ideo diuisio atque appropriatio rerum impedire nõ valet, quin in necessitatis articulo posset vnusquisq; à quolibet rapere, quod sibi necessarium est vel etiam alteri. Si verò sit aliqualis non vrgens necessitas, aliqualliter peccat, qui furatur. Et de tali necessitate loquitur Decretal. extra. de furtis. Si quis per necessitatem furatus sit famis vel nuditatis, poeniteat hebdomadas tres.

6. ¶ Amplius, rapina violentiam & coactionem includit. In societate autem humana nullus habet coactionem, nisi per publicam potestatem. Quicumq; itaque alteri aliquid violentè aufert, si sit persona priuata non fungens autoritate publica, illicitè agit, & rapinam committit vt latro. Principibus quoq; non licet violentia coactioneq; vti, nisi secundum tenorem iustitiæ, vt contra hostes pugnando, aut malefactores



## D. DIONYSII CARTHUSIANI

puniendo. Et quod ita aufertur, non propriè sortitur rationem rapinæ. Si verò aliter aliquem opprimunt aut spoliant, tenentur ad restitutionem. Et simile est de prædis bellantiū, habentes autem iustum bellum, prædam quam acquirunt ab hostibus, licite referuare possunt, nec habet illa præda rationem rapinæ. Tamen si praua intentio, vel cupiditas se iusto bello commisceat, peccant, quia secundum Augustinum propter prædam militare, peccatum est. Si autem qui prædam accipiunt habeant bellum iniustum, rapinam committunt & reddere obligantur. Cognoscendum quoque, quod res, quas infideles possident, non sunt eorum, sed iniuste possident eas, in quantum secundum leges terrenorum principum eas amittere iussi sunt, vnde licet eas ipsis auferre per violentiā, non priuata sed publica autoritate. Dicit enim Augustinus in epistola ad Vincentium Donastiam, Res falsè appellatis vestras, quas nec iuste possidetis, & secundum leges terrenorum regum amittere iussi estis.

7. ¶ At verò cum rapina & furtum rationem peccati accipiant, propter inuoluntarium eius cui aliquid tollitur, constat rapinam grauius esse peccatum quàm furtum. Nam in rapina est inuoluntarium per violentiam, in furto autem inuoluntarium per ignorantiam. Violentia autem directius opponitur voluntati quàm ignorantia. Et iterum in rapina inferitur non tantum damnum alicui, sed etiam ignominia atque iniuria: quæ utique est grauior dolo seu fraude, quæ spectat ad furtum. Verùtamen quoniam in rapina apparet quædā potentia, in furto autē astutia: ideo homines minus verecundantur de rapina quàm de furto: tamen rapina detestabilior est.

¶ *Vtrum aliquis iustè iudicare potest non sibi subiectum.*

2. *An possit ferre sententiam contra ueritatem quam nouit propter ea quæ proponuntur.* 3. *An etiā ludeo dānare possit non accusatū.* 4. *An possit pœnam relaxare.* Art. 126.

**S**ententia insuper iudicis, est velut particularis lex in determinato negotio, & vim coactiuam sortitur cōpellens partē utrāq; sibi assentire, sed in rebus humanis vis coactiua non competit nisi publica autoritate fungentibus, quæ se ad illos extendit, qui potestati subduntur, pro-

pter quod nullus aliquē iudicare potest nisi sit ei aliquo modo subditus, utpote per commissionem aut ordinariam potestatem. Vnde Gregorius: falcem (inquit) iudicij mittere non potest in eam rem quæ alteri est commissa.

¶ At verò secundum iura, quilibet fortitur forum secundum rationē delicti. Sciēdū ergo quod episcopus, in cuius diocēsi aliquis delinquit, efficitur superior eius ratione delicti, quāvis exemptus sit, nisi forte in re exempta delinquat, ut in administratione bonorum monasterij exempti. Si verò exemptus homicidium, furtum aut aliquid tale committat, potest per ordinarium iustè damnari.

2. ¶ Præterea, cum iudici incumbat iudicium secundum quod fungitur publica authoritate, non prout est persona priuata, ideo iudicare debet non prout ipse nouit, tanquam singularis persona, sed informandus est iudicando, secundum id quod sibi innotescit in communi & in particulari, non ut personæ priuatae. In communi quidem per leges publicas, diuinas vel humanas, contra quas nullas probationes admittere debet. In particulari autem negotio, per ministrum & testes ac alia documenta legitima, quæ sibi debet magis, quàm id quod ipse nouit prout est quædam persona. Nihilominus per ea quæ sibi constant, adiuuare se potest discretius discutendo probationes inductas, quarum si defectus repellere iuste non potest, debet secundum eas iudicare, quauis sibi oppositum constet.

3. ¶ Amplius autem, iudex est velut interpres iustitiæ, iustitia verò non est ad seipsum sed ad aliū, & ergo oportet quod iudex inter duos diiudicet, quod fit cum vnus sit accusator, & alius reus. Ideoq; nō potest in criminibus aliquem condemnare nisi habeat accusatorem, iuxta illud: Non est consuetudo Romanis damnare aliquem hominem, priusquam is qui accusatur præsentem habeat accusatores, &c. Sed sciendum quod infamia publica habet locum accusatoris, & euidentia patrati sceleris accusatore non eget.

4. ¶ Denuntiatio quoque non ad condemnationem, sed ad emendationem peccantis ordinatur, & ergo ipsa ad condemnationem non sufficit. Iudex ergo non potest esse, & iudex & accusator.

¶ At verò circa iudicem duo pēfanda sunt. Primo, quod inter accusatorē & reū discernit. Secundo quod nō propria sed

publica auctoritate hoc facit, & ex utroque à relaxatione pœnæ impediri potest. Primo ex parte accusatoris, ad cuius ius interdum pertinet, quod reus puniatur, videlicet propter iniuriam sibi illatam, cuius relaxatio in arbitrio iudicis non est, qui utique unicuique tenetur ius suum dare. Secundo impeditur ex parte publicæ auctoritatis, cuius vice fungitur, ad cuius bonum spectat quod malefici deleantur. Sed hoc in principe supremo iudice, cui plenaria rei publicæ potestas commissa est, locum non habet. Iudex quippe inferior contra legem sibi à superiori præfixam absolueri nequit. Sed princeps absolueri potest reum, si passo iniuriam, placet, dummodo viderit hoc reipublicæ non esse nocivum. Itaque misericordia iudicis in his locum habet, quæ suo arbitrio relinquuntur, in quibus boni viri est, ut sit diminutius pœnarum, secundum Philosophum quinto Ethicorum.

¶ An homo teneatur accusare. 2. Vtrum accusatio sit facienda in scriptis. 3. Quomodo etiam accusatio fiat vitiosa. 4. De pœna male accusantium.

Articulus

127.

**Q**uemadmodum denuntiatio ad emendationem, sic accusatio ad punitionem criminis ordinatur. Pœnæ autem vitæ præsentis non expetuntur propter se, quia in præsentis non est ultimum retributionis tempus: sed in quantum sunt medicinales, conferentes vel ad emendationem peccantis, aut ad utilitatem & pacem reipublicæ, quæ per malorum punitionem procurantur. Unde si crimen alicuius in detrimentum rei publicæ vergat, tenetur homo ad accusationem, si sufficienter queat probare, quod accusatorem concernit, videlicet cum malum aliquod tendit ad corruptionem multitudinis, vel spiritualement vel corporalem. Si verò peccatum in multitudinem non redundet, aut sufficienter probari non valeat, non tenetur homo ad accusationem, cum nemo teneatur ad hoc quod debito modo perficere nequeat.

¶ Agnoscendum verò, quod non licet subditis prælatorum vitam diffamare vel accusare aut reprehendere, si ipsi met criminosi sint, aut sine sincera charitatis affectione, sicut per plura capitalia patet. Secunda quæstio. septima videtur.

Tamen si idonei sint possunt accusare praelatos ordinare & debito modo.

¶ Porro si aliquis ab aliquo in secreto quicquam accepit, nō licet illud reuelare in malum personæ illius, quia hoc contra fidelitatem esset, si verò reueletur propter bonum commune, non est contra fidelitatem. Nam contra illud nullum secretum licet recipere, eò quòd bonū commune semper præferendum sit bono priuato.

2. ¶ Præterea, quoniam in accusatione criminis ipse accusator est pars, sic quod inter eum & reum iudex constituitur medius ad examen iustitiæ, in quo secundum certitudinem procedendum est, prout possibile est. Ideo rationabiliter est statutum, quatenus accusationes redigantur in scriptis. Nam quæ verbo tenus referuntur, à memoria cito labuntur. Vnde secunda quæstione octaua dicitur. Accusatorum personæ, si ne scripto nunquam recipiantur. Ideoque quod canon ait, per scripta nullius accusatio suscipiatur de absenti, qui accusationem mittit, intelligi debet. Propter quod sec. quæsti. octaua habetur, nullus absens accusare potest, nec ab aliquo accusari.

3. ¶ Quoniam autem denunciator se ad probandum non obligat ideo denuntiatio in scriptis non ponitur.

¶ Præterea tribus modis fit accusatio vitiosa, sicut secunda q. tertia dicitur, scilicet per calumniam, præuaricationem, tergiversationem. Accusatio nanque ad bonum commune ordinatur.

¶ Dupliciter itaq; accidit in accusatione peccatum. Primo, quia aliquis alteri crimen falsè imponit, & hoc est calūniare. Si tamē ex malitiā fiat, & non ex leuitate qua aliquis cito credit, vel ex iusto errore, cū omnia iudici relinquātur discernēda. Secundo cōtingit peccatū in accusatione ex parte rei publicæ, cuius bonū malitiosè quis impedit, punitionē peccatī impediēs. Quod rursus dupliciter accidit. Vno modo fraudē in accusatione miscēdo, vtpote ludens cū reo, pprias pbatio nes dissimulando, falsasq; accusationes admittēdo, & hoc ad præuaricationē p̄tinet, dicitur nāq; præuaricator quasi variator, vtpote adiuuās partē aduersā prodit causa. Alio modo, totaliter ab accusatione cessando, quod ad tergiversationem pertinere constat, si inordinate desistat. Potest nanq; dupliciter iniuste desistere. Primo, si in ipso processu se falsè accu-

fasse cognouerit : & tunc reus & accusator se pari absoluunt consensu. Secundo si princeps accusationem aboleuerit.

4. ¶ Insuper, quoniam accusator contra reum pars constituitur, intendens pœnam illius : ideo merito pœnam talionis incurrit, si in probatione defecerit. Exigit enim æqualitas iustitiæ ut quis nocumentum quod alteri intērat, ipse sustineat, sicut scriptum est : Oculum pro oculo, dentem pro dente.

¶ Veruntamē cū inuoluntarium, peccatū diminuat, si iudex cognouerit accusatorē falsa dicere non ex malitia, sed (ut dictum est) ex leuitate aut iusto errore, potest eum à pœna talionis absolvere. At verò qui alium male accusat, contra accusatum & contra rem publicam peccat, & ergo propter utrūq; punitur. Potest autem accusatus ei pœnam dimittere, quam meruit ipsum accusans. Præsertim si non calumniose accusauit. Si verò ab accusatione desistit propter collusionem cum aduersario, facit iniuriā rei publicæ, nec potest accusator iniuriam dimittere sed princeps, & quandoq; princeps dimittit falso accusatori pœnam, non delendo diffamiam, interdū verò diffamiam abolet. Vnde quod Gelasius papa ait. Quamquā animas per pœnitentiam saluare possumus, diffamiā delere non possumus, de diffamia facti accipi debet, vel quia quandoq; non expedit, vel loquitur de diffamia per iudicem ciuilem irrogata, secundum Gratianum.

¶ *An peccet homo mortaliter ueritatem negans, propter quam damnaretur. 2. An se calumniose defendere liceat. 3. Utrū liceat iudicium subterfugere appellando. 4. An condemnatus per uolentiam defensare se possit.*

Articulus

128.

**Q**uoniam iudex superior est respectu eius quem iudicat : ideo accusatus tenetur ex debito iudici ueritatem exponere, quā ab eo secundū formam iuris exquirat. Et si dicere noluerit, vel mendaciter negauerit, mortaliter peccat, quia contra iustitiæ debitū agit. Veruntamen si iudex non secundū formam iuris aliquid exigit, non est necesse parere. Imò per appellationem vel aliter subterfugere licet, sed mentiri illicitum est.

¶ Rursus confessio proprii criminis cedit in gloriam dei, quemadmodum Iosue dicit : Filii mei da gloriam domino deo Israël, & confitere atque indica mihi quid feceris. Ideoque

positum agere, dum ius requirit, charitati dei, cuius iudicium est, contrariatur, & est contra proximi dilectionem quoniam accusator si in probatione defecerit punitur, est quoque ad injuriam iudicis.

2. ¶ Præterea ex his innotescit quod non licet accusato se calumniose defendere. Nam veritatem quam secundum formam iuris exigitur dicere, tacere non potest, videlicet cum sine aliquo crimine præcessit infamia, aut semiplena probatio, vel manifesta iudicia apparuerunt. Falsitatem quoque proponere nullatenus licet. Vnde si his modis se accusatus defendat, scilicet veritatem non pandens cum tenetur, aut mendacium loquens, astute & dolose procedit: quod est calumniose defendere. Potest tamen se defendere occultando veritatem quam dicere non tenetur cum nemo (secundum Chrysostomum) teneatur seipsum prodere. Hoc autem est prudenter euadere. Sed sciendum, quod secundum iura civilia licet in causa sanguinis aduersarium corrumpere, nec adhibent poenam se calumniose defendenti, quanuis secundum legem diuinam istud illicitum sit.

¶ Leges enim humanæ multa peccata mortalia impunita relinquant cum non requirant ab homine omnimodam perfectionem, quæ etiam paucorum est, quale est veritatem non negare propter mortem instantem. Sed lex diuina omne malum condemnat.

3. ¶ Denique licitum est appellare confidenti causæ iustæ & qui à iudice iniuste gravatur, vt secunda quæstio, septima dicitur, hoc, enim est prudenter euadere. Secundo aliquis appellat timore, ne contra eum iusta sententia proferatur, quod illicitum est, quoniam hoc est se calumniose defendere. Vnde secunda quæsti, sexta dicitur: Omni modo puniendus est, cuius iniusta appellatio pronuntiatur. Licet quoque appellare & ante sententiam & post, non tamen licet ad infidelem iudicem appellare, quia non præsumitur illic esse rectitudo, ubi vera fides deest, quanuis autem à iudice ordinario, non tamen ab arbitrarijs iudicibus appellare conceditur, nisi quando arbitrarius iudex est etiam ordinarius, tunc nanque ordinaria potestas videtur fuisse occasio quod arbiter est electus. Conceditur verò spacium decem dierum ad appellandum, videlicet quod interim se quilibet deliberare potest an appellare expediat, nec coöceditur tertio appellare, cum non sit proba-

bile totiens à recto iudicio iudices declinare.

4. ¶ At verò sicut iniuste damnato licet, si ahsit facultas, se defendere atq; resistere, sic iuste condemnato hoc ipsum nō licet, quod autem dicitur de defensione iniuste damnati, intelligi debet nisi forte scandalum immineat, cum ex hoc grauis oriretur damnatio. Non autem tenetur reus in loco manere, vnde ad mortē duceretur, & vel si aliquis damnatus est ad mortē famis, non peccat si cibum sibi occulte ministratū manducet, quia cibum non sumere esset seipsum occidere.

¶ An homo teneatur ad testimonium ferendum. 2. An duorum uel trium testimonium sufficiat. 3. Cur etiam à testimonio aliquis repellitur. 4. Vtrum falsum testimonium perhibere sit peccatum mortale.

Articulus 129.

**T**estimonium autem quandoque quidem requiritur à subdito auctoritate superioris, & tunc tenetur homo testari de his quæ ad iustitiam pertinent, si secundum formam iuris exigitur, vt in manifestis & de quibus diffamia præcessit, de occultis verò & de quibus non præcessit infamia, non tenetur testimonium ferre.

¶ Interdum autem testimonium hominis à nullo superiori requiritur, & tunc distinguendum est, quia aut testimonium requiritur ad liberandum hominem de morte iniusta, diffamia, poena, aut damno iniquo, tunc testari homo tenetur, & si eius testimonium non exigitur, debet tamen facere quod in se est, veritatem denuntiando alicui qui possit prodesse. Dicit nanque Apostolus: Digni sunt morte, non solum qui faciunt, sed etiam qui consentiunt. Vbi glosa dicit: Consentire est, tacere cum possis redarguere. In his verò, quæ ad condemnationem alicuius spectant, non tenetur quis testificari, nisi cum à superiori secundum ordinem iuris ad hoc ipsum compellitur. De his autem quæ homini in secreto committuntur, sciendum, quod illa quandoque sunt talia vt statim cum agnita fuerint homo teneatur prodere ea, quemadmodum ea quæ bono communi contrariantur, siue in spiritualibus siue in corporalibus, vel quæ in alicuius personæ graue damnum vergunt. Nam talia mox propalanda sunt testificando



vel denunciando, nec contra hoc debitum obligare potest secreti commissum, quia in hoc frangeret fidem quam alteri debet. Alia demum sunt, quæ homo manifestare non tenetur, & in talibus fides secreti seruanda est, nec aliquo modo, imò nec superioris præcepto, talia prodi debent, quia alteri seruare fidem est de iure naturali, contra quod nihil præcipi potest ab homine.

2. ¶ Præterea, non est in omni materia æqualis certitudo expetenda. Vnde in actibus humanis, in quibus fiunt iudicia & exiguntur testimonia, non est demonstratiua sed probabilis certitudo poscenda, quæ ut frequentius veritatem attingat. Est autem probabile quod dictum multorum verius sit quàm dictum vnius. Vnde cum reus sit vnus, si cum accusatore plures concordent, rationabile est ut ipsorum testimonio stetur. Vnde ergo cum omnis multitudo in tribus comprehendatur, scilicet principio, medio, & fine, & secundum Philosophum, Omne & totum in tribus ponimus, ideo quando cum accusatore duo concordant, habetur ternarius testium & sufficit, & si præter accusatorem sint tres, tunc certius est, quia funiculus triplex difficile rumpitur. Vnde si testes discordant in circumstantijs principalibus, quæ substantiam facti variant, scilicet loco, tempore, aut personis, non est eorum testimonium efficax. At verò quod secunda quæsti. septima dicitur. Præsul non damnetur nisi septuaginta duobus testibus. Presbyter autem cardinalis, nisi quadraginta quatuor testibus non deponitur, specialiter locum habet in episcopis presbyteris, Diaconibus, & Clericis Ecclesiæ Romanæ. Propter eius dignitatem, & hoc triplici ratione. Primo quia in ea tales debent institui, ut eorum sanctitati magis credatur quàm testimonio plurium. Secundo quia homines qui alios iudicare habent, multos passim aduersarios habent propter iustitiam, ideoque contra eos testibus credi non conuenit, nisi magna multitudo conueniat. Tercio quia ex condemnatione alicuius eorum, derogaretur in opinione hominum dignitati illius ecclesiæ & authoritati, quod periculosius est quàm in ea tolerare aliquem peccatorem nisi valde grauem, de quo scandalum magnum procederet.

3. ¶ Denique repelluntur à testimonio homines, & propter culpam & sine culpa. Testimonium enim ordinatur ad probabilem certitudinem, & ergo quod talis certitudinis impe-

## D. DIONYSII CARTHUSIANI

ditium est, facit hominem inidoneum ad testandum, quod quandoque venit ex culpa, & sic infideles & infames, & publico crimine rei accusare vel testari non possunt, interdum quoque est sine culpa, & hoc vel ex defectu rationis, & sic pueri & amentes & mulieres repelluntur, aut ex affectu, ut de amicis & cognatis atque domesticis patet, vel ex exteriori conditione, & ita serui & pauperes, & quibus imperari potest à testimonio refutantur, quia de illis probabile est quod facilliter possunt induci ad testandum quod falsum est.

4. ¶ Porro testimonium falsum triplicem deformitatem sortitur. Primo ratione periurij, quia testes non admittuntur nisi adiurati, & ex hac parte testimoniū falsum semper est mortale peccatum. Secundo ratione violationis iustitiæ, & sic est peccatum mortale ex genere, sicut & omnis iniustitia, & in præcepto prohibitum. Tertio ratione falsitatis, & sic est semper peccatum, non tamen semper mortale, sed in testando nihil pro certo asseri debet nisi quod certum esse constat. Si autem ex instabilitate memoriæ æstimet quis se scire pro certo, quod tamē aliter est, non peccat mortaliter certius testando. Si tamē cum debita sollicitudine inde præcogitet, tunc enim non dicit falsum per se seu ex intentione, sed magis per accidens. In falso quoque iudicio, falsum testimonium perhibere, non est peccatum mortale nisi ratione periurij, quia mendacium quod nulli nocet & alicui prodest, officiosum est.

¶ *Vtrum aduocatus tenetur præstare patrocinium causæ pauperum 2. An etiam aliquis arcendus est ab advocati officio 3. Vtrum aduocatus peccet causam iniustam defendens 4. An peccet pecuniā pro suo patrocinio sumens.*

Articulus 130.

**P**restare patrocinium causæ pauperum, ad opus misericordiæ pertinet: ideoque hic respondendum est de hac subuentione, sicut superius de aliis misericordiæ operibus dictum est, ut scilicet, quia secundum Augustinum primo de doctrina Christiana, homo omnibus prodesse non possit, his potissimè consulat, qui sibi pro locorum vel temporum, aut quarumlibet rerum necessitatibus, strictius quadam sorte iunguntur. Unde aduocatus non te-

netur semper causæ pauperum patrociniū præstare, sed solum prædictis conditionibus concurrentibus. Non enim tenetur terras circuire indigentes querendo, vel tēpore præoccupando. Sed eis qui sibi occurrunt, succurrere debet, si præsens assit necessitas. Primo debet succurrere magis coniūctis, sicut Apostolus docet prima ad Timot. 5. quibus concurrentibus restat pensandum, an aliquis tantam necessitatem sustineat, quod in promptu non est vnde sibi aliunde succurri queat, & tunc debitum est opus impendere misericordiæ: si verò in promptu apparet, quomodo pauperi aliter subueniri valeat, vel à seipso, vel à persona magis coniuncta seu potentiori, non tenetur succurrere homo indigenti, & sicut bene facit si subuenit, sic non peccat si non succurrit.

2. ¶ Præterea, aliquis impeditur ab opere aliquo dupliciter. Primo propter impotentiam, & tunc simpliciter impeditur. Secundo, propter indecētiam, & sic non impeditur simpliciter, quia necessitas præfertur indecentiæ, pariformiter ab officio aduocati quidam prohibentur propter impotentiam, sicut furiosi, impuberes, surdi & muti, aliqui autem propter indecētiam, & hoc dupliciter. Primo quia maioribus deputantur officijs, & ergo monachos & presbyteros in nulla causa decet esset aduocatos. Sed nec clericos in seculari iudicio. Secundo propter defectum personæ, vel corporalem vt cæcus qui conuenienter astare iudici nequit: vel spiritualem, & sic, infideles & infames, & publice criminosi atque damnati, aduocati officium decenter exequi non possunt nisi necessitas exigat vel pro seipsis vel sibi coniunctis, & ergo clerici pro suis ecclesijs possunt esse aduocati, & monachi pro causa monasterij, si abbas precipiat.

3. ¶ At verò cum eiusdē malitiæ sit, peccatū patrare, & cooperari vel assentire: ideo si aduocatus scienter causam iniustā defendat, grauiter peccat, & ad restitutionē dāni partis aduersæ tenentur, quod illa suo patrociniū incurrit, si autē ignoranter hoc agit, excusatur eo modo quo ignorātia excusari valet.

4. ¶ Amplius pro illorum exhibitione, quæ homo alteri iuste non debet, recompensationem accipere non contrariatur iustitiæ: aduocatus autem non semper tenetur patrociniū aut consiliū dare. lōque si ea vendat non peccat, & eadem ratio est de medico opem sanitatis ferente atque omnibus alijs personis similibus, dum tamen moderate accipiant,

## D. DIONYSII CARTHUSIANI

penfatis, videlicet conditione personarum & negotiorum laboris, & consuetudine patriæ. Si autem inordinate quicquã extorquent, ad restitutionem tenentur, & licet scientia iuris sit bonum spirituale, tamen vsus eius sit opere corporali.

¶ Veruntamen secundum Augustinum non debet iudex vèdere iustum iudicium, nec testis verum testimonium, nam iudex & testes sunt personæ cõmunes parti vtriq;, & ideo iudicibus sunt de publico stipendia laboris statuta, testes quoque accipiant laboris stipendium, non testimonij præcium.

¶ *Quid sit contumelia. 2. An sit semper peccatum mortale. 3. Vtrum oporteat contumeliosos reprimere. 4. De causa contumeliæ. Articulus. 131.*

**D**Eniq; contumelia inhonationem alterius importat, honor autem excellentiam sequitur, & ergo dupliciter aliquis inhonoratur. Primo, cum excellentia sua priuatur. Secundo cum aliquis ad aliorum notitiam ducit per quæ honor aufertur alicui: hoc proprie ad contumeliam pertinet, quod quidem per signa aliqua fieri constat, & quia verba primum locũ obtinēs inter signa, ideo contumelia in verbis proprie consistit. Nam secundum Iſido. cõtumeliosus dicitur, quia velox est & tumet verbis iniuriæ, 2. ¶ Præterea, verba contumeliæ non inferunt nocumentũ neque conuitium in quantum sunt soni, sed prout significant aliquid: quæ vtrique significatio ex interiori affectu procedit. Propterea in significatione & culpa verborum summe perpèdèdum est, quo affectu homo verba profert, si itaq; intèrio hominis verba proferentis & pronuntiantis sit, alterius honorem auferre, tunc contumelia non est minus peccatum mortale quàm rapina & furtum, & istud est proprie atq; formaliter contumelia. Si verò quis verba contumeliæ proferat non intentione aliquam dehonestandi, sed pp correctionem aut aliquid simile, tunc non est proprie contumelia, nec per se, conuitium, sed quasi materialiter, & sic potest esse peccatum veniale, & etiam sine omni peccato, sed circa hoc est discretio necessaria, quatenus homo talibus verbis moderate utatur, quoniam posset esse tam graue conuitium, quod præter intencionem dicentis auferret honorem alterius, & sic per incautelam prolatum, posset esse mortale peccatum: Vnde

Augustinus ait: Raro & ex magna necessitate obiurgationes sunt adhibendæ, in quibus non ut nobis sed domino seruiatur instemus. Sic ergo innotescit, quod verbum Christi ad discipulos, O stulti & tardi corde ad credendum Apostoli quoque: O insensati Galatæ, non fuit contumelia formaliter & proprie.

3. ¶ Insuper sicut necessaria nobis est patientia contra iniurias factorum, sic & contra iniurias verborum, & utraque intelligenda est in præparatione animi ut sit homo paratus talia pati si expediens est, quandoque tamen iniuriam verbi, seu contumeliam oportet repellere propter duo. Primo propter bonum contumeliam inferentis, quatenus audacia eius reprimatur. Dicit enim Salomon: Responde stulto iuxta stultitiam suam, ne sibi sapiens videatur. Secundo propter bonum multorum, & præsertim subditorum, quorum profectus impeditur si contumelia illata non reprimatur, & ergo (secundum Gregorium) debent prælati detrahentium verba si possunt compescere, ne ipsorum doctrina vilescat in animo subditorum, quæ tamen repressio moderata esse debet, & ex officio charitatis, nõ ex cupiditate privati honoris descendere.

4. ¶ Amplius, cum vnum peccatum ex multis possit oriri ex illo tamen principalius nascitur, ex quo frequentius procedit propter propinquitatem ad finem ipsius. Finis autem terræ est vindicta. Sed nulla vindicta est, homini magis in promptu, quàm inferre contumeliam. Vnde elucescit, quod ira est proprie origo contumeliæ, non tamen superbia, sed ipsa disponit ad contumeliam, inquantum superbi se aliis superiores existimant, atque ob id eos facilius spernunt, & iniurias irrogant, citius nanque irascuntur. Vtpote, reputantes indignum quicquid contra ipsorum voluntatem agitur. Vnde in Proverbi. dicitur: Vbi superbia, ibi contumelia. Et iterum scriptum est: Sulti miscentur contumeliis: nam ira comparatur stultitiæ: eo quod tamen rationem perfecte non audiat.

¶ Quid sit detractio. 2. An sit peccatum mortale. 3. De comparatione eius ad alia vitia. 4. Vtrum detractio nem audiens peccet.  
 Articulus 132.

**Q**uemadmodū aliquis factio alteri dupliciter nocet videlicet aperte, vt in rapina vel quacūq; violētia: & occulte, vt in furto & percussione dolosa: sic verbo aliquis dupliciter læditur. Vno modo in manifesto, & hoc fit per contumeliam. Secundo modo in secreto, & hoc fit per detractiōem. Est nanq; detractio denigratio alienæ famæ per verba occulta.

**¶** In hoc verò quod aliquis publice alteri cōiiciatur, parui pendere eū videtur, & ergo cōtumelia tendit in inhonoratiōē alterius. Sed qui de aliquo in occulto mala loquitur, potius timere quàm parui pendere eū videtur, & ideo detractio directe infert detrimentū famæ, inquantū audientes facit detractor malam opiniōē habere de illo cui obloquitur. Dicitur autem homo detrahēre, non quia semper de veritate diminuat, sed quia quātū in se est, alterius famā ex intētiōe corrūpit, vel directe vel indirecte. Directe quadrupliciter. Primo quando imponit alteri falsum. Secūdo quādo peccatū verbis suis adauget. Tertio quādo occultū reuelat. Quarto dū illud quod bonū est, asserit mala intentione factū. Indirecte autē vel negando bonum alterius, vel malitiosē reticendo.

2. **¶** Præterea, secundum prædicta, peccata verborum sunt maximē iudicanda ex intentione dicentis, cū ergo detractio ordinetur ad denigrandū alterius famam, ille formaliter detrahit, qui ob hoc de aliquo, eo absente mala dicit, quatenus eius famam commaculet, quod valde est graue. Nam inter res temporales videtur fama preciosior esse, per eius quippe defectum impeditur homo à multis bonis agendis, & ergo in Ecclesiastico dicitur: Curam habe de bono nomine, hoc enim permanebit tibi quàm mille thesauri magni & preciosi. Ideoq; detractio per se loquendo est peccatū mortale. Potest tamen aliquis verba proferre, per quæ alterius fama viciatur præter suam intentionē, & hoc non est formaliter detrahēre. Si ergo dicat talia verba propter aliquod bonum vel necessarium, & præsertim propter bonum iustitiæ publicæ, non est peccatum neque detractio, diuin modo debitæ circumstantiæ obseruentur: si autē talia dicat ex animi leuitate, non est mortale peccatum, nisi forte quod dicitur sit adeo graue, quod notabiliter famam alterius maculat, & præcipuē in his, quæ honestatem vitæ concernunt. Tunc enim ex ipso genere verborum, habet rationem peccati mortalis, teneturque homo

ad restitutionem famæ, secundum modum prædictum, cum de restitutione ageretur. Et quemadmodum contumelia oritur ex ira, sic detractio ex invidia secundum Gregorium, & inducit quoque detractio cæcitatem mentis, quia quo aliquis amplius detrahit, eo (secundum Gregorium) veritatem minus videre potest: homo enim naturaliter delectatur in sententia proprij oris, & sic quod semel asseruit verius reputat.

3 ¶ Porro peccata quæ in proximum fiunt, secundum notamenta quæ inferunt pensanda sunt, & quæ maius bonum tollunt, grauius nocumentum infligunt. Est autem triplex bonum hominis, scilicet animæ, & corporis, exteriorumque rerum. Bonum verò animæ (quod vtiq; maximum est) auferri non potest nisi occasionaliter, scilicet per malam suasionem, quæ necessitatem non infert. Sed alia duo violenter ab aliquo tolli possunt, & quoniam bonum corporis maius est exterioribus rebus, propterea peccata quibus bono corporis infligitur nocumentum, grauiora sunt his, quæ damnum rerum inducunt, propter quod homicidium maximum est inter ea, & post hoc adulterium; quod est contra debitum ordinem generationis humanæ inter exteriora. Denique bona fama diuitis præeminet, quia spiritualibus bonis propinquior est. Dicitur enim in libro Prouerbiorum: Melius est nomen bonum quàm diuitiæ multæ. Et ergo detractio ex genere suo est maius peccatum quàm furtum, sed maius quàm homicidium aut adulterium. Contumelia quoque est grauius peccatum quàm detractio, inquantum maiorem contemptum alterius continet, sicut & rapina peior est furto.

4 ¶ At vero, quia non solum qui mala agunt: sed insuper qui eis consentiunt morte sunt digni, maximè si directe consentiunt, vel inducendo, vel in peccato alterius complacendo: ideo qui detrahentem sine resistantia audit, ei, consentire videtur, & fit particeps culpæ, & si aliud ad detractiōē placet propter odium alterius, non minus peccat quàm detrahens, & quandoque magis. Dicit enim Bernardus: Detrahente, aut detrahentem audire, quid horum damabilius sit, non facile dixerim. Interdum verò aliquis peccanti consentit indirectè, quando videlicet peccatum non placet, non tamen pro posse resistit, forte propter timorem aut similem causam. Si ergo audiens detractorem peccato non consentiat, sed ex negligentia aut timore, seu verecundia non eum repellit, peccat



## D. DIONYSII CARTHUSIANI

quidem, sed minus quàm detrahens: plerumque enim venialiter peccat. Posset tamẽ hoc ipsum esse mortale, videlicet propter officium quo aliquis alios tenetur corrigere, vel propter periculum consequens, aut propter radicem seu causam: nã timor humanus esse potest quandoque mortale peccatum. At verò si quis detrahentem verbis non arguit: debet saltem eum arguere signo, ostendendo tristitiam vultus, aut alio cõuenienti iudicio. Vnde in Prouerbiis habetur: Ventus a quilo dissipat pluuias, & facies tristis linguam detrahentem.

¶ De distinctione susurrationis & detractionis 2.

Vtrum horum sit grauius 3. De distinctione irrisi-  
onis ab aliis uitiiis 4. De derisione.

Articulus 133.

**S**usurratio denique atque detractio, in materia & modo seu forma loquendi conueniunt, quia vtrumque malum de proximo occulte dicit: vnde frequenter vnum pro alio ponitur, sed differunt in fine. Detractor nanque famam proximi cupit denigrare. Susurro autem amicitiam amicorum intendit corrumpere: seminando discordantias, propter quod scriptum est: Susurratore subtratto, litigia conualescunt. Susurro namque non intendit simpliciter malum de alio dicere, sed quicquid animum hominis ad alterius odium potest conuertere: & ergo susurro propriè quoque bilinguis vocatur, quia duabus utitur linguis inter duos, dicēs de quolibet malum in aure alterius.

2 ¶ Ex quibus patet, quod susurratio est peius peccatũ quàm detractio: tollit enim maius bonum: puta amicum qui inter alia exteriora præminet. Scriptum est enim: Amico fideli nulla est comparatio: & quia melius est amari quàm honorari, secundum philosophum octa. Ethicorum: Idcirco susurratio est etiam maius peccatum aut crimen quàm contumelia.

3 ¶ Præterea, quoniã peccata verborum secundũ intentionem loquentis pensantur: ideo peccatum irrisionis à prædictis peccatis distinguitur, habet enim finem specialem, videlicet ut irrisus erubescat.

¶ Irridetur enim homo de re turpi, & differt irrisio à subsannatione, quia irrisio fit ore atque cachinnis. Subsannatio autem naso rugato, & infert irrisio speciale nocumentum pro-

ximo, inquietat enim derisor conscientiam alterius, & pacē eius perturbat.

4. ¶ Amplius derisio non est nisi de malo aut defectu alterius, malum verò si magnum est non pro ludo sed seriose accipitur. Ideo si magnum malum in ludum seu risum vertatur hoc non est nisi quia accipitur tanquam paruum, vel ratione rei, scilicet secundum se, vel ratione personæ: quorum primū est paruum & veniale peccatum, quando videlicet malum in se paruum est, & in risum auertitur, quia modicum est. Sed secundum respectum quorundam utpote puerorum vel stultorum, parum ponderandum videtur. Sed quando malum hominis pro ludo habetur ratione personæ, eo quod persona in tantum parui penditur ac vilis habetur, tanquam de malo eius curandum non sit, sed pro ludo habendum: sic derisio est mortale peccatum grauiusque quàm contumelia. Nam contumeliosus accipit malum alterius seriose, irrisor autem illusorie & velut pro nihilo. Vnde tanto est irrisio grauior, quanto personæ quæ illuditur, amplior irreuerentia exhibetur. Vnde irrisio dei grauissima est. Secundo parentum, deinde iustorum. Irrisio tamen secundum suam rationem communem: est leuius malum quàm detractio vel contumelia, quia non includit contemptum sed ludum, sed interdum habet maiorem contemptum, ut dictum est.

¶ An liceat maledicere homini. 2. An irrationali creaturæ. 3. Vtrum maledictio sit peccatum mortale. 4.

De comparatione eius ad alia vitia.

Articulus.

134.

**M**aledicere autem nihil aliud sonat quàm malum alicui dicere, quod tripliciter accidit. Primo per modum simplicis enunciationis, & sic maledicere est malum alterius referre, quod ad detractiōdem pertinet, & per verba indicatiui modi efficitur. Secūdo dicere se habet per modum causæ ad id quod dicitur, quod Deo præcipuē competit, qui omnia verbo produxit. Secundario quoque hominibus conuenit, qui alios per modum imperij ad aliquid operandum inducūt, ad quod instituta sunt verba modi imparatiui. Tertio dicere habet se ad id quod dicitur quasi expressio affectus, id quoque verbo profertur

desiderantis, quod fit per verba optatiui modi. Prætermisso itaque primo modo, de aliis duobus sciendum, quod eadem ratio boni & mali est in affectu volentis aliquid agere, & in ipso eius effectu. Propter quod in his duobus modis pari ratione aliquid est licitum atq; illicitum. Si ergo quispiam malum alterius optet vel imperet inquantum est malum, quod est proprie maledicere: sic utroq; modo maledicere est illicitum. Si verò optet aut imperet alteri sub ratione boni vel iusti, sicut Iudex maledicit reo, pœnam ei iustam insignens: vel vtilis, velut si quis optet alium infirmari quatenus cesset à malo, aut purgetur à culpa: tunc est maledictio licita. Sed istud non est formaliter & proprie maledicere, quia non intendit malum finaliter, sed materialiter, & quasi per accidens. Vnde patet, quod diabolus & peccator ratione culpæ maledici possunt.

2 ¶ Porro benedicere & maledicere proprie non conueniunt nisi rationali creaturæ, irrationalibus verò secundum ordinem quem habent ad eam: ordinantur autem ad eam multiformiter. Primo per modum subuentionis ad succurrendum necessitati humanæ, & secundum hoc maledixit Deus terræ: quemadmodum in genesi dicitur: Maledicta terra in opere tuo, quia per eius sterilitatem homo affigitur: sic quoq; (secundum Gregorium) maledixit Dauid montibus Gelboe. Secundo per modum significationis: & sic Christus maledixit ficulneæ in significationem Iudææ. Tertio per modum coniunctionis, videlicet loci aut temporis, & sic Iob maledixit natiuitatis suæ diei propter culpam originalem ac pœnalitates consequentes, quas in ea contraxit & ita potest intelligi Dauid maledixisse montibus Gelboe propter eadem populi Israel. Maledicere autem irrationalibus rebus inquantum sunt creaturæ Dei, est crimen blasphemix. Maledicere autem eis secundum se consideratis, est ociosum & vanum, & ex consequenti illicitum, sed nec diabolo inquantum est creatura Dei maledicere fas est, quemadmodum in canonica Iudæ habetur: Cum Michael cum diabolo de Mosi corpore altercaretur, nō est ausus iudicium inferre blasphemix, id est, maledictionis secundum Glosam: Maledictio enim creaturæ inquantum est creatura, redundat in creatoris iniuriam & sic maledictio habet per accidens rationem blasphemix.

3 ¶ Denique alicui malum sub ratione mali imperando,

aut optando velle, directè charitati repugnat. Ideo maledicere propriè sumptum ex suo genere est mortale peccatum. Nā & Apostolus, neque maledici (inquit) neque rapaces regnum Dei possidebunt. Veruntamen maledictio venialis esse potest vel propter paruitatem mali quod quis alteri imprecatur, vel propter affectum dicentis, vt si excludo, surreptione, aut leui motu verbum maledictionis quis preferat, quia peccata verborum (vt dictum est) ex affectu præsertim pensantur.

4 ¶ Insuper, malum est duplex, videlicet culpæ & pœnæ, & malum culpæ peius est malo pœnæ, & ergo dicere malum culpæ, peius est quam dicere malum pœnæ, dummodo sit idem modus dicendi. Ad contumeliosum verò, susurronem, detractorem, ac derisorem spectat dicere malum culpæ, ad maledictionem autem malum pœnæ, & non malum culpæ, nisi sub ratione pœnæ, sed non est in his idem modus dicendi, quia ad quatuor prænominatos pertinet dicere malum culpæ solum enunciando: per maledictionem verò dicitur malum pœnæ per modum causæ, & optando vel imperando. Sed grauius est (cæteris paribus) nocumentum inferre quàm illud alteri desiderare, vnde detractio secundum communem rationem grauior est maledictione solum affectum experimente inquit denuntiatio detractoris alteri nocumentum infert. Sed maledictio, quæ fit per modum imperij cum habeat rationem causæ, potest detractioe grauior esse, si maius malum inferat quàm est denigratio famæ vel lenior, si minus malum intulerit, & ista sunt dicta secundum ea quæ pertinent ad rationem vitiorum istorum, nam per accidens ista vitia augeri & minui possunt.

¶ Vtrum liceat aliquid uendere pluris, quàm ualeat 2.

De iniusta uenditione ex parte rei uenditæ 3. An teneatur uenditor dicere uitium rei uenditæ

4. An liceat negotiando rem pluris uendere, quàm est emptæ.

Articulus 135.

**F**raudem autem adhibere ad hoc quod aliquid plus iusto pretio vendatur, omnino peccatum est, cum vergat in damnosam proximi deceptionem. Vnde Tullius ait libro de officiis: Tollendum est à rebus contra-

hendis omne mendacium. Si verò fraus defit, tunc de venditione & emptione dupliciter loqui contingit, videlicet secundum se in quantum pro communi utilitate inducta est prout emens eget re vendentis & e contra. Quod autem in communem utilitatem ordinatur, esse non debet magis in grauamen vnius quam alterius, & ergo instituendus est in illis secundum æqualitatem contractus, quæ secundum præcium datum mensurantur, ad quod nummifima inuentum est. Vnde si præcium excedat rei valorē aut e contra, tollitur æqualitas iustitiæ, & ob hoc carius vendere, aut vilius emere, est secundum se illicitum atq; iniustum. Secundo de emptione ac venditione possumus loqui, prout per accidens cedit in utilitatem aut detrimentum alterius, vt cum quis indiget re aliqua, & alius læditur si careat ea, & in hoc casu præciū pensandum est, tam ex parte rei quam damni vendentis, & ita vendi potest aliquid plus quam valet secundum se, non tamen plus quam valet habenti. Si verò aliquis multum adiuuetur ex re alterius, & ille non damnificatur ea carendo, non debet eam superuendere, sed emens potest aliquid vendenti supererogare, & istud secundum legem diuinam intelligendum est, quæ omnem iniustitiam vetat, & nihil impunitum relinquit, teneturque secundum eam, qui plus habet, alteri recompensare, lex autem ciuili data est populo qui à perfectione virtutis deficit, & ipsa ordinatur ad socialem hominum vitam, eaque prohibet quæ illam corrumpunt, vnde ipsa admittitur vt venditor fraude mentem decipiat, sic tamen vt vltra dimidiam iusti præcij quantitatem nullus fallatur. Nam si vltra falleretur, cogeretur venditor ad restitutionem.

2. ¶ Præterea, circa rem quæ venditur, triplex esse potest defectus. Vnus secundum speciem rei, vt si offeratur aurichalcū pro auro. Alius secundum quantitatem mensuræ & vtraque venditionum istarum iniusta est atq; illicita, si venditor defectum cognoscat. Terminus est defectus ex parte qualitatis, vt si debile pro sano vendatur, & hæc quoque illicita est, teneturque venditor in fraudibus ad restitutionem. Si verò venditor defectum ignorat, à peccato excusatur: sed non à restitutione. Et quod de venditione dictum est, de emptione similiter accipi debet. Nam si venditor putet rem suam minus preciosam quam est, emptor tenetur ei damnum recompensare cum nouerit.

3 ¶ Ex quibus elicitur, quod venditor tenetur defectus seu vitia rei venalis emptori exponere: maxime si sint occulta. Aliter enim daret ei occasionem damni vel periculi, quod semper illicitum est. Sed sciendum, quod vitium rei facit rem pro presenti minoris esse valoris quam apparet. Et ergo apparet, quod si quis sciat triticum, aut simile aliquid, in futuro minoris debere esse valoris, propter superuentum negociatorum: possit ante aduentum istorum triticum vendere secundum cursum presentem, nec teneretur hominibus futurum mercatorum aduentum prædicere. Et istud de reuelatione viti rei vendendæ Ambrosius asserit ter. de offiç.

4 ¶ Denique negociatoribus competit commutationibus rerum insistere. Est autem commutatio duplex. Vna, videlicet naturalis & necessaria quæ æconomicis & politicis maxime conuenit: inquam domui aut ciuitati sibi commissæ necessaria procurant & provident. Alia verò est commutatio non propter necessitatem vitæ, sed causa lucri quærendi, quæ proprie negotiatores cõcernit, & iustè vituperatur, quoniam cupiditati quæ finem nescit, deseruit: vnde quia negociatio secundum se accepta non importat finem honestum, quandã turpitudinem & speciem mali habet: clerisq; interdicitur, secundum Hieronymum. Veruntamen cum ex sua ratione nil vitiosum aut virtuti contrarium dicat, potest lucrum tale ad finem honestum, videlicet sustentationem propriæ domus aut boni communis referri, sic quod finis vltimatus negotiatoris non est lucrum, sed aliud bonum, & tunc negociatio admittenda videtur, non aliter, & sic verbum Chrysostomi intelligi debet. Potest tamen interdum sine peccato pluris vendi quam empta est, vt pote si eam quis meliorauerit, vel præcium eius secundum diuersitatem loci vel temporis immutatum est, aut propter periculum cui se exponit transferendo de loco ad locum: seu propter laborem, quem habuit. Vnde plus recipiendo quam exposuit, præmium sui laboris videtur accipere.

¶ De usura 1. An licet quamcumque recompensationem accipere pro mutuo 3. Vtrum etiam homo tenetur restituere quod de pecunia usuraria iusto lucro lucratus est 4. An liceat accipere mutuo pecuniam sub usura. Art. 135.

**C**ognoscendum præterea, quod quarundam usus, est earundem consumptio, sicut cibi & potus usus est cōmestiuus, & etiam pecunia quæ ad hoc secundum philosopho. inuenta est, ut commutationes inter homines fiant, propter quod usus pecuniæ est eius distractio, seu pro rebus acquirendis expensio. Itaque in talibus rebus nō computatur seorsum res & usus eius, nec licet vnum sine altero concedi, & idcirco in talibus per mutationem transfertur dominium. Qui ergo in illis seorsum vendit rem & usum rei, vendit bis idem, vel vendit illud quod non est, scilicet usum, propter quod pro pecunia mutuata usuram accipere, cōtrariatur æbualitati iustitiæ.

**¶** Aliæ verò sunt res quarum usus non est consumptio, ut usus domus est inhabitatio non dissipatio. In talibus autem nō transfertur dominium. Sed potest utrumque seorsum concedi, quemadmodum in locatione patet. Veruntamen Iudæis permessa erat usurā quantum ad extraneos, non tanquam per te licita, sed ad maius malum vitandum, videlicet ne à fratribus suis, dominum colentibus illam acciperent, nam semper ad auaritiam prouenerunt. Est autem usuraria acquisitio, secundum Aristotelem primo politicæ, maxime præter naturam, & quanuis leges ciuiles eam admittant propter communem hominum utilitatem, ne peiora contingant, tamen ipsi met testantur quod res illæ, quæ usu consumuntur, neque ratione naturali, neque ciuili recipiunt usufructum, & senatus non fecit earum rerum usufructum, neque enim poterat, sed quasi usufructum constituit, concedens secundum usuras.

**¶** At verò vasa argentea atque similia, sub precio concedi possunt, sicut & domus, quoniam usus earum non est rei consumptio, sed utilitas aliqua. Veruntamen secundarius usus vasorum posset esse consumptio, & talem vendere usum non licet, quemadmodum etiam esse potest alius secundarius usus pecuniæ, quàm distractio, ut si quis concedat pecuniam signatam ad ostentationem, seu ad ponendum loco pignoris, talem enim usum pecuniæ vendere hominem licet.

**¶** Porro secundum Philosophum quarto Ethicorum: Omne, cuius præcium aestimari potest pecunia, habetur pro pecunia. Vnde sicut non licet pro pecunia mutuata pecuniam accipere ex pacto expresso vel tacito: sic nec aliam quamcunque recompensationem, quæ a estimari potest pecunia, recipe



re licet pro mutuatione rei, cuius vsus consumptio est. Et ergo sicut nō licet accipere munus à manu, sic nec munus à lingua, nec munus ab obsequio. Potest autem aliquis pecuniam suam mercatori vel artifice committere sub pacto lucri, quod scilicet illi acquirunt cum vsu pecuniæ: illi enim recipiunt eā cum periculo domini committentis, nec transfert committēs dominium pecuniæ suæ in illos, sed per modum societatis cuiusdam committit eam illis, & ergo lucri inde veniētis potest particeps fieri.

¶ Et aduertendum, quod rem carius vendere propter dilationem soluendi, vel vilius emere propter anticipationem solutionis, vsurarium est, quia dilatio & anticipatio istæ rationē mutui habent.

3 ¶ Insuper res quarum vsus consumptio est, vsufructum nō habent, & ergo si talia sint per vsuram extorta, videlicet pecunia, vinum, triticum, &c. non tenetur homo nisi ad restitutionem extorti, nam quod de tali re acquisitum est, non est fructus huius rei, sed humanæ industriæ, nisi forte per detentionem talium rerum aliter damnificetur, tunc enim ad recompensationem damni detentor tenetur. Aliæ demum sunt res, quarum vsus non est earum consumptio: vt domus, ager, &c. & hæc habent vsufructum, idcirco, qui alteri tale aliquid extorsisset per vsuram obligaretur, non solum res illas reddere, sed etiam fructus earum.

4 ¶ Amplius, nequaquam est licitum aliquem ad peccandum inducere, sed malo atque peccato alterius in bonum uti est licitum, nam & Deus peccatoribus utitur ad bonum, dum ex eorum malis elicit bonum. Vnde Augustinus Publicolæ, querenti: an licet uti iuramento per falsos deos iurantem in quo iurans peccat, falsis diis diuinam reuerentiam exhibens, respondens quod utens iuramento iurantem per deos falsos ad bonum, peccato illius se non sociat, quo per dæmonia iurat, sed bono eius pacto quo fidem seruaret. Peccaret autem si illum induceret ad iurandum per deos falsos, sic quoque in proposito dicendum, quod nullo modo licet inducere aliquem ad mutuandum sub vsuris, licet tamen ab eo, qui vsuras paratus est exercere, accipere mutuum sub vsuris propter aliquod bonum, videlicet propriam necessitatem subleuandam, aut certe alterius, sicut etiam licet ei qui in latrones incidit, manū festare bona quæ habet, quatenus mortem euadat.

## D. DIONYSII CARTHUSIANI

¶ Itaque qui ab usurario mutuum accipit, peccato usurarii non consentit quia nec usura sibi placet. Nec dat usurario occasionem usuram agendi, sed mutuandi, ille verò ex cordis proprij malitia, occasionem trahit usuræ, propter quod scandalum passium usurarii non est ex parte petentis. Nec propter tale scandalum vitandum tenetur petens non quarere mutuum, quoniam scandalum usurarii non est ex infirmitate aut ignorantia, sed malitia. Pariformiter licet pecuniam apud usurarium ponere, non ut ille inde usuras committat, sed ut tutius conseruetur, & hoc maximè verum est si usurarius aliunde non habeat materiam exercendi usuram.

¶ De partibus integralibus iustitiæ 2. An transgressio sit speciale peccatum 3. An omissio sit speciale peccatum 4. De comparatione quoque earum.

Articulus 1. 7.

**P** Artes autem integrales iustitiæ sunt facere bonum & vitare malum, non tamen loquendo de bono & malo in communi. Sic enim hæc duo ad omnē spectant virtutem. Sed accipiendo bonum sub speciali proprietate, videlicet sub ratione debiti, malum autem secundum quod est nociuum. Iustitia autem (ut ostensum est suprā) vno modo est virtus generalis, & tunc hæc duo sunt partes generales eius, prout bonum accipitur sub ratione debiti, in ordine ad communitatem vel deum, malum autem per modum oppositum.

¶ Alio modo iustitia specialis est virtus, & tunc duo prædicta sunt partes ipsius, sumendo bonum in quantum est debitum quo ad proximum, & vitare malum secundum quod proximo est nociuum. Dicuntur autem hæc duo partes integrales iustitiæ, quoniam ad perfectum actum iustitiæ requiruntur. Iustitiæ nanque est, æqualitatem constituere in his, quæ sunt ad aliquem quod fit faciendo bonum, pertinet quoque ad eā æqualitatem conseruare, quod fit vitando malum & sumitur hic vitare malum declinare à malo, non pro pura negatione, sed pro motu voluntatis malum repudiantis. Sed facere bonū est principalis actus iustitiæ, dans ei cōpletam rationem specificam.

¶ Deniq; transgressio est qua quis terminum seu præfixū

transcendit, terminus autem in moralibus præfigitur hominĩ per præceptum negatiuum, quo iubemur non progredi vltra quàm lex continet, quod omni peccato commune est, materialiter loquendo. Sed loquendo formaliter de transgressione videlicet secundum hanc specialem rationem quod est facere contra negatiuum præceptum, est speciale peccatum, tum quia opponitur speciali virtuti, puta iustitiæ, tum quia distinguitur à vitio speciali, quod est omisio, quæ est contra præceptum affirmatiuum.

3 ¶ Vnde aduertendum, quod omisio proprie est prætermissio boni debiti, scilicet prout bonum ad iustitiam pertinet. Ideoque eo modo quo iustitia est specialis virtus & omisio speciale existit peccatum, & rursus eo modo quo facere bonũ est specialis pars iustitiæ, omisio à transgressione distinguitur. Est autem omisio non originale, sed actuale peccatũ videlicet per reductionem, secundum quod negatio ad genus actus reducitur.

4 ¶ At verò peccatum transgressionis, est grauius peccato omissionis, quia à iustitia amplius distat, cum omnino contrarietur eidem, omisio autem in sola negatione consistit. Contrarietas verò est summa distantia, secundum Philosophum. Nihilominus in speciali potest omisio aliqua grauior esse quadam transgressione.

¶ Amplius, quoniam tam omisio quàm transgressio opponuntur præcepto, vtrumque ex proprio genere est peccatum mortale. inter dum tamen large sumuntur, videlicet prout aliquis præter præcepta, vel negatiua vel affirmatiua, quippiam agit aut negligit, ita sunt ambo venialia mala.

¶ *De virtutibus iustitiæ annexis, scilicet de partibus potestatiuis. Articulus 138.*

**D**iformiter verò assignantur virtutes, quæ annectuntur iustitiæ. Tullius enim enumerat sex, scilicet religionem, pietatem gratiam, vindicatiuam, obseruantiam, veritatem. Macrobius autem super somniũ Scipionis ponit septem, videlicet innocentiam, amicitiam, concordiam, pietatem, religionem, affectum, humanitatem, alij ponunt quinq; vt pote obedientiam, disciplinam, æquitatem fidem, veritatem. Andronicus verò pater pacificus ponit no-

## D. DIONYSII CARTHUSIANI

uem partes annexas iustitiæ. Agnoscendum ergo (vt dictum est supra) quod virtutes alicui principali virtuti annexæ, in aliquo cum ea conueniunt, & in quodam à perfecta ipsius ratione deficiunt.

**I**ustitia autem est in ordine ad aliquem, & in quadā æqualitate consistit. Vnde dupliciter deficere potest aliqua virtus à ratione iustitiæ. Primo quoniam deficit à ratione æqualis. Secundo quia à ratione debiti deficit. Deo quippe & parentibus atque ipsis virtutibus æquale præmium reddi non valet & quantum ad hoc adiungitur iustitiæ. Primo religio, quæ secundum Tullium, superiori ac diuinæ naturæ cultum cæremoniâque affert. Secundo pietas, per quam, secundum Tullium, sanguine iunctis, patriq̃que beniuolis officiū & diligens tribuitur cura. Tertio obseruantia, per quā, vt Tullius docet, aliqui dignitate pollentes, quodā cultu & honore dignantur.

**D**enique debitum duplex est, scilicet morale, quod ad vitæ pertinet honestatem, & legale, quod per leges determinatur quod iustitia directè concernit. Debitum verò morale est duplex. Vnum sine quo morum honestate obseruari non potest, quod est quasi necessarium, & plus debiti ratione participans: attenditur autem hoc debitum, vel ex parte debentis, & sic annectitur iustitiæ veritas, per quam talem se exhibet homo alteri in verbis & factis, qualis est: vel ex parte eius cui debetur, quando videlicet redditur alicui prout fecit, siue in bonis, siue in malis, & sic quo ad boni recompensationem adiungitur iustitiæ gratia, in qua (vt Cicero astruit) amicitiarum & officiorum alterius memoria, remunerandi voluntas continetur alterius, sed quo ad redditionem mali annectitur vindictio, in qua (iuxta Tulliū) Ius aut iniuria, & omnino quicquid obscurum est defendendo aut vlciscendo propulsatur. Aliud autem est debitum morale, non quasi necessarium, sed magis conferens ad honestatem viuendi, ad quod pertinent libertas, affabilitas, & alia similia quæ Tullius deserit, quoniam parum de ratione debiti sortiuntur.

- ¶** *An religio consistat in ordine ad deum 2. An sit virtus 3. An sit virtus una 4. An sit virtus specialis 5. An sit virtus theologica 6. An sit cæteris virtutibus moralibus dignior 7. Vtrum habeat affectus exteriores 8. An sit idem quod sanctitas. Articulus 139.*

**R**eligio autem à relegendo dicitur, quia quæ ad diuinum pertinent cultum semper relegenda reuoluendaque sunt, vel dicitur religio à reeligendo, secundum quod deum, quem amisimus per peccatum, per eam reeligimus, vel à relegando, quia hominem ab exterioribus separat, & vni summo omnipotentique deo vnit. Vnde patet quod religio est immediate quo ad deum, videlicet virtus deo cultum ac ceremoniam exhibens. Habet tamen religio duplices actus, videlicet proprios, vt sunt adorare, sacrificare: & secundarios, vt pote quæ fiunt à virtutibus quibus ipsa velut principalior imperat, sed illos actus ipsa immediate nõ elicit sed imperat, & sic Iacobus dicit: Religio munda apud deum hæc est, visitare pupillos, & cæter. Elucefsit quoque ex his, quod latria, quæ est cultus deo proprius, ad religionem pertineat. Deo nanque specialis honor ac seruitus & cultus debetur, qui etiam secundum Augustinum græco nomine Eusebia vel Theosebia nominatur.

¶ Denique cum virtus sit quæ habentem perficit, & opus eius bonum reddit, claret religionem esse virtutem. Nam per eam redditur deo debitus cultus singulari modo, tanquam vniuersorum fontali principium, atque altissimo rectori ac domino, ordinatque mentem ad deum. Ordo autem ad boni rationem pertinet, sicut modus & species.

3. ¶ At verò religio est vna virtus, respicit enim obiectum, quod est deo reuerentiam exhibere secundum vnam rationem, in quantum videlicet deus est omnium rerum primus gubernator & conditor, & ideo tres personæ vna religione honorantur, cum sint vnus rerum deus ac dominus. Omnes quippe actus, qui religioni attribuuntur ad hoc ordinantur, vt homo sua seruitute diuinam excellentiam protestetur, propter quod eodem actu ceu homo seruit deo & colit ipsum. Seruitus enim dicitur ratione subiectionis ipsius qui seruit, cultus autem, dei excellentiam respicit.

4. ¶ Rursus patet, quod religio sit virtus specialis: Nam vbi inuenitur specialis ratio boni, est specialis virtus, religio autem ordinatur ad exhibendum deo honoré ratione singularis excellentiæ, qua omnia infinita dignitate transcendit: Ideoque virtus religionis, quæ ei propter hanc rationem debitum cultum impendit, merito specialis appellanda est virtus. Nam diuersis personis creatis, diuersi impenduntur honores secun-

dum diuerſas excellentias.

5. ¶ Præterea religio dici poteſt theologica virtus, quia non habet deum pro immediato obiecto, ſic quod actus eius ad deum immediate terminetur ſiue pertingat. Duo namque in religione conſiderantur. Primum quod ipſa cultum deo affert, & hoc eſt per modum materiæ atq; obiecti ſe habens ad religionem, quæadmodum ſacrificiorum oblatio. Secundo eſt deus cui cultus impenditur, non quod cultus ad ipſum pertingat vt actus fidei & charitatis, & ergo deus cõparatur ad religionem non quaſi obiectum ſed ſicut finis, quia actum reuerentiæ religio ad deum finaliter dirigit, propter quod moralis eſt virtus, cum ſit circa ea quæ ſunt ad finem.

6. ¶ Porro cum religio magis accedat ad vltimum finem quàm aliæ virtutes morales, nam ea agit quæ in dei honorem immediate referuntur, ideo eſt illis præſtantiore, quoniam ea quæ ſunt ad finem, nobilitantur ſecundum approximationem ad finem.

7. ¶ Præterea reuerentiam atq; honorem deo exhibemus non vtiq; ob eius indigentiam aut vtilitatem ſed noſtram. Nam per hoc mens noſtra ei ſubiicitur in quo eius conſiſtit perfectio. Semper etenim inferioris perfectio in hoc ſita eſt quod ſuperiori ſuo ſubiicitur, vt animæ corpus. Ad hoc verò quod mens noſtra deo coniungatur, ſenſibilem manuſductione eger, quoniam inuiſibilia dei per viſibilia cognoscuntur, propterea in cultu diuino vt oportet quibuſdam exterioribus ac corporalibus actibus, quatenus eis tanquam ſignis anima ad ſpirituales actus exciteretur, & hi ſunt ſecundarij actus religiõis, ordinati ad actus interiores qui principales exiſtunt.

8. ¶ Porro ſanctitas duo importat, puta munditiã & firmitatem. Nam apud veteres, quæ legibus firmata erant & violari non poterant, dicebantur ſanctificata, quod nunc quoque ſeruatur, dicitur enim aliquid ſanctificatum, quia eſt in lege firmatum, & propter vtrumque attribuitur ſanctitas hiſ, quæ cultui diuino applicantur, nõ tantum hominibus, ſed & vaſis atque altaribus. Mens enim ſine munditia deo applicari non poteſt, quæ munditia ei ineſt per hoc, quod ſe ab inferioribus abſtrahit, cum vnumquodque ſcædetur dum inferiori miſcetur, velut ſi aurum miſceatur argento.

¶ Rurſus neceſſaria eſt animæ firmitas ad hoc q̃ deo applicetur, deus nanque eſt vltimus finis, ac primum principium

ad quem omnia ordinare necesse est. Ideoque eidem adhære re firmiter oportet. Itaque cum sanctitas sit per quam mens hominis seipsam & proprios actus applicat deo, non differt à religione secundum essentiam, sed rationem duntaxat. Religio etenim dicitur secundum quod homo deo debitum exhibet famulatum in his, quæ specialiter spectant ad cultum diuinum, vt in sacrificiis, oblationibus, atque similibus. Sanctitas verò dicitur in quantum homo non solum hæc, sed & alia opera virtutū refert ad deum, vel prout se per opera virtuosæ ad deum disponit, vnde patet quod sanctitas secundū essentiam specialis sit virtus, sed generalitatē quandā sortitur, eo quod aliarū virtutū actus ordinat per imperiū ad bonū diuinū, quæadmodū legalis iustitia generalis virtus vocatur, in quantum omnium virtutum actus refert in bonum cōmune.

¶ *Vtrum deuotio sit specialis actus religionis.*

2. *De causa quoque deuotionis.* 3. *De effe*

*ctu ipsius*      *Articulus. 140.*

**D**euotio denique à deuouendo nomen sortitur. Deuoti quippe dicuntur, qui se deuouent deo, vt se ei totaliter subdant. Vnde olim apud gentiles deuoti vocabantur, qui se idolis deuoueabant in mortem, pro sui salute exercitus.

¶ Itaque deuotio est voluntas se prompte tradendi ad ea quæ dei famulatum concernunt. Vnde patet quod deuotio est specialis actus virtutis, videlicet quædam motio voluntatis, & quemadmodum voluntas alias potentias animæ mouet ad suos actus sic deuotio, cum sit motio voluntatis, se ad dei obsequium promptissimè offerentis modum imponit actibus humanis.

¶ Amplius, ad eandem spectat virtutem facere aliquid, & promptam habere voluntatem ad illud agendum. Cum ergo ad religionem pertineat ea operari quæ ad diuinum pertinet cultum: patet, quod deuotio quoque, quæ est pròpta voluntas huiuscemodi operandi. sit actus religionis immediate, charitatis verò mediate, cum charitas sit religionis principium, & mentem deo primo coniungens.

2. ¶ Insuper causa deuotionis principalis atque extrinseca deus est, qui (vt ait Ambrosius) quos dignatur vocare, & quem



## D. DIONYSII CARTHUSIANI

vult religiosum facit, causa verò eius intrinsecam ex parte nostra, est contemplatio seu meditatio. Nam cum deuotio sit actio voluntatis, oportet quod ex aliquo actu intellectus procedat. Omnis nanque actus voluntatis ex consideratione aliqua manat. Ideoque meditatio est causa deuotionis secundum duplicem considerationem, quarum prima est contemplatio misericordiae beneficiorumque dei, hæc enim dilectionem producit quæ est deuotionis proxima causa. Secunda est consideratio propriæ imperfectionis, quæ præsumptionem excludit, & hominem deo inniti compellit, quemadmodum scriptum est: Leuaui oculos meos in montes, vnde veniet auxiliū mihi. Considerationes autē subtiles eorum quæ ad deū non pertinent, deuotionem impediunt, mentemque distrahunt.

¶ At verò cum contemplatio sit causa deuotionis, constat quod quo aliqua digniora diuinioraque sunt, eo deuotionem amplius, quantum in se est excitant, & ideo quæ ad trinitatem seu diuinitatem pertinent, vehementissime accendere possunt deuotionis affectum ex sua natura, sed ex nobis defectus est, quoniam sensibilibus manuductione egemus, quæ ad diuina confurgamus, & ob id contemplatio humanitatis passionisque Christi, ad deuotionem aptissima est, cum tamē deuotio principaliter circa diuinitatem consistat.

¶ Rurſus contingit, quod deuotiores sunt simplices & indocti ac fœminæ, quàm magnæ scientiæ atque profundi ingenij homines, quia scientia & ingenium ad excellentiam pertinent, & ergo eorum notitia existit occasio, quod homo non totaliter se deo subdit, sed aliqualiter sibiſi confidit.

¶ Prædictæ verò personæ se omnino deo subiiciunt, quia præsumptione huiusmodi carent.

¶ Veruntamen si scientiam & similia homo ordinet ad deū ex his deuotior prorsus efficitur.

3. ¶ Aduertendum præterea, quod deuotio principaliter & per se est causa spiritualis lætitiæ, per accidens autem tristi-tiæ, quæ secundum deum est. Ostensum est enim, quod deuotio ex duplici consideratione causatur, scilicet diuinæ bonitatis ac beneficiorum ipsius, quæ est terminus motus deuotionis. Hæc autem consideratio per se est causa lætitiæ, sicut dicitur in Psalmo: Memor fui dei & delectatus sum, per accidens verò est causa tristi-tiæ, secundum quod apprehenditur deus vt absens nondum adeptus. Secunda deuotionis origo est,

proprij defectus consideratio, & est quasi terminus à quo ipsius deuotionis in deum tendentis ac quiescentis, & hæc se habet contrario modo ad primam, est enim per se causa san-ctæ tristitiæ, per accidens autem delectationis, propter spè diuinæ benignitatis. In passione demum Christi est aliquid, quod contemplationem contristet, vt acerbitas pœnarum: & aliquid quod delectet, videlicet dei circa nos pietas.

¶ At verò lachrymæ ex deuotione descendere solent. Nam lachrymæ non tantum ex tristitia oriuntur, sed etiam ex quadam animi teneritudine, maximè dum perpenditur aliquid delectabile adiunctum tristabili, sicut lachrymari solent homines ex pietatis affectu, dum charos vel filios suos recuperant, quos perditos æstimabant.

¶ Cuius potentiæ actus est oratio 2. An sit conueniens orare. 3. Vtrum oratio sit actus religionis. 4. An solus deus orandus sit.

Articulus 141.

**P**orro oratio prout nunc de ea fit sermo, rationis est actus, est enim (secundum Augustinum) petitio quædam, & secundum Damascenum tertio libro, oratio est petitio decentium à deo, secundum Cassiodorū quoque, oratio dicitur quasi oris ratio. Ratio autem practica, quæ ad opus ordinatur, est dupliciter causa alicuius. Vno modo sicut necessitatem imponens, vt cum inferioribus viribus, vel etiā hominibus subditis aliquid imperat.

¶ Alio modo secundum dispositiones, vt cum aliquid fieri petit ab his qui ei non subiiciuntur: & horum vtrunq; ordinationem quandam importat, videlicet prout homo disponit aliquid ab aliquo esse agendum, ordinare verò ad rationem pertinet: oratio ergo, cum ordinationem designet secundum modum prædictum, actus est rationis.

¶ Veruntamē desiderium pauperum dominus exaudire censetur, nō quod oratio sit desiderium, sed quia est desiderij interpret, ipsumque desiderium est causa petendi. Voluntas enim mouet rationem ad suum finem, qui est vniri deo per motum charitatis. Tendit autem oratio in deum, voluntate per charitatem mouente, dupliciter. Primo ex parte eius quod petitur, vt pote vt deo copulemur. Vnde tertio capitulo de diuinis nominibus DIONYSIVS ait: Ante omnia ab

## D. DIONYSII CARTHUSIANI

oratione ordini necesse est, tanquam deo nos ipsos tradentes & vnientes. Secūdo ex parte petentis, quem deo oportet esse intentum. Nam cum deum orationibus inuocamus, reuelata ipsi mente adesse debemus. Propter quod Damascenus dicit: Oratio est ascensus intellectus in deum.

2. ¶ Præterea triplex erat antiquorū error circa orationē. Quidam enim dicebant omnia de necessitate venire, alij prouidentiam dei negabant, & secundum utrosque vanum est orare, deūque colere.

¶ Tertij asseriebant esse orandum, adiicientes quod dispositio diuinæ prouidentię variabilis esset. Hoc autem omnino absurdum est, cum scriptum sit: Ego sum deus & non mutor. Aduertendum itaq;, quod ex diuina prouidentia, non solum disponitur qui effectus fiant, sed ex quibus causis, & quo ordine proueniant. Sed actus humani sunt quorūdam effectuum causæ, vnde oportet homines agere, non vt per actus suos diuinam dispositionem variant, sed vt per actus suos impleant quosdam effectus, secundum ordinem à deo dispositum, sic ergo orandum est, non quod deum flexamus, sed quatenus id oratio impetremus, quod ipse per orationem statuit esse implendum, & vt pensemus orando, quod ad diuiniū semper sit recurrendum auxilium. Vnde Chrysostomus: Considera (inquit) quanta est tibi concessa felicitas, quanta gloria attributa, orationibus fabulari cum deo, cum Christo miscere colloquia, optare quod velis, quod desideres postulare.

¶ Dicit autē Seneca, nulla res carius emitur, quàm quæ præci bus empta est, & ergo multa dat deus ex sua liberalitate antequā rogetur, vult tamen propter nostrā vtilitatē vt orando aliqua impetremus, quia per hoc fiducia ad eum in nobis augetur.

3. ¶ Porro oratio est actus religionis, quia per eam deo reuerentiā exhibemus, profitentes nos eius indigere clementia, & nos ipsi subiicientes, & est dignior actus religionis post deuotionem, caditque sub præcepto religionis, quod Marci vndecimo ponitur, Petite & accipietis.

4. ¶ Denique oratio alicui dupliciter offertur. Vno modo quasi per ipsum implenda, & sic solus deus orandus est. Ipsius est enim solius dare gratiam & gloriam, ad quæ omnis oratio ordinatur. Alio modo sicut per ipsum impetranda, & sic angelis atque hominibus sanctis orationem porrigimus, quate-

nus ipsorum subsidio preces nostræ effectum adipiscantur. Sancti enim in patria (secundum Gregorium) in verbo dei vident ea quæ circa nos aguntur, & internos mentis affectus & actus prout eos decet illa cognoscere, sed hoc ad eorum dignitatem præsertim spectat ut petitiones ad se factas, vel ore vel mente, agnoscant.

**¶** An in oratione sit aliquid determinate petendum. 2. An temporalia sint petenda. 3. An pro aliis hominibus sit orandum. 4. An etiam pro inimicis. Artic. 142.

**S**ocrates insuper, sicut de eo Valerius Maximus narrat, nihil certum ab immortalibus dijs dixit petendum, quoniam ipsi melius scirent quid unicuique utile esset, quàm nos. Nos quoque ea sæpe petimus, quæ impetrare non expedit. Hæc autem positio partim est vera, utpote quo ad ea bona quibus homo bene ac male uti potest, ut sunt diuitiæ, honores, prælatio, &c. Sunt verò alia bona, quibus homo male uti non potest, nec exitum malum possunt sortiri, videlicet quibus beatificamur & fœlicitatem meremur, & talia determinate petenda sunt, & in talibus spiritus sanctus adiuvat infirmitatē nostrā, ut agnoscamus quid rogare oportet.

2. **¶** Denique secundum Augustinum ad Probam, illa licet orare, quæ licet desiderare. Ideo sicut temporalia desiderari possunt, prout spiritualibus bonis deseruiunt, & necessitatibus hominis administrant: sic quoq; rogari à deo possunt, nō ut in ipsis constituatur finis, sed prout necessitati sufficiunt, non autem ut voluntati proficiunt.

3. **¶** Simili etiam ratione pro proximis est orandum, quoniam nedum propriam, sed & illorum desiderare salutem fraterna charitas exigit. Vnde Cyprianus in oratione dominica ait: Non dicimus in oratione dominica, pater meus, sed pater noster, nec da mihi, sed da nobis, quoniam vnitatis magister noluit priuatim precem fieri, ut scilicet pro se tantum quisquam precetur: vnum enim pro omnibus orari voluit. At verò secundum Augustinum, ad hoc quod oratio exaudiat, vna conditio est, ut pro seipso quis oret: pro alijs nanque fusa oratio, quanuis pia & perseuerans ordinatq; sit, interdum tamen exaudiri non potest, propter impedimentum duritiæ horum pro quibus oratur, quemadmodum Ieremiæ dicitur: Si

## D. DIONYSII CARTHUSIANI

steterint Moses & Samuel coram me, non est anima mea ad populum istum: ipse tamen qui pro alijs charitatiue exorat, mercede non caret, & quoniam in præsentī prædestinatos à reprobis distinguere non valemus, nulli subtrahendum est orationis suffragium.

¶ Præterea eo modo quo iubemur inimica diligere, tenemur pro ipsis orare. Quomodo autem diligendi sint, præostensum est, cum de charitate sermo currebat, tenemur enim in comuni diligere, non autem in speciali, nisi secundum præparationem animi, scilicet si articulus necessitatis occurreret, aut veniam peccerent, aliter eis in speciali dilectionis actum ostendere perfectionis existit, similiter à cōmunibus nostris precibus eos excludere non debemus, sed in speciali pro eis rogare, sine speciali necessitate aut magna indigentia aut simili causa perfectionis est opus non necessitatis.

¶ De septem petitionibus orationis dominicæ. 2. Vtrum orare sit proprium rationali creaturæ. 3. Vtrum

sancti in patria orant pro nobis. 4.

An oratio debeat esse uocalis.

Articulus

143.

**O** Ratio autem dominica omnino perfectissima est, quia quicquid orare debemus, in ea continetur, sed non solum hoc, sed hæc etiam ponuntur in ipsa eo ordine quo postulanda sunt, ita ut sit ipsa informativa totius nostri affectus. Primo quidem cadit in desiderio ipse finis, deinde media ad finem, finis verò noster est deus, in quem affectus dupliciter tendit. Vno modo prout volumus gloriam dei, ad quem pertinet quod dicitur: Sanctificetur nomen tuum, & hoc oritur ex charitate, secundum quod deum in seipso diligimus. Secundo prout volumus eius gloria frui, quod spectat ad dilectionem, qua nos in deum diligimus, & sic additur: adueniat regnum tuum, quatenus sic ad regni gloriam perducamur. Ad hunc autem finem ordinat nos aliquid dupliciter, scilicet per se: & hoc rursus dupliciter, scilicet directe & principaliter, ut sunt opera virtuosa quibus meremur, & quantum ad hoc dicitur fiat voluntas tua, nobis videlicet tibi in omnibus prompte parentibus. Secundo instrumentaliter, scilicet adiuuando ad meritum, propter

quod subditur: Panē nostrum quotidianū, quod de pane corporali intelligi valet, scilicet pro omni sufficientia victus: vel sacramentali, qui est eucharistia, intelligēdo sub ea cetera oīa sacramēta. Vnde Matth. dicit, supersubstantialē, quod exponit Hierony. 1. prācipuū. Secūdo ordinat nos aliquid ad finē per accidens, vtpote remouens prohibens. Sunt autem tria quæ nos à felicitàte impediunt. Primum est peccatum quod directē à regno dei excludit, & ideo additur: Et dimitte nobis debita nostra, &c. Secundum est tēratio à deo nos retrahens, & ob id adiungitur. Et ne nos inducas, &c. vbi petimus, non vt non tentemur, sed ne vincamur. Tertium est præsens pēnalitas, quæ vitæ sufficientiam impedit, & idcirco apponitur, sed libera nos, &c. Cum itaque dicimus, Sanctificetur nomen tuum, oramus vt nomen dei ab omnibus sanctum habeatur, sic quod gloria dei in omnibus dilatetur. Dū verò precamur. Adueniat regnum tuū, desiderium nostrum ad futurū regnū excitamus. Et cū dicitur, Fiat volūtas tua, oramus vt nos deo obediamus in cunctis, quēadmodum angeli sancti. Hæ autem tres petitiones in patria perfectē implebuntur. Reliquæ quatuor præsēntis vitæ necessitates concernunt. Secundū Aug. in enchirid. Adaptat demum Augusti. has septem petitiones donis spiritus, & beatitudinibus, in libro de sermone domini in monte. Lucas quoque non ponit nisi quinque petitiones. Nam illa, libera nos à malo, intelligitur in præcedenti qua dicitur, & ne nos inducas, &c. quoniā vnusquisq; per hoc à malo eripitur, quod non in tentationē inducitur, similiter quod dicitur, Fiat voluntas tua, intelligi datur in eo quod dicitur: Sanctificetur nomen tuum, quia ad hoc dei voluntas præcipuē tendit, quatenus eius sanctitatem cognoscamus, atque in ipso regnemus.

2. ¶ Præterea, quoniam iuxta præinducta, oratio est actus rationis, superiorem aliquid postulantis, ideo orare non conuenit personis increatis diuinis, quæ superiorem non habēt, nec etiam irrationabilibus, nisi metaphorice, propter naturale desiderium, quo vniuersa suo modo diuinam appetunt bonitatem, sicut scriptum est, Pullis cornuorum, &c. Sed solum rationali creaturæ, id est, intellectuāli videlicet angelis atque hominibus.

3. ¶ Porro vt refert Hieronymus, Vigilanti error fuit, quod sancti in patria non orent pro nobis, sed hoc charitati, quæ

uis in continuatione mens euagetur, tamen vis primæ intentionis totam orationem efficit meritoriam, sicut etiam in alijs actibus charitate informatis. Secundus & proprius effectus orationis est impetrare, ad quem etiam sufficit vis primæ intentionis, quoniam illam Deus principaliter aspicit, quod si illa defuerit, oratio nec meritoria nec impetratiua consistit. Ait nempe Basilus: Diuinum auxilium implorandum est nō remisse, nec mente huc illucque vagante, eo quod talis non solum non impetrabit, sed magis deum irritabit. Et idem testatur Gregorius. Vnde dicitur: Spiritus est Deus, & eos qui adorant, in spiritu & veritate adorare oportet. Tertius effectus orationis est quem principaliter facit, videlicet refectio mentis, seu sanitas saporque mentis, & ad hoc de necessitate requiritur semper in oratione attentio, propter quod ait Apostolus: Si orem lingua, mens mea sine fructu est. Est autem triplex attentio orationis vocalis. Prima qua homo attendit verba, ne erret in ipsis. Secunda qua sensus verborum consideratur. Tertia est quando attenditur finis orationis, qui est Deus, & id quod ab eo rogatur, & hæc summæ est necessaria, & ideotis quoque possibilis, atque in tantum quandoq; abundat, quod omnium aliorū homo obliuiscetur, secundum Hugonem. Innotescit itaque quod euagatio quæ præter propositum accidit animæ, fructum orationis non tollit. Propter quod Basilus asserit: Si debilitatus à peccato fixe orare non potes, quantum vales teipsum cohibeas, & deus ignoscit, quoniam non ex negligentia, sed ex fragilitate non potes vt oportet assistere coram Deo.

2. ¶ Præterea de oratiōe dupliciter loqui possumus, scilicet secundum seipsam, & sic oratio non potest esse cōtinua, quoniam alijs actibus occupari pro tempore indigemus, sed per certa interualla horarū deum rogamus: quātitas verō rei, fini suo proportionata esse debet, vt quātitas medicinæ, sanitati: finis autem orationis vocalis, est interiorem cordis feruorem accēdere quo ad Deū, & ergo cōuenit tādīu orationē durare, quantū est vile ad inflammationē interni affectus, cūmq; oratio sine tadio & fatione durare non potest, protendenda non est. Nam sicut mentis attentio non est obruenda, si perdurare nō potest, sic nō est cito rumpenda si possit durare. Secūdū August. Propter quod fratres olim in Aegypto orationes suas crebras, quibusdam morulis interrompebant.



## D. DIONYSII CARTHUSIANI

Secundo possumus loqui de oratione secundū suam causam quæ esse debet desiderium charitatis, quod in nobis cōtinuū esse debet actu vel virtute, quia virtus huius desiderij in omnibus manet, quæ ex charitate operamur, sic enim omnia in gloriā dei facere debemus, & secundū hoc oratio debet esse cōtinua, sic ergo oratio protendenda est nō aridis verbis, sed cōtinuato affectu. Nā & Christus prolixius orasse, & in oratione pernoctasse ad nostram eruditionem describitur: prolixitas nāq; orationis nō consistit in eo quod multa petatur, sed in hoc quod affectus continuetur ad vnum desiderandū.

2. ¶ Porro ex dictis elucescit, triplicem esse orationis effectum, est autem oratio meritoria secundū quod à radice charitatis procedit, ex qua oritur mediante religione & fide ac humilitate, habet quoque oratio efficaciam impetrandi à gratia dei, quæ ad orādū inducit. Vnde Chrysostomus: Nunquā oranti beneficia denegat, qui vt orautes non deficient, sua pietate instigat. Si ergo quod petitur, ad salutem sit vtile, indubitanter acquirir orans quod petit. Sed quando debet accipere, quædam ei non negantur, sed vt congruo tēpore dentur, differuntur. Vnde Basilius: Quandoq; petis, & nō accipis quoniā perperā postulasti, vel infideliter vel leuiter, vel nō cōferentialiter, vel destitisti, & quia non potest homo alteri de condigno vitam æternam mereri, & per consequens nec ea quæ ad eam spectant videlicet gratiā, ideo non semper exauditur qui p alio deprecatur. Sed ponūtur quatuor cōditiones, quibus concurrentibus oratio nunquā frustratur, videlicet vt oret pro se, & necessaria ad salutem, pie ac perseueranter.

4. ¶ At verò in peccatore duo pensantur, culpa, quā Deus odit, & natura quā creauit & diligit. Si ergo peccator, qui extra gratiam est, aliquid petat ex bono naturæ desiderio, hoc deus exaudit, non propter iustitiam, sed propter suam misericordiam: seruatis tamen quatuor conditionibus positis. Si autem peccator aliquid oret vt peccator, tanquam peccandi desiderium habens: hoc deus non audit ex pietate, sed interdum ad vindictam permittens hominem in grauiora ruere mala. Deus enim aliqua misericorditer negat, quæ iratus concedit. Et ita intelligi potest, quod in Ioanne habetur: deus peccatores non audit. In Prouerbijs quoque: Qui declinat aurem suam ne audiat legem, oratio eius erit execrabilis. Sciendum autem quod oratio dominica profertur ex persona cō-

muni totius ecclesiæ. Ideoque homo alteri non ignoscens, nõ demeretur neque mentitur eam orando, dum dicit: Dimitte nobis debita, &c. sed ipse non exauditur.

5. ¶ Præterea ad orationē tria requiruntur. Primo accessus orantis ad deum. Secundo petitio, quod significatur nomine postulationis, siue petitio pponatur determinate, quod proprie ad postulationem spectat, siue indeterminate: vt dū aliquis petit à deo iuari, quod dicitur supplicatio, siue solū factum narretur, quæadmodū Ioannes dicit: Ecce quæ amas infirmatur: quod insinuatio appellatur. Tertio requiritur ratio aliquid impetrandi, vel ex parte dei, quæ est sanctitas eius, vt cū dicitur: Per natiuitatē tuā libera nos Domine, & propter temetipsum domine salua nos: vel ex partē nostra, videlicet gratiarum actio: nam gratias referendo meremur potiora suscipere. Vnde glosa. 1. ad Timot. 2. dicit: quod in missa obsecrationes sunt, quæ præcedunt cōsecrationem, in quibus aliqua sacra commemorantur, in cōsecratione verò sunt orationes. Tunc enim mens maxime eleuari debet in Deum. Postulationes autē sunt in sequentibus petitionibus, atq; in fine gratiarum actiones. Sed & omnia ista frequenter in vna oratione tanguntur. Itaq; obsecratio, vt nunc sumitur, est quædam per sacra contestatio ad misericordiam implorandum, non autē adiuratio ad compellendum, nam talis illicita est. Dicit enim Origenes super Marcū: Non oportet vt vir, qui vult secundū Euangeliū viuere, adiuret aliquem, nam si iurare nõ licet, nec adiurare, sic igitur prædicta sunt partes orationis, quāuis oratio communiter sumpta omnia ista includat.

¶ De adoratione. 2. An sit actus latriæ. 3. An importet actum interiorem uel exteriorem. 4. An determinationem loci requirat.

Articulus 145.

**A**Doratio insuper est actus religionis. Nam religio est, quæ diuinæ naturæ cultum atq; ceremoniam affert. Adoratio autē ordinatur in eius qui adoratur reuerentiam, propter sūam excellentiam, & quoniā excellentia dei non communicatur creaturis secundum æqualitatem, ideo Deo debetur singularis reuerentia ad latriā perti-nens, reuerentia verò creaturæ ad duliā spectat, legitur autē

## D. DIONYSII CARTHUSIANI

quandoq; quod sancti viri adorauerint quasdam excellentes creaturas, vt Iosue angelum: non tamen adoratione latriæ, nisi intelligatur adorasse deum in persona angeli. Sed sacrificium inter exteriora soli deo debetur.

2. ¶ Præterea, vt Damasc. 4. lib. testatur, quoniam ex intellectuali seu sensibili natura cōstamus, duplicē deo adorationē offerimus. Interiorem, quæ in affectione interna consistit: & exteriorem, seu corporalem, quæ in exteriori corporis humilatione perficitur, & interioris reuerentiæ magnitudinē con testatur, & ad eam refertur, inquantū per exteriora reuerentiæ signa, animus noster ad interiorē dei subiectionē excitatur, quā connaturale est nobis ex sensibilibus ad spiritualia duci.

3. ¶ Et quia exterior dei adoratio ad spirituales adorationem ordinatur, in qua mens deum orando apprehendit, non quasi loco circumscriptum, ideo adoratio de necessitate locum determinatum non exigit, sed solum secundū congruentiam quandam, non ex parte dei, qui omnino illocalis est. Sed ex parte adorantium, triplici ratione. Prima propter loci consecrationem, ex qua adorantes deuotionem concipiunt, & ampliore exauditionis fiduciam. Secundo propter sacraministeria sanctitatisque signa, quæ ibi continentur. Tertio propter multorum adorantium concursum, quorum collectio reddit orationem magis audibilem. Oramus autem ad orientem propter decentiam. Primo propter diuinæ maiestatis indicium, quæ nobis in motu cœli manifestatur, qui ab oriente inchoatur. Secundo paradysus versus orientem est situs, ad quem redire intendimus. Tertio propter Christum, qui est lux mundi, & oriens vocatur qui etiam inde ad iudicium reuersurus creditur, quia scriptū est: Sicut fulgur exit ab oriente, sic erit aduentus filij hominis.

¶ An offerre deo sacrificium sit de lege naturæ. 2. An soli deo sit offerendum. 3. Vtrum offerre sacrificium sit actus specialis uirtutis. 4. An omnes ad offerendum sacrificium teneantur. Articulus 146.

**N**aturalis deniq; ratio dicat, vt homo propter defectus quos in seipso experitur, alicui superiori entī se subdat, quod sibi adiutorium & directionem impēdat, & tale cōs omnes deum appellant, quicquid

fit illud : dicitur quoque ratio, ut superiori honor exhibeatur secundum modum suæ dignitatis, & quoniam naturale est homini sensibilibus uti signis ad significationem spiritualem ; propterea ex naturali ratione processit, quod homo sensibiles res deo obrulit, in signum debitæ subiectionis atque honoris. Hoc autem ad sacrificium pertinet. Ideoque oblatio sacrificij ad naturale ius spectat in communi. Sed determinatio sacrificiorum est ex institutione humana aut diuina, & quo ad hoc, sacrificia secundum temporum vices & hominum status sunt varia.

2. ¶ Porro exterius sacrificiū aliquid signat, videlicet interius sacrificiū, quo omnia seipsam deo offert, tanquā suæ creationis principio, & beatitudinis fini. Solus enim deus animarum creator est, atq; felicitatis immediatum obiectum. Vnde sicut soli deo offerendum est spirituale internūq; sacrificiū: sic quoq; ei duntaxat exteriora sunt sacrificia immolanda, & ergo dæmones, qui vtrique superbissimi sunt, sacrificijs gaudent, non quod delectentur odore cadaverum, sed diuinorū exhibitione honorum. Nos verò non constituimus sanctis templum aut altare, sed deo præcipuè in honore sanctorum.

3. ¶ Præterea, sacrificiū secundum se est actus specialis virtutis, videlicet religionis : quia autem aliquarum actus virtutum ad dei reuerentiā referuntur, propter hoc etiam aliquarum virtutum opera sacrificia nominantur, nā quando actus vnius virtutis ordinatur ad finem alterius virtutis, speciem & nomen illius aliquo modo sortitur. Veruntamen illi actus propriè sacrificia sunt, qui ex aliquo laudem non habent, nisi quoniam in dei honorē fiunt. Et est sciendū, quod sacrificiū dicitur, quando aliquid fit circa rem quæ offertur, sicut cum panis frangitur, vel animal occidebatur, oblatio autē dicitur cum deo aliquid offertur, quanuis nihil tale agatur circa id quod offertur, ut cum panis vel pecunia simpliciter offertur, unde oblatio cōmunior est sacrificio. Primitiæ verò oblationes sunt, quia deo offerebantur, non autē sacrificia, quia circa eas nihil fiebat. Sed decimæ non sunt propriè sacrificium vel oblatio, quoniam ministris templi exhibentur.

4. ¶ Porro ad sacrificiū spirituale, quod principale cōsuetur, omnes tenentur, de quo scriptum est. Sacrificium deo spiritus cōtribulatus. Ad sacrificiū verò exterius, quod solū laudabile est, quia deo offertur in signū debitæ subiectionis, nō aqua-

liter omnes concernit, qui enim sub lege erant, ad determinata sacrificia obligabantur secundū legis præcepta. Sed qui non erant sub lege, tenebantur ad aliqua exteriora non determinate, sed secundum decentiam eorum inter quos habitabant, ad ea enim quæ de lege naturæ sunt, omnes tenentur in communi, non autem eodem modo.

¶ Aliquid demum vocatur sacrificium exterius, in quantum aliquarum virtutum exteriores actus in dei reuerentiam referuntur, & si illi actus cadunt sub præcepto, tunc ad eorum sacrificium omnes tenentur. Si verò ad supererogationē pertineant, non obligant omnes.

¶ *Vtrum oblationes aliquæ cadant sub præcepto. 2. Quibus debeantur oblationes. 3. De quibus rebus fieri debeant.*

4. *Vtrum ad oblationes primitiarum homo ex necessitate teneatur.*      *Articulus 147.*

**Q**uanuis verò oblationes de sua ratione voluntariæ sint, iuxta illud: Ab omni homine, qui offert ultro nee, accipias eas: fit tamen ut homo ad oblationem obligetur quadruplici ratione. Primo, ex præcedenti conuentione. Secundo ex præuia promissione. Tertio propter necessitatem ministrorum ecclesiæ. Quarto propter consuetudinē. Sicut in quibusdam solennitatibus oblationes fieri solent. Sed in his ultimis duobus modis, quantitas & species rei, quæ offertur, voluntariæ manent. Non autē tenentur homines ad oblationes in nouo testamēto, sicut in veteri, utpote propter præcepta ceremonialia, sed propter causas prætatas. Vnde si quis oblationem soluere renuit puniri potest per sacramentorum subtractionem: non per sacerdotem cui debetur oblatio, ne pro sacramentorum exhibitione aliquid videatur exigere, sed per aliquem superiorem.

2. ¶ Deniq; oblationes fidelium, quæ domino offeruntur, ad sacerdotes pertinent, qui sunt medij inter deum & populum, diuina documenta & sacramenta dei populo exhibētes. Preces quoq; & oblationes ac sacrificia populi domino offerētes. Pertinent autē ad eos, non solū ut eas in propriū vsum cōuertant, sed etiā ut eas fideliter dispensent, in his quæ spectant ad diuinum cultum, vsusq; pauperū. Nam pauperes, quantū possibile est, de rebus ecclesiæ sunt sustentandi. Præsertim cum

dominus loculos habuerit in pauperum vsus secundum Hieron. Vnde canon Damasi papæ, & habetur .10. qu. pri. dicit. Oblationes, que intra sanctam ecclesiam offeruntur tantum modo sacerdotibus licet comedere & habere. Monachi autē tripliciter possunt recipere oblationes. Primo per dispensationem sacerdotum, seu ordinationem ecclesiæ. Secundo si sint ministri altaris. Tertio si sint eorum parochiæ. Et sciendum quod oblationes postquam fuerint consecratæ. in vsum laicorum cedere nequeunt, vt vasa sacra & vestes sanctæ, & de talibus loquitur Damasus papa, quæ autem consecratæ nō sunt, cedere possunt in vsum laicorum per dispensationem sacerdotis, per modum donationis vel redditionis.

3. ¶ Amplius, de qualibet re licite possessa oblatio fieri potest in noua lege, in qua omnis dei creatura reputatur vt munda, sed in veteri lege propter figuram aliqua reputabantur imunda, de quibus non licuit quicquam offerre.

¶ De iniuste autem acquisitis & possessis oblationem facere illicitum existit. Veruntamen per accidens interdum non licet de iuste possessis oblatione offerre, puta si vergat in detrimentū alterius, velut si filius aliquid offerre vellet in patris pendium: vel propter scādālū vitādū, vnde de mercede meretricis nō est oblatio dāda, vel propter scādālū, aut simile aliquid.

4. ¶ At verò primitiæ ad speciale genus oblationis pertinent, offeruntur enim cum professione seu recognitione diuini beneficii, scilicet quod ab ipso fructus terræ percipiam⁹ & ob id aliquid de eisdem deo est iure reddendum, & quia debemus dare quod præcipuum est. ideo præceptum erat in veteri lege, primitias quasi præcipuum aliquid de fructibus terræ deo offerre, & cedebant in vsum sacerdotum, qui sunt inter deum & populum medij. Pertinet autem ad ius naturale vt homo aliquid deo ad eius honorem exhibeat, de bonis sibi à deo concessis. Determinatio autem quantitatis, & quod de primis fructibus fiant, vt erant in veteri testamento statuta iure diuino, in nouo verò diffinitur per determinationem ecclesiæ, ex qua homines tenentur primitias soluere secundū consuetudinem patriæ, & indigentiam ministrorum ecclesiæ, & sic quia primitiarum oblatio est partim de iure naturali, idcirco manet in noua lege.

¶ Quantitas enim primitiarum offerendarum, inter quadragessimam partem & sexagesimam videtur seruanda.

¶ *Vtrum homo ex præcepto teneatur soluere decimas. 2.**De quibus rebus sint decimæ dandæ. 3. Quibus  
dandæ sint. 4. Quibus competat eas dare**Articulus.*

148

**P**orro decimæ in vëteri testamento dabantur ad sustentationem ministrorum dei. Vnde præceptum de decimis dandis, partim erat morale, videlicet naturali inditum rationi. Naturale est enim, vt eis necessaria vitæ à populo ministrarentur, qui propter totius populi salutem diuino erant cultui mancipati: quemadmodum, etiã militibus dantur stipendia. Partim verò erat iudiciale, nam determinatio decimæ partis, ex diuina institutione robur sortitur. Multa nanque in populo Hebræorum à deo instituta erant ad æqualitatem inter se seruandam, secundum conditionem populi illius, quæ iudicialia præcepta dicuntur, vt qui furaretur ouem vnã, redderent quatuor. Præceptum quoque de decimis ex consequenti ceremoniale extiterat, in quantum aliquid significabar, nam omnia in figura contingebant illis. Numerus quoque denarius est perfectus, & decima vni-tate seu parte sublata, manent nouem, quæ sunt numerus imperfectus, quo significatur quod ipse offerens imperfectionem à se habet & eam sibi reseruat, perfectionem verò à Christo expectat, eamque deo attribuit. Differt autem præceptum ceremoniale à iudicali, quoniam ceremoniale in noua lege seruari non licet, sed iudiciale. Si aliquis præcipiat suis quibus legem condere potest: non tamen tenentur fideles simpliciter ad iudicialia. Vnde si rex suis præciperet, vt qui vnã ouem furaretur quatuor redderet, tenerentur subditi eius illud seruare. Et hoc modo determinatio decimæ partis soluendæ est de ordinatione ecclesiæ in vsum ministrorum ipsius. Posset quoque ecclesia, pensatis opportunitatibus personarum, & temporum determinare aliquam partem esse soluendam. Sed ante legem scriptam non erant determinati ministri diuini cultus, sed primogeniti (vt fertur) erant sacerdotes: & ob hoc non erat determinata pars decima, sed vnusquisque offerebat sacerdoti sibi occurrenti propria sponte quod voluit. Et ergo Iacob vouit decimas, quia non tenebatur ad certam partem. Sunt autem quædam terræ, in quibus ministris ecclesiæ decimæ non soluuntur: non tamen non sol



uentes sunt in statu damnationis, quia ministri dei non exigunt eas ad scandalum euitandum.

2. ¶ Præterea, quoniam radix soluendi decimas, est debitum quo seminantibus spiritualia, carnalia debentur, secundum Apostolum: Ideo de omnibus iuste possessis decimæ dandæ sunt, quia cuncta quæ homo possidet, sub carnalibus continentur. Dicit enim augustinus: De negotio & artificio decimas redde: & sic ad decimas personales homines modo tenentur. Nam & meretrices de sua mercede, quam licet iniuste turpiterque acquirant, non tamen iniuste recipiunt, tenentur soluere decimas. Sed ecclesia non debet eas recipere, ne videatur earum communicare peccato.

3. ¶ Adhuc autem circa decimas duo pensanda sunt, scilicet: ius accipiendi, & res quæ nomine decimæ persoluitur, quorum primum est ministrorum ecclesiæ, cum sit quoddam spirituale debitum, consequens debitum quo exhibentibus spiritualia, impendenda carnalia sunt, quod clericis conuenit. Res verò quæ soluuntur corporales sunt, & possunt ad laicos pertinere, & in quorum libet usum cedere de consensu ecclesiæ, quæ etiam dare potest licentiam eis ut dandas decimas ipsi accipiant, iure tamen sibi reseruato pro necessitate Ecclesiæ: quemadmodum mililibus decimæ dantur in feudum, & religiosis non habentibus animarum curam in paupertatis subuentionem.

4. ¶ Amplius clericis non competit soluere decimas in quantum sunt clerici, si verò aliqua aliunde habent, ut prædia vel patrimonialia, & quæ proprio iure possident, de talibus soluere decimas obligantur, & similiter religiosi qui curam animarum non habent, nisi à sede apostolica immunitatem susceperint. Sciendum quoque, quod decimæ personales debentur ecclesiæ in cuius parrochia homo habitat. Sed decimæ prædiales ecclesiæ, inter cuius terminos sita sunt prædia: tamen secundum iura in talibus obseruanda est consuetudo antiqua, & quoniam ex pascuis fructus gregum seu pecorum oriuntur, potius debetur decima gregis ecclesiæ in cuius territorio grex pascitur, quàm in cuius territorio ouile locatur.

¶ Rursus, quemadmodum in veteri lege leuitæ summo sacerdoti decimas soluere tenebantur, pariformiter modo tenentur clerici summo pontifici soluere decimas, si requiratur, quia naturalis ratio dicitur, ut habenti curam de communi populi

statu, provideatur de his per quæ exequi queat illa, quæ communem salutem concernunt.

¶ Quid sit uotum . 2. Quid cadat sub uoto . 3.  
De obligatione uoti. 4. De utilitate uouendi.

Articulus

149.

**V**otum autem obligationem importat ad aliquid faciendum vel dimittendum. Obligat verò se homo homini per promissionem, quæ est actus rationis, ordinantis quid alteri fieri debet. Hæc quoque promissio fieri nequit, nisi per verba aut exteriora indicia. Sed Deo, qui interiora cognoscit, per solam cogitationem promissio fieri potest: tamen verba interdum adduntur, vel propter sui ipsius excitationem: quemadmodum circa orationem, vel propter aliorum contestationem, quatenus à voti adimplerione non cesseret homo propter reuerentiam hominum, promissio ergo ex proposito oritur, propositum verò deliberatione præexigit, cum sit actus deliberatæ voluntatis. Vnde ad votum tria de necessitate concurrunt, videlicet deliberatio, propositum, & promissio, quæ rationem voti perficit, superadduntur verò quandoque alia duo ad ampliorem voti confirmationem, puta pronuntiatio oris, & testimonium aliquorum unde quidam diffiniunt votum hoc modo: Votum est conceptio boni propositi cum deliberatione firmata, qua quis ad aliquid faciendum vel non faciendum Deo se obligat.

2. ¶ Denique votum est promissio deo facta, cui nihil est acceptum nisi sit virtuosum. Et ergo de re illicita seu indifferenti, votum faciendum non est: sed solum de actu virtutis. Votum etiam voluntarium esse oportet: & ergo quæ simpliciter necessaria vel impossibilia sunt, sub voto non cadunt. Necessarium autem necessitate finis, videlicet sine quo salus esse non potest, ut sunt actus præcepti, cadunt sub voto, in quantum voluntariè fiunt. Et sic in baptismo promittitur, abrenuntiatio dæmonia, & observatio fidei. Et Iacob promissit, quod dominus esset sibi in deum. Ea autem quæ non cadunt sub necessitate absoluta, nec sub necessitate finis, ut sunt opera supererogationis, sunt penitus voluntaria: & illa propriissime cadunt sub voto: & hæc sunt bona meliora respectu co-

rum quæ ad communem exiguntur salutem. Vnde votum est de bono meliori.

¶ Sciendum verò, quod quædam sunt quæ in omnem euentum sunt bona, vt opera virtutum, & talia absolute possunt vniuerſali: aliqua autem sunt, quæ licet in se considerata sint bona: malum tamen euentum possunt habere. Et de talibus fuit votum Iepthe, de quo Iudicum vndecimo scribitur. Et ergo fuit votum eius incautum, quia simpliciter vouit quod malum euentum sortiſſi valebat. Vnde Hieronymus aſſerit, quod in promittendo fuit ſtultus, & in reddendo impius. Veruntamen, quia illic legitur, quod factus est super eum ſpiritus domini: ideo fides atque deuotio, ex quibus ad vouendum mouebatur, fuit à ſpirituſancto. Propter quod in catalogo ſanctorum ponitur, ad Hebræos 11. Præſertim cum probabile ſit eum poſtea pœnituiſſe de interitu filiæ innocentis, & tamen factum eius bonum aliquod figurabat.

¶ Porro ad fidelitatem ſpectat, quod homo promiſſa adimplereat maximè quo ad deum, tum ratione dominij, tum ratione ſuſcepti beneficij. Vnde maximè obligatur homo vota deo promiſſa perſoluere. Nam & fraſtio voti infidelitatis eſt ſpecies. Imò ex honeſtate tenetur homo homini votum implere: quanuis ſit ſimplex promiſſio, obligatione iuris naturalis. Non tamen obligatur ad reddendum votum ſimplex homini iure ciuili, niſi aliqua quædam cōcurrant. Eſt hoc propter mutabilitatem voluntatis humanæ. Si autem fiat homini impoſſibile reddere quod deo promiſit, debet facere quod in ſe eſt. Et ſi ipſe ſua culpa eſt cauſa impoſſibilitatis, pœniteat, ac de eo quod vitare promiſit de cætero caueat. Vnde ſi quis religionē intrare promiſit, ſi non poteſt recipi in vno clauſtro vel ordinem ingredi, dare debet operam quantum valet vt recipiatur. Quod ſi fratres eum recipere rennuunt non tenetur alium locum vel ordinem introire.

¶ Et quoniam votum ex voluntate procedit, penſanda eſt voti conditio ex intentione vouentis, videlicet quo tēpore quod promiſſum eſt impleatur.

¶ Inſuper aliter deo aliterque hominibus aliquid vouemus. Homini enim aliquid promittitur propter ſuam vtilitatem: & vt certificetur ſecurius: deo autem aliquid promittimus, non vt certificetur de aliquo, nec propter eius vtilitatem, ſed noſtram. Ideoque expedit deo bona vouere, nā quod deo reddi

tur, reddenti additur. Et per votum nostrum voluntatem nostram immobiliter confirmamus in deo. Et quemadmodum non posse peccare non minuit dignitatem libertatis, vt patet in patria: sic necessitas firmata voluntatis, libertati non derogat, sed immobilitati sanctorum similiore nos statuit. Et secū dum August. Felix necessitas est, quæ ad meliora compellit. Nec tamen homo qui vouet, periculo se committit vt ille qui per pontem ruinofum flumen pertransit, quia ipsum votum non est causa periculi, sicut pons debilis, sed defectus vouentis, ex quo defectu etiam quodlibet opus meritorium impediri contingit. Nec ob hoc deferendum existit. Vnde Ecclesia ftes dicit: Qui obseruat ventum, non seminat: & qui considerat nubes, nunquam metet. Et idcirco Augustinus dicit: Non te vouisse pœniteat. Imò gaude iam tibi non sic licere, quod antè cum tuo licuit detrimento.

¶ Cuius uirtutis uotum sit actus 2. Vtrum ex uoto facere sit magis meritorium 3. De solennitate uoti 4.

An possint uouere qui aliorum potestati subduntur. Art. 150.

**D**Enique votum est actus patriæ seu religionis, cuius est in Dei honore actus virtutum ordinare. Votum autè soli deo fit: promissio verò homini fieri potest. 2. ¶ At verò facere idem opus ex voto, magis laudabile & meritorium ac deo acceptum est triplici ratione. Primo, quoniam votum est actus patriæ, quæ est nobilissima virtutum moralium. Et ergo votum quod est actus eius, est tanto preciosius, quanto virtus de qua oritur præstantior existit. Nam & inferiorum virtutum actus, scilicet abstinere, castitatem seruare, & talia, magis redduntur meritoria, secundum quod à patriâ imperantur, & ad Deum referuntur. Secundo, quia qui facit ex voto, plus deo se subiicit, quàm qui facit dū taxat. Subdit enim se Deo secundum actum & potestatem: qui autem solum facit secundum actum tantummodo se subiicit Deo. Et ergo (vt testatur Ansel. libro de similitudinibus) sicut plus dat qui arborem cum fructibus præstat, quàm qui fructum solummodo: sic plus Deo exhibet qui vouet & implet. Vnde & promittentibus gratiæ referuntur.

¶ Tertio, quia actus est tanto perfectior quanto voluntas est

in bono stabilior. Sed per votum maximè firmatur voluntas in deo. Ideoque sicut peccare mente obstinata est crimen grauissimum, sic agere bonum animo confirmato per votum, est sanctissimum.

¶ Rursus secundum illud Psalmistæ: Vouete & reddite domino deo, dicit glossa: vouere voluntati consulitur: ergo qui vouit & reddit duo consilia implet: qui autem tantummodo facit, vnum agit consilium. Vnde si opus bonum post votum triste & inuoluntarium redditur, dummodo maneat voluntas votum implendi, adhuc est magis meritorium, quàm si fieret absq; voto, quia voti impletio est actus religionis seu patriæ, quæ est potior virtus quàm abstinentia, cuius actus est ieiunare, vel continentia, & ita de aliis.

3 ¶ Præterea adhibetur solennitas rebus secundum conditionem ipsarum quemadmodum alia est solennitas nouæ militiæ, alia nuptiarum. Cum ergo votum sit promissio deo facta, attenditur eius solennitas secundum aliquid spirituale ad deum pertinens, scilicet spirituales benedictionem vel consecrationem, quæ ex institutione apostolorum post sacri ordinis susceptionem adhibetur. Secundo loco in professione certæ regulæ, sicut secundo capitulo Eccle. hierar. Dionysius docet. Cuius ratio est, nam solennitates adhiberi non solent nisi cum aliquis totaliter mæcipatur alicui rei, vt videmus in nuptiis q; non adhibetur eis solennitas, nisi cum vterq; coniugum proprii corporis præteritatem alteri tradit. Sed per professionem certæ regulæ & susceptionem sacri ordinis, homo totaliter deo mancipatur. Et ergo in his duobus votum solennizatur, vnde non est idem, votum solenne & publicum, nam publicum habet solennitatem quãdam humanam. Grauius quodque peccat transgressor voti solennis quàm simplicis. Quod si dicantur peccare apud deum æqualiter, intelligendum est, q; vterq; peccat mortaliter. Prædicta demum duo vota, scilicet ordinis & certæ regulæ, solùm impediunt matrimonium contrahendum diminuuntque contractum, quod est effectus voti solennis.

4 ¶ Insuper cum votum sit promissio deo facta, non potest esse nisi de his quæ præteriti vouentis subduntur. Et ideo qui alij est subiectus, nihil promittere potest de his, in quibus potestati alterius subditur, nam in his non est sui iuris, vel potestatis, quid facere velit. Vnde filius quia liber est, quo ad suam per-

## D. DIONYSII CARTHUSIANI

sonā, potest inuitis parentibus ingredi ordinem: non autem seruus, quia est in potestate domini quantum ad personales operationes. Rursus religiosus subditus est prælato quo ad actus suos, secundum tenorem professionis regulæ suæ. Et ergo quando à prælato non occupatur circa debita, potest alia agere. Sed quoniam nullum est tempus, in quo à prælato occupari non possit: propterea nullum votum religiosi est firmum nisi sit de consensu prælati: sicut nec vxoris sine cōsensu mariti. Quauis autem qui in maiorum potestate sunt simpliciter vouere non valeant, non tamen peccant vouendo, nā in eorum voto intelligitur semper conditio, vt pote si superiori placuerit.

¶ An pueri se obligare possunt uoto ad religionis ingressum inuitis parentibus 2. An uotum sit dispensabile uel cōmutabile 3. Vtrum in solemnī uoto continentie possit dispensari 4. An etiam in dispensatiōe uoti exigatur superioris auctoritas. Articulus 151.

**P**æterea, votum est duplex scilicet solenne, quod in quadam consecratione & benedictione consistit: & ob id dispensatione ecclesiæ cadit solennizatio voti. Aliud est votū simplex ex proprij animi deliberatione procedens, & tale potest inefficax fieri dupliciter. Primo propter rationis defectum, vt in furiosis. Secundo, quia alterius potestati quis subditur. Hæc autem ambo concurrunt in pueris ante annos pubertatis, nam vt frequentius rationis defectum habent, & sub cura parentum consistunt. Ideoque ex duplici causa votum eorum robore caret. Veruntamē in quibusdam paucissimis vsus rationis acceleratur, qui ob hoc dicuntur doli capaces: nec tamen ob id eximuntur à cura parentum, quæ subditur legi humanæ, respiciēti id quod in pluribus accidit. Itaque puer aut puella ante annos pubertatis nullo modo se potest ad aliquid voto astringere, si vsus rationis non attingat. Si autem attigerit, potest se obligare quantum in se est, sed à parentibus potest irritari sub quorum permanet cura, quantumcunque sit doli capax. Voto demum solenni nequaquam obligare se potest ante annos pubertatis, propter statutum ecclesiæ respiciens quod in pluribus acci-

dit. Et quod dictum est de parentibus, intelligi debet etiam de tutore, qui est loco parētum, vt habetur vicesima quæstione secundo capitulo.

2 ¶ Denique sicut in lege que communiter assignatur, fit dispensatio quando lex in certo casu obseruanda non est, sicut furioso non est restituendus gladius: sic in voto dispensatio fit. Quia licet votum secundum se obliget, tamen in casu legitimo accedit ipsum non esse obseruādum, vel quia est simpliciter malum, aut certè inutile, aut maioris boni impedimentale: quæ omnia sunt contra rationem eius quod cadit sub voto. Vnde oportet, vt in tali casu determinetur non esse seruādum. Dispensatio nanq; importat quandam commensuratam distributionem, seu applicationem eius, quod est commune ad contenta sub ipso: quemadmodum dicitur homo dispensare cibum familiae. Itaq; quando absolute determinatur votum non esse seruandum, dicitur voti dispensatio. Si autem pro voto aliud iniungatur, est commutatio voti. Vnde minus est votum commutare, quàm dispensare. Sed vtrumque in ecclesiæ potestate cōsistit. Nec istud repugnat iuri naturali vel diuino, quia sicut tenetur homo ad votum de iure naturali atque diuino: sic quoque ex eisdem obligatur superiori mandato ac legi parere.

3 ¶ Aduertendum autem, quod aliqui asserunt summum pontificem posse dispensare in voto continentiae, solēizato propter bonum commune, quod bono singularis personæ præfertur. Velut si aliquis monachus factus est, per cuius matrimonium pax patriæ reformari queat. Sed istud est manifeste contra illud, quod dicitur extra. de statu monachorum in fine illius decreti, cum ad monasterium. Abdicatio proprietatis, sicut etiam custodia castitatis, adeo est annexa regulæ monachorum, vt contra eam nec summus pontifex possit indulgere. Adhuc autem in Leuit. dicitur. Quod semel sanctificatum est domino, non potest in alios vsus cōmutari. Cum ergo prælatus facere nequeat, vt res domino consecrata, quanuis inanimata, vt calix, cōsecrationē amittat q̄ diu integer perseverat multo minus fieri potest à quocunq; prælato, vt hō deo cōsecratus desinat esse consecratus q̄ diu viuīt. Solennitas autem in consecratione seu benedictione consistit vouentis. Ideoque per nullum prælatum fieri, valet, vt qui votū solenne emisit desinat ab illo ad quod est consecratus. Castitas verò es-



## D. DIONYSII CARTHUSIANI

sentialem est annexa voto solenni in susceptione religionis, non autem in susceptione sacri ordinis. Vnde quauis in voto solenni continentie sacri ordinis possit aliquo modo dispensari: tamen nullatenus hoc fieri potest in professione continentie religionis. Et sicut fieri nequit, ut sacerdos non sit sacerdos, quandiu uiuit: sic esse non potest, ut religionem professus, desinat esse religiosus: licet quidam iuristae ignoranter oppositum dicant. Nam & bono communi providendum est de rebus humanis, & non per hoc quod res deo consecratae conuertantur in usum humanum. Monachus autem est mortuus mundo, & ergo nulla occasione reuocandus est ad vitam mundanam.

**¶** At uero religiosus qui sit Episcopus, non absoluitur a voto paupertatis, quia nihil habere debet, tanquam proprietarius. Sed tanquam dispensator, imo nec ab obedientie voto absoluitur, nam quod non tenetur obedire est per accidens, scilicet quia superiorem non habet: sicut & abbas monasterij obedire non tenetur, quauis non sit a voto obedientie absolutus.

4. **¶** Porro votum est promissio Deo facta de aliquo ei placito. Quid autem alicui placeat, ex eius dependet arbitrio. Cum ergo prelati ecclesie sint vicarij Dei: ideo in commutatione & dispensatione uotorum requiritur prelati autoritas, qui in dei persona determinet, quid sit Deo acceptum vel non, & secundum hoc dispense ad dei honorem & ecclesie utilitatem. Nec potest prelatus pro suo libitu dispensare, cum non sit dominus, sed dispensator, in aedificationem & non in destructionem, secundum apostolum: Et ergo in manifestis malis eius dispensatio non excusaret a culpa. Sed si esset causa apparens dispensandi cum voto, per quam saltem in dubium verteretur posset stare dispensatio. Non autem debet homo proprio iudicio cessare a voto, nisi forte esset aperte illicitum, & non posset opportune ad superiorem accedere. Maiora quoque vota, uidelicet continentie, & peregrinationes terre sanctae, reseruantur summo pontifici.

**¶** Quid sit iuramentum 2. An sit licitum 3. De comitibus iuramentum 14. Cuius uirtutis actus sit iuramentum.

Articulus 152.

**I**uramentum verò, teste Aposto. ad confirmationem ordinatur. Facta autem humana cum sint contingentia & particularia, probari non possunt per rationem necessariam sicut scibilia: & ideo probari solent per testes. Sed testimonium hominum non sufficit semper, tum quoniam multi in mendacium cadunt, tum quia multa latent cognitionem humanam, sicut in absentia facta, & futura cordiumq; secreta: de quibus interdum certitudo expediens est. Vnde necesse est ad diuinum testimonium recurrere, cum Deum nil lateat, nec ipse fallere possit. Nam iurare est Deum testem inuocare. Inducitur autem testimonium dei quandoque ad assertionem praesentis vel praeteriti, & hoc vocatur iuramentum assertorium. Interdum quoque ad asserendum futurum: & dicitur iuramentum promissorium. Sed in necessariis, & per rationem investigandis, fatuum esset iuramentum inducere, ut si quis in disputatione iuramento vellet probare propositum, derisibile foret. Est autem modus duplex iurandi, scilicet per simplicem contestationem, & per execrationem, quia & deus dupliciter manifestat veritatem eius, ad cuius testimonium inuocatur, scilicet per veritatis reuelationem seu inspirationem, & per manifestam vindictam.

2. ¶ Denique iuramentum secundum se honestum & licitum est, tam ratione originis quam finis. Est enim inductum ad certificandum homines & ad finiendum controuersias, & sic ex parte finis est licitum. Ex origine quoque, quoniam iuramentum introductum est ex fide, qua homines credunt Deum habere infallibilem veritatem, omniumque notitiam ac vniuersalem prouidentiam. Sed quoniam id quod ex se bonum est, cedere potest in malum alterius, qui eo male vititur, ut sumere eucharistiam: ideo iuramentum cedit in malum hominis, qui sine debita necessitate atque cautela vititur eo: videtur enim paruam habere reuerentiam Dei, qui eum ex leui causa testem inducit, quod etiam de viro honesto aliquo non faceret. Et rursus faciliter iuranti imminet periculum periurij ex facilitate consuetudinis, & ob id dominus iurare prohibuit.

3. ¶ Porro super illud Ieremias: Iurabis viuit dominus in iudicio, in veritate & iustitia. dicit Hierony. Quod iuramentum tres comites habet, videlicet iudicium, veritatem, iustitiam. Iuramentum enim non est bonum, nisi ei qui ipso legitime vititur: ad quod duo requiruntur. Primo, ne quis leuiter, sed ex

necessaria causa & discrete iuret: & quo ad hoc, requiritur ad iuramentum iudicium, scilicet discretionis, ex parte iurantis. Secundo ex parte eius quod iuramento confirmatur, exigitur, quod iuramentum sit verum: & sic ponitur veritas. Et quod non sit illicitum aut iniquum: & ideo additur iustitia. Itaque iudicium non accipitur hic pro executione iustitiæ, sed pro iudicio discretionis: similiter veritas non accipitur hic prout est pars iustitiæ, sed prout est quædam loquentis conditio: iustitia verò spectat ad causam pro qua iuratur, ut sit licita.

4 ¶ At verò quoniam nihil confirmatur nisi per illud quod firmitus digniusq; consistit, ideo qui deum testem inuocat, proficitur eum esse se maiore ut pote infallibilis veritatis ac prouisionis, & sic deo reuerentiam exhibet. Nam & Apostolus dicit: Homines per maiores se iurāt. Et Hieronymus super Marcum ait, quod qui iurat, veneratur vel diligit eum per quē iurat, imò secundum Aristotelem: Iuramentum honorabilissimum quiddam est. Cū ergo Deo reuerentiam exhibere ad patriam seu religionem pertineat, palām est quod iurare sit actus religionis seu patriæ, & hoc ratione testimonij Dei.

¶ De frequentatione iuramenti 2. Vtrum liceat per creaturas iurare 3. An iuramentum sit obligatorium 4. Vtrum amplius obliget iuramentum, uel uotum.

Articulus 153.

**E**A denique quæ ordinantur ad subueniendum defectui, non sunt per se appetenda, sed necessaria sicut medicina. Talia verò quæ ordinantur & appetuntur propter aliud, non sunt frequentanda, nisi secundum exigentiam eius ad quod ordinantur. Iuramentum autem ordinatur ad subueniendum defectui quo vnus homo alteri discrediti: non ergo est per se appetendum, sed est huic vitæ, propter malum alterius, necessarium, & quoniam ordinatur ad certificandum: ideo non est frequentandum nisi in quantum necessitas huiusmodi finis exposcit.

2 ¶ Præterea, duplex est iuramentum, videlicet per simplicem contestationem, & hoc diuinæ veritati innititur sicut & fides: vnde fides est primo & principaliter de deo, secundario autem de creaturis quibusdam secundum quod in eis bonitas diuina resplendet: sic iuramentum principaliter

refertur ad deum cuius veritati innititur, secundario autē assumuntur quædam creaturæ ad iurandum, non secundum se, sed in quantum in eis diuina veritas manifestatur, vt iuramus per Euangelium, id est, per Deum cuius veritas in Euangelio continetur, & per sanctos, qui hanc veritatem crediderunt. Aliud est iuramentum per execrationem, & in tali inducitur creatura sicut in qua diuinum exerceatur iudicium, vt cum homo iurat per caput suum, vel filium, aut aliud quod diligit sic quoque iurauit Apostolus: Ego (inquiens) testem Deum in uoco in animam meam. Vnde quod Ioseph per salutem Pharaonis iurauit, vtroque modo potest intelligi, scilicet per modum execrationis, sic quod Pharaonis salutē obligauerit deo: & per modum contestationis, videlicet contestando veritatem diuinæ iustitiæ, ad cuius executionem principes terræ cōstituuntur. Sic ergo patet quomodo Christus per creaturas iurare prohibuit, ne scilicet eis diuinus honor impenderetur. Sic enim intelligi debet quod 22. questione prima, clericum per creaturam iurantem à crimine obiurgandum.

2 ¶ Insuper quicumque iurat se esse aliquid facturum, tenetur illud verificare atque implere, dummodo assint alij duo comites iuramenti, videlicet iudicium & iustitia: nam si iuramentū est de re impossibili, deest iudiciū discretionis. Si est de re secundū se mala aut boni impeditiua, deest iustitia. Ideoq; nullum eorum est seruādum: quemadmodum de voto prædictum est. Vnde si quis iuraret se non ingressurum religionem, aut sacerdotem futurum, vel accepturum prælationem in casu quo hoc expediret, non esset implendum: quia in talibus ponitur spiritui sancto obex, qui maioris boni est inspirator ac dator. Cum ergo homo iurat ad quod non tenetur, sed est bonum supererogationis peccat iurando, sed non peccat seruando, veruntamen multo melius agit non obseruando. Aduertendum quoque, quod in iuramento coactio duplex est obligatio. Vna quo ad hominem cui inuitus promissit, & illa per coactionem aufertur, qui enim violentiam intulit, promeretur vt ei promissum non seruetur. Alia est obligatio quo ad deum, qua tenetur homo implere quod per nomen dei spondit, & hanc non tollit coactio in foro conscientie, quia potius debet homo temporale damnum incurrere quā iuramentū violare, sed potest in iudicio repetere quod soluit, seu prælato denunciare, quanuis oppositū iurasset, nā tale

## D. DIONYSII CARTHUSIANI

iuramentum vergeret in deteriorem exitum, esset enim contra iustitiam publicam. Vnde elucescit intellectus eius, quod habetur extra, de iureiurâdo ca. vni, in ea. quest. quod qui iniurati aliquid spondent, per Romanos pontifices absoluuntur à iuramento, non quod decernant inramenta coacta non esse obligatoria, sed quasi huiusmodi obligationes ex iusta causa relaxantes.

¶ Rursus, quando non est eadem iurantis & eius cui iuratur intentio, si hoc est ex dolo iurantis, seruandum est iuramentum secundum sanum iudicium eius cui iuramentum præstatur. Si verò iurans dolum non adhibet, obligatio est secundum intentionem iurantis.

4 ¶ Præterea obligatio voti causatur ex fidelitate, quâ deo debemus, videlicet ut ei promissum soluamus, sed obligatio iuramenti est ex debito reuerentiæ quâ deo tenemur, scilicet ut verificemus quod per nomen eius firmauimus. Omnis autem infidelitas irreuerentiam continet, & non e contra. Ideo que votum ex sua ratione amplius obligat quàm iuramentum, præsertim cum infidelitas serui ad dominum sit irreuerentia maxima.

¶ De dispensatione iuramenti 2. De impedimento eius ex parte personæ iurantis 3. Vtrum etiam licitum sit adiuvare homines 4. Vtrum daemones 5. An irrationales creaturas. Articulus 134.

**I**nsuper sicut in lege & voto necessaria est dispensatio, eò quòd aliquid quod in se seu in communi cõsideratum est bonum ac vtile, in aliquo particulari casu esse potest nocivum atque illicitum, non potens cadere sub lege & voto, velut inepta materia: Pariformiter in iuramento dispensari potest. Nam quod aliquid sit inhonestum aut nocivum, repugnat his quæ in iuramento pensanda sunt, puta iustitiæ & iudicio. Sed istud sic intelligendum non est, quod dispensatio iuramenti se extendat ad hoc quod aliquid contra iuramentum fiat, hoc enim repugnaret veritati & divino præcepto, quod ad iuramenti observantiam obligat, & omnino indispensable est, sed ad hoc dispensatio se extendit ut quod sub iuramento cadebat, nunc sub iuramento non cadat tanquam inepta materia ad iurationem.

¶ Sciendum denique, quod homo promittere potest alicui dupliciter aliquid. Primo quod pertinet ad vtilitatem ipsius, vt si promittat se ei daturum pecuniam, & à tali promissione potest absoluere ille cui promissio facta est. Intelligitur enim iam ei soluisse, quando voluntati eius satisfecit.

¶ Secundo modo homo alteri promittit aliquid ad dei honorem, vel aliorum pertinens vtilitatem, vt est ingredi religionem, aut opus pietatis exercere, & à tali alter non potest absoluere, quia non ei, sed deo principaliter est facta promissio, nisi forte esset adiecta conditio. Rursus iuramentum vel est manifestè repugnans iustitiæ, vt si est per se de re mala, quem admodum est homicidium facere, & tunc dispensatione non eget, sed mox omittendum est: vel est maioris boni impeditiuum, vt si quis promittat non ingredi claustrum, & tunc seruari & non seruari licet, & sine dispensatione frangi potest: quandoque quod promittitur in dubium vertitur, an ipsum implere sit vtile, vel inutile, nociuum vel proficuum, & de tali iuramento quilibet episcopus dispensare valet. Quandoque verò quod sub iuramento cadit est manifestè licitum & vtile, & in talibus locum non habet dispensatio vel commutatio, nisi aliquid melius faciendum occurrat ad communem pertinens vtilitatem, quod ad Papam maximè spectat, qui plenitudinem potestatis accepit in omnibus generalibus, quæ ecclesiasticarum rerum dispensationem concernunt.

2. ¶ Præterea, duo sunt in iuramento pensanda. Vnum ex parte dei: & sic debetur iuramento reuerentia summa. Vnde pueri ante annos pubertatis, propter rationis defectum, Per iuri quoque propter præcedentis malignitatis præsumptionem à iuramento excluduntur propter quod dicitur 22. q. 4. honestum est vt qui in sanctis audet iurare, ieiunus hoc faciat cum omni honestate ac dei timore. Aliud in iuramento attenditur ex parte hominis cuius dictum iuramento firmatur, confirmatione autem non eget nisi id de quo dubitatur, & idcirco dignitati hominis derogat, quod eius iuramentum exigitur, propter quod personis magnæ dignitatis iurare non conuenit. Vnde habetur secunda questione quarto capitulo, si quis Præbyter, quod sacerdotes ex leui causa iurare non debent. Possunt tamen in necessitate & magna vtilitate præstare iuramentum, & maximè in spiritualibus rebus, pro quibus etiam diebus solennibus conuenis iuramentum præstare. Dicit au-

## D. DIONYSII CARTHUSIANI

tem Chrysostomus, quod maius est iurare per Deum quam Euangelium, ut pote ex parte testis secundum se, tamen propter modum iurandi, scilicet solennitatem & deliberationem iurationis, magis sit per Euangelium iurare.

¶ Leguntur demum deus & angeli in sacra scriptura iurasse non propter defectum ipsorum iurantium, sed ad insinuandum diuinæ dispositionis immobilem certitudinem.

2. ¶ Porro qui iurat iuramento promissorio per reuerentiam nominis diuini, seipsum immobiliter obligat ad soluendum quod promittit. Sicut autem homo seipsum ordinare potest ad aliquid agendum: sic & alios, superiores deprecando, inferiores imperando, quos etiam ex debito præstiti iuramenti compellere potest. Si verò aliquem sibi non subditum per inuocationem diuini nominis, aut alicuius rei sacræ ad aliquid agendum compellere velit, usurpat sibi potestatem alienam & illicitè agit, veruntamen superiores propter necessitatem, inferiores suos tali genere adiurationis constringere possunt. Sed cum aliquis vult aliquid ab alio obtinere per inuocationem Dei aut sanctorum absque necessitatis impositione, talis adiuratio licet quibuslibet. Sed, ut Origènes testatur, non licet alium cogere per adiurationem, ut sibi ipsi iuret, sic namque princeps sacerdotum adiurauit Christum. Patet itaque quod adiurare non est alium ad iurandum inducere, sed per similitudinem iuramenti à se inducti alium ad agendum aliquid prouocare.

4. ¶ Denique non licet dæmones adiurare per modum deprecationis prædictæ, sic enim intraret homo quasi societatem quandam cum dæmone. Sed secundo modo adiurationis, scilicet per compulsionem in virtute Christi, licitum est dæmones adiurare, ut nobis non noceant spiritualiter vel corporaliter & recedant. Sed non licet eos adiurare aliquid ab ipsis addiscendo vel obtinendo, cum hoc ad societatem pertineat nisi ex speciali spiritus sancti instinctu, quemadmodum Apostolus Iacobus iussit Hermogenem sibi adduci per dæmones.

5. ¶ At verò adiuratio irrationabilium creaturarum dupliciter potest intelligi. Vno modo, ut referatur ad eas secundum se, hoc autem vanum existit, cum ipsæ non sint libertatis aut discretionis capaces. Alio modo ut referatur ad eum à quo irrationales creaturæ aguntur atque mouentur, scilicet ad actorem naturæ deum: &



sic adiurantur per modum deprecationis, vt patet in his qui per diuini nominis inuocationem miracula faciunt. Diabolus quoque deo permittente vitur irrationabilibus creaturis ad nocendum hominibus, & hoc modo in ordine ad dæmonem adiurantur per modum compulsionis, vt in exorcismis ecclesie, per quos potestas diaboli à talibus rebus excluditur.

¶ *An deus sit ore laudandus .2. Et utrum laudibus dei adhibendus sit cantus*      *Articulus.*      155.

**V**timur autem laude oris ad deum non vt ei aliquid forinsecus insinuemus qui cordium est conspexor, sed vt nos atque audientes ad eius reuerantiam inducamus. Vnde necessaria est laus oris ad inflammandum affectum nostrum, non propter deum.

¶ Dicit verò Philosophus, quod optimorum non est laus sed aliquid dignius laude. Ideoque deò absolute considerato, videlicet secundum suam essentiam qui prorsus immensus, & incomprehensibilis existit, exhibetur reuerentia latriæ, sed laus ei debetur per comparisonem ad suos effectus, quos in nostram utilitatem creauit.

2. ¶ At verò propter eandem rationem ecclesia cantus instituit. Vnde Augustinus nono Confessio. ait, quod Ambrosius in Mediolanensi ecclesia cantum instituit. Cantus enim excitat deuotionem maximè infirmorum, qui ex seipsis deuotionis feruorem elicere de facili nequeunt, & Augustinus de se testatur: Fleui in hymnis & canticis, &cæ. Et denuo: Cum mihi accidit, vt me plus cantus quàm res quæ cantatur moueat, pœnaliter me peccare confiteor, & tunc mallem non audire cantantem.

¶ Aduertendum autem, quod secundum Gregorium, & habetur in decretis, Maiores in ecclesia non decet cantare, & ergo prælati & diaconi, qui habent populum per prædicationem atque doctrinam ad Deum erigere, cantui non debent insistere, nè per hoc à maioribus impediuntur. Quem admodum autem cantus deuotionem extinguit si quis studiose eo ad delectandum vtatur, sic si quis propter deuotionem cantet, ea quæ cantantur magis attente considerat, tū quia diutius super eodē immoratur, tum quia secundū Augusti. 1. confess. Omnes affectus spiritus nostri propter suam di-

uerſitatem habent proprios modos in voce & cantu, quorū occulta familiaritate excitantur, & ſimilis ratio eſt de audientibus, qui licet quandoque ignorent ſenſum verborum & vorum, ſciunt tamen quod ad diuinam pertinent laudem.

¶ De ſuperſtitione. 1. De ſpeciebus eius. 3. Vtrum etiam in cultu dei eſſe poſſit aliquid pernicioſum. 4. An aliquid ſuperfluum. Articulus. 156.

**E**ſt denique, ſecundum præinducta religio virtus moralis, & ideo eſt media inter duo vitia: quorum vnum pertinet ad exceſſum, aliud ad defectum. Vnde ſuperſtitio religioni opponitur ſecundum exceſſum, non quod plus ad dei cultum impendat quā vera religio exigir, ſed quoniam exhibet diuinū cultum, vel cui non debet, vel eo modo quo non debet. Medium quippe virtutis exceditur, non ſolū ſecundum circumſtantiam quæ dicitur quantum, ſed etiam quantum ad alias ſcilicet cui, & quomodo, &c. cetera vt dicitur quarto Ethicorum.

2. ¶ Porro diuerſitas ſpecierum ſuperſtitionis vno modo attenditur ex parte obiecti, quia vel cultus diuinus exhibetur cui debetur vt pote deo vero, ſed indebito modo, & ſic eſt prima ſpecies ſuperſtitionis, vel cui non debetur, videlicet creaturæ, & ita eſt aliud genus ſuperſtitionis, quod in diuerſas diuiditur ſpecies ſecundum varios fines diuini cultus, qui primo ordinatur ad reuerentiam deo impendendam, & contra hoc prima ſpecies huius generis idololatria ponitur, quæ creaturæ diuinam reuerentiam tribuit. Secundo ordinatur cultus diuinus vt homo inſtruat a deo, & ſic religioni opponitur ſuperſtitio diuinatiua, quæ dæmones conſulit per aliqua pacta expreſſa vel inita. Tertio ordinatur cultus diuinus per modum contrarium ad directionem aduum humanorum ſecundum inſtituta diuina, & ad hoc pertinet ſuperſtitio quarundam inſtitutionum, videlicet ligaturæ &c. & hoc tangit Aug. 2. de doctrina Chriſtiana.

3. ¶ Inſuper ſecundum Aug. pernicioſum præſertim attenditur in his quæ ad Chriſtianam pertinent religionem, ſicut autem aliquid ſignificatur verbo ita & factō: vnde ſicut dicitur mendacium quando verbo aliter ſignificatur, quā in rebus exiſtit, ſic dicitur in cultu dei pernicioſum, quando factō

in quo cultus religionis exterior ponitur, aliquid significatur quod veritati religionis contrariatur, hoc verò dupliciter accidit. Primo ex parte rei significata, à qua significatio cultus discordat, velut si quis tempore nouæ legis, veterem legem implere vellet, in qua Christi ministeria designabantur futura, vnde ea modo seruare tam est perniciosum, ac si quis verbo diceret, Christum esse passurum. Secundo contingit hæc falsitas ex parte colētis, maximè in cultu cōmuni in persona totius ecclesiæ exhibetur, & idcirco perniciosus foret qui aliquid foris, ex parte ecclesiæ, deo exhibet contra modum ab ecclia institutum, atque cōsuetum, sed ante legē sancti viri per interiorē instinctum instruebātur de modo deum colendi, quos alij imitabantur.

¶ Amplius, superfluum dupliciter dicitur scilicet secundum quantitatem absolutam, & sic in diuino obsequio non potest esse superfluum. Nam quicquid facimus aut facere possumus minus est eo quod deo creatori debemus. Secundo dicitur superfluum secundum quantitatem proportionis, videlicet quod non est proprio fini proportionatum. Finis autem diuini cultus est, vt homo seipsum deo tradat, mente & corpore se ei subiiciens quod fit dum omnia quæ habet & agit, ad dei gloriam refert, videlicet carnem domando, spiritum humiliando, deum glorificando. Quicquid autem ad dei gloriam non pertinet, neque ad hoc quod anima deo subdatur & caro dometur ordinate, vel si est contra dei atque ecclesiæ institutionem vel consuetudinem, quæ pro lege habetur secundum Augustinum, hoc totum superstitiosum est, & in vera religione superfluum, quoniam ad interiorē dei cultum non pertinet. Vnde Augustinus libro de vera religione, illud verbum Luc. 17. Regnum dei intra vos &c. contra superstitiosos inducit, qui exterioribus principalem curam impendunt.

¶ De idololatria. 2. An sit peccatum. 3. An sit peccatum grauissimum. 4. De causa huius peccati. Articulus 157.

**P**orro idololatria species est superstitionis, quia excedit debitum diuini cultus, non deo creatori sed creaturis illum, scilicet cultum, impendens. Quæadmodum autem gentiles diuinum cultum exhibebant figuris seu idolis, sic quidam eorum exhibuerunt illum rebus per idola seu

imagines repræsentatis, vnde cultus latriæ idolis diuersimode impartiebantur: Nam quidam per artē nephariam constituebant imagines, quæ virtute dæmonum certos effectus habebāt, ppter quod putabāt aliquid diuinitatis imaginib. inesse, ac per hoc diuino cultu honorādas, & hæc erat opinio Hermetis trismegisti vt ait Aug. 8. de ciuitate dei. Alij verò impēdebāt cultū diuinū non ipsis imaginibus sed rebus quas præsentant, quorū triplex extitit error. Aliqui enim putabāt quosdā homines esse deos, vt Iouē, Mercuriū, quos per eorum statuas coluerūt. Cæteri æstimabant totū mūdum esse vnū deū, non propter corporale substantiā sed propter animā eius, asserentes nihil aliud esse deū nisi animā, motu & ratione mūdū gubernantem, propter quod toti mundo & omnibus partibus eius, scilicet aeri, terræ, aquæ &c. arbitrabātur diuinū impēdendum honorē. Reliqui verò, puta Platonici, ponebant vnū summū deum oīm causam, post quē ponebant quasdam spūales substantias à deo summo creatas, has quoq; deos dicebāt participatiōe diuinitatis, & tales substantias nos dicimus angelos. Post autem ponebant animas corporum cœlestiū. Et post eas dæmones, quos appellabant animalia aërea atq; diuina. Post quos ponebant aīas hoīm, quas per excellentia virtutum astruebant ad deorū transferri cōsortium. Oīa itaq; hæc ad idololatriæ superstitionem pertinebant, quia seruiebant creaturæ magis quā creatori. Vnde nomen idololatriæ oēm cultū creaturæ designat, etiam si absque imaginib. fiat. Quod verò Apost. asserit, nihil esse idolum in mundo, ideo dixit, quia imagines illæ non sunt animatæ, nec aliquid diuinitatis participantes, quemadmodum opinabantur idololatræ.

¶ Præterea, quidam putabant non solum summo deo, sed etiā prædictis creaturis præcipuis, sacrificia & alia ad latriam pertinentia debere offerri tanquam deo propinquiorebus, sed hoc oīno absurdum est, nam summo deo, qui oīb. singulariter eminet, singularis est honor exhibendus, quī latria appellatur, potissimē cum cultus exterior sit interioris cultus iudicium, & idcirco sicut deo vero debetur singularis cultus latriæ interior: sic quoq; exterior. Vnde illi soli exteriori sacrificium offerre oportet, cui interiori sacrificiū offerendū existit. Alij verò ponebant exteriorē cultum idolis impendēdū non tanquā per se bonum vel oportunitum, sed sicut vulgari consuetudini consonū. Vnde 6. de ciui. dei inducit Aug. Se-

necam dicentem sic adoramus, vt meminerimus huiusmodi cultum magis ad morem quàm ad rem pertinere, & idem refert Aug. in lib. de vera religione de Philosophis, quod inter populos concesserunt idola esse colenda, sed inter se contrarium atruebant. Hunc autem errorem hæretici quidam secuti sunt, dicentes, non esse illicitum si quis tempore persecutionis foris idola colat, dummodo fidem rectam mente retineat: sed hoc apertissimè falsum est. Cum enim exterior cultus sit signum cultus interni; sicut mendacium esset peruitiosum si quis verbis quippiam diceret fidei contrarium, sic pernitiōsa est falsitas si quis alicui exteriorem cultum diuinum impēdat, contra id quod mente sentit. Vnde de Seneca narrat Aug. 6. de ciuit. dei quod tanto damnabilius idola coluit, quantò illa quæ mendaciter egit, veraciter agere æstimabatur.

3. ¶ Denique grauitas peccati attenditur vno modo ex parte peccati: & sic idololatria est grauissimum peccatum, quia idololatria quantum in se est, alium deum constituit, & contra ordinem vniuersi agit quem turbat, quemadmodum etiam in communitate maximum est peccatum regium honorem impēdere alijs. Secundo attenditur peccati enormitas ex parte peccantis, sicut grauius peccat qui peccat scienter quàm qui ignoranter, & ita peccatum hæretici, qui fidem scienter corrumpit, grauius esse potest idololatria, & similiter alia peccata ratione maioris contemptus.

4. ¶ Insuper idololatriæ duplex fuit causa. Vna dispositiua, & hæc erat ex parte hominū dupliciter. Primo ex inordinato affectu, quo aliqui quosdam minus amātes aut venerātes, diuinū eis impēderēt honorē, sicut in lib. Sap. dicitur: Secundo ex ignorantia veri dei, cuius perfectionē quidā ignorātes, atque creaturarū pulchritudinē admirātes, illas p deo colebāt. Alia idololatriæ causa erat cōsummatiua, & ista fuit ex dæmonib. q in idolis respōsa dabāt, & alia quædā mira fecerūt ac p hoc se colēdos præbebāt. Vnde in Psal. habetur: Oēs dij gētiū dæmonia. Dicunt autē aliqui, quod idololatria in secunda ætate incipit, in prima nanq; ætate, propter recentem memoriā creationis mundi, & ob naturalis rationis vigorem non fuit. Fertur autem à Nemroth inuenta, qui compulit homines ignem adorare: vel à Nino, qui Beli patris sui imaginē fecit adorari. Iudæi quoque aiunt, quod Ismael primus fecit simulachra de luto, græci verò à Prometheo hoc primo factum testantur.

¶ *Vtrum diuinitio sit peccatum. 2. An sit species superstitionis.*3. *De speciebus diuinationis. 4. De diuinatione quæ fit per dæmones.*

Articulus 158.

**D**iuinatio insuper futurorum prænuntiationem importat. Futura verò dupliciter possunt agnoscī, videlicet in suis causis, & in seipsis. Causæ autem futurorum in triplici differentia sunt. Nam quædam semper & ex necessitate effectus suos produciunt. Et tales effectus ex consideratione causarum possunt præsciri: vt eclipsis lunæ. Quædam verò causæ produciunt effectus suos non semper nec de necessitate sed vt frequenter & raro deficiunt. Tales itaq; effectus præsciri possunt, non vtq; certitudinaliter, sed coniecturaliter: sicut Astrologi ex cōsideratione stellarum quædam prænuntiant de pluuijs, de sterilitate, vel siccitate ac alijs: Et medici de sanitate vel morte. Aliæ verò causæ se habent, æque ad vtrūlibet. Et istæ potissimè sunt potentie rationales, quæ se ad opposita habent. Harum igitur causarum effectus, & etiam illi qui raro ex naturalibus suis causis produciuntur, ex consideratione causarum præsciri non valent, sed solum præsciuntur secundum quod in seipsis considerantur. In seipsis verò considerari non possunt ab homine, nisi dum præsentialiter sunt. Sed hoc deo est proprium, futura huiusmodi tanquam præsentia cernere, quoniam in dei sapientia omnia præsentialiter innotescunt. Vnde cum quis talia prænuntiare aut præagnoscere præsumperit, nisi deo reuelante, id quod dei est sibi usurpat. Et ex hoc diuini dicuntur, qui sibi indebito modo assumunt futura prædicere quædam fraudulenta astutia. Et quia hoc illicitum est, constat diuinationem semper esse peccatum.

2. ¶ Deniq; superstitio est indebitus cultus diuinitatis. Ad cultum autem dei aliquid spectat dupliciter. Primo, cum aliquid scilicet sacrificium vel oblatio deo offertur. Secundo, cum aliquid diuinum assumitur, vt in iuramento. Pariformiter ad superstitionem non solum pertinet cum dæmonibus quicquam offertur, sed etiam cum aliquis assumit adiutorium dæmonum ad aliquid cognoscendum vel agendum. Omnis verò diuinitio ex dæmonibus prouenit, vel quia manifeste inuocantur, vel quia vanæ inquisitioni occulte se ingerunt. Dicit enim Origenes in Periarchon: Est quædā operatio dæ-

monis in ministerio præscientiæ, quæ artibus quibusdam, ab his qui se dæmonibus mæciparunt, nunc per sortes, nunc per auguria, nunc ex contemplatione umbrarum compræhendi videtur. Hæc autem omnia operatione dæmonum fieri non dubito. Vnde patet, quod superstitionis spēs sit ipsa diuination.

3. ¶ Porro multæ sunt species diuinationis, quia (vt dictum est) omnis diuination, auxilio seu consilio dæmonum vtitur, vel manifeste inuocato, aut occulte se ingerente. Dæmones autem expresse inuocati, futura prænuntiant multipliciter, quandoq; præstigiosis apparitionibus se auditui atq; conspectui hominum ingerentes: & hæc species nominatur præsagium: quandoq; autem per somnia, & tunc dicitur diuination somniorum. Interdum verò per mortuorū apparitionem seu allocutionem, & dicitur nigromantia, nam nigrum græce, latine dicitur mortuus, mantia autē diuination nuncupatur: quibusdam enim præcantationibus, adhibito sanguine, videntur mortui suscitati ad interrogata respondere. Interdum autem futura prænuntiant per homines viuos: quæadmodum in arreptitijs. Et hæc est diuination per Pythones. Sunt enim secundum Isidorum, Pythones à Pythone Apolline dicti, qui diuinandi extitisse author describitur. Quandoq; autem futura prænuntiant per figuras seu signa in rebus inanimatis apparentia, vtpote in igne, ferro, lapide, aqua, aëre, vel in visceribus animalium in aris dæmonum oblatorum, & secundū hoc diuersa sunt nomina diuinationū huiusmodi. Diuination demum, quæ fit sine manifesta dæmonum inuocatione, duplex est. Prima cum ad præcognoscendum futura aliquid consideratur in dispositionibus aliarum rerū vtpote in situ vel motu stellarū, quod ad astrologos spectat, qui vocantur genethliaci propter considerationē dierum naturalium, vel in motu seu vocibus auium seu aliorum animalium, aut per sternutationes hominum, vel saltus membrorum: quod totum generaliter pertinet ad augurium. Si verò consideratio talis sit circa verba hominum alia intentione prolata, quā quis retorquet ad futurum quod studet prænosce, dicitur omen. Si autem considerentur lineamenta corporum, vt manus, dicitur chiromantia, vel in spatulis animalium, dicitur spatulimantia. Ad aliud autem genus diuinationis, in qua dæmon manifeste non inuocatur, pertinet diuination quæ fit ex consideratione eorū quæ eueniunt ex quibusdam, quæ ab hominibus secun-



dario fiunt ad aliquid occultū inquirendū, sicut ex projectio-  
ne taxillorum quis plura puncta projiciat, vel dum confide-  
ratur quid aperiēti librum primo occurrat, quæ omnia no-  
men sortium habent. Itaq; triplex est diuinandi genus. Primū  
cum dæmon aperte inuocatur, quod ad nigromantiam perri-  
net. Secundum est per solam considerationem dispositionis  
& motus alterius rei, quod ad augurium spectat. Tertium dū  
aliquid agimus quatenus aliquid occultum nobis manifeste-  
tur, quod ad sortes pertinere prædictum est.

4. ¶ Amplius, diuinationo, quæ fit per dæmones, omnino illi-  
cita est. Primo propter pactum cum dæmone initum. Secun-  
do quia dæmon semper intendit finaliter quod humanæ salu-  
ti contrarium est: quanuis interdum verum quid dicat. Præ-  
terit nanq; hominem assuescere ad hoc, quod ab ipso sciscite-  
tur & sibi credat, sicq; suam nequitiam inferat homini. Posset  
tamen aliquid inquire ab dæmone sponte occurrēte propter  
commodum aliorum. Potissimè, quando dæmon diuina vir-  
tute compelli potest ad verum dicendum. Sciendum verò,  
quod secundum Augustinum ad Simplicianum, non est ab-  
surdum putare, quod spiritus Samuelis diuina dispensatio-  
ne, non arte magica Sauli apparuit. Vel non spiritus Samue-  
lis à requie sua excitatus est: sed aliquod fantasma & illusio  
imaginatiua, diaboli operatione, ostensa est. Veruntamē pro-  
pter nullum temporale bonum seu commodum inquirendum  
est aliquid à dæmonibus per diuinationem.

¶ De diuinatione quæ fit per astra. 2. De diuinatione  
quæ fit per somnia. 3. De ea quæ fit per augu-  
ria. 4. De diuinatione per sortes.

Articulus

159.

**N**unc paulo antè innotuit, quomodo ex considera-  
tione stellarum quædam præsciri certitudinaliter  
possunt, videlicet quæ necessario ex illis proueniūt.  
Quidam autem dixerunt, quod stellæ non cau-  
sant, sed magis significant ea quæ ex earum consideratio-  
ne noscuntur, sed hoc stare non potest. Præsertim cum se-  
cundum Dionysium quarto capitulo de diuinis nominibus,  
corpora cœlestia sint causæ eorum quæ in hoc mundo fiunt,  
quod etiam Aristoteles asserit. Veruntamen duplices sunt

effectus, qui à causalitate superiorum corporum excipiuntur, videlicet effectus per accidens tam in naturabilibus quàm in humanis. Nam vt sexto metaphysicæ dicitur, ens per accidens non habet causam per se, nec est proprie vnum. Secundo excipiuntur actus intellectus & voluntatis. Hæ enim potentix immateriales sunt, & idcirco corpora cœlorum directe non agunt nec influunt eis. Sed indirecte, in quantum agunt in corpora hominum, & per consequens in vires sensitiuas, ex quibus intellectus operatio oritur, sed talis influxus non inducit aliquam necessitatem in voluntatem & intellectum, sed inclinationem quæ ratione ordinari seruarique potest.

¶ Itaque quicumq; consideratione syderum vitur ad talium casualium seu voluntariorum ac humanorum effectuum præcognitionem certam, hoc ex vana & falsa opinione procedit, cui se dæmon immiscet, & est diuinitio superstitiosa.

2. ¶ Denique somnia quandoq; sunt futurorum euentuum causa, sicut cum mens hominis est sollicita ex his quæ vidit in somnis, & per hoc inducitur ad aliquid faciendum aut vitandum. Interdum verò somnia sunt signa futurorum, in quantum reducuntur in causam communem somnis atque futuris euentibus. Causa verò somniorum est duplex, interior & exterior. Interior est duplex. Vna animalis, in quantum fantasie dormientis illa occurrunt, circa quæ eius cogitatio & affectio tempore vigiliæ erant intentæ, & talis causa somniorum non est causa futurorum euentuum, sed habent se talia somnia per accidens ad affectus futuros, eritque casuale si cum eis concurrat. Alia interior causa somniorum est corporalis, quia ex interiori dispositione formatur motus in fantasia tali dispositioni conueniens, sicut homini abundanti humoribus frigidis, videtur in somnis quod sit in aqua vel nive, & talibus somnijs (secundum medicos) est intendendum ad cognoscendum interiores dispositiones. Causa quoque somniorum exterior duplex est. Vna corporalis, in quantum fantasia dormientis immutatur ab aëre continente, vel ab impressione corporum cœlestium, ex qua apparent dormienti aliquæ fantasie cœlesti dispositioni conformes. Alia causa exterior est spiritualis, quæ quandoque est à deo, qui per ministerium angelorum aliqua dormienti reuelat, quandoq; autem est ex operatione diaboli, cuius machinatione aliquæ

## D. DIONYSII CARTHUSIANI

formæ dormienti occurrunt, per quas futura præcognoscuntur, præsertim in his qui cum dæmone pacta habent. Igitur si quis utatur somnijs ad præuidendum futura, secundum quod somnia procedunt ex reuelatione diuina, vel ex causa naturali intrinseca siue etiam extrinseca, in quantum se potest extendere virtus huiusmodi, non est diuination illicita, sic enim Ioseph & Daniel interpretati sunt deo docete somnia regū. Alias diuination somniorum prohibita est, quemadmodum in Deut. dicitur: Non inueniatur in te qui obseruet somnia.

3. ¶ Insuper garritus motusq; auium, ac similes rerum dispositiones, manifestum est non esse causas futurorum euentuū. Vnde si ex eis futura aliqua prænoscentur, hoc est secundum quod sunt effectus aliquarum causarum, quæ sunt etiam causantes vel præcognoscentes euentus futuros. Causa verò operationum brutorum, est quidam instinctus quo mouetur per modum naturæ, cum actus sui dominium non habeant. Hic autem instinctus est duplex, quorum vnus procedit ex causa corporali. Nam cum bruta non habeant nisi animam sensitiuam atq; organicas vires, subiacent dispositioni corporis continentis, videlicet aëris, & cœlestium influxui corporum: & sic quædam operationes eorum possunt esse signa futurorum effectuum: in quantum dispositioni prædictorum corporum conformantur. Sed ista consideratio extendi non debet ad actus intellectus & voluntatis. Sed solum ad ea, quæ ad huiusmodi aliqualiter pertinent. Consequuntur enim bruta ex corporibus cœlestibus naturalem cognitionem & instinctum, ad ea quæ eorum naturæ necessaria sunt, vt sunt immutationes per ventos & pluuias. Vnde Ieremias dicit: Miluus in cœlo cognouit tempus suum. Et sic considerare garritus auium ad talia præscienda, licet: velut si quis dicat pluuiam cito venturā, eo quod considerauit corniculam sæpius crocitantem. Alio modo prædictorum animalium instinctus est à spirituali causa, puta à deo, vt patet in columba, quæ descendit super Christum, de coruo quoq; qui pauit Heliam. Vel etiam à dæmonibus, qui deo permittente irrationabilia animalia mouent ad decipiendos animos hominum. Itaq; huiusmodi diuinationē vti vltra quàm se extendit secundum ordinem naturæ vel diuinæ prouidentię, superstitiosum censendum est. Quod verò Ioseph dixit, non esse sibi similem in augurandi scientia, secundum Augustinum, ioco asseruit.

4. ¶ Porro sortes dicuntur, cum aliqua fiunt ex quorū euentu aliquid occultū innotescat: vt si iudicio sortium quæritur, quid sit alicui exhibendum de re possessa, vel honore, dignitate, pœna, dicitur fors diuisoria. Si autē quæritur quid sit agendum, fors consultoria appellatur: si verò inuestigetur quid sit futurum, diuinatoria fors vocatur. Actus autem hominum, qui requiruntur ad sortes, non subduntur dispositioni stellarum. Si ergo quis ideo fortibus vtatur, quasi actus humani ex stellarum dispositione effectum sortiantur, est vana & falsa opinio, nec dæmonum carens suggestionē: & talis diuination superstitiosa existit. Sed hac causa remota, oportet sortialium actuum expectare euentum à fortuna vel ex aliqua spiritali causa directiua. Et si ex fortuna, quod in sorte diuisoria solummodo habet locum, tunc est vitium vanitatis: vt dum aliqui nequeunt rem concorditer diuidere, sorte vtuntur, exponentes fortunæ quam quisque partem sustineat. Sed si expectatur euentus à spiritali substantia mala, videlicet dæmone: sic sortes prohibentur secundum canones. Interdum autem expectatur à deo, iuxta illud: Sortes micantur in sinu, sed à domino temperantur. Talis ergo fors de se non est mala, secundum Augustinum. Sed potest in hoc quadruplex peccatum incidere. Primo si sine necessitate exigantur, quia hoc ad tentationem pertinet dei. Secundo, si etiam in necessitate sine debita reuerentia homo fortibus perutatur, scilicet vt exemplo apostolorum fiant oratione facta, & cœtu fratrum collecto, secundum Bedam. Tertio si diuina oracula ad terrena conuertuntur negotia. Quarto, si in ecclesiasticis electionibus, quæ ex spiritu sancti inspiratione agendæ sunt, fortibus quis vtatur. Vnde Beda ait, Matthiam sorte electum apostolum, quoniam spiritu sancti gratia nondum erat plene effusa. Sed post Pentecosten septem diaconi, non vtique sorte, sed discipulorum electione sunt ordinati. In temporalibus autem dignitatibus, quæ ad terrena disponenda instituuntur, secus est, quia in illis frequenter fortibus vtitur homo. Itaque si incumbit necessitas, licet cum debita reuerentia diuinum iudicium fortibus implorare, cuius exempla ponit Augustinus, vt si inter seruos dei esset disceptatio, qui eorū tempore persecutionis fugere & qui manere deberēt, vel si duo æque egeni alicui obuiarent, qui aliquid dare deberet, quod nisi vni dari

## D. DIONYSII CARTHUSIANI

posset. Sciendum quoque quod iudicium ferri candentis, seu aquæ feruentis propter alicuius occulti percipiendam notitiam, existit illicitum. Primo quia ordinatur ad manifestandum secreta, quæ diuino iudicio reservantur. Secundo quia non est diuina autoritate sancitum, propter quod secunda quæstione quinta in decreto Stephani Papæ tale iudicium prohibetur ac superstitiosum vocatur. Nam incognita illi soli seruanda sunt, qui solus nouit corda filiorum hominum, & est partim simile de duello, præsertim si pugiles sint virtute seu arte multum diffformes, alias minus illicitum esset, eo quod non expectetur ibi miraculosus effectus, sed pertinet magis ad communem rationem sortium.

¶ *Vtrum obseruantia artis notoriæ, uel ad corporum immutationem ordinatæ, uel etiam ad præcognoscendum quædã fortuna seu infortunia, liceat: de suspensione quoque sacrorum uerborum ad colla hominum an licita sint. Arti. 160.*

**A**R S autem notoria primo illicita est, quoniam ad acquirendam scientiam aliquibus rebus utitur, quæ non habent virtutem causandi scientiam, scilicet inspectione figurarum, prolatione incognitorum uerborum, atque similibus, quibus non utitur ut causis, neque ut signis diuinitus institutis, quemadmodum sunt sacramentalia signa. Pertinent ergo ad pacta cum dæmonibus fœderata. Est quoque ars ista inefficax, quia non intenditur in ea acquisitio scientiæ per modum homini connaturalem, uidelicet inueniendo vel addiscendo, nec expectatur scientia à deo: qui licet quibusdam scientiam miraculosè infundat, hoc tamen non facit cum obseruatione huiusmodi, sed secundum arbitrium spiritus sancti. Ad dæmones quoque non pertinet illuminare intellectum, quem in acquisitione scientiæ illuminari oportet. Ideoque obseruantia artis notoriæ ad acquirendam scientiam, est omnino fugienda & superstitiosa, secundum Augustinum.

2. ¶ Denique sicut licitum est res naturales applicare corporibus ad inducendos effectus quos naturaliter efficere possunt: sic est illicitum eas applicare ad causandos effectus, quos ex sua naturali uirtute causare non possunt: quia se-

cūdum hoc non applicantur vt causa, sed vt signa: & sic pertinent ad pacta significationem cum dæmonibus inita, sicut cum adiunguntur characteres, nomina, vel ligaturæ, seu remedia, aut aliæ obseruationes: quæ palam est naturaliter non habere efficaciam ad id, ad quod applicantur, sed illicituntur dæmones huiusmodi secundum Augustinum, 21. de ciuitate dei, non sicut animalia cibis, sed sicut spiritus signis, quæ cuiusque dilectioni congruunt per varia genera lapidū, herbarū, lignorum, animalium, carminū, rituum. Res quoque artificiales in quantum huiusmodi, nullam sortiuntur virtutem agendi ex corporum influxione cælestium: sed magicæ artes vtentes figuris, dæmonum calliditate adipiscuntur effectum quem habent.

3. ¶ Ex eadem autem causa consequitur, quod obseruationes, quas homines attendunt ad cognoscendum eufortunia vel diffortunia, sint illicitæ & superstitiosæ: non enim obseruantur vt causæ, nec vt signa diuinitus instituta, sed potius ab humana vanitate, diabolo se immiscente, conficta sunt. Imo videntur esse reliquæ idololatriæ per quam obseruabatur auguria, & dies quidam fausti vel infasti.

¶ Quod autē quidam experiuntur, fræquenter ex talibus obseruationibus sibi quoddam futurorū præfagiū imminere, ex dæmonum contingit industria, qui procurant huiuscemodi, quatenus animos hominum talibus vanitatibus implicent.

4. ¶ Præterea, in scripturis & incantationibus circa colla suspensis sunt duo cauenda. Primo, ne pertineat ad inuocationē dæmonū, vel ignota verba contineant, sub quibus forte vanū aliquid latere potest, & ne aliquid falsitatis admixtum sit.

¶ Secundo cauendum est, ne cum verbis diuinis & sacris aliqua vana adiungantur, vt sunt quidam characteres, præter signum crucis, & ne spes habeatur in modo scribendi vel ligandi, seu simili vanitate, quæ ad reuerentiā dei non pertinent, quia hoc superstitiosum existeret. Dicit enim Chrysostomus super Matthæum: Quidam aliquam partem euangelij scriptam circa collum portauit, sed nonne quotidie euangelium in ecclesia legitur & auditur ab omnibus? Cui ergo in auribus posita euangelia nihil profunt, quomodo eum possunt circa collum suspensa saluare? Deinde non est virtus euangelij in figuris literarum, sed in intellectu sensuum: ergo melius in corde posita profunt, quā circa collum suspensa,

## D. DIONYSII CARTHUSIANI

Itaque si prædicta caueantur, tunc licet sancta verba ad col-  
lum portare, sicut & sanctorum reliquias, vt in decretis di-  
citur vicesimasexta quæstione sexta, capitulo, Non liceat  
Christianis.

¶ Vnde etiam licita est incantatio serpentum, aut aliorum  
animalium, si respectus habeatur duntaxat ad sacra verba, &  
ad diuinam virtutem: sed frequenter tales incantationes ha-  
bent illicitas obseruantias, atq; à dæmonibus sortiuntur effe-  
ctum. Præsertim circa serpentes, quoniam primum instrumen-  
tum diaboli ad hominem decipiendum fuit serpens.

¶ In quo consistat tentatio dei. 2. An sit peccatum. 3. Cui  
virtuti opponatur. 4. De comparatione eius ad alia  
peccata.      Articulus 161.

**T**entare præterea, est experimenta de tentato sume-  
re, quod dupliciter accidit, scilicet verbis & factis,  
quorum vtrūque adhuc dupliciter contingit, videli-  
cet manifeste, vt cum aliquis se tentatorem fatetur,  
& occulte seu insidiosè. Interdum etiam aliquis dicitur ten-  
tare interpretatiue, quando videlicet & si non intendat de  
alio experimentum sumere: illud tamen agit, quod ad nihil  
aliud ordinabile est quàm ad experimentum sumendum: vt  
si quis æquum currere cogat sine aliqua vtilitate, hoc ad ni-  
hil vtile esse videtur, quàm de equi velocitate experimen-  
tum accipere. Itaque tentatur deus ab homine quandoque  
verbis, vt si quis in sua oratione aliquid à deo postulet, qua-  
tenus dei scientiam, potestatem, vel voluntatem exploret.  
Is enim manifeste deum verbis tentat. Factis quoque deum  
expressè tentat: qui per ea quæ facit intendit experimentum  
sumere diuinæ potestatis, vel sapientiæ, aut pietatis. Sed & in-  
terpretatiue deum tentat, qui & si hoc non intendat, aliquid  
tamen agit ad nihil aliud vtile nisi ad experiendam dei po-  
testatem, bonitatem, aut cognitionem. Itaque dum se ho-  
mo diuino committit auxilio propter necessitatem, vel vti-  
litatem, hoc non est deum tentare: sed hoc sine necessita-  
te vtilitateque facere, est deum interpretatiue tentare: vt si  
quis habet vnde se possit iuuare, illud omittit & periculo se  
committit. Ideoque AVGVSTINVS contra Faustum  
testatur, quod in hoc tentatio dei consistit, quod homo præ-



termittit facere, quod in se est ad euadenda pericula.

2. ¶ Insuper, omnis tentatio ex ignorantia vel dubietate procedit, vel tentantis vel tentati, vel aliorum, quibus aliquis qui tentat, vult aliquid manifestare de eo quem tentat. Cum ergo de diuina bonitate seu perfectione dubitare, vel ignarum esse sit peccatum, clarum est quod deum tentare ad hoc vt ipse qui tentat dei virtutem agnoscat, peccatum sit. Vnde quod Dominus ait: Inferre omnem decimam in horreum meum, & probare me super hoc, non est intelligendum casualiter, vt scilicet ideo soluerent quatenus deum tentarent: sed consecutiuē, vtpote si decimas soluerent, experimento probaturi essent beneficia dei. Rursus sciendum, quod quādam est cognitio diuinæ bonitatis & voluntatis speculatiua, quādam verò experimentalis & affectiua, quarum primam probare non licet, sed secundam monemur per experientiam comprobare, quemadmodum scriptum est: Gustate & videte, quoniam suavis est dominus.

¶ At verò aduertēdū, quod Achab reprehenditur, eo quod signū non petiit, tum quia Deus illud peti præcepit, tum quoniam signum deus dare volebat propter totius populi instructionem. Quod autem Abraham à Deo signum petiuit, ex instinctu diuino processit. Gedeon verò ex fidei debilitate signū petiisse videtur, vnde non excusatur, sicut nec Zacharias pater Ioannis.

¶ Interdum tamen signum à domino petitur, quo homo instruitur quid sit deo placitum circa aliquod factum, & hoc ad dei tentationem non pertinet.

3. ¶ Denique tentare Deum irreligiositatis est species, & religioni, cuius finis est deo reuerentiam exhibere, opponitur. Nam deum tentare ad ipsius irreuerentiam spectat. Nullus enim eum tentare præsumit, de cuius excellentia certus est, & ergo quenquam tentare pertinet ad irreuerentiam eius.

4. ¶ Insuper aduertendum, quod superstitio est maius peccatum quam tentatio dei. Nam magis ad irreuerentiam pertinet dei, quam tentatio dei. Superstitiosus enim quasi per certitudinē facit aut sentit aliquid excellentiæ diuinæ contrariū vt in idololatria patet, sed tentans deū protestatur solū quādam dubitationem de excellentia dei, quod minus est quā certitudine asserere aliquid diuinæ perfectioni repugnans.

¶ At verò agnoscendum, quod qui deum orat non dimittent-

do alijs, nec se alias ad deuotionē disponēdo, interpretatiue Deū tentat. Vnde in Ecclesiastico dicitur: Ante orationē prepara animā tuam, & noli esse quasi homo tentans Deum.

¶ *An falsitas requiratur ad periurium, 2. De peccato periurii.*

3. *An peccet qui periuro iuramentum iniungit. Art. 152.*

**P**orro actus morales specificantur ex fine, finis autem iuramenti est confirmatio dicti, cui falsitas contrariatur, cum certificatio nil aliud sit quàm firma veritatis ostensio, falsitas itaque rationē iuramenti euacuat. Ideoque peruersitas iuramenti, quæ appellatur periuriū, à falsitate præcipue specificatur. Veruntamen quoniam secundum Hierony. veritas, iudicium, atque iustitia sunt tres comites iuramenti. Idcirco quodcunque horum iuramento defuerit, periurium erit, sed primo & principaliter est periurium quando veritas deest. Secundario autem si abest iustitia. Qui enim illicitum aliquid iurat, ex hoc ipso falsitatem incurrit, cum sit obligatus contrarium facere. Tertio verò cū deest iudicium: iam qui indistincte iurat se committit periculo incurrendi falsitatem.

2. ¶ Rursus, actus morales à voluntate, cuius obiectum est bonum apprehensum, procedunt. Si igitur falsum apprehendatur vt verum, erit per comparisonem ad voluntatem materialiter falsum, & formaliter verum. Si verò verum apprehendatur vt falsum, erit quoad voluntatem materialiter verum, & formaliter falsum: vnde in vtroque consistit aliquo modo periurium, propter quendam modum falsitatis. Quia tamen in vnoquoque formale est potius materiali, ideo ille est magis periurus qui iurat verū quod æstimat falsum, quàm qui iurat falsum quod reputat verum, quia secundum Augustinum: Ream linguam non facit nisi mens rea. Denique periurium est peccatum religioni contrarium, nam deum ad falsi testimonium adhibere testem, ad diuinam irreuerentiam pertinet, quia per hoc dat periurus intelligere quod Deus veritatem ignorat, vel quod falsitatem confirmare velit. Itaque qui illicitum aliquid iurat, iurando incurrit periurium, propter defectum iustitiæ, non autem incurrit periuriū non adimplēdo quod iurauit, quoniam id quod iurauit tale nō fuit, quod sub iuramento cadere possit, & simile est si quis iurat: re-

ligionem nō ingredi, aut eleesynam non largiri, nam iurando periurus efficitur propter defectum iudicij, non autem si non impleat.

3. ¶ Insuper, cum secundum præostensa periurium contemptum Dei includat, ac diuino præcepto contrarietur, constat ipsum esse mortale peccatum. Imo si quis coactus aliquid iurat quod potest esse iuramenti materia, scilicet quod facere licet, mortaliter peccat si illud non impleat, cum coactio non tollat obligationem iuramenti quo ad deum. Potest tamen per auctoritatem Papæ ab obligatione solui, præsertim si talis fuit coactio metus, qui in virum constantem cadere valet. Talis verò, quanuis non impleat, non punitur quasi pro mortali crimine propter coactionem.

¶ Qui autem falsum iurat assertorio iuramento, non ideo redditur ipso iure infamis, sed solum per diffinitiuam sententiam in causa accusationis contra eum latam, sed qui frangit iuramentum promissorium solenniter factum, ipso iure infamis efficitur: Nam in eius potestate remanet postquam iurauit, vt det iuramento suo virtutem, quod iuramento assertorio minime conuenit. Rursus qui iocose periurat, mortaliter peccat, quoniam dei irreuerentiam non vitat, sed quo ad aliquid amplius auget, similiter qui ex lapsu linguæ periurat, si aduertat falsum esse quod iurat mortaliter peccat, si verò hoc non aduertat à crimine periurij excusatur.

4. ¶ Præterea aduertendum, quod aliquid ab alio iuramentum dupliciter exigit, scilicet sponte tanquam persona priuata: & pro alio, vtpote ex necessitate officij sibi cōmissi. Si primo modo, hoc dupliciter accidere potest, quia vel nescit aliud falsum iuraturum: & tunc non est peccatum sed humana tentatio, quæ ex quadam infirmitate procedit, qua homo alium verum esse dicturum. Si autem scit alium falsum iuraturum, homicida efficitur: quoniam ipse alium ad sui ipsius interitum inducit. Si autem quis iuramentum requirit tanquam persona communis secundum ordinem iuris, ad petitionem alterius, non videtur esse in culpa: quanuis alium agnoscat perioraturum: quia non ipse videtur iuramentum exigere sed ille ad cuius instantiam petit.

¶ Quid est sacrilegium. 2. An sit speciale peccatum.

3. De speciebus eius. 4. De pœna ipsius. Art. 163.

r iij

**S**acrilegium verò (vt ait Isidorus) dicitur quia sacra legit, id est furatur, vnde sacrilegium est violatio rei sacræ: & sumitur violatio large pro quacunque irreuerentia seu inhonoratione, & sicut honor non est in honorato sed in honorante, sic violatio ista est in ipso qui se ad rem sacram irreuerenter habet, quia quantum in se est illam violat, quanuis ei nil noceat nec violare præualeat. Dicitur quippe aliquid sacrum, quia ad diuinum cultum ordinatur, & sicut aliquid dicitur bonum quia ordinatur ad bonum, sic & diuinum dici potest quia ad cultum deputatur diuinum, propter quod reuerentia quædam sibi debetur, quæ refertur ad deum, & idcirco quicquid ad sacrarum rerum irreuerentiam spectat, ad dei iniuriã pertinet ac sacrilegij rationem constituit. Sciendum quoq;, quod antiquitus rectores rei publicæ appellabantur diuini tanquam prouidentie diuinæ ministri, eo quod bonum commune sit quoddam diuinum, & ergo extenso nomine sacrilegij, illud quod ad principis irreuerentiam attinet, sacrilegiũ dicitur. Dicitur enim. 17 quæ. 4. Cõmittũt sacrilegiũ qui de principis iudicio disputãt.

2. ¶ Denique quia in sacrilegij actu iuuenitur specialis difformitas, scilicet quod violatur res sacra: constat ipsum esse speciale peccatum, estque religioni oppositum. Vnde qui diuinæ legis verba peruertit sacrilegus redditur, pariformiter qui mulierem in loco sacro cognoscit.

3. ¶ Et quia ratio sacrilegij in hoc consistit, quod quis irreuerentiam exhibet sacris, quibus ratione sanctitatis honor debetur, ideo secundum diuersam rationem sanctitatis rerum sacrarum species sacrilegij distinguuntur. Estque sacrilegium tanto maius, quanto res in quam peccatur est sanctior.

¶ Attribuitur itaque sanctitas personis sacris, locis sacris, & alijs quibusdam rebus ad dei cultum relatis. Sanctitas verò loci ad hominis sanctitatem ordinatur, qui in sacro loco cultum deo impendit, Ideoque grauius est peccatum peccare in personam cultui diuino dedicatam, quàm in locum sacrum, quanuis utrobique sint varij gradus secundum differentiam personarum atque locorum.

¶ Tertia insuper sacrilegij species, quæ circa alias res sacras committitur, multos habet gradus secundum sacrarum differentiam rerum, in quibus sacramenta primum obtinent locum, quorum primum est eucharistiæ sacramentum. Sacrile-

gium ergo, quod contra sacramenta committitur, omnium extat grauissimum. Post sacramenta verò secundum locum sortiuntur vasa sancta, sanctorum reliquæ, atque imagines, in quibus quodammodo ipsæ personæ honorantur vel dehon- rantur, Deinde quæ ad ornatum ecclesiæ, ministrorūque per- tinent. Post quæ sunt, quæ ad sustentationem ministrorum ecclesiæ spectant siue mobilia siue immobilia. Itaque quicū- que contra aliquod prædictorum peccat, sacrilegij crimen incutrit, vt si quis sanctimonialem cognoscat, vel cum mulie- re quacunque in templo concumbat, aut in ecclesia furtum committat. Considerandum quoque, quod omne peccatum à persona sacra commissum materialiter & quasi per accidens sacrilegium est, nam quolibet peccato persona violatur pec- cantis. Propterea ait Hieron. Nugæ in ore sacerdotis, sacri- legium sunt aut blasphemia.

4. ¶ Porro in inflicciónē pœnarum duo pensantur. Primo æqualitas ad hoc quod pœna sit iusta, quatenus in quibus ali- quis peccat, per eadem torqueatur, & sic sacrilegio correspo- det pro pœna excommunicatio, eo quod sacrilegus iniuriam inferat sacris & ob id iuste ab illis arcetur. Secundo considera- tur vtilitas, pœnæ nāq; præsentēs sunt medicinæ quædā qui- bus homines terreantur atq; à malis desistant. Sacrilegus ve- rò, quoniam sacra non reueretur nec curat, nō satis punitur per hoc quod ei sacramenta interdiciuntur. Propter quod se- cundū leges ciuiles adhibetur capitalis sententia. Sed secun- dum ecclesiæ sententiam, quæ mortem corporalem non in- fert, imponitur pecuniaria pœna, dicitur enim. 17. quæstio. 4. si quis contumax seruum fugitiuum de atrio ecclesiæ per vim abstraxerit, nongentos solidos cōponat. Et postea: Quisquis inuentus fuerit sacrilegij reus triginta libras argenti exami- nati purissimi componat. At verò si personæ sacre violentia inferatur, vel si quis incendat aut frangat ecclesiā, infligi- tur excommunicatio maior, in alijs verò sacrilegijs minor.

¶ Quid sit Simonia. 2. An liceat pro sacramentis pecuniam sumere.

3. An pro spiritualibus actibus. Articulus 164.

**A**T verò Simonia est studiosa voluntas emendi vel vendendi aliquid spirituale, vel spirituali annexum. Hoc autem illicitum est, nam actus redditur malus

quoniam super indebitam materiam cadit. Sed res spiritualis non est debita emptionis seu venditionis materia triplici ratione. Primo, quia res spiritualis nullo terreno precio potest compensari. Secundo, quia illud quis vendere potest, cuius est dominus: Sed prælatus est spiritualium rerum dispensator, non dominus. Tertio, quia venditio repugnat spiritualium rerum origini, quæ ex gratuita dei voluntate proueniunt. Simonia ergo irreligiositatis est species. Dicitur autem Simonia esse hæresis, non quod sit essentialiter hæresis, vel in intellectu ut in subiecto, sed secundum exteriorem protestationem. Nam eo ipso quo quis spiritualia vendit, fatetur se dominum horum, quod est hæreticorum. Rursus Simoniaci appellantur hæretici, non tantum ob rationem prædictam: sed etiam, quia Simo magus asseruit mundum non esse à deo creatum, sed à quadam virtute superna, ut refert Isidorus.

2. ¶ Amplius Simon magus ad hoc emere voluit spiritua-  
lem potestatem, ut eam postea venderet. Ideoque qui spiritua-  
lia vendunt, assimilantur intentioni ipsius: qui verò emere vo-  
lunt conformes sunt actui eius. Sed qui actualiter vendunt,  
Giezi conformantur discipulo Helisei, qui à leproso munda-  
to pecuniam sumpsit. Vnde spiritualium venditores nuncu-  
pari possunt Giezitæ: sicut & Simoniaci. In diffinitione au-  
tè Simonie, nomine emptionis & venditionis accipitur om-  
nis contractus non gratuitus: & idcirco permutatio præben-  
darum, seu ecclesiasticorum beneficiorum, fieri nequit autho-  
ritate partium absque Simonie periculo, sicut neque transactio,  
ut iura determinant. Prælatus verò ex suo officio pro neces-  
saria vel utili causa permutationes huiusmodi facere valer.  
Falsa demum est opinio eorum, qui dicunt papam non pos-  
se Simoniam committere. Imò potest sicut & alius quisque, &  
tanto est eius culpa grauior, quanto persona sublimior. Nam  
quanuis res ecclesiæ sint eius, non tamen ut proprii domini,  
sed ut dispensatoris præcipui. Vnde si pro aliqua re spirituali  
reciperet pecuniam de redditibus ecclesiæ, non careret vi-  
tio Simonie. Similiter potest Simoniam incurrere recipien-  
do ab aliquo laico, non de bonis ecclesiæ.

¶ Præterea, cū nouæ legis sacramenta maxime spiritualia  
sint, ut pote gratiæ causatiua, non nisi gratuito dàda sunt. Ve-  
runtamen, quoniā per ministros ecclesiæ dispensantur, qui à  
populo sustentari debent: ideo ministri possunt accipere ali-

quid ad sustentationem necessitatis secundum ordinationem ecclesiæ, & cōsuetudines approbatas. Hoc namque accipitur, non vt mercedis præcium, sed tanquam necessitatis stipēdiū: mercedem verò dispensationis expectēt à domino. Ex his innotescit, quod magis deberet adultus sine baptismo decedere quàm sacerdoti pro baptismo pecuniā dare, aut aliquid quod pecunia potest æstimari, suppleret enim in eo baptismus flaminis carentiam sacramenti. Infans quoque à laicis magis esset baptizandus in articulo necessitatis, quàm aliquid dandū esset presbytero. Præsertim cum quilibet in necessitatis articulo baptizare queat. Aquam tamen, cum sit purum corporale elementum, à sacerdote quis emere posset. Cōsiderandum autem, quod matrimonium est & sacramentum, & naturæ officium. Itaque licet pro matrimonio dare pecuniam, prout est naturæ officium, non autem in quantum est sacramentum. Vnde iura prohibent pro venditione nuptiarum aliquid exigi. Rursus Simoniacum esset per pecuniam redimere obstacula aduersantium alicui pro episcopatu, vel præbenda, aut aliqua dignitate, antequam ius talium acquiratur per electionē, prouisionem, aut collationem: nam hoc esset sibi viam parare cum pecunia ad obtinendum rem spiritualem. Istud tamen licet post iuris ademptionem in remotionem iniustorum impedimentorum.

3 ¶ Insuper spirituales actus vocantur qui ex gratia spirituali procedunt, atq; ad eam disponunt, videlicet prædicatio, oratio, laus diuina, celebratio, processio: pro quibus non licet pecuniam sumere in quantum spiritualia bona sunt, quia hoc Simoniacum esset. Dicitur enim 1. questione 1. Quicquid inuifibilis gratiæ consolatione tribuitur, nunquam quæstibus vel quibusdam præmiis venundari debet. Nihilominus licet pro illis aliquid sumere tanquam stipendium vitæ, ad necessitatem ministrorum, secundum institutionem ecclesiæ consuetudinesque probatas: sic tamen, vt desit emptionis ac venditionis intentio, nec ab inuitis exigantur per subtractionem spiritualium debitorum. Sed illis exhibitis, exigi possunt oblationes ac similes ecclesiarum consueti prouentus, & nolentes autoritate superiorum possunt compelli. Per modum quoque prædictum recipi possunt aliqua pro processione funerum. Si verò talis processio fieret cum pacto Simoniacum esset, nec licet ordinare certam pecuniam pro funere alicuius



## D. DIONYSII CARTHUSIANI

processionaliter deferendi. Hoc namque esset pauperibus viam præcludere, quia pietatis officium gratis est impendendū. ¶ Licet quoque locare operas suas quauis sint spiritualia bona, quæ impenduntur: quemadmodum de aduocatis & medicis dictum est. Secus tamen esset, si alicui spiritualis potestas sit commissa: tunc enim ex debito obligatur ad vsum potestatis, habetque ex redditibus ecclesiæ statuta stipendia. Vnde si aliquid acciperet pro vfu spiritualis potestatis, non operas suas locaret, sed spiritualis gratiæ vsum venundaret. Et ergo non licet pro quacunque dispensatione aliquid sumere, neque pro hoc quod vices suas committant, vel subditos corrigant, aut à corrigendo desistant.

¶ Adhuc si opes monasterij non sufficiant, licet ingredienti aliquid dare pro victu personæ, vel ab hoc exigere. Conformer licitum est propter deuotionem, quam aliquis ad monasterium ostendit, largas eleemosynas faciendo, vt facilius recipiatur. Sicut etiam licet aliquem ad monasterij ingressum prouocare corporalibus beneficiis.

¶ *Vtrum uendere liceat annexa spiritualibus 2. An solum munus à manu Simonia cum facit 3. De poena quæque Simoniacorum. Articulus 165.*

**D**Vpliciter insuper est aliquid spiritualibus annexum. Primo sicut ex spiritualibus dependens, vt habere ecclesiastica beneficia, quod solum competit officium clericale habentibus. Talia igitur nullo modo vendi possunt. Secundo aliquid est spiritualibus annexum, in quantum ad spiritualia ordinatur, quemadmodum ius patronatus quod ordinatur ad repræsentandum clericos ad ecclesiastica beneficia & vasa sacra, & talia non præsupponunt spiritualia sed temporè ea præcedunt, propter quod aliquo modo vendi possunt, nō secūdū quod spiritualibus sunt annexa, sed pro necessitate ecclesiæ & pauperum, sic tamen, vt oratione præmissa confringantur, & si ex eorum materia aliqua fierent sacra vasa, indigerent denuo consecrari. Sciendum quoque, quod ins sepulturæ & primogenituræ ac patronatus propter se vendi non possunt, & ergo Esau peccauit primogenita vendens, non tamen Iacob ea emens, quia ex diuina electione ei debentur, & sic suam vexationem redemit. Abraham etiam emit

speluncam ab Ephron duplicem ut in ea sepulchrum cōstrueret, sed non legitur quod terra illa erat consecrata ad sepeliendum, & igitur potuit emi, sicut & modo liceret agrum emere pro ædificanda ecclesia, aut constituendo cimiterio: vel intelligitur Abraham suam vexationē redemisse. Ius autem patronatus per se vendi non potest nec dari in feudum, sed transit cum villa quæ venditur vel conceditur. Ius quoque spirituale recipiendi decimas non datur laicis, sed res temporalis

2 ¶ Porro nomine pecuniæ, oẽ illud accipitur cui<sup>9</sup> præcæim æstimari potest pecunia, tale est autem munus ab obsequio, quia ministri pecunia conducuntur & munus à lingua, quod ordinatur ad temporalem gratiam, seu humanum favorem cōsequendum, itaq; sicut contrahitur simonia per munus à ianu, puta pecuniam: sic per munus à lingua, & munus ab obsequio, & hoc Urbanus papa dicit. Veruntamen, ut ex verbis Gregorij trahitur, si clericus prælato impendat honestum obsequium ad spiritualia ordinatum, videlicet ad utilitatem ecclesiæ, aut ministrorum ipsius, ex ipsa deuotione sui obsequij ecclesiastico beneficio dignus efficitur, nec est ibi munus ab obsequio, sed si esset in honestum, vel ad carnalia ordinatum obsequium, esset munus obsequij. Rursus si prælatus dat alicui beneficium propter consanguinitatem aut carnalem affectum, peccat: sed non est simoniam incurrens, cum non sit ibi contractus neq; veditio, in qua simonia fundatur. Item si præces pro aliquo digno fundatur ad fauorē rogātis, potius quā ad dignitatem personæ. Quod verò per seipsum rogat ut curam animarum obtineat, ex propria præsumptione indignus efficitur. Veruntamen licet indigenti ecclesiasticum beneficium petere sine cura animarum.

3 ¶ Præterea, nullus licite retinet, quod domino inuito adeptus est, simoniaci autem spiritualia contra diuinæ voluntatis ordinationem acquirunt.

Christus enim dixit, gratis accepistis, gratis date. Vnde conueniens poena est simoniaci, ut eo priuetur quod simoniace affectus est. Sed & aliæ sunt poenæ simoniacorum, videlicet infamia, & depositio quo ad clericos, & excommunicatio quo ad laicos. Itaque qui simoniace accepit ordinem, recipit characterem propter sacramenti efficaciam, nō tamen gratiam nec ordinis executionem. Imò ipso iure suspensus est, quo ad se, ne ordinem exequatur, & quo ad alios ne sibi in ordinis exe-

cutione communicent, siue peccatum eius sit manifestum siue occultum, si autem est simoniacus, quia simoniace dedit ordinem, vel quia dedit vel recepit beneficiū simoniace, vel quia mediator fuit simoniæ, si est publicum, ipso iure suspensus est, quo ad se, & quo ad alios: quod si occultum fuerit, est tantum suspensus quo ad se ipso iure.

¶ Rursus, ab episcopo, quem aliquis scit simoniace esse promotum, nō debet accipere ordinem, nec propter præceptum nec propter excommunicationem, non enim debet ei communicare in re illicita, & si ordinem recepit, non tamen executionem fortitur. Si verò ignorauit episcopum esse simoniacum dispensatione eget post ordinationem. Si autem episcopus est simoniacus alio modo, quàm per promotionem suam simoniace factam, potest ab ipso recipi ordo si sit occultum cum non sit suspensus nisi quo ad seipsum. At verò qui scienter beneficium simoniace est adeptus, tenetur non solum beneficium reddere, sed etiam omnes fructus perceptos: nec solum perceptos, sed & eos qui à diligenti possessore percipi poterunt exceptis his quæ in utilitatem ecclesiæ deueniunt. Qui autem per alios simoniace promouetur ignorans & nō lens ordinis executione priuatur, beneficiumque resignare tenetur, nisi forte inimicus eius fraudulenter pecuniam dedit vel nisi ipse manifeste contradixit. Restitutio denique prædicta facienda est ipsi ecclesiæ, in cuius iniuriam beneficia donata sunt: & si ipsa est in culpa simoniæ, debet alteri ecclesiæ vel pauperibus dare quod redditur. Amplius qui in monasterio simoniace sunt recepti, debent abrenunciare, & si simonia ipsis scientibus existit commissa, post generale consilium sine restitutione repelluntur: atque ad perpetuā penitentiam faciendam sunt in arctiori regula reponendi: vel in alio eiusdem ordinis loco, si strictior regula non habetur. Si verò hoc fuerit ante consilium, locandi sunt in aliis eiusdem ordinis locis, & si hoc fieri nequit: tunc dispensariue debent in eisdem monasteriis recipi: ne vagentur in seculo mutatis prioribus locis, & inferioribus assignatis. Si autem ipsis ignorantibus, siue ante consilium siue post, sint simoniace recepti, postquam renuntiauerint possunt de nouo recipi locis mutatis. Denique cum eo, qui scienter simoniace beneficiatus est, solus Papa potest dispensare, sic tamen, vt prius abrenunciet, nec prælationem accipiat.

¶ Ad quos extendat se pietas 2 Quid ipsa exhibeat 3. An sit specialis uirtus 4. Vtrum religionis obtentu sit præmittendâ pietatis officium. Articulus, 166

**H**omo autem diuersis diuersimode debitor fit, secundum diuersam illorum excellentiam, atque suscepta beneficia. Deus autem omnium & summus est & maximus benefactor. Secundario quoque principia nostri esse & gubernationis sunt parentes & patria, de quibus & in qua nati nutritique sumus, unde post deum maxime est homo debitor parentibus & patriæ. Ideo sicut ad religionem pertinet Deo cultum impendere, sic secundo loco spectat ad pietatem parètibz & patriæ cultum exhibere. Dicit enim Tullius: Pietas est per quam sanguine iūctis patriæque beneuolis officium & diligens attribuitur cultus. Nomine verò parentum omnes consanguinei intelliguntur, & nomine patriæ omnes conciuēs patriæ amici. Veruntamen ut primo de ciuitate Dei Augustinus testatur: More vulgi nomen pietatis in misericordix actus frequentatur, quia hos præcipue mandat Deus propter quod & deus pius vocatur.

2 ¶ Præterea, parentibus aliquid debetur dupliciter, scilicet per se, & hoc est quod eis debetur in quantum parentes sunt: hoc autem est honor, cum sint principium prolis, & excellentiam quandam habentes. Secundo debetur eis aliquid per accidens, ut pote obsequium, quatenus si indigent sustententur, si infirmi sint, visitentur. Sic ergo pietas duo impendit, vnum, scilicet honorē, per se, & aliud, scilicet sustentationem, per accidens, & hoc in diffinitione Tullij patet. Secundario quoque secundum certum gradū debetur cōsanguineis, & patriæ beneuolis, cultus & subuentio, secundum propriam facultatem ac personarum decentiam.

3 ¶ Elucescit insuper, qd pietas sit virtus specialis, respicit nāq; suum obiectum secundum specialem rationem. Nam ad iustitiam spectat, alteri debitum reddere, unde ubi specialis ratio debiti inuenitur respectu alterius, illic specialis est virtus. Debetur autem parentibus & conciuibus aliquid secundum specialis debiti rationem, videlicet quoniam sunt connaturale principium in esse producens aut gubernans, hoc autem pietas respicit.

4 ¶ Præterea, bonū non cōtrariatur bono secundum Philo-

sophum, cum ergo religio & pietas sint duæ virtutes, vna non impedit aliam, nec actum eius excludit, sed actus virtutum debitis sunt circumstantiis vestiendi, vt debito modo fiant, alias non esset actus virtutum. Est autem indebitus modus plus intendere circa cultum parentum quàm dei, & idcirco si cultus eorum à deo nos abstrahit, non est verus cultus pietatis nec actus virtuosus. In hoc ergo casu omittenda sunt opera pietatis in parentes, propter cultum religionis. Si verò exhibendo parentibus obsequia debita, non impediamur à deo, non oportebit religionis obtentu exercitia pietatis differre.

¶ Aduertendum demum quod qui in seculo est, si parentes absque eius subsidio contentari non possunt, non debet eis relictis religionem intrare, transgredieretur enim præceptum de honoratione parentum, quanuis aliqui dicant oppositum, asserentes quod etiam in hoc casu claustrum ingredi liceat, parentumque curam deo committere: sed bene consideranti innotescit, quod hoc ad dei tentationem pertinet, vt pote quia habens ex humano consilio vnde illis succurere possit, eos diuino auxilio committeret. Is verò qui iam processus est, licet sit mortuus mundo, tenetur tamen salua prælati obedientia & suæ religionis statu, pium studium adhibere, qualiter parentibus scilicet subueniatur.

¶ *Quod obseruantia sit uirtus specialis 2. Quid alteri exhibeat 3. De comparatione ipsius ad pietatem.*

*Articulus 167.*

**Q**uemadmodum verò sub religione, quæ deo cultum impendit, ponitur pietas, quæ circa parentes versatur: sic sub pietate obseruantia collocatur, per quæ cultus & honor adhibetur personis in dignitate constitutis. Sicut enim pater est generationis & educationis ac disciplinæ principium: sic personæ in dignitate existentes, principium sunt gubernationis subditorum. Vnde Tullius in sua Rhetorica asserit: Obseruantia est, per quam homines aliqua dignitate antecedentes, quodam cultu & honore dignantur. Itaque per virtutem obseruantia redditur honor & cultus dignitate pollentibus, honor quippe eis debetur propter excellentiam, timor propter eis datam potestatem, obedientia quoque ratione officij gubernationis & quidem propriis

prælatiſta debentur ex debito legali. Omnibus autem in dignitate locatis, quanvis nobis nõ proſint, debemus honorem & cultum tribuere ex debito morali, quod ex quadam honeſtate cauſatur.

2 ¶ Denique perſonis principantibus impenditur aliquid dupliciter. Primò in ordine ad bonum commune, vt cum ſeruitur eis in adminiſtratione rei publicæ. Et hoc non ad obſeruantiam ſpectat, ſed ad pietatem, quæ non ſolùm parentibus, ſed etiam patriæ exhibet cultum. Secundo impenditur eis aliquid tanquam ad perſonalem eorum pertinens vtilitatem vel gloriam, & hoc ad obſeruantiam attinet.

3 ¶ Sic igitur pietas maior & dignior virtus eſt quàm obſeruantia, quoniam reddit debitum his quibus homo amplius obligatur, & qui ſibi propinquioreſ ſunt ac ſubſtantialius coniunguntur. Ideoque ſtatim poſt præcepta religionis, quæ ad primam tabulam pertinent, mox ponitur de honoratione parentum præceptum, quod pietatem concernit.

¶ *Virum honor fit aliquid ſpirituale uel corporale 2. An debeat ſolus ſuperioribus 3. An dulia fit uirtus ſpecialis 4. An à latria diſtinguatur per ſpecies.*

Articulus 168.

**A**Duertendum præterea, quod honor teſtificationem importat de alicuius excellentia, eſt enim exhibitio reuerentiæ in teſtimonium virtutis, teſtimonium verò redditur & coram deo & coram hominibus, ſed coram deo qui ſcrutator eſt cordium, ſufficit conſcientiæ teſtimonium, & idcirco honor quo ad deum conſiſtere poteſt in ſolo interiori animi motu, quemadmodum cum quis dei excellentiam intra ſe cogitat, vel alterius hominis boni corâ deo

¶ Coram hominibus verò dari non poteſt teſtimonium tale niſi per exteriora ſigna, vt ſunt verba laudantis, & facta inclinantis aut geniculantis, vel munera dantis, ſecundum hoc ergo honor in exterioribus ſignis conſiſtit.

¶ Reuerentia autem non eſt idem quod honor, ſed ex vna parte eſt principium motuum ad honorandum, prout aliquis ex reuerentia quam ad alium habet, eum honorat, ex alia verò parte eſt finis honoris, in quantum aliquis ad hoc honoratur, quatenus ab aliis in reuerentia habeatur. Dicitur quoque

## D. DIONYSII CARTHYSIANI

Philosophus, quod honor est primum virtutis, sed insufficientis, incorporalibus vero rebus nil potius est honore. Rursus distinguitur honor à laude, quoniam laus in solis signis verborum consistit, honor autem in quibusdam aliis signis, & sic honor laudem includit. Iterum per exhibitionem honoris datur testimonium de alterius excellentia absolute. Sed per laudem testificamur de alicuius bonitate in ordine ad finem, ut cum laudamus operantem propter finem, honor quoque proprie est optimorum, qui iam uniti sunt fini.

¶ Gloria vero est effectus honoris & laudis. Nam ex testimonio bonitatis alicuius, clarescit bonitas eius in plurimorum notitia, & hoc nomen gloriæ signat, quia secundum Ambrosium: Gloria est clara cum laude notitia.

2. ¶ Porro excellentia considerari potest non solum in ordine ad honorantem, ut sit eo excellentior is qui honoratur, sed etiam secundum se vel in comparatione ad alios. Itaque honor semper debetur alicui propter excellentiam vel superioritatem, non quod ille qui honoratur semper sit dignior honorante, sed forte quibusdā aliis, aut ipso honorante quoad aliquid, quanvis non simpliciter. Mali quoque prælati honorantur, non ob propriæ virtutis eminentiam, sed propter excellentiam dignitatis, qua ministri dei constituuntur, & in ipsis honoratur tota communitas cui præsunt.

3. ¶ Insuper, dulia est virtus specialis. Nam in eius obiecto est specialis ratio debiti. Alia enim ratione debetur servitus deo, & alia homini, sicut etiam aliter competit deo esse dominum quam homini. Deus namque est omnium vniuersalis & altissimus dominus, cuius potestati vniuersa totaliter subiiciuntur, homo autem aliquid de dominio diuino participat, & in aliquibus rebus dominationem particularem sortitur. Unde dulia, quæ debitam seruitutem exhibet homini dominanti est distincta à latria, quæ deo seruitutem impendit. Est autem dulia obseruantia species.

4. ¶ At verò dulia vno modo communiter sumitur, prout exhibet reuerentiam cuicunque homini, ratione cuiuscunque excellentiæ. Nam in quolibet homine aliquid reperitur, propter quod alius potest eum se superiorē reputare, & ideo ait Apostolus: In humilitate superiores inuicē arbitantes, & secundum hoc omnes debent se inuicem honore præuenire, Petro dicente: Omnes honorate. Sic autem duliam accipien-



do continet sub se distinctas species, scilicet pietatem, observantiam, &c. Alio modo sumitur strictè, sicut iam dictum est, prout secundum eam servus domino reverentiam exhibet, sic autem non habet sub se species, sed est vna specierum observantia, eo quod alia ratione servus reueretur dominum, & miles ducem, discipulusque magistrum. Sciendum quoque quod hyperdulia est potissima species dulia communiter sumptæ quia est quasi media inter duliā & latrām, exhibet enim reverentiam creaturis, specialem affinitatem ad deum habentibus, vt virgini Mariæ inquantum est mater dei. Sed & Christi crux honoratur eodem honore quo Christus, quemadmodū purpura regis eodem honoratur honore quo rex, secundum Damascenum tertio libro, præsertim cum sit idem motus in ipsam imaginem & rem ipsam.

¶ An homo debeat obedire homini 2. An obedientia sit virtus specialis 3. De comparatione eius ad alias virtutes 4. An inobedientia sit maximum vitiorum.

Articulus 169.

**D**Enique sicut rerum naturalium operationes ex naturalibus potentiis oriuntur: sic actiones humanæ procedunt à voluntate humana. Ideoque sicut in naturalibus superiora movent inferiora ad proprias actiones, propter excellentiam naturalis virtutis diuinitus datæ: sic ex ordine iuris naturalis atque diuini, tenentur in rebus humanis inferiores & subditi à voluntate superiorum moveri ad agendum, ex vi authoritatis diuinitus ordinatæ: sic autem alium mouere, est præcipere, & sic moveri, est obedire. Vnde de iure naturali & diuino, inferiores parere tenentur.

2 ¶ Insuper obedientia specialis est virtus, quoniam actus eius, videlicet superiori obedire, sortitur specialem rationem laudis, obiectum quoque obedientia est præceptum superioris, tacitum vel expressum. Nam superioris voluntas est quoddam tacitum præceptum quocunque modo innotescat: & tanto est obedientia promptior atque perfectior, quanto præceptum expressum amplius præuenit, cognita voluntate prælati. Veruntamen actus obedientia concurrat materialiter cum aliarum actu virtutum, quæ præcepta adimplent, sed prout obedientia secundum formalem intentionem, rationem præcepti concernit, sic est specialis virtus, & inobedi-

entia speciale peccatum. Interdum tamen communiter sumitur pro executione cuiuscunque, quod sub mandato cadere potest, quacunque intentione fiat, & sic est generalis virtus. Est quoque obedientia virtus moralis cum sit pars iustitiæ, & est medium inter superfluum & diminutum quæ in ipsa attenduntur, non secundum quantum, sed secundum alias circumstantias, prout quis obedit cui non debet, vel in quibus nõ debet, quemadmodum de religione præhabitu est.

¶ At verò virtutes Theologicæ dignissimæ sunt, quia eis secundum se Deo inhæretur: virtutes verò morales disponunt ad actus illarum, in quantum per eas terrena & commutabilia bona propter deum contemnuntur. Vnde inter virtutes morales tanto virtus est potior, quanto animam ad Dei inhæSIONEM præparat amplius. Tria verò sunt genera humanorum bonorum quæ propter Deum contemni possunt. Infimum enim est exteriorum rerum, medium autem bonorum corporis, supræmum quoque bonorum est animæ, inter quæ voluntas quodammodo eminet & principium est, in quantum per eam homo omnibus bonis aliis utitur. Ideoque obedientia, quæ propter Deum propria voluntas cõtemnitur, dignior est (per se loquendo) aliis virtutibus moralibus, quibus propter Deum alia bona paruipenduntur. Propter quod dicit Gregorius: Obedientia merito victimis præfertur, quia per victimas mactatur caro aliena, per obediẽtiam verò voluntas propria. Sed & aliarum actus virtutum non sunt meritorij, nisi ea intentione fiant, quatenus divinæ voluntati obediatur, quam intentionem obedientia directè concernit: habet quoque obedientia laudem secundum quod ex charitate procedit, quia secundum Gregorium: Obedientia non servili metu, sed charitatis affectu servanda est, neque timore pœnæ, sed amore iustitiæ. Vera namque obedientia promptam efficit voluntatem, & dicitur obedientia omnes virtutes menti inferere, & insertas custodire, nõ quod sit simpliciter omnibus dignior & prior, sed quia præcipue ad virtutum, prout sub præcepto cadunt, generationem conservationemque agit.

¶ *Vtrum sit Deo in omnibus obediendum 2. An subditi teneantur suis superioribus obedire in omnibus 3. An Christiani teneantur obedire secularibus potestatibus, Articulus 170.*

**P**orro Deus benedictus, omnium primus est motor, & quemadmodum eius motioni omnia naturalia naturali necessitate subduntur, sic omnes voluntares creatæ, diuinæ voluntati quadam necessitate iustitiæ obligantur parere. Veruntamen sicut deus operatur in rebus quædam supra cursum consuetum naturæ, nil tamen contra naturam, quia hoc est vnicuique naturale quod Deus agit in ipso, sic Deus nihil potest præcipere contra virtutem, cum virtus & rectitudo voluntatis humanæ in hoc consistat, quod diuinæ voluntati conformetur, eiusque imperium sequitur. Præcipit tamen deus interdum nonnulla supra solitum modum voluntatis, quemadmodum Abraham iussit innocentem occidere filium, & Iudæis res Aegyptiorum accipere. Osee quoque prophetæ accipere mulierem a adulteram. Nec ista erant contra iustitiam, quia deus habet imperium vitæ & mortis, & eius sunt omnia, & cui vult tribuit ea. Sed & deus est humane generationis ordinator. Ideoque ille est debitus modus vten di mulieribus, quem ipse præfigit. Et sciendum, quod licet non tenemur semper velle, quod deus: tenemur tamen velle quod deus vult nos velle, & ita conformamur voluntati diuinæ.

**2** Denique ex duobus contingit, quod subditus superiori suo non tenetur obedire in omnibus. Vno modo propter præceptum potestatis maioris in contrarium. Secundo si superior iubeat aliquid in quo subditus ei non est subiectus. Vnde Seneca dicit: Errat qui putat seruitutem in totum descendere hominem, pars eius melior est excepta. Corpora seruituti obnoxia sunt atque ascripta, mens sui iuris est, & idcirco in his quæ ad interiorem motum voluntatis pertinent, tenetur homo soli deo parere: homini autem in his quæ exterius per corpus agenda sunt: in quibus sunt aliqua quæ ad corporis spectant naturam, in quibus homo non homini, sed solum deo obedire tenetur, quoniam omnes homines natura sunt pares. Puta in his quæ corporis sustentationem generationemque prolis concernunt, vnde nec serui nec filij tenentur dominis vel parentibus obedire de contrahendo matrimonio seu virginitate seruanda, aut aliquo alio tali. In his autem quæ ad dispositionem rerum & actuum humanorum attinēt, tenentur subditi superioribus obedire, vt miles duci exercitus in pertinentibus ad bellū, seruus domino in seruilibus operibus exequendis: filij patribus in his quæ ad disciplinam vitæ & curā

domesticam pertinent. Similiter religiosi obedientiam profitentur in his quæ regularem conuersationem respiciunt secundum quam prælati suis subduntur. Et ergo in his solis obedire tenentur, quæ ad regularem conuersationem pertinent & ista est obedientia ad salutem sufficiens. Quod si in aliis quoque obediant, hoc ad cumulum pertinet perfectionis, dummodo non sint contra Deum vel regulam: hoc enim illicitum esset. Itaque triplex est obedientia, una sufficiens, quæ in necessariis patet. Alia perfecta, quæ in omnibus licitis. Tertia in discreta, quæ etiam in rebus indiscretis obedit.

¶ Porro fides Christi est origo iustitiæ. Ideoque fideles non absoluntur à debito obediendi secularibus dominis: nam ordo iustitiæ istud requirit: quem ordinem fides & gratia non tollunt, sed perficiunt. Dicuntur autem filij Ecclesiæ liberi, libertate à spirituali seruitute peccati, & non à seruitute corporali, quia per gratiam Christi liberamur in vita præsentī à defectibus animæ, non autem à defectibus corporis. Si verò rectiores non iustum, sed usurpatum dominium habeant, non oportet eis parere, cum ordo iustitiæ illud non exigit, nisi forte propter vitandum scandalum siue periculum.

¶ Insuper inobedientia mortale peccatum est, quia charitati, per quā est aīa vita, repugnat. Charitas enim Dei exigit, ut eius obediatur præceptis, & quā in præceptis Dei ius continetur, ut & superioribus obediatur. Ideoque qui superiori inobediens est, mortaliter peccat. Nam secundū Apostolum, qui potestati resistit, Dei ordinationi resistit. Oritur autē inobedientia, secundū Gregoriū, ex inani gloria. Debent verò superiores abstinere à multiplicatione præceptorū propter pericula.

¶ At verò una obedientia est grauior alia dupliciter. Primo ex parte præcipientis, quia quo præcipiens dignior est, eo ei non obedire peius est: vnde grauius est non obedire Deo quā homini. Secundo ex parte præcepti: nam quo præceptum est amplius de intentione iubentis, seu de meliori, eo non obedire est magis culpabile.

¶ Iterum magis vitiosum est præcipientem contemnere, quā præceptum. Vnde blasphemia secundum se grauior est inobedientia. Quod autem Samuel dicit: Quasi peccatum ariolandi est repugnare: & quasi scelus idololatriæ, nolle acquiescere, intelligendum est secundum comparisonem similitudinis non æqualitatis. Illa verò inobedientia, cui obstinatio

¶ *An gratitudo sit uirtus specialis. 2. Vter magis regratiari teneatur peccator uel innocens. 3. An semper teneatur homo gratia  
ri omni benefactori. 4. Vtrum gratiarum retri  
butio sit differenda. 5. Secundum quid sit mē  
suranda. 6 An aliquid maius oportet  
teat rependere. Artic. 171.*

**D**iuersificatur autem ratio debitum aliquod reddendi alicui, secundum diuersas causas ex quibus aliquid debetur alicui. Causa uero debiti maximè est in Deo, à quo omne bonum diffunditur. Secundo in parentibus. Tertio in prælatis. Quarto in aliquo speciali benefactore, à quo particulare beneficiū cōmunicat. Ideo post religionem, quæ Deo debitum cultū impendit, & pietatē qua coluntur parentes, obseruantia quoque quæ est circa personas dignitate pollentes, ponitur uirtus quæ gratia seu gratitudo vocatur, quæ benefactoribus gratiā recōpensat: & distinguitur à prædictis, sicut & vna illarū ab alia: est etiam inferior ipsis. Dicit autem philosoph. 8. & 9 Ethicorum, quod amicitia per recompensationem beneficiorum conseruatur, vera enim amicitia fundatur supra uirtutē: unde quicquid in amico contrariatur uirtuti, est amicitia impeditiuum, & quicquid est uirtuosum, amicitia existit prouocatiuum.

1. ¶ Denique ubi est maior gratia ex parte dantis, requiritur maior gratiarum actio ex parte recipientis, gratia uero ex parte dantis dicitur maior dupliciter.

¶ Vno mō secundū quantitatem dati, & sic innocens magis regratiari Deo tenetur, quia donū innocentia est maius dono gratia redditæ: cæteris paribus, & est magis continuatum.

¶ Alio modo dicitur gratia maior quia magis tribuitur gratis, & sic pœnitens tenetur ad ampliū regratiandum.

3. ¶ Porro omne causatum conuertitur naturaliter ad suam causam: effectus enim ordinatur ad finē agentis, benefactor aut in quantū huiusmodi, habet se per modū causæ atq; principij respectu beneficiati: & ergo beneficiatus ad ipsum conuerti debet per gratiarum actionem: & quoniam benefactor habet rationem principij: ideo secundum se debetur ei honor & reuerētia, per accidēs uero in necessitate subuēctio

& sustentatio sic indiget. Dicit autem Seneca. 2. de beneficijs qui grate beneficium accipit, primam eius pensionem soluit, quoniam beneficium & recompensatio eius in inferiori affectu maxime consistit.

4. ¶ Insuper, sicut in dato beneficio duo pensantur, videlicet donum, & dantis affectus: sic in recompensatione beneficij duo hæc considerata consistunt. Itaque recompensatio non est differenda, sed protinus impartienda quantum ad effectum: sed quantum ad effectum seu donum reddendum præstolandum est tempus, quo recompensatio benefactori est opportuna. Si autem quis velit mox munus pro munere reddere, non est recompensatio virtuosa, dicit namque Seneca. 3. de beneficijs: Qui munus cito cupit solvere, inuitus debet. & qui inuitus debet, ingratus censetur, debitum enim reddendi beneficij est magis morale quàm legale.

5. ¶ Veruntamen recompensatio beneficij ad tres potest pertinere virtutes, videlicet ad iustitiam, quando recompensatio est debiti legalis, ut in mutuo. Et in talibus recompensatio est attendenda secundum quantitatem dati.

¶ Item ad amicitiam, puta quando habetur respectus ad amicitiae causam: & tunc recompensatio fieri debet secundum utilitatem, quam beneficiatus ex beneficio consecutus est.

¶ Tercio pertinet ista recompensatio ad gratitudinem, utpote dum habetur respectus ad electionem affectumque dantis, quod propriè ad gratitudinem spectat, propter quod gratiæ recompensatio magis attenditur secundum affectum dantis, quàm magnitudinem doni, nam gratia respicit beneficium inquantum est gratis impensum, quod concernit affectui, & ad has duas virtutes pertinet recompensatio beneficij secundum quod rationem debiti moralis fortitur.

6. ¶ Amplius, quoniam recompensatio ista respicit beneficium secundum benefactoris affectum, in quo summe laudabile existit, quod beneficium gratis impendit, ideo qui beneficium suscipit ex debito morali seu honestatis, obligatur ut similiter gratis aliquid reddat, si possit. Sed hoc non fit nisi quantitatem beneficij accepti ipse excedat, nam quandiu æquale vel minus recompensat, nil videtur gratis efficere, sed quod acceperat reddere, unde gratiæ recompensatio ad hoc semper tendit ut pro posse aliquid maius retribuat.

¶ *Vtrum ingratitude sit peccatum speciale. 2. An mortale*

3. *An ingrato sint beneficia subtrahēda. Art. 172.*

**Q**uemadmodum patuit, debitum gratitudinis, est debitum honestatis quam exigit virtus: cum ergo ex hoc aliquid dicatur peccatum, quia repugnat virtuti, palam est quod ingratitude peccatum sit. Nam ad gratitudinem sola voluntas sufficit, si facultates non absint. Oblivio quoque beneficij ad ingritudinem pertinet, non illa quæ ex naturali defectu, sed quæ ex negligentia accidit, Quia ut Sene. ait: Apparet raro de reddendo cogitasse, cui obrepfit obliuio.

¶ Denique ingratitude propriè dicitur propter defectum virtutis oppositæ, scilicet gratitudinis. Defectus autem atque priuatio secundum habitum sibi contrarium speciem accipit. Nam cæcitas ac surditas secundum differentiam visus & auditus differunt, vnde sicut gratitudo seu gratia est vna specialis virtus, sic ingratitude est vnum speciale peccatum. habens diuersos gradus secundum ordinē horum quæ ad gratitudinem requiruntur, quorum primum est, vt homo acceptum beneficium recognoscat. Secundum vt illud laudet & gratias agat. Tertium vt pro loco & tempore pro sua facultate rependat. Primus ergo ingritudinis gradus est beneficium non retribuere, ad quod reducitur mala pro bonis reddere. Secundus gradus est beneficium dissimulare, non demonstrando se illud recepisse, ad quod reducitur beneficium vituperare. Tertius atq; grauissimus gradus est, beneficium nō recognoscere, ad quod reducitur, beneficium quasi maleficium æstimare. Vnde Sene. asserit: Ingratus est qui nō reddit ingratus est qui obliuiscitur, ingratus est qui dissimulat. Sciendum quoque qd ingratitude materialiter quo ad Deum in omni peccato inuenitur, in quantum peccans aliquid agit, quod pertinere ad ingritudinem potest. Sed ingratitude formaliter, quæ est speciale peccatū, consistit in hoc qd beneficium actualiter spernitur, nil enim prohibet formalem rationem specialis peccati in pluribus vitiōrum generibus esse, sicut de inobedientia dictum est.

2. ¶ Deniq; ingratus dupliciter dicitur. Primo per solā negationem, vt nunc de dissimulante vel nō reddente & obliuiscēte ostensum est, & talis ingratitude nō est semper mor



tale peccatū, cum ad gratitudinem spectet etiā aliquid libera liter darē ultra debitū, vnde illud pretermittens non peccat mortaliter sed venialiter, quia hoc ex negligētia accidit, vel indispositiōe ad virtutē, tamē ingratitudo ista mortalis efficitur ppter interiorē cōtemptū, vel propter subtractionē debiti, siue simpliciter siue in aliquo casu necessitatis, vt si quis reddat mala pro bonis, quod tamen secundum conditionē eius quod agitur, interdum est mortale, quandoq; veniale. Perfecta autē ingratitudinis ratio est quę ex peccato mortali descendit. Nam propter veniale peccatum non fit homo Deo perfectē ingratus, sed quoddammodo inquantum talis ingratitudo aliquid de dei famulatu diminuit.

3. ¶ Insuper circa ingrātū duo pensantur. Primo ingratitudinis suę culpa seu meritū, & quo ad hoc dignus ē vt ei beneficia subtrahantur. Secundo considerandū quid oporteat beneficiū agere ad quā primo pertinet non cito iudicare alium eē ingrātū. Nā (Seneca teste) interdū qui non reddit gratus ē, quia forsītā non occurrit ei opportunitas aut facultas recom pensandi. Secūdo debet beneficis laborare, vt de ingrato faciat grātū, non mox culpā vliscendo sed se piū medicū exhibēdo, qd si primo beneficio nō facit, forte secūdo hoc faciet. Si autē ex multiplicitate beneficiorū ingratitudo augetur, & alius peior efficitur, tūc à beneficiorū exhibitione debet cessare.

¶ An vindicatio sit licita. 2. An sit uirtus specialis. 3. De modo uindicandi. 4. In quod sit exercenda uindicta. Arti. 173.

**F**it autem vindicatio per aliquod malum pœnale peccanti inflictū. Ideoque animus vindicātis pensandus est. Nam si eius intentio fertur principaliter ad malū seu pœnā alterius, illic, id est, in pœna, quiescēs, sic vindicatio esset illicita, quia in malo gaudere alterius, ad odium pertinet, nec debet homo peccare in aliū, quia ille peccauit in ipsum, nam hoc esset vinci à malo. Si verò animus vindicātis tendit in bonum finaliter, utpote in emendationem peccantis, & aliorū quietē, conseruationē iustitię, seu dei honorem, tūc est vindicatio licita, obseruatis debitis circūstantijs. Itaque mali tolerandi sunt à bonis, quia proprias iniurias hō æquanimitè ferre debet, non autem iniurias dei. Ait nanque Chrysosto. super matth. In proprijs iniurijs esse quēpiā pa-

tiété, laudabile est. Iniurias autē dei dissimulare, nimis est ipsū. Et rursus. Disceim<sup>9</sup> (inqt) exēplo Christi nostras iniurias magna nimiter sustinere, dei autē iniurias nec vsq; ad auditū sufferre.

¶ Vnde si iniuria, quæ alicui infertur personæ, redundet in deum, vel in ecclesiam, seu bonum cōmune: tunc vlciscenda est, quemadmodum de Helia patet, qui ignem procurauit de cœlo ad cōbustionē eorū qui eū capere voluerūt: & de Heliseo qui pueros deuorari obtinuit, & Syluester papa excōmunicauit eos qui se in exiliū miserant, vt habetur. 23. qu. 4. Si verò iniuria non nisi in propriam redundet personam, tolerari debet, si expedit: huiusmodi enim præcepta patientiæ intelliguntur secundum præparationem animi, secundum Aug.

2. ¶ Porro, vt 2. Ethic. dicitur, aptitudo ad virtutē inest homini à natura, sed complementum per assuefactionem acquiritur. Et ergo virtutes perficiunt ad exequendum debito modo naturales inclinationes, quæ pertinent ad ius naturale, propter quam ad quamlibet determinatam naturalem inclinationem ordinatur aliqua specialis virtus. Habet autem naturalem inclinationem natura ad remouendum nocumenta: quemadmodū animalibus data est vis irascibilis ad resistendū nociuis. Repellit verò homo nocumenta se defendendo contra ea quæ inferūtur, vel inflicta vlciscendo, non animo nocēdi, sed nociua pellendi. Hoc autem ad vindicationē pertinet, non inquantum vindicta fit per iusticiam publicam, sed per immutationem alicuius singularis personæ. Vnde Tullius ait: Vindicatio est, per quam vis aut iniuria & quicquid obfuturum est, defendēdo aut vlciscendo propulsatur. Huic autem virtuti secundum excessum opponitur crudelitas, secundum defectum autē nimia remissio. Ipsa verò virtus vindicationis in hoc consistit, quod hōib; secūdm omnes circumstantias virtutum debitam mensuram in vindicando conseruet.

3. ¶ Præterea vindicatio per pœnas fieri habet, homines enim mali, qui affectum virtutis non habent, per hoc cohibentur à malo, quod aliqua amittere metuūt, quæ plus amant quàm ea quæ peccando acquirunt, alias timor non coerceret peccatū. Ideoq; per subtractionem eorum quæ homo maxime diligit, vindicatio fit: maxime verò amat homo vitam, incolumitatem, libertatem, bona exteriora, patriam & gloriā. Vnde septem sunt genera pœnarū in legib; secundum Tulliū, scilicet mors, verbera, talio, exilium, damnum, seruitus, ignominia.

4. ¶ Amplius autē, pœna consideratur dupliciter. Vno modo secundum rationem pœnæ, & sic non debetur nisi peccato, quia per pœnam reparatur æqualitas iustitiæ, in quantum peccans, qui peccando propriam voluntatem nimis secutus est, aliquid patitur contra suam voluntatem. Et quoniam omne peccatum est aliquo modo voluntarium: ideo hoc modo nullus punitur nisi pro eo quod voluntarie factum est. Alio modo consideratur pœna secundum quod est medicina, non solum præteriti mali sanatiua, sed etiam à futuro peccato præseruatiua, atque boni promotiua: & sic aliqui puniuntur sine culpa, sed non absque causa. Medicina autem non subtrahit maius bonum, ut minus bonum promoueat, sed e contra. Cū ergo temporalia bona sint minima, spiritualia autem maxima: idcirco quidam puniuntur à deo in temporalibus bonis ut humilientur aut probentur sine culpa. Nunquam tamen aliquis punitur per subtractionem spiritualium bonorum sine propria culpa, nec in præsentī neque in futuro. Et sic quandoque filij vel serui puniuntur in corporalibus propter peccata parentum vel dominorum: in quantum filius est aliquid quasi quædam res parentum: & seruus est aliquid domini sui, unde & filius amittit hæreditatē propter peccatum læsæ maiestatis commissum à patre.

¶ Vtrum ueritas sit uirtus specialis. 2. An sit pars iustitiæ. 3. An magis declinet ad minus. Articulus 274.

**V**eritas denique dupliciter dicitur. Vno modo prout aliquid à veritate verum vocatur, & sic non est uirtus nec habitus, sed obiectum vel finis uirtutis, uidelicet æqualitas ipsius intellectus ad rem intellectam, vel signi ad rem significatam, vel rei ad suam rationem. Alio modo sumitur ueritas, qua aliquis verum dicit secundum quod per eam aliquis verax nominatur. Et talis ueritas uirtus est, quoniam actus eius, qui est dicere verum, est laudabilis. Ad ueritatem nempe, secundum Philosophum spectat, ut homo de se nec maiora nec minora testetur, sed sicuti est. Et Tullius ait: Veritas est, per quam ea quæ fuerunt, sunt, vel erunt, immutata dicuntur. Hoc autem laudabile est, si debitis uirtutum circumstantijs vestiatur, aliter uiciosum foret seipsum laudare.

¶ Et uerò ueritas uirtus moralis non Theologica nec intel-

leſualis, & obiectum eius ſunt aliqua ſigna exteriora ſive verba ſive facta, aut alia exteriora conformia rebus quæ ipſas ſignificat, circa huiusmodi enim res, ſunt ſolę virtutes morales.

2. ¶ Insuper conſtat quod veritas ſit virtus ſpecialis, quia quando in aliquo actu reperitur ſpecialis ratio bonitatis, tunc actus ille procedit à ſpeciali virtute, nam virtus eſt quæ perficit habetẽ, & opus eius bonum reddit, ſed in hoc quod exteriora noſtra verba vel facta debite ordinantur ad aliquid tanquam ſigna ad rem ſignificatam, cõſiſtit ſpecialis ratio bonitatis: hoc verò ad veritatem pertinet, ideoque ſpecialis eſt virtus, nec eſt idem quod veritas vitæ, quia veritas vitæ eſt veritas ſecundum quam aliquid eſt verum, non ſecundum quod dicit verum, dicitur quoque vita vera, ſicut & alia quæq; , in quantum videlicet propriam meſuram regulamque attingit, puta legem diuinam, per cuius conformitatem ſortitur rectitudinem, talisque rectitudo ſeu veritas cunctis virtutibus communis eſt.

¶ Et ſciendum, quod ſimplicitas pertinet ad veritatem, quæ virtus eſt. SimPLICITAS nãq; duplicitati opponitur, qua homo aliud gerit in corde, & aliud oſtendit in opere.

3. ¶ Preterea, veritas eſt pars iuſtitia, quia annectitur ei ſicut ſecundaria virtus principaliori, eo quod partim cum ea conueniat, partimq; ab eius perfecta ratione deficiat. Conuenit ergo veritas cum iuſtitia in duobus. Primo quia eſt ad alterum. Secundo quia adæquat ſigna rebus, quæ ſignificantur per ea, deficit autem à iuſtitia quantum ad rationem debiti, quia magis attendit debitum morale quàm legale, quia enim homo eſt animal ſociale, naturaliter debet vnus homo alteri illud, ſine quo humana ſocietas cõſeruari nõ valet, nõ autẽ poſſent conuiuere homines niſi mutuo veritatẽ pãdẽdo atq; credendo, & ſic ex quadã honeſtate morali tenetur vnus alteri manifeſtare quod verum eſt. Eſt autem triplex veritas, ſecundum Hiero. vtpote veritas vitæ, veritas iuſtitia, & veritas doctrina. Veritas verò iuſtitia dupliciter dicitur. Prime, prout ipſa iuſtitia eſt quædam rectitudo, ſecundum diuinæ legis regulam meſurata. Secundo prout aliquis ex iuſtitia veritatem fatetur, quemadmodũ in iudicio. Sed veritas doctrina conſiſtit in ſignificatione verborũ, de quibus eſt ſcientia. Veritas autem de qua nunc ſermo eſt, virtus dicitur per quã ſe homo ſermone & vita talem demonſtrat, qualis eſt.

4. ¶ Amplius. 9. Ethic. ait Philosophus, quod veritas ista magis declinat ad minus quàm ad magis. Hoc enim honestius est vt aliquis non totum quod habet manifestet, siue in sciencijs aut in virtutibus: quàm vt homo se maiorem ostēdat quàm est. Nam qui se magis exaltant quàm par est, fiūt alijs onerosi tanquam eos volentes excellere: sed qui minora dicunt de se, alijs fiunt gratiosi, quia per quandam moderationem ipsis cōdescendunt. Ista verò declinatio veritatis ad minus non est intelligenda per negationem, quoniam negare non debet homo quod sibi inest, nam hoc veritati repugnaret, sed per moderatam affirmationem.

¶ Quod mendacium veritati opponitur. 2. De speciebus mendacii. 3. Vtrum sit semper peccatum. 4. An sit peccatum mortale. Articulus 175.

**A**ctus autem moralis ex duobus speciem suscipit. Ex obiecto & fine. Nam speciem ex fine sortitur inquantum ad voluntatem pertinet, quæ alias potentias ad actus morales mouet: ex obiecto autē, prout est propriæ potentiæ actus quæ habet suum immediatum obiectum, quod se habet ad finem sicut materiale ad formale. Virtus autem veritatis, & opposita vitia eius, in quadam manifestatione seu enuntiatione consistunt, quæ est actus rationis, signum ad signatum conferentis. Vnde si bruta aliquid mutuo sibi significant, non tamen manifestationem intendunt, sed naturali instinctu hoc agunt.

¶ Itaque secundum quod prædicta manifestatio est actus moralis, est vtique ex voluntate dependens seu voluntarius actus, sed proprium obiectum manifestationis est verum vel falsum. Voluntas autem ad duo ferri potest, quorum vnum est, vt falsum proferatur: aliud est, vt alter fallatur, quod est effectus prioris scilicet falsitatis. Itaque dum hæc tria concurrunt, videlicet vt falsum sit quod dicitur & voluntas intendat dicere falsum, alter quoque fallatur: tunc est falsum seu mendacium materialiter, formaliter, & effectiue. Sed ratio mendacij formaliter accipitur, prout videlicet aliquis intendit falsum proferre: quia si dicat falsum putans illud esse verum, est solum materialiter falsum, cum falsitas sit præter intentionem. Si autem intendit dicere falsum, formale & verum men-

dacium est, quanuis sit verum quod dicit: quod enim præter intentionem contingit in actibus moralibus, est per accidens, & non imprimit speciem. Ideoque mendacium directe itemque formaliter veritati opponitur. Est autem mendacium falsa vocis significatio, cum intentione fallendi. Et in hac descriptione mendacij, nomine vocis intelligitur omne signum, quia voces inter signa præcipuum obtinent locum. Vnde qui nutibus aliquod falsum insinuat, non est à mendacio experts.

2. ¶ Præterea, mendaciū tripliciter diuiditur. Primo secundū propriam rationem. Et sic philosoph. 4. Ethic. diuidit ipsum in iactantiam, quæ excedit verum in diuidendo: & ironiam quæ deficit à veritatis explicatione in minus. Secundo diuiditur mendacium in quantum habet rationem culpæ, secundū ea quæ ipsum aggrauant aut diminuunt, & sic triplex mendacium ponitur, scilicet iocosum, quod fit propter bonum delectabile, utpote causa ludi, & officiosum quod fit propter bonum vtile seu utilitatis intuitu, & perniciosum, quod fit causa nocuenti. Tertio diuiditur mendacium secundum comparisonem ad finem. Et sic Augu. in lib. contra mendacium, partitur mendacium in 8. partes seu membra. Primum est in doctrina religionis, & hoc est directe contra deum. Secundū est, quod alicui obest & nulli prodest. Tertium, quod sic, vni prodest vt alteri obsit. Et hæc tria spectant ad mendacium perniciosum. Quartum est, quod fit sola mentiendi ac fallendi libidine, & hoc proprie oritur ex habitu vitioso. Quintum est, quod fit cupiditate placendi. Sextum est, quod alicui prodest ad obtinendum pecuniam, nullique obest. Septimū, quod nulli obest & prodest alicui ad mortem vitandam. Octauum, quod nulli obest, & alicui prodest ad vitandam corporis pollutionem. Quanto autem in his bonum intentum est melius, tanto culpa mendacij minor est.

3. ¶ Porro illud quod ex proprio genere malum est, nunquā potest esse bonū. Nā secundū Dion. bonū est ex integra causa, quatenus oīa recte concurrant, sed falsum dicere est malū ex genere, quia super indebitam materiam cadit, voces namque sunt naturaliter intellectuum signa. Ideo aliquid dicere contra id quod in mente existit, indebitū est. Vnde omne mendacium est peccatū, vt Aug. in libro contra mendacium asserit. Et Arist. 4. Ethico. testatur, quod mendaciū est per se prauū &

fugiendum. Verum autem est bonū atq; laudabile. Quod autem in sacra scriptura quorūdam sanctorum antiquorū quædam verba recitantur, quæ secundum superficiem non vera videntur, intelligendum est huiusmodi facta vel verba figuratim & mysticè seu propheticè esse dicta. Vnde August. dicit, Credendum est illos homines, qui prophetici temporibus digni autoritate cōmemorantur, omnia quæ scripta sunt de illis, propheticè dixisse atq; gessisse. Et ideo quod iacob patri suo retulit, Ego sum filius tuus primogenitus, mysticè intellexit.

¶ Aliqui quoq; in scriptura laudantur, non propter perfectam virtutem, sed propter bonam indolem, prout in eis apparuit laudabilis ac virtuosus affectus, ex quo moti sunt ad quædam indebita faciendā. Sic nāq; Iudith laudatur, nō quia mentita est Holoferni, sed propter zelum sui populi. Quauis dici posset, quod verba eius secundum mysticum aliquem intellectum vera consistant.

¶ Quauis autem mentiri non liceat ut quis alium à quo cūque periculo liberet: licet tamē veritatem prudenter & caute sub aliqua circumlocutione occultare. Rursus, ex duobus excusatur homo à solutione promissi. Primo si promissit illicita, tunc enim peccauit promittēdo, sed nō peccat frāgēdo. Secundō, si personarū ac negotiorum condiciones mutatae sint.

4. ¶ Porro peccatum quod charitati repugnat, mortale est, potest autem mendacium charitati contrariari tripliciter. Vno modo secundum se, scilicet ex ipsa falsa significatione: quæ si sit circa res diuinas opponitur charitati dei, & est mortale atq; grauissimum peccatū. Si verò sit circa aliquid, cuius cognitio spectat ad hominis salutem in scientia vel virtute: tunc opponitur charitati fraternæ & est mortale peccatum inquantum proximo imprimit falsam opinionem. Secundo mendacium charitati opponitur propter finem intentum, ut si dicatur ad iniuriam dei, vel damnū ac diffamiam proximi: & hoc rursus mortale est. Si verò finis intentus non est charitati contrarius, ut in mendacio officioso atque iocoso, tunc mendacium est veniale. Tertio contrariatur mendacium charitati per accidens, scilicet propter consequens damnum vel scandalum, & tunc mendacium est mortale, quando non veretur homo mentiri causā scandali euitandi.

¶ Aduertendum autem, quod in mendacio obsteriticum populi Hebræorum duo considerantur, videlicet beneuolentia



in Iudæos, & reuerentia diuini timoris, ex quibus ad mentiē-  
dum inducuntur: & sic debetur eis reuerentia æterna, lau-  
daturque in ipsis indoles virtutis. Propter quod Hieronymus  
exponit, quod deus ædificauit eis domos spirituales. Secun-  
do consideratur ipse exterior actus mendacij, & per illum  
non poterant mereri remunerationem æternam, sed forte  
temporalem, quia temporali mercedi non obuiat deformi-  
tas venialis peccati: Sic ergo quod ait Gregorius, quod deus  
mutauit eis bonum spirituale in temporalem mercedem pro-  
pter mendacij culpam, non potest intelligi quod per illud  
mendacium meruerunt æternam remunerationem amittere,  
quam præcedenti affectu promeruerunt.

¶ Vtrum omnis simulatio sit peccatum. 2. Vtrum hypocrisis  
sit simulatio. 3. An opponatur ueritati. 4. An sit mor-  
tale peccatum. *Articulus 176.*

**Q**uemadmodum mendacium ueritati opponitur, se-  
cundum quod ueritas in signis uerborum consistit:  
sic simulatio ueritati opposita est, propter signa fa-  
ctorum uel rerum. Ad uirtutem enim ueritatis atti-  
net, ut se homo talem sermone & uita ostendat, qualis est. Cū  
ergo simulatio sit per hoc, quod aliquis per signa factorum  
uel rerum, aliquid de se significat cōtrarium eius, quod in ip-  
so est, constat quod simulatio ueritati opponitur: sicque est  
mendacium quoddam in exterioribus signis consistens. Et  
quoniam omne mendacium est peccatum, certum est quod  
simulatio quoque peccatum existat. Legitur tamen Christum se  
fuisse longius ire. Et Abraham dixit se cum Isaac reuersu-  
rum quem proposuit immolare. Et tamen neuter eorū simu-  
lauit, quia secundum Augustinum, non omne quod fingimus  
mendacium est, sed quod fingitur & nihil significat. Christus  
autem aliquid sua fitione significauit.

2. ¶ Denique (ut ait Isidorus) hypocrita græce, latine simu-  
lator interpretatur, hypocrisis est ergo simulatio, non tamen  
omnis simulatio existit hypocrisis, sed illa quā quis personam  
alterius simulat, ut dū peccator personam iusti false assumit.
3. ¶ Ex quibus elicitur, quod hypocrisis directe atque forma-  
liter ueritati opponitur, quāuis per accidens alijs cōtrarietur.
4. ¶ Insuper in hypocrita duo sunt, puta sanctitatis dese-

Actus, & simulatio eius. Si ergo dicatur hypocrita, quia intentio eius fertur ad utrumque, scilicet quod sanctitatem non curet habere, sed solum sanctus apparere: sic hypocrisis est mortale peccatum. Sic quoque in scripturis accipi solet. Vnde Hieronymus super Esaiam dicit: In comparatione duorum malorum, lenius est aperte peccare, quam sanctitatem simulare. Glossa in Iob dicit, quod simulata æquitas, est duplex iniquitas. & super illud Iere. in Threnis: Maior est effecta iniquitas populi mei peccato Sodomorum, ait Glosa: Scelera animæ planguntur, quæ in hypocrisim labitur, cuius est maior iniquitas peccato Sodomorum. Si verò dicatur hypocrita qui simulare sanctitatem intendit, quæ caret propter mortale peccatum, tunc quanvis simulatio sit cum mortali peccato, ipsa tamen quandoque est venialis, interdum mortalis, secundum quod finis intentus charitati contrariatur vel non. Si enim sanctitatem confingat ut falsam doctrinam inducat & alios fallat, mortale peccatum est. Si autem finis non opponitur charitati, ut cum quis in ipsa simulatione delectatur, tunc venialis est. Et de tali ait Philosophus quarto Ethicorum, quod potius videtur vanus quam malus. Aliquando autem simulat aliquis sanctitatem seu perfectionem, quæ non est de necessitate salutis: & ista simulatio nec semper mortalis est, nec semper cum mortali peccato consistit.

**¶** Cui uirtuti contrarietur iactantia. 2. An sit peccatum mortale. 3. An etiam ironia sit peccatum. 4. De comparatione eius ad iactantiam.

Articulus 177.

**E**ST autem iactantia, dum se homo verbis extollit. Quod dupliciter accidit. Primo, cum homo aliquid dicit de se supra id quod est in reputatione aliorum: non autem supra id quod est in seipso. Quod Apostolus vitans: Parco (inquit) ne quis me existimet supra id quod videt me, aut audit aliquid ex me. Secundo, se verbis aliquis extollit, dicens aliquid de se supra se secundum rei veritatem. Et istud est peius quam primum, & magis propriè iactantia dicitur. Vnde patet, quod iactantia veritati opponitur secundum excessum, & hoc secundum speciem actus: nihilominus aliquo modo contrariatur humilitati ratione originis, quia frequen-

tius ex superbia nascitur: interdum verò ex quadam vanitate procedit: & secundum rationem finis ex inani gloria oritur, hanc enim iactator intendit atque desiderat.

2. ¶ Denique considerando iactantiam prout est quoddam mendacium, quandoque est mortale peccatum: vt cum homo iactanter aliquid profert contra honorem vel gloriã dei, aut charitatem proximi: vtpote sic se magnificans, quod in contumeliam aliorum prorumpit: quemadmodum phariseus, qui dixit: Non sum sicut ceteri hominum, raptores, &c. Quãdoq; autem est veniale peccatum, quoniam videlicet non contrariatur charitati, quod fit quando homo talia de se iactat quæ non sunt contra deum vel proximum.

¶ Potest quoque considerari iactantia secundum suam causam, quæ est superbia, vel appetitus lucri aut gloriæ. Si ergo origo eius seu causa mortale peccatum sit, tunc & ipsa mortalis erit: alioquin est veniale peccatum.

3. ¶ Porro sicut iactantia est, cum se homo verbis supra se extollit: sic ironia est, cum quis à veritate declinans, minora de se dicit, vel aliquid vile sibi attribuens, quod in seipso non recognoscit: vel aliquid magnum de se negans, quod sibi inesse cognoscit, & hoc est peccatum & veritati contrarium. Interdum tamen aliquis minora dicit de se, non secundum prædictum modum, sed maiora de se, salua veritate reticens, minoræque detegens, & hoc ex suo genere, nec est peccatum. Ideoque quod ait Gregorius: Bonarum mentium est, ibi suas culpas agnoscere, vbi culpa non est, non debet intelligi vt aliquis se culpabilem dicat vbi culpam non recognoscit: sed vt defectum suum, quo à perfectione iustitiæ deficit, culpam esse cognoscat, quanuis non semper sibi pro culpa imputandum sit. Vnde Augustinus in libro de verbis apostoli ait: Dum causa humilitatis mentiris, si non eras peccator antequam mentireris, mentiendo efficieris.

4. ¶ Insuper secundum Philosophum, ironia est minus peccatum quàm iactantia, quia iactantia ex turpiori motu procedere solet, videlicet, ex superbia vel avaritia: & iterum per iactantiam est vnus magis alteri onerosus, quàm per ironiã, quia per ironiam se alijs magis conformat, non se præferendo. Nihilominus posset aliquis de se minora proferre ob talem finem, quod ironia esset peior iactantia.

**L**ocus est autem Philosophus in libro Ethicorum de duplici amicitia: quarum una in affectu principaliter consistit, per quam unus alium diligit, & hæc quamlibet virtutem consequi potest. Dicitur enim 8. Ethicorum: Amicitia perfecta est, quæ est propter virtutem.

¶ Aliam quoque amicitiam ponit, quæ in exterioribus rebus vel factis solum consistit, quæ & affabilitas dicitur, & est specialis virtus: nam ubi occurrit specialis ratio boni, necesse est specialem esse virtutem, bonum verò consistit in ordine, oportet autem hominem conuenienter ordinari ad alios in conuersatione communi, in factis & verbis. Virtus autem per quam hoc fit, amicitia seu affabilitas nominatur, per quam se habet homo ad unumquemque ut decet. Sed amicitia ista non attingit perfectam amicitie rationem, sed quandam eius similitudinem, secundum quod homo decenter se habet ad illos cum quibus conuersatur. Vnde his qui ad peccandum sunt prони, non debemus hilarem vultum ostendere, ne peccato eorum videamur consentire, aut peccandi audaciam quodammodo ministrare: propter quod in Ecclesiastico scribitur: Filie sunt tibi, serua corpus illarum, & non ostendas hilarem faciem tuam ad illas.

2. ¶ Denique amicitia ista est pars iustitiæ, quia adiungitur ei ut principali virtuti, conuenit namque cum ea in quantum ad alium est. Deficit verò quia non habet perfectam debiti rationem, nec legalis ad quod lex obligat, nec debiti ex suscepto beneficio prouenientis, sed attendit debitum honestatis, quod magis est ex parte virtuosi quam alterius. Omnis enim homo naturaliter est alteri amicus propter communionem nature, quod beneficia nature contestantur tanquam signa amicitie, quæ unusquisque ostendit forinsecus verbis & factis hominibus extraneis atque ignotis, & secundum Philosophum ad virtutem hanc attinet alijs delectabiliter conuiuere, hoc enim ad socialem vitam necessarium est, quia nemo diu morari cum tristitia potest, & sine delectabili esse, propter quod ex quodam naturali debito honestatis tenetur homo alijs delectabiliter conuiuere, quanuis quandoque

ex causa expediat alios contristare, propter bonum exequendum vel malum vitandum.

3. ¶ At verò qui in omnibus alium laudare & ad delectationem perducere curat, prædictæ amicitiae seu affabilitati contrariatur, hoc autè adulator agit, qui immoderate & indiscrete placere alijs studet, ideoq; adulatio affabilitati opponitur secundum modum excessus. Laudare autem alium & ei velle placere propter charitatem fouendam, & ob spiritualem mutuū profectum, omnino laudabile est, sed ob temporalem gratiam velle placere aut quēquam laudare, reprobatum cum dicitur: Deus dissipauit ossa eorum qui hominibus placent.

¶ Porro peccatum mortale censetur quod charitati directe opponitur, contrariatur autem adulatio charitati tripliciter. Primo ratione materiae, vt cum homo peccatum alterius laudat, & hoc mortale est, quemadmodum scriptum est: Væ qui dicunt bonum malum, & malum bonum. Secundo propter finem intentum, vt si quis alium fraudulenter decipere quærat, quod etiam mortale peccatum est, & de istis adulationibus dicit Hieronymus: Nihil tam facile mentem corrumpit vt adulatio. Et alibi dicitur: Plus nocet lingua adulatoris, quàm gladius persecutoris. Tertio propter occasionem vt dū laus adulantis est alteri peccandi occasio, & circa hoc considerare oportet, quomodo occasio datur, & qualis ruina subsequitur, sicut de scandalo dictum est: si autè aliquis alteri aduletur ex sola auuiditate delectandi, vel ad vitandū aliquod malum, seu causa consequēdi aliquod bonum necessarium, tunc adulatio veniale peccatum erit.

4. ¶ At verò litigium proprie in verbis consistit, vt cū vnus verbis alterius contradicit, quæ contraditio quandoq; oritur ex defectu amoris ad personam dicentis, nam amor animos vnit, & hoc ad discordiam charitati cōtrariam pertinet: quandoque verò procedit contraditio talis ex defectu reuerentiæ vel timoris ad personam dicentis, quam contradictor contristari non veretur, & sic litigium affabilitati opponitur, ad quam spectat, delectabiliter conuiuere alijs. Aduertendum quoq; , quod de litigio & adulatione loqui dupliciter possumus. Primo secundum speciem actus, & sic litigium est maius peccatū quā adulatio, quia magis repugnat virtuti oppositæ, scilicet amicitiae, amicitia enim principalius tendit ad delectandū quā ad cōtristandū, cū ergo finis litigij sit aliū contristare,

## D. DIONYSII CARTHYSIANI

finis autē adulationis alium delectari, patet quod litigium magis amicitiae opponitur quā adulatio. Secundo hæc duo vitia considerari possunt secundum exteriora motiua: & sic vnum quandoq; est grauius altero, & econuerso, secundum quod finis intentus est melior siue deterior. Considerādū verò, quod in actibus humanis non semper illud est grauius quod est turpius. Nam decor hominis est, vt ratio sensualitati dominetur, & ideo illa vitia sunt turpiora in quibus caro rationi dominatur, vt gula, luxuria. Sed spūalia peccata sunt grauiora, qm̄ ex cōtēptu maiori causantur. Verecūdia autē est timor de re turpi, secundum Philosophū 4. Ethicorum. Homines verò magis verecundantur dici adulatores quā litigiosi, quia licet litigium sit grauius, adulatio tamen est turpior, quoniam ex dolo videtur procedere, & sic ad infirmitatem quandam ac falsitatem est pertinens, litigium autem ex maiori procedit contemptu, & ex quadam audacia, quæ ad potentiam pertinere videtur, de qua homines naturaliter gloriantur.

¶ *An liberalitas sit uirtus. 2. De eius materia. 3. De actu ipsius. 4. Quid magis ad eam pertineat. 5. Vtrum sit pars iustitiæ. 6. De comparatione eius ad alias uirtutes. Articulus 179.*

**P**raterea Aug. testante in lib. de libero arbitrio, illis bene uti quibus male uti possumus, ad virtutem pertinet, sed rebus exterioribus atq; diuitijs bene & male uti valemus, cum ergo ad liberalitatem spectet, talibus rebus bene uti, patet quod ipsa sit virtus. Dicit enim Philosophus, ad liberalem attinet, non respicere seipsum, sed alijs communicare, non tamen in tantū vt sibi non retineat quod ad vitæ congruentiam pertinet, quia secundum Ambrosium, diuitiæ non sunt simul effundendæ sed dispensandæ, nisi quis euangelicam perfectionem apprehendere velit, & ergo secundum Philosophum, qui multa intemperanter effundunt, non sunt liberales, sed prodigi. Possunt autem & pauperes liberalitatem habere, quanuis actum eius exercere nō queant, quia secundū Ambrosium secundo de officijs, affectus diuitū collationem aut pauperem facit & precium rebus imponit.

2. ¶ Deniq; materia liberalitatis seu obiectum est pecunia, nomine pecuniæ intelligēdo exteriora bona possessa, quoniā

ad liberalem pertinere esse emissivum & non tenacem.

¶ Veruntamen cum omnis virtus moralis sit circa passiones vel operationes, ideo immediata materia liberalitatis sunt passiones interiores, pecunia autem exterior est ipsarum passionum obiectum. Nam liberalitas non consistit in quantitate dati, sed in dātis affectu, qui secundum passiones amoris & concupiscentiæ disponitur, & per liberalitatem moderatur.

3. ¶ Proprius autem actus liberalitatis est uti pecunia, id est his quæ nūmismate mensurari possunt, quoniam quælibet virtus convenienter se habet ad suum obiectum: qui actus ad iustitiam pertinet secundum rationem debiti, & ad magnificentiam, prout pecunia sumitur ad alicuius magni operis expletionem, ad liberalitatem absolute spectat.

4. ¶ Præterea, ad liberalem potissime attinet dare, est enim emissivus, & actus eius est uti pecunia. Vsus verò pecuniæ est eius emissio. Nam acquisitio pecuniæ magis assimilatur generationi quàm vsui: custodia quoque ipsius habitui conformatur. Itaque liberalis maximè ex datione laudatur, non enim ad liberalem spectat esse pròptum ad recipiendum, & multo minus ad quærédum, de quo sunt versus: Si quis in mundo vult multis gratus haberi, Det, capiat, quærat, plurima, pauca, nihil.

¶ Est autem liberalitas pars iustitiæ, non subiectiva seu species, quia non exhibet alteri quod suum est, quod ad rationem iustitiæ pertinet, sed annectitur ei tanquam principali virtuti, convenit namq; cum ea, quia est ad alterum, & qui est circa res exteriores sicut iustitia.

6. ¶ Denique quanto virtus tendit in melius bonum, tanto est dignior: liberalitas autem tendit in bonum dupliciter, scilicet primo & per se, & sic est circa amorem pecuniarum seu concupiscentiam divitiarum moderandam, & hoc modo temperantia, quæ moderatur concupiscentias ac delectationes proprii corporis, fortitudo quoq; & iustitia, quæ ordinantur ad bonum commune, præferuntur liberalitati.

¶ Secundo tendit liberalitas ad aliquod bonum ex consequenti, & sic circa omnia bona prædicta, nam ex hoc quod homo non est immoderate retentivus pecuniæ sequitur quod cum expendit in bonum proprium, & in bonum commune, atq; in honorem divinum, & quo ad hoc liberalitas quandam excellentiam habet, eo quod ad multa sit utilis. Dicit Boethius, quod liberalitas facit potissime homines claros, & secundum



## D. DIONYSII CARTHUSIANI

Philosophum, inter virtuosos maxime laudantur liberales: Sed & per liberalitatem assimilatur homo deo, de quo habetur: *Qui dat omnibus abundanter & non impropere*, quia tamen vnumquodque potius iudicatur ex eo quod sibi per se conuenit, quàm ex consequenti, propterea liberalitas non est simpliciter maxima virtus. Vnde Ambrosius primo de officijs ait: Iustitia est liberalitate excelsior, liberalitas autem est gravior. Et Aristoteles primo Rethoricæ dicit, quod fortes & iusti maximè honorantur, post eos autem liberales.

¶ *Vtrum avaritia sit peccatum. 2. An sit peccatum speciale. 3. Cui uirtuti opponatur. 4. An sit mortale peccatum. 5. An sit peccatum grauissimum. 6. An sit peccatum carnale uel spirituale. 7. An sit uitium capitale, ac de filiabus eius. Articulus. 180.*

**A**varitia denique est immoderatus amor habendi exteriora, hoc autem peccatum est. Ea enim quæ ordinantur ad finem, non sunt bona nisi ordinentur secundum exigentiam finis, sicut medicina non est bona, nisi proportionata sit sanitati. Cum ergo temporalia exterioraque bona ad spiritualia ordinentur, eorum appetitus non est bonus, nisi secundum quod ad spiritualia bona utilia aut necessaria sunt. Vnde avaritia secundum excessum appetendi peccatum est. Dicit autem philosophus quod senes avari sunt, & hoc est quia propter senectutem pluribus egent, debent tamen cupiditatem suam moderari.

2. ¶ Est autem avaritia speciale peccatum, quia est circa possessiones quæ habent rationem boni utilis. Est tamen nomen auaritiæ ampliatur ad omnem immoderatum affectum habendi quancunque rem, unde Gregorius ait, quod avaritia est non solum pecuniæ, sed & scientiæ & altitudinis. Et Augustinus in 3. de lib. arbitrio asserit, quod avaritia, quæ Græce philargyria appellatur, non in solo argento & nummis, sed in omnibus quæ inordinate appetuntur, consistit, sed hoc modo non est speciale peccatum, quia in omni peccato est quædam cupiditas immoderata alicuius rei, cum peccatum sit spreto summo ac incommutabili bono, in hære caducis.

3. ¶ Denique immoderantia quam avaritia importat, vno

modo attenditur quo ad ipsas res possessas, videlicet circa ipsam acceptionem vel conseruationem diuitiarum, quas homo vltra debitum adipiscitur vel conseruat, & sic auaritia contrariatur iustitiæ, & est peccatum in proximum. Secundo consideratur immoderantia ista circa interiorem affectum, scilicet amorem vel concupiscentiam diuitiarum, qua aliquis nimis in eis delectatur aut ipsas habere conatur, & ita liberalitati opponitur, quæ huiusmodi affectiones moderatur. Vitium quoque oppositum auaritiæ, est prodigalitas.

4. ¶ Præterea, auaritia secundum quod contrariatur iustitiæ, est peccatum mortale, sic enim ad eam pertinet res alienas retinere aut sumere, quia exteriora secundum vsum communia sunt, prout ante ostensum est, & sic auaritia cõparatur rapinæ & furto, quæ sunt peccata mortalia, sed sicut furtum in aliquo casu propter imperfectionem actus veniale existit, sic & auaritia.

¶ Accipiendo verò auaritiam secundum quod liberalitati opponitur, est mortale peccatum, si amor diuitiarum aut earum delectatio charitati diuinæ præfertur, si autem infra hanc sistit, erit veniale peccatum.

5. ¶ Aduertendum quoque, quod peccatum inquantum est quoddam malum, consistit in corruptione præuaricationeque boni. Sed inquantum est voluntarium, consistit in appetitu alicuius boni. Itaque peccatum dupliciter dicitur grauius altero. Primo ratione boni quod per ipsum corrumpitur, nam quo illud est melius tanto peccatum est grauius, & sic peccata quæ sunt directe contra deum, grauißima sunt, & hoc modo auaritia non est peccatum grauißimum. Et quoniam formale peccati est auersio à summo bono, ideo ab isto formali præcipue sumitur grauitas culpæ.

¶ Alio modo pensantur grauitas culpæ ex parte boni cui se appetitus subdit inordinate, & quo illud est vilius eo peccatum est grauius. Cum ergo diuitiæ sint infima bona, vt pote infra bona corporis, ideo auaritia, quæ est circa illas, hoc modo quodammodo grauißimum est peccatum. Vnde Ecclesiasticus dicit Auaro nihil est scelestius. Et rursus: Nihil est iniquius quàm amare pecuniam, hic enim animam suam habet venalem. Sed & Tullius primo de officijs dicit. Nihil est tam angusti tamque parui animi, quàm amare pecuniam. Et apostolus dicit, quod auaritia est idolorum seruitus,

quia sicut idololatra se creaturæ subiicit quo ad cultum, sic & avarus quantum ad vsum.

6. ¶ Porro peccata potissime in affectu consistunt. Omnes autem affectiones seu passionēs terminantur ad delectationes vel tristitias. Delectationes quoque aliquæ sunt carnales quæ in sensu carnis complentur, ut gula, luxuria: quædam spirituales, quæ complentur in sola animi apprehensione. Illa ergo peccata dicuntur carnalia quæ carnalibus delectationibus perficiuntur, & illa spiritualia quæ spirituali delectatione consummantur. Talis autem est avaritia, delectatur namque avarus in hoc quod se diuitiarum possessorem considerat, unde avaritia est spirituale peccatum. Veruntamen ratione obiecti, quod est pecunia, est medium inter vitia pure spiritualia, ut est superbia, & vitia pure carnalia, sicut gula.

7. ¶ Porro illa vitia capitalia sunt, quæ principales fines habent ad quos aliorum vitiorum fines ordinantur, hoc autem avaritiæ conuenit, habet enim finis avaritiæ quandam præcipuam similitudinem cum beatitudine, ratione sui obiecti, quod est pecunia, quia pecuniæ maximè sufficientiam promittit secundum Boethiū: Nam secundum philosophū 5. Ethicorum, denario tanquam fideiussore utimur ad vniuersa habenda, & sic avaritiæ finis, qui est habere pecuniam, est plurimum quanuis fallaciter appetibilis, & ob id est avaritia vitii capitale. In duobus namque excedit, videlicet in retinendo, & sic ex ea obduratio, quæ contrariatur misericordiæ, oritur. Secundo excedit in acquirendo tam in effectu, & sic ex avaritia oritur inquietudo, quàm in affectu, & ista aliena adipisci conatur. Interdum cum vi, & sic filia eius est violentia, quandoque cum dolo vel simpliciter asserendo, & sic nascitur fallacia: vel confirmando, & sic periurium ponitur avaritiæ filia. Si verò fiat dolus in opere, sic quantum ad res est fraus, quantum autem ad personas proditio, ut patet in Iuda qui ex avaritia prodidit Christum: Has ergo prædictas septem avaritiæ filias assignat Gregorius, quibus Isidorus addidit mendacium & falsum testimonium, quæ ad fallaciam reducuntur.

¶ De prodigalitate. 2. An sit peior quàm avaritia. 3. De epikeia quoque. 4. An sit pars iustitiæ. Articulus. 181.

**P** Rodigalitas denique avaritiæ contrariatur, quia avarus excedit pecunias diligendo, & eas tenaciter conservando. Sed prodigus nimis modicam earum sollicitudinē habet, ipsasque immoderate effundit. Cū ergo virt<sup>o</sup> in medietate cōsistat, patet quod prodigalitas sit p<sup>er</sup> m<sup>in</sup>us 2 ¶ Minus est tamen, quā avaritia. Primo, quia avaritia magis contrariatur liberalitati quā prodigalitas. Secundo quoniam prodigus multis est utilis quibus cōmunicat, avarus vero nemini nec sibi metipso. Tertio vitiū prodigalitat<sup>is</sup> est magis sanabile quā avaritia, utpote per accessum ad senectutem & egestatem, & propter vicinitatem ad liberalitatem. 3 ¶ Præterea, ex præstensis constat, quod leges ab hominibus institutæ quandoque patiuntur instantiam, nec potuit dari lex quæ in omnibus simpliciter observanda sit, propter diversitatē circa actus humanos contingentē. Ideoque necessaria est virtus, per quam iudicetur, in quo casu à communi lege recedendum est, sic quod intentio legislatoris attendatur potius quā verba legis positæ. Ad hoc autē epikeia ordinatur, quæ apud nos equitas appellatur, unde patet quod epikeia sit virt<sup>u</sup>s. 4 ¶ Est autem pars iustitiæ subiectiva & species eius, ipsa enim dirigit legalem iustitiam, & est potior pars iustitiæ. Nam epikeia dicitur ab epi, quod est supra, & dikanni, quod est iustitia, quasi supra iustitiam, ipsa enim moderatur observantiam verborum legis.

¶ *Vtrum pietas sit donum sancti spiritus 2. Quid sibi in beatitudinibus & fructibus correspondeat. Ar. 182.*

**D**ona insuper spiritus sancti (sicut præhabitu est) sunt quædam habituales animæ dispositiones, quibus à spiritu sancto prompte ac bene mobilis redditur. Inter multa autē ad hoc movet nos spiritus sanctus ut ad deum filialem habeamus affectum, hoc autē nobis præstatnr per donum quod pietas dicitur, & correspondet iustitiæ: quandoque tamen pietas est virtus (ut dictum est) per quā parentibus honor & cultus impēditur, unde religio est dignior pietate prout est virtus, sed pietas secundum quod est donum, est religione præstantior. Tū quia dona excellunt virtutes oēs præter Theologicas. Tum quia religio exhibet cultū Deo tanquā creatori, Pietas verò ut patri, secūndum illud: Ac-

cepistis spiritum adoptionis filiorum, in quo clamamus abba pater. Nihilominus pietas ista ex consequenti se extendit ad homines, secundum quod ad Deum pertinet scilicet, sanctos honorando, miseris compatiendo & subueniendo, principalisque actus eius remanebit in patria scilicet Deum reuereri filiali affectu.

2 ¶ Porro in coaptatione beatitudinum ad dona, duplex potest conuenientia consideri. Vna secundum rationem ordinis, quàm Augustin<sup>9</sup> secutus est in libro de sermone domini in monte: Nam primam beatitudinem attribuit timori, qui est vltimum donum: Secundam autem, videlicet beati mites, pietati, quæ ponitur penultimum donum. Ait enim: Pietas congruit mitibus. Alia conuenientia attenditur secundum propriam rationem donorum & beatitudinum, vt pote secundum obiecta & actus, sicq; pietati potius correspondet beatitudo quarta, quæ est, Beati qui esuriunt & sitiunt iustitiam. Et quinta: Beati misericordes. Et hoc ideo, quia donum pietatis correspondet iustitiæ, & opera misericordiæ pietati appropriantur. Secunda ramen beatitudo conuenientiam aliqualem habet cum pietate, in quantum per mansuetudinem impedimenta actuum pietatis tolluntur.

¶ Vtrum præcepta decalogi sint præcepta iustitiæ 2. De primo præcepto. 3. De secundo 4. De tertio 5. De quarto 6. De alijs sex. Articulus 183.

C Ognosendum præterea, qd præcepta decalogi sunt prima legis præcepta, quib<sup>9</sup> velut manifestissimis naturalis ratio mox assentit. Ratio autem debiti, quæ ad præceptum requiritur, manifestissime apparet in iustitia, quæ est ad alterum: Nam in his quæ sunt ad seipsum, primo videtur qd homo sit dominus sui ipsius, possitque facere de se quod libet. Sed in his quæ ad aliû sunt, clarè apparet, quod homo est alteri obligatus ad reddendum ei quod debet. Ideoque præcepta decalogi ad iustitiam pertinere oportuit. Vnde prima tria præcepta sunt de actibus religionis, quæ est potissima pars iustitiæ. Quartum præceptum est de actu (scilicet de honoratione ratione parentû) pietatis, quæ est secundaria pars iustitiæ, alia quoque sex dantur de actibus iustitiæ cõmuniter dictæ. Et sciendû quod sicut præcepta ceremonialia sunt quæ.

dam determinationes præceptorum moralium seu decalogi, prout ordinantur ad deum, sic præcepta iudicialia sunt eorūdem determinationes quantum ad proximum. Itaque præcepta decalogi pertinent ad iustitiam, quoniam sunt immediate de actibus iustitiæ, ad charitatem quoque spectant tanquam ad finem, nam finis præcepti est charitas.

2 ¶ Denique intētio legis est, homines facere virtuosos, virtus autem seu bonitas maximè pertinet ad voluntatem, per quam homo omnibus aliis bonis bene utitur, bonitas autem voluntatis attenditur in ordine ad suum obiectum, quod est ultimus finis, & ergo primum præceptum tanquam vere religionis fundamentum, est de ultimo fine, videlicet de cultu unius dei, ad quem omnia cætera bona referre oportet. Veruntamen quoniam ante introductionem virtutum, necesse est cōtraria vitia seu impedimenta extirpare, ideo cultus dei primo per præcepta negativa iubetur, per hoc quod falsorū deorum cultus vetatur. Vbi aduertendum, quod antiqui deos dupliciter coluerunt. Quidam enim quasdam creaturas pro diis colebant absque imagine. Vnde Varro narrat, quod antiqui Romani diu deos colebant absque simulachris seu institutione imaginum: Alij autem colebant deos sub quibusdam idolis, & horum vtrumque in lege prohibetur, cum dicitur: Non facies tibi sculptile, nec coles.

3 ¶ Denique sicut in primo præcepto prohibetur superstitio, quæ veræ religioni secundum quendam excessum opponitur, sic in secundo præcepto cum dicitur. Non assumes nomen dei in vanum, vitium irreligiositatis prohibetur, nam vtrumque excludi oportet ab homine; antequam in vita religiosa fundetur, hoc ergo præcepto vetatur vana & falsa iuratio, & ex consequenti omnis mala & infidelis diuini nominis assumptio. Vnde quædam glosa exponit istud præceptū. Ne quis filium dei dicat puram creaturam. Et alibi dicit glosa sic intelligendum. Ne nomen dei adscribatur ligno aut lapidi.

4 ¶ Insuper tertio præcepto iubetur cultus dei exterior dū sanctificatio sabbati præcipitur. Nam duo prima præcepta diuini cultus impedimēta prohibuerunt. Nuac ergo tertio præcepto mandatur id per quod homo in vera religione fundatur, cuius est deo cultum ceremoniamque offerre, & sicut sacra scriptura tradit nobis spiritualia sub imaginibus sensibilibus rerum, sic in isto præcepto mandatur cultus dei per a-

## D. DIONYSII CARTHUSIANI

liquod sensibile signum, quod est sanctificatio sabbati, quæ cōmune beneficium scilicet mundi creationem, designat, à qua deus die septimo requieuisse refertur. Istud quoq; præceptum est partim morale, quoniā naturalis ratio dicitur quatenus homo aliquod vitæ suæ tempus deputet ad vacandum deo. Partim ceremoniale, videlicet quo ad determinationem certæ diei ei, & etiam ad designandam quietem Christi in sepulchro, & hoc secundum allegoricam significationem. Similiter secundum significationem morale, prout designat cessationem ab omni operatione peccati. Sed & secundum anagogicum sensum, in quantum præfigurat quietem fruitionis diuinæ in patria. Sed istud præceptum locatur inter decem mandata decalogi in quantum morale existit, vt pote naturalis rationis dictamen concernens, ad omnesque pertinens.

¶ At verò in obseruantia sabbati duo pensantur, quorum vnum est finis scilicet deo vacare, quod insinuat cum dicitur Memento vt diem sabbati sanctifices. Nam quæ diuino cultui applicantur, sanctificari dicuntur. Aliud est cessatio operum, non quoruncunq; sed seruilium, quia hoc quasi exponitur cū dicitur, Omne opus seruile non facietis in eo. Triplex autem est seruitus. Vna qua homo male viuendo seruit peccato. Secunda qua homo seruit homini, quæ non est secundum mentem, sed corpus, & ideo hoc modo opera seruilia sunt corporalia opera. Tertia est seruitus latræ, qua deo seruitur, quæ vti que est finis sanctificationis sabbati, & in sabbato maximè frequentanda, & sic in sabbato circumcisio licuit, & ministratio dei in templo, circumductio quoq; arcæ per circuitum Hierico. Conformiter spirituales actus videlicet docendi verbo vel scripto, non contrariantur sabbato, sed opera seruilia secundum primum & secundum modum contrariantur ei. Nā illa mentem à diuina vacatione impediunt maximè prima, puta actiones peccati, & igitur secundum Augustinum, melius esset die sabbati agrum colere quàm saltare, vt nere quā chorizare, seu seditioni insistere. Opera verò, quæ cōmunia sunt seruis & liberis, vt pote de necessariis sibi prouidere, & consequenter damna vitare, licent in sabbatis. Ideoque licuit in sabbato manducare, bouem & asinum adquare & soluere, nec Machabæi peccabant sabbato præliantes ob corporis sui salutem. Helias quoque quatuor diebus ambulans atque à facie Iesabel fugiens non peccauit, & ob hoc Christus excusa-



uit suos discipulos, qui spicas sabbato colligebant. Et similiter opus corporale quod ordinatur ad corporalem salutem, sabbato licet, vt est infirmum sanare. Et quia pharisæi & scribæ sabbati sanctificationem male intelligebant, ideo Christum sæpe de violatione sabbati arguerunt. Sed & ipse eis conuenienter respondit, quemadmodum euangelia contestantur. Aduertendum autem quod sabbato Iudæorum, succedit in noua lege dies dominica, non ex præcepto, sed institutione ecclesiæ & consuetudine populi Christiani, & idcirco operatio in sabbato non est tam stricte prohibita in noua lege sicut in veteri. Sed quædam nunc conceduntur, quæ tunc erant illicita, sicut decoctio cibi, aliaque huiusmodi: facilius etiam modo dispensatur cum obseruantia sabbati quàm tunc, quoniam obseruantia sabbati non est iam figuræ, lis vt tunc.

5 ¶ Porro post præcepta primæ tabulæ ad deum spectantia statim subiungitur mandatum de honoratione parètum. Nā præcepta ordinantur ad charitatem dei & proximi. Inter proximos autem maximè obligamur amare parètes, qui sunt particulare principium nostri esse, sicut deus est vniuersale principium. In hoc autem præcepto mandatur secundario quicquid pertinet ad reddendum debitum cuiusque personæ, huic quoque præcepto, videlicet parentes honorantibus promittitur diuturnitas vitæ, & hoc propter congruentiam, qui enim beneficiis gratus est, meretur beneficij conseruationem cum ergo à parentibus esse habeamus, dum eos veneramur & grati sumus, longævam ipsius esse conseruationem mere-mur. Quoniam tamen præsentia bona vel mala non cadunt sub merito vel demerito, nisi in quantum ordinantur ad remunerationem futuram. Idcirco quandoque secundum occulta dei iudicia quæ venturam retributionem concernunt, præsertim aliqui parentibus pijs cito vita priuantur, quidam autem parentibus impijs diuturnius viuunt.

6 ¶ Amplius autem post prædictum præceptum, in quo iubetur reddi parentibus debitum, quod ad partem iustitiæ pertinet scilicet ad pietatem, in quo omne debitum includitur, quod aliquibus ex speciali ratione debetur, consequenter & conuenienter ponuntur alia sex præcepta pertinentia ad ipsam iustitiā proprie dictā, quæ indifferenter omnibus debitū reddit. Et dantur ista præcepta negatiue, ne videlicet proximi nocu

menta inferantur, vt pote homicidium, in quo intelliguntur omnia nocumenta quæ inferuntur in personam proximi; adulterium in quo intelliguntur nocumenta quæ inferuntur in personam cõiunctam per modum libidinis: furtum, in quo intelliguntur nocumenta quæ ad damna rerum pertinent. Et falsum testimonium, in quo includuntur damna locutionũ, vñ delictet detractiones blasphemix. Prohibetur etiam concupiscentia rei alienæ, id est consensus voluntatis in delectatione vel opus, non autem primi motus sensualitatis. Concupiscentia namque est duplex. Vna quæ est actus voluntatis, de qua sapiens ait: Concupiscentia sapietix deducit ad regnum perpetuum. Alia est concupiscentia sensualitatis, de qua scriptura sapius loquitur.

**E**trum fortitudo sit uirtus 2. An sit uirtus specialis 3.  
De materia eius 4. An sit solum circa timorem mor-  
tis 5. An rebus bellicis 6. Vtrum sustinere sit actus  
eius præcipuus. Articulus 184.

**E**xpeditis his quæ ad iustitiæ contemplationem pertinere videntur, nunc de secunda virtute cardinali scilicet fortitudine, fari oportet. Est enim fortitudo virtus, quia habentem perficit & eius bonum constituit, bonum namque hominis (secundum Dionysium) est esse secundum rationem. Ratio verò tripliciter perfici potest, videlicet secundum seipsam, & hoc est per virtutes intellectuales. Secundo per hoc quod rectitudo rationis in rebus humanis instituitur, quod per iustitiam agitur. Tertio secundum quod huius rectitudinis impedimēta tolluntur, voluntas autem dupliciter impeditur ne rationis rectitudinem assequatur. Primo per hoc, quod aliquid delectabile attrahit & illicit eam, quod temperantia tollit, quæ delectationes sensuales coerces. Secundo in quantum aliquid difficile eam deterret, & hoc impedimentum auferre ad fortitudinē spectat. Ideoq; est virtus 2. **E**Deniq; fortitudo dupliciter sumitur. Primo pro quadā firmitate animæ, & sic virtus generalis, vel potius cuiuslibet virtutis conditio. Nam ad virtutem pertinet firmiter & immobilititer operari. Secundo accipitur pro firmitate animi in sustinendis & repellendis his, in quibus firmitatem seruare difficilimū est, & sic est virtus specialis. Vnde Tullius in sua Rhe

torica dicit. Fortitudo est considerata periculorum susceptio ac laborum perpessio. Sæpe quoque nomen virtutis pro nomine fortitudinis sumitur.

3 ¶ At verò materia circa quam est fortitudo, est passio timoris, quam fortitudo cohibet, ne voluntas à censura rationis recedat, & audacia, quam fortitudo moderatur ne se homo periculis inconsiderate exponat. Fortitudo nanq; impedimenta rationis, secúdm quod prædictum est, aufert, & sic est circa timorem qui retrahit, & etiam fortitudo actum agredi viriliter debet, & quo ad hoc moderatur audaciam. Quod autem Gregorius ait: Fortitudo iustorum est, carnem vincere, delectationibus contraire, delectationes vitæ præsentis extinguere, dictum est de fortitudine quæ est virtus generalis.

4 ¶ Et quoniam timor mortis & periculorum, quæ sunt circa mortem, maximus est, & hominem à sequela rationis summe impediens, ideo fortitudo est circa timores mortis ne homo propter eos à virtuosis actibus abstrahatur, sed propter bonum virtutis semper imperterritus stet, & qui talis est fortis vocatur, non autem qui circa minora pericula còstans est. Alij enim timores malorum moderantur per illas virtutes, quæ ordinant amorem contrariorum bonorum, quoniam timor ex amore causatur, quemadmodum liberalitas, quæ moderatur amorem pecuniæ, ex consequenti moderatur timorem amittendi eandem.

5 ¶ Præterea, quoniam fortitudo est circa pericula mortis ob iustam causam non metuenda, ideo proprie est circa pericula mortis in bellicis rebus. Nam pericula talia imminēt homini propter aliquod bonum, videlicet quia defendit bonum commune. Pericula autem mortis ex ægritudine vel fluctibus maris, seu occurso latronum, non videntur directè incumbere ex hoc quod aliquis bonum prosequitur. Bellum demum iustum est duplex. Vnum generale, vt est pugna certatium in acie. Aliud particulare, sicut cum iudex aut persona priuata non desistit à rectò iudicio timore gladij vel cuiuscunque periculi, quanuis mortifert. Fortitudo igitur contra vtraque pericula animum roborat, & sic fortis bene se habet, non solum circa pericula mortis in bello, sed etiam cuiuscunque alterius mortis, secundum quod homo propter virtutem illam non refugit. Puta cum aliquis non cessat infirmanti amico ser

## D. DIONYSII CARTHUSIANI

uire ob infectionem pestilentialem, vel cum non desistit ab aliquo opere pio prosequendo propter mortis periculum.

6 ¶ Porro fortitudinis est timores reperimere, & audaciam moderari, sed timorem reprimere difficilius est. Cum ergo sustinere sequatur ad repressionē timoris, aggredi verò ad moderamen audaciæ, constat quod principalis actus fortitudinis est sustinere, & ipsa fortitudo præcipue versatur circa reprimendum timorem. Vnde philoso. dicit, quod tristitia sustinendo maximè fortes dicuntur. Itaque sustinere est difficilius quàm aggredi. Dicit enim philo. 3. Ethicorum. Quidam sunt præuolantes ante pericula, sed in ipsis deficiūt, fortes autem contrario modo se habent.

¶ *Vtrum fortitudo agat propter proprium bonum 2. An habeat delectationem in suo actu 3. An consistat maxime in repentinis 4. An utatur ira 5. An sit uirtus cardinalis 6. De comparatione eius ad alias uirtutes. Art. 185.*

**F**inis insuper agētis est duplex, uidelicet proximus, qui est propriam similitudinē in alterum (scilicet passum) inducere, ut finis ignis calefacientis est calorem patienti imprimere. Alius est finis agentis ultimus, ut pote bonum intentum consequens ex proximo fine, sic ergo proximus finis fortitudinis est, ut sui habitus similitudinem exprimat in actu, quia intendit agere se cundum conuenientiam sui habitus, finis verò remotus seu ultimus est beatitudo seu Deus.

2 ¶ Deniq; delectatio duplex est, scilicet corporalis & animalis, quæ animæ apprehensionem consequitur, fortis ergo in suo actu, ex vna parte habet unde delectetur, ut pote in ipsa operatione virtuosa, & in cōsideratione finis sui actus. Sed ex alia parte habet unde cōtristetur, quoniam actus eius præcipuus est sustinere aduersa & tristitia atq; pœnalialia, & in quantum considerat suæ vitæ terminum, quam naturaliter diligit, sibi instare, & sic dolet corporaliter & animaliter. Dolor autem sensibilis facit delectationem animale non sentiri, nisi gratia dei abundans animam ad diuina eleuet in quibus delectetur, & ergo Philosophus ait, qđ a forti non requiritur ut delectetur, quasi delectationem sentiens, sed sufficit ut non tristetur. Opera quippe virtutum quandoque ex sua natura sunt

tristitia, sed delectabilia semper sunt, præcipue propter finem quemadmodum septimo. Ethicorum habetur.

3 ¶ Sciendum quoque quod fortitudo præsertim cōsistit in repentinis periculis occurrentibus, quantum ad manifestationem habitus. Nam viriliter resistere aduersis improiise occurrentibus, signum est virtuosi habitus in anima radicati, sed quantum ad electionem, quæ est in operatione fortis, sic fortitudo non est potissime circa repentina, eligit nanque fortis præmeditari pericula, quatenus eis consultius obuiet, quia secundum Gregorium iacula quæ præuidentur, minus feriunt.

4 ¶ Præterea aduertendum, quod de passionibus animæ Stoici & Peripatetici diuersimode sunt locuti. Stoici enim dicebant eos ab animo sapientis omnino esse excludendas, Peripatetici autem, quorum Aristoteles princeps est, passiones dicebant à virtuosis esse assumendas, sed ratione moderatas, & forte quantum ad rem non differebant, sed solum in modo loquendi. Peripatetici nanque omnes motus appetitus sensitiui qualitercunque se habentes, passiones animæ appellabant, & ergo asseriebant eas debere assumi ad actus virtutū, prout per imperium rationis moderantur: sicque iram assumit fortis in actu suo, qui est aggredi dura, quia instrumentaliter adiuuatur per eam. Nam ira insilit in aduersa. Stoici verò vocabant passiones quosdam immoderatos motus seu affectus appetitus sensitiui. Ideoque nominabant eas morbos seu ægitudines animæ, & ob hoc dixerunt eas pœnitus virtuoso vitandas. Vnde Seneca stoicorum seqtator in libro de ira, contradicit Aristoteli: Quid (inquiens) stultius est quàm ab iracundia petere præsidium? Nam ad omnia, non solum prouidenda, sed etiam facienda per se sufficit ratio. Nec debet à re incerta & infideli ac ægra, videlicet ira, opem requirere.

5 ¶ Præterea virtutes illæ cardinales seu principales dicuntur: quæ sibi præcipue vendicant quod communiter pertinet ad omnes virtutes: sed firmiter agere est omnium virtutum quædam communis conditio: & hæc ad fortitudinem maxime pertinet: quia durissimis inconcusse resistit, & idcirco est virtus cardinalis.

6 ¶ Considerandum etiam, quod tanto virtus moralis est dignior, quanto ad bonitatem hominis amplius confert ac pertinet. Bonum verò hominis est esse secundum rationem.

## D. DIONYSII CARTHUSIANI

Ideoque prudentia est præstantissima virtutum moralium, quia ipsa hoc bonum rationale essentialiter continet, cum sit rationis perfectio. Iustitia autem est huius boni operatiua, quia ordinem rationis secundum dictamen prudentiæ in rebus constituit. Aliæ autem virtutes conferuant hoc bonum moderando passiones ne rationem impendant, & inter has fortitudo est maxima, cum sit circa timores mortis, qui rationem à rectitudine vehementissime abducere solent. Nam cū rationem impendant, bonum delectans, & malum affligēs, grauius, impellit dolor corporis quàm voluptas, quia secundum Augustinum. Nemo est qui non magis fugiat dolorem quàm appetat voluptatem, vnde post fortitudinem temperantia cæteris dignior est, quoniam voluptates gustus & tactus, animā vehementer impellunt à virtute recedere.

¶ De martyrio 2. Cuius virtutis sit actus 3. De perfectione martyrij 4. De poena eius 5. De causa quoque ipsius. Articulus 186.

**M**artyrium deniq; est actus virtutis, nam virtutis est vt per eam homo in bono rationis conseruetur, bonum verò rationis in virtute consistit tanquam in obiecto, & in iustitia sicut in effectu. Cū ergo ad martyrij rationem pertineat, tempore persecutionis in veritate atq; iustitia insuperabiliter perseuerare, patet quod martyrium sit actus virtutis. De innocentibus autem pro Christo occisis quidam dixerunt, quod in ipsis vsus rationis miraculo se acceleratus est. Sed quoniam hoc auctoritate scripturarum confirmari non potest, melius dicitur quod martyrij gloriam quàm alij voluntate propria affecuti sunt, isti per Dei gratiam sunt adepti. Nam effusio sanguinis propter Christum vicē gerit baptismi, vnde quemadmodum pueris baptismi meritum Christi operatur ad gloriam per gratiam baptismi alem, sic in occisis propter Christum meritum martyrij Christi operatur ad palmam martyrij obtinendam.

¶ Actus autem martyrij, sicut & alij quidam actus virtutum, esse prebet in homine secundum præparationem animi, sed nō debet aliquis alteri occasionem præbere male agendi.

2 ¶ Porro martyrium actus est fortitudinis, quæ hominem circapericula mortis impavidum efficit, quod in martyribus

excellētissime prorsus emicuit, qui pro Christo, pro fide, pro iustitia, vsque ad mortem pugnauerunt quodā particulari bello, quoniam aduersariis fortissime spiritualiter resisterunt, & fortes facti sunt in bello per fortitudinem gratuitam, non autem naturalem siue civilem.

3 ¶ Deniq; de actu virtutis dupliciter loqui cōtingit. Primo secundum speciem actus, prout comparatur ad virtutem actum immediate elicentem, & sic martyrium non est perfectissimum inter actus virtutum, quoniam mortem sustinere non est laudabile secundum se, sed in quantum ad aliquid bonum ordinatur, videlicet ad dilectionem aut fidem, cuius virtutis seu boni, actus est melior, quia est finis. Secundo consideratur actus in ordine ad principium motuum, scilicet charitatem, quæ imperat actum, & ita martyrium est omnium virtuosorum actuum perfectissimum, quia charitatem maximè demonstrat, & perfectionem charitatis summe ostendit, per hoc quod homo ex diuino amore propriam vitam contemnit, & mortem spontanee eligit. Cadit autem martyrium sub præcepto non simpliciter, sed in aliquo casu, vt dictum est. Nullus est enim actus perfectionis sub consilio cadens, quin in aliquo casu cadat sub præcepto secundum Augustinum, quemadmodum maritus ad continentiam obligatur propter absentiam, infirmitatemq; coniugis. Aliqui tamen sanctissimi martyres ex fidei zelo & supernæ charitatis feruore seipsos sponte ad martyrium obtulerunt, itaq; martyrium secundum se perfectius est quàm obedientia absolute accepta, quia per martyrium est homo vsque ad mortem obediens.

4 ¶ Porro ad perfectam rationem martyrij requiritur mortis perpersio propter Christum. Martyr enim græce, latine testis vocatur, vnde ad martyrem attinet fidei Christianæ perfectum testimonium exhibere, est autem fides quod propter inuisibilia sint cuncta præsentia & visibilia contemnenda, sed quamdiu homini propria vita corporalis permanet, nondum opere manifestat se omnia visibilia spernere.

¶ Interdū tamen martyrium improprie & similitudinariæ sumitur pro quacunq; magna afflictione, in anima vel in corpore patienter suscepta.

5 ¶ Causa autem martyrij est veritas fidei, ad quam non solum exigitur mentis credulitas, sed exterior contestatio, siue per verba siue per opera sancta, quæ fidei existunt iudicia, &



secundum hoc omnia virtutum opera in deū relata, sunt quædam protestationes fidei, possuntque esse causa martyrij. Unde multorum celebrantur martyria, qui non immediate propter fidei confessionem, sed propter iustitiā, quæ ex fide procedit, mortem perpepsi sunt. Et quoniam omne mendacium est peccatum: ideo vitatio mendacij, contra quancumque sit veritatem, potest esse martyrij causa in quantum videlicet mendacium est peccatum diuinæ legi contrarium, bonum quoque humanam, secundum quod refertur ad deum, martyrij causa consistere potest.

**¶** An timor sit peccatum 2. An contrarietur fortitudini  
3. An sit peccatum mortale 4. An sit peccati diminutius. Articulus 187.

**B**onum autem hominis est, ut secundum rationis regimen in omnibus gubernetur, ab hoc autem deficit timor, non in quantum est passio, sed in quantum est inordinata fuga alicuius prosequendi vel fugiendi, videlicet contra rationis dictamen, de timore autem & de speciebus eius, & de his quæ ad ipsum pertinent, in præcedentibus satis prædictum est.

2 **¶** Elucescit quoque quod timor, prout est inordinatio appetitus sensitiui aliquid formidantis, sit vitium fortitudini oppositum, & hoc verum est de timore præcipue qui est circa pericula mortis. Sed timor inordinatus communiter sumptus, in omni peccato includitur, sicut amor inordinatus ex quo ipse procedit. Nam quilibet virtuosus amat bonum suæ virtutis: & pariformiter vitiosus timet contrarium eius quod diligit, ut intemperatus amissionem voluptatis, avarus perditionem pecunie. Quemadmodum autem spes est principium audaciæ, sic timor est desperationis origo. Amor verò timoris est causa atque principium. Nam nullus timet nisi contrarium eius quod amat.

3 **¶** Denique inordinatio ista timoris, qua homo fugit quod secundum rationem fugiendum non est, quandoque est solum in appetitu sensitiuo, & sic est veniale peccatum, si verò rationis consensus adueniat, tunc est quandoque mortale, & interdum veniale peccatum. Mortale quidem, quando voluntas propter timoris impulsū aliquid omittit, vel agit præcepto seu charitati contrarium. Si autem id non sit ad salutem

necessarium, tunc timor esset veniale peccatum.

4. ¶ Porro ratio dicitur quædam quibuscumque amplius esse fugienda, videlicet mala animæ plus quam damna rerum, & malum corporis scilicet percussione, mortem & vulnera plus quam amissionem diuitiarum. Si ergo aliquis causa vitandi peius malum, incidit minus malum, non peccat, sed timor eum excusat: ut si quis à latronibus captus, promittat dare pecuniam quatenus mortem euadat, Si vero ex timore minoris mali incidat maius malum, non penitus excusatur à culpa: sed tamen aliquantulum excusatur, quia timor minuit rationem voluntarij, sic ergo timor excusat, non in quantum est inordinatus, sed prout est quædam imperfecta coactio.

¶ De intimiditate, quod fit peccatum. 2. Quod fortitudini contrarietur. 3. De audacia, quod fit vitium. 4. Quod fortitudini opponatur. Articulus. 188.

**T**imor itaque ex amore causatur, & ergo de utroque est idem iudicium. Nunc autem est sermo de timore quo temporalia mala timeantur. Sicut autem homo vitam, & ea quæ ad vitæ sustentationem necessaria sunt naturaliter diligit, sic opposita horum naturaliter metuit. Ideoque de temporalis vitæ & temporalium rerum amissione ne penitus esse impavidum, est contra naturalem inclinationem atque peccatum, siue hoc veniat ex defectu amoris, siue ex elatione cordis, siue ex stoliditate mentis, quæ tamen stoliditas à peccato excusat quando inuincibilis est.

¶ Veruntamen quoniam naturalis inclinatio omnino extinguere non potest, ideo à prædicto amore vitæ ac temporalium rerum nullus totaliter cadit. Vnde Apostolus ait: Nemo unquam carnem suam odio habuit. Imo & qui seipsos occidunt ex quodam suæ carnis amore hoc faciunt, quo se à præsentis angustia liberari desiderant, aliqui vero ex animi sui elatione impavidi sunt. Nam ex præsumptione sui cordis æstimant nihil contrarium ipsis posse contingere.

2. ¶ Ut vero quoniam ad fortitudinem spectat timorem atque audaciā moderari, ideo intimiditas directe contrariatur virtuti fortitudinis secundum defectum timoris, quemadmodum timiditas propter excessum timoris. Nam ad fortitudinem, pertinet timor moderatus, videlicet ut homo timeat, quæ oportet,

quando oportet, & quare oportet, &c. quia non qualitercūq; fortis aggreditur vel sustinet, sed iuxta rationis censuram.

3. ¶ Intusper passiones ordinantur quandoque ratione, interdum autem carent rationis iudicio, & sic sunt vitiosæ. Nomina quoq; passionum quandoq; sumuntur à superabundantia, sicut ira dicitur superabūdans commotio & ira audacia ab excessu spei accipitur estq; peccatum. Quandoq; tamen sumitur pro motu rationi subiecto, & sic sonat in bonum. Sciendum quoq;, quod ex quo quædam virtutes & vitia proprijs carent nominibus: ideo loco earum nominibus utimur passionum, & præsertim passiones quarum obiectum est malum, accipi solent pro vitijs, sicut de ira, inuidia, timore atq; audacia patet. Passiones autem quarum obiectum est aliquod bonum, ad designandum virtutes accipi consueverunt quemadmodum de amore & spe constat.

4. ¶ Opponitur autem audacia fortitudini, quoniam immoderationem quandam importat circa materiam fortitudinis, videlicet circa audaciam, quæ secundum quod est passio, per fortitudinem ordinatur.

¶ De partibus fortitudinis. 2. Vtrum magnanimitas sit circa honores. 3. An sit solum circa magnos honores. 4. An sit uirtus specialis.  
 Articulus. 189.

**F**Requenter declaratum iam est, quemadmodum triplices partes assignari possint quibusdam virtutibus, utpote subiectiuæ integrales, & potentiales. Fortitudo autem partes subiectiuas, id est, virtutes specie differentes non habet, propter specialitatem sui obiecti, sed habet integrales, secundum ea quæ ad actum fortitudinis requiruntur, & potentiales, quæ conuenientiâ cum fortitudine coniunguntur. Est autem duplex fortitudinis actus, videlicet aggredi & sustinere, ad aggressionem verò duo concurrunt, scilicet præparatio animi prompta, & quo ad hoc Tullius ponit fiduciam esse fortitudinis partem, & efficax ac indeficiens executio, & quantum ad hoc magnificentia est pars fortitudinis secundum Tullium: Itaq; si fiducia & magnificentia coarcentur ad obiectum fortitudinis, scilicet ad pericula mortis, erunt partes integrales fortitudinis: sed referendo ad alias materias mi-

nus difficiles, sic sunt virtutes ab ea distinctæ, annexæque ei tanquã principaliori virtuti. Rursus, ad alium fortitudinis actû, qui est sustinere, duo concurrunt. Primo ne animus frangatur, aut per tristitiã à sua magnitudine decidat propter imminentiũ magnitudinem periculorũ, & sic ponitur patientia. Secundo ne ex diuturna aduersorũ perpeffione animus fatigetur aut cesset, & quo ad hoc ponit Tullius perseverantiam Itaq; si hæc duo coarcentur ad materiã fortitudinis, sunt partes ipsi? integrales, si verò referantur ad quodcumq; difficile, sic sunt virtutes ab ea distinctæ specificæ, & adiunguntur ei sicut principali. Sic ergo (secundũ Tulliũ) quatuor ista: Magnificencia, patientia, fiducia, & perseverencia, sunt fortitudinis partes seu modi. Macrobius autem ponit septem, nam addit magnanimitatem & securitatem, quas Tullius sub fiducia compræhendit, & constantiam, quam Tullius sub magnificencia innuit, securitas verò timorem excludit. Andronicus quoque peripateticus ponit septem species fortitudinis, quas alijs nominibus partim appellat.

2. ¶ Denique magnanimitas, vt ex nomine eius apparet, importat animi extensionem ad magna, virtus autem comparatur ad duo, videlicet ad obiectum & actum, tamen principaliter refertur ad actum, quoniam habitus præcipue determinantur per proprios actus, vnde proprie magnanimus dicitur quia animũ habet ad magnum actũ. Actus verò dicitur, magnus dupliciter, videlicet secundum proportionem, & sic dicitur actus magnus quauis consistat in vsu rei mediocris aut paræ, si homo re illa virtuose vtatur. Alio modo dicitur actus magnus absolute, vtpote consistens in optimo vsu maximæ rei, res autem quæ in vsum hominis veniunt, sunt res exteriores, in quibus honor est maximus, quia Deo & optimis exhibetur: & sic magnanimus dicitur qui est circa magna absolute atq; simpliciter, vnde magnanimitas est circa honores, honor autem habet rationem magni & ardui, & sic est magnanimitatis materia, quæ in vii rasibili ponitur. Nihilominus cum magnanimitas sit virtus moralis nec pars iustitiæ, ideo proximum eius obiectum est passio, scilicet spes, quæ tendit in arduum bonum mediatum verò obiectum est honor, qui est spei obiectum. Magnanimitas demum est circa honorem, non quod homo virtuosus humanum honorem multum optet aut repute, imo eum contemnere po-

## D. DIONYSII CARTHUSIANI

test, sic tamē vt propter contēptū eius nil inēōueniens agat, sed magnanimus studet ea quæ honore sunt digna, efficere.

4. ¶ At verò sicut circa appetitum pecuniæ sunt duæ virtutes, videlicet liberalitas, quæ est circa mediocres & moderatas pecunias, & magnificentia, quæ est circa magnas pecunias. Sic circa appetitum honoris sunt duæ virtutes, quarum vna est circa mediocres honores, & ista proprio nomine caret. Alia autem est circa magnos honores, & ista magnanimitas dicitur, vnde de proprie magnanimitatis materia est magnus honor, & ad hoc magnanimus tendit quatenus ea faciat, quæ sunt magno digna honore. Res enim exteriores quauis sint parua, tamen sunt multum appetibiles tanquam ad vitæ sustentationem necessariæ, & idcirco circa illas sunt duæ virtutes, non autem circa ipsas passiones, quia in eis non est difficultatis magnitudo, nisi propter impetuosum earum impulsu. Vnde quarto capitulo de diuini. no. Dionysius asserit, quod passiones aduersus rationem compugnant. Attendit verò magnanimus magnos honores sicut quibus est dignus, sed quoniam virtus ab homine sufficienter honorari non potest, quippe cui à Deo honor debetur, ideo non extollitur ex magnis honoribus nec reputat eos supra se, sed eos tanquam infra se spernit, nec honorationibus frangitur, & ergo

4. Ethicorū habet, q̄ magnanim⁹ maximis seipsū dignificat.

4. ¶ Porro ad rationem virtutis humanæ spectat, vt in rebus humanis bonum rationis seruetur, hoc autem magnanimitas facit, & ergo est virtus: Nam magnanimus tendit ad maxima sicut oportet secundum rationis mensuram. Quod autem virtutes dicuntur connexæ, non est intelligēdum secundum actus virtutū, sed secundū earū principia, quæ sunt gratia atq; prudentia. Sunt enim connexæ secundū habitus simul in anima existentes in actu, vel certe in dispositiōe propinqua.

¶ Aduertendum quoq; , quod corporales motus variantur secundum variā apprehensionem affectionemq; animæ. Vnde philo. 4. Ethicorum ait, quod magnanimorum est motus lentus, vox grauis, & locutio stabilis. Velocitas namq; motus contingit ex eo quod homo ad multa intendit, & illa explere festinat: cū ergo magnanimus ad maxima tēdat, quæ pauca, & attentione præcipua indigent: ideo tardum motum habet. Sed & acuitas velocitāsque sermonis his conuenit quī de omnibus cito contendunt. Magnanimus autem non nisi de ma-

gnis se intromittit. Iste quoque conditiones seu proprietates conueniunt his, qui naturaliter ad magnanimitatem dispositi sunt. Sciendum denique quod magnanimitas nequaquā humilitati opponitur, inuenitur enim in homine aliquid magnum ex dono diuino, & secundum hoc magnanimus se magnis dignificat. Nam si magnam animi virtutem à deo sortitur, ad perfecta opera virtutis procedit: est etiam in homine quidam defectus ex infirmitate naturæ proueniens, & secundum hanc considerationem magnanimus humilis est. Dicit autem philo. quod magnanimus alios spernit, quod intelligendum est secundum imperfectionem, quæ à virtute deficiunt. Non enim alios tantum appreciatur, ut pro eis indecens aliquid operari dignetur, unde de viro iusto scriptura testatur: Ad nihilum deductus est in conspectu eius malignus, sed magnanimus alios veneratur in quantum dona dei in ipsis intueretur, propter quod scriptura subiungit, Timētes autem dominum glorificat. Rursus ait philoso. quod proprietates magnanimi sunt, non esse memorem beneficii præstiti, esse ociosum & tardum, uti ironia ad multos, alijs non posse conuiuere, & quod magis possidet infructuosa quam fructuosa. Hæ autem proprietates secundum quod magnanimo compētunt non sunt vituperabiles, sed superexcedenter laudabiles. Nam quod magnanimus dicitur beneficii immemor, intelligendum est quod vult maiora recompensare, quia in omni actu virtutum vult superexcellere. Similiter ociosus & tardus vocatur, quoniam de paruis & ad se non pertinentibus neque decentibus non se intromittit, sed solum de magnis. Similiter ironia vitur non aliquid false proferendo sed totam suam magnitudinem non demonstrando, præsertim inferioribus turbis: quod etiam alijs perhibetur: non posse conuiuere, optimum signum est, si bene intelligatur, nā familiariter viuere nequit nisi ad amicos, quia adulationem & simulationem penitus spernit & vitat, quoniam cor nobile habet. Nihilominus omnibus conuiuit congruenter ut oportet & digni sunt, quod autē dicitur quærere infructuosa, ideo dicitur, quoniam non quærīt nisi bona honesta, quæ per se bona sunt, quanuis vtilitatem nullam inducant.

5. ¶ Insuper magnanimitas est virtus specialis, habet enim speciale obiectum sicut ostensum est, scilicet honorem, sed quoniam honor est omnium virtutum præmium, ideo ex

## D. DIONYSII CARTHUSIANI

consequenti magnanimitas omnes virtutes concernit, quoniam magnanimus in quacunque virtute magna operari festinat, quia verò magnanimus ad excellentiam respicit, ideo secundum philosophum. conuenit ei quod est benefaciuius & communicatiuius, plurimumque retributiuius, nec declinans à veritate atque iustitia propter timorem, nec est planctiuius neque commonentem se fugiens.

¶ *Vtrum magnanimitas sit pars fortitudinis. 2. De comparatione ipsius ad fiduciam. 3. De comparatione eius ad securitatem. 4. De comparatione magnanimitatis ad alia bona fortunæ. Articuli. 190.*

**E**ST autem magnanimitas (secundum Macrobiū & Andronicum) pars fortitudinis, quia adiungitur ei sicut principali virtuti, conuenit enim cum ea in quantum animum roborat circa aliquid arduum, sed deficit ab ea quoniam facilius est seruare medium in obiecto suo quàm in obiecto fortitudinis, quæ est circa pericula mortis, quandoque tamen accipiuntur pro eodem hæc duo. Vnde Seneca dicit: Si magnanimitas, quæ est fortitudo, insit animo tuo cum magna fiducia viues.

2. ¶ Denique nomen fiduciæ à fide imponitur, ad fidem verò pertinet aliquid alicui credere, vnde fiducia importat robur spei, proueniens ex aliqua consideratione circa alium vel seipsum, quæ vehementem opinionem inducit de aliquo bono consequendo. Cum ergo magnanimitas sit circa spem ardui boni, elucescit, quia fiducia ad magnanimitatem pertineat. Nam fiducia motum spei designat, est enim spes roborata ex quadam firma opinione, & sic fiducia propriè non nominat habitum virtutis, sed conditionem ipsius, & est pars fortitudinis integralis, quia ad actum eius requiritur, non autem est virtus, adiuncta, nisi pro magnanimitate sumatur, quemadmodum Tullius accipit eam.

3. ¶ Præterea, timor facit homines consiliatiuos, in quantum, videlicet, curam habent quomodo ea quæ timent euadere queant. Securitas verò dicitur per remotionem curæ, quam ingerit timor: timor autem est materia propria fortitudinis. Ideoque securitas ad fortitudinem pertinet, quemadmodum autem spes est causa audaciæ, sic timor desperationis est cau-



sa, sicut ergo fiducia in quantum audacia vititur, consequenter ad fortitudinem spectat, quanuis immediate ad magnanimitatem pertineat: sic securitas secundum quod desperationem repellit, ex consequenti magnanimitatem concernit, securitas itaque est quædam conditio fortitudinis, estq; quoddam præmium imperfectum virtutis.

¶ At verò bona fortunæ ad actum fortitudinis organice (id est instrumentaliter) conferunt ac deseruiunt. Nam per diuitias, potentiam, & amicos, præstatur nobis facultas agendi. Magnanimus tamen bona fortunæ parum appreciatur, & idcirco de eorum amissione non multum tristatur, propter quod Tullius primo de officijs ait: Ad magnum animum attiner, ea quæ videntur acerba ita ferre, vnihil à statu naturæ discedat, nihil à dignitate sapientia.

¶ De præsumptione. 2. Cui uirtuti opponatur. 3. De ambitione. 4. Cui uirtuti contrarietur. Articulus 191.

**D**Eniq; quæ secundum naturam fiunt, diuina ratione ordinata consistunt. Debet autem ratio humana imitari diuinam. Ideoq; quicquid in ratione humana contingit contrarium naturali ordini rerum, peccatum est. Videmus autem in naturalibus quod nihil ad ea conatur, quæ propriæ virtutis proportionem excedunt: cum ergo præsumptio sit, quod aliquis ea sibi assumit quæ suam virtutem excedunt. Paret quod ipsa peccatum sit. Vnde si homo, qui adhuc imperfectam virtutem habet, ea assequi statim conetur, quæ ad perfectæ virtutis statum pertinent, præsumptuosus efficitur, quauis verò nil boni sine Dei subsidio valeamus, tamen non omnia bona nostram potestatem transcendunt, quia quod per amicos seu alios possumus, aliquo modo per nos possumus, ut dicitur 3. Ethicorum.

2. ¶ Præterea, virtus magnanimitatis consistit in medio non ex parte obiecti, cum tendat in maximum, sed secundum proportionem subiecti, qui in aliquid tendit secundum propriæ facultatis mensuram, cum ergo præsumptuosus hanc commensurationem suę potestatis supergrediatur, claret, quod præsumptio contrarietur magnanimitati secundum excessum huius proportionis, non autem obiecti, quia frequenter tendit in minora quam magnanimitas. Præsumptio quoq; charitati, seu

## D. DIONYSII CARTHUSIANI

dono timoris opponitur, inquantum est peccatum in spiritum sanctum. Dicit autem Seneca. li. de quatuor virtutibus, quod dum magnanimitas suum modum excedit efficit hominem minorem, inflatum, turbidum, inquietum, & in quasunque verborum factorumque excellentias, neglecta honestate, festinum.

3. ¶ Porro honor importat reuerentiam alicui impensam in testimonium excellentiæ eius. Circa excellentiam vero hominis duo pensanda sunt. Primo, quod non est ab homine sed à deo, & ergo non homini excellenti sed Deo principaliter honor deberur. Secundo pensandum, quod donum excellens, homini ad hoc à Deo præstatur, quatenus homo per illud alijs profit. Ideoque in tantum placere debet homini testimonium excellentiæ suæ, seu honor impensus inquantum sibi per hoc paratur via ad aliorum profectum, vnde honoris appetitus tripliciter fit inordinatus. Primo dum homo cupit testimonium de excellentia quam non habet. Secundo cum honorem exhibitum vel optatum non refert ad Deum. Tertio si non ordinet ipsum ad proximorum utilitatem. Cum ergo ambitio importet inordinatum honoris affectum, clarum est quod sit peccatum.

4. ¶ Et quemadmodum præsumptio magnanimitati opponitur secundum excessum proportionis humanæ virtutis: sic ambitio eidem opponitur secundum excessum ratione materiæ seu obiecti, quod est honor, quem magnanimus ordinate intendit, ambitiosus immoderate. Sciendum verò quod honor dicitur præmium virtutis, non quod virtuosus pro præmio optet honorem, sed beatitudinem, pro tanto autem dicitur præmium virtutis, quoniam alij nil dignius habent quod virtuoso exhibeant quam honorem, & sic non est sufficiens præmium. Dicit autem Tullius primo de officijs, quod sicut quisque magnitudine animi excellit, sic vult solus omnium maxime princeps esse. Vnde cum dignitati prælationis honor debeatur, qui dignitatem huiusmodi cupit propter honorem, est ambitiosus, qui verò eam desiderat non propter honorem, sed propter usum dignitatis idoneum, suam facultatem excedentem, est præsumptuosus.

¶ An appetitus gloriæ sit peccatum. 2. An sit peccatum mortale.  
3. An capitale. 4. De filiabus inanis gloriæ. Articulus 192.

**G**loria autē nomen, claritatē quandam designat, ait enim Tullius in sua Rhetorica, gloria est frequens de aliquo fama cū laude. Cui Ambrosius consonat:

Gloria (inquiens) est clara cū laude notitia. Et Aug. dicit, quod glorificari est clarificari. Claritas autem decorem habet & manifestationem, vnde gloria manifestationem importat alicuius, quod hominibus decorū videtur, siue corporale sit illud, siue spirituale, quoniā verò quod simpliciter clarū est, à remotis atque à multis conspici valet, ideo gloria proprie est manifestatio decoris in plurimorū notitia & approbatione, cōmunius tamē sumitur gloria prout cōsistit in agnitione paucorum vel vnius vel suiipsius, dum quis proprium bonum considerat tanquam laude dignū, propriū verò bonū cognoscere & approbare non est peccatū, cū dicat Apostolus: Nos autē non spiritū huius mundi accepimus, sed spiritū qui ex deo est, vt sciamus quæ à deo donata sunt nobis. Sed neq; peccatū est quod quis velit bona sua ab alijs approbari, cum Christus dicat: Luceat lux vestra corā hominibus. Vnde elucēscit, quod appetitus gloriæ secundum se non nominat aliquid vitiosum, sed vanæ gloriæ appetitus dicit aliquid vitiosum. Est autem gloria vana tripliciter. Primo, ex parte rei de qua quis gloriatur vel gloriam quærit, vtpote cum res talis est caduca & fragilis nec gloria digna. Secundo ex parte eius à quo aliquis gloriam quærit, scilicet hominis cuius iudicium est incertum. Tertio ex parte eius qui gloriam quærit, videlicet qui eam non ordinat ad Dei honorem proximique salutem: Boni etenim viri, per gloriam sibi allatam, student in bonis perseuerare, & propter testimoniū laudis alienæ magis curant proficere, debet nanque homo curam habere de bono nomine, ne alios scandalizet, sed vt eius occasione Deus honoretur, & frater proficiat.

**¶** Porro gloria est effectus honoris & laudis. Nam ex hoc quod aliquis honoratur vel laudatur: clarus in aliorum opinione efficitur. Magnanimitas verò, cum sit circa honorem, ex consequenti est circa gloriam, moderate vtendo vtrisque. Cum igitur vana gloria sit immoderatus gloriæ appetitus palam est, quod magnanimitati directe opponitur. Magnanimi autem animo derogat, vt res modicas tantum apprecietur quod de eis gloriatur. Vnde 4. Ethicorum habetur quod magnanimo honor parum videtur: Repugnat quoque ma-

gnitudini animi, in testimonio laudis humanæ gloriari, cum hoc non sit magnum, & ergo ait Philo. 4. Ethicorum, quod magnanimo cura non est ut lauderetur. Rursus magnanimo animo obuiat contentioni intendere. Non enim homo contentus nisi pro re quam magnam æstimat. Patet itaq; quod licet vanæ gloriæ cupidus, à magnanimo secundum veritatem deficiat, quia in minoribus falsisque gloriatur, tamen opponitur magnanimitati gloria vana secundum æstimationem eius quæ eam desiderat secundum excessum, quoniā gloriam quā cupit magnipendit, atq; ad eam supra suam dignitatem tendit: Vnde Tullius primo de officijs astringit. Cauenda est vanæ gloriæ cupiditas. Eripit enim animi libertatem, pro qua viris magnanimis omnis debet esse intentio. Cui Chrysostomus consono dicens: Inanis gloria occulte ingreditur, & omnia quæ intus sunt, insensibiliter aufert.

2. ¶ Denique inanis gloria non contrariatur charitati proximi, & ex hac parte non est peccatum mortale. Sed charitati dei dupliciter contrariari potest ex parte obiecti, seu rei de qua aliquis gloriatur, ut si gloriatur de eo quod non est, aut bonum temporale in quo gloriatur, deo præponat, vel testimonium hominum, dei testimonio proferat. Secundo ex parte gloriantis, qui intentionem suam finalem figit super gloriam vanam, in ea quiescens & ob ipsam opera virtutum exercens. His ergo modis est inanis gloria peccatum mortale. Si verò gloria sit inanis non tamen charitati, quæ est animæ vita, directe contraria, non est mortalis. Vnde Chrysostomus asserit: Cætera vitia locum habent in seruis diaboli, sed vana gloria locum habet etiam in famulis Christi. Et Augustinus ait: Quas vires nocendi habeat humanæ gloriæ amor, non sentit nisi qui ei bellum indixit: quia & cuiquam est facile laudem non capere dum negatur, difficile tamen est ea non delectari cum offertur. Est autem inanis gloria valde periculosa fit enim homo per eam præsumptuosus, & de se nimis confidens, atque ad maxima mala procliuus.

3. ¶ Amplius aliqui non vanam gloriam sed superbiam asserunt vitium capitale. Sed Gregorius superbiam omnium ponit vitiorum reginam, & inanem gloriam, quæ ab ea causatur immediate, vitium capitale fatetur, & rationabiliter. Superbia nanque est inordinatus excellentiæ appetitus, ex omni autem bono optato aliqua perfectio seu excellentia sequi-

tur. Ideoq; omnium vitiorum fines, in finem superbiæ ordinantur, propter quod generalem causalitatem habet super omnia vitia, nec computanda est inter specialia vitiorum principia, utpote capitalia. Sed vana gloria vitium est capitale. Nam excellentiam homines maxime appetunt, ad quam potissime gloria conferre videtur, cum gloria sit manifestatio bonitatis alicuius, ob bonitatem autem vnumquodque honorabile est atque amabile, unde propter adeptionem vanæ gloriæ multa fiunt peccata, quæ ex ea procedunt secundum rationem causæ finalis. Gloria quoque est finis honoris & laudis. Nam idcirco appetunt homines honorari atque laudari quatenus in aliorum notitia fiant præclari.

4. ¶ Itaque illa vitia sunt filiæ vanæ gloriæ, quæ ordinantur ad eius finem, qui est propriæ excellentiæ manifestatio, quam aliquis dupliciter intendere potest, videlicet directe & indirecte. Directe, vel per verba, & sic est iactantia, vel per facta siue vera & miranda, & sic est uouitatum præsumptio, siue per facta, & sic est hypocrisis. Indirecte verò intendit quis suam excellentiam, ostendendo se alijs non esse minorem, quadrupliciter. Primo quantum ad intellectum, & sic est pertinacia, quæ homo suæ sententiæ nimis innitens, alij credere spernit. Secundo quantum ad voluntatem, & sic est discordia. Tertio quantum ad locutionem, & sic est contentio. Quarto quantum ad factum ut cum homo superioris præceptum exequi despicit, & sic est inobediencia. Hæc ergo prædicta, sunt vanæ gloriæ filiæ secundum Gregorium. Iactantia tamen quantum ad suam causam, quæ est arrogantia, poni solet superbiæ species, sed quo ad finem suum est species vanæ gloriæ.

¶ De pusillanimitate. 2. Cui uirtuti opponatur. Articuli 93.

Sicut autem præsumptio est peccatum, quoniam tendit in aliquid supra proprias vires, sic pusillanimitas est peccatum in quantum homo per eam deficit à proportionem suæ potentiae, recusans in id tendere, quod suæ virtuti commensuratum atque possibile est, & hoc ipsum est contra naturalem rerum inclinationem. Nam unicuique naturalis inclinatio est ad propriam actionem, suæ potestati proportionatam. Dicit autem Philosophus, quod pusillanimitas non est malus, videlicet quoniam proximo nocumens

tum non infert, nisi per accidens, maxime si alijs præsit.

2. ¶ At verò pusillanimitas consideratur tripliciter. Primo secundum se, & sic magnanimitati opponitur, sicut magnum opponitur paruo. Secundo consideratur ex parte originis, quæ est ignorantia propriæ conditionis quantum ad intellectum, vel timor deficiendi in his, quæ erroneè suam facultatem transcendere putat, & quo ad hoc opponitur prudentiæ & fortitudini. Tertio consideratur quantum ad suum effectum, qui est se à magnis retrahere, quibus est dignus. Et aduertendum, quod pusillanimitas secundum propriam speciem est grauius peccatum quàm præsumptio. Nam per eam recedit homo à bonis, quod est pessimum. Præsumptio autem dicitur esse nequissima, ratione superbiæ.

¶ *Vtrum magnificentia sit uirtus. 2. An sit uirtus specialis.*

3. *De obiecto ipsius, & an sit pars fortitudinis. 4. De uitiis sibi oppositis.*      *Articulus 194.*

**V**irtus insuper dicitur per comparisonem ad vltimū in quod potentia potest, cum ergo ad magnificentiam spectet aliquid magni operari, vt nomē eius insinuat, cōstat quia est virtus. Dicit ergo Philosophus, quod oportet artis esse quādam virtutem, puta moralem, per quam inclinetur appetitus ad vtendum ratione artis, hoc autem ad magnificentiam pertinet.

2. ¶ Deniq; magnificentia, ad quam pertinet aliquid magnū facere, specialis est virtus, si facere proprie accipiatur, videlicet pro actione transeunte in exteriorē materiam: opus enim factibile procedit ab arte, in cuius vsu penāri potest specialis ratio bonitatis per quam ipsum opus est magnum, vel in quantitate, vel in preciositate seu dignitate, & quātum ad hoc magnificentia specialis virtus existit. Si verò facere sumatur cōmuniter pro quacunq; actione, siue in ipso agente manente, vt sunt cogitare & velle, vel in exteriorē materiam procedente, vt vri, secari, sic magnificentia non est virtus specialis. Nam ad quamlibet virtutem pertinet aliquid magnum efficere in suo genere. Quoniam autem ad magnum aliquid faciendum requiruntur magni sumptus, ideo (secundū philosophū) magnificentia est circa magnos sumptus, vel circa pecuniam, quibus aliquis vititur pro sumptu faciendo.

3. ¶ Adiungitur quoque magnificentia fortitudini tanquam principali virtuti, nam conuenit secum, quia tendit in aliquid arduum atq; difficile, propter quod est in vi irascibili, sicut & fortitudo. Deficit autem à fortitudine, quia obiectum eius est minus arduum quàm fortitudinis obiectum, in quo sunt pericula mortis. In obiecto verò magnificentiae est tantum dispendium rerum, liberalitas autē differt à magnificentia, quia est circa mediocres sumptus vt dictum est. Vnde subiectum eius est vis concupiscibilis.

4. ¶ Porro paruificentia magnificentiae opponitur, sicut enim magnificus primo & principaliter intendit magnum facere opus, secundario verò magnos sumptus secundum quod illi ad opus suum necessarij sunt: sicut è conuerso paruificus principaliter sumptuum paruitatem intendit in comparatione ad genus operis quod facit, sed ex consequenti intendit paruitatem operis. Quemadmodum autem contingit sumptū deficere à debita proportionem quo ad genus operis intenti: sic cōtingit sumptum esse in nimium per comparationem ad opus intentum. Vnde paruificentiae opponitur vitium secundum excessum, quod latine dici potest consumptio.

¶ Vtrum patientia sit uirtus. 2. An sit maxima uirtutum. 3. An sine gratia possit haberi. 4. An sit pars fortitudinis. 5. An sit idem quod longanimitas. Articulus 193.

**V**irtutes porro morales ordinantur contra passionum impulsus ac impetus, quarum vna est tristitia actum rationis multum impediens, de qua scriptura testatur: Seculi tristitia mortem operatur. Et denuo: Multos occidit tristitia, & non est utilitas in ea. Est ergo aliqua virtus contra hanc passionem pœnalem necessaria, & hæc patientia dicitur. Quandoque tamen patientia ponitur fructus, sed tunc nō sumitur pro habitu sed pro delectatione, quæ cōsistit in actu quo quis præseruatur ne à tristitia absorbeatur.

2. ¶ At verò quoniam virtutes ordinantur ad bonum, ideo virtutes, quæ sunt constitutiue boni digniores sunt illis, quæ impediunt ea quæ à bono abducunt, & sic virtutes theologice, iustitia quoque & prudentia, sunt patientia meliores, & iterum quo aliquid rationem magis à virtute abducit, eo virtus illud auferens est præstantior. Cum ergo pe-



## D. DIONYSII CARTHUSIANI

ricula mortis, & post hæc delectationes gustus & tactus, rationem magis impediunt quàm aliæ aduersitates, idcirco fortitudo & temperantia patientiæ præminent. Dicimur autem in patientia possidere animas nostras, nam possessio importat quietum dominium, hoc autem per patientiâ fit, quoniam ipsa euellit radicata passiones aduersitatum, quibus anima inquietatur. Vnde secundum Iacobum, patientia habet opus perfectum, videlicet in tolerandis aduersis, ex quibus primo procedit tristitia, quam moderatur patientia. Secundo ira. Tertio odium. Quarto nocumentum, quæ omnia euitantur dū in principio patientia adhibetur, propter quod ait Gregorius, quod patientia est omnium virtutum radix & custos, non eas utique directe causando, sed prohibens removendo, id est impedimenta tollendo.

3. ¶ Agnoscendum quoque, quod vera patientia sine gratia haberi non valet, pertinet enim ad patientiam, propter debiti finis amorem tolerare aduersa, quod esse non potest nisi ultimus finis præ omnibus diligatur, quia nemo sponte sustinet quod cruciat, nisi propter amorem eius quod delectat. Dolorem nanque atque tristitiam animus naturaliter horret. Ideoque nunquam eligeret ea pati, nisi propter amorem alterius quod amplius diligit. Amorem verò ultimi finis præferre præsentibus bonis, ex charitate (quæ sine gratia esse nequit) procedit.

4. ¶ Denique patientia est pars potèntialis fortitudinis, quia adiungitur ei sicut virtus secundaria principali, fortitudo nanque est circa maxima aduersa, quæ sunt pericula mortis, & circa timores eorum; Patientia verò est circa reliquas aduersitates, & circa tristitias quas moderatur, fortitudo autem est in irascibili, sed patientia est in concupiscibili, ad quam pertinet, non utique aduersa fugere, sed ea quæ præsentialiter nocent, æquanimiter ferre.

5. ¶ Insuper, longanimitas est per quam homo animum habet tendendi in id, quod in longinquum distat. Vnde longanimitas magis concernit spem, quæ tendit in aliquid absens, quàm audaciam, timorem, vel tristitiam, propter quod magis conuenit cum magnanimitate quàm cum patientia, cum qua tamen conuenit propter duo. Primo quoniam sustinet aliqua mala propter bonum, quod tanto difficilius sustineretur, quanto bonum longinquius expectatur. Nam spes quæ dif-

fertur affligit animam. Secundo, quia hoc ipsum quod est bonum speratum differri, ex se natum est causare tristitiam, & sic circa illud patientia esse potest, quemadmodum circa omnes tristitias. Est autem patientia (secundum Tullium) rerum arduarum, causa honestatis ac utilitatis, voluntaria ac diuturna perpessio.

¶ An perseverantia sit uirtus. 2. An sit pars fortitudinis.

3. Quomodo se habeat ad constantiam. 4. Vtrum indigeat auxilio gratiæ. Articulus 196.

**R**ursus secundum Philosophum virtus est circa bonū difficile, & ideo ubi inuenitur specialis ratio bonitatis seu difficultatis, illic requiritur virtus specialis. Opus autem virtutis difficultatem ac bonitatem sortitur, tam ex specie proprii actus, qui est circa difficile, quam ex diuturnitate temporis. Nam operi difficili diu insistere speciale obinet difficultatem. Vnde usque ad finem actui bono intendere ad speciale spectat virtutem, & hæc perseverantia appellatur. Sciendum tamen quod immobiliter in actu virtutis persistere, ad quamlibet virtutem pertinet secundum comparationem habitus ad obiectum, inquantum virtus est qualitas difficulter mobilis: sed immobiliter & diu seu usque finem in bono persistere ex intentione finis, ad perseverantiam proprie pertinet.

¶ Adiungitur autem perseverantia fortitudini sicut virtus secundaria virtuti principali, nam convenit secum in eo quod est firmiter in difficilibus perdurare, sed deficit quoniam non est circa tam difficilia ut fortitudo, quæ est circa pericula mortis: & est perseverantia in irascibili sicut & fortitudo, moderatur quoque aliquas passiones, videlicet timorem fatigue seu defectus propter diuturnitatem temporis. Interdum tamen perseverantia sumitur pro quadam firmitate rationis ac voluntatis.

¶ Porro constantia ad eundem finem ordinatur cum perseverantia, sed constantia facit firmiter stare animum contra exteriora impedimenta, perseverantia verò persistere facit animum contra difficultatem, quæ provenit ex diuturnitate ipsius actus. Vnde constantia non est idem quod perseverantia, sed aliud atque inferius ea.

4. ¶ Denique perseverantia sumitur interdum pro ipso habitu virtuoso, & sic indiget dono gratiæ habitualis, quemadmodum virtutes infusæ: quandoque autem accipitur pro actu perseverantiæ consummato, videlicet vsque ad mortem durante, & sic indiget non solum gratia habituali, sed insuper gratuito dono dei, animum in bono vsque ad finem conservante. Opponitur autem perseverantiæ mollities, quæ de facili à bono virtutis recedere facit propter tristitias aut voluptates, quæ mollities quandoq; ex consuetudine oritur, quandoque verò ex naturalis cõplexionis fragilitate. Vnde cõparatur complexionis fœminæ. Pertinacia quoq; secundum excessum proprii sensus perseverantiæ contrariatur. Perseverantia nanq; inhæret propriæ sententiæ sicut oportet. Mollis minus quàm decet. Pertinax magis quàm expedit, & sic perseverantia est virtus media inter prædicta vitia.

¶ An fortitudo sit donum. 2. Quid ei in beatitudinibus & fructibus correspondeat. 3. De præceptis fortitudinis. 4. De præceptis partium eius. Articulus 197.

**F**ortitudo quoque donum spiritus sancti existit. Moveretur enim animus hominis à spū sancto, ad hoc quod perveniat ad finem cuiuslibet operis inchoati, atque cuncta euadat pericula, quod utique naturalem virtutē excedit. Præsertim cum homo in ipsa morte à malis vinci & opprimi possit, sed hoc spiritus sanctus agit in homine, perducens eum ad vitam æternam, quæ est ultimus finis, huiusque rei infundit cordi quandam fiduciam contrarium timorem tollentem, & quo ad hoc fortitudo est donum. Et differt à fortitudine quæ ponitur virtus, nam illa animum perficit ad quæcunque pericula sustinenda, sed dare non sufficit fiduciam euadendi quæcunque pericula. Propter quod donum fortitudinis ponitur, cuius actus in patria est, perfrui plena securitate à malis atq; laboribus. Nam dona spiritus sancti non habent eundem actum nunc & in patria: quia in patria habent actum circa ultimi finis perfruitionem, in via verò circa materiam propriam, dirigitur autem donum fortitudinis à dono consilij, quod præcipue est de melioribus bonis.

2. ¶ Denique Augustinus attribuit quartam beatitudinem, quæ est de fame ac siti iustitiæ, quarto dono, videlicet forti-

tudinis, propter conuenientiam mutuam, quia vtrumque est circa difficile arduum. Duo quoque ponuntur inter fructus quæ dono fortitudinis correspondent, scilicet patientia, quæ sustentiam malorum concernit, & longanimitas diuturnâ expectationem operum bonorum respiciens.

3. ¶ Præterea, quoniam fortitudo necessaria est ad hoc quod mens deo inhæreat, ideo de fortitudine in noua ac veteri lege præcepta donata sunt. Scribitur enim in Deuteronomio Non formidetis eos, quia dominus deus vester in medio vestri est. Et Iacobus: Resistite diabolo, & fugiet à vobis. Et matthæus: Nolite timere eos qui corpus occidunt. Hæc autem præcepta inter mandata decalogi non erant ponenda, propter rationem superius positam.

4. ¶ Insuper dantur præcepta de virtutibus secundariis adiunctis principalibus cardinalibusque virtutibus, in quantum actus earum requiruntur ad necessitatem salutis. Vnde de patientia & perseuerantia &c. præcepta traduntur. De magnificentia tamē & magnanimitate nō dātur præcepta, quoniā ad excellentiā pertinent perfectionis, vnde de eis dātur cōsilia.

¶ An temperantia sit uirtus. 2. An sit uirtus specialis. 3. De obiecto temperantiæ. 4. De regula eius. 5. Vtrum sit uirtus cardinalis. 6. An uirtutum potissima. Articulus 198.

**N**unc de vltima virtute cardinali, quæ temperantia dicitur, differendum videtur, est enim temperantia virtus, quia inclinat hominem ad bonū, facitque actū eius esse secundum rationem. Ipsa enim refrenat delectationum carnalium immoderationes.

2. ¶ Denique temperantia vno modo accipitur secundum communitatem significationis sui nominis, scilicet prout designat quandam rationis temperiem seu moderationem, & sic non est virtus specialis, quia hoc commune est omni virtuti ut per ea ratio temperate se habeat. Secundo accipitur temperantia secundum quod appetitum refrenat ab his quæ hominē maxime alliciunt, & sic est specialis virtus, specialem habens materiam. Dicit autem Tullius primo de officijs, quod decor potissime attribuendus est temperantiæ, cuius duplex est ratio. Prima quoniā temperantia in quadam moderata ac cōuenienti proportionē cōsistit, & in hoc ratio pulchri

tudinis sita est, secundum Dionysium. Secunda, quia refrenatur ab his quæ homini secundum bestialem partem conueniunt, quibus homo maxime deturpatur, vnde honestas eidem ascribitur. Dicitur enim honestas quasi status honoris, vtpote nil turpitudinis habens, quod in temperantia præcipue consideratur quoniam ipsa opprobriosissima vitia aufert.

3. ¶ Præterea, temperantia maxime consistit circa passionnes in sensibilia bona tendentes, videlicet circa concupiscētiā & delectationem, ex consequenti verò circa tristitias, quæ ex absentia talium bonorum contingunt, vnde temperantia est circa delectationes appetitus sensitiui concupiscibilis, sicut fortitudo circa passionnes irascibilis. Motus autem passionum concupiscibilis, consistit in prosecutione appetitus in sensibilia quæ rationi repugnant. Non secundum propriam speciem, sic enim sunt quædam instrumenta animæ ad spiritualia ordinata. Sed propter immoderantiam, prout appetitus tendit in ea contra rationis mensuram, hanc ergo immoderationem temperantia tollere habet. Veruntamen quoniam passionnes irascibilis præsupponunt passionnes concupiscibilis, fuga quoque mali præsupponit executionem boni, ideo temperantia directe mollificat passionnes concupiscibilis tendentes in bonum, sed ex consequenti coercet omnes alias passionnes, prout ad moderationem priorum sequitur moderantia posteriorum. Nam si quis ordinate concupiscit, consequens est vt ordinate speret, & de absentia rei concupiscibilis ordinate tristetur. Vnde Tullius in sua Rhetorica ait: Temperantia est rationis, in libidinem atque in alios non rectos animi impetus, firma & moderata dominatio. Porro quæ admodum fortitudo est circa timores atque audacias, non quorumcunque, sed maximorum malorum, videlicet periculorum mortis: sic temperantia est circa delectationes & concupiscencias maximorum delectabilium, qualia sunt delectabilia tactus & gustus. Nam cum delectatio consequatur operationem connaturalem, tanto delectatio est maior quanto operatio est connaturalior, sed operationes conseruatiuæ speciei, videlicet tactus, operationes quoque conseruatiuæ in diuidui scilicet gustus, sunt maxime connaturales. Ideoque delectatio consequens eas est maxima, & circa illam est temperantia.

¶ Aduertendū quoque, quod in brutis non est delectatio in

exterioribus sensibilibus, nisi in quantum ordinantur ad sensibilia tactus, sicut leo delectatur videns ceruum vel audiens vocem eius, propter cibum, sed in nomine aliter est: delectatur enim in actibus aliorum sensuum, non solum per relationem ad tactum, sed etiam secundum propriam convenientiam talium sensibiliu ad sensum, sicut homo delectatur in cantu suauis, & haec delectatio non ordinatur ad conseruationem naturae, nec circa eam est temperantia per se. At vero in delectationibus, circa quas est temperantia, duo pensantur, videlicet usus reru, vt cibi, vel foeminarum, & aliquid superueniens ipsum vsum magis delectabilem reddens, puta ornatus decorque foeminarum, & sapor ciborum. Temperantia itaque primo ac principaliter est circa delectationes, quae immediate sequuntur ipsum vsum rerum necessariorum, quarum est usus in tangendo, circa aliorum vero sensuum delectationem est secundario, in quantum ad delectationem tactus cooperantur, & quoniam gustus est tactui magis propinquus, dicitur enim quidam tactus, propterea temperantia magis est circa delectationem gustus quam aliorum sensuum.

4. ¶ Amplius, omnia delectabilia, quae in hominis vsum deueniunt, & circa quae temperantia occupatur, ad necessitatem aliquam vitae praesentis ordinantur, cum ergo media sint secundum exigentiam finis regulanda, palam est quod temperantiae regula sumenda sit prout vitae necessitas exigit, quatenus homo tantum istis tangibilibus utatur, quantum vitae necessarium est, nihilominus vltimis finis temperantiae est vita aeterna, quae est potius finis operantis quam operis: haec autem necessitas vitae, ad quam temperantia ordinatur, non solum attenditur secundum convenientiam vitae, sed diuitiarum officiorum & honestatis.

5. ¶ Insuper virtus cardinalis vocatur in qua principaliter inuenitur quod in omni virtute est laudabile moderatio autem in omni virtute laudatur atque requiritur, & haec in temperantia specialiter commendatur, quoniam ipsa est circa delectationes quae vehementer alliciuntur, naturalesque sunt, & diuturniores ipsa ira consistunt, cum sint ex causa intrinseca, ira vero ex causa extrinseca est.

6. ¶ Praeterea fortitudo & iustitia temperantiae eminent, quia sunt circa bonum commune, & quo ad alium: temperantia vero est circa proprias concupiscentias coercendas. Prudentia quo-

## D. DIONYSII CARTHUSIANI

quæ est dignior fortitudine atq; iustitia, unde temperantia est virtutû cardinalium infima. Nam & dignitas virtutum magis dependet ex bonitate obiecti, quã ex difficultate ipsius.

¶ *Vtrum insensibilitas sit peccatum. 4. An intemperantia sit vitium puerile. 3. De comparatione eius ad timiditatem. 4. An intemperantia vitium sit maxime opprobriosum. Art. .199.*

**O**Mne præterea, quod naturali ordini est contrariû vitiosum existit. Natura autem delectationem apposuit operationibus vitæ necessarijs, scilicet gustus & tactus. Ideoq; illam prorsus refugere malû est, & hoc ad sensibilitatem pertinet, quæ temperantiæ contrariatur. Veruntamen interdum laudabile est à talibus delectationibus abstinere, non quasi per se malis atque vitandis, sed propter finem laudabilem, utpote propter agendam poenitentiam, seu contemplationem puriorem, sic tamen ut non tantum caueatur quod homo necessaria vitæ fastidiat siue omittat, & moderandæ atque vitandæ sunt prout status vniuscuiusque requirit.

2. ¶ Denique intemperantia puerile est vitium propter similitudinem, quoniam intemperatus & puer in aliquid turpe tendunt, eo quod rationis usu non vtantur. Etenim, secundû. Tullium primo de officiis pulchrum est, quod est consentaneum excellentiæ hominis, in eo in quo natura ipsius à reliquis animantibus differt. Secundo puer & intemperatus conueniunt, quoniam quo vterque magis sibi relinquitur, eo amplius robur accipit propriæ voluntatis. Tertio, nam vterque sanatur per hoc quod coercetur atque frenatur. Unde Augustinus sexto musicæ ait. Mente in spiritualia suspensa atque ibi manente fixa, carnalis concupiscentiæ impetus frangitur. Paulatimque repressus extinguitur.

3. ¶ Denique timiditas est minus peccatum quàm intemperantia, primo ex parte materiæ, quia est circa ea quæ vitare difficilius est, puta mortis pericula. Secundo ex parte peccatis. Nam timores magni & graues tristitiæ, quæ in periculo mortis potissime reperiuntur, vehementissime stupefaciunt animum, & eum propriæ mentis impotem reddunt. Item timiditas est minus voluntaria quàm intemperantia, cum sit ab exteriori terrête & quasi cogente. Itē contra intemperantiã



facilius est adhibere remediū quā contra timiditatem, quia non est tutum circa mortis pericula exercitari. Et sciendum, quod maximum remedium contra intemperantiam est, non immorari circa particularium considerationem, quia intemperatus est magis inuoluntarius in communi quā in singulari. Potest quoque timiditas esse peior quā intemperantia, secundum quod per eam aliquis deficit à defensione boni cōmunis vel fidei.

4. ¶ Porro exprobratio opponitur honori, qui debetur excellentiæ & gloriæ, quæ claritatem importat. Vnde intemperantia est maximè exprobrabilis propter duo. Primo quoniam maximè derogat excellentiæ hominis, cum sit circa delectationes nobis bestiisque cōmunes. Secundo quia potissime derogat claritati seu pulchritudini, eò quod in delectationibus carnis sit minimum de lumine rationis, vitia ergo carnis, licet nō sint maximè culpæ, sunt tamen diffamiæ maximè propter materiæ turpitudinem secūdum Gregorium: Nihilominus quod dictum est de exprobratione intemperantiæ, accipi potest per comparisonem ad vitia quæ non excedunt modum humanæ naturæ, sicut blasphemia, odium dei, & cetera.

¶ De partibus temperantiæ 2. Vtrum uerecundia sit uirtus 3  
De quibus sit uerecundia 4. A quibus homo uerecundetur 5. Quorum sit uerecundia. Artic. 200.

**A** Signat præterea Tullius partes temperantiæ, continentiam, clementiam, modestiam. Macrobius autem super Somnium Scipionis, atque Andronicus, alias multas apponit. Itaque aduertendum, quod uerecundia per quam homo refugit turpitudinem, & honestas, per quam amat temperantiæ claritatem, sunt partes integrales temperantiæ, cum sint quædam conditiones ad actum temperantiæ necessariae, sed partes subiectiuæ seu species temperantiæ sunt abstinencia quantum ad cibum, & sobrietas quantum ad potum, castitas quoque quantum ad delectationem in actu cōcubitus, & pudicitia quātum ad delectationes circumstantes in osculis, tactibus, atque amplexibus. Partes autem potentionales temperantiæ, id est, uirtutes ei adiunctæ sunt, continentia per quam non superatur uoluntas ab impetu passionis, & humilitas, quæ refrenat motum spei atque

audaciæ inde nascentis. Mansuetudo quoque siue clementia, quæ iram constringit, & austeritas qua homo se ordinat ne in colloquiis amicorum excedat. sunt & aliæ partes quas omitto, quas Tullius sub modestia comprehendit.

2 ¶ Deniq; virtus dupliciter sumitur, videlicet propriè, prout est perfectio quædã, & sic quod perfectioni repugnat quauis sit bonum non tamen est virtus: verecundia verò imperfectionem includit, est enim timor de turpi actu secundum Damascenum: obiectum autem timoris est malum possibile & arduum, id est, difficile ad vitandum, sed qui habitum virtutis adeptus est, non apprehendit turpe tanquam difficile ad vitandum, cum sibi in promptu sit virtuose operari. Verecundia igitur propriè loquendo nõ est virtus, sed passio quædam laudabilis: quandoque tamen virtus vocatur, sed tunc virtus communiter sumitur pro omni illo quod in actibus passionibusque humanis bonum est atque laudabile, quauis non sit perfectum. Motus quoque verecundiæ non est ex electione sicut motus virtutum, sed ex impetu passionis, est enim timor exprobrationis ac turpis rei, & secundum Aristot. ipsa est medium inter inuerecundiam & stuporem, quauis autem verecundia non sit virtus, tamen ex actibus eius sæpe reiteratis acquiritur virtus, per quam homo ita virtuosus disponitur, quod verecundaretur si verecundiæ causa adesset, aut turpe aliquid sibi contingeret.

3 ¶ Porro turpitudo est duplex, scilicet vitiosa, quæ est in actu peccati: & pœnalis, quæ in vituperatione consistit. Prima autem turpitudo non habet rationem ardui mali, quia in sola voluntate existit, sed secunda habet rationem mali ardui, sicut & honor rationem ardui boni. Ideoque verecundia primo & principaliter vituperium opprobriumque cõcernit, ex consequenti verò turpitudinem culpæ in quantum vitio vituperium quoddam debetur. Quod autem aliquis verecundetur ex impropriis quæ sibi occasione virtutum inferuntur, ex imperfectione virtutis contingit. Nam exteriora bona & mala nondum perfecte contempsit, & rursus secundum philosophum quanto homo minus est causa rei turpis, tanto de illa minus verecundatur: vnde virtuosus nequaquam verecundatur propter opprobria sibi iniuste illata, quemadmodum Isaias docet: Noli timere opprobrium hominũ. Respicit quoque verecundia culpam dupliciter, primo vt homo ex vere-

erundia cesset à culpa, quod secundum Gregorium Nissenum ad erubescerentiam spectat. Secundo ut homo in turpibus, quæ operatur, publicos vereatur aspectus, in gloriationem indeci-  
re metuens. De operationibus autem virtuosis secundum se consideratis non est verecundia, sed per accidens, in quantum reputantur ab aliis vitiosi, vel in quantum homo in illis timet notam præsumptionis aut simulationis incurrere.

4 ¶ Insuper quoniam verecundia est timor vituperij: ideo ab his amplius verecundamur quorum testimonium dignius reputatur, tales verò sunt sapientes, & homines vitæ honestæ, itemq; coniuncti, & nobiscum diu conuersati, qui etiam facta nostra magis considerant: magis quoq; appetit homo ab his honorari qui eum valent iuare, & ab his potius verecundatur, qui possunt nocere: sed ab his, qui cito propalant quæ nouerint, ut sunt irrisores, præsertim verecundamur secundum philosophum secundo Rhetoricæ. Ab his verò qui simili malo subiacent non erubescimus, non enim opinamur quod opus nostrum apprehendant tanquam turpe & malum, quantum sit tale. Iterum secundum philosophum secundo Rhetoricæ amplius verecundamur coram eis inter quos nihil mali fecimus, quia per hoc bonam opinionem, quam de nobis habebant, amittimus, & etiam quoniam contraria iuxta se posita videntur maiora. Vnde cum homo subito aliquid turpe agit coram eis, qui ante bene de ipso senserunt, apprehendit hoc ut turpius. Rursus, magis verecundamur ab illis à quibus de nouo aliquid postulamus, propter impedimentum implendæ petitionis, & quorum nunc primo amici effici cupimus, propter impedimentum consummandæ dilectionis.

5 ¶ At verò virtuosus & senes verecundi non sunt, quoniam non apprehendunt turpe tanquam ad vitandum difficile: sunt enim dispositi, quod verecunderentur si quid indecens operarentur. Item excæcati in malis non verecundantur, eò quod non reputent mala turpia esse, imò gloriantur in scædis & pessimis. Sed in his qui se mediocriter habent, obtrinet verecundia locum, in quantum aliquid de amore boni sortiti sunt & à malo pœnitentia depurati non sunt. Dicit autem philo. quarto. Ethicorum quod virtuosus vitanda sunt, non solum mala secundum veritatem, sed & secundum opinionem. Cui verbum Apostoli consonat: Ab omni specie mala abstinete vos. Potest autem in virtuosus esse aliquis verecundus motus ratione præue-

## D. DIONYSII CARTHUSIANI

niens. Patet itaq; quod verecundia, quanuis non sit virtus, est tamē virtutis dispositio maxima. Vnde Ambro. lib. de officiis: Verecundia (inquit) iacit prima temperantiæ fundamenta.

¶ De comparatione honestatis ad uirtutem 2. Ad decorem  
3. Ad utile & delectabile 4. An sit pars temperantiæ  
5. An abstinentia sit uirtus specialis. Artic. 201.

**H**onestum præterea idem designat quod virtus: dicitur enim honestas quasi status honoris, & honestum quod honore est dignum, honor autem virtuti debetur sicut & honestati. Dicit autem Tullius. Honestū est quod propter seipsum appetitur. Eorum verò quæ appetuntur propter se, quædam appetuntur solum propter se, ut beatitudo, quædam autem & propter se & propter aliud, sicut virtutes, unde virtutibus debetur laus secundum quod ordinantur ad aliud, honor verò secundum quod in seipsis bonæ atq; appetibiles sunt.

2 ¶ Amplius, sicut quarto capitulo de diuinis nomi. Dionysius innuit, ratio decori seu pulchri in quadam claritate ac debita proportionem consistit, quemadmodum corpus pulchrum vocatur, cuius partes debito ordine sibi consonant, ac coloris claritate ornatae sunt. Pariformiter decor spiritualis vitæ est in actione bene proportionata, secundum spiritualem rationis claritatem, hoc verò ad honestatem pertinet, unde decorum & honestum coincidunt.

3 ¶ At verò honestum & utile ac delectabile sunt idem subiecto interdum, sed ratione semper distincta sunt, nam ipsa operatio virtuosa, cum sit honori secundum rationem connaturalis, est delectabilis, & ipsa virtus est bonum utile in quantum ordinatur ad aliud scilicet beatitudinem, sed ratione differunt. Dicitur namque honestum, quod habet excellētiā honore condignam propter pulchritudinem spiritualem. Delectabile autem quia appetitum quietat. Delectatio enim propter seipsam appetitur, utile verò quia refertur ad aliud, sunt quoque alia delectabilia non honesta, videlicet sensibilia quædam: unde delectabile habet se in plus quam honestū vel utile.

4 ¶ Et quoniam præostensum est, quod temperantiæ principaliter conuenit pulchritudo seu decor, in quantum turpissimas & maximè opprobriosas delectationes repellit, propter

rea honestas est pars integralis temperantiæ, quauis ipsa temperantia sit pars subiectiua seu species honestatis communiter sumptæ, prout cum virtute coincidit.

5 ¶ Insuper abſtinentia, prout importat subtractionē ciborum secundum rationis iudicium regulatam, virtus est, & interdum pro actu virtutis accipitur. Vnde Petrus Apostolus ait: Administrate in scientia abſtinentiam, id est, exercete actū eius non indiscrete, sed ordinate. Est quoq; abſtinentia specialis virtus moralis, nam virtutis moralis officiū est, conseruare bonum rationis aduersus impetum passionum. Vbi ergo reperitur specialis causa ob quam passio à bono rationis abducit, ibi est specialis virtus. Delectationes autē ciborum nata sunt abſtrahere hominē à bono rationis, tum propter earum magnitudinem, tum propter necessitatem ciborum quos homo maxime cupit, eò quòd ad vitæ sustentationem necessariæ sint.

¶ An ieiunium sit actus uirtutis 2. Cuius uirtutis sit actus  
3. An cadat sub præcepto 4. An aliqui ab hoc præcepto excusentur. Articulus 202.

**A**ctus insuper ideo uirtuosus vocatur, quoniam ad bonum honestum à ratione ordinatur, hoc autem ieiunio competit, assumitur namque propter tria præcipue, scilicet ad concupiscentias carnis reprimendas ad liberiores mentis contemplationem adipiscendam, & ad satisfaciendum pro culpis: propter has ergo causas, rationabiliter aliquid naturali affectui seu statui communi subtrahitur non autem debet se homo ieiuniis sic attenuare q̃ natura cōseruari non possit, quia, teste Hieronymo: Non differt vtrum magno vel breui tempore te interimas. Et de rapina holocaustum deo offert, qui vel nimia ciborum egestate, vel somni penuria corpus immoderate affligit.

2 ¶ Est autem ieiunium actus abſtinentiæ, & proprie respicit cibum, quauis metaphorice dici possit ieiunium in aliis rebus nociuis, præsertim peccatis.

3 ¶ Denique ieiunium in communi cadit sub præcepto naturæ, tenetur enim vnusquisque ex naturali iure tantum vacare ieiunio, quantum ad prædicta bona est necessarium, hoc ergo ieiunium naturæ dicitur. Determinatio autem temporis & modi ieiunandi, secundum congruentiam populi Chri-

stiani, cadit sub præceptis iuris positiui à prælatis ecclesiæ institutis. Non tamen omnis qui ieiunia ecclesiæ soluit mortaliter peccat, sed qui sic ea soluit quod finis, propter quem instituta sunt impeditur, vel ipsa ecclesiæ autoritas cōtemnitur vel sine rationabili causa præceptum omittit.

¶ At verò statuta communia proponuntur prout multitudi-  
ni conuenit, & quod ut in pluribus expedit. Si autem quid in speciali casu occurrat, quod rationabiliter obseruantia legis repugnat, non intendit legislator ad obseruantiam obligare. Sic ergo de præcepto ieiunij respondendum, quod omnes ad illud tenentur, nisi in ipsis speciale fuerit impedimentū, quod si fuerit per se manifestum & euidens, potest homo proprio iudicio præterire ieiunium, præsertim consuetudine interueniente, vel si de facili habere non possit recursum ad superiorem: si autem causa sit dubia, recurrendum est ad superiorem vim dispensandi habentem. Agnoscendum autem, quod pueri quamdiu sunt in statu augmenti, quod vsque ad tertij septēnij finem durare solet, non sunt ad ieiunandum obligati, nisi forte imminēte præcipua tribus tribulatione. Decet tamen ut interim se ad ieiunandum exercirent, magis vel minus, secundum ætatis mensuram. Circa peregrinantes quoque & operarios distinguendum videtur. Si enim peregrinatio seu labor differri aut minui possit sine detrimento corporalis salutis exteriorisq; status, qui ad conseruationē corporalis seu spirituales vitæ exigitur, non sunt propter hoc ecclesiæ prætermittenda ieiunia. Si verò incumbit necessitas statim peregrinandi, magnasque dietas agendi, seu multū laborandi, nec simul possint ieiunia obseruari, non tenentur ieiunare, quia nec hoc fuit de intentione præcipientis legislatoris, ut propter ieiunium piæ & necessariæ causæ impedirentur, recurrendum tamen apparet ad dispensationem prælati, nisi consuetudo excuset. Similiter pauperes, si habent quod ad comestionem vnā sufficit, non excipiuntur à præcepto ieiunij.

¶ De tempore ieiunij 2. An semel comedere requiratur ad ieiunium 3.  
De hora comestionis ieiunantium 4. De cibis à quibus abstinet. Ar. 203

**D**Enique secundum ostensa ieiuniū ordinatur ad duo videlicet ad deletionem peccati, & ad eleuationē mentis in deum. Ideo illis temporibus erant præter-

tim indicenda ieiunia, quibus potissime actibus poenitentiae & deuotionis, seu eleuationis in deum occupari oportet. Hoc autem est ante solennitatem Paschalem, & in ipsa. In praecipuis quoque festiuitatibus sanctorum, & quatuor temporibus antequam sacri ordines dantur. Est autem (secundum Augustinum) duplex ieiunium, videlicet afflictionis, quod cadit sub praeepto, nec conuenit diebus laetitiae, puto tempori paschali & dominicis, in quibus qui contra consuetudinem ecclesiae ieiunarent, non essent à peccato immunes. Aliud est ieiuniū exultationis, quod pertinet ad spiritualia gaudia mentis in diuina suspensæ.

2 ¶ At verò rationabiliter ordinauit ecclesia in die ieiunij non nisi semel manducandum. Nam per hoc naturæ satisficit, & concupiscentiae subtrahitur aliquid. Sciendum verò quod ieiunium aliud est naturæ, & hoc per quemlibet potum etiam aquæ dissoluitur, & istud requiritur ad eucharistiae sumptionem. Aliud est ieiunium ecclesiae, & hoc non soluitur nisi per ea quæ ecclesia interdicare ieiunanti intendit, non autem intendit ecclesia prohibere potum sicut cibum, nam potus magis ad alterationem corporis, digestionemq; escarum spectat, quàm ad nutritionem, quanuis quodammodo alat, & ergo licitum est ieiunantibus pluries bibere. Si verò immoderate bibant, peccant, & meritum ieiunij perdere possunt: sicut etiam si cibum in vna comestione immoderate accipiant. Conformer electuaria non soluunt ieiunium, nisi in fraudem in magna quantitate sumantur. Nam quanuis aliquantulum nutrant non tamen propter nutrimentum, sed ciborum degestionem sumuntur.

3 ¶ Porro quia ieiunium ordinatur ad concupiscentiam refrenandam, ideo decet vt naturæ aliquid subtrahatur, non tamen multum, ne nimis debilitetur, est autem sexta hora naturæ conueniens ad refectionem, quia tunc est completa digestio. Et iterum, quia tunc iterum natura indiget per cibum iuari contra exteriorē aëris intemperiem, seu calorem, ne humores interius comburantur, vt ergo naturæ moderata fiat subtractio, deputata est hora nona refectiōi ieiunantium, maximè quoniam Christus hora nona expirauit, cuius passio ni se ieiunans conformat, dum carnem suam affligit.

¶ In veteri autem testamento hora vesperearum assignabatur nam illud testamentum comparatur nocti, nouum verò diei,



& ergo nunc in die reficimur hora nona vel circiter.

4 ¶ Adhuc autem quia ieiunium institutum est quatenus delectationes carnis, quæ in tactu & gustu præsertim consistunt coerceatur: Propterea ecclesia interdixit ieiunantibus cibos qui gustui suavius sapiunt, atq; carnis libidinē magis inflamment: talia autē sunt carnes animalium in terra quiescentium ac respirantiū, & illa quæ procedunt ex ipsis, vt pote oua ex auibus, & lacticia ex gressibilibus, huiusmodi enim humano corpori amplius conformantur, & ergo vehementius ipsum nutriunt ac venereorum materiam præbent.

¶ Aduertendum quoque, quod ad generationem tria concurrunt, videlicet calor, qui ex vino & aliis calefactiuis multum causatur, spiritus quoque, ad quem cooperantur inflatiua vt legumina, & humor, quem carnes potissimum gignunt, nō autem interdicitur ieiunantibus vsus vini vel leguminum, quoniam alteratio caloris & multiplicatio spirituum cito pertransit, sed substantia humoris diu manet, & ideo carnes interdiciuntur. In ieiunio autem quadragesimali tanquam sollemniori vniuersaliter prohibentur oua & lacticia, circa quorum vsum in aliis ieiuniis diuersi diuersimode habent se.

¶ *Vtrum gula sit peccatum 2. An mortale 3. An grauissimum 4. De gulæ speciebus 5. An sit vitium capitale 6. De filiabus eius. Articulus 204.*

**G**ula autem est inordinatus appetitus edendi atque bibendi, & pertinet ad appetitum sensitium. Fames verò & sitis ad naturalem pertinent appetitum qui respicit vegetatiuam animæ partem, gula autem consistit, non in substantia cibi, sed in quadam inordinata concupiscentia eius. Vnde si homo in quantitate cibi excedat, nō propter cibi concupiscentiam, sed arbitrans illud sibi necessarium esse, non pertinebit ad gulam, sed ad imperitiā quandam, sed illud solum gulam concernit, vt homo propter concupiscentiam sibi delectabilis, mensuram edendi scienter excedat.

2 ¶ Est autem gula peccatū mortale, quando inordinatæ concupiscentiæ inhæret homo propter se tanquam finem, sic enim deum contemnit, cui carnalem delectationem præponit, paratus dei præcepta infringere, quatenus delectationes con-

sequi possit. Si autem in vitio gulæ pensetur inordinatio concupiscentiæ tantum secundum ea quæ sunt ad finem, scilicet quoniam nimis concupiscitur delectatio cibi, tamen sub deo, sic esset veniale peccatum, dicit autem Augustinus, quotiens aliquis in cibo aut potu plus accipit quàm necesse est, ad minuta peccata nouerit pertinere, hoc de primis motibus gulæ accipi potest, sed de ipsa gula dicit Gregorius. Dominante gulæ vitio, omne quod homo fortiter egit amittit, & dum venter non restringitur, simul cunctæ virtutes destruntur.

3 ¶ Denique grauitas culpæ tripliciter consideratur. Primo ex parte obiecti, & sic peccata contra diuinas res sunt grauissima. Secundo ex parte peccantis, & sic gula quodammodo alleuiatur propter necessitatem cibos sumendi, difficultatem quæ discernendi & moderandi quid in talibus cōueniat. Tercio ex parte effectus, & sic quia ex gula varia vitia oriuntur, quandam grauitatem sortitur. Non est autem simpliciter maximum vitium, quia secundum Gregorium peccata carnalia minorem habent excessum, inter quæ gula locatur, quàm spiritualia.

4 ¶ Porro quandoque sunt modi seu species gulæ secundū Gregorium, qui ait: Quinque modis nos gulæ vitium tentat, quandoque enim indigentiae tempora præuenit, quandoque lautiores cibos quærit, aliquando quæ sumenda sunt præparari accuratius appetit, quandoq; in quantitate excedit, interdum verò in ipso desiderij æstu, de quibus est versus. Præpropere, laute, nimis, ardentem, studiose. Isidorus verò ponit quatuor modos, dicens: Gula excedit in cibo secundum quid, quātum, quomodo, quando. Nam primum & secundum sub vno includit. Corruptio nanque diuersarum circumstantiarum virtutis, facit semper diuersas species peccatorum, dum circumstantiæ ipsæ habent semper diuersa motiua.

5 ¶ Insuper gula ponitur capitale peccatum, nam ex ea varia vitia nascuntur secundum rationem causæ finalis, vt pote quæ ad finem eius ordinatur. Est enim gula circa delectationes præcipuas sensitiuas, quæ multum afficiunt & delectant.

6 ¶ Filiæ autem gulæ ex parte animæ, quadrupliciter accipiuntur. Primo ex parte rationis, quæ per gulam hebetatur, & sic ponitur hebetudo sensus circa intelligentiam. Secundo quantum ad appetitum, qui multipliciter deordinatur ex

## D. DIONYSII CARTHUSIANI

immoderantia alimēti, & sic ponitur inepta latitia. Nam omnes animæ passionēs ad latitiam & tristitiam reducuntur & ordinantur. Vnde Esd. secundo dicitur. Vinum omnem mentem in iucunditatem & securitatem conuertit. Tertio quantum ad sermonem, & sic ponitur multiloquium. Quarto quantum ad actum, & sic ponitur scurrilitas, secundum quod homo exteriores gestus cohibere non potest à iocularibus motibus, ex parte quoq; corporis ponitur immunditia filia gulæ, quæ immunditia potest attendi secundum amulationem quarumcunq; superfluitatum, vel specialiter quo ad seminis emissionem. Et sciendum, quod licet vilis sit vomitus post comestionem superfluam, vitiosum est tamen vt se huic necessitati quis subdat per immoderantiam cibi aut potus, veruntamen ex consilio medici vomitus sine culpa procuratur in languoris remedium.

¶ De materia sobrietatis 2. An sobrietas sit virtus specialis 3. An usus vini sit licitus 4. Quibus conueniat sobrietas. Articulus 205.

**V**irtutes præterea quæ à generali conditione virtutis nominantur, illud pro materia concernunt, in quo difficilimum est & optimum talem conditionem seruare, sobrietas autem à mensura nomen sortitur. Dicitur enim sobrius quasi briam, id est mensuram, tenens. Est autem difficilimum optimumque seruare mensuram in potu: Nam potus moderatus multum confert, & modicus eius excessus plurimum lædit, & magis quam cibi. Vnde Ecclesiasticus dicit: Sanitas animæ & corporis, sobrius potus. Et ergo materia seu subiectum sobrietatis est potus, non quicunq;, sed qui sua fumositate cerebrū potest turbare. Quandoq; autem sobrietas communius sumitur, & sic in aliis multis locū habet

2 ¶ Est quoque sobrietas virtus specialis, quoniam speciale impedimentum rationis concernit atque repellit.

3 ¶ Amplius, cum nulla creatura sit substantialiter mala, nō est vsus vini secundum se illicitus, sed quandoq; per accidens vel propter vomitū, aut conditionem naturæ non potentis vinum sufferre, seu propter alios qui scandalizarentur. Dicit autem Hiero. qd vinum post diluuium cum carnibus est dedicatum. Christus autem venit in fine seculorum, & extremitatem

retrahit ad principium, vt pote docens à vino & carnibus abstinentum, non vtique per modum præcepti, sed consilij, quoniam perfectione impediunt, quauis sine peccato accipi valeant.

4. ¶ At verò sobrietas sicut & aliæ virtutes, comparari potest ad vitia & concupiscentias quas refrenat, & quo ad hoc magis necessaria est iuuenibus, in quibus est maior concupiscentia propter feruorem ætatis, & mulieribus in quibus est debilitas rationis, & ergo per insobrietatem cito falluntur. Vnde secundum Valerium Maximum. Mulieres apud antiquos Romanos vinum non potabant. Secundo comparatur sobrietas ad finem ad quem perducit, qui est habere animum liberum atque in vsu rationis potentem, & sic moderatio vini atq; sobrietas eis potissime conuenit, qui alios verbo & opere docere habent, vt senibus, regibus atque episcopis.

¶ *An ebrietas sit peccatum 2. An mortale 3. An sit grauis-  
simum 4. An à peccato excuset. Articulus 206.*

**P**orro ebrietas vno modo designat defectum seu impotentiam rationis ex immoderato potu causatam & sic est potius poena culpæ quàm culpa. Alio modo nominat actum qui prædictum defectum inducit, quod dupliciter accidit. Vno modo ex nimia fortitudine potus seu vini præter opinionem bibentis, & ista ebrietas sine peccato est, si non oriatur ex negligentia hominis, & hoc modo Noe inebriatus fuit. Alio modo contingit prædictus defectus ex inordinata concupiscentia & vsu potus, & sic est peccatum, & species gulæ, quæ in comestationem ebrietatemq; diniditur: habet quoq; ebrietas vitium sibi oppositum, quod adeo innotatum est, quoniam insensibilitas & species eius non multum contingunt, si autem aliquis alium inuiter, quem nescit ex vino faciliter inebriari, peccato non caret.

2. ¶ At verò qui potum immoderate sumit, si aduertat potum esse immoderatum, non tamen inebriare potentem, non peccat mortaliter quauis inebrietur. Si verò aduertat potum esse immoderatum & inebriare potentem, & nihilominus malit inebriari quàm à potu cessare, tunc si inebrietur mortaliter peccat, & talis proprie ebrius appellatur, quia moralia species sortiuntur ab eo quod per se est intentum, qui enim sic inebriatur, volens & sciens se priuat vsu rationis vnde morta-

liter peccat periculo peccandi se committens, & secundū Augustinum; Assiduitas quoque ebrietatis facit eam esse mortalem.

¶ Rursus cibus & potus moderandus est secundum quod cō petit valetudini corporis, vnde si homo superflue potet de cō silio medici, quatenus vomitum prouocet quo purgetur, non peccat, nec reputetur potus superfluous, nec tamen ob hoc vsque ad ebrietatem bibere indiget, quia aqua tepida vomitum causat.

3 ¶ Præterea propter eandem rationē, qua paulo ante probatum est, quod gula non est maximum vitium, nunc quoque valet ostendi q̄ ebrietas non est maximum peccatorum. Est tamen maximē cauenda, potissime clericis. Dicitur enim in decretis, distinctio. 37. Ante omnia clericis vitetur ebrietas, & cætera. Et Chrysostomus asserit, nihil esse ita dæmoni amicum, quemadmodū est ebrietas atque lasciuiā, cuius ratio est, quia vitia ista sunt multum frequentia.

4 ¶ Amplius (vt dictum est) in ebrietate duo perpendi possunt, videlicet defectus rationis consequens actum ebriosum & iste excusat peccatum in quantum diminuit voluntarium, voluntas enim est causa peccati. Sed ex parte actus præcedētis distinguitur, si enim iste actus ex quo ebrietas orta est sine peccato fuit, tunc ebrietas omnino à peccato excusat, & sic forte erat in Loth. Si verò ille actus fuit culpabilis, tunc non totaliter excusatur peccatum, quia actus præcedens efficit ipsum voluntarium, in quantum homo dedit operam rei illicitæ diminuitur tamē sequens peccatum, sicut & ratio voluntarij. Vnde in libro contra Faustum dicit Augustinus, quod Loth culpandus est, non quantum ille incestus, sed quantum ebrietas meruit.

¶ Refert autem Aristoteles de quodam principe, qui statuit, vt ebrij si peccarent, plus punirentur quàm alij, attendens videlicet magis vtilitatem communem, quatenus iniuriæ cohiberentur, quàm ad veniam, quam oportet habere de ebrijs eo quod non sunt compotes sui. Itaque ebrietas culpam excusat, non ideo quia ipsa est peccatum, sed vt dictum est.

¶ *Vtrum castitas sit uirtus 2. An sit uirtus generalis 3. An distincta sit ab abstinentia 4. Quomodo habeat se ad pudicitiam. Articulus 207.*

**C**astitas autem ideo dicitur, quia per eam ratio concupiscentiam castigat, quæ (secundum Philosophum) ad modum pueri indiget refrenari. Vnde patet, quod castitas sit virtus moralis, existit autem subiectiue in anima. Materiam verò habet in corpore. Pertinet namque ad castitatem vt homo secundum rationis iudicium, & electionem voluntatis, vtatur corporalibus membris, nec potest per alterius violentiam tolli, si proprius desit consensus. Dicit autem Augustinus in libro contra Iulianum, quod nec castitas, nec aliqua virtus infidelibus inest, quia (secundum ipsum) virtutes non officijs, id est actibus, sed finibus distinguuntur. Infideles autem non referunt actus suos ad debitum finem, ponitur quoque castitas inter fructus ad Galat. 5. in quantum videlicet est delectabiliter operans.

2. ¶ Denique castitatem sumendo quemadmodum nunc sumpta est, sic est specialis virtus, quandoque verò metaphoricè sumitur pro quadam munditia, quæ in spiritali coniunctione ad res diuinas consistit, sicut & spiritalis fornicatio dicitur quando mens creata coniungitur alteri rei, in qua inordinate delectatur, contra debitum diuini ordinis in aliquo figitur, & sic castitas est generalis virtus, nam quælibet virtus retrahit mentem ne alicui vitiose inhereat. Præsertim tamen virtus theologica, & quoniam concupiscentia puero assimilatur, ideo sicut puer, si suæ voluntati relinquantur, crescit in omni malitia, sic si concupiscentia relaxetur, fortissimè inualescit & perimit.

3. ¶ Porro castitas, cum sit circa delectationes & concupiscentias venereorū ab abstinentia differt, quæ est circa delectationes ciborū, ordinatur quoque abstinentia ad actū castitatis.

4. ¶ At verò pudicitia à pudore accipitur, & ergo est circa ea de quib. homo maxime verecundatur, quæ sunt actus venerei. Nam genitalium membrorum, motus imperio rationis non subditur vt aliorum, nec solum est verecundia circa ipsam mixtionem, sed & circa signa ipsius, vnde sicut castitas proprie versatur circa concubitum, sic pudicitia est circa signa eius exteriora, quæ magis deprehenduntur, quemadmodum impudici aspectus, amplexus, oscula, tactus. Itaque pudicitia ad castitatem refertur non sicut virtus ab ipsa distincta, sed sicut quandam eius circumstantiam exprimens, quandoque tamen vnum pro alio sumitur.

¶ In quo consistat uirginitas .2. An sit licita .3. An sit uirtus .4. An sit matrimonio dignior, aliisque uirtutibus. Articulus 208.

**V**irginitas insuper à virore nomen accepit, eo quod virgo à concupiscentiæ aduersione, quæ maxime est in venereorum concubitu, sit immunis. Vnde dicit Ambrosius: Castitas virginalis, est expers contagionis integritas. In delectatione autem venerea tria pensantur. Vnum ex parte corporis, scilicet violatio virginalis signaculi. Secundum est in quo id quod corporis est coniungitur cū eo quod est anime, utpote resolutio seminis, delectationem sensibilem causans. Tertium est ex parte animæ, puta propositum perueniendi ad delectationem huiusmodi, quorum primum se habet per accidens ad moralem actum, qui secundum se non consideratur nisi secundum ea quæ animæ sunt. Secundum verò materialiter se habet ad actum moralem, qui est circa passionem sensibiles. Tertium autem se habet completiue atque formaliter, quia actus morales in ratione consummantur. Itaque membrorum integritas per accidens ad uirginitatem se habet, resolutio autem seminis seu immunitas à delectatione materialiter habet secundum propositum perpetuo abstinenti formaliter, uirginitas ergo essentialiter est in anima, quanuis in carne seruetur, & accidentaliter consistit eo quod ex proposito continendi consequatur integritas carnis, quæ si per alium modum corrumpatur, videlicet causa medicinæ aut per violentiam, non magis uirginitati præiudicat, quàm si manus incidantur vel pedes. Sciendum quoque quod delectatio, quæ ex seminis resolutione causatur, dupliciter potest contingere. Primo ex mentis proposito, & sic tollit uirginitatem quanuis sine coitu fiat. Secundo sine proposito, vel in dormiendo, vel propter violentiam, dum mens delectationi non consentit, vel ex infirmitate naturæ, ut in his qui fluxum seminis patiuntur, & sic uirginitatem non aufert. Est autem uirginitas (secundum Augustinum) cōiuentia quæ integritas corporis ipsi creatori animæ & corporis uouetur, consecratur, seruatur. Et alibi: Virginitas est in carne corruptibili incorruptionis perpetua meditatio.

2. ¶ Præterea, omne ordinatū secundū rationē est licitū, exigit autem ordo ut ea quæ ordinantur ad aliud, disponantur ut congruit illi ad quod ordinantur, cū ergo bona corporis



referenda sint ad bonam animam præsertim ad vitam contemplatiuam, constat, quod virginitas liceat, quoniam per eam sic caro regitur, quemadmodum ad contemplationis perfectionem requiritur. Præceptum autem quod de generatione confertur cum dicitur: Crescite & multiplicamini, non est tale, quale est præceptum pertinens ad conseruationem suppositi, pertinet enim ad speciem conseruandam, ad quod tenetur ipsa multitudo, non autem qualibet pars multitudinis, quia & species conseruari potest absque quod singuli generent, imo spiritualis propagatio non minus necessaria est quam carnalis.

¶ Amplius apud antiquos puniebantur qui perpetuo virginitatem seruabant & cœlebem vitam ducebant, ut refert Maximus Valerius. Vnde Augustinus in libro de vera religione narrat, quod Plato sacrificauit quatenus eius perpetua continentia tanquam peccatum aboleretur: sed hoc ipsum Plato (teste Augustino) fecit, non quod putauerit virginitatem esse culpabilem, quam ipse solus amore contemplantis seruauit, sed quasi peruersæ opinioni multitudinis cedens.

3. ¶ Elucescit autem ex his quod virginitas sit virtus, nam concupiscentiam cohibet propter finem laudabilem. Imo sicut se habet liberalitas, quæ est circa communem usum diuitiarum ad magnificentiam, quæ est circa præcipuos sumptus sic se habet castitas, quæ ad inordinata delectatione venerea cohibet ad virginitatem, quæ omnem veneream voluptatem repellit. Sciendum verò quod virginitas secundum id quod in ea formale est, non est innata, sed cæteris virtutibus connexa, & per penitentiam recuperabilis, sicut & aliæ virtutes. quod autem dicit Hieronymus, non posse deum virginem post ruinam reparare, non est verum, nec quo ad formale virginitatis, quod est propositum animi, nec quo ad integritatem corporis, quæ miraculose recuperari potest, sed quantum ad actum in quo ipsa voluptas consistit, non enim fieri potest, ut id quod fuit non fuerit loquendo in sensu composito atque formaliter. Dicit autem Augustinus, quod virginitas non est virtus, quia virginitas, id est, integritas, sed quoniam deo dicata est firmo proposito.

4. ¶ Denique Iovinianus matrimonium virginitati præposuit ut narrat Hieron quod penitus falsum est, præsertim exemplo Christi qui virgo permanfit, & matrem virginem præ-

xigit, & quia bonum animæ præfertur bono corporis, bonum quoque vitæ contemplatiuæ bono vitæ actiuæ, & propagatio spiritualis carnali. Quod autem Aug. matrimonium Abrahæ virginitati Ioânis adæquat, verum est secundū præparationem animi Abrahæ, qui quantum in se fuit paratus erat si deo placuisset, virginitatē seruare, & item secundum temporum distributionem. At verò virginitas ponitur summa virtutum non simpliciter, sed in certo genere, utpote castitatis, propter singularem decorem, præferuntur igitur virginitati virtutes theologicæ atque religio, martyrium quoque; & religionis ingressus: debetur autem virginitati fructus centesimus respectu viduitatis, cui debetur sexagesimus fructus, & castitatis coniugalibus cui impenditur fructus tricesimus.

1. De obiecto luxuriæ. 2. An aliquis concupitus esse possit sine peccato. 3. An luxuria sit vitium mortale. 4. An capitale. 5. de filiabus eius. Articulus 209.

**Q**uemadmodum verò téperantia proprie est circa delectationes tactus, ex consequenti autem circa alias quasdam materias, sic luxuriæ propria materia sunt delectationes venereæ, secundario autem quædam libidines alia. Dicunt enim luxuriosus, quasi in voluptatē solutus.

2. ¶ Porro Augustino testante, quod est cibus ad salutē hominis, quia ordinatur ad conseruationem suppositi, hoc est ordinatus concubitus ad salutem generis, ordinatur enim ad cōseruationem speciei. Vnde sicut vsus ciborum est sine peccato, si ratione moderetur, sic vsus venereus caret peccato si debito modo ac ordine fiat, prout conuenit fini generationis humanæ, licet autem concubitus actui rationis atque virtutis repugnet, quia rationem ita absorbet, quod nihil actualiter considerare valet, non tamen habitui contrariatur, sicut nec somnus. Propter quod ait Augustinus, Satis responsum est hæreticis, si tamē capiūt, nō esse peccatū, quod neque cōtra naturā cōmittitur, neque contra morē, neque cōtra præceptum.

3. ¶ Præterea sicut actus venereus est singulariter necessarius, sic maxime indiget mensurari moderamine rationis, & per consequens est amplius vitiosum, si ordo rationis deferatur. Cum ergo luxuria motum & ordinem rationis excedat, patet quod sit peccatum.

4. ¶ Cumque finis luxuriæ sit delectatio venerea, quæ maxima est, & ergo præcipue appetibilis, secundum sensum appetituum. Idcirco luxuria est vitium capitale, quia multa peccata propter eam contingunt, & hæc ex ea causantur secundum proprietatem causæ finalis.

5. ¶ Adhuc autem, quemadmodum appetitus concupiscibilis per luxuriam summe afficitur ad suum obiectum, sic maxime impedit actum rationis ac voluntatis. Sunt verò quatuor actus rationis in agendis. Primus est simplex intelligentia, qua aliquid apprehenditur tanquam finis & bonum; & hunc luxuria impedit: unde quo ad hoc filia eius ponitur cæcitas mentis. Secundus actus est consilium, & in quantum luxuria hunc impedit, ponitur præcipitatio filia eius. Tertius actus rationis est iudicium de agendis, quem etiam luxuria impedit, & secundum hoc inconsideratio ponitur filia eius. Quartus actus est præceptum rationis de agendis, quem quia luxuria impedit, ponitur incōstantia filia eius. Ex parte quoque voluntatis, consequitur duplex inordinatio hominis ex luxuria, & sic filia luxuriæ ponitur amor sui, in quantum se homo inordinate intendit, & odium dei in quantum concupiscentiam perhibet. Isidorus autem ponit quatuor, quæ consequuntur luxuriam, scilicet turpiloquia, scurrilia, ludicra, stultiloquia.

¶ De diuisione partium luxuriæ. 2. Vtrum fornicatio simplex sit peccatum mortale. 3. An sit maximum peccatum. 4. An in tactibus, osculis, &c. consistat peccatum mortale. 5. An pollutio nocturna sit peccatū. 6. De stupro. Ar. 210.

**S**pecies autem luxuriæ sunt, peccatum contra naturam, per quam impeditur generatio proles, & fornicatio simplex, quæ contrariatur debitæ educationi promotionique genitæ proles, & hæc est commixtio soluti cū soluta. Incestus quoque, qui est cum muliere affini vel consanguinea, cui nō exhibetur debitus honor. Adulteriū, quod est cū muliere quæ est in potestate viri. Et stuprū, quod est cū muliere existente sub potestate patris, dummodo non inferatur violētia. Si enim infertur, sic ponitur raptus. Sex ergo sunt species ipsius luxuriæ, quæ oēs in quodā inordinato vsu mulieris cōsistunt, cōcubitus verò qui est cū fœmina religionē & castitatē p̄fessa sacrilegiū & spirituale adulteriū dicitur & ad

## D. DIONYSII CARTHUSIANI

speciem adulterij reducitur, quia fœmina talis quoddam cū deo matrimonium fecit.

2. ¶ Deniq; omne peccatum quod directe contra vitam hominis committitur, est mortale, tale verò est fornicatio simplex, repugnat enim bono prolis gignendæ, quod in debita informatione & educatione ac promotione cōsistit, ad quod requiritur longa cohabitatio maris & fœminæ, & non vagus concubitus, sed determinatus, vtpote certæ personæ ad certam. Vnde in animalibus, quorum educatio dependet ex patre & matre non est concubitus vagus, sicut in aubus cernitur, sed secus est in his quorum fœtus ex sola matre fouetur, vt in canibus patet: His quoque non obstat si aliquis fornicator proli prouideat, aut mulieri cohabitare. Nam quod sub lege cadit, iudicatur & determinatur secundum id quod in pluribus accidit, non autem secundum id quod in certo casu cōtingere potest. Ideoque fornicatio simplex sine omni dubitatione est mortale peccatum.

3. ¶ Insuper grauitas culpæ dupliciter potest attendi, videlicet per se, & per accidēs, per se illud peccatum est grauius, quod ex ratione sui actus maius bonum aufert, vnde fornicatio grauior est peccatis per quæ exteriora bona tolluntur, vtpote furto, rapina, &c. sed minus peccatum est quàm peccata quæ sunt directe contra Deum, vel vitā hominis iam existentis, vt blasphemia, homicidiū, est nāq; fornicatio contra bonū prolis gignendæ, quod est bonum humanum venturum.

4. ¶ Agnoscendum quoq; , quod aliquid dicitur peccatum mortale ex sua specie, & sic amplexus, oscula, tactus, non habent rationem culpæ mortalis, possunt enim absque libidine fieri, vel propter consuetudinem patriæ, aut rationabilē causam. Secundo dicitur aliquid peccatum esse mortale ex sua causā, vt si quis det eleemosynam quatenus alium inducat ad hæresim, propter intentionem corruptam mortaliter peccat. Cum ergo non tantum consensus in actum fornicationis, sed etiam in ipsam delectationem, sit peccatum mortale, hinc tactus & oscula sunt culpæ mortales, quando propter delectationem huiusmodi fiunt, sic enim & non aliter libidinosa vocantur.

5. ¶ Amplius autem pollutio nocturna dupliciter consideratur. Vno modo secundum se, & sic non est peccatum cum careat rationis iudicio. Nam omnis dormiens intendit ima-

ginibus rerum tanquam ipsis rebus, & ita decipitur. Imo primi motus sensualitatis non sunt culpabiles, nisi inquantum per rationem reprimi valent. Alio modo consideratur pollutio nocturna per comparisonem ad suam causam, quæ triplex est, scilicet corporalis, consistens in superfluitate humorum, ex qua causantur in dormiente fantasmata ad talium humorum expulsionem spectantia. Si ergo hæc causa sit ex vitio præcedenti, puta immoderantia cibi, tunc pollutio est culpabilis propter causam suam, aliter non erit culpabilis. Secunda causa pollutionis nocturnæ est causa animalis interior, ut cū ex præcedenti cogitatione dormiens fantasiando polluitur, præcedens autem cogitatio interdum est pure speculativa, ut cum quis de actibus carnis gratia disputationis cogitat: & tūc non efficit pollutionem culpabilem, sed si sit cum affectione quadam concupiscentiæ vel erroris, facit pollutionem culpabilem. Tertia causa est spiritualis atque extrinseca, scilicet à dæmone operante. Et hæc quandoq; reddit pollutionem culpabilem, inquantum vigilans seipsum non præparavit contra illusiones diaboli: quādoq; autem est ex sola malignitate diaboli sine omni peccato hominis, quemadmodum in Vita spatrum de quodam habetur, qui semper pollutionem sustinuit die festo quo communicare debebat. Quavis verò ratio dormientis non semper æqualiter offuscetur, tamen semper à libero iudicio impeditur, vnde nec pro tunc peccare potest. Veruntamen aliquid apprehendere & discere potest in somno, vel deo reuelante, vel ex cogitatione præcedente. Nā apprehensi rationis non ita impeditur in somno sicut iudicium eius, quod fit per conuersionem ad sensibilia.

6, ¶ Deniq; stuprum ponitur determinata luxuriæ species, nam in virgine sub parentum potestate existente, est specialis deformitas si corrumpatur nulla pactione matrimoniali præueniente. Tum ex parte puellæ, quæ à matrimonio contrahendo impeditur, & ad metretricium præparatur. Tum ex parte parentum, qui eius curam habent. Quandoque autem accipitur stuprum communiter pro omni peccato luxuriæ, sicut Numeri. 5. vnde qui virginem seducit & corrumpit, tenetur eam habere vxorem, quia humiliauerit eā, & patri eius satisfacere. Dicitur enim in Exod. Si seduxerit quis virginem nōdum desponsatam, dormieritque cum ea dotabit eam, & habebit eam vxorem. Si autem pater dare noluerit, reddet pe-

cuniam iuxta modum dotis quam virgines accipere consue-  
uerunt. Et in Deuterono. adiungitur: Dabit patri puellæ quin-  
quaginta siclos argenti.

¶ De raptu. 2. De adulterio. 3. De incestu. 4. De sacrile-  
gio. 5. De uitio contra naturam. 6. De ordine graui-  
tatis prædictorum.      Articulus 219.

**R**aptus autem violentiam quandam includit, & quan-  
doque in idem concurrit cum stupro, vt si quis virgi-  
nem opprimat, quandoque inuenitur sine stupro, vt  
si viduam aut corruptam rapiat: stuprum quoq; sine  
raptu esse potest, vt si quis virginem consentientē inordinate  
defloret. Puellæ autem non desponsatæ & raptæ, primo resti-  
tuendæ sunt patriæ potestati, tenetur enim vnusquisque rem  
iniuste ablatam rependere: Impedit autem raptus matrimo-  
nium contrahendum, sed non dirimit iam contractum.

2. ¶ Denique adulterium est accessus ad thorum alienum,  
quando alienus cum aliena concumbit, quod est contra cer-  
titudinem prolis, & contra bonum propriæ prolis, & quanuis  
ratio adulterij maneat si coniugatus ad non coniugatam ac-  
cedat, proprie tamen sumuntur luxuriæ species secundum di-  
uersas mulierum conditiones. Nam mulier se habet per mo-  
dum patiētis siue materiæ, actus autem morales distinguun-  
tur secūdm diuersas materias siue obiecta. Adulterium quo-  
que fidem matrimonij violat.

3. ¶ Porro incestus triplici ratione illicitus redditur. Pri-  
mo quoniam parentibus atque cognatis honorificentia quæ-  
dam debetur, cui repugnat turpitudine actus venerei, vnde Ma-  
ximus Valerius narrat, quod apud antiquos fas non erat pa-  
trem cum filia balneari, ne se nudos conspicerent. Secundo  
quia personas consanguinitate coniunctas necesse est simul  
morari, & ergo si carnaliter copulari possent, daretur nimia  
occafio commixtionis venereæ. Tertio quia si propinqui cō-  
miserentur, minueretur multiplicatio amicorum, quæ fit per  
copulam extranearum personarum. Aristoteles autem. 2. Po-  
liticorum addit aliam causam. Nam homo naturaliter amat  
propinquam, si igitur eam vxorem haberet, nimis eam ama-  
ret, quod castitati derogaret. Refert quoque philosoph. 8. de  
animalibus, quod quidā equus seipsum præcipitauit, eò quod

matri suæ deceptus se miscuit. Aliquibus nanque brutis inest naturalis reuerentia ad parentes.

4. ¶ Insuper sacrilegium ponitur luxuriæ species, inquantum aliquid Deo deputatū ad libidinem ordinatur, vt si quis sanctimoniam cognoscat, aut personam spirituali cognitione coniunctam.

5. ¶ Vitium quoque contra naturam est, quod naturali ordini veneri auctus repugnat. Est ergo luxuriæ species, & multis modis contingit. Vno modo si procuretur pollutio ex solo appetitu delectationis, sine omni causa concubitus, quod quidam immunditiā vel mollitiem nominant. Item si cum re alterius speciei coeatur quod bestialitas dicitur. Tertio fit per concubitum ad sexum indebitum, vt masculi cum masculo, seu fœminæ cum fœmina, quod vitium sodomiticum appellatur. Quarto si non seruetur naturalis modus concumbendi, vel quantum ad instrumentum indebitum, seu secundū alios monstruosos ac bestiales coitus modos.

6. ¶ Inter prædicta autem luxuriæ vitia, vitium contra naturam est grauissimū, quia per ipsum corrumpitur ipsum principium humanæ propaginis. Deinde incestus, quia est cōtra naturalem propinquorū reuerentiam. Deinde adulteriū est grauius stupro, & vtrunque aggrauatur per violentiam: propter quod raptus virginis est grauior stupro, raptus quoque vxoris est grauior adulterio. Omnia verò ista per sacrilegium aggrauantur. Fornicatio autem simplex inter prædicta est minima culpa, est tamen mortalis.

¶ Verum continentia fit uirtus. 2. De obiecto & subiecto ipsius.  
3. De comparatione eius ad temperantiam. Articuli. 212.

**C**ontinentia deniq; vno modo dicitur secundū quod homo ab omni delectatione venerea abstinet: quod primo conuenit virgini, secundario viduæ, & sic continentia est virtus sicut virginitas. Secūdo accipitur pro qualitate, per quā homo cōcupiscencijs vehementibus resistit, firmans se cōtra eas, nō tamē perfecte eas rationi subijcere valens, & sic sumitur in collationibus patrū, & ab Arist. qui condiuidit continentiam virtuti. Sic enim accepta, non est virtus, sed aliquid virtutis participat. Ad perfectā enim rationē virtutis moralis exigitur, vt per eam sensitiuus appeti-



tus rationi subdatur. Si autem virtus large sumatur pro omni principio laudabilium operum, sic continentia virtus est.

2. ¶ Deniq; materia seu obiectum continentiae est aliquid, quod maxime appetitum impellit ad aliquid prosequendum, hoc autem est concupiscentia circa venerea, quæ ad tactum pertinet, dicitur tamen aliquis incontinens iræ, vel continens honoris, quia aliquo modo continentia respicit talia.

3. ¶ Subiectum autem continentiae, esse non potest vis concupiscibilis nec ratio. Omnis enim virtus inhaerens potentiae, facit eam aliter se habere cum ipsa inest, quam cum oppositum vitium inest. Sed concupiscibilis eodem modo se habet in continente & incontinente, quia in utroque prorumpit in concupiscentias vehementes & pravas. Ratio quoque in ambobus est recta, & uterque extra passionem existens proponit concupiscentiam non sequi. Primo autem ipsorum differentia in electione inuenitur, nam continens eligit concupiscentias non sequi quibus pulsatur. Incontinens vero eligit assequi ipsas. Ideoque illa potentia ad quam electio pertinet, est continentiae subiectum, hæc autem est voluntas.

4. ¶ Præterea, continentiam accipiendo secundum primum modum sic dignior est temperantia simpliciter dicta, quæ admodum virginitas castitate, sed secundo modo eam sumendo, sic temperantia dignior est, quia passionibus quas respicit, rationi perfecte subditas facit, in eo autem qui continens est, passionibus vehementer rationi rebellant.

¶ *An incontinentia pertineat ad corpus uel animam. 2. An sit uirtus. 3. Quomodo se habeat ad intemperantiam. 4. Quis turpius sit, incontinens iræ uel incontinens concupiscentiæ.*      *Articulus 213.*

**P**orro causa incontinentiae, proprie & per se est ex parte animæ, quæ per rationem non resistit passionum impulsui, dispositio tamen corporis est causa incontinentiae occasionalis, in quantum secundum variam eius qualitatem, passionibus magis aut minus insurgunt, quod autem homo passioni non resistit duobus modis contingit. Primo sic quod ratio non consiliatur, sed statim ipsi passioni acquiescit, & hæc (secundum philo.) dicitur incontinentia irrefrenata. Secundo sic, quod homo non permanet in rationis

iudicio propter passionis instantiam atque impulsus, qui cōtingit ex velocitate motus, vt in cholericis, vel ex vehementia, vt in Melancholicis qui propter complexionē terrestrem vehementissime inflammantur.

2. ¶ Denique sumendo incontinentiam prout est circa concupiscentias tactus, quæ in se turpes sunt, vel prout est circa bona quæ in se mala non sunt, sed inordinate optantur, vt diuitiæ & honores, sic incontinentia est peccatum: quandoque autem incontinentia dicitur excessius affectus alicuius quod per se bonum existit, quemadmodum sunt virtutes. Vnde Diony. 4. cap. de diui. no. ait: quod Paulus propter diuini amoris incontinentiam dixit. Viuo autem iam non ego, & sic non est peccatum, sed virtutum perfectio.

3. ¶ At verò omne peccatum in voluntate præsertim consistit, nam voluntas (secundum August.) est qua peccatur, & recte viuatur. Intemperatus autem peccat ex electione voluntatis, videlicet ex propria inclinatione vitiosi habitus, nec post peccatum tristatur sed gaudet, quemadmodum impij lætantur cum malefecerint. Incontinens verò ex passionis impetu ad peccandum inducitur, qua cessante, pœnitet atque tristatur. Ideoq; intemperatus grauius peccat quàm incontinens.

4. ¶ Sciendum autem quod ignorantia intellectus interdum præcedit inclinationem appetitus & facit eam, & sic quanto ipsa est maior tanto peccatum est minus. Diminuit enim rationem voluntarij actus. Quandoque autem ignorantia intellectus sequitur inclinationem appetitus, & quo illa est maior, tanto culpa est maior, ostenditur enim inclinatio appetitus esse intensior. Aduertendum quoque quod incontinens concupiscentiæ est turpior quàm incontinens iræ ex parte passionis, quia in turpiores passionibus præcipitatur. Sed incontinens iræ peior est incontinente concupiscentiæ ratione affectus, saltem frequenter. Frequenter enim ira præcipitat hominem in mala peiora, ad proximi nocuum pertinetia, quàm incontinentia.

¶ An mansuetudo & clementia differant. 2. An sint uirtutes. 3. An temperantiæ partes. 4. De compa-  
ratione earum ad alias uirtutes.

Articulus 214.

**M**ansuetudo autē est virtus moderās irā, clementia verò est virtus moderatiua exterioris punitionis. patet ergo quod specie distinguētur, quāuis in eodē effectu cōcurrāt: dicit autē Seneca, quod māstuetudo est lenitas superioris circa inferiorē, in cōstituēdis pœnis. Crudeles autē dicuntur, qui puniēdi cōmunē modū nō habēt. Sæui verò, seu feri, qui in pœnis hoīm ppter seipsas delectantur, hi nanq; humanū affectum non habent, cū naturaliter homo diligit hominē, & omne animal sibi conforme.

2. ¶ Denique virtus moralis ad hoc tendit, quod appetitus rationi subdatur, cum ergo mansuetudo iras moderetur, & clementia exteriorem punitionem diminuat secundum rationis censuram, patet quod vtraque sit virtus, propter quod Seneca 2. de Clementia dicit. Clementiam & mansuetudinē, omnes boni viri præstabunt.

3. ¶ Hæ autem duæ virtutes, sunt partes potentiales temperantiæ, nā modum eius aequaliter imitantur, consistunt enim in quadam refrenatione iræ seu pœnæ, sicut & temperantia in refrenatione libidinum, pertinet quippe ad clementiam quod homo potestate sua non vtatur in vlciscendo: Vnde Seneca asserit. Clementia est temperantia animi in potestate vlciscendi, quod ex quadam dulcedine animi accidit, inquantum affectus omne illud abhorret quod quēquam contristare valet, & ergo clementia, secundum Senecam, est lenitas animi. Nā econtrario austeritas animi in hoc consistit, quod quis alium contristare non veretur.

4. ¶ Quauis autem clementia & māstuetudo non sunt simpliciter virtutes dignissimæ, habent tamen excellentiam, quia mansuetudo per hoc quod iram retundit, hominem maxime sui compotem facit, clementia verò in eo quod pœnam diminit, ad charitatem multum accedit.

¶ An irasci sit licitum. 2. An ira sit peccatū. 3. An peccatum mortale. 4. An sit grauissimū. 5. De speciebus eius. 6. An sit vitii capitale. 7. De filiabus ipsius. 8. De oppposito uitio. Ar. 215.

**D**upliciter verò inuenitur malum in passionibus animæ. Primo ex ipsa specie passionis ratione obiecti, sicut inuidia ex se nominat vitium, hoc autem iræ, quæ vindictæ appetitū designat, non cōpetit. Appe-

titus enim vindictæ, bene & male effici potest. Secundo ratione superabundantiæ vel defectus, & sic inueniri potest malum in ira, inquantum aliquis immoderate & præter rationem irascitur, si verò secundum rationem homo irascatur, sic ira erit laudabilis. Hiere. autē & alij quidam, qui dicunt iram semper esse malam, loquuntur secundum modum Stoicorum, qui oēs passiones dicebāt esse inordinatos motus sensitiui appetitus. Peripatetici autem, quorum sententiam Aug. amplius approbat 9. de ciuitate dei dixerunt, quod ira & aliæ passiones, sunt motus sensitiui appetitus, siue sint secundum rationem moderatæ siue non. Potest autem ira se ad rationem habere dupliciter, scilicet antecedenter, & sic impedit eam: & consequenter, prout appetitus sensitiuus mouetur contra vitia secundum rationis dictamen, & hæc est ira per zelum quæ bona est, de qua ait Gregorius. Tunc robustius ratio contra peccata erigitur, cum ira subita rationi famulatur. Et iterum: Curandum (inquit) summopere est, ne ira, quæ vt instrumentum virtutis assumit, rationi dominetur, ne quasi domina præeat, sed velut ancilla ad obsequium parata, à rationis tergo nunquam recedat, hæc tamen ira rationis actum aliquantulum turbat, sicut & prima excæcat.

2. ¶ Præterea, ordo rationis circa iram pensatur dupliciter. Primo quantum ad id in quod ira tendit, quod est vindicta, quæ si appetatur propter correctionem culpæ & conseruationem iustitiæ, erit ira bona per zelum: si autem vindicta queratur qualitercunq; & in malum alicuius, erit ira dicta per vitium. Secundo quantum ad modum irascendi, ne scilicet ira immoderate feruescat nec intus nec foris, si enim nimis ardescit, fit ira culpabilis, quanuis in bonum finem tendat.

¶ Ira autem secundum se & absolute accepta, non nominatur vitium sed passionem, quæ in se nec laudabilis est nec vituperabilis. sed si ratione refrenatur est laudabilis, potest nanque appetitus sensitiuus à ratione sic dirigi, vt vindictam desideret propter bonum finem prædictum.

3. ¶ Insuper ira, quæ est inordinata ex parte vindictæ optata, est ex suo genere peccatum mortale, quoniam iustitiæ & charitati repugnat: potest tamen veniale esse peccatum propter imperfectionem actus, ex parte appetentis qui rationem præuenit, vel ex parte appetibilis, sicut dū aliquis in modico vlcisci se cupit, velut si quis puerum parum crinibus trahat.

## D. DIONYSII CARTHUSIANI

Ira autem, quæ est inordinata quantum ad modum irascendi, vel intus seu in exterioribus signis non est mortalis ex suo genere, nisi quis ex nimia vehementia à dilectione Dei & proximi excidat.

4. ¶ Est auté ira ex parte eius quod appetit, minus peccatū quàm odium atq; inuidia. Inuidus enim appetit malū alterius propter appetitū propriæ gloriæ, odium verò appetit malum in quantum huiusmodi. Sed ira appetit malum pœnæ sub specie iustæ vindictæ. Est etiam minus peccatum quàm motus cōcupiscentiæ, qui tendit in bonum delectabile, habet autem ira ex parte modi irascentis quandam grauitatem, propter vehementem sui motus velocitatem. Vnde Chrysostomus dicit: Nihil est turpius visu feruentis, & nihil deformius visu seueri, & ira est quidam dæmon, in o dæmonem habentē difficilior. Et in libro Prouerbiorum: Ira non habet misericordiam, nec furor erumpens.

5. ¶ Iracundorum autem quidam (secundum Philosophū) dicuntur acuti, videlicet qui cito & qualibet occasione irascuntur, alij graues, alij difficiles, in quibus memoria illatæ iniuriæ nimis perseuerat, & ex hoc sibi met ipsis graues fiunt, nec quiescunt donec retribuunt, propter quod difficiles appellantur. Amari autem manent in ira, propter internam tristitiam quam concipiunt ex illata iniuria, tempore verò procedente cum tristitia perit, ira quiescit, sed difficiles manent in ira propter magnum vindicandi affectum, & igitur ante vindictam non mitescunt.

6. ¶ Porro ira est vitium capitale, habet enim finem multū appetibilem, puta vindictam, quæ propter speciem iustitiæ multum optatur: & etiam ipsa motio iræ, cum sit vehemens, præcipitat hominem ad multa agenda.

7. ¶ Propter quod ex ira, varia vitia tanquam filiæ eius nascuntur, quæ sunt indignatio, vt cum iratus reputat alium indignum vt sibi aliquid tale agat, & tumor mentis, in quantum irascens multos vindictæ modos & vias excogitat: clamor quoque qui consistit in inordinato irascentis sermone, & contumelia, quæ est illatio iniuriosorum verborum quo ad proximum, & blasphemia quantum ad deum, & rixa, per quam intelligitur omne factum & nocumentum reale, quod iratus alicui infert. Has ergo sex filias iræ ponit Gregorius. Accipitur quoq; hic tumor mentis non pro superbia, sed pro

conatu atque audacia eius qui vindictam atterrat.

8. ¶ At verò ira quandoque accipitur pro solo motu voluntatis pœnam infligentis, non ex passione sed ratione, & sic defectus iræ est vitium. Secundo accipitur pro motu appetitus sensitivi, qui cum corporali transmutatione contingit, & hic motus simplicem motum voluntatis de necessitate consequitur, quoniam appetitus inferior superiore naturaliter sequitur, nisi aliquid impediatur, non ergo potest motus iræ totaliter in appetitu sensitivo deficere, nisi per subtractionem vel debilitatem voluntarij motus. Itaque sicut defectus voluntarij motus ad puniendum secundum rationem, est vitiosus, sic consequenter defectus passionis iræ vitiosus existit.

¶ Passio enim iræ, sicut & alij motus appetitus sensitivi, utiles sunt rationi ad hoc quod proprius exequatur quod bonum est, alioquin frustra esset in homine appetitus inferior.

¶ Quod crudelitas opponitur clementiæ. 2. Quo modo se habeat ad feritatem seu sæuitiam. 3. Quod modestia est pars temperantiæ. 4. De obiecto modestiæ.      Articulus 216.

**C**lementia autem (iuxta prædicta) est quædam lenitas animi pœnam diminuentis, cui contrariatur crudelitas, quæ amaritudinem quandam importat in animo ponentis.

2. ¶ Differt autem crudelitas à feritate seu sæuitia, quæ nomen sortitur à proprietate ferarum, sicut enim feræ homines occidunt & lædunt, non ex consideratione iustitiæ, sed ut pascantur: sic homines sævi vocantur qui alios torquent non ex intuitu culpæ, sed quoniam in ipso hominum cruciatu delectantur, & quia hoc inhumanum ac bestiale consistit: ideo feritas sub vitio bestialitatis continetur, provenit enim ex magna corruptione naturæ, vel pessima consuetudine. Crudelitas verò respicit pœnam in eo quem torquet, sed modum excedit, unde sub humana malitia collocatur.

3. ¶ Denique quædocunq; est aliqua virtus circa maximum aliquid, necesse est aliam fore virtutem circa ea quæ mediocriter se habent, nam totam vitam humanam oportet regulari virtutibus. Sicut ergo præter magnificentiam, quæ est circa maximos sumptus, ponitur liberalitas mediocres sumptus cõcer-

## D. DIONYSII CARTHUSIANI

nens & ordinans: sic præter temperantiam, quæ est circa maximas delectationes utpote tactus, modestia ponitur, quæ temperantiæ tanquam principaliori virtuti annectitur.

4. ¶ Materiam quoque seu obiectum modestiæ diuersimode quidam assignant, sed Tullius ponit modestiam esse circa appetitum excellentiæ, quem moderatur humilitas, & circa appetitum quoque eorum quæ ad scientiam pertinent, quem ordinat studiositas curiositati opposita, circa exteriorè quoque motum & actum quatenus decenter fiat, & circa apparatus qui in vestibus atque similibus constat. Apostolus verò dum ait: Modestia vestra nota sit omnibus, accipit eam prout est circa exteriora, vel etiam circa interiora, quæ non agnoscuntur nisi per exteriora iudicia.

¶ *Vtrum humilitas sit uirtus. 2. De subiecto eius. 3. An humilitas debeat se omnibus subiicere. 4. An sit pars modestiæ. 5. Quomodo se habeat ad alias uirtutes. 6. De gradibus humilitatis.*

Articulus 217.

**B**onum autem arduum, in quantum est bonum, attrahit, & causat spem: in quantum verò est arduum, retrahit, causans desperationem. Ideoque circa appetitum boni ardui necessaria est duplex uirtus. Vna quæ refrenet ac temperet animum ne immoderate tendat in magna, & hoc ad humilitatem pertinet. Alia quoque quæ animum contra desperationem corroboret, atque impellat in prosecutionem magnorum, & hoc magnanimitas efficit. Sic ergo humilitas est uirtus.

2. ¶ Cuius subiectum est appetitus, nam ad humilitatē pertinet seipsum reprimere & declinare, ne in altiora inordinate feratur. Sed quoniam hoc fieri nequit, nisi quis propriam imperfectionem cognoscat, & improprietatem suam ad id, quod suam uirtutem excedit: ideo cognitio ad humilitatem requiritur, tanquam regula dirigens appetitum, cuius motum humilitas moderatur. Deo autem secundum naturam diuinam non competit humilitas. Debet autem humilis se ad sublimiora extendere innitendo diuino auxilio. Quoniam secundum Augu. aliud est leuare se ante deum, & aliud est leuare se contra deum. Qui enim ante illum se projicit,



ab ipso erigitur, qui verò aduersus illum se erigit, ab eo projicitur.

3. ¶ Denique in quolibet homine duo pensantur, videlicet quod est hominis, quod scilicet ad defectū pertinet, & quod est dei, puta ad salutem & gratiā spectans. Debet ergo unusquisq; seipsum secundum id quod suum est, subijcere cuilibet homini secundum id quod est dei in ipso. Vnde ait Apost. In humilitate superiores inuicem arbitrantur. Non autē requirit humilitas vt quis se alteri subijciat, secūdū dona quæ se à deo sortitum cognoscit, propter dona quæ apparent in alio: Item non requirit humilitas vt homo secundum id quod secūdū se est, subijciat proximo secūdū id quod ille ex se est, sic enim oporteret quod quilibet reputaret se magis peccatorē quā quemlibet alium, sed potest aliquis estimare aliquid boni esse in proximo quod ipse non habet, atque aliquid mali esse in se quo alius caret, sicque per humilitatem se illi subiicere.

4. ¶ Porro humilitas ponitur pars potentialis temperantiæ. Nam in quadam refrenatione spei consistit, sicut & temperantia in refrenatione libidinis, continetur autem humilitas sub modestia, sicut prædictum est. Vnde Origenes super Lucā dicit. Si nomen huius audire virtutis vis, quomodo etiam à Philosopho appelletur, ausculta eandem esse humilitatem, quam respicit deus, ab illis metricon id est mensuratio seu moderatio dicitur, quem enim Arist. temperatum appellat, nos humilem dicere possumus.

5. ¶ Est autem humilitas in irascibili, sicut superbia sibi opposita, quia respiciunt arduum.

6. ¶ Amplius, virtutes theologicæ & etiam intellectuales, iustitia quoque legalis, humilitatem in dignitate excedunt, cæteris verò ipsa est potentior, humilitas verò prima virtutum & fundamentum vocatur earum, non quod sit simpliciter prima, sed dicitur prima quasi remouens prohibens. Nam superbiam omnis peccati originem, cui etiam resistit, expellit, & hominem deo subditum efficit. Fides autem directè est prima virtutum, quoniam per ipsam primo ad deum acceditur, & quoniam humilitas omnium bonorum impedimentum tollit, ideo Christus eam singulariter docuit.

¶ Præterea in regula beati Benedicti ponuntur duodecim gradus humilitatis, de quibus in variis libellis tractatum inuenitur.

¶ An superbia sit peccatum. 2. An speciale sit vitium. 3. De subie-  
cto eius. 4. De speciebus superbiæ. 5. An sit peccatum  
mortale. 6. An sit maximum. 7. De comparatione  
superbiæ ad alia vitia. 8. An sit vitium ca-  
pitale      Articulus      218.

**S**uperbia deniq; ideo peccatū est, quia regulā rationis  
transgreditur tēdendo in ea quæ sunt super se, & suæ  
mensuræ improporcionata consistunt. Est enim super-  
bia (secundum Augustinum) peruersæ celsitudinis appetitus.  
Et peruerse imitatur deum, quoniam odit æqualitatem cum  
socijs sub deo: sed imponere vult eis dominationem pro illo.  
2. ¶ At verò superbia secundum propriam rationē accepta,  
est speciale peccatum habens materiam propriam, quæ est ex-  
cellentia propria: sed dicitur commune peccatum, per re-  
dundantiam, quia mater est omnium vitiorum, & quia legem  
dei facit contemni. Non tamen omnis qui deum offendit, ex  
dei contemptu hoc agit: sed interdum ex negligentia vel in-  
firmitate. Sciendum tamen, quod aliquis facit aliquod pecca-  
tum secundum effectum, quod non facit secundum affectum  
quemadmodum patrem ignoranter occidens: conformiter  
omnis qui contrā dei præcepta operatur, deum contemnit  
secundum effectum, sed non secundum affectum.  
3. ¶ Porro quia obiectum superbiæ est arduum, utpote ex-  
cellentia, ideo subiectum eius est irascibilis. Sed aduertendū  
quod vis irascibilis quandoque propriæ sumitur, sicut & ira,  
& tunc est solum in parte sensitua: quandoque verò commu-  
niter sumitur, ut conueniat appetitui intellectiui, qui est vo-  
luntas, & sic nō diuersificatur à concupiscibili. Quoniā ergo  
arduum illud, circa quod occupatur superbia, non solum re-  
peritur in sensibilibus bonis, sed ut sæpius in spiritualibus, in  
quibus est excellentia maior, ideo obiectum superbiæ est iras-  
cibilis non tantum proprie sumpta, sed large accepta, nā dæ-  
monibus inest superbia, hoc tamen non vidi in Thoma aper-  
tè, & idem videtur de humilitate dicendum, quoniam ange-  
lis inest humilitas, & sicut irascibilis conuenit spiritualibus  
rebus, imo & deo, sic & ira, non prout passionem importat.  
Superbia autem quanuis informem cognitionem non aufe-  
rat, affectualem tamen directē notitiam impedit. Vnde Gre-  
gorius dicit: Superbi secreta quædam intelligendo percipiūt

quorū dulcedinē experiri non possunt. Nā quoniam in propria excellētia gaudēt, veritatis excellentiā prorsus fastidiunt.

4. ¶ Insuper species superbiæ quatuor sunt secundū Gregorium. Prima cum aliquis bonum quod habet, à seipso se habere putat. Secunda cum illud suis meritis tribuit. Tertia cū quis iactat se habere quod non habet. Quarta dum quis singulariter appetit videri aliquid habere aliis aspernatis. Bernardus autem distinguit duodecim gradus superbiæ, contra duodecim gratus humilitatis. Primus enim gradus humilitatis est semper corde & corpore humilitatem ostendere, desinere in terram aspectu, cui contrariatur curiositas, qua homo ubique innordinate & curiose circumspicit. Secundus gradus humilitatis est, pauca & rationabilia verba loqui, non clamorose, cui leuitas mentis opponitur, per quam homo se verbis habet superbe. Tertius gradus humilitatis est non esse promptum ad risum, cui opponitur inepta lætitia. Quartus taciturnitas vsque ad interrogationem, cui contrariatur iactantiā. Quintus tenere quod communis regula monasterij continet, cui opponitur singularitas, qua quis vult sanctior apparere. Sextus credere & pronuntiare se omnibus viliorem, contra quem ponitur arrogantia, qua se homo alijs præfert. Septimus ad omnia se inutilem atque indignum confiteri & credere, cui opponitur præsumptio, per quam se aliquis æstimat sufficientem ad gradum maiorem. Octauus est peccatorum confessio, contra quam ponitur eorundem defensio. Nonus in duris & asperis patientiam amplecti, cui contrariatur simulata confessio, qua quis non vult subire pœnam pro culpis quas simulatorie confitetur. Decimus est obedientia, cui contrariatur rebellio. Vndecimus ne homo delectetur propriam facere volūtatē, cui libertas opponitur. Vltimus gradus humilitatis est timor dei, cui opponitur consuetudo peccandi quæ dei contemptum includit.

5. ¶ Præterea, sicut humilitas proprie respicit subiectionem animæ ad deum, ita superbia concernit extollentiam quandam, supra quam homini à deo præfixum est per legem diuinam, vnde patet quod superbia ex proprio genere sit peccatum mortale, quanuis aliqui motus eius sint veniales propter imperfectionem ipsorum, & quoniam rationem præueniunt, vel eius consensum non habent.

6. ¶ Sciendum quoque quod superbia non est maximum

peccatum propter conuersionem ad bonum commutabile, quoniam excellentia quam concernit, non maxime contrariatur diuino bono, sed ratione auersionis, quæ in omni peccato formale est & speciem complens, est superbia grauissimum peccatorum, nam ex propria ratione auersionem quasi essentialiter cõprehendit, quia deo & eius regno subijci spernit, cætera quippe peccata, secũdum Boethium, fugiũt à deo sola superbia se ei opponit, cum actus eius sit dei contemptus quia igitur illud formale quod omnibus vitijs communiter conuenit, superbix singularitur attribuitur, ideo ratione auersionis est grauissima secundum genus. Semper enim id quod est per se, potius est illo quod est per aliud. Quauis autem superbia difficulter vitetur, eo quod sæpius latenter insurgat, & ex bonis operibus occasionem accipiat, postquam tamen innotescit de facili euitatur, tum ex consideratione propriæ infirmitatis, tum ex cõtemplatione diuinæ magnitudinis, tum ex cognitione imperfectionis bonorum quæ agimus: quæ sunt velut pannus immundæ. Frequenter autem propter superbiam, cuius turpitudine intus latet, permittit deus hominem ruere in peccata carnalia, quorum turpitudine manifesta est, quatenus per hoc ab occulta confusione humiliati confurgant.

7. ¶ Insuper rite superbia ponitur primum peccatum: nam auersio, quæ in omni peccato formale atque præcipuũ est, superbix primo & per se, & ex propria cõuenit ratioe, vt dictũ est. Possunt tamẽ in aliquo quædã peccata præcedere eã, scilicet ex ignorãtia vel ex infirmitate. Sed inter magna peccata superbia prima vocat, quia oĩa mala ex ea possunt pcedere.

8. ¶ Agnoscendum verò, quod Cassianus & Isidorus considerantes superbiam prout est quoddam speciale peccatum posuerunt eam vitium capitale, sed Gregorius considerauit eam inquantũ habet vniuersalẽ influentiã super omnia vitia & idcirco vocat eã omnium vitiorum reginam ac matrẽ, nõ autẽ capitale peccatũ. Imo capitalium vitiorum principium, quoniam cor quod ipsa occupat, septem principalibus vitijs implet, sicque omnium multitudinem vitiorum producit.

¶ An peccatum primi hominis fuerit superbia. 2. Quid Adã peccando appetiit. 3. De grauitate peccati Adæ. 4. An magis peccauit quàm Eua. Articulus 219.

**A**D vnum autem peccatum multi possunt motus concurrere, quorum ille est primum peccatum in quo prima inordinatio reperitur, hoc ergo erat primum peccatum hominis in quo erat prima inordinatio appetitus, hæc verò esse non potuit in appetitu sensitivo, quoniam nulla erat rebellio carnis ad spiritum in protoplastis, propter quod prima inordinatio appetitus humani non erat per hoc quod appetiit aliquod bonum sensibile, sed quia spirituale bonum supra suam mensuram optauit, quod ad superbiam pertinet. Ideoque primum peccatum hominis erat superbia: secundo autem ex superbia oriebatur in ipso inobedientia quia ex elatione ad illud quod inordinate appetiit ad diuini præuaricationem mandati inductus est, sed & gula deriuabatur ex superbia. Nam propter suasionem serpentis, qui dixit: Aperiètur oculi vestri & eritis sicut dii, inducta est mulier principaliter ad esum vetiti pomi. Erat etiam in peccato primi hominis curiositas, quia scientiam inordinate optauit ex excessiuo excellentiæ appetitu, quæ superbia sic mulierem excæcauit, quod serpentem verum dicere credidit.

**2** ¶ Porro cum omne bonum creatum sit quædam participatio bonitatis diuinæ, eo ipso quod homo appetiit inordinate excellentiam spiritualis boni, optauit similitudinem dei, non æquiparentiæ, quia hæc cadere nequit in apprehensione sapientis, sed imitationis qualis creaturis est possibilis. Unde Augustin. dicit: Adam & Heua rapere voluerunt diuinitatem, & perdiderunt fœlicitatem. Sed cognoscendum quod appetitus proprie est rei nondum adeptæ, bonum autem spirituale, per quod creatura deo assimilatur, secundum tria attenditur, vt pote secundum esse naturæ, & tale bonum homo & angelus habuerunt à suæ creationis principio, nec circa hoc peccauerunt. Secundo autem attenditur quo ad cognitionem, & hanc dei similitudinem angelus à principio actualiter habuit, homo verò in potentia tantum. Tercio, quantum ad potestatem agendi, & hanc neuter eorum à suæ creationis initio habuit. Restabat enim eis aliquid operandum quo ad fœlicitatem pertingerent. Primus itaque homo peccauit principaliter appetendo similitudinem dei, quantum ad scientiam boni & mali, vt scilicet per propriæ naturæ virtutem sibi determinaret quid bonum & quid malum esset ad agendum, vel etiam quatenus per seipsum cognosceret quid sibi esset

## D. DIONYSII CARTHYSIANI

boni aut mali futurum. Secundario autem peccauit appetendo similitudinem dei quantum ad propriam potestatem agendi, ut scilicet, virtute suæ naturæ operaretur ad beatitudinem obtinendam. Dicit enim Augustin⁹ 11. super Genesim ad litteram, q̄ menti mulieris inhæsit amor propriæ potestatis. Sed diabolus peccauit desiderando similitudinem dei quantum ad potestatem: voluit enim magis sua potentia frui quàm dei, secundum Augustinum in libro de vera religione. In hoc ergo vterque deo quodammodo æquari optauit, quod sibi ipsi nimis inhæsit, diuinæ regulæ ordine derelicto.

3 ¶ Præterea, peccatum graue vocatur dupliciter, scilicet ex specie propriæ actus, & ex circumstantia loci, vel personæ, aut temporis. Primo igitur modo primorum parentum peccatum non erat grauissimum peccatum. Nam blasphemia & infidelitas magis derogant deo quàm appetitus excellentiæ. Sed secundo fuit grauissimum propter conditionem personarum peccantium: prima autem grauitas essentialior est peccato quàm altera, & ergo licet peccatum eorum fuerit grauissimum, secundum quid, non tamen simpliciter.

4 ¶ At verò peccatum Adæ grauius extitit peccato Heuæ, ex parte conditionis personæ, quoniam erat muliere perfectior, sed quantum ad genus peccati quod fuit superbia, peccatum amborum fuit æquale, quantum verò ad speciem huius superbiæ, grauius peccauit Heua triplici ratione. Primo nam maior fuit elatio mulieris quàm viri, credidit namq; ipsa serpentem verū dicere: sic quod deus esum ligni vetiti ipsis prohibuisset, ne ad ipsius similitudinem peruenirent. Vnde de ligno manducans voluit dei similitudinem adipisci, contra voluntatem diuinam: vir autem ita non credidit, nec dei similitudinem appetiit quasi contra voluntatem diuinam, sed peccauit quia eam per seipsam consequi voluit. Secundo quoniam mulier viro peccatum suggessit. Tertio, quia Adam peccauit ex quadam amicabili benevolentia ad mulierem, quâ etiam fit ut deus sæpe offendatur, dum homo metuit ne ex amico inimicus fiat, hoc autem peccatum Adæ viri diminuit.

¶ De morte 2. De alijs pœnis consecutis 3. De tentatione primorum parentum.  
Articulus 220.

**D**Onum autem originalis iustitiæ sic primo parenti erat collatum, ut quamdiu ratio eius atque voluntas deo subditæ essent, nec sensitivus appetitus rationi resisteret, nec corpus animæ. quia ergo homo peccavit, consecuta est rebellio virium inferiorum contra rationem, & defectus corruptionum ex parte corporis, quod animæ perfectæ non subditur, hæc autem consecuta sunt in pœnam originalis culpæ.

2 ¶ Denique adiunctæ sunt multæ pœnæ particulares. Nā privati sunt loco qui competebat statui integritatis, videlicet paradiso terrestri, ea quoque quæ naturæ originalis iustitiæ beneficio destitutæ conveniunt, attributa sunt viro & fœminæ. Pertinet enim ad fœminam generatio proles, & quantum ad hoc est dupliciter punita, videlicet per tedium quod sustinet parturiendo, & per dolorem quem sentit, quem non sensitset in partu si non peccasset. Pertinet quoque ad fœminam commutatio operum ad domesticam conversationem spectantium, & quo ad hoc punita est per subiectionem qua subiecta est viro, non quod ante peccatum vir non fuerit caput mulieris gubernatorque eius, sed quoniam mulier necesse habet viro subesse etiam nolens. Ad virum autem spectat procuratio necessaria vitæ, circa quod tripliciter est punitus. Primo per terræ sterilitatem. Secundo per laboris annexionem. Tertio per infructuosorum germinum productionem. Sed & in anima puniti sunt triplici pœna. Primo per confusionem ex rebellionem carnis ad spiritum, nam aperti sunt oculi eorū, nō quod ante clausi erant, sed post peccatum aperti sunt ad aliquid intendēdū & cogitandum, quod antea nunquam adverterant, scilicet adinvicem concupiscendum, quod ante non fuerat. Secundo quantum ad increpationem propriæ culpæ, dicitur enim: Ecce Adam factus est quasi vnus ex nobis. Tertio per commemorationem futuræ mortis, dum dicitur: Pulvis es, & in pulverem reverteris. Quod autem in Genesi ad fœminam dicitur: Multiplicabo conceptus tuos, non debet intelligi quod multiplicatio filiorum sit data in pœnam, sed propter multiplicationem doloris id dictum est.

3 ¶ Porro diuina providentia, cuius est (secundum Dionysium quarto capitulo de diuinis nominibus) naturas rerū saluare non autem corrumpere, disponit cuncta suauiter, talis verò est natura humana ut possit ab aliis impediri & iniuri.



Ideoque decuit ut sicut homo in statu innocentiae per angelos bonos iuuabatur, sic à dæmone permetteretur tēari, quāvis deus scieret eum vincendum, sciuit nanque quod per liberum arbitrium potuit vincere, & hoc facillime, quia nihil mouebat eum intrinsecus ad peccatum, & sic impugnatio eius non fuit pœnalis.

¶ Insuper quoniam ex intellectuāli & corporali principio homo constat, ideo tentator duplex incitamentum proposuit puta similitudinem dei per adeptionem scientiae, & per hoc quod vsus est sensibilibus rebus, maximam cum homine affinitatem habentibus. Nam tentauit virum per foeminam, mulieremque per prohibitum cibum, nō enim potuit dæmō hominem primo tentare per suggestionem intrinsecam, nam illa ostendit diabolus plus habere potestatis in homine quā exterior res, quia fantasiam transmutat, & secundum Augustinum non est opinandum quod dæmon serpentem pro suo libito ad tentandum hominem praelegit, sed quia hoc animal ei permissum fuit, quauis alia fuissent magis apparentia.

¶ De studiofitate 2. De curiositate 3. An locum habeat circa cognitionem sensitiuam. Articulus 221.

**M**ateria denique circa quam est studiofitas, est ipsa cognitio, secundario autem, id quod per cognitionem fit siue dirigitur, est enim studiofitas vehemens applicatio mētis ad aliquid maximè cognoscendum. Annectitur autem studiofitas temperantiae sicut virtus secundaria, estque pars subiectiua modestiae (sicut ostensum est) sicut enim temperantia refrenat naturalem inclinationem in delectationes gustus & tactus, sic studiofitas moderatur naturalem appetitum, propter quem omnes naturaliter scire desiderant. Est quoque studiofitas virtus moralis, nam per eam homo sortitur rectum appetitum applicandi vim cognoscitiuam, sic vel sic, ad hoc aut certe ad aliud.

2 ¶ Et sicut studiofitas est circa appetitum & studium cognitionis adipiscendae, illud ordinando, sic opposito modo est circa eandem materiam vitium curiositatis. Licet enim cognitio sit semper secundum se bona, tamen appetitus & studium eius quandoque est malum, ut si quis studeat causa gloriæ vanæ, aut pompæ, vel dum per studium minus utile retra-

hitur ab exercitio debito, vel inquirendo veritatem à quibus non licet, vel ferendo ad finem malum, aut altiora scrutādo.

3 ¶ Insuper cognitio sensitiua ordinatur ad duo, videlicet ad corporis sustentationem, & ad intellectualem notitiam. Potest igitur circa cognitionem sensitiuam curiositas esse, si referatur ad aliquid à deo impediens, per cuius consideratio nem anima impeditur à contemplatione vtilium, quemadmodum consideratio foeminae concupiscentiam gignit, quæ contemplationem extinguit.

¶ An circa motus exteriores sit uirtus 2. An in ludis sit uirtus 3. De uitio & superfluitate ludi 4. De uitio circa defectum luui. Articulus 222.

**Q**uoniam verò exteriores motus per rationem ordinari & dirigi possunt, ideo circa eos est uirtus moralis. Ordinantur autem dupliciter, scilicet secundum conuenientiam personæ, & circa hoc ponit

Andronicus uirtutem quam vocat ornatum, quæ seruat decetiam in motu & habitudine. Secundo secundum conuenientiam ad exteriores personas, loca, atque negotia. Vnde Augustinus dicit in regula. In omnibus motibus uestris nihil fiat quod cuiusq; offendat aspectū, sed quod uestram deceat sanctitatē.

2 ¶ At verò sicut corpus fatigatur & hoc repauratione quietis eget, quæ est in somno: sic anima fatigatur dum super sensibilia eleuatur per cognitionem speculatiuam aut practicam. Vnde non valet talibus continuo stare intenta, sed indiget in terminatione atq; quiete. Quies verò animæ est delectatio, sicut & quies corporis somnus. Itaq; necesse est quandoq; delectationem aliquem sensibilem & animalem admittere, propter refocillationem animæ fessæ. Nam & Iohannes euangelista luisse describitur. Talis autem delectatio hoc modo intēta & admissa, dicitur iocosa seu ludicra, & ergo circa illam est uirtus per quam moderatur. Tria enim cauēda sunt circa eam, quorū primū & maximū est, ne quærat in verbis vel factis nociuis aut turpibus. Nā tale genus iocādi nominat Tullius primo de officiis, illiberale, petuāls, flagitiosum, obscœnū. Secundū ne grauitas aīæ penitus resoluatur. Tertiū ut cōueniat personæ, loco, & tēpori, & cū circumstantiis debitis: hāc ergo uirtutē, quæ ordinat ludū, Aristoteles eutrapeliā appellat.

- 3 ¶ Si ergo ista non seruentur, sed aliquis immoderate ludis incumbat, tunc est vitium, imo mortale peccatum, si tanto affectu quis ludo intendit, quod per eum contra præcepta aliquid agit, vel dilectioni diuinæ proponit. Histriones quoque qui ludum hominibus exhibent, si prædicta tria cauent, non peccant, nec eorum officium est secundum se illicitum, & qui eis præstant mercedem non peccant, nisi inordinate se habeant.
- 4 ¶ Porro defectus in ludo vitiosus est, est enim contra rationem quod se homo tam onerosum exhibet quod nihil delectabile agit, imo & aliorum delectationes impedit. Propter quod Sene. dicit: Sic te geras sapienter ut nemo te habeat tanquam asperum, nec spernat ut vilem, tales namq; (secundum Aristotelem) duri & agrestes dicuntur. Hic tamen defectus est minus culpabilis quam prædictus excessus.

¶ De uirtute quæ est circa exteriorem apparatus 2. An mulieres peccent in ornatu superfluo 3. De præceptis temperantiæ & partium eius. Articulus 233.

**P**orro circa usum exteriorem rerum contingit peccare dupliciter. Vno modo per comparisonem ad consuetudinem horum quibus homo conuiuit, ut cum quis nouam pompam vel modum adinuenit in vestimentis. Alio modo ex nimio affectu hominis qui libidinose rebus afficitur, siue præter consuetudinem sint, siue non, quod tripliciter accidit. Primo cum aliquis ex vestium apparatu gloriam quærit, secundum quod vestes ad ornatum respiciunt. Secundo dum ex vestium mollitiæ quærit delitias. Tertio quia nimiam sollicitudinem adhibet cultui vestium, licet finis non sit peruersus, similiter circa defectum in vestium dispositione est inordinatio duplex. Prima ex negligentia oritur cum homo vestimenta indecenter comportat. Secunda si vestium abiectionem ad inanem gloriam refert. Vilia autem vestimenta portare eis præcipue competit, qui alios exemplo & verbo ad pœnitentiam mouent.

2 ¶ Denique circa ornatum mulierum tria prædicta consideranda cauendâq; sunt, & etiam habitus mulierum ornatus, viros ad concupiscentiam incitat. Mulier verò nupta se decet potest ornare quatenus viro complaceat, ne ea contempta in adulterium ruat. Ceteræ autem fœminæ, quæ viros nō

habent, si se ideo ornent vt virorum libidinem prouocent, mortaliter peccant, sed si cultus vestium sit ex quadam vanitate vel leuitate, non est semper peccatum mortale, & idem iudicium est de viris.

¶ Præterea inter præcepta decalogi prohibetur adulterium, tam illud quod mente concipitur, quàm quod opere exercetur, quia maxime contrariatur dilectioni fraternæ, quoniam rem alienam sibi vsurpat. Adulterium verò est intemperantiæ species, sed quoniam præcepta decalogi sunt quædam communia diuinæ legis principia: ideo inter ea dari non potuit præceptum affirmatiuum commune de temperantia, quoniam vsus eius variatur secundum diuersa tempora, vt Augustinus testatur.

¶ De virtutibus autem temperantiæ annexis ponuntur quædam præcepta prohibitiua effectuum illorum vitiorum quæ virtutibus illis opposita sunt.

¶ De his quæ specialiter pertinent ad aliquos homines. 1. An prophetia ad cognitionem pertineat 2. An sit habitus 3. An sit tantum futurorum contingentium 4. An omnia noscat 5. An discernat ea, quæ diuinitus scit ab alijs 6. An possit ei subesse falsum. Articulus 22 4.

**T**Riplex est autem hominum differentia, quantum ad ea quæ ad actus & habitus animæ rationalis pertinent. Vna secundum diuersas gratias gratis datas, diuisiones enim gratiarum sunt, secundum Apostolum quia alij datur sermo sapientiæ, alij sermo scientiæ, & cætera. Alia est secundum diuersam vitam, videlicet cõtemplatiuam atque actiuam. Tertia secundum diuersitatem officiorum & statuum, dedit enim Deus (teste Aposto.) quosdam quidẽ prophetas, quosdam autem Aposto. & c. Prophetia autẽ proprie & principaliter in cognitione consistit. Dicuntur namq; prophetae à phanos quod est apparitio, quoniam ea quæ procul sunt à notitia hominum, Deo reuelante cognoscunt. Vnde qui nunc dicitur propheta, olim vocabatur videns 1. Regum. Et gentiles prophetas nominabant vates, à vi mentis, sed quia prophetia ordinatur ad ædificationem ecclesiæ, vtilitatemq; hominum, ideo secundo pertinet ad locutionem. Nam secundum Isidorum, dicuntur prophetae quasi præfatores, &

quoniam quæ diuinitus reuelâtur, humanam rationem transcendunt nec probari ab homine possunt, propterea tertio ad prophetiam spectat operatio miraculorum, velut confirmatio visionis propheticæ, & sic in libro. Eccle. legitur Helisæus etiam mortuus prophetasse, ratione miraculi prophetias eius corroborantis.

¶ Requiritur quoque ad prophetiam vt eleuetur intentio mentis ad percipienda diuina, quod fit per instinctum spiritus sancti, & sic ad prophetiam pertinet inspiratio. Secundo exigitur diuinorum perceptio per reuelationem diuinam.

2 ¶ Denique ad prophetiam concurret supernaturale lumen quod Deus menti infundit. Sed lumen aliquod inesse potest alicui dupliciter, scilicet per modum formæ permanentis, quæ admodum est lumen in sole, & sic habitus est in anima. Secundo per modum passionis seu impressiois trāseuntis, & ita est lumen in aëre, qui noua semper illuminatione eget, sicque lumen prophetale inest prophetis, & non primo modo, non enim possunt pro suo beneplacito prophetare, quemadmodum de Helisæo patet, sed noua semper illustratione egent. Itaque prophetia non est proprie habitus, sed dispositio quædam.

¶ Aduertendum autem, quod omne donum gratiæ hominē eleuat ad aliquid quod est supra naturam humanam, vel quantum ad substantiam actus, vt miracula facere, & cæ. & ad talia non datur lumen habituale: Nam habitus (secundum Auerroem) est, quo quis operatur cum vult, vel quantum ad modum actus, sicut Deum diligere, & ea quæ in creaturis apparent cognoscere, & ad talia Deus habituale lumen infundit.

3 ¶ Porro quia prophetica visio est per lumen diuinum, quo cognosci omnia possunt, tam diuina quàm humana, spiritualia & corporalia. Naturalia atque moralia: ideo reuelatio prophetica ad omnia illa se extendit. Sed ex quo prophetia est proprie horum quæ à cognitione hominum procul sunt, ideo aliqua tanto magis proprie ad prophetiam continent, quo longius à notitia humana consistunt: horum autem est triplex gradus. Primus prout ea quæ vnus actualiter percipit sensu, vel intellectu, alius longe distans, Deo pendente cognoscit, & sic Helisæus vidit quid Giezi egit, & sic cogitatio vnius alteri innotescit. Secundus autem gradus est horum quæ omnem naturalem agnitionem transcendunt, non ex parte suæ cognoscibilitatis, sed humanæ defectibilitatis, vt

est mysterium superbenedictissimæ trinitatis. Tercius verò est gradus eorum quæ ab omnium hominum cognitione procul sunt ex seipsis, quemadmodum futura contingentia, quorum non est veritas determinata: & hæc propriissimè ad prophetiam pertinent. Vnde prophetia proprie dicitur reuelatio futurorum euentuum contingentium, & quando de præteritis, vel præsentibus quippiam nunciat, nominis sui rationem perdit, secundum Gregorium.

4 ¶ Non autem cognoscunt prophetæ omnia, sed discernunt prophetæ quid proprio spiritu, & quid spiritu sancto prædicunt, quantum Deus eis reuelare dignatur.

5 ¶ Præterea, corda prophetarum dupliciter à Deo instruuntur, videlicet per reuelationem expressam, & talia certissimè sciunt esse à Deo, aliquando autem per quendam instinctum quem mentes hominum quandoque etiam nescientes patiuntur, & tunc discernere nequeunt, an hoc quod interius vident sit ex spiritu sancto, vel ex proprio cogitatu, quia non omnia quæ à Deo infunduntur sub prophetica certitudine cadunt, præsertim cum talis instinctus sit quid imperfectum in genere prophetiæ. Vnde Gregorius super Ezechielem asserit, quod sancti prophetæ interdum dum consuluntur, quædam ex proprio spiritu proferunt, quæ propter magnum usum prophetandi sibi à Deo arbitrantur infusa, & ne ex hoc errandi occasio detur, citius à spiritu sancto corripuntur.

6 ¶ At verò cum prophetia sit quædam diuinæ notitiæ participatio, & secundum Hieronymum, diuinæ præscientiæ signum, nō potest ei subesse falsum, sed vera sunt oīa quæ cōtiner. ¶ Veruntamen Deus prænoscit futura dupliciter, vt pore in seipsis prout ei præsentialiter patent, & secundo secundum ordinem ad suas causas: quandoque autem reuelat prophetis futurum aliquod quantum ad primum modum, & tunc semper impletur.

7 ¶ Aliquando verò quantum ad secundum, & sic non semper impletur, quia Deus ordinem causarum impedire potest, & sic prophetia Isaiæ de morte Ezechiae, Ionæ quoque de subuersione Ninivæ, non fuit impleta. Nihilominus prophetia semper est vera, intelligenda est enim secundum comparationem quam habet ad causas rerum proprias, vel in ordine ad Deum, vnde hæc conditionalis est vera, si aliquid est prophetarum, erit, intelligitur enim futurum de necessitate non

## D. DIONYSII CARTHUSIANI

respectu nostri, circa quos contingenter se habet, sed ut consideratur in suo presenti, prout subiicitur diuinæ presentia.

¶ *Vtrum prophetia sit naturalis 2. An sit mediantibus angelis 3. An requiratur ad eam dispositio naturalis 4. An bonitas morum 5. An sit aliqua prophetia à dæmonibus 6. Vtrum prophetæ dæmonum aliquando dicant uerum. Articulus. 225.*

**F**utura autem cognoscere in seipsis deo est proprium, possunt tamen quædam futura præsciri humano ingenio, secundum quod considerantur in suis causis, ex quibus, vel semper, vel ut sæpius causantur, sed respectu horum non dicitur prophetia, quoniam visio prophetialis est horum quæ omnem naturalem transcendunt noticiam unde prophetia non est naturalis, sed sicut Petrus ait: spiritu sancto inspirati sancti dei homines locuti sunt.

1. ¶ Et quoniam quæ à deo sunt ordinate fiunt, ideo illuminationes diuinæ, atque propheticae manifestantur hominibus ministerio angelorum, qui medij inter nos deumque consistunt, & hoc Dionysius asserit. Nam gratiæ gratis datæ, quantumuis attribuantur spiritui sancto tanquam primo principio, tamen operatione secundarum causarum immediate donari possunt. Sed in voluntatem directè non agit nisi deus. Et ergo amicos efficere dei per infusionem charitatis, est solum immediate à deo.

2. ¶ Denique deus in sua actione nihil præsupponit, sed simul potest producere & formam & dispositionem ad eam. Imò & subiectum amborum, tam in rebus naturalibus quàm in spiritualibus effectibus.

¶ Ideoque ad infusionem visionis propheticae non necessario exigitur dispositio aliqua præuia, sed potest deus illam simul conferre cum reuelatione diuina, & impedimēta ad prophetiam, ut est insania, vel ad actum eius, ut sunt vehementes passionēs, simul auferre.

3. ¶ At verò bonitas morum attendi potest secundum duo, videlicet secundum interiorem eius radicem, quæ est gratia gratum faciens, & quantum ad interiores animæ passionēs exterioresque actus. Prophetia autem esse potest sine charitate, quia intellectum concernit, cuius actus præcedit actum voluntatis, quem perficit charitas.



¶ Item prophetia ordinatur ad ædificationem ecclesiæ, charitas verò, vt vniat animam deo. Hæc autem duo separari possunt. Vnde prophetia haberi potest sine bonitate morum quæ cum ad primam eius radicem, quæ est gratia gratum faciens. Sed malitia inorum impedit eam quo ad secundum, puta per relationem ad inordinationem passionum, & prauitatem vitæ. Nam ad prophetiam exigitur maxima eleuatio mentis ad spiritualium contemplationem.

5 ¶ Amplius, quoniam intellectus dæmonum naturali ordine superior est intellectu humano, ideo quædam futura sua subtilitate prænoscit, quæ hominibus reuelare potest, propter quod aliqui dicuntur prophetæ mali, non autem prophetæ simpliciter. Nam tales sunt dæmoniaci vel arreptitij, aut falsi prophetæ, secundum Augustinum.

6 ¶ Insuper sicut se habet bonum in rebus, ita & verum in cognitione, sicut ergo nihil esse potest è rebus totaliter malum, sic nec est cognitio aliqua quæ non habeat aliquid veritatis, sicut enim seducitur appetitus propter apparentiam boni, sic fallitur intellectus propter apparentiam veri, & igitur dæmoniorum prophetæ quædam vera annuntiant, quatenus per hoc melius fallere possint.

¶ Interdum quoque prophetæ diaboli quædam loquuntur ex instinctu spiritus sancti, vt Balaam. Deus enim vitur malis ad profectum bonorum, sed & Sibillæ multa vera prædixerunt de Christo.

¶ *An prophetæ uideant dei essentiam 2. An cognitio de Christo prophetalis fiat per influentiam specierum, uel luminis tantum 3. An sit semper cum alienatione à sensibilibus 4.*

*An prophetia sit semper cum cognitione eorum, quæ prophetantur. Articulus 226.*

**D**Ei autem essentiam prophetæ non vident, cum diuina essentia sit beatitudinis obiectum. Prophetæ autem non sunt perfectè beati, prophetia quoque euacubatur, sed visio diuinæ essentiæ in patria manet.

2 ¶ Deniq; circa cognitionem mētis, ad quam pertinet prophetia, duo considerantur, videlicet repræsentatio siue acceptio rerum, & iudiciū de eisdem, quorum primum fit per species quasdam, quæ naturali ordine primo obiiciuntur sensui.

# D. DIONYSII CARTHUSIANI

Secundo imaginationi. Tertio intellectui possibili, species vero in imaginatione sunt, non solum secundum quod accipiuntur à sensibilibus, sed etiam transmutantur diuersimode, vel propter transmutationem corporalem, quemadmodum in dormientibus atq; amentibus: vel secundum rationis imperium ordinantis fantasmata ad aliquid cognoscendum, & secundum hoc resultant in intellectu possibili diuersae species intelligibiles. Iudicium autem rationis fit per intellectualem lucem, per prophetiam vero aliquid homini datur pertinens ad utrumq; Datur enim specierum influxio ad repraesentandum, & intellectualis lucis infusio ad iudicandum. Iudicium quoq; est principalius & completiue in prophetia, quia sine ipso non dicitur reuelatio perfecte prophetica. Vnde Pharaon & Nabuchodonosor non erant prophetae, licet eis aliquid diuinitus repraesentabatur, sed Ioseph & Daniel qui illud iudicabant: qui autem in utroq; praecellit, maxime vocatur propheta secundum Augustinum. Repraesentatur autem cordibus prophetarum interdum quaedam formae exterius mediante sensu, quemadmodum Daniel vidit scripturam parietis, quam deus Baltazar ante ostendit, quandoq; autem per formas imaginarias, vel à deo impressas, vel à sensu receptas, sed diuinitus ad aliud ordinatas, sicut Ieremias vidit ollam succensam: vel imprimendo species intelligibiles menti, ut in Salomone qui sapientiam à deo percepit, lumen vero intellectualem aliquando datur ad intelligendum quae ab aliis dicta sunt, ut Ioseph, ad quod spectat interpretatio sermonum. Itaque visio prophetalis quandoque fit per solam influentiam luminis, quandoque autem per species de nouo impressas aut aliter ordinatas.

¶ Elucescit ergo, quod prophetica visio fit secundum quatuor, scilicet secundum impressionem sensibilibus formarum secundum influxum intelligibilis lucis, secundum infusionem intelligibilium specierum, secundum quae tria non oportet fieri alienationem à sensibilibus in prophetis, ut patet in Moise qui vidit rubum ardentem, & iudicium intellectus in nobis perficitur per conuersionem ad rerum fantasmata. Quare ergo fit cognitio prophetarum per formas imaginarias, & sic necesse est alienationem seu abstractionem à sensibilibus fieri, ne talis apparitio referatur ad ea quae exterius sunt, haec vero abstractio duplex est. Perfecta, ut cum homo nil à sensibilibus percipit, & imperfecta, ut dum quis aliquid à

11 fides

11 fides 11

11 fides 11

11 fides 11

sensibilibus percipit, nec tamen illud à cæteris, quæ imaginariè repræsentantur, discernere potest: quod autem ait Apostolus. Spiritus prophetarum prophetis subiecti sunt, intelligendum est quantum ad denuntiationem propheticam quia ex proprio sensu loquuntur quæ ipsis ostensa sunt, non mente turbata, vt arreptitij, sicut Præscilla & Montanus mentiti sunt. Sed in reuelatione prophetica subiiciuntur prophetæ spiritui prophetiæ, id est dono prophetico.

4. ¶ Insuper sicut præhabitu est, prophetæ non semper cognoscunt quid à deo receperint, sed quando est perfecta ratio prophetiæ, tunc cognoscunt quæ diuinitus infunduntur

¶ De diuisione prophetiæ. 2. An sit aliqua alior quàm imaginaria. 3.

De diuersitate graduum eius. 4. An Moses fuerit eximius

prophetarum. 5. An aliquis comprehensor possit esse

se propheta. 6. Vtrum prophetia creuerit secundum

temporum interualla. Articulus 217.

**S**pecies insuper prophetiæ traduntur nā alia est prophetia cōminationis quæ nō semper impletur, quia obiectū ipsius est aliquis diuinus cognitū secundū ordinem ad suam proximā causam, quæ vtrique impedire potest.

¶ Alia est prophetia prædestinationis, quæ est de rebus prout cognoscuntur à deo in seipsis, & vt fiendæ sunt per ipsum si verò sit de rebus à deo agnitis, tamen per liberum arbitriū hominis faciendis, sed est prophetia præscientiæ, quæ esse potest bonorum atque malorum.

2. ¶ Præterea, prophetia quæ fit secundum solam intellectualem inspirationem, omnibus est prestantior: est enim purior & euidentior, & futuræ visioni in patria vicinior. Item visio imaginatiua ordinatur ad intellectualem tanquam ad principalem atque finalem, quia tamen in ratione prophetiæ quædam obscuritas comprehenditur, ideo illi magis nominantur, prophetæ qui imaginatiuas visiones habuerunt. Hagiographi autem sicut David, Iob, Salomon &c. altiores illuminationes habebant, licet minus proprie dicantur prophetæ. Veruntamen illustratio omnis in præsentī vita est cum aliquali velamine fantasmatum, quia secundum Dionysium. Impossibile est aliter nobis lucere diuinum radium, nisi varietate sacrorum velaminum rectum, sed

interdum sufficiunt fantasmata quæ communi modo à sensibilibus abstrahuntur, nec exigitur alia visio imaginatiua diuinitus procurata, & tunc dicitur visio prophetica fieri sine visione imaginaria.

3. ¶ Denique ad prophetam magis spectat cognitio quàm operatio, & ergo infimus gradus propheticae est, cum quis ex interiori instinctu mouetur ad aliquid faciendum, sicut de Samsonе scribitur: Irruit in eum spiritus domini, & soluta sunt vincula eius &c. Secundus gradus est cum quis ex interiori lumine illuminatur ad cognoscendum aliqua, quæ naturalem rationem non excedunt, & hi duo gradus non attingunt ad veram propheticae rationem. Non enim pettingunt ad supernaturalem veritatem. Prophetia verò, quæ fit per imaginariam visionem primo diuersificatur, quia aliqua fit in somno, aliqua in vigilia, & hæc scilicet in vigilia, est maior & altior, quoniam maior ostenditur virtus luminis, quæ animam circa sensibilia occupatam, rapit ad spiritualium contemplationem, quàm quæ animam ab illis abstractam in dormiente illustrat. Secundo diuersificatur ex parte signorum imaginabilium. Verba nanque primum locum sortiuntur inter signa. Ideoque prophetia illa est altior dum propheta audit sibi colloquentem in vigilia vel in somno, quàm cum videt res aliquid significantes. Terrio diuersificatur, quandoque enim aliquis videt aliquem sibi colloquentem, aut aliquid demonstrantem. Hic enim gradus est altior, quia per eum magis appropinquatur ad causam reuelantem. Quarto diuersificatur gradus prophetalis, nam quo maior est qui videtur, eo prophetia est altior. Aliquando enim apparet in specie hominis, aliquando in forma angeli. Interdum in imagine dei: prædictis verò gradibus eminet tertium genus prophetandi, quod consistit in sola intellectuall illustratione, quod propter suam excellentiam excedit rationem propheticae, & idcirco gradus propheticae proprie sumptæ, attenditur secundum diuersitatem imaginariæ visionis.

4. ¶ Porro quauis quidam propheta in aliquo fuit maior Mose, tamè simpliciter, Moses erat omnibus prophetis sublimior in perfectione prophetali: Nam iuxta prædicta, in visione prophetica pensatur cognitio tam intellectuallis quàm imaginaria, & denuntiatio atq; confirmatio per miracula. Moses autem fuit sublimior quantum ad intellectualem visio-

nem, quia Secundum August. vidit diuinam essentiam sicut & Paulus. Vnde dicitur de Mose, Palàm & non per anigmata videt deum. Item ex parte visionis imaginariæ excellit. Nam quasi ad nutum audiuit & vidit angelum in specie dei sibi loquentem, etiam vigilando: Sed & ex parte denuntiatio nis præcedit, quoniam toti populo iudæorum loquebatur, & iterum maxima fecit miracula. Veruntamen in hoc David Mosén superat, quia incarnationis Christi mysteria plenius nouit atq; expresit, & quo ad hoc dicit prophetarum eximi<sup>9</sup>.  
 5. ¶ Sciendum quoq; quod beati in patria dici non possunt prophetæ: non enim cognoscunt veritatem supernaturalem & procul existentem, vel in affectibus suis resplendentē, sed sicut præsentem, quæadmodum ait scriptura. Habitabunt recti cum vultu tuo. Nec reuelatio futurorum angelis facta dici debet prophetica, non enim reuelatur eis vt procul existentibus sed sicut deo perfectè vnitis.

6. ¶ Amplius, reuelatio prophetica secundum temporis processum creuit. Maior enim fuit sub lege quàm ante legem, & tempore gratiæ maxima facta est. Vnde Mosi dixit deus. Nomen meum adonai non indicaui eis, puta prioribus patriarchis, quod nomē significatur per hoc quod dicitur. Ego sum qui sum, in quo diuinæ naturæ simplicitas reuelata est Mosi, & ppter huius nominis venerationem Iudæi significat prædictum nomen per hoc nomen adonai. Et sciendū quod tempore Abrahæ cœperunt homines à cultu & fide vnus dei recedere. Item non inuenitur aliquis propheta librum conscripsisse ante Isaiam. hoc dicit Thomas.

¶ *An anima hominis rapiatur ad diuina .2. Ad quam potentiam pertineat raptus .3. An Paulus in raptu vidit diuinam essentiam. 4. An fuerit alienatus à sensibilibus. 5. Vtrum anima eius pro tunc fuerit à corpore separata. 6. Quid circa hoc sciuit & ignorauit.*

Articulus

228.

**R**aptus denique violentiam quandam importat, quæ dupliciter consideratur, scilicet ex parte finis, qui est contrarius naturali inclinationi, quemadmodum motus lapidis sursum. Secundo ex parte modi, vt si

## D. DIONYSII CARTHUSIANI

lapis proiciatur deorsum citius quàm sua natura habet: Itaq; anima quando eleuatur ad spiritualia per alienationem à sensibilibus, rapitur & violentiam patitur, non ex parte termini, sed modi: Nam naturalis eius processus est, ex sensibilibus ad spiritualia progredi, sed diuinis stare intentam non est contra animæ rationalis naturalem inclinationem.

2. ¶ Propriè autem pertinet raptus iste ad intellectum. Nā motus voluntatis est quædam inclinatio in appetibile bonū. Raptus verò est præter propriam inclinationem, & ergo ex parte obiecti, seu termini, raptus intellectum concernit. Sed raptus quantum ad suam causam, procedere potest, ex appetitiua potentia, quia ex vehementi affectu ad aliquid potest quis ab omnibus alijs alienari, raptus verò causat delectationē affectu. Sciendum verò quod raptus aliquid addit ad extasim, dicitur enim extasis simplex excessus à seipso, & pertinet ad voluntatem, quia est actus amoris. Nam (secundum Dion.) diuinus amor extasim facit, & secundum eundem, Deus extra seipsum fit propter superabundantiam amatiuæ bonitatis vniuersis prouidendo, raptus autem superaddit violentiam quandam.

3. ¶ Præterea, anima Pauli in raptu vidit diuinam essentiam secundum Augustinum libro de videndo Deum, & 12. super Gen. ad litteram, quod etiam verba Pauli ostendunt, dum asserit se ineffabilia verba audisse. Quidam tamen oppositum huius dixerunt, sed irrationabiliter. Rapitur autem mens humana ad contemplanda diuina tripliciter, scilicet per formas imaginatiuas, sicut Petrus vidit vas quoddam, &c. Secundo per effectus intelligibiles, vt in Dauid qui dixit: Ego dixi in excessu meo. Tertio per ipsius diuinæ essentiæ contuitiōem, sicut in Paulo & Mose, qui pro tunc erant beati, non habitua liter sed secundum actum transeuntem, erātque in ipsis pro tunc lumē gloriæ, sine quo Dei essentia conspici nequit, nec fuit in ipsis pro tunc actus fidei vel spei, sed habitus. Decuit enim vt sicut primus legislator Iudæorum vidit Deum per essentiam in vita præsentī: sic & paulus gentium doctor deum ad tempus conspiceret. Demum tertium cælum, ad quod se raptum testatur Apostolus, vno modo accipitur cælum corporeum, puta empireum, ad quod ideo se asserit raptum, quia ipsum est locus beatorum, & vitam quam in ipso sortiuntur beati deus sibi ostendit. Secundo potest exponi ter-

tium cœlum quædam visio supermundana & intellectualis, & quoniam talem dei contemplationem vehemens delectatio sequitur, ideo se addit raptum in paradysum, id est locum voluptatis diuinæ cœlestem. At verò intellectus humanus in omni suo actu naturaliter se conuertit ad fantasmatum, & quando à fantasmatibus prorsus abstrahitur, tunc à sensibus alienatur. Eum autem qui dei essentiam videt, oportet omnino à fantasmatibus abstrahi, quia per nullum fantasma, imò per nullam formam creatam potest diuina cerni essentia. Itaque Paulus in illo raptu erat omnino alienatus à sensibilibus. Prædicta verò dei visione cessante, remanserunt in anima Pauli quædam similitudines intelligibiles rerum per quas memor extitit eorum quæ vidit.

5. ¶ Insuper non fuit necesse animam Pauli à corpore separari propter raptum, status enim hominis non mutatur propter raptum, sed actualis conditio, & etiam quando anima actualiter eleuetur supernaturali modo in deum, tamen perseuerat naturalis habitudo eius ad corpus, quæ in hoc consistit, quod est conuersiua ad fantasmatum, ratione cuius est naturalis forma corporis.

6. ¶ Præterea quod ait Aposto. se nescire vtrum in corpore raptus sit vel extra corpus, dupliciter exponi potest. Primo quod Apostolus ignorauerit, an corpus eius fuit simul raptum cum anima in tertium cœlum vel non, sicut de Hiezech. dicitur, quod adductus est in visionibus dei in Hierusalem, & hunc fuisse intellectum cuiusdam Iudæi refert Hierony. in prologo super Daniele, sed hunc sensum Augustinus reprobabat. Ideoque dicendum quod Apostolus sciuit se raptum, ignorans tamen an anima sua erat separata à corpore an non, & hoc Augustinus post longam inquisitionem, secundo super Genes. ad litteram, tandem concludit: sed (vt ait Augustinus) dubitante de istis apost. quis nostrum certus esse potest? Unde qui super hoc loquuntur, coniecturaliter potius quam certitudinaliter loquuntur.

¶ Vtrum per gratiam linguarum detur homini omnium linguarum scientia. 2. De comparatione huius doni ad prophetiam. 3. Vtrum etiam in sermone consistat gratia gratis data. 4. Quibus hæc gratia competat.





¶ De gratia miraculorum. 2. Quibus conueniat. 3. De  
 diuisione uiae in uiam actionis & contemplati-  
 uam. Araculus 230.

**G**RARA mihi per faciendi miracula necessaria erat ec-  
 clesiarum ad confirmandam fidem de his, quæ per do-  
 num linguarum atq; sermonum doceantur, naturale  
 quippe est homini intelligibilem veritatem agno-  
 scere per effectum sensibilis: vnde sicut per naturales effectus  
 (doctrinæ rationis) ad quendam dei naturalem noti-  
 tiam, sic per supernaturales dei effectus, qui dicuntur miracu-  
 la, peruenit homo ad supernas ueritates fidei: ad quod  
 non dicitur gratia habere, sicut nec ad prophetiâ: miracula  
 autem secundum Gregorium, quandoq; facit homo quasi ex  
 potestate, sicut Petrus uocauit Ananiam & Saphiram, & Iosue  
 recepit soli non moueri contra Gabaa: aliquando autem  
 ex postulatione, ut cum orauit peruenit. Tempore autem  
 Antichristi non sicut uera miracula secundum perfectam ra-  
 tionem miraculi, bene etiam ueræ naturalium causarum.

¶ Ex quibus elicitur, quod ueritas boni facere possunt  
 miracula uera, cū illa non sint nisi ueræ diuina, quæ mira-  
 cula efficit ad ueritatem demonstrandam, & sanctitatis aliquorū  
 demonstrationem. Alii uero dicunt, quod per quos deus ueritatem  
 quam prædicant, demonstrat, per eos fiunt miracula  
 ad fidei confirmationem, ut si sanctitas ostenditur, non  
 forte aliquorum actionem miracula faciunt, nisi  
 nunquam autem miracula i natura ad descen-  
 sionem suæ perfectæ fidei.

¶ Porro uicini & agunt, & ideo  
 qualitatem & per rationem  
 ni per rationem  
 licet conueniat  
 practicus,  
 actiua, quæ  
 intenzi &  
 ueritati

vi  
 vi-  
 deci-  
 quo-  
 opti-  
 entia,  
 teriora.  
 agis conti-  
 delectabi-  
 omo magis  
 contemplas

q p q p q p  
 q p q p q p  
 q p q p q p  
 q p q p q p

## D. DIONYSII CARTHYSIANI

ritatis pertinent ad contemplatiuam vitam, & quæ referuntur secundum rationem ad necessitatem vitæ præsentis, ad vitam spectant actiuam. Augustinus tamen decimonono de ciuitate dei, ponit tria genera vitæ, videlicet otiosum, id est, contemplatiuum, actiuosum, & ex utroque compositum, sed hoc tertium ad alia duo reducitur, & maxime ad id quod in seipso magis abundat.

- ¶ *Ad quam potentiam animæ pertinet uita contemplatiua.*  
 2. *Vtrum uirtutes morales requirantur ad eam.* 3. *An consistat solum in uno actu.* 4. *An quælibet cōsideratio ueritatis spectet ad eam.* 5. *An possit ad uisionem diuinæ essentiæ eleuari.* 6. *De moribus cōtēplationis secūdum Dionysium.* 7. *De eius delectatione.* 8. *De duratione ipsius.* Arti. 231.

**V**ita insuper contemplatiua est eorum qui principaliter intendunt speculationi ueritatis. Intentio autē est actus uoluntatis, quia est de fine, qui est uoluntatis obiectum, uita contemplatiua quantum ad essentiam actionis pertinet ad intellectum, sed quātum ad id quod mouet ad exercendum huiusmodi actum, pertinet ad uoluntatem, quæ omnes inferiores animæ vires atque intellectum ad proprios actus mouet.

2. ¶ Et quoniam cōtemplatio impeditur per uolentiam passionum, ideo uirtutes morales, quarum est passiones sedare, pertinent ad vitam contemplatiuam dispositiue, non autē essentialiter, quia finis earum nō est ueritatem agnoscere, sed bene actiuum efficere. Vnde secundum Philosophum 9. Ethicorum, pertinet ad felicitatem actiuam.

3. ¶ At uerò uita contemplatiua humana (vnde nunc sermo est) habet vnum actum finalem atque præcipuum, à quo nōmen & unitatem sortitur, qui est ueritatis cōtemplatio: sed quoniam homo ad simplicem ueritatis contuitum, qui nomine cōtemplationis designatur, perducitur per actus inferiores, uidelicet per acceptionem principiorum, & deductionē ex eis, ideo & alij actus intellectus ad cōtemplationem concurrunt & secundo pertinent.

4. ¶ Pariformiter ad contemplatiuam vitam primo atque

præcipue pertinet diuinæ veritatis agnitio, secundario quoque consideratio creaturarum, per quarum notitiam ad dei contemplationem erigimur. Vnde Aug. in libro de vera religione dicit. In creaturarum consideratione nō vana & peritura curiositas est exercenda, sed gradus ad immortalia dirigendus. Ponit autē Richardus de S. Victore sex species contemplationis, quarum prima est secundum solam imaginationem dum res corporales attendimus. Secunda est in imaginatione secundum rationem, prout scilicet sensibilibus ordinem & dispositionem consideramus. Tertia est in ratione secundum imaginationem, puta dum ex sensibilibus perfectione ad inuisibilia subleuamur. Quarta est in ratione secundum rationem, ut dum animus intendit inuisibilibus, quæ imaginatio non cognoscit. Quinta est, supra rationem, ut cū ex reuelatione diuina panduntur quæ naturaliter sciri non valent. Sexta est supra rationem & præter eam, utpote dum ea per reuelationem agnoscimus, quæ rationi repugnare videntur, ut mysteriū supergloriosissimæ trinitatis. Per hæc autē sex, designantur quidam gradus quibus ex creaturarum cōtemplatione ad diuinam contemplationem pertingimus. Secundum Bernardum verò sunt quatuor species cōtemplationis. Prima est admiratio maiestatis. Secunda consideratio iudiciorum dei, & hæc ad diuinæ iustitiæ considerationem nos promouet. Tertia est beneficiorum. Quarta promissorum, quæ ad diuinæ misericordiæ & bonitatis notitiam introducunt.

5. ¶ Deniq; dupliciter dicitur aliquis esse in hac vita: primo actualiter, ut cum sensibilibus corporis fantasiæque vtitur. Secundo potēcialiter, ut cum ab istis per raptum alienatur. Nemo ergo potest in vita præsentī tantum per contemplationē proficere, ut dei essentiam videat loquendo secundum primū modum essendi in vita hac, sed secundo modo potest ut de Paulo prædictum est, cuius contemplatio media fuit inter visionem patriæ & vitæ præsentis.

6. ¶ Porro Dionysius capitulo 4. de diuinis nominibus cōparat operationem intellectualem, quæ habet vniformitatem & simplex est, motui circulari, secundum quem mobile circumfertur vniformiter circa centrum, actionem verò intellectualem de vno in aliud procedentem, sicut est discursus rationis, cōparat motui recto, actum autē intellectus, habētē aliquid vniformitatis cum processu ad alia, cōparat

motui locali obliquo. Motum quoque circulare attribuit Dionysius angelis, in quantum vniformiter sine principio & sine Deum conspiciunt, rectum, in quantum inferiores illuminant, obliquum, in quantum ex diuina contemplatione ad inferiorum se prouisionem extendunt.

7. ¶ Præterea, contemplatio est delectabilis dupliciter, scilicet ex parte operationis, quia unicuique est cōnaturalis actio delectabilis & appetibilis, & itē ex parte obiecti, ut cū quis rē amatam vider, vel mentaliter vel corporaliter, & quo aliquis perfectionem habet sapientiæ habitum aut scientiæ, eo est sibi delectatio maior, quia difficultas agendi est maior, & res agnita notior. Vnde Gregorius ait: Cum quis eum quem diligit viderit, in eius amore amplius ignescit. Et hoc est maxime verum de contemplatione diuinorum, de quibus ait Philoso. primo de partibus animalium. Circa diuinas illas & honorabiles existentes substantias, minores nobis sunt theoriæ, quæ tamen propter honorabilitatem intelligendi, delectabilius aliquid habent. Et Grego. asserit: Vita contemplatiua dulcedo valde amabilis est, quæ super seipsam animam rapit, cœlestia aperit, spiritualia oculis cordis ostendit.

8. ¶ Præterea, aliquid dicitur diuturnū, videlicet ex sua natura, & quātū ad nos, vita exigitur cōtēplatiua ex sua natura diuturna est, cū sit circa immortalia atq; diuina, & quia nō habet cōtrariū. Nā delectationi, quæ est in considerando, nihil est contrariū secundū philo. sed & ex parte nostri esse potest aliquo modo diuturna quia cōuenit nobis secundū immortalē partē nostræ substantiæ, quæ est in anima, & quoniā in cōtēplatione corporaliter nō laboramus, tamē quia stare diu nō possumus in alto ppter nostri intellectus imperfectionē: ideo in cōtēplatione cito interruptionē patimur. Vnde Gregorius dicit: In suauitate cōtēplationis intimæ, non diu mēs figitur, quia ad seipsam immensitate luminis reuerberata, reuocatur.

¶ *Vtrā virtutes morales ad uitā actiuā ptineāt. 2. An prudētia. 3. An doctrina ad uitā actiuā ptineat. 4. De duratione ipsius. Arti. 232.*

**M**orales autem virtutes ad vitam actiuam pertinet. Perficiunt enim homines in agendis, passiones reificando & operationes, in quibus vita actiua consistit, tam in his quæ sunt ad seipsam, quā in

his quæ homo alij exhibet, in quibus iustitia potissime locum habet, quia eius est reddere cuique quod suum est.

2. ¶ Sed & prudentia, cū sic recta ratio agibiliū, hoc habet officiū, quod eius cognitio ordinatur ad actiones virtutum moralium, & dirigit eas. Nam fines virtutum moralium sunt principia quædam prudentiæ. Ideoque prudentia ad virtutes morales, & ad felicitatem actiuam, ad quam virtutes morales ordinantur, pertinet.

3. ¶ Porro obiectum doctrinæ est duplex, vnum videlicet ex parte locutionis, & est ipse auditor, & sic docere pertinet ad vitam actiuam. Aliud eius obiectum est materia circa quā versatur conceptus interior, dum ergo homo veritatem concipit vt per eam exteriorem actum disponat, spectat doctrina ad vitam actiuam. Sed ad contemplatiuam attinet dum homo intelligibilem veritatem intus concipit, in ipsa delectando & quiescendo.

4. ¶ Itaque quoniam vita actiua in exteriori actu consistit, qui si ordinetur ad contemplationis quietem, iam ad vitam pertinet contemplatiuam, ideo vita actiua non manet in patria. Nam & exteriores actus si qui ibi erunt, ad contemplationē referentur. Ibi enim vacabimus & videbimus, videbimus & amabimus, amabimus & laudabimus. Illic Deus sine fine videbitur, sine fastidio amabitur, sine fatigatione laudabitur, hoc munus, hic affectus, hic actus erit omnibus.

¶ *Vtra vita sit dignior contemplatiua uel actiua. 2. Vtra maioris meriti. 3. An actiua contemplatiuam impediatur. 4. De ordine utriusque.*      *Articulus*      293.

**L**icet denique vita actiua quo ad aliquid esse possit vita contemplatiua præstantior, tamen simpliciter vita contemplatiua est dignior, quod Aristoteles decimo Ethicorum octo rationibus probat. Primo quoniam vita contemplatiua conuenit homini secundum optimum suum, scilicet intellectum, & est circa dignissimā entia, puta diuina, vita autem actiua occupatur circa exteriora. Secundo quoniam vita contemplatiua potest esse magis continua, saltē secundū aliquē gradum. Tertio quia est delectabilior. Quarto quia in vita contemplatiua est sibi homo magis sufficiens, paucioribus egens. Quinto quia vita contempla-

tiua diligitur propter se, actiua verò ordinatur ad aliud. Sexto quia vita contemplatiua in quadam vacatione atque quiete consistit. Septimo quoniam ipsa est secundum diuina, actiua verò est secundum humana. Octauo quia vita contemplatiua competit homini secundum id quod sibi est propriū, videlicet rationem: In actibus autem vitæ actiuae communicant inferiores animæ nobis, & sunt brutis communes. Nonnam rationem Christus adiungit, quoniam vita contemplatiua non auferetur quemadmodum actiua, sed hic inchoatur & in patria consummatur, in casu tamen, utpote propter necessitatem vitæ præsentis, quandoque magis eligenda est vita actiua. Nam & secundum philo. Melius est indigentibus ditari quā philosophari, vtrāq; aut vita ad prælatos pertinet, & maxime cōtēplatiua. Dicit enim Gregorius in pastoralis: Sic rector actione præcipuus, in cōtēplatione præ cunctis suspēsus.

2. ¶ Porro vita contemplatiua ex suo genere est magis meritoria quā actiua, cum sit directius circa Deum intentā, & ad eius dilectionem extenta, charitas autem est radix promerēdi, sed vita actiua directe est circa dilectionem proximi, tamē propter Deum: Nam occupatur circa frequens ministerium, & istud Gregorius asserit super Ezechielem: Potest nihilominus aliquis in operationibus vitæ actiuae plus mereri quā alius in vitæ actibus contemplatiuae, scilicet quando propter abundantiam diuini amoris, quatenus Dei voluntas impletur ad gloriam suam, sustinet à cōtēplationis dulcedine ad tempus separari, ut Paulus. In præmio quoq; accidentali præcedere potest vita actiua in quantum laboriosior est.

3. ¶ Porro vita actiua, in quantum interiores animæ passionēs componit & ordinat, contemplatiuam iuuat, sed ratione exterioris occupationis eam sapius impedit.

4. ¶ Item vita contemplatiua est prior actiua secundū perfectionem & ex sua natura, cum ad rationem pertineat, quæ vitam actiuam dirigit, & melioribus quoque insistit. Sed vita actiua est prior secundum viam generationis seu quo ad nos nam ipsa disponit hominem ad vitam contemplatiuam, non enim est prius quod spiritale, sed quod carnale.

¶ Quid faciat in hominibus statū. 2. Vtrū diuersi status ac diuersa officia esse in hominibus debeant. 3. De differentia officiorum. 4. De differentia statuum. Articulus 234.



**S**Tatus præterea proprie importat quādam positionis differētiā secundum quam aliquid disponitur iuxta modum suæ naturæ cum quadam simmobilitate : sicut cum homo stat erectus. Ea ergo quæ cito variantur atque extrinseca sunt, nō constituunt in homine statum: vt sunt diuitiæ, paupertas, prælatio, esse plebeum, &c. Sed quæ respiciunt obligationem personæ hominis, scilicet prout est aliquis sui vel alieni iuris: & hoc non ex leui causa, aut de facili mutabili, sed ex aliquo permanente principio. Et quoniam hoc pertinet ad libertatem & seruitutem: ideo status proprie spectat ad libertatem vel seruitutem, siue in spiritualibus siue in corporalibus, & in sua ratione importat conditionem aliquius istorum.

2. ¶ Sunt demum in ecclesia diuersi status atque officia propter tria. Primo ad perfectionem ecclesiæ, quatenus graua capitis, scilicet Christi, participetur à membris diuersimode & per partes, in quo ordo decens consistit: Nam plenitudo gratiæ Christi participari non valet, nisi hoc modo. Et ideo ait Apostolus: Ipse dedit quosdam quidem Apostolis, &c. Secundo propter necessitatē actionis, quia oportet diuersos ad diuersa deputari officia, quatenus omnia ordinate fiant. Tercio istud attinet ad maiorem decorem ecclesiæ, in cuius figura legitur regina Saba non habuisse spiritum, videns ordinem ministrorum Salomonis.

3. ¶ Denique secundū hæc tria, ad quæ ordinatur diuersitas membrorum ecclesiæ, accipitur triplex fidelium distinctio. Vna, videlicet per respectum ad perfectionē. Et ita accipitur differētia statuum, prout quibusdā quidā perfectiores sunt. Alia per respectum ad actionem. Et hæc est officiorum distinctio, per quam diuersi diuersis actibus deputantur. Tertia per respectum ad ordinem pulchritudinis ecclesiasticæ. Et sic sumitur diuersitas graduum, utpote cum in eodem statu siue officio est alius perfectior alio. Sic ergo officia distinguuntur per actus, id est formale actuum diuersitatem, qui ordinantur & referuntur ad alium. Dicit enim Isidorus: Officiū est vt quisque illa agat, quæ nulli nocent & omnibus prosint.

4. ¶ Porro libertas in spiritualibus est duplex sicut & seruitus. Vna enim est seruitus peccati, alia aut iustitiæ. Vna quoque est libertas à peccato, quæ est vera libertas, quia peccatū est contra id quod est secundum naturā. Alia est libertas à iu-

stitia, quæ non est vera libertas sed misera seruitus: seruire autem peccato vel iustitiæ, ex habitu bono vel malo causatur per humanum studium, in omni verò studio hominis est principium, medium, & terminus: Ideo status spiritualis seruitutis ac libertatis secundum tria distinguitur scilicet secundum principium, ad quod spectat status incipiētium, & medium, quod concernit status proficientium, & finem, ad quem attinet status perfectorum, & secundum ista ponitur etiam triplex gradus charitatis, sicut antè prædictum est.

¶ *Vtrum perfectio attendatur secundum charitatem. 2. An possit homo in præsentī esse perfectus. 3. In quo magis consistat perfectio. 4. An omnis perfectus sit in statu perfectionis. Articulus 235.*

**C**haritas verò cum sit animæ vita, & in patria perseverans, omniumq; finis virtutum, merito dicitur id secundum quod perfectio ipsa attenditur.

2. ¶ Perfectio denique charitatis est triplex. Vna cum Deus tantum amatur quantum amabilis est, & sic nullius puræ creaturæ dilectio est perfecta. Secunda cum quis semper æqualiter tendit in Deum secundum totum posse suū, & hæc est perfectio charitatis in patria. Tertia est per quam impedimenta actus dilectionis abijciuntur, quæ sunt cupiditas & peccata, & ista in præsentī vita haberi potest dupliciter. Vno modo excludendo omne quod charitati contrariatur, videlicet omne peccatum mortale, talis autem perfectio ad salutem necessaria est. Secundo modo illa excludendo quæ actum charitatis impediunt feruoremq; minuunt, & hæc est perfectio eorum qui consilia tenent.

3. ¶ Insuper sicut dictum est, perfectio vitæ humanæ essentialiter consistit in dilectione Dei & proximi, de qua dantur duo præcepta, in quibus tota lex pendet & prophetæ, & per consequens omnis perfectio, charitas enim Dei sine mensura præcipitur. & ergo nihil eius sub consilio derelinquitur, secundario autē & instrumentaliter consistit perfectio in consilijs: Nā sicut cætera præcepta ordinantur ad charitatē, remouendo ea quæ charitati contrariantur, sic consilia ordinantur ad eam excludendo illa quæ actum charitatis impediunt.

4. ¶ Amplius, ad hoc quod homo adipiscatur statum seruī-

tutis vel libertatis, primo exigitur quædam obligatio ad servandum, vel absolutio à servitute per quam liber efficitur. Secundo requiritur ut hæc cum quadam solennitate fiant, quemadmodum alia quæ perpetuam firmitatem in ecclesia sortiuntur. Unde in statu perfectionis dicitur aliquis esse, non quia perfectionem dilectionis adeptus est, sed quoniam ad illam se solenniter obligavit, est autem possibile ut aliqui non solvant quod vovent, alij verò qui non promiserunt adimpleant. Ideoque aliqui sunt in statu perfectionis qui perfectionem non habent, aliqui quoque eandem sortiti sunt qui tamen in statu perfectionis nequaquam consistunt.

¶ An prælati & religiosi sint in statu perfectionis. 2. An omnes prælati sint in illo. 3. Quorum status sit perfectior episcoporum vel religiosorum. 4. De comparatione, quæque religiosorum ad plebanos & Archidiacones. Articulus 236.

**R**eligiosi præterea in statu perfectionis sunt, quoniam cum professione & benedictione solenni se astringunt, à secularibus rebus & licitis abstinere, ut possint Deo liberius puriusque vacare. Episcopi quoque assumendo pastorale officium, obligant se ad ea quæ perfectionis existunt, ut scilicet animam suam ponant pro sibi commissis. Dicit enim Apostolus ad Timotheum. Confessus es bonam confessionem coram multis testibus, in tua ordinatione secundum Glosam. Adhibetur quoque solennitas consecrationis cum professione, sicut 3. cap. ecclesiasticæ Hierarchiæ Dionysius pulchre deducit, & ergo Dionysius episcopis & monachis attribuit singulariter esse in statu perfectionis.

2. ¶ Denique non omnes prælati sunt in statu perfectionis, videlicet presbyteri atque diaconi curam animarum habentes. In his enim pensatur ordo, qui refertur ad ecclesiasticum actum, & cura. Ex parte autem ordinis non obligantur ad perfectionem, nisi quantum ad occidentalem ecclesiam, in qua sacros ordines suscipientes, continentiam quæ est pars perfectionis, promittunt. Similiter ex parte curæ non ponuntur in statu perfectionis, possunt enim curam propria autoritate relinquere, religionem intrando, ut dicitur in decretis, vel simpliciter præbendam accipiendo de licentia Episcopi, dicit quoque Hiero.

## D. DIONYSII CARTHUSIANI

quod olim nō fuit distinctio inter presby. & episcopos, quod intelligendū est secundū cōuenientiam nominis, & non rei.

3. ¶ Insuper status episcoporum altior est statu religiosorū. Nam secundum Diony. in genere perfectionis episcopi se habent vt perfectiores, religiosi verò vt perfecti, agens autem patiente præstantius est, licet enim episcopi non semper omnia pro Christo relinquunt secundum actum, tamen secundum præparationē animi debent ad hoc maxime esse parati, si honor Dei & salus, siue necessitas commissæ plebis hoc exigar, nec obstat quod vita eorum est partim actiua & circa proximos occupata, debent enim ex contemplatione esse præcipui, secundum Grego. quatenus post contemplationem redeuntes impleant illud quod scriptum est: Memoriam abundantiae suauitatis tuæ eructabunt.

4. ¶ At verò in presbyteris, curatis & archidiaconis tria cōsiderantur, scilicet status quia sunt seculares, ordo quia sunt sacerdotes siue diaconi, & officiū quoniā curam habent animarum. Secundum statum igitur religiosi excellunt eos, sed secundū alia quandoq; exceduntur, videlicet qui sacerdotes non sunt, simpliciter tamē status religiosorū est dignior, quia perpetuo obligant se ad dei obsequium, perfectionisque studium, illi autem non obligant se ad perpetuam curam animarum sicut episcopi, habēt etiam curam animarum sub episcopo minus principalem ac particularem, & ergo secundū iura religionem ingredi possunt. Difficilius quoq; est bene cōuersari in religione propter arctitudinem regulæ, quàm in seculari cura, licet quo ad exteriora pericula sit econuerso. Plus autem peccat sacerdos secularis aliquid agens sanctitati contrarium, quàm religiosus non sacerdos. Nam ratione ordinis ad dignissima deputatur Christi mysteria.

¶ *Virum liceat episcopatum appetere. 2. An finaliter recusare.*

3. *An oporteat ad episcopatum eligere meliorem. 4. An liceat episcopo religionem intrare. Articulus 237.*

**D** Enique in episcopatu tria pensantur, videlicet actio episcopalis qua aliorū saluti intendit, & hoc est principale & finale in episcopatus ratione, quannis autem alijs velle prodesse sit secundum se bonū & appetibile, tamē præsumptuosum illud videtur appetere, cū tali

annexione alti gradus, ut est episcopatus, nisi instante manifesta necessitate, propter quam dicit Apostolus. Qui episcopatū desiderat opus bonum desiderat, hoc enim (secundum Gregoriū) dixit quando episcopi primi trahebantur ad martyrium, & nil poterat in episcopatu amari nisi opus bonum. Isaias etiam mitti voluit, quia (secundum Gregorium) se sciuit per calculum altaris antè purgatum. Secundo consideratur in episcopatu celsitudo gradus, quam appetere præsumptuosum existit. Tertio consideratur honor & reuerentia, temporaliumq; rerū sufficientia in episcopatu, hæc verò optare ad cupiditatem ambitionemq; pertinet. Vnde Chrysost. dicit: Primatum honoris concupiscere vāitas est. Primatus enim se fugientem desiderat. Desiderantem se horret. Et August. dicit in epistola ad Valeriū. Cogitet religiosa prudentia tua nihil esse in hac vita, maxime hoc tempore, difficilius, laboriosius, periculosius, episcopi vel presbyteri aut diaconi officio, sed apud deum nil beatius, si eo modo militetur quo noster Imperator iubet, quis ergo est (ut dicit Chrysostomus) qui primatum desiderat, nisi qui iudicium dei non timeat?

2. ¶ At verò quanuis vnusquisque quantum in se est, episcopatum debeat recusare, non tamen hoc debet quando superioris auctoritas præcipit, hoc enim charitati proximorū, quam tenemur impendere, & humilitati quam superiori debemus derogaret, nisi habeat ineuitabile impedimentum, quod etiam allegare oportet.

3. ¶ Item, qui ecclesiæ de Episcopo providere habet, non tenetur eligere simpliciter meliorem, id est in charitate perfectiorem, sed meliorem quo ad regimen ecclesiæ, qui possit eam instruere atq; defendere, ac pacifice gubernare. Ex parte verò eius qui eligitur, non oportet quod se alijs meliorem reputet aut dignum se putet, sed sufficit si nihil in se inuenit per quod ei fiat illicitum prælationis officium sumere.

4. ¶ Porro perfectio Episcopalis status in hoc cōsistit, quod homo ex diuina dilectione se obligat proximorum saluti insistere, & ideo quādiu potest illis proficere, non decet curā pastorem relinquere, neque propter quietē contēplationis diuinæ, si autem alijs nequit proficere, vel causa proprii defectus vel ex parte aliorū, tunc non licet claustrū ingredi, sine dispensatione domini Papæ, qui solus potest in perpetuo voto dispensare, ut extra de renunciatione dicit Innocētiū 39.

## D. DIONYSII CARTHYSIANI

Prædictis verò impedimentis cessantibus, potest demum ad episcopatum assumi, quod non libet quando propter propriam culpam à præfulatu deponitur, & in clauistro ad agendam poenitentiam collocatur.

¶ An liceat Episcopo propter persecutionem gregem relinquere. 2. An possit habere proprium. 3. An peccet mortaliter bona ecclesiastica pauperibus non erogando. 4. An religiosi facti Episcopi teneantur seruare obseruantias regulares. Art. 238.

**I**N obligatione autem p[er]s[er]uandus est finis obligationis, quoniam ergo obligat se episcopus ad actum pastoralis officij propter proximorum salutem, non debet gregem dimittere propter episcopale commodum, vel personale periculum, quando eius p[re]s[er]entia est subditis necessaria. Si autem per alium eis suff[ic]ienter providere queat, tunc potest corporaliter gregem suum deferere, maxime si ipse solus specialiter quærat[ur] ab aduersarijs, vel propter commodum episcopale, quæadmodum in epistola ad Honoratum ait Augu. 2. ¶ Insuper quia paupertas ad supererogationem pertinet, non tenentur episcopi proprio carere, non enim obligat se ad hoc, & sancti episcopi, scilicet Athanasius, Ambrosius, Augustinus & c[eteri] propria habuerunt. Nam perfectio esse naturaliter consistit in charitate non in paupertate, sed potest cum summa opul[en]tia esse summa perfectio, ut patet in Abraham. 3. ¶ Præterea, bona ecclesie ordinantur non tantum in pauperum usus, sed etiam in cultum diuinum & necessitatem ministrorum. Si itaque de his, quæ merito in usum pauperum cedunt, aliquid sibi retineat quod notabile sit, aut de his quæ alij debita sunt iniuste agit, mortaliter peccat, & ad restitutionem tenetur. De his verò quæ tanquam propria possidet, & de parte ecclesiasticorum bonorum sibi debita potest disponere sicut & alij de proprijs bonis. 4. ¶ Sciendum autem, quod religiosi in episcopos ordinati, tenentur ad illas obseruantias regulares quæ conditioni & executioni episcopalis status non repugnant, ut sunt continentia, paupertas, habitus professionis, & alia quædam, quæ autem repugnant prædictis, ut sunt solitudo, silentium, longæ vigiliæ, ad illa non obligantur. In his verò ad quæ tenentur, dis-

- ¶ *An status religiosorum sit perfectus. 2. An religiosi teneantur ad omnia consilia. 3. Vtrum uoluntaria paupertas requiratur ad religionem. 4. An continentia. 5. An obedientia. Articulus 239.*

**E**st autem religio uirtus per quam aliquid deo offertur. Ideoque qui totam vitam suam dei obsequio mancipant, antonomatice religiosi vocantur, de quibus ait Gregorius: Sunt quidam qui nihil sibi metipsis reseruant, sed sensum, linguam, vitam atque substantiam quam perciperunt omnipotenti deo immolant, propter quod religiosi in statu perfectionis consistunt.

2. ¶ At uerò religiosus quilibet non tenetur ad uniuersa consilia, sed ad illa quæ suæ professioni ac regulæ congruunt.

3. ¶ Pertinet autem paupertas ad omnes religiosos. Nam temporalium rerum affectio, occupatio, & implicatio illam puram & amorosam unionem mentis, ad quam tendit religio, impedit. Quia secundum Augustinum. Minus deum diligit qui aliquid cum eo amat, quod non propter deum diligit. Nam nutrimentum charitatis est diminutio cupiditatis, & perfectio eius est nulla cupiditas.

4. ¶ Item, usus copulæ carnalis retrahit animam à pura eleuatione ac unionem in deo, tum propter delectationis uoluptatem, tum propter sollicitudines prouidendi uxori ac filiis, unde continentia ad religionem concurrir.

5. ¶ Et quoniam finis religionis est, mentem deo cum sinceritate unire, ideo obedientia quoque exigitur, oportet enim aggredientes spiritale certamen & continuantes illud, dirigi à superiori uelut à quodam magistro, & ad eius moueri arbitrium in agendis. Omnes autem monachi & etiam eremiti, tenentur obedire suo episcopo.

- ¶ *Vtrum oportet hæc tria sub uoto cadere. 2. De sufficientia horum uotorum. 3. De comparatione eorum adinuicem. 4. An religiosus semper mortaliter peccet regulæ suæ statutum transgrediens. 5. An cæteris paribus plus peccet in eodē genere culpæ religiosus, quàm secularis. Art. 240.*



## D. DIONYSII CARTHUSIANI

**Q**uoniam autem status religiosorum perfectus existit, ideo necesse est ut religiosus obedientiam, paupertatem, & continentiam repromittat: quoniam obligatio necessaria est ad statum perfectionis, sicut præhabita est.

2. ¶ Per has autem virtutes offert homo deo quicquid in rebus, in corpore & in anima habet, & maxima perfectionis impedimenta tolluntur, videlicet possessio rerum, concupiscentia fornicationum, & propria voluntas, cuius obnegatio est acceptissima deo, quia homo libertatem naturaliter maxime amat.

3. ¶ Horum quoque votorum potissimum est obedientie votum. Primo quia per eam melius bonum, puta propria voluntas, deo immolatur. Secundo quia votum istud continet sub se alia vota, nam continentem & pauperem esse, sub obedientia cadit. Tertio quoniam actus obedientie sunt magis spirituales & fini religionis propinquiore.

4. ¶ Porro obligatio horum trium cum mortali peccato deferitur, aliorum verò transgressio non obligat ad mortale, nisi propter contemptum. Votum enim principaliter respicit tria prædicta, quia religiosi non vouent omnia seruare quæ continentur in regula, sed regularem conuersationem, quæ essentialiter in tribus prædictis consistit.

5. ¶ Agnoscendum quoque quod religiosus grauius peccare potest quam secularis eadem specie peccati tripliciter. Primo si agat aliquid contra votum, scilicet fornicando aut furando. Secundo si agat ex contemptu. Tertio propter scandalum, quoniam plures vitam eius considerant, si autem religiosus aliquid mali committit, quod non est contra votum, non ex contemptu sed ex ignorantia vel infirmitate, nec cum scandalo aliorum, sed quasi in occulto, minus peccat quam secularis in eodem genere peccati, qui si peccatum eius est veniale, absorbetur à multis bonis quæ facit, & si est mortale citius ab eo resurgit. Nam intentio eius citius reuocatur ad pristina secundum Origenem. Iuuatur etiam à socijs quemadmodum scriptum est. Si vnus ceciderit ab altero fulcietur. Iusti verò non cito ex contemptu peccant, cum autem ex ignorantia vel infirmitate peccant, cito reparantur, sed si in contemptu cadant, pessimi & incorrigibiles fiunt.

¶ An licet religiosis docere, prædicare, & familia facere

2. An secularibus rebus sese intromittere debe-

ant 3. An teneantur manibus operari 4. An

possint de eleemosynis uiuere 5. An

mendicare ipsis liceat 6. An ui-

lora uestimenta portare.

Articulus 241.

**D**icitur denique aliquid alicui esse illicitum duplici-  
ter. Primo quia habet aliquid in se repugnans ei quod  
dicitur non licere, sicut non licet irregulares sacros  
ordines sumere, & sic non est religiosis illicitum præ-  
dicare atque docere, quia ex voto, vel præcepto non astringuntur  
abstinere ab his, nec ratione religionis fiunt indigni,  
sed magis idonei propter vitæ sanctitatem. Secundo dicitur  
aliquid ali cui illicitum, quia caret illo vnde illud posset, sicut  
diacono non licet celebrare, & sic religiosis non licet prædi-  
care, quia status religionis non confert ipsis potestatem hoc  
faciendi. Possunt tamē facere ista si ordinem aut ordinariam  
iurisdictionem recipiant, vel si eis committantur quæ iurisdic-  
tionis sunt.

2. ¶ Insuper cum religionis status ad perfectionem ordine-  
tur, quæ primo in dei dilectione, & secundario in proximo-  
rum affectu consistit, ideo religiosi præcipue deo vacare de-  
bent, si autem necessitas proximis immineat, possunt se de eo-  
rum negotiis intromittere: cum debito tamen moderamine,  
& cum superioris licentia, ex charitate, & non ex cupiditate  
ministraudo, & seculares homines dirigendo.

3. ¶ Porro labor corporalis ad quatuor valet, ad victum quæ-  
rendum, ad ocium euitandum, ad concupiscentiam refrenan-  
dam, & ad eleemosynas faciendas. Si ergo religiosi aliunde  
victum vestitumque habere præualeant, non tenentur manu-  
aliter operari, sicut nec diuites seculares. Ocium quoque vita-  
ri potest per studium & meditationem scripturarum, ac lau-  
des diuinas, sed & caro maceratur sufficienter per ieiunia  
atque vigiliis. Labor etiam non cadit sub præcepto secun-  
dum quod ad eleemosynas ordinatur, nisi forte in aliquo casu  
Patet ergo quo per nullum prædictorū quatuor, ad quæ labor  
corporalis refertur, teneantur religiosi manibus operari, nec  
enim tenentur manualiter operari nisi propter speciale sta-

tutum regulæ quam profitentur. Neque Apostolus præcepit corporalem laborem, nisi quibusdam propter speciales causas quæ in omnibus locum non habent.

3 ¶ At verò quod alicui liberaliter datur, de eo viuere licite potest, & ergo religiosi, quibus aliorum munificentia prouidit, de illorum eleemosynis viuere licite possunt, sed quia ideo eis eleemosynæ dantur, quatenus benefactoribus spiritalia bona rependant, ideo illicite eleemosynas edunt si ab actibus religiosis desistant, defraudarent enim intentionem datorum. Quadrupliciter demum viuere possunt religiosi de eleemosynis quasi sibi debitis. Primo si prædicent. Secundo si sint ministri altaris. Tertio si insistant studio scripturæ propter utilitatem communem totius ecclesiæ. Quarto si bona sua quæ habebant claustro dederunt.

¶ Amplius, circa mendicitatem duo perpenduntur. Vnum ex parte actus mendicantium, in quo actu propter suam abiectionem & vilitatem potest consistere magna humilitas, & ergo contra superbiæ morbum quidam sancti leguntur mendicasse, vt Sanctus Alexius, sed circa hoc est discretio necessaria, ne homo notia, vel vitium cupiditatis aut simile quippiam indecens incidat. Secundo consideratur mendicitas, ex parte eius quod mendicando acquiritur, & sic potest homo ad mendicandum induci ex triplici causa, scilicet ex cupiditate ditandi, vel otiose viuendi, quod pessimum est. Secundo ex necessitate, quia aliunde non habet vnde viuat, & hoc licet. Tertio ex utilitate, videlicet quando occupatur circa quædam utilia ad quæ eleemosynis eget, sicut scholares mendicant quatenus studio sapientiæ vacent, & hoc modo tam secularibus quam religiosis mendicare est licitum.

6 ¶ Præterea habitus vilis atque incultus, si ex negligentia vel auaritia procedat, ad vitium pertinet. Similiter si propter ostentationem portetur. Si verò propter sui ipsius humiliatorem, vel aliorum ædificationem portetur, est laudabile.

¶ An sit tantum una religio, vel plures 2. An possit institui aliqua religio ad opera uitæ æstiuæ 3. An ad bella gerenda 4. An ad prædicandum vel ad studium scientiæ.

Articulus 242.

**P**orro status religionis est quoddam exercitium, quo homo ad perfectionem charitatis exercetur. Diuersa autem sunt opera charitatis quibus aliquis vacare potest. Diuersi quoque modi exercitiorum, & sic religiones dupliciter distinguuntur. Primo secundum ea ad quæ ordinantur, & hæc est formalis distinctio, quia à fine accipitur, vt cum vna ordinatur ad suscipiendos peregrinos, alia ad fidei defensionem. Secundo distinguitur secundum diuersitatem exercitiorum, quæ in regulis assignantur, & quibus diuersi diuersimode ad gratiam dei se aptant.

2 ¶ Insuper quoniam charitatis perfectio etiam ad proximos se extendit, subueniendo eorum necessitatibus, ideo apte instituta est quædam religio ad vitam spectans actiuam, videlicet ad hospitalitatem.

¶ Conuenienter quoque est instituta quædam religio militaris, & propter fidei ac diuini cultus, atque rei publicæ, ac pauperum defensionem, non autem propter aliquid mundanum, hi tamen bellum non gerunt propria authoritate, sed principum siue ecclesiæ.

4 ¶ Denique incomparabiliter rationabilius fuit ad prædicandum religionem institui, quoniam zelus animarum est sacrificium acceptissimum deo, & maius est populum dei spiritualibus armis contra hæreticos & dæmonum tentationes defendere, quam corporalibus armis Christianos defendere. Prædictos autem actus docendi, vel confessiones audiendi, prædicti religiosi non debent exequi indifferenter, sed secundum authoritatem & commissionem ac moderationem superioris, vel episcopi, vel proprii prælati.

5 ¶ Præterea inter opera vitæ actiuæ illa potissima sunt, quæ ordinantur directe ad animarum salutem, vt prædicare, &c. studium autem litterarum conuenit religioni tripliciter. Primo quo ad vitam contemplatiuam dupliciter, scilicet directe inquantum intellectum illuminat. Secundo indirecte, remouendo contemplationis pericula, puta errores qui sæpe in contemplatione diuinorum illis accidunt, qui scripturas ignorant, quemadmodum in collationibus patrum de abbate Serapino dicitur. Tercio valet studium litterarum religionique congruit quo ad id, quod omni religioni commune est, valet enim ad vitandam carnis lasciuiam: & ergo Hieronymus dicit ad Rusticum: Ama studia scripturarum, & carnis vitia non

amabis. Aufert quoque cupiditatem diuitiarum, & valet ad obedientiæ documentum. Quod verò ait scriptura: Quoniam non cognoui literaturam, &c. dictum est de litera veteris legis, de qua Apostolus: Litera, inquit, occidit: & sic non cognoscere, est non approbare literalem circumcisionem, cate-rasque obseruantias carnales. Pater igitur quod conuenienter posset institui religio ad studium literarum.

¶ *An religio ad contemplatiuam uitam ordinata sit potior 2. An habere aliquid in communi diminuat de perfectione religionis 3. An religio solitiorum sit præferenda religioni in societate uiuentium. Articulus 243.*

**E**Xcellentia quoque vnius religionis super aliam ex se ne potissime sumitur, secundario autem sumitur ex parte exercitiorum, quæ referuntur ad finem. Illa ergo religio potior est, quæ ordinatur ad digniorem finem. Opus autem vitæ actiue est duplex. Vnum ex plenitudine contemplationis descendens, quemadmodum prædicare, docere, & hoc præfertur simplici contemplationi, quoniam maius est illuminare, quàm solum lucere. Aliud est vitæ opus actiue quod omnino in exteriori actu consistit, vt hospitio recipere, hoc autem contemplationi postponitur. Itaque illa religio summa est, quæ ordinatur ad prædicandum, atque docendum, quæ etiam episcopali perfectioni est propinquior, quæ verò ad contemplationem ordinatur, secundum obtinet locum, sed quæ circa exteriores actiones intendit, tertium locum fortitur.

2 ¶ Insuper magnarum diuitiarum possessio, etiam in communi, perfectioni religionis multum derogat, & varias occupationes atque curas inducit, sed moderatæ diuitiæ perfectiorem religionis non tollunt, neque impediunt in communi loquendo, tamen religioni quæ ordinatur ad militandum, magnæ diuitiæ congruunt in communi, illi verò quæ ad contemplationem refertur, mediocres, sed quæ ordinatur ad opera vitæ actiue ex contemplatione exorta, minimæ diuitiæ competunt, quorum ratio est, quia tanto plus impedit temporalium rerum sollicitudo religionem quanto ad eam maior sollicitudo spiritualium rerum exigitur.

3 ¶ Amplius, sicut paupertas non est ipsa perfectio, sed per

fectionis instrumentum: sic & solitudo non est perfectio: solitudo autem non est instrumentum aptum actioni, sed contemplationi, & ergo non competit religionibus ad opera vitæ activæ ordinatis, nisi forte ad tempus. Considerandum autem quod solitarius debet esse sibiipso sufficiens, quod pertinet ad perfectionem. Perfectum quoque est cui nihil deest. Ideo solitudo convenit contemplanti perfectionem adepti, quod dupliciter accidit, scilicet ex solo munere dei, ut in Iohanne Baptista, qui puer ingressus est eremum, quia ex utero matris erat spiritus sancto repletus. Secundo contingit per exercitium virtuosi actus, in quo homo iuvatur per aliorum societatem dupliciter, scilicet quo ad instructionem intellectus ne homo seducat seipsum: & quo ad affectum, in quantum aliorum exemplo vitia reprimuntur, unde vita socialis necessaria est ad exercitium perfectionis, sed solitudo competit iā perfectis. Sicut ergo, id quod perfectum est præfertur ei quod ad perfectionem movetur, sic vita solitaria, si debito modo assumatur, præminet vitæ sociali, si autem sine tali præcedenti exercitio assumatur, periculosissima est, nisi divina gratia suppleat, quod alij per exercitium acquirunt, ut in Antonio, Benedicto. Nec obstat prædictis, quod scriptum est: Melius est duos esse simul, nam hoc dicitur propter mutuum auxilium, quo perfecti non indigent.

**¶** *Utrum nondum exercitati in præceptis dei debeant religionem ingredi 2. An liceat aliquem uoto obligare ad religionis ingressum: & an sic obligati, teneantur intrare 3. An uouentes religionem intrare teneantur in ea perpetuo remanere 4. An pueri sint recipiendi. Articulus 244.*

**F**Requenter prædictum iam reor quemadmodum religio sit quoddam exercitium ad adipiscendam charitatem perfectam, in quantum per observantias regulares charitatis impedimenta, id est terreni affectus & occasionēs peccandi tolluntur. Cum ergo ad perfectionem conari & tendere competat non tantum iustis, sed etiam imperfectis, ideo illi qui nondum in observantia diuinorum mandatorum exercitati sunt, religionem ingredi possunt, quatenus peccandi occasionēs deuinent, & ad virtutes magis proficiant.

2. **¶** Denique conueniens & meritorium est, vt homo se ad religionis introitum voto astringat, tum quia vouere est actus virtutis, quæ appellatur religio, tum quia per votum firmatur voluntas vt imperpetuum deo adhæreat.
3. **¶** Quoniam verò secundum præinducta, votum est promissio deo facta de his quæ ad deum pertinent, quale est religionem intrare, ideo qui vouet religionem intrare etiam solo simplici voto, tenetur eam intrare, & altissimo vota sua red dere, & eo modo quo intendit se per votum obligare, sic tene tur exoluere, si enim absolute promisit, tenetur implere quo citius poterit, si verò ad certum tempus aut sub determinata conditione vouit, tenetur tempore adueniente, vel impedi mento seu conditione cessante intrare, quod si absolute vo uet claustrum introire, tenetur in ipso inæternum perseuera re, si eius intentio ad hoc ferebatur.
4. **¶** Præterea, si puer ante annos pubertatis, id est quatuor decim, votū simplex emittat de religione intrāda, potest à pa tre reuocari, quia adhuc in parentum potestate & cura existit. Si verò ante annos pubertatis sit doli capax & vsum rationis perfectum habens, secundum conscientiam tenetur implere quantum in se est, & tamen à patre potest reuocari, non au tem obligatur quo ad deum ante plenum vsum rationis. Ali ud demum est votum solenne, & talis voti professio nequa quam rata est, neque effectum sortitur ante tempus puberta tis, etiam quanuis in puero ante prædictum tempus vsum ratio nis anticipetur, ecclesia nanque respicit quod in pluribus ac cidit. Quanuis autem pueri ante annos pubertatis profiteri non valeant: Possunt tamen de parentum consensu in religio ne recipi, quatenus nutriantur in claustro, quod multum con ueniens est, iuxta illud: Bonum est viro cum portauerit iugum domini ab adolescentia sua. Aduertendum quoque, quod vo tum religionis maius est voto peregrinationis terræ sanctæ. Præsertim cum votum terræ sanctæ in ipsum commutari pos sit, vt Alexander tertius asserit, per ipsum enim consequitur homo omnium veniam peccatorum, quemadmodum in Vi raspatrum habetur, quod eadem sit gratia in religionis ingre f su atque baptismo, totam enim vitam suam dedicat & manci pat homo dei obsequio religionem ingrediens.



**¶** An propter parentum obsequium retrahi debeat homo à religionis ingressu 2. An presbyteri, curati, uel archidiaconi, possint ingredi claustrum 3. An possit aliquis de una religione transire ad aliam 4.

An aliquis debeat alium ad religionis ingressum inducere 5. Vtrum requiratur magna deliberatio cum cognatis atq; amicis ad religionis ingressum.

Ar. 245.

**P**orro si parètes in necessitate cõstituti sunt, sic quod aliunde commodè sustentari non possunt, nisi à filiis: tunc non licet filiis relicta cura parentum ingredi religionem: quemadmodum non licet parentibus religionem intrare non prouiso quomodo filij educantur. Si autem parentes filiorum subsidio non multum indigent, tunc possunt inuitis parentibus ingredi claustrum, quoniam post annos pubertatis, quiuis ingenuus, est propriæ libertatis ac iuris in his quæ sunt sui status.

2 **¶** Præterea, quoniam presbyteri & curati & archidiaconi non obligantur ad curam animarum perpetua obligatione: propterea religionem ingredi possunt, in qua perpetuo voto diuinis se mancipent, curam sibi commissam episcopo renunciantes. Istud autem præfati non licet, sicut ostensum est.

3 **¶** Insuper non debet aliquis de vna religione se transferre ad aliam propter vitandum scandalum: & quia facilius proficere potest in religione quam semel acceperit, ceteris paribus. Tamè propter magnam vtilitatem, vel necessitatem istud laudabiliter fit, triplici ratione. Primo zelo perfectionis alterius religionis. Secundo si in prima religione remissius agere inchoent: tunc enim intrare potest aliam, quanuis minorem in qua laudabiliter viuatur. Vnde in Collationibus patrū Abbas Iohānes dicit, se à vita eremitica ad socialem redisse, quia vita illa cœpit remitti tempore illo. Tertiò propter infirmitatem seu debilitatem. In primo autem casu debet aliquis licentiam petere propter humilitatem, quæ ei negari non potest si constet aliam religionem esse perfectiorem: si verò de hoc dubitatur, est superioris requirendum iudicium. Similiter in

secundo casu agendum est. Sed in tertio dispensatio est necessaria.

4 ¶ At verò maximè meritorium est alium ad religionis ingressum inducere. Sed si hoc per violentiam, vel simoniam, aut cum mendacio fiat, illicitum erit.

5 ¶ Consilia autem cum amicis & deliberatio adhibenda sunt in dubiis rebus. Sed religionis ingressus est de se bonus & euidenter ac certe approbatus. Et ergo non est quo ad hoc cum amicis consulendū, vel deliberandum. Sed circa religionem tria possunt attendi. Primo ipse ingressus: & de hoc non est dubitandum, quin de se bonus consistat. Secundo ingressus per comparisonem ad vires hominis. Et sic rursus non est dubitandum nec consulendum, non enim suis viribus, sed diuinæ misericordiæ opī debet homo inniti: nisi forte habeatur speciale nocumentum, vel corporalis debilitatis vel debilitati: tunc enim requiritur deliberatio atque consilium cum his, de quibus speratur quod prodesse velint & nō impedire. Tertio considerari potest modus religionem intrandi, vel species id est, quam religionem vtilius intrer. Et de talibus potest haberi consilium cum his, qui non impediunt. Omnino autem deliberare non congruit, an deo seruiendum sit, sed de qualitate & modo discretio est habenda: quatenus ad omnium remuneratorem bonorum mereatur homo perducī. Qui est omnis intellectualis creaturæ creator & iudex, deus sublimis & benedictus, Amen.

Summæ fidei orthodoxæ, libri  
tertii Finis.

# D. DIONYSII

## CARTHUSIANI IN LI-

BRVM QVARTVM SVMMAE FI-  
dei orthodoxæ : in quo de incarnatione agitur  
Christi, de vnione duarum in Christo naturarum,  
de Christi scientia, potentia ac sacerdotio. De bea-  
tæ Mariæ virginis sanctificatione, desponsatione &  
annuntiatione. De saluatoris nostri conceptione,  
natiuitate, manifestatione, baptismo, miraculis,  
prædicatione, passionemorte, resurrectione,  
& ascensione. De sacramentis nouæ legis  
puta baptismi, confirmationis, eucha-  
ristiæ, pœnitentiæ, vnctionis ex-  
tremæ, ordinis & ma-  
trimonij.

### ✠ PRAEFACI VNCVLA.



Beatus homo, qui inuenit sapientiam: & qui af-  
fuit prudentia. Vir enim eruditus suauis est  
animæ suæ. Qui autem indocti sunt, in cordis  
egestate moriuntur. Sed quæ est vera atq; salu-  
bris sapiã, nisi cognoscere Christum dei vir-  
turẽ & dei sapientiã? Vnde Apostolus: Nõ iu-  
dicaui me, inquit, aliquid scire inter vos, nisi Iesum Christum,  
& hunc crucifixum. Verum quia in Christo sunt duæ naturæ  
illa eius cognitio qua secundum diuinam naturam cognosci-  
tur, præsertim sapientia nominatur: quanquam & humanæ na-  
turæ eius cognitio sapiẽtia dici possit. Tota enim Theologia,  
quæ maximè sapientia appellatur, circa diuinitatem Trinita-  
tis, humanitatemquẽ Christi præcipue occupatur. Itaq; post-  
quam primum librum Summæ huius, qui de vnitate dei & tri-  
nitate personarum, creationeq; mundi & angelis, ac pri-

## D. DIONYSII CARTHYSIANI

mis parentibus, tractat: secundum quoq; , qui de vitiis atq; virtutibus, in communi determinat: & item tertium, qui de virtutibus, vitiis, donis & fructibus ac aliis multis in speciali considerat, percurrendo compleui: nunc simili modo quartum collegi. De huius totius operis Summæ imperfectione indulgendum est mihi, eo quod festinantissime & intra nouē mēses circiter illud compleuerim.

**¶** *Vtrum conueniens fuerit deum incarnari 2. An fuerit necessarium ad redimendum genus humanum 3. An deus carnem assumpturus fuisset, non existente peccato. Artic. primus.*

**C**onueniens autem alicui dicitur, quod ei secundum proprietatem ac rationem suæ naturæ est competēs: vt discernere rationi. Deus verò est naturaliter bonus & ipsa bonitatis essentia, secundum Dionysium, primo capitulo de diuinis nominibus. Ratio autē atque proprietas boni est, esse sui diffusiuum & communicatiuum. Cū ergo sit Deus summe bonus, conueniens fuit, vt se suæ creaturæ summè communicaret. Quod maximè factum est per hoc quod eam ad propriam personalitatem assumpsit, vniendo sibi naturam humanam in vnitatem personæ. Conueniens ergo fuit, Deum incarnari. In incarnatione enim Dei manifestatur bonitas eius, eo quod proprii plasmatis infirmitatem non spreuit: sapientia, quia difficilimi decentissimam solutionem inuenit: potentia, quod tam distantia in vnitatem personali coniunxit: iustitia, quia non alium fecit superare tyrannum, nec vi eripuit hominem: sed sicut homo victus est, sic homo vicit, secundum Damascenum libro tertio. Denique necessarium dupliciter dicitur. Primo sine quo aliquid fieri nequit: vt homo sine anima. Et sic Deum incarnari non fuit necessarium. Potuit namque Deus aliis modis redimere hominem. Secundo necessarium dicitur, sine quo res conuenienter & apte esse nō potest: & sic necessariū fuit Deū incarnari. Per hoc potissimè roboratur fides qđ ipsemet Deus loquitur et testatur. Per hoc quoque maximè erigitur spes & accēditur charitas, quod Deū pro nobis incarnatum ex nimia sua dilectione cognoscimus. Per incarnationem etiam & conuersionem verbi incarnati præsertim præbetur nobis vitæ & sanctitatis exēplum. Sed & pereius incarnationem efficiamur filij Dei, imo diuinæ con-

sortes naturæ. Quoniam enim tota natura erat peccato corrupta, nō potuit aliquis purus homo, imo nec multi simul pro tota natura satisfacere: cum & natura sit in infinitū communicabilis: & peccatum infinitæ grauitatis sit, eo quod contra Deum immensæ dignitatis committitur.

3 ¶ Præterea aliqui asserunt, quod quauis homo non peccasset, Deus tamen ex nimia sua charitate incarnatus fuisset. Sed quoniam incarnatio Dei ex sola sua bonitate & voluntate facta est, ratione inuestigari non potest, sed per hoc solum cognoscitur, quod in scriptura nobis Deo reuelante aperitur. Cum ergo in sacra scriptura ratio incarnationis ubiq; ex primi parentis peccato assignetur, probabilius est, quod alij dicunt, videlicet quod deus non fuerit carnem assumpturus, nisi si homo peccasset. Vnde in libro de verbis domini ait Augustinus: Si homo non peccasset filius hominis (id est, Christus) non venisset. Et alibi: Nulla causa veniendi fuit Christo domino, nisi peccatores saluos facere. Tolle morbos ac vulnera & nulla erit medicinæ causa.

¶ *An Deus principalius incarnatus sit ad tollendum peccatum originale, uel actuale 2. Cur non sit incarnatus à principio mundi, nec in termino eius. Ar. 2.*

**V**enit præterea filius Dei non solum ad tollendum peccatum originale, sed etiā actuale: imo, ut omnia peccata auferret: quia exhibuit, quod ad omnium peccatorum deletionem sufficiens est. Sed quia propter peccata mundi tollenda aduenit, idcirco quanto peccatum est grauius, tanto principalius propter ipsum venit Christus. Quia vnum peccatum est grauius alio dupliciter, scilicet intensiue & extensiue. Cum ergo peccatum actuale sit magis voluntarium quàm originale, est intensiue grauius eo. Sed originale, quia traducitur ad posteros, omnēsque inficit, extensiue est maius actuali peccato: & quantum ad hoc principaliter propter ipsum venit Christus, qui totum genus humanum liberare volebat. Nam bonum commune diuinius est bono singularis personæ, ad quam pertinet peccatum actuale. Sed quia etiam actualia peccata tollere venit (oīa enim peccata dimittuntur virtute meriti Christi) Chrysostomus secundo de compunctione cordis testatur: Hic est effectus serui fidelis, ut

## D. DIONYSII CARTHUSIANI

beneficia domini sui, quæ communiter omnibus data sunt, quasi sibi soli præstita reputet. Quasi enim de se solo loquens Paulus ita scribit, In fide uiuo filij dei qui dilexit me, & tradidit semetipsum pro me.

2. ¶ Denique noluit deus à principio mundi peccato commisso mox incarnari. Homo enim per superbiam cecidit. Erat ergo ad humilitatem reducendus. Et ideo deus reliquit hominem in primo legi naturæ, ut experiretur sibi illam nequaquã sufficere. Postea dedit ei legem scriptam, quæ nec ipsa suffecit quoniam gratiam nõ contulit. Cum itaque homo in utraq; lege defecit, opportune venit Christus. Et iterum, quia quo maior Iudex aduenit, eo præconũ longior series præcedere debuit. Connaturale quoque est homini, ut non subito, sed paulatim ab imperfecto ad perfectionem perueniat. Et ergo Christus statim post peccati lapsum nõ venit. Similiter noluit deus incarnationem suam usque ad finem mundi differre, ne Dei cognitio & reuerentia, morumque probitas pœnitus in hominibus deficerent atque perirent.

¶ *Virum unio uerbi incarnati sit facta in natura 2. An sit facta in persona 3. An etiam in supposito, uel hypostasi 4. An persona Christus sit composita. Articulus 3.*

**N**atura verò, modo de ea fit sermo, accipitur pro essentia. Sic enim diffinit eam Boethius in libro de duabus naturis Christi: Natura est vnquamque re informans specifica differentia. Sic autem sumendo naturam dici non potest, quod unio uerbi cum homine sit facta in natura, quod ex natura, id est, diuina atque humana sit facta vna natura. Tripliciter enim fit vnũ ex duobus, vel pluribus. Primo sic, quod illa duo integra & perfecta intransmutatãque permanent. Talis autem unio non est nisi eorum, quorum forma est compositio, figura, vel ordo: sicut ex multis lapidibus fit æceruus, ex lignis verò & saxis fit domus. Talis autem non est unio uerbi cum natura assumpta. Nam compositio, figura & ordo sunt solum accidentales formæ. Unio autem dei & hominis est per se, & eius quod est verè vnũ. Secundo fit aliquid vnũ ex pluribus transmutatis: quẽadmodũ ex elementis fit mixtũ. Talis verò non est unio uerbi cũ homine, quia natura diuina inuariabilis & intransmutabilis est. Itẽ mixtũ nõ est eiusdẽ na-

turæ cum aliquo miscibiliū, non enim caro est terra, aqua, vel ignis. Si ergo vnio ista esset per cūmixonem naturarum, nō esset Christus eisdem naturæ cum patre vel matre: sic non esset Deus nec homo. Tertio fit ex pluribus vnum, sic quod illa non transmutantur à sua natura, sed remanent imperfecta sicut ex forma atque materia constat compositum, & corpus ex membris. Talis verò esse non valet vnio dei cum homine, quia in Christo vtraque natura est secundum se perfecta, nec diuina natura esse potest pars alicuius cōpositi. Rursus in tali vnione ipsum totū est alterius naturæ à qualibet parte, seu quolibet, ex quibus resultat. Et sic Christus nec esset naturæ diuinæ neq; humanæ, sed tertriæ ex vtraque prouenientis. Prædictarum ergo vnionum assertores in Christo, velut hæretici sunt spernendi. Vnde id determinatione Chalcedonensis Consilij dicitur: Confitemur in nouissimis diebus filium dei vnigenitum inconfuse, immutabiliter, indiuisse, inseparabiliter agnoscendum, nusquam sublata differentia naturarum propter vnionem.

2. ¶ Porro in quibusdam persona nil reale superaddit naturæ, presertim in deo: & in talibus distinctio naturæ à persona est solum secundum rationem. Dicitur enim persona, inquantum est per se subsistens: natura autem, inquantum est essentia quæ est ratio subsistendi. Cum ergo vnio verbi cum homine non sit facta in natura, oportet vt sit facta in persona: sic, quod vtriusque naturæ sit vna personalis subsistētia, & ex verbo ac homine constat vnus Christus in vnitare personæ. Aduertendum quoque quod secundum Damascenum verbum assumpsit naturam humanam, non in vniuersali. Sic enim vnicuique homini compereret esse dei verbum, vt Christo. Sed in atamo, id est indiuiduo. Non enim quodlibet indiuiduum in genere, substantiæ vel intellectualis naturæ habet rationem personæ, sed solum illud quod per se existit. Non autem quod in alio perfectiori existit: quemadmodum man<sup>us</sup> Pauli quauis sit quoddam indiuiduum, non est tamen persona. Quia non existit in se sed in alio perfectiori videlicet suo toto. Quauis ergo natura humana in Christo sit indiuiduū quoddam, quia tamen non per se separatim existit, sed in alio perfectiori, vtpote in persona verbi, non habet personalitatem propriam nec est per se persona. Et ergo vnio facta est in persona.



## D. DIONYSII CARTHUSIANI

3. ¶ At verò sicut conceditur vñio vtriusque naturæ in Christo facta in persona: ita conceditur facta in supposito atque hypostasi. Hypostasis namque est magis commune quam persona, sed persona nõ addit super hypostasim, nisi quod solum dicitur in his, quæ sunt intellectuæ naturæ. In eodẽ verò non differunt realiter magis commune & minus commune. Vnde oppositum asserentes in Concilio Constantino politano sunt damnati.

4. ¶ Insuper persona seu hypostasis Christi consideratur dupliciter, scilicet secundum id quod in se est, & sic est omnino simplex, quemadmodum essentia verbi. Secundo secundum rationem personæ, ad quam pertinet in aliqua natura subsistere: sicque persona Christi in duabus naturis subsistit. Et quanuis sit ibi vnum subsistens, ratio tamen subsistendi est alia. Vnde persona dicitur hoc modo composita, inquantum vnum subsistit duobus. Propter quod Damascenus tercio libro ait: In domino Iesu Christo duas naturas cognoscimus, vnã autem hypostasim ex vtriusque compositam.

¶ An in Christo sit aliqua unio animæ & corporis. 2.

An natura humana sit uerbo accidentaliter unita. 3.

An unio ista sit quid creatum. 4. An sit idem quod assumptio. Articulus 4.

**D**E ratione denique hominis est, constare ex anima rationali & corpore sibi vnitis, ad constituendum vnã naturã in specie perfectã. Anima enim est corporis forma. Forma verò non ponit materiam in specie nisi adinuicem copulentur. Falsa est ergo positio, quæ ait in Christo non esse sibi cõnita corpus & animam, separatim vtrumque diuinitati vnitum. Sic enim Christus nõ esset vniuoce homo cum alijs hominibus, nec haberet corpus animatum. Quanuis autem in Christo sint sibi coniuncta corpus & anima, non tamen ex vnione illa resultat esse personale seu persona naturæ humanæ, quia simul vtrũque in ipsa mutua vnione assumptum est ad subsistẽtiã verbi, nec propriæ personalitati relictum.

¶ Porro quidam hærenici in Christo confundunt naturas, dicentes vnã naturam ex diuinitate & humanitate effectã vt Eutices & Dioscorus, quod improbatum est.

2. ¶ Alij, vt Nestori<sup>o</sup> atque Theodorus Monoschei in Christo separauerunt personas dicentes : Verbum homini vnium secundum inhabitationem velut in templo, & secundum voluntatis conformitatem specialēque gratiam. Sed sic vnio verbi cum humana natura in Christo erit solummodo accidentalis, sicque deus non esset veraciter homo factus, quod asserere est totā catholicam fidē obruere. Quod verō ad Philippeneses secundo ait apostolus: Habitu inuentus est vt homo, non est intelligendum quantum ad accidentalem vnionem, sed secundum quandam assimilationem. Sicut enim homo per habitum id est vestimentum videtur: sic Christus per assumptam naturam apparuit. Et sicut vestimentum mutatur & figuratur secundum figuram induti sine variatione induentis: sic sine mutatione filij dei natura humana assumpta est & diuinitati aptata. Cum ergo natura humana sit verbo in personali vnitate coniuncta, non est accidentaliter ipsi vnita.

3. ¶ Præterea vnio de qua nunc tractatur, est quædam relatio inter naturam diuinam & humanam. Prout conueniunt in vna persona filij dei. Omnis autem relatio inter creaturā & deum, ex parte creaturæ realis est, & ei realiter inest, per cuius mutationem innascitur. Sed in deo, qui incommutabilis, atque independens est, non est nisi secundum rationem. Vnio ergo prædicta non est in deo realiter, sed secundū rationem, sed in natura humana realiter est. Patet igitur, quod sit aliquid creatum.

4. ¶ Porro omnis relatio, quæ ex tempore incipit, per quādam mutationem innascitur. Mutatio autem in actione & passione consistit. Prima itaque & principalis distinctio inter assumptionem & vnionem est, quod vnio est ipsa relatio. Assumptio autem est actio, per quam aliquid vocatur assumens vel passio, qua dicitur assumptum. Secunda distinctio ex prima procedens est, quod assumptio dicitur vt in fieri: vnio verō sicut in facto esse. Idcirco vniens dicitur vnium. Nam deus vniuit sibi naturam humanam, & ipse vnitus est ei. Sed assumens non dicitur assumptum, deus enim humanitatem assumpsit, sed non est ab humanitate assumptus. Tertia quoque distinctio ponitur, quia relatio, maxime æquiparantia, non magis concernit vnum extremum quā aliud. Actio autem & passio diuersimode se habent ad agens & patiens, terminōque diuersos. Assumptio ergo determinat terminum ā

## D. DIONYSII CARTHUSIANI

quo & ad quem. Dicitur autem assumptio, quasi ab alio ad se sumptio. Vnio verò nihil horum includit, propter quod indifferenter dicitur natura diuina vnians & vnita, non autem nominari potest assumpta, sed solùm assumens.

¶ *Vtrum unio uerbi cum homine sit maxima unionum.*

2. *An sit facta per gratiam. 3. An merita eam præcesserunt. 4. An gratia fuerit Christo homini naturalis.*      *Articulus 5.*

**V**Nio insuper incarnationis dupliciter accipi potest. Primo ex parte eorum quæ coniunguntur. Et sic non habet maximam unitatem. Quia utraque natura manet distincta. Secundo ex parte eius in quo uniuntur. Et sic præeminetiam habet inter omnes uniones. Quoniam unitas personæ diuinæ, in qua uniuntur, est maxima. Vnde primo de trinitate asserit Augustinus, Homo potius est in filio, quàm filius in patre.

2. ¶ Amplius gratia dupliciter dicitur. Vno modo ipsa dei voluntas gratis aliquid faciens, seu gratum atque acceptum aliquem habens, Et sic unio incarnationis est facta per gratiam: sicut & unio sanctorum per dilectionem. Secundo dicitur gratia donum dei gratuitum. Sicque unio ista non est facta per aliquam gratiam habitualem: quauis hoc ipsum quod est naturam humanam deo esse unitam, gratia appellari possit: eo quod sine precedentibus meritis sit ei collatum. Creatura namque dupliciter deo unitur, videlicet per operationem, prout sancti deum cognoscunt ac diligunt: & hoc fit per gratiam habitualem. Secundo unitur deo in esse personali, quod soli Christo donatum est, in quo natura humana suppositatur in esse diuino: quod autem natura habet esse in suo supposito non fit aliquo habitu mediante.

3. ¶ At verò quia in eodem instanti, coniuncta est verbo humanitas Christi, quo in utero virginis facta est, sic quod nunquam fuit sine vnione cū verbo, nulla operatio nullumque meritum hominis Christi, vnionem incarnationis præcessit: sed nec aliorum hominum merita eam ex condigno meruerunt. Nam incarnatio Christi est totius humanæ reformatiua. Et ergo nullus particularis purusque homo eam potuit promereri. Item gratia non cadit sub merito, cum

fit merendi principium. Incarnatio autem est principium gratiæ. Iuxta illud Ioannis primo: Gratia & veritas per Iesum Christum facta est. Non ergo cadit sub merito. Rursus meritum ordinatur ad beatitudinem, quæ est dei fruitio & præmium meriti. Vnio autem incarnationis est in esse personali, quæ excedit omne meritum, & vnionem in actu fruitionis consistentem. Non ergo sub merito cadere potest. Veruntamen patres antiqui ex congruo meruerunt per sancta desideria & alia bona, verbi incarnationem. Sic quoque beata virgo dicitur meruisse concipere & portare dominum Christum: non utiq; ex condigno, sed secundum congruentiam quãdã, propter excellentiam gratiæ, & sanctitatis ac puritatis suæ.

4. ¶ Porro natura dicitur vno modo natiuitas rei, secundo dicitur natura essentia entis. Sumendo igitur naturale à natura primo modo accepta, sic naturale alicui dicitur quod ab ipsa natiuitate habet, quemadmodum ait Apostolus ad Ephesios 2. Eramus natura filij iræ. Et Sapientiæ duodecimo: Nequam est natio eorum & naturalis malitia ipsorum. Et sic gratia Christi tam vnionis quàm habitualis dicitur Christo naturalis, quoniam ab instanti conceptionis fuit natura humana gratia plena ac verbo vnita. Sumendo autem naturale à natura pro essentia sumpta, illud dicitur naturale quod ex naturalibus inest principijs, vt naturale est graui deorsum moueri: Sic verò nec gratia vnionis nec habitualis est Christo naturalis ex parte naturæ humanæ, sed diuinæ: quæ sola est conditrix gratiæ & eius origo. Sic igitur pater, quomodo accipiendum sit verbum Augustini in Euchirid. In susceptione naturæ humanæ fit gratia quodammodo illi homini naturalis, qua nullum possit peccatum admittere.

¶ An assumere competat diuinæ personæ. 2. An conueniat diuinæ naturæ. 3. An persona potest assumere personam abstractam. 4. An una persona potest assumere sine alia. Articulus 6.

**A**ssumptio denique duo importat videlicet principium actus, & terminum eius. Cum ergo agere sit suppositorum, & vnio verbi cum homine facta sit non in natura, sed in persona, sicut ostensum est: sequitur, quod assumere competat propriè diuinæ personæ.

2. ¶ Et quia natura est agendi principium, ideo diuinæ naturæ conuenit assumere, considerando assumptionem prout dicitur principium actus. Nā virtute diuinæ naturæ ista assumptio facta est. Quantum verò ad terminum assumptionis, non conuenit diuinæ naturæ assumere: quia assumptio non terminatur nec facta est in natura secundum seipsam, sed ratione personæ, quæ in natura subsistit. Proprijsime ergo assumptio conuenit personæ. Secundario autem naturæ. Et sic etiam diuina natura dicitur incarnata, quoniam carnis naturam assumpsit. Vnde Damascenus: Dicimus, inquit, diuinam naturam incarnatam esse, secundum beatos Athanasium & Cyrillum.

3. ¶ Porro cum deus sit summe simplex, non potest intellectus creatus aliquid remouere à deo, quin totum remoueat; quantum est ex parte rei intellectæ. Sed quoniam non possumus deum cognoscere sicuti est in seipso, sed secundum quod in creaturis relucet eius perfectio per modum diuisum atque multiplicem: ideo per intellectum personalitate abstracta possumus intelligere personam assumentem. Tres enim sunt relationes personales, videlicet paternitas, filiatio, processio: quibus abstractis remanet omnipotentia, per quam secundum Augustinum incarnatio facta est. In diuinis enim sunt idem quod est & quo est. Et ergo quicquid in deo in abstracto consideratur alijs seclutis, est aliquid subsistens: & per consequens persona, cum sit in intellectuāli natura. Sicut ergo nunc positis proprietatibus personalibus ponimus tres personas: ita eisdē proprietatibus per intellectuū seclutis, manet in cōsideratione nostra natura diuina vt subsistens & vt persona. Remanet enim post talem abstractionem vna personalitas dei, eo modo quo Iudæi intelligunt. Sicq; ratione huius subsistentiæ personalis natura diuina posset assumere.

4. ¶ Insuper vnaquæque diuina operatio ad extra est tribus personis communis. Sicut enim trium personarū est vna essentia: sic opera trinitatis sunt indiuisa. Vna ergo persona diuina non potest assumere sine alia, secundum quod assumptio dicit actum assumentis. Actus enim ille ex diuina virtute procedit, quæ tribus personis est communis. Sed prout assumptio dicit terminum huius actus, sic vna persona potest assumere sine alia. Imo sic solus filius assumpsit, quoniam personalitates sunt distinctæ.

¶ An alia persona diuina, quàm filius possit assumere. 2. An  
plures personæ possint assumere unam naturam nume-  
ro, uel una persona duas naturas. 3. Cur magis con-  
ueniat filio incarnari. Articulus 7.

**N**Omen igitur assumptionis duo includit, videlicet principium actus & terminum eius. Dicitur enim assumere aliquid ad se sumere. Cum ergo trium personalitatem habeat, sicq; eadem ratio personarum sit vna potestas & vnaquæque propriam personalitatis in tribus: quanuis proprietates personales distinctæ sint: sequitur quod eadem ratione qua filius potuit assumere, pater quoq; & spiritus sanctus assumere possit. Nā quod pater dicitur in nascibilis, intelligendum est de natiuitate æterna: qui si incarnaretur & filius fieret, non esset in eo personarum confusio. Temporalis enim filiatio non constituit diuinam personam, sed est aliquid consequens temporalem natiuitatem.

1. ¶ Quoniā itaq; in Christo non sit noua persona ex vnione carnis & animæ: Sed sit vna natura assumpta in diuinam personam per omnipotentiam diuinæ virtutis, quæ in tribus vna est. Idcirco plures imo tres personæ possunt assumere vnā naturam. Nam secundum Augustinum in Epistola ad Volusianum. In mysterio incarnationis tota ratio facti est potentia facientis. Impossibile tamē est, vt vnā personam vel vnum suppositum assumerent, secundum Anselmum libro de conceptu virginali. Hac autem positione stante verum esset dicere, quod tres personæ essent vnus homo propter vnitatē naturæ assumptæ: quemadmodum verum est, quod tres sunt vnus deus ratione vnitatis essentiæ. Nam dictio vnus importaret vnitatem naturæ, non personæ: tunc enim natura humana esset assumpta in vnitatem non vnius personæ, sed in vnitatem singulari personarū, sic quod sicut diuina natura habet naturalem vnitatem cum singulis personis: ita natura assumpta haberet vnitatem trium cum singulis per assumptionem.

¶ Amplius cum virtus diuina sit illimitata, & diuina persona incomprehensibilis & incomprehensa, non possumus dicere, quod filius sic vnā naturam assumpsit, quod aliam non posset assumere, nec ex parte actus assumptionis propter suæ potentie immensitatem. Nec ex parte termini assumptionis, quia personalitas diuina comprehendi vel coartari non va-

## D. DIONYSII CARTHYSIANI

let à natura creata. Vna ergo diuina persona posset plures naturas assumere, nō tamē vna persona esset plura supposita seu multæ personæ. Quoniā dictum est, quod natura creata à deo assumpta non affert nouam vel propriam personalitatem. Imo si vna persona duas naturas humanas assumeret, nō esset duo homines, sed vnus homo, ppter vnitatem suppositi habentis duas naturas humanas: quēadmodum homo duobus vestimentis indutus non dicitur duo vestiti, sed vnus vestitus. Nunquā enim apud nos nomen ab aliqua forma impositum pluraliter dicitur, nisi ob pluralitatem suppositorum.

3. ¶ Præterea quoniam filius Dei est exemplar & ars atque conceptus mentis paternæ, ad cuius mutationem omnia facta sunt in esse naturali ac mobili, sic decuit per eundē omnia reformari per personalem vniōem, sicut omnia per ipsum creata consistunt. Item verbum seu filius Dei cum sit sapientia & veritas patris, habet specialem conuenientiam cum humana natura, quæ rationalis est, & cuius perfectio in veritatis cognitione consistit, & in participatione sapientiæ dei. Decuit ergo potissime filium dei hominem assumere atque redimere. Rursus finis incarnationis est impletio prædestinationis, videlicet vt homines ad adoptionem dei filiationē perducantur: ad quam maxime decet eos reduci per filium verum & naturalem. Homo etiam peccauit scientiam inordinate desiderans, conuenientissime ergo ad veram scientiam reducitur per eum, de quo Ecclesiastici primo habetur: Fons sapientiæ verbum dei in excelsis.

¶ *An humana natura fuit magis à filio dei assumptibilis quàm aliqua alia natura. 2. An verbum assumpsit personam.*

3. *An deus assumpsit hominem. Articulus 8.*

**D**icitur autem aliquid assumptibile, quasi aptitudinem habens vt assumatur ab alio. Natura verò creata non est à deo assumptibilis per aptitudinem passiuam naturalem, quia assumptio talis, omnem naturalem dignitatem ac modum transcendit. Natura ergo assumptibilis est à deo secundum congruentiam quandam, quæ in natura humana secundum duo pensatur, scilicet secundum dignitatem, quoniam homo est intellectualis naturæ, potens immediate per operationem deum attingere cogno-



scendo atque amando. Et secundum necessitatem, nam propter originale peccatum indiguit homo liberatore. Cum ergo irrationabilibus desit congruentia dignitatis, Angelis autem congruentia necessitatis: sequitur quod sola natura humana sit assumptibilis. Quauis secundum absolutam dei potentiam aliæ naturæ assumi possint à deo. Irrationales tamen creaturæ quoniam congruentiam non habent, ut deum agendo contingant, multo minus congruentiam habent, ut ad esse personale diuinum assumantur.

2. ¶ Præterea id quod assumitur, necesse est præintelligi assumptioni, assumptio autem naturæ humanæ à verbo terminatur ad esse personale verbi, nec præsupponit aliquam personalitatem. Imo si personalitas aliqua præfesset, oporteret eam corrumpi, cum non sint in Christo duæ personæ. Assumpsit ergo deus naturam humanam & non personam. Sed Damasceno testante, deus assumpsit naturam humanam in individuo, quod non est aliud ab increato supposito seu verbi persona.

3. ¶ Insuper hoc nomen homo designat naturam humanam, prout nata est esse in supposito, seu eum qui habet naturam humanam. Cum ergo id quod assumitur, non sit terminus assumptionis, sed eam secundum intellectum præcedat, constat quod talis locutio: Deus assumpsit hominem, & sibi consimilis, non sit propria nec extendenda, sed pie exponenda cum à sacris doctoribus posita inuenitur. Vnde Felix Papa & martyr, ait quod etiā in Ephesina Synodo introducitur: Credimus in dominum nostrum Iesum Christum de virgine matre natum, quia ipse est sempiternus dei filius, & non homo à deo assumptus ut aliter sit præter illum. Et ergo filius dei quauis sit homo, non tamen est homo quem assumpsit, sed cuius naturam assumpsit.

¶ Vtrum fuisset conueniens, quod deus assumpsisset naturam humanam separatam, 2. Vel in omnibus suis indiuiduis existentem. 3. Vel in aliquo non procreato ex primo parente. Articulus 9.

Quauis præterea natura humana esset realiter à singularibus separata, sicut Platonici asserunt: non tamen fuisset conueniens eam à verbo assumi. Nam ista assumptio terminatur ad esse personale verbi. Sed contra rationem talis naturæ communis est, sic in

## D. DIONYSII CARTHUSIANI

persona quacunque indiuiduari. Item natura talis separata non haberet nisi operationes naturales atque communes, secundum quas homo nec demeretur, neque meretur. Christus autem venit ut pro nobis suo merito satisfaceret deo. Rursus natura talis separata non est sensibilis nec materialis, sed tantum intelligibilis, secundum Platonem. Christus autem venit ut inter homines conuersaretur. Iuxta illud Baruch quarto: Post hæc super terram visus est, & cum hominibus conuersatus est. Quidam tamen affirmant, quod Plato non posuit hominem separatum, nisi in intellectu diuino.

2. ¶ Porro non congruebat, ut filius dei naturam humanam in omnibus existentem assumeret: sic enim tolleretur pluralitas suppositorum speciei humanæ, cum natura non multiplicetur nisi prout in diuersis suppositis inuenitur. Secundum hanc quoque positionem, omnes homines essent in dignitate æquales, & sic Christus non esset primogenitus omnis creaturæ.

3. ¶ Amplius sicut asserit Augustinus, decimoquarto de Trinitate, potuit deus assumere hominem aliunde quam ex Adâ. Sed melius iudicauit, ut de genere victo, victorem susciperet. Et hoc propter tria. Primo, ad declarandum iustitiam: quatenus ille vinceret qui fuerat victus. Secundo, propter dignificationem naturæ humanæ, quæ per dei incarnationem sublimis effecta est. Tertio, quia per hoc dei potentia manifestatur præclarius, quod ex natura corrupta atque infirma, assumpsit id quod in tantâ virtutem ac dignitatem est promotum.

¶ *An filius dei assumpserit uerum corpus. 2. An corpus terrenum.*

3. *An animam & intellectum assumpserit. Articulus 10.*

**D**Enique cum iam ostensum sit, quod verbum veram naturam humanam assumpsit, consequens est quod verum corpus assumpserit, quoniam corpus est de ratione hominis. Item si non assumpsit verum corpus, ergo nec verè passus & mortuus est, nec veraciter genus humanum redemisset. Rursus cum Christus sit veritas, nõ deiecit in operibus eius esse fantasticum quicquam vel fictum.

2. ¶ Ex eisdem quoque rationibus patet, quod corpus terrenum, id est carnem & sanguinem, & non corpus cœleste, ut asserit Valentinus, assumpsit. De ratione enim atque essentia hominis est corpus non quidē cœleste, sed terrenū, videlicet

caro & ossa. Corpus quoque cœleste non est mortale atque passibile. Dicitur tamen de cœlo Christus venisse, vel ratione naturæ diuinæ, quæ nouo modo in mundo esse cœpit, quanuis cœlum non reliquit. Vel ratione carnis, quoniam de spiritu sancto formata est. Vnde in Synodo Ephesina legitur verbum sancti Theophi dicentis, quod sicut quandoque eminens artifex in vili materia artis atque prudentiæ suę potestatem demonstrat: sic omnium optimus artifex dei verbum non aliquam preciosam naturam corporis cœlestis apprehendens, ad nos venit, sed in luto magnitudinem suę artis ostendit.

1. ¶ Porro animam Christus assumpsit cum ipse dixerit: Potestatem habeo ponendi animam meam. Et: Tristis est anima mea vsque ad mortem. Anima enim magis indiguit redemptore quàm corpus, quoniam magis infecta erat peccato. Sed & anima est de ratione naturæ humanæ, quā Christus tam vere assumpsit, quàm vere eam redemit. Non ergo defuit Christo anima, vt Arrius & post eum Apollinaris mentitus est. Quod verò scriptum est: Verbum caro factum est, per carnem intelligitur homo, quemadmodum Esaia quadragésimo dicitur: Videbit omnis caro salutare dei nostri. Maluit autem Evangelista exprimere carnem, quàm animam, ad insinuandum magnitudinem humiliationis & dilectionis verbi dei ad nos, vel quia caro minus assumptibilis videbatur.

¶ Insuper vt ait Augustinus libro de hæresibus: Apollinaristæ dixerunt Christo defuisse animam rationalem seu mentem, & loco mentis ipsum verbum carni fuisse vnitum. Hoc autem prorsus absurdum est. Christus enim legitur miratus, quod sine ratione non fuit. Et si rationalem non habuit animam, ergo nec verus homo fuit, nec vere hominem liberauit, quod enim assumpsit hoc redemit, secundum Damascenum, animam ergo & intellectum seu animam intellectualem assumpsit.

¶ Vtrum verbum assumpserit carnem mediante anima. 2. An animam mediante spiritu seu mente. 3. An anima fuerit ante corpus assumpta. 4. An tota natura sit assumpta mediantibus partibus. 5. An per gratiam facta sit unio naturæ humanæ cum verbo.

Articulus II.

D

**M**Edium autem dicitur per respectum seu ordinem ad principium & finem. Est autem duplex ordo, videlicet temporis, & sic filius dei non assumpsit corpus mediante anima, sed vtrumque seu totam naturam simul. Alius est ordo naturæ, qui duplex est, scilicet ordo dignitatis & causalitatis. Dicuntur enim angeli medium inter deum & nos, quoniam digniores sunt nobis. Cum ergo sit anima dignior corpore, & quodammodo eidē causa vt assumptibile sit à deo (nam corpus sine anima non haberet congruentiam assumendi à deo) idcirco filius dei dici potest assumpsisse corpus mediante anima, quantū ad ordinē dignitatis, & etiam aliquāliter secundum ordinē causalitatis. Vnde in epistola ad Volusianū ait Augustinus: Ipsa magnitudo diuinæ virtutis animā sibi rationalē, & per eādē corpus humanum totūmq; hominem in melius mutando coaptauit.

2. ¶ Porro quoniam intellectus qui spiritus & mens vocatur, ita se habeat ad cæteras animæ vires ac partes quemadmodum anima ad corpus. Nam ostensum est animam non esse assumptibilem, nisi eam quæ per operationem deum attingere potest, vtpote rationalem. Idcirco eo modo filius dei assumpsit animam mediante mente seu spiritu, sicut assumpsit carnem per animam. Et hoc in libro de agone Christiano Augustinus testatur.

3. ¶ Insuper Origenes posuit omnes animas & etiam animā Christi simul ante mundum corporalem creatas. Sed hoc stare nō potest de anima Christi. Vel enim statim in sua creatione vnita est verbo, & postea in virginis vtero incarnata, & sic non esset eiusdem naturæ cum animabus nostris quæ simul creantur & infunduntur. Vel aliquando per se subsistens fuisset, & sic in vnione cum verbo propriam personam amississet, & per consequens corrupta fuisset. Dicendum est ergo cum Leone Papa & Damasceno quod vnio instanti Deus assumpsit carnem & animam. Aduertendum autem, quod de plenitudine Christi omnes accipiunt (sicut Ioannis primo habetur) per fidem quam habet in ipsum quemadmodum ad Romanos 3. dicitur: Iustitia Dei per fidem Iesu Christi in omnes & super omnes qui credunt in ipsum. Sicut verò nos credimus in eum vt incarnatum: sic antiqui crediderunt in eum vt nasciturum. Habentes enim eundem spiritum credimus. 2. ad Corinth. 4. Fides autem in Christum,

virtutem iustificandi habet ex proposito gratiæ Dei, iuxta illud ad Romanos 3. Ei qui non operatur, credenti autem in eum qui iustificat impium, fides reputatur ad iustitiam secundum propositum gratiæ Dei. Cum ergo propositum istud æternum sit, poterant homines per fidem Christi iustificari anima verbo nondum vnita.

¶ At verò quoniam caro non est caro humana, nisi per rationalem animam: nec ipsa caro congruentiam habet vt assumatur à filio Dei (vt dictum est) nisi per ordinem ad animam: Ideo caro Christi, non est prius vnita verbo quàm animæ, sed vt Damascenus dicit tert. libro, simul Dei verbum, caro, simul animatum anima rationali & intellectuâli.

4. ¶ At verò sicut ex præinductis innotescere potest, illud secundum ordinem dignitatis à verbo per prius assumptum est, quod dignius perfectiusque existit. Cum ergo tota natura humana qualibet sua parte præstantior sit, constat quod filius Dei per prius assumpsit totam naturam & partes mediante deo. Vnde 3. libro ait Damasc. In Domino nostro Iesu Christo non partes partium intuemur, sed quæ proxime componuntur, videlicet humanitatem & diuinitatem. Ipsa tamen assumptio à partibus humanitatis incœpisse videtur: & ita secundum quid Deus assumpsit totam naturam mediantibus partibus. Et ergo in lib. de agone Christiano Augustinus dicit: Inuisibilis & incommutabilis veritas per spiritum animâ, per animam corpus, & sic totum hominem assumpsit.

5. ¶ Porro in Christo ponitur gratia vnionis, quæ est ipsum esse personale verbi naturæ humanæ communicatum. Per hanc autem gratiam non est facta vnio naturæ humanæ cum verbo: sed ipsa est terminus huius vnionis. Ponitur quoque in Christo gratia habitualis ad specialem sanctitatem hominis Christi respiciens. Per hanc autem non est incarnationis vnio facta: sed ipsa est huius vnionis effectus. Si verò voluntas Dei aliquid gratis donans vel faciens gratia appelletur: sic vnio hæc per gratiam facta est, non sicut per medium, sed sicut per causam efficientem.

¶ Vtrum in Christo fuerit gratia habitualis. 2. An etiam virtutes. 3. An fides 4. An spes. 5. An dona. 6. An donum timoris. Articulus 12.

**F**uit verò in Christo & est gratia habitualis. Nam eius humanitas fonti gratiarum, scilicet Deo, propinquissime est vnita: & ergo influentiâ gratiarum plenissime recepit. Item operationes per gratiam perficiuntur. Omnis autè actio Christi perfectissima fuit. Habuit ergo gratiam habitualem. Rursus cum Christus sit caput ecclesiæ mediatorque hominum, inest ei gratia superabundans, per quam membris suis influere possit, quatenus de plenitudine eius omnes recipiant. Vnde Esaiæ 11. de Christo conscriptum est: Requiescet super eum spiritus domini. Fructio ergo creaturæ animæ Christi & omnis actus eius meritorius à gratia habituali processit.

2. ¶ Præterea sicut gratia est in essentia animæ, eam perficiens: ita virtutes sunt in potètijs animæ, & eas perficiunt. Sicut ergo potètiæ ab essentia animæ fluunt: sic virtutes à gratia deriuantur ac pullulant. Ideoque, sicut gratia habitualis Christo excellentissime conuenit: sic omnes virtutes in eo constituentur: tamen singulari altiori; modo quæadmodum virtus Heroica, secundum Plotinum, est in hominibus animi purgati.

3. ¶ At verò obiectum fidei est veritas prima non visa. Christus autem à suæ conceptionis exordio comprehensor fuit deum per speciem videns. Non ergo habuit fidem, quanuis virtutes morales habuerit. Fides enim imperfectionem includit circa suum obiectum, scilicet cognitionis defectum, non autem virtutes morales.

4. ¶ Quæadmodum verò fidei obiectum est veritas diuina non cognita: sic spei obiectum est bonum diuinum nondum adeptum, sed expectatum. Christus autè à principio Dei fructum adeptus est. Non ergo habuit spem, quæ est virtus theologica, habens Deum pro obiecto. Habuit tamen spem quorundam aliorum, quæ nondum erat sortitus, videlicet immortalitatis ac gloriæ corporis. Et ergo in psalmo ex persona Christi cantatur: In te domine speraui.

5. ¶ Insuper dona sunt quædam perfectionis virium animæ, quibus redduntur bene mobiles à spiritu sancto. Anima autè Christi vbique & semper perfectissime mouebatur à spiritu sancto. Et ergo dona Christo conueniunt. Nam dona perficiunt ipsas virtutes. Vnde super illud Esaiæ 4. Apprehendent septem mulieres virum vnum, dicit Glosa: Septem dona spiritus sancti Christum.

6. ¶ Considerandum verò, quod timor duo concernit, scilicet malum terribile, & eum, qui per suam potestatem tale malum infligere potest, sicut timetur rex, inquantū occidere potest. Christus ergo habuit timorem non prout timor respicit malum terribile, utpote malum pœnæ vel culpæ, quorum nulum sibi inesse potest aut potuit, sed inquantum timor concernit eminentiam maiestatis diuinæ: sic Christus timorem habuit: quia reuerentialem habuit affectum ad potestatem & perfectionem diuinam. Virtus enim & donum præsertim respiciunt bonum. De ratione igitur doni timoris nō est illud malum, sed bonum excellentiæ alicuius.

¶ *Vtrum in Christo sint gratiæ gratis datæ. 2. An prophetia. 3. An plenitudo gratiæ. 4. An talis plenitudo sit propria Christo. 5. An gratia Christi sit infinita. 6. An posset augeri. 7. Quomodo se habeat ad unionem. Articulus 1j.*

**G**RATIÆ autē gratis datæ præcipue ordinantur ad spiritualis doctrinæ ac fidei propagationē, ut donū linguarum, &c. Cum ergo Christus sit fidei ac spiritualis doctrinæ summus magister primūsq; doctor, habuit ea quibus fidē suā atq; doctrinā manifestare valebat, id est, gratias gratis datas: aliter inutilis fuisset eius doctrina.

2. ¶ Deniq; propheta quasi procul videns vocatur, scilicet ea cognoscens & loquens, quæ longe sunt à sensibus hominum. Potest autem aliquis dici propheta, quia ea cognoscit ac nuntiat, quæ illis procul sunt cum quibus ipse versatur, quāvis alijs non sint procul, ut si quis in episcopatu Leodien. consistens, illic annunciet suis quæ geruntur in Asia, quæ tamen Asianis præsentia sunt. Deus ergo atque beati in patria quāvis talia noscant & alijs nuncient, non tamen prophetæ dicuntur, quoniam conuersationem nobiscum non habent. Christus verò quia viator fuit quantum ad corporis passibilitatem & cum hominibus vixit, propheta fuit, inquantū huiusmodi cognouit & annunciauit: quāvis eius cognitio perfecta & clara extiterat, maxime quo ad intellectuū, tamē in parte imaginatiua quasdam similitudines habuit, in quibus speculari potuit diuina inquantum viator. Quod autem in Christo fuerit prophetia, patet, quia de eo Deutero. 18. Moses scripsit.



## D. DIONYSII CARTHUSIANI

Prophetam suscitabit vobis Dominus de fratribus vestris tāquam me, & Ioannis 4. dicitur: Non est propheta sine honore, nisi in patria sua.

3. ¶ Porro perfectio siue totalitas dupliciter dicitur, scilicet intensiue & virtualiter. Intensiue, vt si aliquid sit tanta albedine album, qua maior esse non potest. Virtualiter, vt si aliquis habeat aliquid secundum omnes suos effectus & gradus: vt si quis habeat omnia opera vitæ perfecte & plene, viuens vocatur. Vtroque autem modo fuit in Christo gratiæ plenitudo. Tanta enim in eo gratia fuit, quā maior esse non potest, nec recipi à creatura. Habuit quoque gratiam ad omnes gratiarum effectus, tanquam caput ecclesiæ, & vniuersale principium gratiæ in omnibus hominibus.

4. ¶ Plenitudo autem gratiæ dupliciter dicitur, scilicet ex parte gratiæ per modum nunc dictum, vt cum est tam intensa ac virtuosa vt maior atque potentior esse nō possit. Et hæc plenitudo est propria Christo. Secundo dicitur plenitudo gratiæ ex parte habentis, vt dum homo tantam gratiam habet, sicut à Deo sibi præordinatum est atque præfixum, & ea quæ sibi conueniunt faciliter operatur, sicut ad Ephesios 4. dicit Apostolus: Vnicuique nostrum data est gratia secundum mensuram donationis Christi. Hæc igitur plenitudo non est propria Christo, sed alijs datur per Christum, quæ etiam maxima fuit in virgine matre.

5. ¶ At verò gratia vnionis Christi cum sit ipsum esse personale verbi, cui gratis vnita est natura humana est simpliciter infinita, sicut psona verbi. Gratia verò habitualis in Christo consideratur dupliciter. Primo, inquantum est quoddam ens: & sic cum sit res creata & in anima Christi tanquam in subiecto, est finita. Alio modo secundum propriam rationem: & sic dicitur infinita, quia habet quicquid ad perfectionē & excellentiam gratiæ pertinet: sicut ostensum est.

6. ¶ Considerandum quoque quod gratia Christi augeri non potest, nec ex parte subiecti: quod est anima Christi, cuius tota capacitas repleta est gratia, & quæ gratiam in summo gradu qui potest competere gratiæ, habet: nec ex parte gratiæ, diuina enim sapientia vnicuique formæ certam mensuram præfixit, quemadmodum Sapientiæ vndeci. dicitur, Omnia in numero, pondere, & mensura constituisti. Mensura verò præfigitur formæ secundum comparisonem ad si-

nem: sicut non potest esse maior grauitas quàm terra, quia esse non potest locus inferior loco terrę. Finis autem gratiæ est vnio rationalis creaturæ cum Deo. Cum ergo anima Christi ad personam Dei vnionem quæ summa est, sit assumpta: sequitur quod gratia Christi ad hanc vnionem ordinata sit in summo gradu qui gratiæ potest competere. Gratia ergo Christi nullo modo valet augeri, præsertim cum fuerit verus ac plenus comprehensor à suæ conceptionis initio. Quod verò Lucæ primo scribitur: Iesus proficiebat ætate, & sapientia & gratia, non est intelligendum quantum ad ipsos habitus gratiæ ac sapientiæ, sed quantum ad effectus seu operationes habituum, quia secundum processum ætatis sapientiora virtuosioraque opera fecit.

7. ¶ Præterea sicut nunc saepe prædictum est, gratia Christi habitualis est effectus gratiæ vnionis & sequitur eam. Primo, nam filius dicitur missus in quantum naturam humanam assumpsit: spiritus sanctus verò dicitur mitti, in quantum mentem per gratiam & charitatem inhabitat. Quemadmodum autem filius prior est spiritus sancto prioritate originis: sic missio filij prior est quo ad Christum missione spiritus sancti, nō tempore, sed ordine naturæ. Item sicut splendor ex lucis præsentia causatur, & lucem consequitur: sic gratia Christi habitualis ex diuinitatis presentia facta est & eam consequitur. Rursus nam gratia ordinatur ad actum, agere verò est suppositorum. Ergo in Christo prior est vnio personalis, quàm habitualis. Vnde Isaïæ quadrages. secunde Christo dicitur: Ecce seruus meus, suscipiam eū. Et postea subditur: Ponam super eū spiritū meū, quod ad habitualē gratiā pertinere certū est.

¶ An Christus sit caput ecclesiæ. 2. An sit caput hominum secundum corpus, uel animam. 3. An sit caput omnium hominum. 4. An etiam angelorum. Articulus 14.

**E**O insuper modo quo tota ecclesia dicitur mysticum corpus ad similitudinem corporis naturalis: sic Christus dicitur caput ecclesiæ mysticè propter similitudinem capitis naturalis. Tria namq; in capite sunt, quæ Christo spiritualiter competunt, scilicet ordo, quoniam caput est prima pars hominis: perfectio, quia in capite omnes

sensus vigent: virtus, quoniam motus ac gubernatio omnium membrorum dependet à vi sensitiva atque motiva, quæ dominatur in capite. Hæc tria Christo spiritualiter competunt. Nam gratia eius propter unionem cum Deo est prior & altior. Est quoque perfectior, quia simpliciter plena est. Et virtuosior, quia alijs cunctis influere incessabiliter potest. Spiritus sanctus autem qui inuisibiliter ecclesiam Dei vivificat, cordi comparatur: qui cor occultam influentiam habet in corpus. Christus verò capiti, p manifeste eminet corpori, cōparatur ppter causas prædictas, & quia visibiliter mūdo innotuit.

2. ¶ Porro Christus est caput ecclesiæ tā ex parte animæ suæ suique corporis, quàm ex parte animarum & corporum hominum. Per prius tamen secundum animam quàm secundū corpus dicitur caput. Sicut enim anima Christi sortitur virtutem influendi hominibus, ex vnione ad Deū: sic corpus Christi prout vnitum est verbo mediante anima secundum modū præhabitu potest influere. Tota verò Christi humanitas instrumentally influit. Verbum autem seu deus influit authoritativè. Pariformiter animæ hominum primo recipiunt influentiam gratiæ Christi: corpora autem secundo per hoc quod deseruiūt animæ in obsequio dei, & item per hoc, quod vita gloriæ ab anima deriuatur ad corpus. Iuxta illud Apostoli ad Romanos octauo. Qui suscitauit Iesum à mortuis, viuificabit mortalia corpora vestra, propter inhabitantem spiritum eius in vobis. Sic ergo Christus est caput ecclesiæ in quā tum spiritualement sensum & gratiæ motum hominibus influit, & ea conseruat.

3. ¶ Denique membra corporis naturalis omnia simul sunt membra verò corporis mystici non sunt omnia simul, neque in esse naturæ, nec secundum esse gratiæ. Constituitur enim corpus mysticum, cuius Christus caput est, ex omnibus hominibus ab origine mundi vsque ad consummationem ipsius. Christus ergo est omnium hominum caput, non tamen æqualiter, sed secundum gradus diuersos. Primo enim & principaliter est caput beatorum, qui sibi vniuntur per gloriam fruitionis. Secundo eorum, qui sibi vniuntur per charitatem viæ. Tertio horum: qui sibi vniuntur per fidem duntaxat. Quarto eorum, qui sibi vniuntur in potentia reducenda ad actum. Quinto eorum, qui sibi vniuntur in potentia nunquam in actum reducenda. Cum autem reprobi ex hoc seculo migrant

desinunt esse membra Christi, quoniam non manent in potentia vt Christo adhæreant. Hæc verò potentia fundatur in duobus. Principaliter nanque fundatur in virtute Christi, quæ ad omnium salutem est sufficiens. Secundo in libertate arbitrij, quod gratiæ dei obicem ponit frequenter.

4. **C**Amplius sicut vnus est finis atque felicitas angelorum & hominum, sic vna ex vtrisque consistit ecclesia triumphans & vnum mysticum corpus. Multitudo enim electorum secundum actus seu officia differens corpus mysticum appellatur. Cum ergo Christus vt homo propinquitatem ad deum influentiam habeat, non solum in homines, sed etiam in angelos quos ipse illuminat: constat, quod Christus sit caput non solum omnium hominum, sed omnium quoque angelorum. Et ideo ad Colossenses secundo loquens de Christo Apostolus: Qui, est inquit, caput omnis principatus & potestatis. Et ad Ephesios primo: Constituit eum deus super omnem principatum & potestatem & virtutem & dominationem. Est autem Christus caput angelorum ratione animæ, hominum verò secundum corpus & animam, tam eius quam hominum aliorum, vt dictum est.

**C**An gratia quæ Christus est caput ecclesiæ, sit eadem cum gratia habituali. 2. An Christo sit proprium esse caput ecclesiæ.

3. An diabolus sit caput omnium malorum. 4. An etiam antichristus. Articulus 15.

**A**Gnoscendum præterea, quod vnumquodque agit secundum quod est in actu. Ens enim in potentia vt tale, non agit. Nam agere præsupponit esse. Per id ergo quo aliquid est in actu, per id operatur. Ignis namque per eundem calorem est in se calidus & alia calefaciens. Cum ergo gratia Christi habitualis fuerit summa atque cõpleta per eadem gratiã qua Christus in se gratus est Deo & gratiã habens, aliis gratiã influit, & eos Deo acceptos gratiorumque efficit. Sicut Ioannis 1. habetur: De plenitudine eius accepim⁹ omnes. Sequitur ergo, quod vna & eadẽ sit gratia habitualis in Christo, & illa per quam est caput ecclesiæ, influens mēbris suis ex suæ gratiæ plenitudinẽ spiritualẽ sensum, mortuque viuificum. Itaque gratia personalis seu habitualis & gratia capitis in Christo sunt vna gratia, sola ratione distincta.

2. ¶ Denique caput influit membris duplici influxu, videlicet intrinseco per hoc, quod vis motiua & sensitua interior ex eo descendit: & extrinseco, in quantum per exteriores sensus, qui in capite radicantur, homo in agendis foris dirigitur. Christus igitur solus est spirituale caput ecclesiæ, tanquã vniuersale caput intrinsece influens, scilicet gratiam, & spiritualia dona tribuẽs. Prælati verò ecclesiæ dici possunt capita ecclesiæ particularia & extrinsece influẽtes, prædicando, docendo, corrigendo. Gratiam enim conferre non possunt, sed ad eam corda subditorum disponere moliuntur. Christus quoque est caput ecclesiæ secundum omnem locũ, omneque tẽpus, & propria autoritate: alij verò tanquam vicarij Christi & secundum certum locum, vt inferiores prælati: vel secundum omnem locum, non tamen secundum omne tempus, vt Papa qui est caput omnium tempore sui pontificatus.

3. ¶ Insuper diabolus caput malorum vocatur, in quantum eos ad suum finem, videlicet auersionem à Deo conatur inducere interius suggerendo, quanuis directe non influat menti, & ergo dicitur rex super omnes filios superbiæ, Ioh. 41. Auersio autem à Deo rationem finis sortitur, prout speciem libertatis habet. Iuxta illud Ieremi. secundo: A seculo confregisti iugum rupisti vincula, dixit: Non seruiam. Seruitus quipè libertati opponitur.

4. ¶ Præterea in capite materiali, vt dictum est, tria sunt: scilicet ordo, cum sit principium corporis: virtus, nam influit corpori: & perfectio, nam sensus in eo potissime vigent. Antichristus igitur non est caput omnium malorum, quo ad duo prima. Non enim est principium vel primum inter homines, nec omnibus influit. Sed illis duntaxat imprimet quos seducet. Antichristus ergo est caput malorum ratione tertij, vtpote propter perfectionem malitiæ, quæ in ipso erit. Nam plenus erit omni malignitate ac fraude diaboli. Vnde ipse atque diabolus non sunt duo capita sed vnum: quoniam Antichristus caput vocatur pro eo, quod malitia dæmonis in ipso plenissime erit, & sicut deus secundum Apostolum caput est Christi: sic dæmon caput erit antichristi filij sui.

¶ Vtrum Christus habuit scientiam præter diuinam. 2. An habuit scientiam beatorum. 3. An habuit scientiam inditam. 4. An etiam acquisitam. Articulus 16.

**F**ilius igitur dei, quoniam rationalem animam vere assumpsit, scientiam creatam præter diuinam & increatam scientiam habuit. Anima nanque siue scientiæ habitu imperfecta ac nuda est: quod animæ Christi non

conuenit, quæ omnium animarum redemptrix existit. Item res est propter suam operationem, nam per operationem coniungitur fini. Si ergo Christus non haberet cognitionem rationali animæ conuenientem, frustra haberet animam. Habuit ergo creatam scientiam christus. Tamen omnia cognouit per diuinam scientiam operatione increata, quæ est diuina essentia. Nam in deo sunt idem operari & esse atq; cognoscere, secundum Philosophum duodecimo primæ Philosophiæ.

2 ¶ Amplius quoniam per christi humanitatem omnes beati ad dei beatificam fruitionem perducuntur, cum ipse sit omnium per naturam assumptam saluator: constat, quod visio seu scientia beatorum Christo excellentissime inerat, tanquam causæ atque principio beatitudinis aliorum. Ipse enim semper comprehensor fuit. Vnio namq; personalis maior est vnione fruitionis & causa eius. Ab eodem ergo instanti, quo Christi natura humana fuit verbo unita, ipse Christus ut homo extitit verus ac perfectus comprehensor. Hanc autem scientiam beatorum habuit homo Christus per lumen gloriæ sicut beati.

3 ¶ At verò præter increatam scientiam Christi & præter scientiam beatorum, id est, præter cognitionem qua christus ut homo cognouit verbum & omnia in verbo, sicut & sancti in patria, ponitur in christo scientia infusa seu indita, qua cognoscit res in propriis naturis per species concreatas & rationali animæ connaturales ac proportionatas. Nulla enim naturalis perfectio defuit animæ christi. Vnde sicut secundum Augustinum verbum dei à principio indidit mentibus angelorum species rerum intelligibiles, per quas angeli omnia cognitione vespertina cognoscunt præter cognitionem matutinam, qua res cognoscuntur in verbo: sic verbum animæ christi sibi unitæ à principio indidit species intelligibiles naturales

4 ¶ Deniq; nihil eorum christo defuit, quæ deus in nostra natura plantauit, secundum Damascenum. Ideo Christus habuit intellectum agentem & eius operationem, sicut habuit intellectum possibilem eiusque actum. Operatio autem intellectus agentis est à fantasmatibus species intelligibiles abstrahere, & in intellectu possibili eas reponere, ut tertio de anima

dicitur. In Christo igitur erant species intelligibiles intellectui suo possibili ab intellectu agente impressæ: quod est scientiam acquisitam, quam animi nominant, experimentalem in ipso esse. In Christo igitur fuit scientia acquisita, quæ habetur per modum humanum naturaleque lumen: non solum ex parte recipientis, sed etiam causæ agētis. Dicit autem sanctus Thomas tertia parte quæstione octaua huius oppositum se a libi scripsi se. Scientia verò infusa inerat Christo per lumen supernaturale. De hac autem experimentali & acquisita Christi scientia dicit ad Hebræos. 5. Apostolus: Didicit ex his quæ passus est, compassionem. Et sumitur hic discere pro experiri. Christus enim non didicit ab aliis scientiam acquisitam, sed per propriam adinventionem eam adeptus est.

**¶** *Utrum anima Christi comprehendat diuinam essentiam 2. An omnia cognoscat in uerbo 3. An cognoscat infinita 4. An clarius uideat deum qualibet alia creatura. Articulus 17.*

**P**Atet demum ex præostensis, quod in Christo utraque natura proprias ac naturales proprietates retinuit. Soli autem diuino intellectui proprium est, ut diuinam essentiam plene comprehendat: infinitum enim à finito comprehendendi non valet. Cum ergo sit anima Christi pura creatura, non potest comprehendere, id est, perfecte & omnino sicut cognoscibilis est, cognoscere diuinam essentiam, nec verbum cui vnita est. Imò à tali comprehensione infinitum distat & deficit. Quod autem Isidorus ait, Trinitas sibi soli cognita est & homini assumpto, ideo dixit, quoniam Christus, ut homo quodam eminentissimo modo deum præ omnibus sanctis cognoscit.

**¶** Amplius vnusquisque beatorum in patria omnia videt in verbo, quæ ad ipsum pertinent. Cum ergo Christo homini cuncta subiecta sint: & ipse constitutus sit omnium iudex, oportet concedere, quod Christi anima omnia in verbo cognoscit quæcunque sunt, fuerunt, vel erunt, vel cogitata, vel prolata, vel acta. Aliqua verò sunt quæ nunquam fuerunt, vel erunt, nec sunt. Et hæc in duplici differētia sunt. Quædam enim eorum sunt in sola potentia dei: & talia omnia non cognoscit anima Christi, quia sic cognosceret diuinam virtutem



perfectæ & comprehensivæ. Virtus namque cognoscitur per eorum notitiam, in quæ potest. Quædam autem sunt in potentia creaturæ, & talia omnia anima Christi in verbo cognoscit. Comprehendit enim in verbo omnis creaturæ essentiam, & per consequens potentiam, & cuncta quæ in potentia creaturæ consistunt. Quod autem filius dicit se horam iudicij ignorare, idcirco dicit: quia non pandit eam discipulis. Dicitur enim deus aliquid nescire, quia facit illud nesciri. Origenes verò, id quod filius dicit se horam iudicij nescire, exponit de Christo secundum corpus eius, quod est ecclesia. Christus enim ut homo hanc horam sciuit utique. Nam ut Chrysostomus arguit, si Christo ut homo est, datum est esse omnium iudicem, multo magis datum est ei hanc horam cognoscere.

3 ¶ Denique scientia est verorum, falsum enim non scitur. Ens autem & verum conuertuntur. Et ergo scientia non est nisi entium. Entia autem duplicia sunt. Quædam enim sunt actus: & hæc dicuntur simpliciter entia. Alia sunt entia in potentia, quæ fieri possunt. Anima igitur Christi non cognoscit entia actu infinita, quia nunquam est dare entia actu infinita. Cognoscit tamen entia secundum potentiam infinita. Scit enim omnia quæ secundum potentiam creaturæ fieri possunt quæ infinita sunt saltem quâ tum ad cogitationes entium perpetuorum: & talia scit scientia simplicis intelligentiæ: sicut & deus infinita simpliciter cognoscit. Quauis ergo capacitas animæ Christi finita sit, tamè infinitatis modo cognoscit, quia non sunt simpliciter infinita secundum actum atq; essentiam.

4 ¶ Præterea secundum diuersam participationem luminis gloriæ, à deo in beatos manantis, deus magis, vel minus dare cognoscitur. Cum ergo sit anima Christi diuinæ luci vicinius vnita, constat qd diuinam veritatem & naturam præ aliis lympidius intuetur. Imò eo modo quo gratia Christi est infinita, id est tanta qua maior esse non potest secundum intellectum præhabitu, tali modo visio qua anima Christi deum videret, tanta tamenque præclara est, qd maior aut clarior esse non potest quauis diuinæ potestatis in agendo nullus sit terminus.

¶ An Christus per scientiam infusam sciuit omnia 2. An potuit ea uti sine conuersione ad sanctasmata 3. An hæc scientia fuit collatiua 4. Quomodo habuit se ad cognitionem angelicam 5. An fuit habitus & distincta per habitus. Articulus 18.

**D**Vplex proinde potentia passiva ponitur in omni natura creata, videlicet naturalis, quæ per naturale agens perducipotest in actum, & obedientialis secundum ordinem creaturæ ad deum, qui potest creaturæ potentiam ad supernaturalem actum reducere. Hæc ergo duplex potentia fuit in anima christi, & utraque ad actum perfectæ reducta est. Nil enim in Christo imperfectum à deo relictum est. Itaque per scientiam infusam seu inditam anima christi primo omnia cognouit, ad quorum noticiam perducipotuit virtute intellectus agentis: ut sunt ea quæ ad humanas scientias pertinent. Secundo autem christus per istam scientiam omnia nouit, quæ diuina reuelatione hominibus innotescunt, siue ad donum sapientiæ, vel prophetiæ, aliudue quodcunque donum spiritus sancti pertineant.

2 ¶ Denique quod anima rationalis indiget se conuertere ad fantasmata dum intelligit, ex obligatione eius ad corpus procedit: videlicet quia non plene corpori dominatur, sed in agendo ab ipso dependet. Cum ergo christus fuerit comprehensor, anima eius perfectæ suo corpori dominabatur, nec in aliquo ab ipso dependebat, quemadmodum post resurrectionem animæ beatorum. Et ergo anima eius non egebat se ad fantasmata conuertere, intelligendo secundum scientiam infusam seu inditam.

3 ¶ At verò hæc scientia christi indita non fuit discursiua seu collatiua, quasi per ratiocinationem inuenta, ut cum proceditur ex cognitione alicuius noti ad ignoti notitiã. Erat enim à deo infusa. Fuit autem discursiua secundum usum, in quantum complacuit habenti. Poterat enim Christus ex vno concludere aliud, sicut & fecit dum ex responsione Petri intulit: Ergo liberi sunt filij. Dicit autem Damascenus tertio. libro, quod in christo non fuit consilium, neque electio: & hoc secundum quod dubitationem includit.

4 ¶ Insuper scientia Christi infusa maior fuit scientia infusa angelorum, quantum est ex parte causæ influentis. Nam & ad plura se extendit & certior est, eò quod lumen intellectuale inditum animæ christi eminentius extitit. Ex parte autem subiecti, scilicet animæ christi eminentius extitit: Ex parte autem subiecti, scilicet animæ christi, erat aliquo modo minor in quantum discursiua collatiuaq; fuit.

5 ¶ Adhuc autem est in recipiente secundum recipientis

naturam. Est autem omni animæ rationali cōnaturale, vt quādoque actu intelligat, quandoque in potentia. Inter potentiā verò & actum mediat habitus. Christus ergo habuit scientiā habitualement, qua utebatur quando & quomodo voluit. Quod non est intelligendum de scientia fruitionis, illa enim semper in actu fuit & est, sed de scientia christi per species concreatas: quæ fuit secundum modum humanæ naturæ. Modus autem naturæ animæ rationalis conueniēs est, species à deo influxas in minori simplicitate recipere, quàm recipiantur ab angelis. Et ergo diuersas naturas específicas cognoscit anima christi diuersis habitibus. Habitus enim & scientia distinguuntur per obiecta. Scientia igitur indita christi fuit distincta diuersis habitibus.

**¶** An per scientiam experimentalem seu acquisitam christus omnia cognouit 2. An in ea profecit 3. An ab hominibus quippiam didicit 4. An ab angelis aliquid recepit. Articulus 19.

**S**icut ostensum est, christo inerat scientia acquisita, ne intellectus agens in ipso otiosus maneret. Sicut autem per scientiam inditam christus omnia uouit ad quæ intellectus possibilis in potentia est: sic per scientiam acquisitam anima cuncta cognouit, ad quæ se virtus & lumen intellectus agentis extendit. Quauis omnia illa per se non sit experta nec sensit: scientia nanque rerum acquiritur non solum per experiētiā ipsarum, sed etiam aliunde: potest enim intellectus vnum oppositum cognoscere per aliud, & causam per effectum, atque e contra, & similia ex similibus.

**¶** Porro ex præinductis patet, quod anima Christi in scientia fruitionis nullo modo profecit: in scientia autem habituali infusa profecit: non secundum essentiam habitus, sed secundum effectum. Scientia verò experimentalis seu acquisita quam quidam Christo inesse negant, & sanctus Thomas quādoque negauit, sed in tertia parte quæstione 11. retractat eamque Christo inesse concedit: Hæc, inquam, scientia in Christo aucta est, non solum secundum effectum, videlicet per vsum pleniorē, sed etiam quantum ad habitum, secundum quod per abstractionē specierum intelligibilium à fantasmatibus nouæ species recipiebantur in intellectu possibili.

**¶** Præterea in quolibet genere primum mouēs est immo-

bile in suo genere. Cum ergo sit Christus doctor atque magister omnium hominum in hunc mundum venientium, nō de-  
cuit eum ab hominibus aliquid discere: quanuis ex rebus in  
scientia acquisita profecit. Res enim sunt quædam verba di-  
uinæ virtutis, quæ dixit & facta sunt. Verba autem hominum  
transitoria & volubilia sunt.

4 ¶ Insuper anima Christi ab angelis illuminata nō est, nec  
per eos profecit: sed sicut supernaturaliter fuit verbo vnita:  
sic supernaturaliter ab eodem impleta est scientia infusa &  
gratia. Vnde septimo Hierarchiæ cœlestis capitulo Dionysius  
ait, qđ supremi angeli ad Iesum quæstionem faciunt & ab eo  
addiscunt. Quod autem Lucæ vicesimo secundo legitur: Chri-  
stus in agonia iam factus ab angelo confortatus fuit, nō erat  
per modum instructionis, sed ad demonstrandum veritatem  
naturæ assumptæ verè passibilis secundum Bedam.

¶ *An anima Christi habuit omnipotentiam 2. An habuit  
omnipotentiam quo ad immutationem creaturarum 3  
An quantum ad proprium corpus 4. An quan-  
tum ad executionem uoluntatis. Ar. 20.*

**A** It autem Dionysius quarto capitulo de diuinis no-  
minibus: Diuinitati propriū esse, fore incircumscrit-  
ptum. Anima ergo Christi cum sit quædam creatura  
finita est, nec omnipotentiam habet, nam omni-  
potentia aliud non est nisi infinita potentia. Nil autem creatum  
est simpliciter infinitum.

2 ¶ At verò immutatio triplex est, scilicet naturalis, mira-  
culosa. Et secundum eas creaturæ dicuntur in nihil vertibiles  
sicut ex nihilo factæ sunt. Anima quoque Christi considera-  
tur dupliciter. Primo secundum potentiam suæ naturæ con-  
uenientem, vel ratione propriæ speciei, vel ratione gratiæ si-  
bi concessæ. Secundo prout est instrumentum diuinæ virtutis  
verbi increati cui vnita est. Anima igitur Christi secundum  
primam considerationem habuit potestatem ad gubernandū  
proprium corpus, ad disponendum & gubernandum actus  
humanos, & ad illuminandum omnes intellectuales creatu-  
ras. Hæ enim operationes sequuntur perfectionem virtutis  
naturalis, vel gratiæ animæ Christi. Sed anima Christi secū-  
dum aliam considerationē habet potentiam respectu immu-

tationis omnium creaturarum: quarum immutatio ordinabilis est ad finem incarnationis, videlicet ad reparationem ruinæ cœlestis, humaniq; generis. Sed sicut solius deitatis est, rerum naturas creare: sic ei proprium est, habere potentiam verendi creata in nihilum. Paret ergo quod anima Christi non habet omnipotentiam respectu immutationis creaturarum.

3 ¶ Amplius autem in anima Christi prout est verbo velut proprium, & coniunctum instrumentum vnita, omnipotentiam habuit quantum ad proprium corpus: ita, quod corporis augmentum, fames, sitis & omnis alteratio eius rationis subdebatur imperio. Vnde tertio libro asserit Damascenus: Omnia naturalia in Christo erant voluntaria. Sed considerando animam Christi secundum primum modum, videlicet propriam virtutem: sic non habuit potestatem omnipotentem super proprium corpus, sicut nec super alia entia.

¶ Præterea anima Christi dupliciter aliquid voluit, scilicet, vel sicut per se implendum: & sic nihil voluit, nisi quod per se potuit, aliter insipiens fuisset. Secundo, aliquid voluit tanquã diuina virtute implendum, vt resurrectionem Lazari atque similia. Et quantum ad talia, non habebat omnipotentiam quantum ad executionem proprii corporis, sed potuit ea per virtutem verbi cui instrumentaliter deferuiuit.

¶ *Vtrum Christus assumpsit corporis defectus 2. An necessitatem quoque subiaccendi defectibus talibus 3. An istos defectus contraxit 4. Vtrum omnes assumpsit. Articulus 21.*

**T**Riplici autem ratione Christus assumpsit corpus naturalibus infirmitatibus defectibusque subiectum, scilicet, fami, siti, morti, &c. Primo vt talia patiēdo pro hominibus satisfaceret. Nam illa ex primi parentis peccato secuta sunt. Ad cuius deletionem Christus aduenit. Secundo, vt veritatem humanitatis assumptæ ostenderet. Tertio, vt nobis patientiæ & imitationis exempla præberet. Quemadmodum ad Hebræos duodecimo ait Apostolus: Sustinuit à peccatoribus aduersus semetipsum contradictionem, vt non fatigemini animis vestris. Poterat tamē secundum Augustinum in epistola ad Dioscorum, anima Christi sua beatitudine ab omni passione ac laxatione corpus eius seruare inta-

Quum, eo quod gloria animæ in corpus redundat : sed vt Damascenus affirmat, beneplacito diuinæ voluntatis permittebatur caro Christi operari ac pati.

2. ¶ Præterea duplex est necessitas, scilicet coactionis, quæ est ab agente extrinseco & contrariatur voluntati atque naturæ: quorum vtrunque est principium intrinsecum. Alia ergo necessitas est, quæ naturalis vocatur consequens naturalia rei principia, sicut necesse est ignem calefacere, & mixtum corrumpi. Hanc vero secundâ necessitatem subiacendi mortis alijsque defectibus corporis Christus sponte assumpsit. Si autem loquamur de necessitate coactionis, prout corporali naturæ repugnat: sic corpus Christi secundum propriam naturam necessitati passionum istarum subiacuit: sed prout talis necessitas voluntati repugnat: sic in Christo non fuit, nec quoad voluntatem diuinam, nec quantum ad voluntatem humanam absolute acceptam, quæ scilicet rationem deliberatiuam consequitur, sed solum secundum naturalem motum voluntatis, videlicet, prout naturaliter mortem nocentâque corporis refugit: & sic patet, quomodo Christus oblati dicitur, quia voluit, quamuis hoc contra naturalem motum suæ voluntatis fuerit, secundum Damascenum.

3. ¶ Denique prædictos defectus contrahere aliud non est nisi eos simul cum eorum causa accipere. In verbo nanque contrahendi includitur ordo effectus ad suam causam. Hi vero defectus sunt pœnæ originalis culpæ, quæ in Christo non fuit. Nam ipse naturam humanam in capritate assumpsit, quam in statu originalis innocentie atque iusticie habuit, secundum Augustinum. Itaque Christus hos defectus non contraxit, sed sponte suscepit.

4. ¶ Porro quoniam Christus venit naturam humanam sanare, idcirco plenitudo gratiæ atque scientiæ ei necessaria fuit, vt homines illuminaret & deo gratos efficeret. Venit autem sanare naturam humanam originali culpa infectam. Et ergo illos defectus assumpsit, qui in omnibus vniuersaliter reperiuntur vt pœnæ originalis culpæ: scilicet famem, mortem, &c. Defectus autem qui perfectiæ scientiæ & virtutum repugnant: vt sunt ignorantia, concupiscentia, formæ: & qui in omnibus non sunt, sed ex particulari causa proueniunt: vt lepra, vel febris, Christus nequaquam assumpsit. Vnde Damascenus testatur, quod Christus naturales & indetrahiles defe-

ctus assumpsit, id est, eos qui omnibus sunt communes & perfectioni gratiæ atque scientiæ non repugnant. Hos autem de factus in suscipiendo curauit eos in aliis, & non solum eos, sed etiam illos, qui superadduntur naturæ infectæ. Nam hi ex illis primis defectibus oriuntur.

¶ *Vtrum in Christo fuerit peccatum 2. An fomes peccati 3. An ignorantia 4. An passibilitas animæ 5. An dolor sensibilis. Articulus 22.*

**C**hristus verò peccatum non assumpsit. Nam peccatum ad redemptionem cooperari non potuit, nec ad eam utile fuit. Vnde & Christus in Adam non fuit, secundum rationem seminalem: quoniam non est secundum naturalem virtutem seu ordinem generatus. Erat tamen in Adam secundum corpulentam substantiam, quia veram carnem ex eius posteritate accepit. Nos verò in Adam existimus secundum seminalem rationem corpulentamque substantiam, secundum Augusti. 10. super Genesim ad litteram.

2. ¶ Præterea ad fomitem pertinet inclinatio sensitiui appetitus in id, quod est contra rationem. Cum ergo in Christo fuerit omnium virtutum perfectio & gratiæ plenitudo, ut dictum est, sequitur quod fomes in eo locum non habuit. Erat enim pars eius sensitiua rationi perfecte subiecta, nec aliquid caro, vel sensus eius appetiit, nisi secundum ordinem & modum rationis. Insuper fuit in Christo plenitudo omnis scientiæ. Non ergo erat in eo ignorantia. Potest tamen natura humana in Christo considerari dupliciter. Primo secundum se, vel secundum rationem suæ speciei: & sic Damascenus tertio libro ait, quod deus ignorantem & seruilem naturam assumpsit. Secundo prout vnita est verbo: & sic non competit ei ignorantia.

4. ¶ Aduertendum autem, quod anima corpori formaliter vnita dupliciter patitur, videlicet passionē corporali per hoc quod est forma corporis, ut cum corpus vulneratur aut læditur. Cum ergo anima Christi fuerit naturaliter forma corporis eius, constat eam fuisse passibilem per accidens passione corporali. Secundo patitur anima passione animali, quæ maxime consistit in ipsis affectionibus appetitus sensitiui, quanuis secundum alias operationes anima pati dicatur. Nam sentire



& intelligere quædam passiones interdum vocantur. Affectiones verò appetitus sensitivi in Christo vere fuerunt, sicut & alia ad humanæ naturæ veritatem spectantia. Patet ergo quod anima christi passione animali passibilis extitit. Aliter verò passiones seu affectiones fuerunt in Christo, quàm in nobis. Primo quantum ad obiectum. In nobis enim sepe mouentur ad illicita, nunquam autem in Christo. Secundo quia in nobis sæpe præueniunt rationis iudicium. In Christo autem non oriebantur, nisi secundum rationis dispositionem, liberumq; arbitrium. Tertio, quia in nobis impediunt & alliciunt sibi rationem. In Christo autem nunquam rationem male inclinare vel impedire valebant. Vnde cum passio in sensualitate sistit propassio dicitur: cum autem rationem peruertit, passio perfecta vocatur.

5 ¶ Ex his innotescit, quod in Christo fuerat verus dolor. Nam dolor est cum læditur corpus, & læsio ipsa percipitur. Quoniam ergo corpus Christi passibile fuit, & omnes vires naturales ac sensus in ipso veraciter erant: certum est, qd verus dolor in ipso extiterit. Sicut testatur Propheta: Vere languores nostros ipse tulit. Sunt autem aliqua verba sancti Hilarij, quæ videntur dolorem à Christo negare: non utiq; quantum ad veritatem doloris, sed quantum ad necessitatem ipsius: illam præfettim, quæ est ex reatu peccati, qui in Christo non fuit.

¶ An in Christo fuerit tristitia 2. An timor 3. An admiratio 4. An ira 5. An simul fuerit comprehensor atque uiator. Articulus 23.

**D**Eniq; dolor sensibilis atque tristitia in hoc conueniunt, qd vtriusq; subiectum est appetitus sensitivus. Sed differunt, quia doloris obiectum & motiuum est læsio corporalis. Obiectum verò & motiuum tristitiæ, est malum seu nocivum interius apprehensum per rationem, vel imaginationem: ut dum homo de perditione diuitiarum tristatur. Potuit autem anima christi tale malum apprehendere intra se, tam proprium malum, videlicet mortem, vel pœnam, quàm aliorum: ut dum discipulorum, vel iudeorum peccatis condoluit. Et ergo tristitia in christo fuit, quemadmodum de eo scriptum est: Tristis est anima mea vsq; ad mor-

tem. Hæc autem tristitia animæ Christi immoderata non fuit sed intra rationem permansit. Et ergo propassio potius, quàm passio appellatur. Nam de inordinata tristitia loquitur Isaias de Christo quadragesimo secundo capitulo: Non erit tristis neque turbulentus. & Salomon in Prouerbiis: Non contristabit iustus, quicquid ei acciderit, scilicet quia ex nullo sibi eueniente perturbatur ratio eius.

2 ¶ Denique sicut tristitia est de malo præsentis: sic timor est de malo futuro, ut cum aliquid apprehenditur ut nociuum & futurum. Malum verò sensibile futurum non inducit timorem, nisi habeatur aliqua spes euadendi. Si enim non sit possibile vitari, vel si certum sit homini, ipsum sibi venturum, non proprie timorem, sed tristitiam causat. Christus autem præsciuit, quicquid sibi futurum fuit. Non ergo timor fuit in eo, quantum ad incertitudinem futuri eventus: sed quo ad hoc, quod appetitus naturaliter fugit corporis læsionem. Per tristitiam quidem dum præsens est: per timorem autem, dum est futura. Vnde Marci 13. dicitur: Cœpit Iesus pauere & tædere. Quod autem Prouerbiorum 28. scribitur: Iustus quasi leo confidens absque terrore erit, intelligendum est de terrore, qui est passio perfecta à ratione auertens, & nō solum propassio. Et hoc modo Hilarius negat in Christo fuisse timorem.

3 ¶ Porro admiratio est de aliquo nouo atque insolito. Mirantur enim homines dum vident effectum, & nesciunt causam. Christo autem nil erat nouum, quantum ad scientiam diuinam & increatam, nec quantum ad scientiam beatam, quæ omnia vidit in verbo, nec quo ad scientiam infusam seu inditam qua per species concreatas cuncta cognouit. Relinquitur ergo, quod admiratio non inerat Christo, nisi quo ad scientiam acquisitam seu experimentalem, secundum quam per nouam abstractionem specierum à fantasmatibus, receptionemque formarum per sensus aliquid de nouo cognouit.

4 ¶ Amplius ira, quæ est vitium & passio inordinata, in Christo non fuit: sed ira per zelum, quæ est appetitus vindictæ secundum ordinem rationis. Hæc enim ira rationem non impedit, sed eam concomitatur & adiuuat secundum Gregorium. Et ergo Iohannis tertio dicitur in Christo esse impletum, quod in Psalmi. legitur: Zelus domus tuæ comedit me.

5 ¶ Cognoscendum quoque, quod compræhensor aliquis dicitur, eo quod iam deo fruatur: & viator, secundum quod

## D. DIONYSII CARTHUSIANI

beatitudinem obtinere conatur. Beatitudo autem consistit principaliter in anima, secundario autem in corpore. Quoniam ergo Christus secundum mentem deo semper perfectissime vnitus erat per fruitionem visionemque claram: sequitur quod secundum mentem rationalem fuerat comprehensor. Sed quia corpus eius nondum sortitus erat dotes corporum beatorum: idcirco quantum ad id quod corpori proprium est viator erat. Vnde Ieremiæ decimoquarto de Christo scriptum est: Quare quasi colonus futurus es in terra, & quasi viator declinans ad manendum?

**¶** An sequentes propositiones sint veræ 1. Deus est homo 2. Homo est deus 3. Christus est homo dominicus 4. An ea quæ conveniunt filio hominis possint prædicari de filio dei, & e contrario 5. An etiam quæ conveniunt naturæ diuinæ, dicantur de natura humana, & e contra in abstracto.

Ar. 24.

**R**eprobat is autem atque omis sis hæreticorum variis modis, quibus istam propositionem: Deus est homo, concedunt, dicendum est hanc propositionem proprie & simpliciter concedendam esse ac veram. Nomen enim significans naturam communem in concreto, potest supponere pro quolibet sub natura illa contento, ut homo pro quolibet homine. Itaque hoc nomen Deus supponere potest pro persona filij dei. De quolibet autem alicuius naturæ supposito potest verè ac proprie prædicari nomen illam naturam in concreto significans, ut homo de Petro & Paulo. Quoniam ergo persona filij, pro qua supponit hoc nomen Deus, est suppositum naturæ humanæ, est enim assumpta ad esse personale verbi: idcirco verè & proprie hoc nomen homo prædicatur de Deo: prout hoc nomen deus supponit pro persona filij. Vnde hæc propositio, Deus est homo est in materia naturali. Non autem per accidens prædicatur homo de Deo, sed per se sicut de sua hypostasi: non utique ratione formæ significatæ hoc nomine Deus, sed propter suppositum verbi, quod humanæ naturæ est hypostasis.

2. ¶ Denique eadem ratione ista est vera ac propria : Homo est Deus . Homo nanque supponere potest pro qualibet naturæ humanæ hypostasi , & per consequens pro persona verbi seu filij Dei, quæ est naturæ assumptæ suppositum. Cum verò dicitur Christus Iesus, semper supponitur atque signatur suppositum æternum & increatum, quod est verbi hypostasis . Vtriusque enim naturæ in Christo est vnum ac idem suppositum.

3. ¶ Deus verò & dominus non denominatiue , sed essentialiter Deo conueniunt, & essentialiter de ipso prædicantur ideo ista impropria est: Christus est homo dominicus, & Augustinus eam in libro retractionū retractat. Signaretur enim per talem denominationem, quod natura humana non esset verbo verè in vnitatem personæ coniuncta. Ista tamen propriè est concedenda: Christus est homo diuinus. Nam Dionysius nominat Christum diuinissimum Iesum . Hoc enim nomen diuinus essentialiter solet dici de his , de quibus prædicatur: sicut hoc nomen Deus, dicitur enim, diuina essentia, diuina sapientia, sicut essentia Dei.

4. ¶ Porro cum vtriusque naturæ sit in Christo vna persona, ideo siue dicatur homo siue Deus, vna persona supponitur vtriusque naturæ . Vnde ea quæ humanæ naturæ sunt , prædicantur de Deo, & e contrario, scilicet Deus est passus, ille homo est æternus, immensus, omnipotens. Dicit enim Damascenus 3. libro : Deus suscepit ea, quæ carnis sunt idiomatica, id est, proprietates, dum Deus passibilis nominatur , & de us gloriæ crucifixus vocatur. In talibus tamen propositionibus non solum considerare oportet, quid de quo dicitur : sed etiam propter quid vnumquodque de alio dicitur. Non enim humana deo conueniunt ratione naturæ diuinæ, neque diuina homini ratione naturæ humanæ.

5. ¶ At verò quoniam vtriusque naturæ cōiunctio in Christo non est facta in vnitatem naturæ, vt Euticiani putabant: sed in persona saluis vtriusque naturæ proprietatibus, atque vtræque natura in se integra permanente: propterea quæ sunt naturæ diuinæ, non dicuntur de natura humana , neque e contra in abstracto . Non enim dicere possumus quod natura diuina sit passibilis , vel natura humana æterna.

# D. DIONYSII CARTHUSIANI

- ¶ An istæ propositiones sint ueræ. 1. Filius Dei factus est homo. 2. Homo factus est Deus. 3. Ille homo (Christum demonstrando) incæpit, est, uel fuit semper. 4. Christus secundum quod homo, est creatura. 5. Christus secundum quod homo, est deus. 6. Christus secundum quod homo, est hypostasis uel persona. Articulus 25.

**A**mplius vnumquodque dicitur illud esse factum, quod de nouo prædicatur de ipso, ut si Petrus nunc incipiat fieri albus, dicitur albus factus. Cum ergo Deus dicatur veraciter homo non ab æterno, sed ex tempore, constat hanc veram esse, Deus factus est homo. Non tamé Deus dicitur factus simpliciter, quia natura humana in eo nõ habet subsistentiam propriam, sed ad esse personale verbi assumpta est. Quauis etiam Deus dicatur homo factus, nõ est tamen mutatus in diuinitatis natura. Quauis enim in his quæ absoluta dicuntur de aliquo fieri sit mutari, tamen quæ relatiue dicuntur vel propter relationem conueniunt, sine mutatione de nouo alicui competunt. Nam potest mihi aliquis fieri sinister vel dexter sine mutatione facta in me. Sic nanque decimus Deo, Domine refugium factus es nobis. Esse autem vel fieri hominem conuenit Deo ratione vnionis, quæ est relatio quædam. Propterea sine mutatione dei, non tamen sine mutatione humanitatis, Deus factus est homo.

2. ¶ Porro dum dicitur, homo factus est Deus, tripliciter potest intelligi. Primo, ut dictio factus referatur ad subiectum, vel prædicatum: sic quæ est falsa, quia nec ille homo nec Deus est factus, sicut patebit: sic autem non queritur de propositione huiusmodi. Secundo, ut dictio factus compositionem determinet, & sit sensus: factum est, ut homo sit Deus. Et sic est vera, nisi quis dicat quod homo supponat non simpliciter sed pro supposito. Iste tamen non est proprius sensus. Tercio potest intelligi prout dictio factus ponit fieri circa hominem per respectum ad deum: & sic falsa est. Cum enim sit vna persona hominis & Dei in Christo significatur, quod suppositum hominis factum sit deus: hoc autem falsum est. Nam suppositum hominis in Christo est ipsum verbum seu verbi persona, quæ non est facta vel factum Deus. Terminus namque in subiecto positus tenetur materialiter, id est, pro supposito: in præ-

dicato autē locatus tenetur formaliter, id est, pro natura. Et ideo cū dicit: Hō factus est deus, hō supponit pro supposito.

¶ Denique, teste Hierony. ex verbis inordinate prolatis incurritur hæresis. Propter quod nec in nominibus communicare debemus hæreticis. Arriani autem dixerunt Christum puram creaturam & patre minorem. Ne ergo eis videamur favere, non debemus simpliciter dicere Christum esse creaturam, sed cum determinatione seu additamento. Si verò sancti doctores inueniantur Christum dixisse creaturam sine additamento, tales propositiones non sunt extendendæ, sed exponendæ. Vnde propositiones quæ dubitationem includunt ob quam naturam Christo conuenient, non sunt sine determinatione enunciandæ de Christo. Non enim simpliciter dicendum est Christus incorporeus vel impassibilis, propter vitandum Manichei errorem: qui Christum asseruit non verum, sed fantasticum corpus assumpsisse.

3. ¶ Insuper propositio ista: Hic homo (Christum demonstrando) incepit esse, non est simpliciter concedenda: quia (ut dictum est) hic homo imo & homo in subiecto positus, supponit pro persona. Persona autem Christi cum sit increata, non incepit esse. Item talis propositio neganda est, ne videamur Arrianis favere, qui dixerunt Christum non esse patri coæternum. Cum autem aliquis Catholicorum talem propositionem inuenitur concessisse, pie exponendum est, scilicet per determinationem ratione naturæ assumptæ.

4. ¶ At verò propositio ista: Christus secundum quod homo, est creatura, conceditur, prout illa reduplicatio sumitur ex parte naturæ. Sic enim propriè intelligenda est. Sed si reduplicatio fieret ratione suppositi, tunc falsa esset propter causas præhabitas.

5. ¶ Conformiter ista propositio: Christus secundum quod homo, est Deus, falsa est: si reduplicatio hominis fiat pro natura. Natura enim humana à diuina natura permanfit in Christo distincta. Si verò reduplicatio sit ratione suppositi, vera est. Sed quoniam terminus in reduplicatione positus propriè tenetur formaliter & pro natura, idcirco ista: Christus secundum quod homo, Deus est magis propriè est neganda, quàm concedenda.

6. ¶ Adhuc autem ista propositio: Christus secundum quod homo, est persona, vera est: si reduplicatio fiat ratione

suppositi . Si verò sit ratione naturæ, tunc distinguenda est. Vel enim est sensus, quod natura humana in Christo habeat esse personale proprium: & sic falsa est. Vel, quod habeat esse personale in aliquo, & ita est vera. Habet enim esse personale ipsius verbi . Omne enim quod in humana natura subsistit, persona est.

¶ *An Christus sit unum, uel duo. 2. Vtrum in ipso sit  
duntaxat unum esse.      Articulus      26.*

**B**oethio in super teste: Omne quod est, in quantum est, vnum est. In Christo autem est vna vtriusque naturæ persona. Et quauis natura diuina in abstracto accepta, prædicetur de Christo, sicut de qualibet diuina persona, quia in Deo sunt idem esse atque essentia: natura tamen humana non proprie prædicatur in abstracto de Christo, sed solum in concreto, prout significat habentem naturam. Idcirco Christus non est dicendus duo vel pura, sed verè absoluteque vnus.

1. ¶ *Amplius vnum & ens conuertuntur . Quod ergo verè est vnum, non habet nisi vnum esse. Et ergo cum in Christo sit natura humana, ad esse increatum verbi in vnitate personæ assumpta, non est in eo nisi vnum esse simpliciter dictum . Ea enim quæ ad naturam pertinent, distinguuntur in Christo: habet namque duos intellectus, duas voluntates, sicut & duas naturas. Sed quæ personam respiciunt, nõ numerantur, sed sunt vnum in Christo: sicut & persona in eo vna consistit . Esse verò immediate concernit personam, esse enim est suppositorum . Veruntamen trium diuinarum personarum non est nisi vnum esse propter vnitatem naturæ quæ non diuersificatur à suo esse.*

¶ *Vtrum distinguantur in Christo voluntas diuina & humana . 2. An in humanitate Christi sit alia voluntas rationis, & alia sensualitatis . 3. An in ipso fuerunt plures voluntates rationis . 4. An liberum arbitrium . 5. An voluntas humana fuit diuinæ conformis per omnia . 6. An erat in Christo aliqua voluntatis contrarietas.      Art. 27.*



**F**VERVNT quoque nonnulli, qui non nisi vnam voluntatem in Christo ponebant. Appolinaris enim, qui dixit in Christo non fuisse animam intellectuam, solam diuinam voluntatem in eo asseruit. Similiter Eutices, & omnes qui vnam solam in Christo naturam ponebant, vnam duntaxat voluntatem ei attribuebant. Post modum autem Macharius Antiochenus patriarcha, & Cyprus alexandrinus & Sergius Constantinopolitanus, atque eorum sequaces, quanuis in Christo faterentur vnam personam duasque naturas, non tamen ponebant in eo nisi vnam voluntatem. Opinabantur enim, quod in Christo humana natura nunquam movebatur proprio motu, sed solum prout movebatur à voluntate diuina. Hæc autem positio falsa est. Nam sicut præhabitu est, filius dei assumpsit humanam naturam perfectam & integram, cum his quæ ad essentialem eius pertinent perfectionem. Et ergo quemadmodum natura humana in Christo habuit intellectum humanum: ita habebat propriam voluntatem. Vnde in Sexta Synodo apud Constantinopolim celebrata dicitur, quod in Christo oportet duas voluntates naturales & duas operationes naturales prædicare. Voluntas tamen Christi humana semper sequebatur diuinam, & ei per omnia subdita fuit.

2. ¶ At verò sicut ad veritatem atque perfectionem naturæ humanæ pertinet rationalis appetitus, id est, voluntas: sic & appetitus sensituius, qui dicitur rationalis per participationem. Et ergo in Christo erat appetitus sensituius, id est, voluntas sensualitatis, qui rationali voluntati in omnibus erat subiectus, vt dictum est.

3. ¶ Sciendum autem, quod voluntas quandoque accipitur pro potentia: & sic in Christo erat sola vna rationis voluntas. Interdum verò sumitur pro actu; & sic in Christo erant duæ voluntates rationis, id est, duo actus voluntatis, quorum vnus erat circa ipsum finem, & talem voluntatem vocat Damascenus Thelesin, & magistri nominant eam vt naturam. Finis enim appetitur propter seipsum. Alia verò voluntas est eorum, quæ sunt ad finem: talia nanque non appetuntur, nisi per comparisonem ad finem, hanc igitur voluntatem Damascenus nominat Bulesin, & magistri vocant eam voluntatem vt rationem.

4. ¶ Porro secundum Philosophum in Ethicis voluntas est

proprie circa finem. Electio autem eorum quæ ordinantur ad finem : electio verò est proprius actus liberi arbitrij. Idcirco sicut in Christo ponitur voluntas & ratio, id est electio: ita in eo oportet ponere liberum arbitrium. Damascenus tamen dicit in Christo non fuisse electionem, videlicet prout electio dubitationem includit. Quauis dubitatio de ratione electionis non sit, eligere enim cõuenit deo. Iuxta illud Apostoli ad Ephesios primo: Elegit nos in ipso ante mundi constitutionẽ. libertas ergo arbitrij competit Christo sicut beatis.

5. ¶ Præterea sicut prædictum est, diuina dispensatione factum est, vt in Christo corporalis natura passionibus & mortis subdita esset, viresque animæ operarentur & mouerentur secundum propriam naturam. Appetitus autem sensitiuus qui voluntas per participationem vocatur, naturaliter refugit malum & pœnam. Voluntas quoque vt natura quæ est de ipso sine ea refugit, quæ secundum se mala existunt. Et ergo ambæ istæ voluntates in Christo aliud poterant velle, quàm deus. Præferim, quoniam deus volebat Christum pati, non quasi passio talis esset propter seipsam appetibilis: sed propter ordinẽ ad humanam salutem. Et ergo voluntas vt natura refugiebat eam: Sed voluntas vt ratio, scilicet quæ est eorum quæ sunt ad finem, non refugiebat eam. Nam ideo Christus dixit: Non sicut ego volo, sed vt tu. Et secundum hanc voluntatem Christus in omnibus voluit id quod deus.

6. ¶ Veruntamen non fuit in Christo contrarietas voluntatum, contrarietas enim non est nisi de eodem & secundum idem. Voluntas autem sensualitatis, quæ pœnam nolebat, est alia à voluntate rationis, quæ eam volebat. Similiter voluntas vt natura non restitit voluntati rationis, quia non secundum eandam rationem mouebatur cum voluntate rationis. Ipsa enim mouebatur in aliquid secundum se consideratum. Voluntas verò rationis ferebatur in rem per respectum ad finẽ. Vna quoque potentia animæ Christi non impediabat nec retardabat actum alterius. Placuit enim Christo, vt quilibet appetitus suus moueretur secundum naturalem & propriam inclinationem. Erat autem in Christo agonia passione instante. Factus enim in agonia prolixius orabat, & hoc quantum ad partem sensitiuam. Prout agonia designat timorem infortunii imminentis, secundum Damascenum libro secundo. Sed quantum ad partem rationalem non extitit agonia in ipso,

prout agonia importat concertationē voluntatum ex diuersis rationibus procedentem. Talis quippe agonia ex rationis debilitate consurgit, quæ non valet cognoscere quid sit simpliciter melius. Hoc autem à Christo longe erat.

¶ *Vtrum in Christo sit una utriusque naturæ operatio. 2. An sit in eo tantum una operatio secundum naturam humanam. 3. Vtrum per operationem humanam aliquid meruit sibi. 4. An & nobis aliquid promeruit.*

Articulus

28.

**S**ciendum præterea, quod sicut præfati hæretici vnam duntaxat in Christo voluntatem ponebant: ita dicebant in ipso fuisse vnā diuinitatis & humanitatis operationem, sic quod natura humana non habuit propriā operationem, quasi ipsa esset actiuum operationis principium, sed solum mouebatur à verbo, velut instrumentum ipsius. Vnde quanuis Christus vt homo comedit & ambulauit atque similia fecit, omnia tamen hæc attribuebant diuinæ naturæ, tanquam efficienti principio. Hæc autem positio falsa est. Nam quanuis instrumentum moueatur à principali agente, habeâtque eandem operationem cum eo quantū ad id, quod à principali causa sortitur: nihilominus habet propriam operationem, quæ sibi secundum propriam conuenit formam: sicut securi ex se competit scindere: sed facere scannum, prout ab artifice mouetur. Et ignis ex propria natura calefacit, sed formam clauī inducere competit sibi ex influentia fabri. Et talis operatio non attribuitur principali agenti, nisi prout vitur operatiōe alterius: Sic in Christo natura humana quāuis aliqua operabatur ex virtute diuinæ naturæ, vt est ambulare super aquas, sanare infirmos, quæ etiam competunt verbo tanquam principali agenti: tamen quædam operabatur ex propria natura atque virtute, quæ sunt distinctæ operationes ab diuina. Et in hoc patet hæresis Seueri. Veruntamen natura diuina utebatur operatione humana tanquam actione sui instrumenti, & natura quoque humana sortiebatur virtutem agendi ex virtute diuina. Propter quod Dionysius secundo capitulo de diuinis nominibus vocat operationem Christi Theandricam, id est dei virilem.

2. ¶ Porro operatio illa propriè nominatur humana, quæ

## D. DIONYSII CARTHUSIANI

procedit à ratione per voluntatem, quæ rationis appetitus consistit. Aliæ autem operationes non sunt humanæ propriæ, sed conueniunt homini vel ratione elementi prædominantis, vt moueri deorsum, vel ex virtute animæ vegetatiuæ vel sensitiuæ. Operatio verò secundum elementum prædominans, & animam vegetatiuam rationi nequaquam subijcitur. Operationes autem animæ sensitiuæ rationis imperio aliquo modo subduntur: idcirco humanæ per participationem vocantur. Cū verò inferius à superiori suo mouetur, est eadē actio vtriusq; ex parte actiui principij. Sed dum mouetur inferius secundum propriam naturā, actio est diuersa. Et ergo in quolibet puro homine est alia operatio, quæ est secundum elementum prædominans, vegetatiuamq; animam: quàm illa quæ secundum partem intellectuam. Operatio quoq; partis sensitiuæ in homine est diuersa ab actione rationis, quo ad id quo sensus rationi non subditur. Nunc enim est sermo de vnitae operationis ex parte actiui principij. Ista autē operationum diuersitas in Christo locum non habuit in toto. Nam in eo non erat aliquis motus sensitiuæ partis rationi non subditus. Sed & cæteræ inferiores atque naturales suæ operationes ad ipsius voluntatē quodāmodo pertinebant, inquantū voluntas eius extiterat, quod caro quæ sibi sunt propria pateretur & ageret: & sic tales operationes in Christo erāt aliquāliter humanæ.

3. ¶ Deniq; nihil post deū est sibiipsi simpliciter alicuius boni causa, sed deus omnium bonorū principiū est. Homo verò sibiipsi causa quodāmodo dicitur quorundā bonorū, inquantum per gratiā hæc meretur. Dignius ergo est habere aliquid ex se, quàm per modum meriti. Omnis autem nobilitas atque perfectio conuenit Christo. Ea igitur sine merito habuit, quæ alij per meritum habent: nisi sint talia, quorum carentia magis derogat perfectioni Christi, quàm meritū accrescat. Et ergo nec gratiam, nec sapientiam nec beatitudinem meruit: sed glorificationem corporis, ascensionem, & alia ad exteriorem excellentiam spectantia meruit sibi, inquantum viator.

¶ Insuper Christus alijs meruit. Habuit nanq; gratiā nō tantum singularis personæ vel particularem, sed vniuersalem ac plenam, & sicut totius ecclesiæ caput: & sic gratiam & merita effundit atq; communicat membris suis.

¶ *Vtrum Christus sit patri subiectus, 2. An etiā sibiipsi. Art. 29.*

**H**abet proinde in Christo natura humana triplicem subiectionem respectu diuinæ naturæ. Primâ secundum bonitatem. Diuinitas enim substantialiter bona est, humanitas participatiue. Secundâ quantum ad virtutem, prout diuinæ dispositionis potestati subiacuit. Terriam quo ad voluntatem, quia per omnia patri obediens fuit. Propter has ergo subiectiones dicitur pater filio maior, & filius patri subiectus. Tales tamen propositiones semper intelligendæ sunt cum quadam determinatione, & non simpliciter: quæadmodum dictum est de hac propositione: Christus est creatura, videlicet, vt referatur subiectio ad naturam humanam.

2. ¶ Denique filius seipso maior vocatur & sibiipso subiectus, non quod sit alia verbi atque naturæ humanæ persona in Christo, vt dixit Nestorius, sed quia duarum naturarum vna est increata & dignior alia, quæ forma serui vocatur. Quoniam verò Christus est nomen personæ æternæ & increatæ: idcirco simpliciter ei conueniunt, quæ sibi ratione suæ personæ conueniunt: quæ autem propter naturam assumptam ei competunt cum aliqua determinatione ipsi ascribenda sunt, ad vitandum errandi occasionem.

¶ An Christo conueniat orare. 2. An orare competat sibi secundum suam sensualitatem. 3. Pro quibus sibi orare conueniat. 4. An omnis eius oratio fuerit exaudita. Articulus 30.

**O**Ratio autem est explicatio propriæ voluntatis coram deo, vt impleatur ab eo. Christus verò vt homo nõ erat omnipotēs, sed à deo virtutē & operationē accepit: præsertim supernaturalium operum, sicut ostensum est antè. Et ergo orare cõuenit Christo ratione voluntatis creatæ, inquantum est homo, quæadmodum Luc. 6. dicitur: Exijt in mōtē orare, & erat pernoctans in oratione dei.

2. ¶ Porro Christus nõ orauit secundum suā sensualitatem, quasi oratio eius sit actus suæ sensualitatis. Sensualitas nanq; sensibilia nõ transcendit, oratio verò est ascensus mētis in deū. Itē oratio ordinationē importat, prout aliquid ad deū refert, optans illud ab eo impleri. Ideoque oratio est actus rationis. Rationis quippe est ordinare. Sed dicitur Christus secundum sensualitatem orasse, quia ratio tanquā sensualitatis aduocata

orando expresse, quod sensualitas affectauit. Primo, ut ostenderet, se veram humanam naturam cum omnibus suis naturalibus affectionibus assumpsisse. Secundo, ut ostenderet nobis licere aliquid secundum naturalem affectum velle, quod deus non vult. Tercio, ut ostenderet hominem debere semper deo propriam voluntatem subicere.

3. ¶ Præterea Christus orauit pro se tam secundum voluntatem simplicem, quæ dicitur ut natura: ut cum orauit pro ablatione mortis, quam naturaliter horruit: quam secundum voluntatem deliberatam, quæ vocatur ut ratio, ut dum dixit: Pater clarifica filium tuum. Gloriam enim corporis sui simpliciter desiderauit.

4. ¶ Oratio quoque est voluntatis interpret & nuncia. Voluntas verò non dicitur perfecta atque simpliciter humana, nisi sit ex deliberatione rationis. Nam voluntas simplex quæ est ut natura, est potius quædam velleitas quàm voluntas, quia per eam appetitur aliquid quasi conditionaliter, scilicet si aliud non obstar. Christus autem secundum deliberatam voluntatem nihil voluit vel orauit, nisi quod deo placere cognouerit. Quicquid ergo voluntas Christi humana simpliciter dicta seu deliberata volebat, impletum est. Et ergo eius oratio fuit semper exaudita. Dicit enim Apost. de Christo ad Heb. quinto: Cum clamore valido & lachrymis orationem offerens, exauditus est pro sua reuerentia.

¶ An Christus sit sacerdos. 2. An simul & hostia. 3. De effectu sacerdotii eius. 4. Ad quos effectus hic pertineat. 5. De æternitate sacerdotii Christi. 6. Quomodo dicatur sacerdos secundum ordinem Melchisedech.

Articulus

31.

**A**D sacerdotem verò pertinet diuina tradere populo, atque populi preces deo offerre, sicq; inter deum & populum mediatorem consistere. Hoc autem maxime conuenit Christo. Et ergo pontifex noster & sacerdos vocatur. Iuxta illud ad Hebræos quarto: Habemus pontificem, qui penetrauit cælos, Iesum filium dei. Et quia sacerdos inter deum & populum mediat, quod est angelorum officium, ideo angelus appellatur secundum illum Malachiæ 2. Labia sacerdotis custodiunt scientiam, & legem ex ore eius

requirunt, quia angelus domini exercituum est. Christus verò etiam vt homo, erat angelis maior propter vnionem cū verbo. Sed dicitur modico ab angelis minoratus propter passibilitatē sui corporis. Christus quoq; propter omniū gratiarū plenitudinē dicitur rex, sacerdos, & legislator fideiū. Propter quod Esai. 33. scriptū est: Dominus iudex noster, dominus legislifer noster, dominus rex noster, ipse veniet & saluabit nos.

2. ¶ Amplius secundum August. primo de Trinitate: Omne visibile sacrificiū inuisibilis sacrificij quo se spiritus Deo offert, est sacramētum, id est, sacrum signū. Et ideo omne quod ad hoc Deo exhibetur, vt spiritus hominis dirigatur ad Deū, dici potest sacrificium. Indiget itaque homo sacrificio propter tria. Primo propter remissionem peccati. Secundo, vt cōseruetur in bono, pro quo in veteri lege offerebatur pacifica hostia. Tertio, propter perfectam vnionem cum Deo, quod erit in gloria. Vnde in veteri lege offerebatur holocaustum, quasi totum incensum. Quoniā igitur per Christi humanitatē peccatorū remissionē & conseruationē in bono, cōsummatā quoq; vnionē cum Deo sortimur atq; acquirimus: ideo Christus vt homo nō solum fuit sacerdos, sed etiā hostia perfecta, id est, hostia pro peccato, hostia pacificorum & holocaustū. Et hoc, secundū quod eius occisio refertur ad propriam suam voluntatē: non autē ad voluntatem occidentium ipsum.

3. ¶ At verò in peccato sunt duo, videlicet, macula culpæ, quæ deletur per gratiæ infusionē, & reatus pænæ qui remouetur per satisfactionē. Per passionem autem Christi gratia nobis præstatur, qua ad Deum conuertimur. Ipse quoque pro nobis satisfecit, qm̄ lāguores nostros tulit. Et dolores nostros portauit. Idcirco sacerdotiū Christi plenā vim habet expiādi peccata. Vnde effectus sacerdotij Christi est expiare peccata.

4. ¶ Præterea sacerdos inter Deū & populū mediator cōsistit. Ille verò mediatore eget, qui per seipsum accedere nō potest. Christus autē vt hō per seipsum accedit ad deū, semper vi uēs ad interpellandū pro nobis, secundū apostolū ad Heb. 7. Et ergo effectus sacerdotij Christi nō est nisi respectu aliorū & non ad seipsum. Ipse enim peccatū nō habuit, nec adiutore egebat: Nisi forte quo ad impassibilitatē sui corporis, quā sibi ipsū sua passione promeruit: nō tamē prout passio erat satisfactiua: sed prout ex propria voluntate patri obediēdo mortem sustinuit, ideo enim deus exaltauit eum.



5. ¶ Præterea in sacerdotis officio duo considerantur, videlicet oblatio & sacrificij consummatio, per quam illi pro quibus sacrificium offertur, effectum sacrificij consequuntur. Christus autem passus est pro nobis propter bona futura, cœlestia atque æterna, & ob hanc rationem dicitur sacerdotium eius æternum.

6. ¶ Denique sacerdotiū Christi legale sacerdotiū in multis excellit, quia peccata aufert & æternaliter manet. Et hoc significatum est per sacerdotium Melchisedech, qui decimas sumpsit ab Abraham, in cuius Abraham lumbis quodammodo decimatus est sacerdos legalis. Vnde sacerdotium Christi dicitur secundum ordinem Melchisedech, propter eminentiam veri sacrificij, quo ad sacrificium legis. Sciendum tamen, quod in sacerdotio Christi duo pensantur, scilicet ipsa oblatio & oblationis effectus. Quantum ad primum, sic sacerdotium Leviticum expressius significavit sacerdotium Christi quàm sacrificium Melchisedech, propter sanguinis effusionem in lege. Sed quantum ad effectum oblationis Christi, qui est vnitas ecclesiæ: sic sacerdotiū Melchi, expressius significavit sacerdotiū Christi. Obtulit nāq; panem & vinum, per quæ vnitas designatur ecclesiæ, quam Christus collegit. Et ergo sub speciebus panis & vini sacrificium Christi frequentatur. Dicitur autem Melchisedech sine patre & matre, neque initium dierum neque finem habens: quoniam eius genealogiæ initium & finis in scriptura sacra non legitur.

¶ An Deo competat filios adoptare. 2. An soli patri hoc competat. 3. An homini proprium sit adoptari à deo.

4. Vtrum Christus dici possit filius adoptiuus.

Articulus

32.

**Q**uemadmodum denique homo dicitur aliquem adoptare in filium, eo quod ad suam hæreditatem eum admittit: sic dicitur Deus hominem adoptare in filium, in quantum ex sua bonitate ad æternæ beatitudinis participationem eum admittit. Sed in hoc præeminet adoptatio Dei quoniam eum quem adoptat ad prædiciam participationem, idoneū efficit. Homo autem eum, quē adoptat non agit idoneum ad adoptionē, sed eū qui iam idoneus est, adoptat. Et sicut per creationē cōmunicatur bonitas

Dei omnibus rebus quandā secundū similitudinē ita per adoptionem diuinam communicatur hominibus similitudo naturalis filiationis, quemadmodū ad Romanos octa. habetur: Quos præsciuit conformes fieri imaginis filij sui.

2. ¶ Porro filius naturalis & adoptiuus differunt, quod filius naturalis non est creatus vel factus sed genitus. Sed filius adoptiuus est factus non genitus nisi spiritali generatione, quæ est gratuita non naturalis. Cum ergo creare seu facere commune sit toti Trinitati, adoptare non solum competit Deo patri, sed toti superbeatissimæ Trinitati, cuius opera ad extra sunt indiuisa.

3. ¶ Amplius filiatio adoptiua similitudo est filiationis naturalis. Filius autē dei est verbum patris. Verbo autē intellectuuali assimilari potest aliquid tripliciter. Primo secundum rationem formæ, & non secundum intelligibilitatem, quēadmodū forma domus exterius factæ similatur formæ domus in mēte artificis, secundum speciem, & non secundum intelligibilitatem. Nam forma domus materialis non est secundum se intelligibilis, & hoc modo omnis creatura assimilatur verbo dei, quia per ipsum est facta. Secūdo assimilatur aliquid verbo secundum rationem formæ & intellectualitatis, vt scientia discipuli verbo scientiæ magistri: & sic creatura rationalis secundum suam naturam assimilatur verbo dei. Tertio assimilatur creatura verbo æterno secundum vnitatem, quam habet cum patre quæ fit per charitatem ac gratiam. Talis quoque assimilatio complet rationem adoptionis, sic enim deo assimilatis debetur æterna hæreditas. Ideo adoptari soli intellectuuali cōpetit creaturæ, & non omni, sed charitatem habenti.

3. ¶ Insuper sicut in Christo est vna duntaxat hypostasis, & ita vna filiatio: Filiatio nanque concernit personam. Cum ergo sit Christus filius naturalis, nullo modo dicendus est filius adoptiuus. Vnde cum ait Hilarius, quod Christi humanitas adoptatur, sumitur adoptari pro vniri. Similiter quod dicit Augustinus in libro de prædestinatione sanctorum. Eadem gratia ille homo est Christus, qua alij facti sunt Christiani, intelligendum est quantum ad principium gratiæ, scilicet quia sine meritis ille homo est Christus dei filius sicut alij Christiani. Gratia autem habitualis Christi non facit eum filium adoptiuum, sed est effectus filiationis naturalis in anima Christi. Quauis ergo Christus secundum quod

homo dicitur seruus, non tamen filius adoptiuus, quoniā seruitus atque abiectio pertinent tam ad naturam, quā ad personam. Filiatio autem personam tantummodo respicit.

¶ *An Christus sit prædestinatus. 2. An sit prædestinatus secundum quod homo. 3. An prædestinatio Christi sit exemplar & causa nostræ prædestinationis.*

Articulus

33.

**P**rædestinatio demum est æterna dei præordinatio eorum, quæ per gratiā fiunt in tēpore. Est autem per gratiā vnionis in tēpore factum, vt homo esset deus, deusq; homo. Vnio ergo duarū naturarū in Christo sub prædestinatione cādīt. Et ideo Christus dicitur esse prædestinatus, iuxta illud Apostoli ad Rom. 1. Qui prædestinatus est filius dei in virtute. Quidā verò intellexerūt hāc prædestinationē esse ad naturā humanā referendā. Sed hoc improprie dictū est, nā prædestinatio ad suppositū ptinet. Natura quoq; humana dici nō potest filius dei, qui secūdū Apostolū dicitur prædestinatus. Aptius ergo asseritur, qđ filius dei sit prædestinatus, nō prout ī diuina sed prout in humana subsistit natura.

2. ¶ Ex quo elucescit hanc esse verā: Christus secūdū quod homo, est prædestinatus filius dei in virtute. Duo enim considerātur in prædestinatione, videlicet actus prædestinantis, qui anteceSSIONē includit: & effectus tēporalis ipsius prædestinationis, qui est aliquod donū gratuitum. Propter vtrumque autem istorum Christus secundum quod homo, dicitur prædestinatus. Nā natura humana nō semper exitit diuinæ vnita, sed vnio hęc per gratiam in tempore facta est.

3. ¶ Insuper prædestinatio Christi non est exemplar vel causa nostræ prædestinationis quo ad actum prædestinantis. Ille enim actus est idem quod deus, & vno actu deus Christum & nos prædestinauit. Sed quo ad effectum vel terminum prædestinationis. Christus enim prædestinatus est vt sit filius naturalis. Nos verò prædestinamur, vt simus filij adoptiui. Filiatio autē naturalis exemplar & causa est prædestinationis nostræ. Item quia de plenitudine gratiæ Christi omnes accepimus, & per eum effectum prædestinationis à deo sortimur, videlicet gratiam & gloriam. Vnde in libro de prædestinatione sanctorum asserit Augustinus: Eā præclarissimū lumen præ-

SVMMAE FID. ORTHOD. LIB. III. 227  
destinationis & gratiæ ipse saluator, ipse mediator dei & ho-  
minum homo Christus Iesus. Deus enim præordinavit ab  
æterno nostram salutem reparari per Iesum Christum.

¶ *An una & eadem adoratione sit adoranda Christi diuinitas  
atque humanitas. 2. An adoratio patriæ sit exhibenda car-  
ni Christi, imagini eius, cruci eius, & matri. 3. De  
adoratione reliquiarum sanctorum. Articuli. 34.*

**D**Vo quoque possunt attendi in eo qui honoratur, vi-  
delicet ipsum totū subsistens, & ea quæ in ipso sunt.  
Honor autem non impenditur proprie & per se, nisi  
toti subsistenti. Nam si pars alicuius, scilicet manus,  
aut pes, honoretur, hoc non est propter se, sed prout est ali-  
quid totius. Et sic totū honoratur in parte. Causa autē hono-  
ris est excellentia honorati. Si ergo in vna persona sint plu-  
res excellentiæ, vtpote, virtus, scientia, atque prælatio, erunt  
plures honorationes vnius secundum ordinem ad causas ho-  
norationis. Sed ex parte personæ quæ honoratur, erit hono-  
ratio vna. Itaque vna est adoratio, qua totus Christus adora-  
tur, propter vnitatem personæ. Sed possunt dici plures ado-  
rationes secundum causas honorandi diuersas, scilicet propter  
sapientiam increatam, & creatam, & gratiam, &c.

2. ¶ Quoniam igitur adoratio non competit propriè nisi  
subsistenti, humanitas Christi seorsum propriè non dicitur  
adoranda: sed tamen eo modo quo adorari potest: responden-  
dum, quod adoratio humanitatis Christi dupliciter potest  
intelligi. Primo, vt adoratio eius sit illius, cuius est ipsa, sci-  
licet verbi: & sic debetur ei adoratio patriæ. Sic enim ado-  
rare Christi humanitatem, aliud non est nisi adorare ver-  
bum incarnatum. Quemadmodum adorare vestem regis,  
est adorare regem vestitum. Secundo potest adoratio hu-  
manitatis Christi intelligi, quod sit ratione ipsius humanita-  
tis omni gratia plenæ. Et sic debetur ei adoratio dulciæ. Chri-  
sto ergo duplex adoratio fieri potest, scilicet patriæ ratione  
naturæ diuinæ: & dulciæ, propter naturam humanam. Nec  
hoc est inconueniens, quia & deo patri competit adoratio  
patriæ ratione creationis, & adoratio dulciæ ratione domi-  
nationis & gubernationis, secundum Glosam super illud  
Psalmi: Domine deus meus in te speravi. Vnde Damascē-

## D. DIONYS II CARTHUSIANI

nus tertio libro dicit: Adoratur autem caro Christi in incarnato dei verbo, non propter seipsam, sed propter vnitum secundum hypostasim verbum.

¶ Præterea secundum Philosophum in libro de memoria & reminiscencia, duplex est motus in imagine. Vnus prout imago est res quædam: & iste est alius à motu, qui fertur in id, cuius est imago. Alius, prout imago est figura alterius, sicque vnus est motus in ipsam imaginem, & rem cuius est imago. Imago ergo Christi primo modo non adoratur, prout est res quædam sculpta vel picta. Reuerentia enim non debetur nisi rationali creaturæ, quæ est subiectum virtutis. Sed secundo modo adoratur adoratione latriæ, sicut & Christus. Imo sic vtriusque est vna adoratio. Et quâuis in scriptura nouæ legis nō sit hic ritus adorandi crucem descriptus, Apostoli tamen instituerunt hunc cultum & seruandum sanxerunt. Nam 2. ad Thessal. 2. dicitur: Tenete traditiones, quas didicistis, siue per sermonem, siue per epistolam. Vnde & sanctus Lucas depinxisse fertur Christi imaginem, quæ Romæ habetur.

¶ Amplius reuerentia propter duas rationes impenditur irrationali creaturæ: vel, quia rationalem naturam repræsentat, vt imago, vel statua regis: vel, quia ei aliquo modo coniungitur, vt purpura Cæsaris. Crux ergo in qua Christus suspensus est, propter ambas causas adoratur. Et non solum crux, sed & alia quæ sunt Christi, & clauis, lancea, vestes, propter contactum corporis sui adorantur hoc modo, secundum Damascen. 4. lib. Non tamē adoramus imaginē horū sicut imaginē crucis, quia crux per se repræsentatiua est Christi, non ista. Veruntamen adoratio duliæ, quæ humanitati Christi debetur, singularis est atque excellens & hyperdulia nominatur.

¶ Pariformiter matri Christi, cum sit pura creatura, non exhibetur adoratio latriæ sed duliæ, non qualiscunque sed excellentis, quæ hyperdulia dicitur: cum ipsa sit mater creatoris & virgo. Quauis verò rationalis creatura sit Dei imago, nullatenus tamen adoranda est latriæ cultu, ad vitandum erroris occasionem, quia, scilicet secundum seipsam est capax venerationis: & ideo si adoraretur, esset occasio quod propter seipsam sic honoraretur.

3. ¶ Porro sanctorum reliquias adorare debemus cultu duliæ propter amorem eorum & honorem Dei qui eas honorat per multa miracula.

¶ An Christo sit proprium esse mediatorem Dei & hominum .2. An hoc ei conveniat ratione naturæ humanæ. Articulus 35.

**O**fficium verò mediatoris est, eos coniungere inter quos mediat: Extrema enim vniuntur in medio. Cū ergo sit Christus perfectus & summus reconciliator, redemptor, & satisfactor generis humani, patet, quod ipse solus est simpliciter mediator Dei & hominū. Alij verò secundū quid inquantū cooperātur ad aliquorū salutē.

2. ¶ Denique in mediatore duo pensanda sunt, scilicet ratio medij, per hoc quod distat ab utroque extremo: & officium coniungendi, per hoc, quod ea quæ vnius sunt, defert ad alium. Christus autem secundum diuinam naturam non distat à patre & spiritu sancto; sed nec defert nostra ad patrē, inquantum est Deus. Et ergo esse mediatorem quantum ad vtrumque, competit Christo, propter naturam humanam. Per hanc enim distat à Deo, & interpellat pro nobis.

¶ De sanctificatione matris Christi. 2. An habuit gratiæ plenitudinem. 3. An caruit omni peccato. Articulus 36.

**D**E sanctificatione autem virginis gloriosæ, iam determinauit ecclesia ac credit, quod ab originali peccato in conceptione præseruata fuit. Insuper ab omni actuali peccato immaculata permansit. Deicit enim beatissimam illam omni carere macula culpæ, qui fontem sanctitatis dei filium, deum verum concipere, gignere & sua carne vestire ac alere erat diuinitus præelecta. Vnde Augustinus, in libro de natura & gratia dicit de sancta Maria: Propter Christi honorem nullam volo habere mentionem cum agitur de peccatis, Christo tamen videtur ascribere beatissimæ virgini aliquā veniale culpā, sed in hoc ipse excessit.

2. ¶ Denique quo aliquid est alicui primo atque perfectio propinquius, eò est ei similis, & perfectius bonitatēque illius participat. Christus autem inquantum est Deus, est omnium gratiarum origo authoritatiue, & secundum quod homo instrumentaliter. Mater ergo eius sacratissima ei simillima est atque plenissime gratiarum perfectionem ab ipso præ cæteris est adeptæ. Imò dubitandum non est, quin & gratias gratis datas

## D. DIONYSII CARTHUSIANI

& dona eminentissime habuit, scilicet donum sapientiæ, gratiam virtutum & prophetiæ, quanuis non sit vsa actibus omnium, quas habuit gratiarum atque donorum, sicut nec Christus: Non enim Christus omnibus linguis prædicauit.

3. ¶ Insuper non solum diuinissima virgo, sed Ieremias quoque & Ioannes Baptista in vtero sanctificati fuerunt, quod de alijs nullis credendum est: Priuilegia enim specialia gratiæ dantur ad vtilitatem communem & plurium. Sed vtilitas nulla eueniret si gratia præstita occulta maneret. Et ergo de his non est credendum, quod sint sanctificati in vtero, de quibus scriptura mentionem non facit, quanuis de incomparabili virgine dubium nullum sit, quin multo eminentius repleta sit gratia in vtero matris præ alijs.

¶ *An mater Christi fuit uirgo in conceptu. 2. An in partu. 3. An post partum. 4. Vtrum uirginitatis uotum emisit.*      *Articulus*      *37.*

Eata porro genitrix sine viri contagione concepit.

B Decuit enim filium Dei naturalem non habere genitorem, nisi Deum: & Christum, qui venit peccata auferre atque corrupta reparare, condecebat sine corruptione & cum omni mundicia concipi. Vnde pater hæresis Ebionis & Fotini, dicentium Christum ex viro & femina natum.

2. ¶ Propter eandem etiam rationem Christi genitrix in partu virgo, id est, illæsa & integra remansit. Vtero clauso manente. Vnde quod Ambrosius super Lucam de Christo ait, quod aperuit matris suæ vterum, non designat resecrationem claustri virginis pudoris, sed exitum diuinæ adorandæque prolis ex inuiolati hospitio ventris.

3. ¶ Insuper deifera atque Christifera genitrix post partum virgo permansit. Decuit enim ut sicut Christus est vnicus filius Dei patris, ita consisteret vnicus filius virginis matris. Itē vterum spiritu sancto consecratum & ab eo impregnatum, non decuit violari vel tangi à viro.

4. ¶ Porro opera perfectionis ex voto eminentiora redduntur. Cū ergo Maira omni virtute claruerit, sequitur quod ne dum virgo fuit, sed quod virginitatem promissit. Vnde Augustinus in lib. de sancta virginitate testatur: Sed quia in veteri lege damnabatur sterilitas, non est credendum quod



virginitatem spopoderit absolute, quanuis eam in desiderio habuit nisi postquam desponsata est Ioseph, quo facto ipsa simul cum sponso suo virginitatem promisit, pari atque communi consensu. Nam & Ioseph secundum Hieronimum in libro contra Eluidium, virgo permansit. Fratres verò Christi de quibus Euangelium loquitur, consobrini eius fuerunt. Quatuor quippe modis in scriptura fratres dicuntur, natura, gente, cognatione, affectu.

¶ *An Christus debuit nasci de matre desponsata.*

2. *Vtrum inter Mariam & Ioseph matrimonium uerum fuit.*      *Articulus 38.*

**B**ene insuper decuit Christum de virgine & desponsata generari. Primo propter ipsum Christum, ne scilicet tanquam illegittime natus ab incredulis abiiceretur. Secundo, ut eius generatio solito modo scripturæ per viros texeretur. Tertio, ut eius aduentus lateret diabolum secundum Ignatium. Quarto ut haberet nutritium, qui pauper & tanquam colonus venire elegit. Item ex parte matris hoc decuit. Primo, ne velut adultera lapidaretur. Secundo, ne diffamaretur. Tertio, ut ei vir deseruiret. Item ex parte nostri. Nam per testimonium Ioseph certior facta est virginitas sanctæ matris. Secundo per hoc designatur ecclesia, quæ est virgo desponsata Christo. Potuit autem diabolus si permissus à Deo fuisset, per suam naturalem industriam cognouisse quod mater Christi extitit virgo: sed non erat permissus experiri hoc ipsum.

2. ¶ Denique duplex ponitur perfectio matrimonij, scilicet prima consistens in indiuisibili coniunctione animorum per quam vnus coniugum semper tenetur alteri fidem seruare. Et hæc est matrimonij forma. Et quantum ad hanc perfectionem, perfectum & verum erat matrimonium Mariæ & Ioseph. Perfectio autem secunda matrimonij proles generanda & educanda. Et quo ad hoc prædictum matrimonium non fuit consummatum & plenum, nisi quantum ad proles educationem.

¶ *De annunciatione Mariæ. 2. De nuncio.*

*Ordo annunciationis.*      *Articulus 39.*

E

Rat quoque conueniens Christi conceptionem nunciari virgini præelectæ: quatenus mens eius deo primo coniungeretur, sicque eum carne conciperet. Propter quod libro de sancta virginitate dicit Augu.

Beatior Maria concipiendo fidem Christi, quam concipiendo carne Christum. Christi nam materna propinquitas nihil ei profuisset, nisi felicius Christum corde quam carne gesta sset. Secundo, vt ipsa esset certior testis de incarnatione filij Dei, ex annunciatione angelica. Tertio, vt se paratam spontaneamque præberet ad opus diuinum. Quarto, vt ostenderetur esse spirituale matrimonium inter filium Dei atque humanam naturam. Et ergo à virgine exigebatur consensus loco totius humanæ naturæ.

2. ¶ Insuper annuntiatio ista per angelum facta est, diuina enim deferuntur ad homines per ministerium angelorum. Virginibus quoque cum angelis singularis conuenientia est. Angelis enim semper connata virginitas est. Rursus sicut per dæmonem deceptus est homo: sic per angelum salus atque redemptio eius debuit inchoari. Missus est ergo ad Mariam Gabriel, qui de ordine archangelorum consistit. Estque probabile, quod in ordine suo sit summus. Quidam verò opinati sunt ipsum esse summum omnium supernorum spirituum.

3. ¶ Denique angelus in forma sensibili Mariæ apparuit tū ad certificandam Mariam, tum quia inuisibilis verbi incarnationem, venerat nunciare. Angelus quoque conuenienti ordine virginem allocutus est. Primo enim fecit eam attentam per inconsuetam salutationem. Secūdo instruxit eam de modo effectus. Tertio induxit eam ad consensum. August. autem in libro quæstionū veteris & noui testamenti, videtur asserere quod virgo Maria dubitauit, cum dixit: Quomodo fiet istud? Sed illa non erat dubitatio incredulitatis, sed potius admirationis. Nil enim mirabilius est animo humili quā auditus suæ excellentiæ. Et secundum Ambro. ipsa non dubitauit.

¶ An caro Christi fuit sumpta ex Adam, Abraham & David. 2. De genealogia Christi. 3. Cur de femina nasci elegerit. Art. 40.

Q

uoniam Christus venit redimere naturam humanā primi parentis peccato infectā cōueniēti s fuit, vt ex materia ab Adā deriuata carnem assumeret. Osten

sum est autem, quomodo Christus dicitur fuisse in Adam secundum corpulentam substantiam, scilicet quia ab ipso origi nata est caro eius: & nō secundum rationem seminalem, quia non erat ex virili semine conceptus, neque formatus.

¶ Specialiter quoq; dicitur Christus filius David & Abraham, quia ad hos duos specialiter facta est promissio de Christo. Secundo, nam Christus est sacerdos, propheta, & rex. Abraham verò sacerdos fuit atq; propheta. Dicit enim dominus ad eū in Genesim. Sume tibi vaccam triennem, &c. Et iterum, Propheta est, & orabit pro te. David autem propheta fuit, & rex. Tertio, quia in Abraham circumcisio est incēpta. In David verò electio dei maximè est manifestata: & ex horum semine natus est Christus, qui est in salutem circūcisioni Iudæorum, & electioni gentilium. Virgo autem Maria secundum Gregorium Nazanzenum ex reali & sacerdotali fuit genere.

2 ¶ Porro Lucas asserit Ioseph filium Heli, Matthæus verò filium Iacob. Nam Ioseph erat filius Iacob, secundum generationem atq; naturam. Erat quoq; filius Heli fratris Iacob, secundum legem & adoptionem quandam. Quauis autem Damascenus affirmat. Mariam consanguineam fuisse sancti Ioseph secundum illam originem, qua dicitur Ioseph filius Heli, quoniam dicit eam ex Melchi exortam: credendum est tamen, q̃ etiam ex Salomone originem duxerit, secundum aliquem modum per illos patres, quos Matthæus enumerat, qui carnalem Christi generationem describit: Præsertim cum dicat Ambro. Christum de semine Iechoniæ prodisse. De his autem dubitationibus, quæ genealogiam Christi concernunt, sanctus Thomas in tertia par. quæst. 28. eleganter locutus est.

3 ¶ Decuit verò Christum accipere materiam corporis humani ex fœmina, quia secundum Augustinum, liberatio hominis in utroque debuit sexu apparere. Oportuit (id est, decuit) autem naturam in sexu masculino assumi, propter excellentiam sexus. Et ergo ut in fœmineo quoque sexu liberatio ista pateret, oportuit Christum nasci ex fœmina. Item ad insinuandum veritatem generationis humanæ in Christo.

¶ An Christi corpus sit de purissimis sanguinibus Mariæ formatum.

2. An caro Christi fuit in antiquis patribus secundum aliquid signatum 3. An erat in eis peccato obnoxia 4. An fuit decimata in membris Abraham. Arti. 41.

A

Duertendum præterea, q̄ sicut in Christi generatione supernaturale fuit, quia virgo concepit & peperit: sic naturale erat, quod mater proli materiam ministravit. Mater enim secundū philoso. præbet materiam in generatione fœtus. Materia verò corporis humani est sanguis mulieris, ad ampliorem digestionem per virtutem generatiuā viri productus. & ergo ex tali materia christus est genitus. Vnde Damascenus tertio libro ait: Filius Dei construxit sibi ex puris & castissimis sanguinibus sanctæ virginis carnem animatā anima rationali. In generatione itaque Christi ex virgine non erat semē, vel menstruus sanguis: quia nec illa necessario requiruntur ad generationem, secundum philosophum.

2. ¶ Porro sanguis non est actu caro, sed potentia, Cū ergo sit corpus Christi ex sanguine virginis sumptum, non potest dici q̄ corpus Christi fuerit in Adam vel aliis patribus secundum aliquid signatum, videlicet quod de aliqua parte signata quæ fuit in illis, verum sit dicere, q̄ ex ea formatum sit corpus Christi. Nam quicquid in virgine matre ex parentibus acceptum extiterat, erat actu pars eius. Et ergo Christi corpus fuit in Adam & patribus secundum originem, sicut & cæteri. Vnde August. 10. super Genesim ad litteram dicit: Quocunque modo Christus fuit in Adam & Abraham, alij homines ibi fuerunt: sed alij non fuerunt ibi secundum aliquid signatum. Christus igitur fuit in Adam secundum corpulentā substantiam, non materialiter sed effectiue, siue secundum originem.

3. ¶ Denique quoniam Christus in Adam non fuit omnino eodem modo vt cæteri, ideo Christus non peccauit in Adā, nec caro eius peccato erat infecta. Item non est opinandum q̄ aliqua pars materiæ corporis fuit in Adam & patribus, nō tamen peccato obnoxia. Et de illa formatum sit corpus Christi, vt aliqui putant. Tota enim caro per concupiscētiā propagatur: & ergo tota inficitur. Hoc quoq; patet ex eo q̄ christus non fuit in patribus secundum aliquid signatum.

4. ¶ Adhuc autem secundum intentionem Apost. Christus non est decimatus in lumbis Abraham: quemadmodum Leui pronepos Abraham: Christi enim sacerdotium dignius est sacerdotio Leuitico, & secundum ordinem Melchis. appellatur. Sed Apost. probat sacerdotium Melchisedech præcellere sacerdotio Leui per hoc, quod Abraham decimas dedit Melchi

fedech. Leui existente in lumbis Abraham aui sui, qui enim decimas dat seipsum imperfectum fatetur, & perfectionem alij tribuit. Nam nouem quæ sunt numerus impar, reſeruat, & decimum quod est ſignum perfectionis numerorumque terminus, alij præſtat. Imperfectio verò hominum eſt propter peccatum, cuius curatio fit per Chriſtum. Melchisedech autem Chriſti figuram tenebat ſecundum Apoſtolum ad Hebræos 7 Per hoc ergo quod Abraham decimas dedit Melchisedech, figurauit ſe omnesque naſcituſ ex ſemine ſuo curatione indigere, qui in originali peccato cõcipiuntur, videlicet qui in Abraham fuerunt ſecundum corpulentam ſubſtantiam, ſeminalemque rationem. Sic autem Chriſtus in eo non fuit. Sed Leui & alij patres. Vnde & ipſi in Abraham decimati dicuntur, id eſt, præfigurati indigere illa curatione, quæ fit per Chriſtum: ſed Chriſtus fuit in Abraham non quaſi indigens curatione, ſed tanquam vulneris medicina.

¶ *Vtrum ſpirituffanctus fuit principium aſſuum in conceptione Chriſti 2. An Chriſtus ſit de ſpirituffancto conceptus 3. An ſpirituffanctus poſſit dici pater Chriſti ſecundum carnem 4. An uirgo mater aliquid aſſiue egit in Chriſti conceptione. Articulus 42.*

**R**ationabiliter quoque fertur ſpirituffanctus author & cauſa conceptionis Chriſti, quanuis tota trinitas cuius indiuiſa ſunt opera, operata ſit eam. Chriſti enim incarnatio ex diuina dilectione proceſcit per ſolam gratiam ſine meritis: ſpirituffanctus autem eſt amor patris & filij & dador gratiæ præueniens merita.

¶ *Propter hoc ergo Chriſtus conceptus dicitur de ſpirituffancto referendo efficaciam ſpirituffancti ad corpus aſſumptum: non tamen tenetur hæc propoſitio de proprie. Proprie autem dicitur aliquid de alio, quia eſt de ſubſtantia eius. Sed ex alio dicitur aliquid, quia producit ab ipſo.*

¶ *Amplius quanuis cæteri homines dicantur filij Dei propter ſimilitudinem naturæ vel gratiæ: Chriſtus tamen inquam homo, non dicitur filius ſpirituffancti, quanuis omni gratia eius repletus ſit. Nomen enim quod de aliquo dicitur ſecundum rationem ſuam perfectam, non dicitur de eodem ſecundum rationem imperfectam. Sicut homo quia de Petro*

dicitur secundum propriam suam rationem, non prædicatur de eo secundum quod homo depictus dicitur homo. Christus verò dicitur filius Dei secundum perfectam rationem filiationis, ut pote eiusdem naturæ cum patre existens. Non ergo dicitur filius dei, vel spiritus sancti secundum rationem filiationis incompletam, videlicet prout est creatus, vel iustificatus. Spiritus sanctus quoque non est pater Christi secundum perfectam rationem patris. Pater namque vocatur qui de sua substantia gignit similem sibi in natura, Christus autem ut homo non est eiusdem naturæ cum spiritus sancto & secundum quod deus non est de spiritus sancto, sed spiritus sanctus de eo. Patet itaque, quod spiritus sanctus nullo modo dicendus sit pater Christi.

4 ¶ At verò virgo mater in conceptione Christi nil a seivè peregīt, sed ministrauit materiam quam spiritus sanctus formavit: mater enim in generatione se habet per modum patientis, & pater per modum agentis: sed in cōceptione Christi spiritus sanctus supplevit vicem patris & seminis, quidam tamen oppositum æstimant.

*¶ Vtrum corpus Christi primo instanti conceptionis fuit formatum 2. An animatum 3. An assumptum 4. An illa conceptio erat miraculosa.*  
*Articulus 43.*

**T**Ria proinde in conceptione corporis attenduntur, videlicet motus localis, sanguinis ad locum generationis, formatio corporis ex tali materia, & corporis formati augmentum. Conceptio autem in formatione consistit, & ista formatio in Christi conceptione erat in instanti propter infinitam virtutem spiritus sancti. Et propter excellentiam verbi, quod non decebat assumere corpus imperfectum, sed primum & tertium erant in tempore: motus enim localis successivus est & temporalis.

2 ¶ Præterea in eodem instanti quo corpus Christi formatum siue conceptum est, est etiam animatum anima rationali: aliter illa conceptio non posset attribui filio dei, non enim assumpsit verbum dei nisi mediante, ut dictum est corpore.

3 ¶ Oportet etiam confiteri, quod in eodem instanti quo corpus Christi animatum est, sit anima Christi & corpus simul à verbo assumpta: aliter natura humana in Christo hā-

buisset ante assumptionem subsistentiam propriam, quam si sibi reseruasset, non esset Christus verus deus & verus homo in vnitate personæ. Si verò illam amisisset, corrupta fuisset.

4 ¶ Porro secundum Ambrosium libro de incarnatione, in hoc mysterio multa fuerunt secundum naturam, videlicet quæ matrem concernunt. Naturale enim erat vt fœmina conciperet, materiâque præberet. Sed considerando ea quæ ad virtutem actiuam huius incarnationis spectant, totum est supernaturale: vt quod spiritus sanctus virginem fœcundam effecit, illâsam seruauit, &c. Vnumquodque verò potius iudicandum est secundum agens & formam, quam secundum patiens atque materiam, idcirco simpliciter dicenda est Christi conceptio miraculosa fuisse quâuis secundum aliquid fuerit naturalis

¶ An Christus in primo suæ conceptionis instanti fuit sanctificatus per gratiam 2. An habens usum liberi arbitrij 3. Potens mereri 4. An fuit in illo instanti comprehensor. Articulus 44.

**H**abitu in super atq; ostensum est, quod vnio naturæ humanæ cum verbo in persona causa fuit gratiæ sanctificantis animam Christi. Sicut igitur Christus in primo instanti suæ conceptionis maternæ extitit deus & homo: sic & in eodem instanti repletus est omni gratia habituali, animam eius & corpus formaliter sanctificante.

2 ¶ Adhuc autem quia naturam humanam cum omni sua naturali perfectione ornatam assumpsit. Idcirco mox in primo instanti vsu liberi arbitrij humani habebat. Liberum quippe arbitrium est facultas rationis & voluntatis. Intellectus autem seu ratio atque voluntas in Christo à primo conceptionis instanti perfectè erant, non solum in habitu: sed etiam secundum actum completum, vt dictum est.

3 ¶ Ex istis demum colligitur, quod Christus in primo suæ conceptionis instanti meruerit, habuit enim vsu seu actum voluntatis ac liberi arbitrij plenissimè gratia informatum atque ad deum conuersum.

4 ¶ Porro, quoniam Christus in primo suæ conceptionis instanti gratiam sine mensura accepit, imò nec in gratia profecit, sed semper plenissimam habuit: sequitur, quod non tantam solum gratiam habuit, quantâ comprehensores in patria



sed omnibus ampliorem atque perfectiorem. Propter quod perfectus comprehensor existit à cōceptionis principio. Nā gloriam animæ non meruit, sed corporis: cuius immortalité & gloriam in primo instanti conceptionis promeruit, & etiam postea. Non enim inconueniens est idem sapius promereri, & aliquid esse alicuius ex pluribus causis.

¶ *An natiuitas sit naturæ, uel personæ 2. An in Christo fuerint duæ natiuitates 3. Quid uirgo Maria est mater Christi & genetrix dei 4. An Christus sit filius dei & hominis secundum duas filiationes 5. De modo, loco & tempore natiuitatis Christi. Arti. 45.*

**N**atiuitas uerò dupliciter alicui potest competere. Primo sicut subiecto. Et sic cum nasci sit idē quod generari, natiuitas pertinet ad suppositum siue hypostasim: esse enim atque subsistere suppositis conuenit. Secundo sicut termino: & sic natiuitas est naturæ, nam terminus generationis & cuiuslibet natiuitatis est forma, ad quam intentio naturæ terminatur. Sed quia in deo sunt idem in re, natura atque persona: idcirco quandoq; natura pro persona ponitur, ut cum Augustinus dicit in libro de fide ad Petrum: Natura diuina & æterna non posset concipi & nasci, nisi secundum ueritatem naturæ humanæ.

2 ¶ Denique motus diuersificatur & numeratur secundum terminos ad quos. Cū ergo natiuitas sit uia & uelut motus ad naturam, tanquam ad terminum: constat, in Christo duas esse natiuitates ponendas: vnam æternam, per quam accepit à patre naturam diuinam. Aliam temporalem, secundum quam à matre uirgine sumpsit naturam humanam.

3 ¶ Ideoq; uirgo benedicta mater Christi uera naturali sūque est & fuit, nam uerè ex ea natus existit, quia non corpus cœleste secum tulit, ut Valentius confinxit, sed ex purissimis gloriosissimæ puellæ sanguinibus carnem accepit & induit.

¶ Insuper iuxta præinducta, nomen quod in concreto naturam significat, potest supponere pro qualibet hypostasi illius naturæ, sicut hoc nomen homo, quia naturam humanam cōcretiue significat, potest supponere pro Petro & Paulo, aliisque hominibus. Cū ergo filius dei sit hypostasis atque persona naturæ humanæ in Christo, potest hoc nomen deus sup-

ponere pro illa hypostasi, id est, christo, seu verbo ac filio dei. Et ergo ista est vera: Maria est mater dei, cum sit mater Christi, qui est verus deus & vita æterna.

4 ¶ At verò filiatio concernit suppositum seu personam. In Christo autem non est nisi vna persona, & hæc est æterna. Propterea non est in Christo nisi vna realis filiatio. Relatio verò qua deus ad creaturam refertur, nō est realis in deo, sed in creaturis est reale correlatiuum. Vnde sicut deus est realiter dominus rerum creaturarum non propter realem relationem in ipso existentem, sed propter realem relationem creaturarum sic virgo sancta est realiter mater Christi, non propter realem relationem in Christo ad eam, sed propter realem relationē eius, vt pote maternitatem eius ad eum, harum enim relationum vna cointelligitur in alia. Quidam tamen ponunt duas filiationes in Christo. eo quod natiuitas filiationis sit causa.

5 ¶ Adhuc autem dolor patientium ex apertione meatuum contingit, per quos proles egreditur. Christus autem egressus est vterum virginis, ventre virgineo manente concluso. Non ergo virgo mater cum dolore peperit, sed cum ingenti lætitia. Iuxta illud Isa. 35. Germinans germinabit sicut lilium, & exultabit lætabunda & laudans. Nec erat in partu virginis obstetrix aliqua, secundum Hieronymum in libro contra Heluidium, sed vt Lucę secundo habetur, ipsamet virgo Maria infantem Iesum pānis inuoluit, atque in præsepio reclinauit. Quæ sententia apocryphorum deliramenta conuincit.

6 ¶ Amplius, quoniam sancto Dauid de Christo repromissio specialiter fuerat facta: idcirco Christus in Bethleem Iudæ de qua natus est Dauid, nasci elegit. Quemadmodum Mich. 2 prædictum est: Et tu Bethleem Ephrata, ex te mihi egredietur qui sit dominator in Israel. Item Bethleem interpretatur domus panis, congruenter ergo in ea est natus, qui de seipso testatur: Ego sum panis viuus. Quod autem scriptum est: Quoniam Nazareus vocabitur, ex verbo Isa. 11. acceptum est, vbi legitur: Flos de radice eius ascendet, nazareus namque flos interpretatur. Noluit quoque Christus Romæ nasci, ne propter potentiam ciuium putaretur sibi mūdum subiugasse, nec filius voluit esse Imperatoris, sed pauperulam matrem elegit, vt agnoscat diuinitas orbem commutasse terrarum.

7 ¶ At verò Christus eo tempore voluit nasci, quō totus or

## D. DIONYSII CARTHUSIANI

bis descriptus est: quatenus ipse sua descriptione, qua suam subiectionem ac seruitutem parentes eius fatebantur, ipse nos cœlo ascriberet, & à vetusta seruitute redemptos in libertatem filiorum reduceret. Item cum ipse sit princeps pacis tunc natus est dum maxima in mundo concordia fuit. Vnde Hieronymus super Isaiam dicit: Veteres recolamus historias, & inueniemus vsque ad. 28. annum Augusti Cæsaris in toto orbe terrarum fuisse discordiam: orto autem Christo omnia bella cessabant, quemadmodum Isa. secundo fuerat prophetarum: Non leuabit gens contra gentem gladium.

¶ An Christi natiuitas debuit manifestari omnibus,  
uel solum aliquibus 2. Quibus manifestari debue-  
rit 3. Quomodo seu per quos 4. De ordine quo-  
que huius manifestationis 5. De stella  
6. De ueneratione magnorum.  
Articulus 46.

**C**hristus autem ideo venit, vt sua passione mundum redimeret. Non ergo eius natiuitas omnibus manifestanda fuit. Si enim cognouissent, nunquam dominum gloriæ crucifixissent, secundum Apostolum. Item si omnibus patuisset, meritum fidei demeritum fuisset, fides enim ex auditu est, atque de his quæ non apparent.

2 ¶ Denique hoc deo solitum est, vt incerta & abdita suæ sapientiæ non statim omnibus, sed primo quibusdam reuelet, & per illos eadem aliis quoque denuntiet. Christi ergo natiuitas aliquibus manifestari debuerat, scilicet testibus præordinatis à deo. Quoniam v Christi natiuitas omnium salus fuit, idcirco omnium conditioni hominum manifestata fuit, videlicet pastoribus qui erant Iudæi, magis qui erant gentiles, Simeoni & Annæ. Est autem credibile, q̃ non solum pastoribus & Magis indicia natiuitatis Christi apparuerint, sed etiam aliis, & alibi. Nam Romæ fluxit oleum, & in Hispania apparuerunt tres soles paulatim in vnum coeuntes.

3 ¶ Insuper non decebat, vt Christus per seipsum suam natiuitatem manifestaret, hoc enim magis impediuisset fidem vere humanitatis eius, quàm confirmasset. Debuit ergo fratribus per omnia assimilari demptis defectu & vitio. Alia autem creata eius natiuitatem manifestando ipsum esse deum com-

probarunt. Porro vnumquemque illuminat prout capax existit. Cum ergo Simeon & Anna illa filia Phanuel iusti fuerint igitur per interiorē spiritus sancti instinctum de Christo edocti sunt. Pastores verò tanquam sensibilibus rebus occupati ac dediti, per angelos in sensibili forma apparentes instructi sunt, sed magis stella apparuit, quoniam magi & sapientes atque astrologi significationem stellarum potissime observabant. Item pastoribus tanquam fidelibus ac ratione utentibus apparere debuit animal rationale, id est, res non vivēs & muta. Refert verò Chrysost. in Apocryphis legi scripturis, quod gens quædam in extremis partibus orientis iuxta oceanum scripturam habebat ex nomine Seth de hac stella, & offerendis muneribus. Hæc ergo gens diligenter observabat huius stellæ exitum, positis duodecim exploratoribus in quodam monte, in quo postmodum stella apparuit, habens in se formam pueruli, crucem in humeris baiulantis. Alij asserunt, quod Magi isti securi sunt prophetam Balaam, qui dixit: Orietur stella ex Iacob. Sed secundum Augustinum angelica admonitio facta est magis.

4 ¶ Præterea rationabili ordine manifestata est Christi natiuitas, ipso enim die quo facta est, pastoribus per angelos paruit. Secundo apparuit Magis 13. die eodē anno. Si enim venissent Magi anno secundo, vel tertio, non inuenissent Iesum in Berthele, quia vt Lucæ 2. habetur: Postquā perfecerunt oīa secundum legem Moysi, Maria & Ioseph, offerendo Iesum in templum, reuersi sunt in Galilæam in ciuitatem suam Nazareth. Tertiò autem manifestata est iustis in templo octauo die. Cuius ratio est, nam per pastores signantur apostoli, per magos pagani, per iustos Iudæi in fine mundi conuertendi. Apostoli autem primo de Christo edocti sunt, deinde gentiles per eos tertio erudientur Iudæi in fine mundi. Chrysostomus demū super Matthæi. & Augustinus in sermone de Epiphania domini, dicunt stellam magis apparuisse per duos annos ante Christi natiuitatem. Alij autem dicunt, quod ipso die natiuitatis eis apparuit.

5 ¶ Porro stella quæ Magis apparuit, non erat stella cœlestis, mouebatur enim à septentrione in meridiem: quandoque etiam stabat, sed & in die apparuit, & interdum occultata fuit. Aliqui autem dicunt, quod spiritus sanctus apparuit in specie stellæ, sicut in forma columbæ in Christi baptismo.

## D. DIONYSII CARTHUSIANI

Nonnulli quoque affirmant, quod angelus qui pastoribus visus est, in specie stellæ magis apparuit. Sed probabilius dicitur quod erat stella de nouo creata in aëre motum habens secundum dei imperium. Quod verò Magi dixerunt: Vidimus stellam eius in oriente: non est intelligendum quod ipsis in oriente existentibus stella extitit in Iudæa. Dicitur enim Matthæi secundo, quod stella quam viderant in oriente, antecede-  
bat eos, vsque dum veniens staret suprâ ubi erat puer. Stella ergo in oriente fuit & illic primo apparuit.

¶ At verò Magi isti fidem gentium figurabant. Et ideo à spiritus sancto inducti sunt ad Christum inquirendum. Non enim qualem cunque regem, sed cœlestem atq; saluantem quærebant. Vnde dixerunt: Venimus adorare eum. Offerebant quoque munera puero. Aurum vt regi, Thus vt deo, Myrrhâ tanquam mortali.

¶ De Christi circuncisione 2. De appellatione 3. De oblatione 4. De matris eius purgatione. Articulus 47.

**M**ultis demum rationibus Christus circumcidi dignatus est. Primo, vt se verum corpus habere ostenderet. Secundo, vt legis præceptum commendaret. Tertio, vt se filium Abrahæ comprobaret. Quarto vt Iudæis excusationem auferret de sua perfidia. Quinto, vt obedientiæ virtutem ostenderet.

2 ¶ Denique sicut nomina indiuiduorum imponuntur ab aliqua proprietate eorum, videlicet ex parte loci, vel temporis, vel cognitionis, vel euentus, vel dispositionis: sic nomina quæ hominibus diuinitus imponuntur, designant donum gratuitum à deo ipsis collatum. Queniam admodum Abrahæ dictum est: Appellaberis Abraham, quia patrem multarum gentium constitui te. Quoniam ergo Iesu Christo prout homo est, diuinitus datum est, vt sit mundi saluator, conuenienter vocatum est nomen eius Iesus. Imponebantur verò nomina in veteri lege in ipso circuncisionis die, quoniam eodem die datum est Abrahæ circuncisionis præceptum & nomen impositum: qui enim ante circuncisionem decesserunt, sine nomine erant, & quasi non reputabantur fuisse. Propter quod Salomon de se Prouerbijs quarto ait: Ego tenellus fui, & vnigenitus coram matre mea, quanuis fratrem vterinum priorē

se habuit, sed ille ante nominis impositionem obierat.

3 ¶ Amplius in Leuitico præceptum fuit, vt proles post dies purgationis offerretur in templo, cū hostia quæ erat pro peccato in quo concepta fuerat proles, & etiam ad consecrationem aliquam prolis, quoniā tunc offerebatur in templo. Specialiter quoque de primogenitis iussu fuit, vt primogenita domino offerrentur. Quia ergo Christus venit legem implere, non soluere, factus enim ex muliere factus est sub lege, vt eos qui sub lege erant, redimeret: voluit in templo præsentari hostiāque pro se offerri, par turturum, aut duos pullos columbarum. Quæ tamen erat oblatio pauperum. Præceptum namque fuit Leuit. 22. vt qui possent agnum offerrent.

4 ¶ Propter easdem autem rationes quibus Christus sine omni culpa existens, voluit circumcidi & pro se sacrificium fieri, etiam genitrix eius benedictissima atque purissima voluit purificari secundum legem quauis splendissima illa maculam prorsus nesciret.

¶ De baptismo Iohannis 2. Quod fuit à deo 3. An contulit gratiam 4. An alij præter Christum ab ipso debent baptizari 5. De cessatione huius baptismi 6 Vtrum baptizati baptismo Iohannis rebaptizandi erant baptismate Christi. Articulus. 48.

**D**Ecuit verò Iohannem baptizare, Primo, vt Christus baptismum eius suscipiens, aquis vim abluendi peccata tribueret. Secundo, vt Iohannes Christum hominibus ad se venientibus annuntiaret, quem admodū ipse dicit: Vt manifestaretur in Israel, propterea veni ego in aquis baptizans. Tertio, vt homines ad Christi baptismum assuefaceret. Quarto vt pœnitentiæ baptismum prædicans, homines Christi baptismo dignos efficeret.

2 ¶ Præterea iste baptismus Iohannis fuit à deo, quantum ad ritum baptizandi. Nam familiari spiritus sancti instinctu Iohannes hoc fecit. Sed ipse effectus baptismi erat à deo per Iohannem, nil enim ibi fiebat quod homo facere nequeat. Nam solum corpus lauabatur. Et ergo vocabatur baptismus Iohannis, non dei. Non est autem datum Iohanni facere aliquod signum, ne homines sibi principaliter tanquam Christo attē-

derent, & non solum ut præcurfori.

3. ¶ Insuper tota prædicatio & vita Iohannis erat dispositio ad Christum, Christus verò est gratiæ dator, nam gratia & veritas per Iesum Christum facta est Ioannis primo. Baptismus ergo Ioannis non præstitit gratiam, sed præparabat ad eam, quemadmodum ipse ait Mat. 3. Ego vos baptizo in aqua, ille vos baptizabit in spiritu sancto. Quod enim Christus spòsus perfecit, hoc eius paranympus Iohannes incepit.

4. ¶ Elucescit autem ex his, quod non solum Christus, sed etiam alij baptizandi erant baptismo Ioannis, Cuius aliam causam inducit Augustinus: Nam si solus Christus baptismum Iohannis suscepisset, aliqui æstimassent baptismum Iohannis digniorem fuisse baptismate Christi.

5. ¶ Amplius baptismus Ioannis non statim cessauit Christo baptizato, sed postea, scilicet Iohanne incarcerato: non enim statim cessauit, quia baptizando plures ad Christum transmisiit eumque euidentius manifestauit.

¶ Adhuc autem secundum Magistrum secunda distinctione quarti Sententiarum, baptizari à Ioanne, qui ignorabant spiritum sanctum esse, & ponebant spem in Ioannis baptismate, rebaptizandi erant Christi baptismato. Sed illi qui spem in Ioannis baptismate non ponebant, & patrem ac filium sanctumque spiritum esse credebant, rebaptizandi non erant. Sed per impositionem manuum apostolorum, spiritum sanctum receperunt. Hæc autem positio pro prima sui parte vera est, ut multæ autoritates ostendunt, quantum autem ad secundam partem suam, poenitus irrationabilis est. Nam baptismus Ioannis neque gratiam contulit, neque characterem impressit. Et ergo fides, vel spes in Christum hunc defectum supplere non valuit. Item dum illud in sacramento omittitur, quod de necessitate est sacramenti, oportet non solum omissa suppleri, sed sacramentum renouari. Sed de necessitate sacramenti est ut fiat non solum in aqua, sicut fiebat Iohannis baptismus, sed etiam in spiritu sancto. Iuxta illud Ioannis tertio: Nisi quis renatus fuerit ex aqua & spiritu sancto, non potest intrare in regnum cælorum. In illis igitur à Ioanne baptizatis quod deerat spiritu sancto, non fuit tantum per manuum impositionem supplendum, sed per baptismi Christi acceptionem. Qui autem ab apostolis, imo, vel à Iuda proditore baptizati erant, non rebaptizabantur, illi enim baptizabantur in vir



tute Christi. Vnde baptizati à Philippo diacono qui christi baptismum donauit, rebaptizati non sunt: sed receperunt manuum impositionem per apostolos, sicut à sacerdotibus baptizati confirmantur per episcopos. Apostoli autem secundum augustinum ad Selenianum baptizati erant, vel baptismo Ioannis, nam quidam eorum eius discipuli: vel quod credibilis est, à domino Iesu Christo: qui etiam pedes eorum lauare non spreuit. Iohannes quoque Baptista à Christo secundum aliquos fuit baptizatus, & secundum Hieronymum certum est, quod ad minus in spiritu sancto baptizatus ab eo sit.

¶ *Vtrum Christus debuit baptizari .2. An à Iohanne baptizari debuit. 3. De tempore quo est baptizatus. 4. De loco illius baptismi. 5. De apertione cœli. 6. De spiritu sancto in specie columbæ super Christum descendente. 7. De uoce patris super Christum: Hic est, et cætera. Articulus. 49.*

**V**oluit igitur Christus baptizari secundum Ambrosium, non ut mundaretur, sed ut mundaret: & ut totum veteranum Adam aquis immergeret, secundum Gregorium Nazanenum.

2. ¶ Baptizatus est autem Christus baptismo Ioannis quatenus eius approparet baptismum, & ut sanctificaret nostrum baptismum, atque ut nos suo exemplo ad baptismum induceret.

3. ¶ Denique conueniens fuit, ut Christus tricesimo anno baptismum reciperet, nam extunc prædicare atque docere volebat. Prædicare verò & docere solis viris competunt per festam ætatem habentibus. Item ut ostenderetur, quod baptismus nouæ legis reddit virum perfectum: & etiam quia Christo baptizato, legalia cessare cœperunt: & ideo ea ætate Christus baptizari volebat, quando certissimum fuit, quod ideo legem non soluit, quoniam eam implere non potuit.

4. ¶ Porro in Iordane Christ<sup>9</sup> baptizatus rationabiliter fuit. Sicut enim per Iordanem filij Israel ingressi sunt terram promissionis: sic Christi fideles per eius baptismum introeunt patriam felicitatis cœlestis. Vnde sicut mare rubrum designauit Christi baptismum, quo ad liberationem à peccato & potestate diaboli: sic Iordanis fluëus eundem figurabat, quo ad introitum cœli.

5. ¶ At verò Christo baptizato aperti sunt cœli, quoniam in baptismo operatur virtus cœlestis. Item quia per baptismum qui est fidei sacramentum, nam in eo baptizandi sine profitentur per se, vel per alios, homo recipit gratiam spiritus sancti, per quam contemplari debet cœlestia. Rursus quia per Christi baptismum omnia peccata donantur atque cœlestia regna aperiuntur. Apertio verò hæc cœli, non est intelligenda secundum materialem rupturam, sed referenda est ad spirituales oculos, vel ad imaginariam Christi visionem, quemadmodum Ezechiel cœlos se vidisse apertos commemorat.

6. ¶ Dicit quoque Chrysostomus: Omnia quæ circa Christum in baptismo accidebant, pertinent ad omnium baptismorum mysterium. Idcirco ad insinuandum quod in Christi baptismo confertur gratia spiritus sancti, apparuit atque descendit spiritus sanctus in Christum in specie columbæ, & mansit super eum, quanvis tunc nil gratiæ Christo accreuerit quippe qui à conceptionis suæ instanti omni gratia, sapientia, atque perfectione summè ornatus plenúsque extitit.

¶ Et quoniam baptizandus sine simulatione accedere debet: ideo spiritus sanctus in specie columbæ apparuit, quia columba simplex est animal. Item ad designandum septem dona spiritus sancti, quæ columba suis proprietatibus signat. Columba namque iuxta fluviâ inhabitat: quatenus viso accipitre se mergat atque euadat. Per quod figuratur donum sapientiæ, per quod sancti iuxta scripturæ fluviâ resident, ut dæmonis incursum euitent. Columba quoque meliora grana colligit, quo signatur donum scientiæ, per quod boni sanas sententias quibus aluntur, congregare non cessant. Columba quoque alienos pullos fouet, quod ad donum consilij attinet per quod sancti alios verbo & vita pascunt. Item columba rostro non lacerat: quod ad donum intellectus respicit, quo sancti veras fidei sententias nullatenus lacerant. Columba quoque selle caret, quod donum pietatis concernit. Et in cavernis nidificat, quod ad donum fortitudinis spectat. Per quam fideles in Christi vulneribus commorantur. Item pro cantu gemitum habet, quo donum figuratur timoris, per quæ sancti delectantur in gemitu pro peccatis.

6. ¶ Porro in Christi operibus qui veritas est nihil esse cœdacer fictum. Et ergo illa columba non erat fantastica, sed vera, & de nouo creata secundum Augustinum: quæ pe-

ratio suo ministerio esse desuit.

7. ¶ Præterea, quia noster baptismus in virtute & inuocatione patris & filij ac spiritus sancti consistit, datur atque perficitur: ideo non solum spiritus sanctus prædicto modo Christo apparuit, sed & vox patris audita est: Hic est, inquit, filius meus dilectus. Et bene in voce apparuit pater. Nam ei est proprium verbum proferre. Missio verò includit aliquid amplius quàm apparitio, vtpote authoritatem mittentis super missum. Cum ergo filius & spiritus sanctus à patre emanent, non solum apparere, sed etiam mitti dicuntur. Sed quoniam pater à nullo est non dicitur mitti, sed apparere.

¶ *Vtrum Christus debuit ducere uitam solitariam. 2. An austeram. 3. An abiectam. 4. An secundum veterem legem. Articulus 30.*

**B**ene autem congruit Christo, vt inter homines conuersaretur. Venit enim prædicare hominibus, & peccatores instruere atque sanare. Vnde de Iohan. 19. ait Ego in hoc natus sum vt testimonium perhibeam veritati. Hæc autem conuenientius fiunt per conuersationem communem & mutuam quàm solitariam. Et quanuis Christus solitarie conuersando omnes attrahere potuit, dedit tamen nobis exemplum, vt quandoque requiramus pereuntes.

2. ¶ Denique quoniam Christus inter homines conuersari familiariter voluit, austeram vitam in parsimonia & abstinentia non elegit, sicut Iohannes. Sed in cibo & potu communiter habuit se: sicut & alij. Non enim in ipsa abstinentia consistit perfectio essentialiter, sed instrumentaliter, & secundum dispositionem, qua Christus nõ eguit, qui peccare non potuit sed communiter se habendo in cibo, alijs fiduciam veniendi ad se prestitit.

3. ¶ Insuper Christus pauperem vitam elegit, quoniam prædicatorem verbi diuini decet terrena despiciere. Secundo, ne si diuitias haberet, eius prædicatio cupiditati ascriberetur. Tertio, vt eius inopia ditaremur. Quarto, vt quando in paupertate erat abiectior, tanto in eius operibus cognosceretur euidentius operata diuinitas.

4. ¶ Præterea Christus secundum legem in omnibus est conuersatus. Nam circumcisis est, circumcisio autem pro-

## D. DIONYSII CARTHUSIANI

testatio est legis implendæ, iuxta illud Apostoli ad Galatas quinto: Testificor omni homini circumcidendi se, quoniam debitor est vniuersæ legis faciendæ. Christus igitur secundum legis præcepta viuere voluit. Primo, vt legem approbaret. Secundo, vt eam obseruando in seipso terminaret. Tercio, vt Iudæis calumniandi occasionem auferret. Quarto, vt nos à legis iugo ac seruitute redimeret.

¶ *Vtrum conueniens fuit Christum tentari. 2. De loco quo tentatus est. 3. De tempore huius tentationis. 4. De modo tentationum. 5. De ordine earum. Art. 51.*

**P**Roinde tentari Christus volebat, vt nobis contra tentationes opem impenderet. Item, vt nemo se à tentatione tutum existimet. Et item, vt nobis formam vincendi ostenderet, atque de sua misericordia fiduciam condonaret. Diabolus ergo Christum tentauit, quia cum esse dei filium non certitudinaliter propter carnis infirmitatem, sed coniecturaliter propter miracula recognouit, secundum Augustinum 9. de ciuitate dei.

2. ¶ At verò tunc diabolus hominem audentius accedit, dum solus, quoniam Eccês 4. habetur: Si quispiam præualuerit contra vnum, duo resistent ei. Quoniam itaque Christus tentari volebat, in desertum exiuit, quasi ad locum certaminis, vt ibi tentaretur à Zabulo.

3. ¶ Insuper post quadragesimale ieiunium, Christus tentari dignatus est: vt instrueret nos, quia per sacrum ieiunium armari oporteat contra inimici insidias. Secundo, vt ostenderet quod ieiunantes diabolus tentat: sicut & eos, qui alijs bonis intendunt. Tercio, quia esuries Christi fuit occasio demoni ad tentandum, videns nanque Christum pati carnis infirma, suspicatus est non esse filium dei. Esuries verò Christi secundum Hilarium non fuit ex surreptione inedia, sed quoniam verbum naturam assumptam sibi ipsi reliquit secundum dispensationem voluntatis diuinæ.

4. ¶ Porro diabolus de his vnumquemque primo tentat, ad quæ videt eius affectum magis inclinatum. Et ergo sanctis ac perfectis hominibus non statim proponit magna peccata, sed minima: quæ secundum Gregorium sub specie vir-

tutum se ingerunt : sicque ad grauiora paulatim conatur inducere, quæadmodum in primi hominis tentatione videmus. Primo nanque sollicitauit animum Adæ de ligni vetiti esu, cū dixit, Cur præcepit vobis deus, ne comederetis de omni ligno paradisi? Secundo de inani gloria, cum subdit, Aperientur oculi vestri. Tertio autem tentationem protendit ad extremā superbiam dicens. Eritis sicut dii. Et huuc ordinem in Christi tentatione seruat. Nam primo de gula tentauit. Secundo de inani gloria. Tertio de magna superbia, dum omnia ei regna mundi promisit. Statuit autem diabolus Christum super pin-naculum templi, sed ignorāte diabolo, Christus se inuisibilem fecit, secundum Chrysostomum.

¶ *An Christus debuit solis Iudæis prædicare. 2. An debuit eorum turbationem vitare. 3. An debuit publicè prædicare. 4. An debuit uerbo uel scripto docere. Artic. 32.*

**F**uit demum conueniēs, ut Christus prædicaret solis Iudæis, & post eum Apostoli eius ad tēpus, quoniā Iudæis specialiter facta erat de Christi aduentu promissio. Secundo, quia Iudæi erant Deo propinquiore propter legis notitiam. Tertio, ut Iudæis occasionē calumniandi Christumque negandi subtraheret. Quarto, quia principatum super gentiles Christus sua passione promeruit, secundum illud Apostoli ad Philippē. 2. Christus factus est obediens usque ad mortē. Propter quod & Deus exaltauit illum, & cætera. 2. ¶ Denique bonum commune non est propter aliorum scandalum omittendum, præsertim dum scandalum aliorum ex malitia oritur. Christus ergo, qui venit prædicare viam salutis toti populo, non debuit suam doctrinam omittere propter phariseorum & scribarum atque pontificum scandalum ex magna eorum prauitate exortum. Propter quod discipulis dixit : Sinite illos, cæci sunt & duces cæcorum. Debemus verò scandalum aliorum vitare, ne nostro dicto vel facto minus recto scandalizentur.

3. ¶ At verò Iohan. 18. Christus dixit : In occulto locutus sum nihil. Tota ergo Christi doctrina in publico fuit. Nam ea quæ seorsum discipulis dixit, sic dixit quod omnibus ea in notescere cōgruo tēpore voluit. Christus enim non intēdebat

## D. DIONYSII CARTHUSIANI

doctrinam suam occultare ex inuidia vel inhonestate.

¶ Veruntamen aliqua eius dogmata in occulto erant, quantum ad modum proponendi, ut quæ in parabolis dixit: quod ideo fecit, quoniam turba nec digna fuit neque idonea nudâ veritatem percipere. Quod tamen Matthæ. deci. tert. dicitur Christus sine parabola non loquebatur eis, videlicet turbæ, referendum est secundum Chrysost. ad illum sermonem, alia nanq; multa sine parabolis eis proposuit.

4. ¶ Præterea Christus librum nullum cōscripsit, cum enim sit doctor doctorum atque magister altissimus, excellentissimus modus docendi sibi competebar, videlicet ut immediate in cordibus auditorum verba sua imprimeret, non in animata materia. Vnde & apud gentiles, Socrates atq; Pythagoras, qui erant excellentissimi doctores, nil scribere voluerunt. Itē Christus libros non edidit, quatenus doctrina eius ordinate ad omnes veniret, videlicet primo ad Apostolos ab ipso, & per Apostolos ad nos, quæ enim à deo sunt ordinata sunt. Refert autem Augustinus primo de consensu Euangelistarū, quosdam gentilium qui Christum tanquam sapientissimū virum blasphemare vel culpāre non audent, mirari, cur librum nullum compegit: vnde discipulos eius asserunt plus tribuisse suo magistro quā erat, ut dicerent eum verbum quo facta sunt omnia, deiq; filium. Alij verò gentilium asseruerunt Christum libros magica continentes scripsisse, quibus miracula fecit: & tamen illi gentiles qui se tales Christi libros legisse affirmant, tale nil agunt qualia Christum de libris huiusmodi fecisse mirantur. Asserunt quoque tales libros à Christo, Petro & Paulo tanquā epistolas missas: cū tamen Paulus Christo in mundo viuenti nunquā adhæserit, nec eius discipulus fuerit.

¶ *Vtrum Christus debuit miracula facere. 2. Qua uirtute ea fecit. 3. Quo tempore incœpit. 4. An per miracula talia sufficiēter ostensa sit eius diuinitas. Ar. 53.*

**M**iraculorum insuper virtus seu gratia, confertur diuinitus homini propter duo. Primo, ut eius doctrina ostendatur esse à Deo, quemadmodum litera signatur annulo regis, ut sciatur missa à rege. Secūdo, ut cognoscatur Deus esse in homine per gratiam, per hoc quod operatur in eo. Quoniam ergo Christi doctrina super-

naturalis fuit ipseque; Christus filius dei naturalis non adoptivus, vtrunq; istorum per miracula ostendi oportuit. Nam sicut conclusio naturalis scientiæ per rationem humanā probatur: sic fidei veritas per miracula quasi per diuinæ virtutis argumenta ostenditur: & ergo Christus miracula fecit.

2. ¶ Præterea vera miracula sola diuina virtute fieri possunt, nam Deus duntaxat ordinem naturæ potest immutare.

3. ¶ Ex istis elicitur, quod Christus ante trice. ætatis suæ annum non fecit miracula: sed primum eius signum fuit in nuptijs, conuersio aquæ in vinum. Nam miracula (vt dictum est) ad suæ doctrinæ manifestationem spectabant: non autē cœpit prædicare, nisi in perfecta ætate, videlicet in 30. anno. Vnde Chrysostomus ait: quod in prima ætate non fecit miracula, quia putassent fantasiam esse eius incarnationē, & ante tempus opportunum cruci eum affixissent. Et ideo Ioannes Baptista dixit: Vt manifestaretur (scilicet Christus,) in Israël: propterea veni ego in aqua baptizans. Si verò Christus ante hoc tempus fecisset miracula, non fuisset necessaria manifestatio Ioannis de ipso.

4. ¶ Amplius Christi miracula eum esse verum Deum ostendunt, fecit enim ea quæ omnem virtutem creatam transcendunt, & quæ alius nullus fecit: vt est illuminatio cæci nati, & alia quæ in Euangelio conscribuntur. Item hoc patet ex modo agendi, fecit enim miracula propria virtute imperando. Nam virtus exibat de illo & sanabat omnes. Sed & quotquot fimbriam vestium eius tangebant, sani fiebant. Tercio patet hoc idem ex doctrina, quam docuit. Asserebat enim se esse Dei filium patri æqualem. Si verò hoc falsum fuisset, per miracula vera atque diuina confirmatum non fuisset, Deus namque falsitatis confirmator non esset.

¶ De miraculis Christi circa spirituales substantias. 2. Circa cœlestia corpora. 3. Circa homines. 4. Circa irrationabilia. Articulus 54.

**H**Oc insuper quod per Christi incarnationē & mortem fideles à dæmonum potestate redimuntur, Christus signauit ab obsessis corporibus dæmones expellendo, quemadmodum Zacha. 13, dicitur: Spiritū immundum auferam de terra. Et ergo inter cætera sua mira-



cula voluit Christus obsessos à dæmonibus liberare. Præstè-  
sum est quoq; ex verbis Aug. 9. de ciuitate Dei, quod Christus  
dæmonibustatū innotuit, quātū voluit: & rātū voluit, quantū  
oportuit. Nā certitudinaliter nō sciebāt eum esse filiū Dei, sed  
suspiciatiue. Vnde patet, quod non ideo persuasit dæmon lu-  
dæis crucifigere eum, quia Christum esse vel Dei filium non  
putauit: sed quoniā nō præuidit se morte illius damnandum.  
De hoc nanque mysterio à seculis abscondito Apost. asserit,  
quod nemo principum huius seculi hoc cognouit: si enim co-  
gnouissent, nunquam dominum gloriæ crucifixissent.

2. ¶ At verò circa cœlestia corpora Christus miracula fe-  
cit, quia per hoc eius diuinitas magis innotuit. Nam inferiora  
corpora ab alijs causis à suo motu, actu, & ordine trāsmutari  
possunt: non autē cœlestia corpora, secundum Diony. in epi-  
stola ad Polycarpum. Eclipsim verò quæ in Christi passione  
fuit, dicit Hiero. accidisse per retractionē radiorum solis. Ori-  
genes autē per interpositionē densissimarū plurimarūmq; nu-  
bium. Nam & eclipsim & terræmotum ponit nō fuisse: nisi in  
terra Iudææ & circa Hierusalem. Sed in his magis credendū  
est Dionysio, qui eclipsim hāc vidit, atq; per interpositionem  
lunæ inter solem & nos eam contigisse affirmat. Ponit itaque  
Dionysius in epistola ad Polycarpum quatuor mirabilia, quæ  
in illa eclipsi fiebant. Primo, quoniam naturalis eclipsis fit so-  
lum tempore coniunctionis: tunc verò erat oppositio, erat  
enim luna quintadecima, quia & tunc pascha Iudæorum fuit.  
Secundum mirabile fuit, quod cum luna fuisset soli supposita  
circa sextam horam in medio cœli: tamen in vespertis resti-  
tuta erat suo loco in oriente opposita soli: & sic ordo tem-  
porum non est turbatus. Tertium, quia Eclipsis naturaliter  
incipit ab occidente & peruenit ad orientem, quoniam mo-  
tus lunæ in proprio orbe velocior est motu solis in circulo  
proprio, & ita pertransit solem ab occidente accedens, sed  
tunc luna jam pertransiuerat solem distans ab eo per medie-  
tatem circuli in oppositione existens: idcirco oportuit vt ab  
oriēte reuerteretur ad solem, & primo attingeret eum à par-  
te orientali illāmque primitus eclipsaret. Quartum mira-  
culum fuit, quod in eclipsi naturali illa pars solis primo reap-  
paret quæ primo obscurata fuit: luna enim directe pertran-  
sit solem veniendo ab occidente proprio motu: sed tunc lu-  
na miraculose ab orientē in occidentem reuertens, non per-

transiit solem vt esset eo orientior: sed cum peruenisset ad terminum solis redijt versus orientem, sicque partem ultimo occupatam primo reliquit, vnde & pars ultimo obscurata primitus fuit. Quintum miraculum addit Chrysostomus super Matthæum: Quoniam naturalis eclipsis cito pertransit, hæc verò diu durauit, propter quod luna sub sole quieuit. Sed vt narrat Origenes super Matthæum: Contra hoc filij huius seculi dicunt: Quomodo nullus Græcorum vel barbarus tam mirabile factum descripsit? Et dicit Origenes, quod quidam nomine Flegon in Chronicis suis scripserit, istud in principatu Tiberij Cæsaris accidisse: sed non ponit, quod luna fuerit plena. Potuit ergo hoc ideo euenisse, quod astrologi tunc non sollicitabantur de aliqua eclipsi, eo quod tempus aptum non foret: & ergo immutationem talem putabant ex aliqua passione aëris causatam. Sed in Aegypto, vbi propter aëris serenitatem nubes raro apparent, Dionysius & socij eius permoti sunt ad obseruandam atque scrutandam istam eclipsim.

3. ¶ Præterea circa homines Christus multa miracula perpetravit, vt se animarum saluatorem, omniumque ostenderet redemptorem. Fecit autem miracula in hominibus, nō solum eorum corpora immutādo, sed etiā animas exterius alliciēdo vel terrendo aut obstupefaciendo: sicut quando eiecit de templo omnes vendētes & emētes in eo, quod secundū Origenē maius miraculum erat quā conuersio aquæ in vinū, quoniā tot milia ita compescuit. Radiabat enim quidam fulgor diuinus, sydereus atque cœlestis ex oculis eius, in quo resplendebat intus latens diuinitas, secundum Hieronymum. Itē quando abscondit se, non vtiq̃ue formidando, vel post murum latendo, sed transiens per medium illorum ibit ipsis non sentiētib. Item dum dixit in passione, Ego sum, quo audito obstupefacti Iudæi abierunt retrorsum & ceciderunt.

¶ Rursus cum dei perfecta sint opera, ideo Christus omnes curauit in anima, quos curauit in corpore: quoniam sanitas corporis ad animæ referenda est commodum. Sed & in instanti sanauit quos curauit, dempto cæco, de quo scribitur Marci octauo, quem successiue illuminauit, ad figurandum magnitudinem cæcitatē humanæ.

4. ¶ Amplius in omnibus creaturarum generibus Christus miracula fecit, vt se omnium rerum dominum comprobaret:

non tamen circa bruta animalia. Illa enim conuenientiā habent cum homine, nam eodem die sunt facta quo homo, & quantum ad sensitivam naturam, est eadem ratio de vrisque. In plantis autem fecit miraculum, dum eo iubente ficulnea aruit. Item in mari & aëre, quando præcepit vento & mari, & facta mox est tranquillitas magna. In piscibus quoque, dum copiosa piscium multitudo inopinabiliter capta est, & in pisce, in cuius ore Petrus staterem reperit.

¶ Multiplicatio autem panum non fuit per creationem, sed per conuersionem alicuius in panes.

¶ De transfiguratione Christi. 2. An claritas illa fuit dos animæ. 3. De testibus transfigurationis. 4. De testimonio patris. Articulus 55.

**V**oluit autem Christus coram discipulis transfigurari, ut ostenderet mercedem expectandā in patria dandam pro tribulationibus vitæ præsentis: quatenus per hoc animarentur & certificarentur in laboribus ac passionibus.

2. ¶ Porro dotes corporis gloriosi ex beatitudine animæ deriuantur. Claritas autem Christi in transfiguratione ex eius diuinitate & felicitateq; animæ originata fuit: & ergo claritas secundum essentiam fuit claritas gloriosa: non autem secundum modum essendi. Claritas nanq; gloriosa, sicut & aliæ dotes animæ, fuit qualitates manentes & fixæ. Hæc verò talis nō fuit, sed statim disparuit. Ideoq; dicendum non est, sicut Hugo de sancto Victore asseruit, quod Christus dotes corporis in hac vita assumpsit, videlicet claritatis in transfiguratione, agilitatis ambulando super mare, subtilitatis egrediendo de matre, virgine permanente, impossibilitatis in corpore, quod sub speciebus sacramentalibus dedit apostolis. Claritas igitur ista nō erat dos animæ, sed similis doti quæ miraculose assumebatur a Christo. Quemadmodum autem claritas illa corporis Christi significauit claritatem, quam nunc habet in patria: sic claritas vestium eius designat claritatem sanctorum, & nubes lucida figurauit spiritus sancti gloriam, vel virtutem paternam, qua sancti protegentur in gloria, secundum Origenem.

3. ¶ Deniq; quoniam Christus ad gloriam adducit tam sanctos qui fuerunt ante se, quàm eos qui post se fuerunt: idcirco

testium transfigurationis eius quidam eum præcesserunt, videlicet Moses & Helias, quidam post eum secuti sunt, scilicet apostoli qui secum ad erant, Petrus, Ioannes, & Iacobus. Non est autem opinandum, quod Moses resurrexit, sed in corpore aliquo assumpto apparuit, quomodo angeli apparere consueverunt.

4. ¶ Insuper in transfiguratione atque baptismo Christi, vox patris audita est: Hic est filius meus dilectus, ad ostendendum, quod Christus sit filius naturalis, cuius filiationis quandam similitudinem sortiuntur fideles per gratiam quæ in baptismo datur, atque per lumen gloriæ quæ in Christi transfiguratione significabatur. Vnde & spiritus sanctus, in nube lucida in transfiguratione apparuit, quia in gloria futura omnes sancti fulgebunt ut sol.

¶ *Vtrum necesse fuit Christum pati pro mundi salute.*

2. *An possibilis fuit alius modus liberationis.* 3. *An ille modus fuit conuenientior.* 4. *An in cruce conueniens erat Christum pati.* 5. *De generalitate passionis Christi.* 6. *An maxima fuit.* Articulus 56.

**N**ecessarium verò fuit Christum pati, non necessitate absoluta, sed necessitate conditionata, seu ex suppositione finis. Primo ex parte nostri, qui per eius passionem redempti sumus. Secundo ex parte Christi, qui sua passione immortalitatem corporis meruit & gloriam exaltationis. Tertio ex parte dei, qui Christi passionem per prophetas prædixit. Propter primum istorum Ioannis 3. dicitur, Oportet exaltari filium hominis, ut omnis qui credit in eum non pereat, &c. Propter secundum Lucæ ultimo, Oportuit Christum pati, & sic intrare in gloriam suam. Propter tertium Lucæ 22. Filius hominis secundum quod diffinitum est, vadit.

2. ¶ Porro possibile & impossibile dicuntur dupliciter, scilicet absolute & ex suppositione. Cum ergo non sit apud deum impossibile omne verbum, certum est, quod simpliciter loquendo seu absolute, non erat impossibilis alius modus liberandi. Sed ex suppositione, videlicet præsupposita præscientia & præordinatione diuina, quæ falli, cassarique nequit.

Et simile est de omnibus à deo præordinatis atq; præscitis.

3. ¶ Præterea per illud fit aliud conuenientius, in quo plura continentur quæ fini operis profunt: & ideo passio Christi cōuenientissimus modus extitit nostræ reparationis. Nam ex passione Christi cognoscimus charitatem patris & filij circa nos. Item per passionem dedit nobis filius perfectum exemplum humilitatis, obedientiæ, constantiæ, patientiæ. Rursus per passionem non solum pro nobis satisfecit à peccato purgando, sed etiam gratiam iustificantem, & gloriam animæ nobis pro meruit. Item per hoc, quod Christus tanta pro nobis sustinuit, imminet nobis maior necessitas peccata vitandi. Itē hoc pertinet ad gloriam hominū, quod sicut homo à dæmone victus fuit: sic homo dæmonem vicit.

4. ¶ At verò conuenientissimum erat Christum pati in cruce, vt daret exemplum perfecte fortitudinis, per quam non solum non formidemus mortem, sed nec aliquod genus mortis. Inter omnia nanque genera mortis nil erat execrabilius aut formidabilius hoc genere passionis. Secundo, quia primus homo in ligno peccauit, & ergo Christus in ligno redemit. Tercio, quia vt etiam aërem emundaret, voluit leuari in alto.

Quarto, quia in alto moriens regni nobis cœlestis ascensum disponit. Quinto, quia per quatuor cornua crucis signantur quatuor partes mundi, quas Christus redemit, qui totum mundum venit saluare. Et ergo Ioannis duodecimo ait: Ego si exaltatus fuero à terra, omnia traham ad meipsum.

5. ¶ Præterea passus est Christus omnes passionis generis humani non in specie, sed secundum genus. Nunc autem est sermo de passione ab extra illata. Passus quippe est à gentilibus & Iudæis, à viris & fœminis, puta ancillis Petrum accusantibus: à principibus quoque ministris & populo, à familiaribus & notis scilicet Iuda prodente & Petro negante: secundo patet hoc ex his, in quibus homo pati potest. Passus enim est Christus in amicis ipsum derelinentibus, in fama per blasphemias, in gloria & honore per irrisiones & contumelias sibi illatas, in vestibus sibi ablatis, in anima quoque per tedium atque tristitiam ac timorem. Tertio potest hoc considerari quantum ad corporis membra, in omnibus nanque membris & organis sensuum passus est.

6. ¶ Præterea sicut ostensum est, in Christo fuit dolor interior atque exterior: vterque autem in eo maximus fuit pro-

pter quatuor . Primo ex parte causæ, dolor enim exterior ex corporali læsione causatur, quæ læsio in Christo maxima fuit, tum propter generalitatem, quia in omnibus membris est læsus: tum propter genus mortis, nam mors confixorum in cruce acerbissima est, configuntur enim in locis nervosis & maxime sensibilibus, scilicet manibus & pedibus. Ponderus quoque pendens corporis continuè auget dolorem . Tales etiam non statim moriuntur, sed diu cruciantur. Causa autem interioris doloris Christi fuit totius mundi iniquitas, & maxime casus ac cæcitas Iudæorum. Pro quibus omnibus soluit quæ non rapuit. Scandalum etiam discipulorum suorum. Secundo dolor augetur ex perceptibilitate corporis. Cū ergo Christi corpus fuerit optime complexionatum. Nam secundum Chrysostomū quæ miraculose sunt, meliora sunt: patet, quod sensus tactus maximè vigoit in Christo, vires quoque apprehensivæ interiores perfectissimè in ipso fuerunt. Tercio patet idem ex doloris puritate. In Christo enim tempore passionis nulla fuit redundantia consolationis superiorum virium ad inferiores, secundum Damascenum. Item quoniam Christus voluntariè mortem assumpsit, in tantum sustinuit, quod passio eius proportionata fuit fructui passionis, ob quem mori dignatus est. Et ergo vehementissime passus fuit, quanvis aliqui martyres quantū ad vnam causam doloris, bene grauius passi sint eo, videlicet quātum ad corporalem læsionem, vt Laurentius seu Vincētius. Vita verò corporalis Christi propter diuinitatem vnitam dignissima fuit, & ergo ob eius amissionem Christus doluit.

- ¶ Vtrum tota anima Christi patiebatur. 2. An passio eius gaudium fruitionis impediuit. 3. De tempore quo passus est. 4. De loco passionis. 5. Cur inter latrones suspensus sit Christus. 6. An passio eius & diuinitati attribuenda. Articulus 57.

**T**otum itaq; respectu partium dicitur. Anima autem secundum essentiam simplex est, sed partes eius potestatiuæ dicuntur potentia eius. Potentia verò dupliciter pati potest, scilicet propriè & à suo obiecto, vt dum tactus à calore affligitur. Secundo ratione subiecti, in quo fundatur, vt dum pupilla pungitur, visus patitur ratione

## D. DIONYSII CARTHUSIANI

fui subiecti, videlicet organi in quo fundatur, in quo tactus propriè patitur. Anima ergo Christi tota quantum ad suam essentiã patiebatur, tota nanq; cõiungitur corpori, estq; tota in toto corpore atq; in qualibet parte tota. Sed anima Christi quantum ad suas potentias, non tota patiebatur passione propria, scilicet ex parte obiecti. Ratio nanque superior, cuius obiectum est deus vel rationes æternæ, quibus intendit, non patiebatur in Christo: sed in gaudio fuit beatæ fruitionis: quoniam tale obiectum non fuit animæ Christi materia passionis, sed gaudij. Sed inferiores omnes vires animæ Christi, quæ circa sensibilia operantur, patiebantur proprie, scilicet ex obiecto, vt dictum est. Verum quoniam omnes vires animæ in eius essentia radicanter, anima Christi secundum potentias omnes passa fuit illo modo, quo potentia patitur ratione subiecti.

2. ¶ Pariformiter tota anima Christi in fruitione fuit tempore passionis, quo ad totalitatem essentiæ animæ, quæ tota in gaudio fuit propter rationem superiorem, cuius subiectum est. Vnde sicut passio attribuitur rationi superiori ratione animæ: sic gaudium ascribitur animæ propter beatitudinem rationis superioris. Loquendo autem de totalitate animæ, quo ad suas potentias, sic non fruebatur anima Christi tota nec directe, quia bonitas diuina non est obiectum inferiorum virium animæ, nec indirectæ, quoniam beatitudo rationis superioris non redundabat ad vires inferiores, vt tactum est. Imò operatio ac passio vnius potentie aliam in nullo impediēbat, secundum Damascenum.

3. ¶ Deniq; aliqui dicunt, Christū decima quarta existente luna passum. Nam Ioannis decimotertio dicitur, quod Iudæi non introierunt prætorium, ne contaminarentur, sed manducarent Pascha: quod luna decimoquarto offerebatur, vt scribitur Exod. 12. Sed sicut ex testimonio aliorum Euangelistarum colligitur, Christus passus est luna decima quinta, scilicet feria sexta, & luna quartadecima celebravit pascha. Dicitur nanque Matth. 26. quod primo die azymorū, id est, luna decima quarta discipuli acceperunt ad Iesum, dicentes: Vbi vis paremus tibi comedere pascha? Cum autem Ioan. 13. dicitur: Ante diem festum paschæ, sciens Iesus quia venit hora eius, &c. intelligendum est hoc fuisse quinta feria. Nam luna existente decima quinta erat dies solennissimus paschæ apud Iu-



daos. Eundem itaque diem quem Ioannes nominat ante diē festum paschæ propter naturalium distinctionem dierum, Matthæus nominat primum diem azymorum secundum ritum festiuitatis Iudaicæ, quia sollemnitas incipit à vespera præcedentis diei. Quod ergo dicuntur comesturi fuisse luna 15, quando, videlicet luna plenissima est, non est accipiendum de agno paschali, qui immolabatur præcedenti nocte: sed pascha ibi vocatur cibus paschalis, id est, azymis panes, quos non edebant immundi. Et secundum Chrysostomum pascha ibi accipi potest pro toto festo paschali, quod septem diebus durabat. Item quod Marcus asserit Christum crucifixum tertia hora, ad animam atque affectum Iudæorum referendum est, secundum Augustinum, qui illa hora clamabant: Tolle, crucifige. Pati quoque voluit Christus in æquinoctio vernali, quia illo tempore mundum elegit recreare atque redimere, quando creauit eundem.

4. ¶ Porro in Hierusalem voluit Christus pati, Tum quia locus ille à Deo erat electus ad sacrificia offerenda, quæ Christi immolationem passionemque signabant. Secundo, quoniā Hierusalē in medio terræ est, & ergo Christus in ea pati elegit, vt virtus suæ passionis ad omnes mundi se partes diffunderet. Tertio, quia cū locus ille esset sublimis ac regius, passio Christi ex eo reddebatur contumeliosior atq; amarior. Christus autē semper elegit pro nobis quod durius est pati. Quarto, vt insinuarer causam suæ mortis ex sacerdotū, maximè pontificum, inuidia ortā. Voluit quoq; Christus extra portas ciuitatis pati & mori. Nam hircus ac vitulus qui in veteri lege in eius figura offerebantur, in sollemnissimo officio, pro totius multitudinis expiatione, extra castra comburebantur, vt patet Leuitici decimosexto. Item, vt daret nobis exemplum egrediendi de conuersatione præsentis seculi nequam.

5. ¶ Insuper inter latrones Christus diuina ordinatione erectus est. Ipse enim pro nobis maledictum factus est, & pro nobis despici voluit. Item secundum Leonem Papam, per duos latrones quorum alter saluatur, alter damnatur, figuratum est futurum Christi iudicium, quo alij vtpote reprobi, stabunt ad leuam, electi ad dexteram. Quod verò ait Matthæus, quod latrones improperebant Christo, cum alius euangelista dicat quod vnus latronum improperauerit ei, secundum Augustinum positus est numerus pluralis pro singulari.

## D. DIONYSII CARTHUSIANI

Sed secundum Hieronymum primo vterque blasphemauit, sed vnus eorum visis miraculis credidit atque pœnituit.

6. ¶ Porro vnio duarum naturarum in Christo in vnitatem personæ effecta est, saluis proprietatibus vtriusque naturæ. Diuina autem natura immobilis est & incommutabilis. Quâ-  
uis ergo passio Christi deo possit attribui, non tamen diuinitati, nec Christo ratione diuinæ naturæ, sed solum propter naturam assumptam.

¶ An Christus à seipso uel ab alijs occisus sit. 2. Cur passioni se tradiderit. 3. An pater tradiderit eum ad patiendū. Arti. 58.

**C**ausa dicitur præterea dupliciter. Primo, quia dicitur aliquid agit. Secundo, quia nō impedit effectum, quem impedire potest. Primo modo Christus occisus est ab alijs, secundo modo à seipso. Potuit namque interfectores suos reprimere tam à malo affectu, quàm ab iniquo effectu. Itē quoniam potuit naturam suā corporalem seruare illaſam ab omni nocumento inflicto. Sic enim dominabatur anima eius corpori suo propter vñionem cum verbo, & ideo dixit: Nemo tollit animā meā à me, scilicet me inuito. Vnde vt Christus ostenderet se sponte pati, nec animam suā propter violentiam à corpore rapi, conseruauit naturam corporalem suam in omni suo vigore per totum tempus passionis, ita vt cum magna voce clamans obiret. Non enim obiit, nisi dum sponte permisit corpus sua virtute destitui. Et igitur citius obiit, quàm moris est alijs crucifixis. Et Centurio vidēs, quod sic clamans expirasset, dixit: Verē filius dei erat iste.

2. ¶ Insuper Christus ex obedientia patris mortuus est, quatenus sicut per vnus inobedientiam omnes periebamur: sic per Christi obedientiam omnes repararemur. Secundo, quia per obedientiam fit reconciliatio, cunctis enim sacrificijs ipsa præfertur. Tertio, quia per obedientiam peruenitur ad honorem ac palmam.

3. ¶ At verò pater dicitur Christum filium suum dilectum morti tradidisse. Primo, quia ab æterno ordinauit per eius passionē redimere seculum. Iuxta illud Esaiæ quinquagesimo tertio: Dominus posuit in eo iniquitatem omnium nostrum, & voluit conuertere eum. Secundo, quoniam inspirauit Christo voluntatem patiendi pro nobis, dando ei tantam chari-

tatem dei ac proximi. Tertio, quoniam passionem filij sui nō impediuit. Sic ergo deus voluit Christum pati per modum præcepti, cui filius promptissime obediuit.

¶ *Cur Christus à gentibus passus sit. 2. An occisores eius eum nouerunt. 3. De grauitate excessus eorum Art. 36.*

**F**iguratus verò est in Christi passione suæ passionis effectus. Frustratus namque passionis Christi primo in Iudæis pullulauit atque receptus est, & per prædicationē Iudæorū credentium ad gentes peruenit. Et ergo passio Christi à Iudæis exordium habuit, sed gentiles eum finaliter occiderunt. Quod autem Iudæi dicebant: Nobis non licet interficere quenquam, referendum est ad tempus festiuitatis illius paschalis secundum Augustinum, vel verius dicitur quod à Romanis interdicta eis extitit occidēdi potestas. 2. ¶ Præterea sicut diaboli ita & maiores Iudæorum, videlicet sacerdotes & principes atque legisperiti, cognouerant Iesum esse Christum in lege promissum. Videbant enim omnia de Christo prædicta in eo impleri, & certissima signa cōspexerant. Neutri tamen eorum sciebant mysterium diuinitatis eius. Et ideo Apostolus dicit, quod si cognouissent, nunquam dominum gloriæ crucifixissent. Sed illa eorum ignorantia non eos excusat, quia affectata erat, atque ex inuidia orta est. Videbant namque signa soli deo possibilia ab eo fieri, nec verbis quibus se filium dei asseruit, credere voluerunt. Minores autē inter Iudæos, videlicet populus indoctus, nō cognouerūt eum esse Christum. Et si interdum dubitabant, vel aliqui credebant, tamen à maioribus subuertebantur, ne crederent. Dicunt autem Chrysostomus & Beda, quod etiam maiores Iudæorum nouerunt eum esse filium dei.

3. ¶ Itaque ex prædictis innotescit, quod peccatum sacerdotum ac principalium in populo Iudæorum Christum occidērium, erat grauissimum. Tum ex genere peccati, quoniam Christum interemerunt. Tum ex malo affectu, quoniam propter inuidiam voluerunt aduertere eum esse Christum filium dei: quod tamen sciebant. Peccatum verò minorum non fuit adeo graue, quia per ignorantiam aliquo modo excusabatur. Pilatus quoque minus peccauit quàm Iudæi, quia timore Cæsaris eum occidit. Milites verò quoniam de mandato

## D. DIONYSII CARTHUSIANI

præfidis eum peremerunt, minus omnibus peccauerunt. Sed & Iudas qui Christum ex inuidia prodidit, plus pilato eiusq; ministris peccauit.

¶ *Verum passio Christi sit causa nostræ salutis per modum meriti .2. An per modum satisfactionis .3. An per modum sacrificii .4. An per modum redemptionis .5. An esse redemptorem sit proprium Christo. 6. An nostram salutemauerit passio eius per modum efficientiæ. Articulus 60.*

**G**ratia denique Christo homini collata est non solum tanquam singulari personæ, sed velut capiti vniuersalis ecclesiæ. Gratia ergo Christi sic se habet ad eum & ad membra ipsius, quemadmodum gratia alterius ad seipsum. Sicut igitur alius quilibet gratiam habens si propter iustitiam patitur, sibi ipsi salutem meretur: sic Christus propter iustitiam patiendo non solum sibi corporis glorificationem sed nobis quoque salutem promeruit. Imo à primo suæ conceptionis instante felicitatem nobis promeruit, quam tamen consequi nequibamus propter impedimenta reatus peccatorum, propter quæ delenda Christus pati dignatus est.

2. ¶ *Ia super per modum satisfactionis pro alio quis exoluit qui offenso impendit id, quod tantum vel plus amat illatam iniuriam odit. Et hoc modo pro nobis Christus patrem placauit, nostramque salutem effecit. Passio enim eius patri gratissima fuit, & gratior, quàm exigeret recompensatio totius generis humani. Primo propter feruorem suæ charitatis, ex qua morti se obtulit. Secundo propter dignitatem vitæ suæ, quam pro nobis ponebat: quæ fuit vita dei & hominis. Tercio propter generalitatem & acerbitatem suæ passionis, quæ admodum dictum est antè.*

3. ¶ *Amplius secundum Augustinum decimo de Ciuitate dei: sacrificium est omne, quod deo ad eius honorem impenditur, vt placetur. Suntque in omni sacrificio quatuor attendenda, videlicet quis offerat, pro quo offerat, cui offerat & quid offerat. Quoniam ergo Christus seipsum pro nobis patri in ara sanctæ crucis obtulit ex charitate mira ad nos, quatenus reconciliaret nos deo, patet quod sit causa nostræ sa-*

lutis per modum sacrificij.

4. ¶ Amplius per peccatum obligatur homo duplici seruitute, videlicet culpæ & pœnæ. Qui enim peccat seruus est peccati, & debitor pœnæ luendæ. Quoniam igitur passio Christi sufficiens & supersufficiens fuit ad satisfaciendum tã pro peccato hominis, quàm pro reatu pœnæ eius, sequitur quod passio Christi sit causa nostræ salutis per modum redẽptionis.
5. ¶ Præterea ad redemptionem duo exiguntur, videlicet actus solutionis & precium solutum. Christus autem vt homo horum vtrumque Deo exhibuit, nam ipse obtulit, sed & seipsum obtulit patri. Et ergo horum vtrumque ad Christum immediate pertinet. Sed ad deum trinitatem hæc pertinent tanquam ad primam principalemque causam. Esse ergo redẽptorem immediate Christo est proprium: quanuis redemptio deo possit vt primæ causæ ascribi.
6. ¶ Conformiter ipsa deus trinitas, nostræ salutis est causa efficiens principalis, & passio Christi velut causa instrumentalis, ex diuinitate verbi Christo homini vnita efficaciam sumens immensam. Passio autem Christi ad diuinitatem relata agit per modum efficientis, relata ad voluntatẽ animæ Christi agit per modum meriti, relata ad Christi carnem per modum satisfactionis, prout per eam liberamur à pœnæ reatu. Agit quoque per modum redemptionis, inquantum per eam liberamur à seruitute peccati. Per modum verò sacrificij agit secundum quod per eam reconciliamur Deo.

¶ Quod per Christi passionem redempti sumus à peccato .2.  
An potestate diaboli. 3. An pœnæ reatu. Art. 61.

**P**assio igitur Christi nostra peccata deleuit tripliciter, scilicet per modum redemptionis, & sicut efficiens instrumentale, vt dictum est. Tertio autem per modum prouocãtis ad charitatem, per quam omnia peccata donantur. Ex hoc enim quod Christus nos ita præuenit diligendo nos, ac patiendõ pro nobis, ad eum reamandum accendimur sancto amore, qui operit multitudinẽ peccatorum. Sed quoniam passio Christi est causa vniuersalis & determinata nostræ salutis, oportet vt singulis per conuenientem modum particulariter applicetur ad consequendum suum effectum. Hæc verò applicatio fit per fidem ac sacra-

menta ecclesiæ.

2. ¶ Præterea circa potestatem, quam dæmon exercuit in hominibus ante Christi passionem, tria pensantur. Primo hominis culpa, per quam homo meruit subdi diabolo. Secundo Dei iustitia, qui hoc iuste permisit. Tertio peruersa voluntas diaboli, qui homines à salute impedire non destitit. Quantum autem ad primum istorum, liberamur per Christi passionem à potestate diaboli, prout passio eius dicitur remissio peccatorum. Quantum ad secundum, in quantum passio eius reconciliauit nos Deo. Quantum verò ad tertium, per hoc dæmon potestatem suam in eum exercuit, qui peccatum non habuit, scilicet in Christum eius mortem procurando. Quia enim non debitorem inuasit, debitores amisit, secundum Augustinum.
3. ¶ Denique per Christi passionem liberati sumus à reatu peccati directe & indirecte. Directe, quoniam passio eius super sufficiens erat ad satisfaciendum pro vniuersis peccatis. Indirecte autem per hoc, quod passio eius est causa remissionis culpæ, in quibus fundatur pœnæ reatus. Sed hunc Christi passionis effectum necesse est nobis applicari per modum prætorum. In baptismo enim omnia peccata dimittuntur, per pœnitentiam verò dimittuntur peccata in virtute meriti passionis Christi.

¶ Quod per Christi passionem Deo reconciliati sumus.

2. Quod etiam per eam ianua regni aperta est. 3.

An Christus per passionem sui exaltationem promeruit. Articulus 62.

**R**Econciliari quoque dicimur Deo per passionem Christi. Tum quoniam passio eius est deletiua peccati, tum quia effectus sacrificij est illum cui offertur, placare.

2. ¶ Denique clausio ianue regni est quoddam obstaculum ingressum vitæ æternæ impediens. Hoc autem obstaculum ex peccato causatur, tam originali quam actuali. A peccato autem originali redempti sumus per mortem Christi, tam quantum ad culpam, quam quo ad pœnæ reatum, ipso præcio pro nobis soluente. A peccatis verò actualibus passio Christi nos liberat, per hoc quod Christo & merito suæ passionis coniungimur, per fidem & charitatem ac sacramenta. Idcirco per passionem Christi aperta est nobis ianua regni. Nam ante passionem Christi nemo sanctorum beatitu

dinem adipisci valebat: quanuis pro propriis culpis satisfecisset. Reatus enim torius naturæ ex originali peccato proueniens non nisi per Christum deleri potuit.

3 ¶ Porro meritum quandam æqualitatem iustitiæ signat. Sicut autem iustum est, vt qui sibi plus vsurpat, vel tribuit quàm debitum est, diminutionem sustineat in his quæ sua sunt. Quæ admodum in veteri lege, qui vnā ouem furabatur, reddidit quatuor: Sic iustum est, vt is qui minus sibi assumit, vel tribuit quàm possit & debitum est, additionem recipiat. Sicut qui se humiliat, exaltationem sortitur. Christus verò in sua passione humiliavit se infra suam dignitatem in quatuor. Primo, quantum ad passionem & mortem, cuius debitor non fuit. Secundo, quantum ad locum. Nam corpus positum est in sepulchro anima in inferno. Tertio, quantum ad confusionem & opprobria. Quarto quoniam traditus est potestati humanæ ac tenebrarum. Idcirco per suam passionem meruit exaltationem in quatuor. Primo, quantum ad resurrectionem gloriosam. Secundo, quantum ad ascensionem in cælum. Tertio quantum ad confesum in dextera patris, & manifestationem suæ diuinitatis. Quarto, quo ad iudiciariam potestatem sibi collatam: quemadmodum Iob. 36. habetur. Causa tua quasi impij iudicata est, causam iudiciumque recipies.

¶ Quod conueniens erat Christum mori 2. An per mortem fuerat preparata in eo unio diuinitatis & carnis 3. An unio quoque diuinitatis & animæ 4. An Christus in triduo mortis fuit homo 5. An corpus eius fuit idem numero uiuum ac mortuum 6. Vtrum mors Christi operata sit aliquid ad nostram salutem.

Articulus 63.

**A**mplius autem Christus mortuus est. Primo, vt sua nos morte satisfaciendo à debita morte redimeret. Qui enim pro alio satisfacit, si pœnam alteri debitam ipse subit, plenissimè satisfacit. Secundo, vt veritatem naturæ humanæ ostenderet in se. Tertio, vt nos à mortis formidine liberaret. Quarto, vt daret nobis exemplum spiritaliter, moriendi mundo ac vitiis.

2 ¶ Adhuc quæ ex gratia conferuntur, sine culpa non auferuntur. Gratia autem vnionis in Christo maior fuit gratia ad-



ptionis in aliis. Cum ergo vnio quæ est per gratiam adoptionis, nulli sine peccati demerito auferatur: patet, quod in Christo qui omnis peccati est expers, non sit ablata per mortem vnio diuinitatis & carnis, quæ est vnio secundum personam. Sed anima à corpore separata, permanfit caro verbo secundum hypostasim seu diuinitati vnita, secundum Damascenū tertio libro.

3 ¶ Propter eandem verò rationem, anima Christi diuinitati vnita remansit in triduo mortis. Quod autem Christus dixit Iohannis 10. Nemo tollit animam meam à me, sed ego pono eam, & iterum sumo eam, secundum Augustinum dixit ratione carnis, quæ in virtute verbi cui fuit vnita, animam suam posuit per separationem in morte. Diuinitas enim non posuit animam, sed semper ei mansit coniuncta. Anima quoque christi non posuit seipsam, quia separata à seipsa non fuit.

4 ¶ Præterea remoto superiori remouetur inferius. Cum ergo Christi corpus in triduo mortis non fuerit animatum, vel viuum, non fuit Christus tunc homo. Item de ratione mortis est, quod auferat esse substantiale. Et ergo Christus verè mortuus, non permanfit homo. Et huius oppositum dicere error est contra fidem. Quidam verò verba erroris dixerunt si ne sensu contrario fidei, vt Hugo de sancto Victore: qui asserbat Christum in triduo mortis fuisse hominem, quia putauit hominem esse animam rationalem. Magister quoque sententiarum tertio libro idem affirmat, sed alia ratione. Aestimauit quippe sufficere ad hoc, quod aliquid sit homo, vt habeat animam rationalem & corpus sibi vnita, siue caro & anima sint sibi inuicem cōiuncta, siue non.

5 ¶ Insuper aliquid dicitur idem dupliciter. Primo simpliciter. Et sic illud est idem numero, quod est idem supposito. Sic quæ corpus Christi fuit idem simpliciter viuum ac mortuum. Quia hypostasis verbi permāsit semper eius persona seu substantia. Secundo dicitur aliquid idem totaliter. Et sic corpus Christi ante passionem & in triduo mortis non fuit numero idem, cum vita sit aliquid de essentia corporis viuentis. Nam animatum est eius essentiale prædicatum. Si ergo corpus christi fuisset totaliter idem, non esset Christus veraciter mortuus quod est hæresis Galanitarum, secundum Isidorum. Dicit autem Damascenus tertio libro q̃ corruptio vno modo importat separationem carnis ab anima. Et sic corpus Christi fertur

corruptum. Alio modo perfectam resolutionem in elementa. Sicque caro Christi non vidit corruptionem.

¶ At verò de morte Christi possumus loqui, vel prout est in fieri, vt pote secundum q̄ per innaturalem passionem aliquis tendit in mortem. Sic verò idem est loqui de Christi passione eiusque morte. Et ergo sicut passio Christi fuit nostræ causæ salutis: ita & mors hoc modo accepta. Secundo consideratur mors Christi vt in factō esse, prout videlicet separatio animæ à corpore facta est. Et ita mors Christi est causæ nostræ salutis, non per modum meriti, sed efficientiæ propter vnionem verbi manentem. Vnde propter virtutem diuinitatis vnitæ salutiferum nobis fuit, quicquid circa corpus Christi mortuum factum narratur. Propriè autem mors Christi est causæ destructionis nostræ mortis tam carnis quàm animæ. Propriè enim consideratur effectus secundum similitudinem suæ causæ.

¶ *Vtrum conueniens fuit Christum sepeliri 2. De modo sepulture Christi 3. An corpus christi fuit in sepulchro resolutum 4. De tempore quo fuit in sepulchro. Artic. 64.*

**B**ene quoque conueniens fuit, vt Christus sepeliretur. Primo, vt verè mortuus probaretur. Secundo, vt sepultis spes resurgendi daretur. Tertio, vt nos eius exemplo spiritualiter sepeliāmur.

2. ¶ Congruenter autem à nobilibus, vt pote Ioseph ab Arimathia & Nicodemo principe Iudæorum Christus sepultus est. Iuxta illud Isaia: Erit sepulchrum eius gloriosum. Sepelierunt autem eum, sicut moris est sepelire Iudæis, scilicet aromatibus conditum, ne caro eius cito resolveretur. Per quæ mysticè figuratur deuotio Christi fidelium. Et myrrha ac aloes quæ amara sunt, amaritudinem peccati præsignabāt, per quā christus manet in nobis & in mētibus nostris sepultus. Sepultus est etiā Christus in horto, ad insinuandū, quod per mortē ipsius liberamur à peccato & morte Adæ, qui in horto paradisi transgressus est. Positus verò est in monumento nouo, ne si cū aliis sepeliretur, non ipse, sed alius resurrexisse putaretur.

3. ¶ Deniq; nō decuit corpus Christi in monumento, resolui resolutio enim huiusmodi ex corporis infirmitate cōtingit, q̄ non sufficit corpus seruare illæsum. Quoniam igitur corpus Christi post separationem mansit diuinitati vnitum, resolui

non potuit.

4 ¶ Porro in sepulchro iacuit corpus Christi per duas noctes, ad significandum, quod per eius mortem liberamur à duplici morte, videlicet carnis & animæ. Sed quia mors Christi prouenit non ex peccato, sed charitate ipsius. Idcirco per vnam diem in sepulchro fuit. Quod verò dicitur Christus in sepulchro fuisse tribus diebus tribusque noctibus, intelligendū est ponendo partem pro toto. Secundum Augustinum verò decim. de Trinitate, Christus diluculo resurrexit, in quo aliquid lucis apparet atq; de tenebris aliquid remanet. Vnde quod Grego. asserit, Christum media nocte resurrexisse, non est referendum ad æqualem diuisionem noctis in suas partes, sed propter has tenebras, quæ ad noctem pertinebant, hoc dixit.

¶ Cur Christus ad infernum descendit 2. Ad quem infernum descendit 3. An totus ibi fuit 4. An aliquam moram ibi contraxit. Articulus 65.

Congruum insuper fuit Christum ad infernum descendere. Primo, quoniam ipse venit nostrā pœnam portare. Ex peccato autē meruit homo non solum mortem corporis, sed & descensum ad inferos. Sicut igitur Christus mori voluit vt nos à morte eriperet: sic ad infernum descendit, quatenus nos ab hoc descensu redimeremur. Secundo, vt suos illic detentos educeret. Iuxta illud Zacha. 9 Tu quoque in sanguine testamenti tui emisisti vinctos tuos de lacu, in quo non erat aqua. Tertio quatenus sicut potestatem suam ostendit in terra, docendo, & operando: sic in inferno eandem monstraret ipsum spoliando.

2 ¶ Præterea anima Christi solummodo ad infernum iustum descendit secundum essentiam, sed ad quemlibet infernum descendit quantum ad effectum, damnatos de sua incredulitate atq; malitia confutando, in purgatorio existentes maiori spe confortando. Sed sanctos qui pro solo originali peccato tenebantur in limbo, visitauit, infundens eis lumen gloriæ æternæ: quatenus sicut visitabat eos secundum deitatem per spiritualem gratiam: sic secundum animam visitaret eosdem per loci descensum.

3 ¶ Porro secundum Augustinum Christus totus fuit in sepulchro, totus in inferno. Nam masculinum genus ad perso-

nam refertur, ipsum autem verbum est persona animæ & corporis Christi, & nec anima nec corpus pars est huius personæ increata. Quoniam ergo verbum mansit animæ corporique coniunctum in triduo mortis, Christus totus fuit in inferno, & totus in tumulto.

4 ¶ Amplius propter eandem rationem qua dictum est corpus Christi iacuisse in sepulchro per duas noctes & integrum diem, credendum est animam eius tantundem in inferno fuisse. Mox tamen dum infernū ingressus est Christus omnes sanctos in limbo lucę glorię illustravit. Sed mansit cum eis, quatenus simul educeretur anima eius de inferno & corpus de monumento. Vnde quod Christus latroni promisit: Hodie mecum eris in paradiso, de spiritali paradiso est dictum in quo omnes qui diuina gloria perfruuntur consistunt.

¶ Vtrum Christus liberauit sanctos patres de inferno 2. An etiam damnatos 3. An & pueros in originali peccato defunctos

4. An eos quoque qui in purgatorio erant.

Articulus 66.

SANCTOS præterea patres Christus de inferno redemisse dicitur. Tum, quia de dolore, qui ex dilatione boni optati causatur, eos eripuit. Tum, quia beatitudinem ipsi infudit merito suę passionis, delens reatum poenę originalis peccati, propter quem dilationem glorię patiebantur, quanuis pro actuali peccato satisfecerunt.

2 ¶ Insuper patuit, quod meritum passionis Christi applicatur hominibus per fidem charitate formatam & sacramenta. Et ideo Christus nec infideles, nec iniustos de inferno redemit, quanuis omnes aliquo modo visitauerit. Nā visitatio quandoque accipitur in malum secundum illud Soph. primo. Visitabo super viros defixos in secibus suis.

3 ¶ Rursus quoniam nemo capax est fructus seu meriti passionis dominicę, nisi aliquo modo sit Christo coniunctus. Idcirco pueri in originali peccato defuncti, non sunt liberati per Christum, non enim charitatem, vel gratiam habuerunt, nec fidem, quoniam nec fide propria, nec fide parentum, nec aliquo fidei sacramento Christo vniti fuerunt.

4. ¶ At verò passio Christi non utique temporalem, vel transitoriam habet virtutem, sed sempiternam, secundum

illud ad Hebræos primo. Vna oblatione consummauit in sem-  
piternum sanctificatos. Passio igitur Christi non habuit maio-  
rem liberandi efficaciam tunc quam nunc. Vnde quos Chri-  
stus tales in purgatorio repperit, quales sunt qui modo in ip-  
so purgantur atque tenentur non liberauit suo descensu, qui  
(vt dictum est) non operabatur nisi in virtute meriti suæ pas-  
sionis. Illos tamen de purgatorio eduxit, qui sufficienter pur-  
gati fuerunt, vel educi Christo veniente meruerunt, dum in  
seculo isto vixerunt, videlicet propter specialem deuotionem  
dilectionem ac fidem ad Christi passionem: sicut ex epistola  
Augustini ad Euodiu[m] elici potest.

¶ De necessitate 2. De tempore 3. De ordine 4. De cau-  
sa resurrectionis Christi. Articulus 67.

**Q** Vinque autem de causis necessarium fuit Christum  
resurgere. Primo propter commendationem diui-  
næ iustitiæ, cuius est eos erigere qui seipsum propter  
Deum humiliant. Secundo propter fidei nostræ in-  
structionem circa diuinitatem christi, quæ per eius resurre-  
ctionem manifestata consistit. Tertio ad erigendam spem no-  
stram, vt sperent id membra, quod credunt completum in ca-  
pite. Quarto ad informationem spiritualis vitæ, quatenus nos  
spiritualiter resurgendo in nouitate vitæ ambulemus. Quin-  
to ad consummationem nostræ salutis, resurrexit enim pro-  
pter iustificationem nostram.

2 ¶ Præterea congruum fuit ad instruendum fidem, quate-  
nus die tertia christus resurgeret. Si enim antè surrexisset pos-  
set videri quod verè mortuus non fuisset. Non enim potest es-  
se, quin in homine non mortuo infra tres dies aliqua signa vi-  
tæ appareant. Si verò resurrectionem vsque ad finem mundi  
distulisset, diuinitatis suæ cognitio latuisset. Et ergo ob eam  
declarandam oportuit eum cito resurgere. Ponitur quoque  
triplex status sanctorum. Primus sub figuris legis. Secundus  
sub fidei veritate. Tertius in æterna iucunditate. Et ergo ter-  
tia die Christus surrexit. Quemadmodum autem ante Chri-  
sti passionem dies à tenebris ad lucem computantur, propter  
futuram tunc hominis reparationem: sic post Christi mortem  
dies à nocte sumit initium.

3 ¶ Præterea resurrectio duplex est, scilicet imperfecta que

est solum ab actuali morte, vt viuere incipiat, quocunque modo qui mortuus fuit. Alio modo dicitur resurrectio perfecta per quam mortuus non iam duntaxat à morte, sed & à necessitate, imo & possibilitate moriendi eripitur. Christus ergo dicitur primitiæ resurgentium, vel primus resurgens, loquendo de resurrectione perfecta, non autem, loquendo de resurrectione imperfecta. Nam Helias vnum mortuum & ipse Christus tres ante passionem suscitauerunt, qui iterum omnes dormierunt. Sed de his qui cum Christo surrexerunt, est duplex opinio, an iterum mortui sint. Quod si dicantur non denuo mortui, tunc non surrexerunt ante Christum. Si autem quis asserat, quod dormierunt iterum in morte, sicut Augustinus in epistola ad Euodium videtur sentire efficaciterque probare: tunc dici potest, quod tempore mortis Christi surrexerint.

4 ¶ Amplius cum patris ac filij vna sit virtus, sicut pater suscitauit Christum: sic & Christus in quantum Deus, suscitauit seipsum. Loquendo autem de anima & corpore secundum virtutem eorum propriam & creatam, vnum non reuiuuit se alteri. Sed considerando vtrumque prout verbo mansit vnitum sic caro ratione diuinitatis vnitæ resumpsit corpus quod deposuit, & anima resumpsit corpus quod dimisit.

¶ Verum Christus post resurrectionem habuit corpus vnum 2. An gloriosum 3. An integrum 4. De cicatricibus corporis sui. Articulus. 68.

Sicut Damascenus testatur, illius est resurgere, quod cecidit. Sicut ergo Christus ante passionem verum corpus habebat: ita oportet quod cum vero corpore resurrexit, si verè resurrexisse credatur. Quod autem corpus eius ianuis clausis ad discipulos introiuit, diuina virtute fuit. Sciendum quoque, quod corpora beatorum erunt spiritualia, id est, spiritui per omnia subdita, eiusque voluntati in cunctis subiecta. Et ergo in potestate habentis corpus gloriosum est, vt se permittat videri, vel quod non videatur. Sic ergo Christus post resurrectionem ratione corporis gloriosi quando voluit, videbatur, & quando voluit, non videbatur: videlicet quia corpus eius non immutauit visum alterius, quantumvis presentis. Quod tamen habebat non solum ex conditione corporis gloriosi, sed propter deitatem vnitam. Cuius

virtute conferri potest corpori non glorioso, vt videatur & non videatur, secundum voluntatem proprię animę. Sicut de beato Bartholomeo habetur. Vnde Christus ab oculis discipulorum euauit, non quod corrumpetur, vel resolueretur in aliqua inuisibilia: sed quoniam propria voluntate desuit ab eis videri, vel eo pręsente, vel propter dotem agilitatis se abscondente.

¶ Rursus Christus post resurrectionem non mutauit proprii vultus effigiem, quantum ad lineamenta naturalis figurę. Accipit autem in resurrectione glorię claritatem, non tamen discipulis in forma gloriosa apparuit: sed in eius potestate fuit, vt ex suo aspectu formaretur in visu intuentium quęcunque forma ei placuerat.

2 ¶ At verò Christus in corpore glorioso surrexit. Nam resurrectio eius est nostrę futurę resurrectionis, in qua corpora gloriosa habebimus, exemplar & causa. Secundo, quoniam per suam passionem meruit corporis glorificationem. Tertio quia quod corpus Christi ante passionem gloriosum nõ fuit: anima eius beata atq; gloriosa existente, ex diuina dispensatione fuit: quatenus impleretur nostrę redemptionis mysterium. Illo ergo completo per mortem, cõfestim gloria animę Christi redundauit in corpus sibi denuò copulatum. Et ergo gloriosum mox fuit in ipsa resurrectione. Aduertendum autē qđ dicitur corpus esse palpabile non solū ratione resistentię, sed ratione spissitudinis suę. Ad rarum verò & spissum sequuntur graue & leue, calidum, frigidum atq; contraria, quę ad corruptionem disponunt. Idcirco vt ait Gregorius, necesse est corrumpi naturaliter loquendo, quod tactu humano est palpabile. Si verò sit corpus tactui quidem resistens, sed prędictas qualitates, quę sunt tactus obiectum, non habens, vt est corpus cœleste, illud non potest dici palpabile. Sed corpus Christi post resurrectionem ex elementis constabat, prędictasque qualitates habebat: & ideo naturaliter palpabile fuit. Quod autem incorruptibile fuit, ex beatitudine animę redundauit. Quoniam secundum Augustinum in epistola ad Dioscorum, tam potenti natura fecit deus animam, vt eius plenissima fruitione seu beatitudine redundet in corpus plenitudo sanitatis, id est, incorruptionis vigor.

3 ¶ Adhuc autem Christus in corpore integro, id est, cuncta habente, quę ad naturalem hominis consistentiam, veri-



tatemque pertinent, resurrexit. Et ergo post resurrectionem carnem & ossa ac sanguinem habuit: sicut & ante. Cuius oppositum ponit Euthices constantinopolitanæ vrbis episcopus, asserens corpora beatorum vento ac aëre subtiliora futura. Quod verò dicitur caro & sanguis regnum dei non possidebunt, non de carnis sanguinisque natura, sed corruptione & culpa accipi par est. Vnde totus sanguis qui de Christi corpore fluxit, in eo resurrexit. Similiter omnes particulae corporis eius. Sanguis autem qui in quibusdam ecclesiis pro reliquiis conseruatur, non emanauit de corpore Christi, sed de quadam imagine eius percussa.

4 ¶ Præterea Christus in suo corpore cicatrices retinere manereque voluit. Primo, in signum sui triumphi. Secundo, ad confirmationem discipulorum ac fidei. Tertio, vt deo patri pro nobis eas ostendat. Quarto, vt omnes electi semper in patria videant, quàm misericorditer atque amorose redempti sint. Quinto, vt ea in die iudicii ingratis ac perfidis ad eorum confusionem & ad suam commendandam iustitiam repræsentet, secundum Ambrosium in libro de Symbolo. Hæc ergo cicatrices perfectioni & integritati corporis Christi non derogant sed corpus eius ornant atque perficiunt, & in æternum in Christo manebunt, secundum Gregorium.

¶ Quibus Christus post resurrectionem apparere debuit

2. An discipulis uidentibus eum resurgere decuit 3.

Cur cum discipulis post resurrectionem conuersatus sit. Articulus 69.

**L**Ex denique diuinitus instituta hoc exigit, vt ea quæ naturalem cognitionem transcendunt, non immediate omnibus reuelentur: sed primo quibusdam superioribus, & per illos aliis. Resurrectio autem Christi quia ad futuram beatitudinem ordinatur, naturalem atque communem notitiam superat. Ideoque resurrectio Christi omnibus manifestari non debuit, sed quibusdam electis, testibus scilicet præordinatis à deo, atque per illorum prædicationem aliis reuelari.

¶ Propter eandem quoque rationem non decuit, vt aliquis discipulorum Christum videret resurgere. Resurrexit enim ad vitam immortalem ac deiformem. Sed Dionysio teste, ea quæ

## D. DIONYSII CARTHYSIANI

supra hominem sunt, hominibus per angelos ex diuinæ sapientię ordinatione panduntur. Et ergo angeli qui Christi resurrectionem conspexerunt, eam discipulis reuelauerunt, primoque forminis: quatenus sicut formina viro mortis introitū intulit: sic à formina vitæ ostium, id est, Christus resurgēs nunciaretur viris.

2 ¶ Ascensionem tamen Christi discipuli viderunt, quia ascensio quantum ad terminum à quo non excedit naturalem notitiam, sed quo ad terminum ad quem. Et ergo discipuli aspexerunt qualiter eleuabatur à terra, non autem qualiter recipiebatur in cælo. Sed resurrectio quantum ad vtrumque terminum naturalem excessit notitiam. Quantum enim ad terminum à quo, anima rediit de inferno, & corpus exiuit de clauso sepulchro: terminus verò ad quem, erat, vita gloriosa. Et ergo resurrectionem nullo modo viderunt.

3 ¶ Porro post resurrectionem Christi duo erant manifestanda discipulis, scilicet veritas resurrectionis: & hæc satis oñsa est eis per hoc, quod Christus frequenter apparuit: Et gloria resurgentis: quæ & ipsa requirebat, vt Christus non continere, sed sæpe cōuersaretur ac esset cum suis, ne omnino putaretur ad talem vitam surrexisse qualem antè habebat cum esset cum eis, non solum per præsentiam corporalem, sed etiã per carnis mortalitatem. Et ideo Christus per illos dies quadraginta non semper erat cum discipulis. Verum vbi interim corporaliter fuit, nescitur, cum scriptura illud non asserat, atque in omni loco ac tempore sit dominatio eius.

¶ An Christus in alia effigie apparere debuit 2. An per argumenta probare debuit suam resurrectionem 3. De sufficientia argumentorum illorum. Artic. 70.

**R**esurrectio insuper Christi ita debuit manifestari hominibus, sicut reuelantur diuina: videlicet secundum capacitatem seu dispositionem ac modum illorum, quibus reuelabatur. Vnde habentibus mentem bene dispositam reuelantur diuina secundum apertam veritatem. Aliis verò cum quadam imperfectione, & ergo ipsi percipiunt eam cum quodam errore. Et ideo Christus post resurrectionem quibusdam apparuit in propria effigie, aliis qui iam hæsitabant & nutabant in fide, in effigie aliena. In qua tamen

fallacia, vel falsitas nulla fuit, quia per alienam effigiem introducti sunt ad veram Christi notitiam. Dicit autem Augusti, in epistola ad Hieronymum, quod si, vel vnum mendacium in sacra scriptura recipiatur, infirmabitur tota scripturae auctoritas. Quod verò de Christo habetur: Finxit se longius ire, falsitate nullā continuat. Non enim qualibet fictio est mendacium, secundū Augu. sed illa, q̄ ad nihil significandū assumitur.

2 ¶ Denique argumentum vno modo vocatur ratio rei dubie faciens fidem. Sicque Christus resurrectionem suam non probauit argumentis: quoniam tale argumentum procedit ex aliquibus per se notis. Secundo argumentum vocatur, quodcunque; sensibile signum inductum ad veritatis declarationem. Et ita Christus per varia argumenta discipulis se veraciter resurrexisse ostendit. Meritum autem fidei inde procedit, q̄ homo ex diuino praecepto credit, quae non videt. Et ergo illa ratio fidei meritum tollit, quae facit per scientiam videri id quod credendum proponitur: qualis est ratio demonstratiua.

3 ¶ Præterea Christus suam resurrectionem manifestauit testimonio & argumento. Testimonio quidem, tam angelorum quàm scripturae. Argumento quoque, ostendens se habere corpus verum ac solidum putapalpabile. Item, q̄ esset corpus humanum & idem numero, ostendendo propriam suam effigiem, & cicatrices. Rursus ex parte animae corpori reunitae idem ostenditur. Primo per opera animae vegetatiuae comedendo atq; bibendo. Per opera quoq; animae sensitiuae ad interrogata respondendo, & seipsum ostendendo: in quo probauit se audire ac videre. Item per opera animae intellectiuae, differendo de scripturis, & sensum eis aperiens. Diuinam verò naturā suam ostendit in miraculis, captura piscium, ascensu in coelum, atque similibus.

¶ Quod resurrectio Christi sit causa nostrae resurrectionis

2. Quod eadem causa sit nostrae iustificationis. Ar. 71.

**E**st autem primum in quolibet genere causa secundorum eiusdem generis. Sicut primum lucidum est causa lucis in aliis. Cum ergo sit Christus primitiae resurgentium & primus resurgens ex mortuis, secundum Apostolum: patet, quod eius resurrectio sit causa nostrae resurrectionis. Item primus agens primitus agit in id quod sibi mo-

gis coniunctum est. Quoniam ergo verbum dei fons vitæ est, primo viuificat naturā q̄ assumpsit in vnitatem personæ, & alios per eam. Vnde diuina voluntas seu virtus est causa prima ac principalis nostræ resurrectionis. Sed resurrectio christi est causa secundaria ac instrumētalis eiusdē, estq; resurrectio christi causa nostræ resurrectionis: nō propriè meritoria, sed efficiēs & exēplaris, cui cōfigurāda erit resurrectio nostra futura.

2 ¶ At verò quoniam resurrectio Christi agit vt instrumentum diuinæ virtutis verbi naturæ humanæ vniti: idcirco non solum est causa resurrectionis corporum, sed & animarum etiam exemplaris. Debemus enim spiritualiter cum Christo resurgere ad imitationem suam, erigendo nos ab inferioribus ad superna. Verbū enim dei causa est gratiæ, per quā est vita atq; resurrectio aīæ: sicut & aīæ, quæ est causa corporeæ vitæ.

¶ An conueniens fuit Christum ascendere 2. Secundum quam naturam ascendit 3. An propria uirtute ascendit 4. An ascendit super omnes cælos corporeos 5. An super spirituales creaturas 6. De effectu huius ascensionis. Articulus 72.

**P**Ræterea locus proportionandus est locato. Quoniā ergo corpus Christi ad vitam immortalem & gloriosam surrexit, non competebat ei locus mansionis in terra, quæ est generationis corruptionisq; locus: sed in cælo, quod est corp<sup>9</sup> incorruptibile atq; perpetuū. Et ideo congruum fuit Christum cælos ascendere, tum propter fidē augendam, propter spem roborandam, propter charitatem accendendam ad appetendum diuina. Et sicut per 40. horas mortuus iacuit: sic per totidem dies in terris post resurrectionem moratus est.

2 ¶ At verò ascensio ista conuenit Christo secundum diuinam naturam, quantum ad causam ascensionis. Humana nāq; natura uirtute diuinæ naturæ ascendit. Sed quantum ad conditionem ascendentis, sic ipsa ascensio competit Christo ratione naturæ humanæ. Diuinitas enim immobilis est atq; immensa. Nil ergo est ea sublimius quo ascendere valeat.

3 ¶ Insuper in Christo est duplex natura. Quod autem ascendit propria uirtute, ex parte diuinæ naturæ non est ambiguū. Virtus verò naturæ humanæ in Christo est duplex, uidelicet naturalis, q̄ cōsequitur essentialia principia nature hu-

mānæ: & per hanc Christ<sup>o</sup> nequaquā ascendit. Alia autē naturæ humanæ virtus in Christo est virt<sup>o</sup> gloriæ: quæ est ex redū dātia brūtudinis animæ participatiue in corpore, ita q<sup>o</sup> corp<sup>o</sup> in oībus subiectū est animæ & voluntati eius ad oēm motum, vt vbi anima esse voluerit ibi protinus sit corpus: & ergo secū dū hanc virtutem potest Christus dici ascendisse in cœlum.

4 ¶ Porro quo corpora diuinā bonitatem magis participāt, eo superior ea locus decet. Participatio autem gloriæ omnē naturalem perfectionem excedit. Vnde corpora glorificata super cœlos locanda sunt. Cū igitur Christus excellentissimē glorificatus sit, decuit vt super omnes cœlos ascēderet dignitate ac loco. Dicitur tamē sedes dei esse in cœlo, non quasi in continente: quasi sit aliqua pars cœli superior corpore Christi: sed quasi in contento, eo quod ipse eos sub se habeat atq; contineat. Ascendit autē Christus sine diuisione cœlorū, quia diuina virtute penetratio sit dimensio in corpore glorioso.

5 ¶ Adhuc autem quanuis natura humana secundum naturam inferior sit natura angelica: tamen Christus propter vñionem cum verbo omni spiritali creatura præstantior est. Et ergo super eam ascendisse refertur secundum dignitatem. Angeli enim non sunt in loco circumscriptiue, vt corpus Christi in cœlo sub propria dimensione.

6 ¶ Quemadmodum autem resurrectio Christi causa est nostræ resurrectionis: ita ascensio eius est causa nostræ ascēssionis atque salutis. Tum quia per eius ascensionem fides in nobis roboratur, charitas ad cœlestia incalescit, spes quoque suspirat. Tum quia Christus ascendit vt nobis locum pararet patremque cœlestem pro nobis interpellaret, atque ex cœlo velut ex propria sede cœlestia nobis dona transmitteret.

¶ Quod Christus sedet ad dexteram patris. 2. Secundum quam naturam hoc ei conueniat. 3. An id sit proprium Christo. Articulus 73.

**S**essio autē duo importare potest videlicet quietem ac iudiciariam potestatem. Et vtroq; modo Christus ad dexterā dei patris sedet. Nam inæternum apud patrē manet atque ab eo iudiciariam potestatem suscepit & ei conregnat. Et ergo secundum Augustinum, sedere accipitur hic pro habitare. Quemadmodum dicimus: Ille se-

dit in tali regione per tres annos. Dextera verò patris intelligitur beatitudo ipsius. Vel secundum Damascenum<sup>1</sup>, Christus sedet ad dexteram patris, id est honorem & gloriam diuinitatis habet, sicut & pater, velut patri æqualis. Itaque per dexteram tria possunt intelligi, scilicet honor & gloria diuinitatis, beatitudo patris, iudiciariaque potestas. Sedere autem ad dexteram patris, est ei conregnare & ista ab eo habere.

2. ¶ Ex quo patet, quod sedere ad dexteram patris competit filio secundum quod deus: quicquid enim est filius à patre recepit. Imo hoc modo spiritus sanctus dici potest ad dexteram patris vel filij. Quauis hæc sessio approprietur filio, quia secundum Augustinum in patre est vnitas, in filio æqualitas, in spiritu sancto vnitatis æqualitatisque connexio.

3. ¶ Denique cum dicitur Christus sedere ad dexteram patris, hæc præpositio ad quendam accessum designat, in quo intelligitur conuenientia cum aliqua distinctione. Si ergo intelligatur conuenientia in natura, & distinctio in persona: sic Christus secundum quod deus, sedet ad dexteram patris. Est enim vtriusque vna natura, sed distincta persona. Secundo intelligi potest prædictus accessus secundum gratiam vniionis. Et ita in Christo accipitur vnitas in persona & distinctio in natura. Sic verò Christus vt homo est filius dei naturalis, non adoptiuus, & per consequens ad patris dexteram secundum gratiam habitualement, quæ maior fuit in Christo quàm in omnibus creaturis, omnium enim constitutus est rex & iudex. Sic igitur Christus secundum quod homo, sedet ad dexteram patris, id est in potioribus bonis ipsius, plus de beatitudine & perfectione eius recipiens. Si autem designetur vnitas suppositi, sic etiam Christus secundum quod homo, sedet ad dexteram patris secundum æqualitatem honoris, in quantum eodem honore veneramur filium dei cum natura assumpta, secundum intellectum præhabitum. Elucescit autem ex his, quod sedere ad dexteram patris vtroque modo sit proprium Christo. Ipse enim solus patri æqualis est, & præ omnibus potiora eius bona participans. Nulli ergo angelorum vel hominum competit sessio hæc, nisi Christo.

¶ Vtrum Christo competit iudiciaria potestas. 3.

Secundum quam naturam conueniat ei. 3. An  
meruit eam. Articulus 74.

**A** Diudicium verò faciendum tria exiguntur, videlicet potestas subditos coercēdi, zelus quoque iustitiæ, & sapientia secundum quam proferatur iudiciū in quo iudicij forma consistit. Ratio nanque iudicij est lex sapientiæ vel veritatis, secundum quam iudicare oportet. Cum ergo filius sit sapientia genita patris, & veritas patrem perfecte repræsentans: idcirco potestas iudiciaria ei proprie competit. Nam secundum Augustinum libro de vera religione, hæc est incommutabilis illa veritas quæ lex omnium artium rectè dicitur, & ars omnipotentis artificis. Iudiciaria ergo potestas filio appropriatur: quanuis toti superbeatissimæ trinitati communis sit.

2. ¶ Quanuis autem iudiciaria potestas conueniat filio secundum quod deus authoritatiuè: tamen competit ei vt homo, quo ad executionem actus, non in quantum homo durat, sed in quantum est caput omnium hominum cuius pedibus omnia deus subiecit. Et hoc est primo propter affinitatem Christi ad homines, decet enim vt deus per Christum tãquam sibi viciniorem nodisque coniunctum vt caput, alios iudicet. Secundo, quoniam decet vt homines iudicem suum in finali iudicio videant.

3. ¶ Præterea non est inconueniens aliquid alicui ex diuersis causis competere: sicut gloria corporis conuenit Christo non solum ex redundantia animæ, vnionēque verbi, sed & propter meritum passionis, vt dictum est. Conformiter licet iudiciaria potestas Christo conueniat, & propter diuinam personam, & propter capitis dignitatem ac gratiam habitualem: nihilominus meruit eam secundum quandam decentiã. Nam decet, vt qui propter iustitiam iniuste iudicatus est, iudex sit aliorum.

¶ An Christo conueniat iudiciaria potestas ad omnes .2.

An præter præsens iudicium sit expectandum finale iudicium. 3. An potestas iudiciaria Christi extendatur ad angelos. Articulus 75.

**C**hristus verò omnium hominum iudex est. Ipse enim pro omnibus passus est, & per ipsum omnes electi saluantur. Ipse quoque omnium cordium secreta cognoscit, & maximè diuinæ sapientiæ est coniunctus.



## D. DIONYSII CARTHUSIANI

2 ¶ Porro perfectum iudicium ferri non potest de aliquo ante eius consummationem, quando non est amplius timendum de periculis ante finem euenire potentibus. Et ergo post mortem fit statim vniuscuiusq; iudiciū. Sed quia post mortem permanet homo secundum aliquid, pluribus modis. Primo, prout viuūt in memorijs hominum, in quibus interdum contra veritatem remanet bonæ malæve famæ. Alio modo in filijs, qui sunt quasi aliquid parentum: & tamen multorum bonorum sunt mali filij, atque econtra. Tertio, quantum ad effectum studiorum seu operum suorum quemadmodum ex deceptione Arrij & hæresiarcharum pullulat error vsque ad terminum seculi, & vsque tunc proficit fides ex prædicatione & doctrina aliorum. Quarto quantum ad corpus, quod quandoque honorificè sepelitur, sæpe inhumatum relinquitur. Quinto quantum ad ea quæ homo dilexit, videlicet temporalia bona. Omnia autem hæc subduntur diuino iudicio. Vnde de omnibus perfectum atque manifestum iudicium nequit haberi, quandiu hic status durat. Oportet igitur esse vnum generale atq; finale iudicium, in quo omnia plenissimè iudicentur, quæ ad homines qualitercunq; pertinent. Verum tamen sicut Naum primo habetur, deus non iudicat bis in id ipsum id est secundum idem, sed bene secundum diuersa.

3 ¶ Præterea iudiciaria Christi potestas ad angelos bonos ac malos se extendit, etiam ex parte naturæ assumptæ. Primo propter vnionem cum verbo, propter quam Christus vt homo, summos angelorum illuminat, secundum Dionysium. Secundo propter meritum humiliationis, passionisq; suæ, per quam meruit vt omnè genu cœlestium, terrestrium, ac infernorum ei flectatur. Tertio, quia est caput hominum, ad quorum ministerium angeli emittuntur. Propter quod de ministerio angelorum habet indicare siue discernere, & de accidentali præmio quod exinde consequuntur, & ita de accidentali pœna, quam dæmones nos persequendo merentur.

¶ An sacramentum sit in genere signi .2. An  
omne signum rei sacræ sit sacramentum. 3  
An sacramentum. 3. sit solum vnius rei  
signum. 4. An sit signum quod est  
res sensibilis. Art. 76.

**O**Mnia autē quæ ad aliquid vnum ordinantur, ab illo possunt denominari, quāuis differēter, quæadmodum medicina, vrina, diæta, potio amara, dicuntur sana, quia ad sanitatē referuntur: sed diuersimodē.

Medicina nanq; dicitur sana, quia est causā sanitatis. Diæta, quia conseruat sanitatē. Vrina, quia significat eā. Pariformiter sacramētū dici potest, vel quia cōtinet sãctitatē occultā, sicq; sacramētū aliud non est nisi sacrū secretū, vel quia ordinē habet ad sãctitatē, vel causā, seu signi, aut similis habitudinis. Nunc verò de sacramentis fit sermo, prout habitudinē signi important: & ergo sacramētū in genere signi reponitur. Vnde decimo de ciuitate dei ait Augustinus, quod sacrificiū visibile inuisibilis sacrificij est sacramētū, id est sacrū signum.

2 ¶ Præterea signa proponuntur hominibus, quorum est ex notis ad ignotorum noticiā peruenire. Et ideo omne signū rei sacræ ad homines pertinentis dicitur sacramentum, prout nunc de sacramento tractatur, videlicet prout ad nostram sãctificationem refertur.

3 ¶ Tria autem considerantur in sãctificatione nostra, videlicet causā eius quæ est passio Christi. Forma eius, videlicet gratia & virtutes. Finis quoque eius, qui est vita æterna. Et omnia ista per sacramenta signantur. Ideoq; sacramentum est signum rememoratium præteriti, scilicet passionis Christi. Demonstratiuum præsentis, quod in verbis efficitur per virtutem passionis Christi, videlicet gratiæ. Et prænosticum futuri, scilicet gloriæ.

4 ¶ Denique quoniam connaturale est homini, vt per sensibilia ad spiritualia manuducatur: sacramenta quæ sunt signa spiritualium rerum, debent esse quædam sensibiles res. Et ergo sacramentum est signum sensibile.

¶ An ad sacramenta requiratur determinata materia. 2. An significatio quoque per uerba. 3. An uerba determinata. 4. An uerbis illis possit aliquid addi uel subtrahi. Arti. 77.

**S**ACRAMENTVM igitur in sãctificatione consistit. Sãctificatio autem à deo est. Nō autē est in potestate hominis, id quod ad deū pertinet atq; ex eius potestate dependet. Et ideo homo non potest suo iudicio quasq; res quibus sãctificationem à deo acquirat,

assumere: sed hoc ex diuina institutione oportet esse determinatum in noua lege. Sacramenta ergo determinatas sensibiles res exigunt.

¶ Veruntamen, ut ait Augustinus contra Faustum, diuersa sacramenta diuersis temporibus congruunt. Vnde in statu legis naturæ nulla existente lege exterius data, homines solo interiori instinctu mouebantur ad deum colendum. Et ergo ex instinctu interiori determinabatur eis, quibus rebus sensibilibus vterentur in cultu diuino. Postmodum verò propter obsecrationem legis naturalis, necesse fuit dari legem scriptam præsertim propter manifestiorem significationem ecclesiæ Christi. Idcirco oportuit res determinari, quibus homines vterentur in sacramentis.

2 ¶ Præterea rebus sensibilibus oportet verba adiungi in ipsis sacramentis. Sacramenta enim considerantur tripliciter. Primo ex parte causæ sanctificantis, quod est verbum incarnatum. Secundo ex parte hominis, qui sanctificatur. Tertio ex parte significationis sacramentalis. Quolibet autem modo conuenit verba adiungi rebus. Nam per additionem verbi cum re sensibili conformatur sacramentum verbo dei vnito carni. Item virtus sacramenti non agit nisi per fidem, fides verò est ex auditu, ad quæ pertinent verba. Rursus verba præcipuè locū obtinent inter signa. Fuit etiā opportunū, ut significatio rei sensibilis determinetur per verba. Nam res sensibilis plura potest signare, quæadmodū aqua propter humiditatem significat ablutionem, & refrigerium propter frigiditatem. Sed cum dicitur: Ego te baptizo, insinuat quod aqua vtimur in baptismo ad designandum spirituales emundationem. Per verba enim, quorum significatio certior est, perficitur significatio rei: sicque in sacramento ex verbo & re fit vnum quodāmodo, sicut ex forma atque materia. Nam in veteri lege verba addebantur sacramentis.

3 ¶ Amplius verba in sacramentis se habent per modū formæ, res autem per modum materiæ. Forma verò est quæ distinguit & separat atque determinat vnumquodque, est enim finis materiæ. Magis ergo exiguntur in sacramentis determinata verba, quàm res determinatæ. In qualibet autem lingua assumenda sunt talia verba in sacramentis, quibus homines linguæ illius principalius communiùsque vtuntur. Aduertendum quoque, quod ille qui verba sacramentalia profert cor-

ruptè ex industria, non videtur intèdere agere quod agit Ecclesia. Vnde nec ipsum sacramentum perfici videtur. Sed si hoc faciat ex errore aut lapsu linguæ, vt illiterati ac balbi: si sit tanta corruptio quæ penitus aufert sensum locutionis, nō videtur perfici sacramentum. Et hoc maximè accidit, quando principium dictionis corrumpitur. Si autem non omnino tollatur sensus locutionis per huiusmodi corruptionem, perficitur sacramentum: quod præcipuè contingit, quando circa finem corrumpitur dictio, tunc enim propter accommodationem vsus remanet idem sensus.

4 ¶ Porro circa mutationem verborum sacramentaliū duo pensanda sunt. Vnum ex parte proferentis. Aliud ex parte significationis verborum. Cum enim ad sacramentum requiratur intentio, si quis per diminutionem vel additionem verborum intendat nouum ritum ab ecclesia non receptum inducere, non perfici videtur sacramentum. Non enim videtur intendere facere, quod facit ecclesia. Item cum verba operentur in sacramentis, quantum ad sensum quem faciunt, si per prædictam mutationem tollatur debitus sensus verborū, tollitur virtus sacramenti. Quod tunc contingit, quando minuitur aliquid ad substantiam formæ sacramentalis pertinens: vt si quis dicat: Ego te baptizo in nomine patris & filij. Si verò per diminutionem verborum, non mutatur substantia formæ sacramenti, perficitur sacramentum, ac si conficiens dicat: Hoc est corpus meum, veraciter consecrat: quanuis sic dicēs peccat propter negligētiam vel contemptum. Demum si per appositionem sensus corrumpitur, non fit sacramentum, quæ admodum Arriani, qui dicebant: Ego te baptizo in nomine patris maioris, & filij minoris, &c. non baptizabant. Si verò additio debitum sensum non auferat, non tollitur virtus sacramenti: & non refert vtrum additio fiat in principio, medio, aut fine. Vnde si baptizans diceret: Ego te baptizo in nomine patris omnipotentis, & filij eius vnigeniti, & spiritus sancti & paracleti, nihilominus baptizaret. Sed si adderet: & beatæ Mariæ virginis, non esset baptismus: si tamen intelligeret in nomine Mariæ baptizari, sicut in nomine trinitatis. Dicitur enim prima ad Corinthios primo: Nunquid Paulus pro vobis crucifixus est? aut in nomine Pauli baptizati estis? Si verò adderetur: & beatæ Mariæ virginis, ad hūc sensum quod eius intercessio assit baptizato, non tolleretur baptismus. Par. For-

## D. DIONYSII CARTHUSIANI

miter si sit tanta interruptio in prolatione verborum, quod interceptiatur proferentis intentio, tollitur sensus sacramenti, & per consequens virtus ipsius. Nō autem si sit interruptio parua intentionē nō interrumpēs. Et eodē modo de transpositione verborū intelligendū est. Si nanq; transpositio sensum impediāt, non perficitur sacramentū: vt cum negatio præponenda postponitur, vel econtra. Si autem non tollitur sensus, tunc nomina & verba trāspōsita idē significāt atq; efficiunt.

¶ *Vtrum sacramenta necessaria sint ad humanam salutem.*

2. *An fuerunt necessaria ante peccatum. 3. An ante aduentum Christi. 4. De tempore gratiæ. Artic. 78.*

**N**ecessaria denique sunt salutis humanæ sacramenta. Primo, quoniam homo, qui ex corporali materia & anima constat, indiget per sensibilia signa ad spiritualia eleuari. Deus autē singulis prouidet secundū capacitatem atq; naturam ipsorum. Secundo, nam homo per peccatū corporalibus rebus se subdidit: & ergo spiritualia in sua puritate capere nō valeret animus eius corporalibus implicatus. Tergio, quoniā naturale est hominī circa corporalia versari, durūmq; ei consistere, si omnino ab eis abstrahere se deberet. Et ergo hanc occupationem salubrem sacramentorum circa sensibilia dedit Deus hominibus. Nam & per hoc reuocantur à sacris idolorum, & seipsos humiliare coguntur dum vident se sensibilibus rebus ad salutem indigere, & in illis opem requirere: quatenus sic virtus passionis Christi sibi applicetur, gratiāque adipiscantur diuinam.

2. ¶ Porro in statu innocentie homo non indiguisset sacramentis propter originalem iustitiam, per quam subdita fuit ratio Deo, sensualitas rationi, & caro spiritui: vnde perfectio animæ in scientia vel virtute non dependebat ex applicatione sensibilibus rerum, sed à Deo. Ex quo patet, quod matrimonium ante peccatum institutum fuit non sicut sacramētum, sed sicut naturæ officium: quanuis ex consequenti aliquid circa Christum significaret futurum, quēadmodum omnia alia in eius figura præcesserunt.

3. ¶ Deniq; post peccatum nemo sanctificari potest nisi per Christum, quem proposuit Deus propiciatorem per fidem in sanguine eius, ad ostensionem iustitiæ suæ: oportuit ergo an-

re Christi aduentum esse quædam sensibilia signa, quibus homines protestarentur fidem de futuro Saluatoris aduentu. Hæc autem signa sacramenta vocantur: & ergo mox post peccatum oportuit aliqua esse sacramenta.

4 ¶ Ac verò sicut antiqui saluabantur per fidem Christi venturi: sic nos saluamur per eiusdem Christi præteritum aduentum. Cum ergo sacramenta sint signa fidem Christi iustificantis protestantia, necesse est in noua lege alia esse sacramenta à sacramentis priscorum. Aliter enim significatur futurum aliterque præteritum. Vnde Augustinus 19. contra Faustum dicit, quod prima sacramenta legis erant prænuntia Christi venturi. Et iterum (inquit) sacramenta veteris legis sunt ablata, & alia sunt instituta virtute maiora, vtilitate meliora, actu faciliora, numero pauciora. Et Dionysius 5. capit. Ecclesiasticæ Hierarchiæ asserit, nouam legem esse medium inter veterem legem & statum futurum. Sicut enim sacramenta veteris legis implentur & veritatem sortiuntur in noua lege: Sic illa quæ nunc per speculum videmus & in ænigmate gerimus, clarè ac nude in patria conspiciemus. Propter quod ad Galatas quint. Apostolus veteris legis sacramenta appellat infirma atque egena elementa, quia nec gratiam continebāt, nec dabant. Et igitur vtentes illis dicit Apostolus sub elementis huius mundi Deo seruisse: non enim aliud erant nisi elementa.

¶ An sacramenta nouæ legis sint causæ gratiæ. 2. An gratia sacramentalis aliquid addat super gratiam virtutum & donorum.  
3. An sacramenta contineant gratiam. Articuli. 79.

**P**Er sacramenta præterea nouæ legis Christo incorporamur, iuxta illud Apostoli ad Galatas tertio: Quotquot in Christo baptizati estis, Christum induistis. Hæc autem incorporatio sine gratia fieri nequit. Et ergo sacramenta nouæ legis non solum sunt signa, sed etiam causa gratiæ, non autem principalis, sed instrumentalis. Solus namque Deus est causa efficiens principalis omnis gratiæ, sacramenta verò tanquam instrumenta diuinæ virtutis causa gratiæ nominantur, in quantum ex diuina ordinatione ad gratiam inducendam applicantur. Quidam tamen affirmant, quod non sunt causa gratiæ aliquid operando, quod multis

## D. DIONYSII CARTHUSIANI

sanctorum autoritatibus dissonat. Nam communiter dicitur, quod efficiunt quod figurant. Et Augustinus ait: Aqua corpus tangit, & cor abluit.

2 ¶ Præterea gratia secundum se considerata immediate perficit essentiam animæ, & sicut ab anima fluunt eius potentia, ita à gratia fluunt virtutes ac dona, quibus perficiuntur potentia ad suos actus. Sacramenta verò ad speciales actus in vita christiana necessarios ordinantur: quemadmodum baptisimus ad spiritualem regenerationem, qua homo moritur vitijs & Christi membrum efficitur: qui effectus est aliquod sacramentale speciale præter actus potentiarum animæ. Sicut ergo virtutes ac dona superaddunt gratiæ communiter dictæ quandam perfectionem determinare, ordinatam ad proprios actus potentiarum: sic gratia sacramentalis addit super gratiam communiter dictam, ut supra virtutes ac dona quoddam diuinum auxiliū, ad cōsequendū sacramenti finē. Sicq; gratia sacramentalis addit super gratiam virtutum atq; donorum.

3 ¶ Insuper sacramenta nouæ legis continent gratiam eo modo, quo gratia est in eis. Est autem in eis non sicut in subiecto, sed sicut in signo & causa instrumētali: non sicut in causa vniuoca, scilicet secundum similitudinem speciei, neq; secundum aliquam formam propriam permanentem ad effectum talem proportionatam: sicut effectus sunt in causis non vniuocis, ut generabilia in sole.

¶ *Vtrum in sacramentis sit uirtus gratiæ causatiua. 3. Quod hæc uirtus deriuatur à passione Christi. 5. An sacramenta ueteris legis gratiam causabant. Articulus 80.*

**E**ST ergo in sacramentis nouæ legis uirtus causalis gratiæ Christi proportionata instrumento: quod non procedit in actum nisi moueatur à principali agente. Hæc ergo vis gratiæ causatiua, cum sit spiritalis & instrumentalis, nō habet in sacramento sensibili nisi esse fluēs & incompletum: in Deo autem habet esse completum ac fixum, in cuius uirtute spiritualem effectum producit: quemadmodum vox sensibilis excitat intellectum & spiritualiter agit in eum, secundū quod ex conceptu proferentis mentali procedit. Vnde hæc uirtus imperfecta non est secundum se in genere, sed reducitur ad genus uirtutis perfectæ.



2 ¶ Amplius instrumentum est duplex, videlicet separatum, vt baculus; & coniunctum, vt manus. Instrumentū verò coniunctum mouet separatum: quemadmodum manus baculum. Causa igitur principalis gratiæ sacramentalis & prædictæ virtutis est ipsa diuinitas. Sed Christi humanitas est causa instrumentalis coniuncta. Sacramenta verò sunt causa instrumentalis separata. Et ergo à Deo per Christi humanitatem hæc virtus ad sacramenta deriuatur. Sacramenta autem præcipuè ordinantur ad duo, videlicet ad tollendū defectum præteritorum peccatorum, actu transeuntium & reatu manentium. Secundo ad perficiendum animam in his quæ ad cultum christianæ pertinent religionis. Christus autem per passionem suam potissime liberauit nos, non solum efficienter & meritorie, sed & satisfactorie: initiavitque ritum hunc offerendo seipsum pro nobis. Et ergo virtus sacramentorum à passione Christi causatur, in cuius figuram de latere eius fluxerunt sanguis ad eucharistiam pertинens, & aqua ad baptismum respiciens, quæ sunt duo principalia sacramenta. Et quia per fidem Christus in nobis habitare asseritur, ideo virtus sacramentorum quæ ordinatur ad delenda peccata, præcipuè operatur ex fide passionis Christi.

3 ¶ Adhuc autem sacramenta veteris legis propria virtute conferre non poterant gratiam, vt sacramenta nouæ legis. Alias nanque passio Christi necessaria non fuisset, secundum illud ad Galatas 2. Si ex lege iustitia: ergo Christus gratis mortuus est. Item sacramenta vim iustificandi recipiunt à passione Christi, secundum quod virtus passionis Christi applicatur hominibus per vsum exteriorum rerum in genere causæ efficientis. Sed sic applicari non potest quod nondum fuit vel est. Causam enim efficientem oportet præcedere suum effectum. Sacramenta verò veteris legis erāt quædam fidei protestationes, secundum quod significabant passionem Christi, effectusque eius. De circumcisione quoque fuit diuersa opinio. Quidam enim dixerunt, quod per eam nō dabatur gratia, sed auferebatur duntaxat peccatum. Sed hoc non valet, quia remissio culpæ non fit nisi per gratiam, iuxta illud ad Romanos 3. Iustificati gratis per gratiam ipsius. Alij ergo dixerunt, quod per circumcisionem conferebatur gratia, quantum ad effectus remotiuos peccati, sed nō quo ad effectus positiuos. Hoc verò stare non potest, quia per circumcisionem dabatur

## D. DIONYSII CARTHUSIANI

facultas perueniendi ad gloriam quæ est ultimus positivus effectus. Alij verò dixerunt, quod per circumcisionem præstatur gratia, quantum ad aliquem effectum positivum: videlicet, ut dignum faceret vita æterna: non autem ad hoc, quod est reprimere concupiscentiam ad peccandum impellentem. Et hoc mihi (ait sanctus Thomas) aliquando visum est: sed diligentius consideranti apparet hoc verum non esse, quoniam minima gratia potest resistere cuilibet concupiscentiæ, atque æterna vita condignum efficere. Melius ergo dicendum est, quod circumcisio erat signum fidei iustificantis, sicut ad Romano. 4. apost. asserit: Abraham accepit signum circūcisionis, signaculum iustitiæ fidei. Ideoque in circuncisione dabatur gratia, prout signum erat passionis Christi futuræ.

**¶** *An sacramenta causent characterem, 2. Quid sit character.*

*3. Cuius sit. 4. De subiecto eius. 5. An indelebiter insit.*

*6. Vtrum omnia sacramenta characterem imprimant.* Articulus 81.

**A**D duo, ut tactum est, sacramenta ordinantur: videlicet ad remedium contra peccatum, & ad perficiendum hominem in vita Christiana. Quicūque autem deputantur ad aliquid, solent aliquo insigniri characterē tanquam consignati ac deputati ad aliquid certum. Quemadmodum antiquitus qui ascribebantur militiæ, quodam corporali characterē consignabantur. Veruntamen sacramenta veteris legis quoniam gratiam non conferebant, spirituale characterem non requirebant: sed sufficiebat illi corporalis circumcisio legis.

**2** **¶** Præterea cultus dei in Christiana religione, ad quem sacramenta ordinant hominem, consistit in duobus: videlicet in recipiendo diuina, & in tradendo ea alijs. Ad quorum primū exigitur potestas actiua, ad secundum virtus passiua. Idcirco character importat spirituale potentiā ad ea quæ diuini cultus sunt ordinatā. Sed hæc potētia instrumentalis est, & quid incōpletū in genere: sicut de virtute quæ in sacramētis consistit, præhabitu est. Vnde nō est secundū se in genere, sed reducitur ad genus qualitatis, & ad secundā speciē eius. Quādoq; tamen character dicitur figura vel signaculum. Nam ad Hebræos primo, vbi filius vocatur figura substantiæ patris, in

Græco habetur character. Character quoque est signum distinctionum fidelium ab infidelibus.

3 ¶ Denique fideles ad duo ordinantur. Primo atque finaliter ad gloriæ fruitionem : & ad hoc insigniuntur signaculo gloriæ, iuxta illud Ezechielis nono. Signa thau super frontes virorum gementium & dolentium. Secundo ad recipiendum vel tradendum alijs ea, quæ ad cultum religionis pertinent Christianæ. Ad quod propriè deputatur character sacramentalis. Totus autè Christianæ religionis cultus à sacerdotio Christi denuatur: ideoq; character sacramentalis specialiter Christi character vocatur : cuius sacerdotio configurantur fideles per sacramentales characteres : quæ aliud nihil sunt, quàm participationes sacerdotij Christi ab eo deriuatæ. Character quoq; si cõparetur ad sacramentū exterius, est res quædam: si verò referatur ad vltimum effectum, scilicet gratiā, sic dicitur signum. Quidam verò hoc modo diffiniunt characterē: Character est distinctio, à characterē æterno impressa animæ rationali, secundum imaginem configurans trinitatem creatam trinitati creati, & distinguens à non configuratis. Character autem æternus est filius dei, qui est figura substantiæ patris.

4 ¶ Porro quia character immediate ordinatur ad actū, ut dictum est : ideo eius subiectum non ponitur essentia animæ, sed potentia eius. Ordinatur verò character ad cultū diuinū, qui est quædā protestatio fidei per exteriora signa. Propterea illa vis animæ est subiectum characteris, in qua fides cõsistit, videlicet ratio. Et sicut essentia animæ perficitur gratia, sic naturalia potentia characterē, quo ad actus diuini cultus.

5 ¶ Insuper cum character sit participatio sacerdotij Christi, ideo Christo non competit. Sacerdotium autem Christi æternum est, sicut in Psal. habetur : ideo omnis sanctificatio quæ fit per sacerdotium Christi, semper durat, re consecrata in esse manente : quemadmodum in rebus inanimatis videmus. Nam templum ac vasa semel consecrata non denuo cõsecratur, nisi primitus destruantur. Cū igitur anima rationalis secundū partē intellectuā, quæ immortalis est, sit subiectū characteris: palā est, quod character indelebiter insit. Cū enim character sit virtus instrumētalis, immobilitas eius attenditur ex immobilitate principalis agētis: quod est virtus diuina. Remanet quoque character post vitam hanc in malis ad eorum tormentum, in bonis ad eorū lætitiā. Manet autem in bonis

non quo ad actus, quos nunc exercet, sed per comparationem ad finem ultimum.

6 ¶ Amplius sacramenta, ut dictum est, ordinantur ad duo: videlicet in remedium contra peccatum. Et hoc est commune omnibus sacramentis, eo quod gratiam conferant. Et item ad cultum diuinum. Hoc verò omnibus directè non cōpetit. Nam per pœnitentiam homo à peccato eripitur, atque per gratiæ refusionem ad pristinum statum reducitur: nō autem exhibetur aliquid nouum homini ad diuinum pertinens cultum. Pertinet quoque sacramentum ad cultum diuinum tripliciter. Primo per modum actionis, ut eucharistia, in qua principaliter diuinus cultus consistit, secundum quod est ecclesiæ sacrificium: non tamen per eam character imprimitur, quoniam per hoc sacramentum non ordinatur homo ad aliquid vterius agendum, vel recipiendum. Præsertim cum ipsum sit finis atque consummatio omnium sacramentorum, secundum Dionysium tertio Ecclesiasticæ Hierarchiæ capi. Secundo per modum agentis, ut sacramentum ordinis, per quod fiunt homines idonei ad hoc, quod alijs sacramenta tradant. Tertio per modum recipientis, ut baptismus, per quem datur potestas recipiendi alia sacramenta: propter quod ianua sacramentorum vocatur. Ad idem quoque ordinatur, quodammodo confirmatio. Ideo per tria duntaxat sacramenta, videlicet ordinem, baptismum, confirmationem character imprimitur: qui est res & sacramentum, ut dictum est.

- ¶ *An solus deus operetur intus in sacramentis. 5. An institutio sacramentorum sit solum à deo. 3. De potestate Christi in sacramentis. 4. An potuit illam alijs communicare. 5. Vtrum malis conueniat potestas ministerii in sacramentis. Articulus 82.*

**D**Enique interior sacramentorum effectus à solo deo est, sicut à principali agente. Tum quoniam gratia seu iustificatio, quæ est interior sacramentorum effectus, à solo deo præstat. Tum quoniam solus deus essentiæ animæ, in qua gratia est, illabatur. Nil enim agit, ubi non est. Tum quia character, qui est aliquorum sacramentorum effectus, est instrumentalis virtus diuinæ potentiæ ab ea immediate dependens. Minister autem Christi est causa

effectus sacramentalis, instrumentalis atque dispositiva.

2 ¶ Porro quoniam deus est prima principalisque causa in operatione sacramentorum: idcirco omnia sacramenta à deo institutionem sortita sunt, quantum ad ea quæ de necessitate sunt sacramentorum. Quæ verò ad solennitatem ac reuerentiam pertinent, ab hominibus instituta esse possunt. Et quanuis institutio ista non habeatur in scriptura canonica, fideles tamen à familiari apostolorum traditione eam adepti sunt. Vnde prima ad Corint. 11. ait Paulus: Cætera cum venero, disponam.

3 ¶ At verò Christus vt deus, agit interius in sacramentis principaliter, & authoritatiuè: sed secundum quod homo, agit meritoriè & efficienter, prout passio eius meritoria fuit & effectiua gratiæ iustificationisque nostræ: & tamè vt homo hæc agit instrumentaliter. Sed quoniam natura humana Christi est instrumentū deo coniunctum, idcirco instrumentalis potestas sibi eminentius conuenit. Primo quoniam ex passione sua sacramenta sunt ad operandum efficacia. Secundo, quia in nomine Christi sacramenta sanctificantur. Tertio, quia ipsemet ea instituit. Quarto, quoniam interiorem sacramenti effectum sine exteriori signo tribuere potuit.

4 ¶ Præterea potestatem authoritatiuam, quæ competit Christo vt deus est, ipse non potuit aliis communicare: sicut nec diuinam essentiam. Aliam autem potestatem poterat communicare secundum quatuor prædicta. Non autem hoc fecit, ne in alio quàm in ipso speremus, & ne essent diuersa ecclesiæ sacramenta.

5 ¶ Insuper cum minister non sit nisi causa instrumentalis in effectū sacramentorum, quæ non agit virtute sua sed principalis agentis, ideo siue minister sit bonus siue malignus, sacramentum conficere potest: quemadmodum Augustinus super Ioannem dicit: Quid tibi facit malus minister, vbi bonus est dominus? Nam & per instrumenta muta ac mortua artifex agere potest, vt faber per malleum, & similiter Christus per ministrum spiritualiter mortuum.

¶ Vtrum mali peccant sacramenta dispensando. 2. An angeli possunt ea ministrare. 3. An in sacramentis exigatur intentio. 4. An recta fides. 5. An recta intentio.

Articulus 83.

K iij

**D**Ebent autem ministri domino suo cōformari, eū-  
que reuereri, & opera eius honorabiliter contre-  
ctare. Maligni igitur ministri, qui Christum non se-  
quuntur neque honorant, dispensando sacramenta  
peccant. Vnde primo capitulo Ecclesiasticę Hierarchiæ Dio-  
nysius asserit, quod malis fas non est vel tangere symbola, id  
est sacramentalia signa.

2 ¶ Præterea virtus sacramentorum deriuatur à Christo ad  
homines, tanquam à capite ad membra eiusdem secum natu-  
ræ existentia. Cum ergo angeli in natura humana Christo ne  
quaquam communicent, sequitur quod dispensare vel mini-  
strare sacramenta ad ipsos non attinet. Veruntamē sicut deus  
non alligauit suam virtutem sacramentis, quin sine eis queat  
effectum sacramentorum conferre: ita non alligauit suā vir-  
tutem ministris. Vnde si angeli sancti, qui veritatis sunt nun-  
cij, aliquod ministerium sacramentale exhibeant: quemad-  
modum quædam templa ab angelis consecrata dicuntur: tale  
ministerium firmum ac ratum habendum est. A malo autem  
ministro ecclesiæ recipi potest sacramentum, quandiu ab ec-  
clesia toleratur. Non enim ab ipso recipitur inquantum est  
talis persona, sed inquantum est minister ecclesiæ.

3 ¶ Porro ea quæ se habēt indifferēter ad multa, oportet per  
aliquid limitari ad vnum, si illud effici debet. Quæ autē in sa-  
cramētis fiunt, diuersimode agi possunt: quæadmodū ablutio  
quæ fit in baptismo referri potest ad corporale munditiā vel  
alias causas. Necesse est ergo, vt determinetur ad vnū scilicet  
sacramentalē effectū per intentionē abluētis: quæ explicatur  
per verba sacramentalia, cū dicitur: Ego te baptizo, &c. Mini-  
ster nanq; est animatū instrumētū, quod aliquo modo mouet  
seipsum. Quanuis verò certa non sit baptizantis intētio, & an  
intentionē habeat, nō tamen est dubium an homo sacramētū  
recipiat. Minister nanq; ecclesiæ agit in persona totius eccle-  
siæ, & ergo intētio ecclesiæ, quæ per verba exprimitur, sufficit  
nisi cōtrariū exprimatur exterius ex parte ministri vel reci-  
piētis. Quidā verò affirmant quod requiratur mētalis intentio  
in ministro, cuius defectū in pueris baptizatis supplet Chri-  
stus baptizans interius. In adultis verò supplet propria fides  
atq; deuotio. Sed quia character nunquā imprimitur, nisi per  
sacramentum, videtur quod prima responsio melior sit. Item  
non requiritur intentio actualis, sed sufficit habitualis: vt sci-

licet homo id operari intendat in sacramento, quod facit Ecclesia, (altem in ipso accessu ad exhibitionem sacramenti.

4 ¶ Amplius sicut in ministro, quoniam instrumentaliter agit in sacramentis, non exigitur charitas, ut sit bonus: ita nec fides qua sit fidelis: dummodo alia requisita affuerint. Unde minister de ipso sacramento perfidiam habet, non tamen ignorat, quod ecclesia Christiana intendit per id, quod foris agitur sacramentalis effectum inducere seu sacramentum impendere: talis quoque intentio sufficit, quoniam minister non agit nisi in persona ecclesiae, per cuius fidem suppletur quod deest ministro. Item haeretici si formam ecclesiae seruent, conferunt sacramentum: sed non re sacramenti. Nam recipiens peccat ab eis sacramentum recipiendo. Et ergo gratiae obicem ponit. Si autem formam non seruent, nec sacramentum nec rem sacramenti impendunt. Cyprianus vero martyr putavit, quod licet formam seruant, non tamen sacramentum conferrent. Sed in hoc eius sententia non tenetur: imo per passionis falce in eo deletum est, quod deliquit, secundum Augustinum.

5 ¶ Insuper intentio in sacramentis dupliciter potest perverti. Primo respectu sacramenti: ut si quis non intendat sacramentum conficere, sed delusorie aliquid agere: & talis peruersitas aufert vim sacramenti, praesertim, si intentio illa exterius manifestetur. Secundo respectu alicuius consequentis sacramentum, ut si quis intendat corpus Christi conficere, quatenus eo ad beneficia abutatur. Talis autem peruersitas veritatem sacramenti non impedit, Posterius enim non aufert prius. Praedicta demum peruersitas ministri pervertit opus intendentis, non autem opus alterius. Ideo ex peruersitate intendentis pervertitur opus quod agit in quantum est opus eius: non in quantum est opus Christi, cuius est minister.

¶ De numero. 2. De ordine. 3. De comparatione sacramentorum adinuicem. 4. An omnia sint de necessitate salutis. Articulus 84.

**S**acramenta itaque perficiunt hominem ad spiritualem vitam, in qua homo perficitur dupliciter, scilicet quo ad seipsum, & quantum ad alios. Sicut autem in vita corporali primo requiritur rei generatio, secundo eius ad debitam quantitatem deductio, tertio sui esse con-



seruatio: sic sacramentum quo homo spirituale esse acquirit seu spiritualiter generatur, vocatur baptismus: quod est lauarum regenerationis. Confirmatio verò in qua baptizatis confertur spiritus sanctus ad robur, perducit ipsum esse spirituale ad debitam quantitatem. Per eucharistiam autem conseruatur in esse. Perficit quoque homo quo ad seipsum per accidens, remouendo prohibentia spirituales vitam, videlicet culpas, contra quos est sacramentum poenitentiae. Vnctio autem extrema est contra peccatorum reliquias, est enim restitutio valetudinis pristinae, reddens paratum ad gloriam finalem. Perficitur quoque homo quantum ad alios, quibus cõuiuit, dupliciter. Primo per hoc quod recipit potestatem alios gubernandi atque publicos actus exercendi: quod fit per sacramentum ordinis. Secundo per naturalem propagationem. Ad quod ordinatur matrimoniũ, tam in corporali quã in spiritali vita. Est enim non solum sacramentum, sed & naturae officium. Rursus sacramenta sunt remedia contra peccata. Vnde baptismus ordinatur contra carentiam spiritualis vitae. Confirmatio contra infirmitatem animi, quae in nuper renatis inuenitur. Poenitentia contra actuale peccatum, post baptismum peractum. Extrema vnctio contra reliquias peccatorum, quae per poenitentiam non sunt sufficienter ablatae. Ordo contra dissolutionem multitudinis. Matrimonium contra concupiscentiam & defectum multitudinis ex morte prouenientem. Quidam autem accipiunt numerum sacramentorum per coaptationem ad virtutes atque defectus culparum ac poenalitatum, dicentes: quod fidei correfpondet baptismus, & ordinatur contra culpam originalem. Spei vnctio extrema, quae est contra peccatum veniale. Charitati eucharistia, quae ordinatur contra poenalitatem malitiae. Prudentiae ordo, qui ordinatur contra ignorantiam. Iustitiae poenitentia, quae est contra peccatum mortale. Temperantiae matrimonium, quod est contra concupiscentiam. Fertitudini confirmatio quae est contra infirmitatem.

¶ Aqua verò benedicta & similes consecrationes non sunt, sacramenta, sed dispositiones ad ea. Non enim conferunt gratiam, sed praparent aliquo modo ad eam. Sacramenta autem legis naturae, quae secundum Hugonem sunt tria, videlicet oblationes, decimae, sacrificia, non sunt amplius sacramenta, quoniam non sunt nunc figuralia, vt tunc.

2 ¶ Præterea sicut vnum præcedit multa : sic sacramenta perficientia hominē circa seipsum priora sunt. Et ideo ordo & matrimonium vltimo ponuntur inter sacramēta. Ordo quoque præcedit matrimonium, quoniam spiritualior est. Rursus sacramenta, quæ per se ordinantur ad perfectionem, priora sunt illis quæ ordinantur ad eam per accidens: cuiusmodi sunt extrema vnctio, & pœnitentia: quæ vnctionem præcedit. Inter illa verò quæ per se ad perfectionem ordinantur, præcedit baptisumus, per quem spirituale esse acquiritur. Hinc sequitur confirmatio : quæ ad formale perfectionē virtutis refertur. Tertio eucharistia, quæ ordinat ad perfectionē finale.

3 ¶ Porro sacramentum eucharistiæ omnium sacramentorum est dignissimum. Tum, quoniam Christum substantialiter continet. Tum quia alia omnia ordinantur ad ipsum. Nam & matrimonium sua significatione ipsum attingit, designando vnionem Christi & ecclesiæ. Tum, quoniam omnia in ipso consummantur. Nam ordinati communicant, similiter baptizati, si sint adulti. Aliorum verò sacramentorum comparatio multipliciter potest attendi. In via enim necessitatis baptisumus est potior, sed secundum viam perfectionis ordo excedit. Inter quæ confirmatio medio modo se habet. Pœnitentia autē extremāq; vnctio inferioris sunt gradus, non enim ordinantur ad perfectionem nisi per accidens, cum secundum se non sint nisi in remedium contra peccatum vel infirmitatem. Et sicut se habet confirmatio ad baptisum, qui magis necessarius est quàm confirmatio : ita se habet extrema vnctio ad pœnitentiam. Nam sacramentum pœnitentiæ magis est necessarium, quàm vnctio extrema,

4 ¶ Adhuc autem necessarium respectu finis, de quo nūc sermo, dupliciter dicitur. Primo simpliciter & absolute, videlicet siue quo finis haberi non valet, vt cibus vitæ humanæ. Secundo necessarium dicitur id, sine quo finis tam competenter adipisci non potest, vt equus ad viam. Primo igitur modotria sacramenta sunt ad salutem necessaria, duo cuilibet personæ: quorū vnum, puta baptisumus necessarius est absolute : alius verò, scilicet pœnitentia, ex suppositione peccati mortalis: Sacramentum autem ordinis multitudinē ecclesiæ est necessarium. Nam vbi non est gubernator, populus corruet, Pro uerbio. 11. Alia demum sacramenta non sunt necessaria, nisi secundo modo. Confirmatio enim est perfectiua baptisumi:

quomodo vñtio extrema pœnitentiæ. Matrimonium quoque materiale ecclesiæ multitudinem continet.

¶ An baptismus sit ipsa ablutio uel aqua . 2. De institutione baptismi  
3. De materia baptismi. 4. An requiratur ad eam aqua simplex . 5.  
De forma sacramenti huius. Articulus 85.

**T**Ria porro considerantur in sacramēto baptismi. Quorū vñum est tantū sacramentū, videlicet ipsum signū sensibile foris existens. Aliud est tantū res, scilicet ipsa interior sanctificatio. Tertiū est sacramentū & res, puta character, qui relatus ad signū sensibile est res: comparatus autē ad gratiam rēgenerantē est signum. Quidē ergo dixerūt, quod aqua sit sacramentū in baptismo. Vnde Hugo de sancto Victore baptismū diffiniēs. Baptismus, inquit, est aqua diluendis criminibus sanctificata per verbum dei. Hæc autē positiō vera nō est. Cū enim sacramēta nouæ legis sanctificationē efficiant, in illo consistit sacramentū, in quo sanctificatio ipsa perficitur. Hæc autē non in aqua, sed in applicatiōe aquæ ad hominem perficitur. Ideo sicut Magister. 4. libro distinctione tertia asserit: Baptismus est ablutio corporis exterior sub forma verborū p̄scripta. Baptism⁹ ergo est vsus aquæ, nō aqua.

2 ¶ At verō sacramēta ex institutione diuina sortiūtur virtutē. Tunc ergo instituuntur, quādo virtutē sanctificandī recipiunt. Christus autē in suo baptismo contulit tactū suæ purissimæ carnis vim regeneratiuā aquis. Idcirco in Christi baptismo sacramentū baptismi institutum est. Sed vtendi necessitas post resurrectionē incēpit, tūc enim omnia figuralia in Christo impleta consummataque sunt. Item per baptismum Christo morienti ac resurgenti configuramur per intinctionem corporis in aquam & eleuationem ex aqua. Et ergo vsus baptismi post resurrectionem ac passionem incēpit.

3 ¶ Denique aqua cōueniens est baptismi materiā. Baptism⁹ enim est spiritalis regeneratio. Aqua autem est causa generationis terræ nascentiū, & semina rerum sunt humida. Itē per gratiā baptismi peccata lauātur, & calor cōcupiscentiæ refrēnatur. Aqua verō sua humiditate lauat immunda, sua quoque frigiditate refrigerat calida. Per aquā quoque corpus facilius quasi sepelitur atque resurgit, cū in ea immergitur atq; lauāt ac per hoc Christi passioni ac resurrectioni assimilatur. Item aqua est vbiq; cōmunis & p̄p̄te habetur. Idcirco huic sacra

mēto quod maximē necessariū est, optime cōpetit. Aqua itaq; propter suas proprietates rationabiliter à deo instituta est baptismi materia. Quod autem Iohannes Baptista de christo dixit: Ille vos baptizabit spiritus sancto & igne, secundum Chrysostomū, per ignē intelligitur tribulatio præsens. Vel secundū Hieronymum, per ignem accipitur spiritus sanctus, qui charitas dicitur, atque in igneis linguis apparuit super discipulos.

4 ¶ Præterea aqua suæ naturæ puritatem ac speciem potest amittere. Vno modo per admixtionem alterius corporis. Alio modo per alterationē. Quorum vtrumq; fieri potest à natura & arte, quæ quandoq; vtitur naturali agente. Quomodo cunque autē aqua mutetur, dummodo species seu forma substantialis ipsius non solvatur, potest in ea dari baptismus: sicut in aqua per solem calefacta, vel turbida, aut simili modo disposita. Non ergo requiritur omnimoda puritas aquæ, sed veritas suæ naturæ. Vnde admixtio chrismatis non tollit speciem aquæ. In luto quoq; quia plus habet de terra quàm aqua, non potest fieri baptismus: qui tamē fieri potest in aqua ex luto expressa. In lixiueis quoq; & balneis sulphureorū humorum potest dari baptismus, tales nanq; aquæ aliis corporibus non incorporantur, sed transeunt per ea, solamq; alterationē qualitatis recipiunt. In aqua autē rosacea, cum sit liquor rosæ resolutus & aquis alchimicis, sicut in vino, fieri non potest baptismus: sed bene in aqua pluuiali.

5 ¶ Amplius baptismus per suā formam consecratur, secundū illud Apostoli ad Ephē. quinto: Mundans eā lauacro aquæ in verbo vitæ. Et ergo in forma baptismi causa eius explicanda est. Causa verò baptismi est duplex, scilicet principalis, qui est deus trinitas: & instrumētalis, puta minister. Cū ergo hæc forma: Ego te baptizo in nomine patris & filij & spiritus sancti, vtramq; formā contineat, patet quod ipsa conueniens sit. Tamen hæc dictio Ego: non est de substantia formæ, sed propter declarationem adiungitur. Græci verò ad excludendum antiquorum errorem, qui virtutem baptismi ascripserunt baptistis dicentes: Ego sum Pauli, ego autem Apollo, ego verò Cephæ, alia forma vtuntur, dicendo: Baptizetur seruus Christi, in nomine patris, & cætera. ne videatur homini baptismus attribui. Et quia in hac forma exprimitur actus per ministerium exercitus cum inuocatione trinitatis, verum præstatur baptisma. Oportet enim secundum Alexandrum

## D. DIONYSII CARTHUSIANI

papam, ut actus baptizandi pronuntietur, quoniam in aqua multa fieri possunt præter baptismum: & ergo per explicationem huius actus determinatur quid in ea fiendum sit.

¶ Et quoniam verba sacramentalia non solum sunt significativa, sed etiam effectiua: dirigi possunt ad ea, non intelligunt, siue sint homines, ut surdi ac pueri, siue inanimata, sicut cum dicitur: Exorcizo te aqua. Sciendum quoque, quod licet in casu necessitatis possint plures simul baptizari ab vno, quia singulus recipit vnum baptismum, dicendum est: Ego baptizo vos. Nec tamen forma mutatur, cum vos non sit aliquid nisi te & te. Quauis ergo istud fieri possit, non tamen fieri valet, ut plures simul vnum baptizent, videlicet mutus, & manibus carens quorum vnus non potest loqui, sed corpus mouere. Alter non potest mouere, sed loqui. Cuius ratio est, quoniam actus multiplicantur secundum diuersitatem agentium, si ab vnoquoque perfecte procedant. Et iterum, quia illos oporteret dicere: nos. Nos autem non est tantum dicere, sicut ego & ego, sicut ego & tu. Si verò tres personæ aliis nominibus exprimerentur, quæ continet forma præscripta, non fieret baptismus verus. Sicut enim ad baptizandum assumitur aqua, quoniam vsus eius est communior: sic illa nomina diuinarum personarum oportet assumere, quibus communius consueuerunt nominari.

¶ An possit dari baptismus in nomine Christi 2. An ad baptismum requiratur immersio 3. An trina immersio 4. Vtrum reiterari possit. Articulus 86.

5 Sacramenta igitur ex Christi institutione sortiuntur virtutem. Si ergo aliquid à Christo circa sacramenta institutum prætermittatur, non erit verum sacramentum: nisi ex speciali dispensatione dei, qui virtutem suam sacramentis non alligauit. Quoniam ergo Christus instituit dari baptismum in nomine trinitatis, aliter dari non valet, nisi tres personæ sensibilibus atque distincte exprimantur. Verum tamen quod apostoli in nomine Christi baptizabant, ex familiari spiritus sancti instinctu fecisse credendi sunt, quatenus nomen Christi odiosum Iudæis, fieret honorabile gentibus.

2 ¶ Deniq; in baptismo aqua assumitur ad abluionem corporalem, qua interior designatur ablutio. Ablutio autem exterior fieri potest non solum per immersionem, sed etiam per

effusionem atque asperfusionem. Quauis ergo propter communem consuetudinem (quæ vim obtinet iuris) tutius sit per immersionem baptizare: nihilominus aliter fieri potest, videlicet aspergendo, vel effundendo. Quemadmodum Laurentius legitur baptizasse. Et hoc quandoque necessarium est, ut cum magna est multitudo baptizandorum, aut aquæ inopia, aut baptizandi seu sustentatoris eius debilitas. Per immersionem verò signatur expressius mysteriū sepulturæ Christi, cui baptismum recipiens configuratur. Si autem aliter sit aspergendum est caput, quia in ipso viget opera animæ, ad cuius emundationē ordinatur baptismus. Et quauis baptismus detur præcipue contra originale peccatum, non tamen specialiter perfundenda sunt membra generationi seruiencia, sed caput, ob causam prædictam. Sed in vereri lege in membro generationis circumcisio conferebatur, quoniam nasciturus erat ex semine Abraham, qui originale peccatum auferret.

3 ¶ Amplius modus immersionis non est de necessitate baptismi. Et ideo siue baptizandus ter immergatur, vel semel, æqualiter baptizatur, ut scribit Gregorius Leandro episcopo. Nam per ternam immersionem signatur trinitas personarum triduumque sepulturæ dominicæ. Per vnā autem immersionem vnitas diuinitatis, passionisque Christi. Interdum tamen ordinauit ecclesia, ut fieret trina immersio propter eos, qui trinitatem negabant, & Christum purum hominem asserebant ut patet in canonibus Apostolorum. Interdum verò instituit, ut fieret vna duntaxat immersio, ad detestationem eorum qui rebaptizabant.

4 ¶ At verò baptismus iterari non potest. Tum, quia est spiritalis generatio, vnus autem rei non est nisi vna generatio. Tū, quia in morte Christi baptizamur per hoc, quod eius morti per baptismum assimilamur. Sicut ergo Christus resurgens non amplius moritur: sic semel baptizatus non denuo baptizatur. Tertio, quia baptismus characterem imprimi, qui indelebilis est, atque cum consecratione confertur. Dictum est autem, quod semel consecrata non iterum consecrantur. Quarto, quia baptismus est contra originale peccatum, quod non reiteratur. Pauliani quoque & Catafrigæ Trinitatem negantes, Christumque purum hominem affirmantes, verum baptismum non dabant: sicut nec Bonosiani, qui cum eis idem senserunt. Catafrigæ autem ponebant spiritum sanctum purum

## D. DIONYSII CARTHUSIANI

hominem, vt pote Montanum magistrum suum. Et ergo ab eis sine debita forma baptizati rebaptizabantur. Si autem de aliquo dubium habeatur an sit baptizatus, rebaptizandus est cū conditione, vt dicatur: Si non es baptizatus, ego te baptizo.

¶ De ritu 2. De diuisione 3. De comparatione baptismati.  
tum. Articulus 87.

**A**liqua demum in sacramento baptismi concurrunt, quasi de necessitate: vt forma verborum, & aqua, atque minister. Cætera sunt de solennitate, quæ sacramento adhibetur ad excitandum deuotionem ac reuerentiam populi, & propter coercionem aduersariæ potestatis: quæ per orationes & benedictiones frenatur. Specialiter verò agitur in ecclesia sollemnis baptismus in vigilia paschæ, quia tunc fit memoria dominicæ sepulturæ ac resurrectionis, quibus in baptismo conformamur. Item in vigilia Pête costes, quoniam tunc incipit sollemnitas spiritus sancti, qui in baptismo confertur. Vfus verò olei & chrysmatis ad sollemnitatem pertinent. Primo enim baptizatus vngitur oleo in pectore atque in scapulis, quasi Christi athleta secundum Ambrosium, vel vt donum spiritus sancti recipiat, & vitia exuat, secundum Innocentium. Postmodum signatur in cerebro chrysmate sacro, vt regni Christi particeps fiat, & à Christo christianus dici possit.

2. ¶ Præterea Deus non alligauit virtutem suam sacramentis, nec virtus causæ ab effectu dependet. Et ergo potest aliquis à Deo effectum baptismi recipere sine aqua, patiēdo pro Christo: vel per hoc, quod cor à spiritu sancto mouetur in deū per charitatem. Idcirco triplex ponitur baptismus, videlicet aquæ, sanguinis & flaminis. Sed solus baptismus aquæ est sacramētum. Ponit quoque Damascenus quarto libro, quædam baptismata figuralia, scilicet diluuium, per quod paucæ animæ sunt saluatæ, & transitum maris rubri, ablutiones quoque legales.

¶ Insuper omnia baptismata à Christi passione vim sumunt. Nam baptismus flaminis seu pœnitentia ex merito passionis Christi operatur. Maximè autem conformatur quis Christo per sanguinis effusionē pro ipso, atque per hoc Christo vehementiori affectu probatur vniri. Idcirco baptismus sanguinis



est potissimus inter baptismata, quantum ad effectum baptismi: sed non in ratione sacramenti, non enim est sacramentū, quia non signat directē spiritualement purgationem seu ablu-  
tionem.

¶ Cuius sit dare baptismum 2. An laicus eum conferre possit 3. An mulier 4. An non baptizatus.

Articulus 88.

**Q**uemadmodum autem cœlestium ordinū proprietates atque officia ex eorum insinuantur nominibus, secundum Dionysium septimo capitulo cœlestis Hierarchiæ: sic Ecclesiasticorum ordinum nomine innuunt, quod ad vnumquemque ordinem spectet. Dicuntur autem diaconi, quasi ministri, quia eorum officiū non est aliquod sacramentum ex proprio præbere officio: sed exhibentibus sacerdotibus ministrare atque assistere. Non est ergo diaconi quempiam baptizare, sicut Gelasius Papa in Decretis testatur. Possunt tamen in articulo necessitatis baptizare: quemadmodum Laurentius fecit. Item diaconi est purgare, secundum Dionysium, non docere, id est, perficere. Baptismus verò habet vim purgatiuam & illuminatiuam, secundum eundem secundo capitulo Ecclesiasticæ Hierarchiæ. Propterea gradum diaconi excedit ipsum conferre.

¶ Porro per baptismum fit homo idoneus ad perceptionem corporis Christi, secundum Dionysium. Sicut igitur sacerdotis officium est corpus Christi cōficere: ita & baptizare. Presbyteri enim locum tenent septuaginta discipulorum, sicut episcopi duodecim Apostolorum.

2. ¶ Amplius Deus qui vult omnes homines saluos fieri, omnium saluti sufficiēter, imò & copiose prouidit. Baptismus autem est sacramentum maximæ necessitatis, quoniam pueris aliter subueniri non potest. Adultri quoque sine eo plenam adipisci nequeunt remissionem. Idcirco sicut deus instituit a-  
quam huius sacramenti esse materiam, quia facillime potest haberi. Ita & quilibet etiam laicus huius sacramenti esse potest minister ac dator. Non tamen à laico recipi debet, nisi in casu necessitatis: quanuis veraciter conferatur à laico etiam extra necessitatem. Sed peccaret, si tunc daret. Quod enim à presbytero detur, ad solēnitatem attinet, non ad necessitatē.

3 ¶ Adhuc autem Christus est qui principaliter baptizat. In Christo autem non est masculus & fœmina, secundum Apostolum. Quemadmodum igitur laicus, ita & fœmina potest baptizare. Quod tamen non debet peragere, si adsit copia viri.

4 ¶ Vtrum autem illi qui nunquam Christiani seu baptizati fuerunt baptizare possunt, Augustinus insolutum dubiumque reliquit. Post modũ verò determinauit ecclesia, quod ab infidelibus, siue Iudæi sint siue Pagani, conferri queat baptismus, dummodo forma ecclesiæ obseruetur. Quemadmodum Nicolaus Papa ad Bulgatorum consulti respondendo asseruit. Sicut enim ex parte materiæ sufficit ad baptismum quæcumque aqua: ita ex parte ministri quilibet homo.

¶ *An plures simul possint baptizare eundem 2. An requiratur aliquis leuans baptizatum de sacro fonte. An etiam ille leuator teneatur ad instructionem eius, quem leuat. Artic. 89.*

**P**aulò antè responsio data est, cur plures non possunt vnum baptizare: & nunc in tantum addatur, quod sicut Christus est vnus: sic ille qui confert baptismum, tanquam eius vicarius atque minister, non nisi vnus esse debet respectu eiusdem.

2 ¶ Denique spiritualis regeneratio quæ per baptismũ fit in aliquo, carnali generationi est similis. Sicut igitur infans nuper natus eget pædagogo atque nutrice: sic spiritualiter regeneratus indiget aliquo, qui circa se vicè nutricis pædagogiq; gerat in spiritualibus, docendo ac dirigendo. Hoc verò ad eũ pertinet, qui baptizatum de sacro fonte leuat. Cuius est in fide nouitium informare. Et hoc Dionysius secundo. Ecclesiasticæ Hierarchiæ capitulo asserit. Quem modum affirmat ab Apostolis institutũ ultimo capit. Ecclesiasticæ Hierarchiæ

3 ¶ Præterea iste leuans tenetur instruere filium spiritua-lem, si locus & causa requirant, videlicet si baptizatus inter fideles conuerfetur, vel à parentibus negligatur, alias excusatur ab instructione. Potest enim verisimiliter æstimare, quod parentes non negligunt proprios filios informare in fide ac moribus. Quanuis autem non baptizatus possit baptizare, nõ tamen de sacro fonte leuare. Quia leuatio illa non est necessaria, vt in Moguntino Concilio dicitur. Dionysius quoq; ait quod leuans debet esse doctus vt instruere valeat. Quod tunc

neceſſe videtur, quando fideles inter perfidos conuerſantur. Alij à propriis parentibus poſſunt inſtrui. Sic ergo patet quo modo Auguſtinus dicat: Vos omnes viros ac fœminas, qui filios in baptiſmate ſuſcipitis, ante omnia moneo, vt cognoſcatis vos fideiuſſores extiſſe apud Deum pro illis.

¶ Vtrum omnes teneantur baptiſmum recipere 2. An debeat differri.  
3. An aliquis ſine baptiſmo poſſit ſaluari 4. An peccatores ſint baptizandi 5. An eis baptizatis fit pœnitentia iniungenda 6. An ad baptiſmum exigatur peccatorum confeſſio. Articulus 90.

**N**Vquam præterea fuit poſſibile quenquam ſaluari niſi fuiſſet Chriſto aliquo modo vnitus & incorporatus. Iuxta illud Actu. 4. Non eſt aliud nomen datum hominibus, in quo oporteat nos ſaluos fieri. Et ad Romanos quinto. Sicut per vnus delictũ in omnes homines in condemnationem: ſic per vnus iuſtitiam in omnes homines iuſtificationem. Nemo autem Chriſto poteſt incorporari niſi regeneretur in eo, quod per baptiſmum efficitur: ideoq; nullus ſine baptiſmo ſaluari valet. Vniuntur quippe homines Chriſto primo per fidem adiũcto quodã ſenſibili ſigno, quod ſacramentum vocatur. Hoc verò ſacramentum ſub lege fuit circumciſio ante legem ſacrificiorum oblatio, ſecundum Grego. quibus antiqui fidem ſuam profitebãtur pro ſeipſis & filiis. Nũc autem baptiſmus ponitur fidei ſacramentum. Illi autem qui ſanctificantur in vtero, conſequuntur gratiam ſanctificationem, & ab originali purgantem, non autem characterem, quo Chriſto configurentur. Idcirco ſi nunc quiſpiam ſanctificaretur in vtero, neceſſe eſſet eum baptizari, quatenus per ſuſceptionem characteris aliis Chriſti membris conformaretur.

2 ¶ Præterea ſi alicui deſit baptiſmus re & voto, ſaluari non valet. Si verò re deſit, & nõ voto, vt ſi quis baptizari deſideret ſed propter neceſſitatis caſum non poteſt: talis ſaluatur ex fide per dilectionem operante. Quemadmodum de Valentiniano qui catechumenus obiit, ait Ambro. Quem regeneraturus eram, amiſi. Veruntamen ille gratiam quam popoſcit, non perdidit. Talis tamẽ non euolat, ſed ſaluatur, ſic quaſi per ignem.  
3 ¶ Præterea baptiſmus non eſt differendus quantũ ad pueros, quia in eis non expectatur maior inſtructio, eſtq; pericu-

lum in mora, quoniam aliter eis subueniri non potest. Sed adulti conuersi, quia per solum baptismi affectum possunt saluari, non sunt protinus baptizandi, quatenus vita eorum & mores examinentur, ne forte fide accedere velint: & ut interim de his quæ fidem concernunt, informetur. Item propter reuerentiam sacri baptismatis, qui propter solennitatem decentius datur in vigilia Paschæ & Pentecostes. Sed ista dilatio propter duo prætermittenda videtur. Primo, si baptizandus sit satis instructus & baptismo satis idoneus, sicut Philip. mox baptizauit Eunuchum, & Petrus Corneli. Secundo, si ex infirmitate, in ortis immineret periculum.

4 ¶ De Iudæis verò specialiter institutum est in Concilio Atheniensi, ut per octo menses catechumeri maneant propter cautelam, ne si non plene crediderint, simplicium fidem corrumpant. Eorum namque perfidia frequenter ad vomitum rediit. Si tamen necessitatis articulus instaret, antè baptizari possent.

¶ Amplius quamuis peccatores pœnitentes sint baptizandi, peccatores tamen voluntatem peccandi atque in peccatis manendi habentes baptizari non debent. Primo, quia ut sic Christo vniti non sunt nec ei incorporari queunt. Secundo, quoniam frustra baptizarentur, quia emundationem peccati, quæ est finis baptismi, suscipere nequeunt. Tertio, quia exterior aquæ ablutio interiorem ablutionem designat. Hæc verò significatio exterioris ablutionis falsa esset in illo, qui abstinere non curat à vitiis.

5 ¶ At verò quoniam homines in morte Christi & in virtute passionis eius baptizantur, nulla eis, quantumcumque mali fuerint, satisfactio est iniungenda. Passio namque Christi suo merito sufficientissima est cuncta peccata diluere. Imò qui pœnitentiam baptizato iniungeret, Christi passionis merito derogaret, quasi non per seipsum sufficeret.

6 ¶ Denique confessio peccatorum est duplex, videlicet interior, quæ fit coram Deo. Et hæc necessaria est ante baptismum. Non enim potest quis inchoare vitam nouam, nisi pœniteat eum veteris vitæ, secundum Augustinum libro de pœnitentia. Alia autem est confessio peccatorum exterior, quæ fit sacerdoti. Et ista ante baptismum non est necessaria, cum ad sacramentum pœnitentiæ spectet. Baptismus verò omnium sacramentorum est ianua atq; principium. Secundo, quia

confessio quæ sit sacerdoti, ad absolutionem ac per opera ad satisfactionem ordinatur: quæ baptizatis non iniungitur. Tercio, quoniam particularis confessio est confitenti pœnosa propter communem verecundiam. Baptizando autem nulla pœna iniungitur. Et ideo generalis confessio ei sufficiens est, quâ tunc facit, dum secundum ritum ecclesiæ abrenunciat Sarnæ. Si verò quispiam talis ex deuotione confiteri, specialiter, vellet, esset quidem audiendus: nō propter satisfactionem iniungendam, sed propter instructionē contra vitia abnegāda.

¶ *Vtrum in baptismo requiratur intentio in recipiente 2.*

*An etiam fides 3. An pueri sint baptizandi 4. An pueri Iudæorum sint baptizandi inuitis parentibus*

*5. An pueri in utero materno sint baptizandi 6. An furiosi & amentes baptizandi sint. Articulus 91.*

**B**aptismus ergo recipiens Christo configuratur, per hoc, quod veteri vitæ renuntians, de cætero in nouitate spiritus ambulare intendit. Quoniam igitur secundum ostensa oportet, vt eum veteris vitæ pœniteat, sequitur quod in baptizando exigatur intentio seu voluntas recipiendi baptismum: quæ si decisset, rebaptizandus foret. Si verò de hoc dubium haberetur, deberet addi conditio, scilicet: Ego te baptizo, &c. si non es baptizatus.

2 ¶ Præterea constat ex dictis, quemadmodum duo fiant in anima per baptismum, videlicet gratia. (Et quātum ad hoc exigatur fides in baptizato.) Atque character. Et hic imprimi potest sine fide tam baptizantis quā baptizati, dummodo alia absint, quæ ad sacramenti spectant essentiam. Non enim sacramentum perficitur per iustitiam hominis dantis aut suscipientis, sed Dei.

3 ¶ At verò secundum Apostolum ad Romanos 6. Sicut per vnius delictum omnes moriuntur: sic per Christum omnes iustificantur. Quemadmodum itaque infantes originale peccatum à primis parentibus contrahunt: ita in Christo regenerari, id est, baptizari possunt. Item vt ab infantia in his quæ fidei sunt enutriti, firmiores fiant in fide. Quemadmodum scriptum est: Adolescens iuxta viam suam etiam cum senuerit, non recedet ab ea. Et hanc rationē assignat Dion. vlt.

Eccles. Hierarchiæ capitulo. Vbi etiam ait, quod diuini nostri duces, id est sancti apostoli, probarunt infantes recipi ad baptismum. Sufficit autem pro eis intentio ecclesiæ, & fides fidelium: quanuis parentes eorum in fideles cōsistant. Sicut enim per alterius peccatum damnationem adepti sunt, ita per aliorum subsidium sortiuntur salutem.

4 ¶ Denique pueri Iudæorum ante vsum rationis baptizandi non sunt inuitis parentibus. Puer enim ante vsum rationis naturaliter subest curæ parentum, propter quod pueri antiquorum saluabantur fide parentum. Vnde qui pueros huiusmodi contra voluntatem parentum suorum baptizaret, contra naturale ius ageret.

5 ¶ Insuper de necessitate baptismi est ablutio aquæ exterior, qua corpus lauatur. Hoc verò pueris in utero matrum clausis nequit cōpetere, quia nec subdi possunt actioni humane, idcirco baptizari nō possunt, propter quod in epistola ad Dardanum Augustinus testatur, Nemo renascitur nisi primo nascatur. Si verò aliqua pars pueri egrediatur, si q; periculum mortis: tunc illa pars baptizanda est. Et maxime, si caput primo egrediatur, in quo sensus fundantur. Si autē sic caput baptizetur, non est puer postea baptizandus, si manserit viuens. Sed si alia pars fuerit solum baptizata, apparet quibusdam quod denuo baptizandus sit, sub hac conditione: Si non es baptizatus, ego te baptizo.

6 ¶ Porro de amentibus ac furiosis à natiuitate, qui rationis vsum nunquam habent, est idem iudicium sicut de pueris. Et ideo baptizandi sunt, quanuis inuiti. Aliqui autem amentiam & furiam incidunt ex sana mente, & tales videntur iudicandi secundum id, quod in eis tempore sanæ mentis apparuit. Vnde si tunc in eis apparuit appetitus baptismi, sunt baptizandi, quanuis insani. Alias enim non essent baptizandi. Quidam verò à natiuitate sunt furiosi, siue amentes, qui tamē sæpe habent lucida intervalla. Si igitur tempore intervalli voluerint baptizari, baptizandi sunt, quanuis mox insaniam animi incidant. Melius tamen est expectare aliquod lucidum intervallum, si absq; periculo fieri possit. Verum si tempore lucidi intervalli non apparet in eis affectus baptismi, non sunt baptizandi. Dormientes quoque baptizandi non sunt, nisi periculum mortis immineat, in quo baptizandi sunt, si prius voluntatem baptismi habuerant: sicut de amentibus dictum est.

Et vt Augustinus quarto Cōfession. de amico suo narrat, qui cum desperaretur, baptizatus est nesciens, propter periculum mortis, habuitque in eo efficaciam suam baptismus.

¶ An per baptismū deleantur omnia peccata 2. An omnes quæquæ pœnæ 3. An pœnalitates præsentis uitæ 4. An etiam in eo conferantur uirtutes & gratiæ 5. De effectibus uirtutum, qui ascribuntur baptismo.

Articulus 52.

**Q**uanuis verò baptismus specialiter ordinetur contra originale peccatum, aufertur tamen per eū omne peccatum tam actuale mortale, quàm veniale & originale. Per baptismū enim regneramur in Christo, morientes peccatis & seculo. Est enim baptismus quædam vniuersalis medicina, operans in virtute passionis Christi: sine qua nullum peccatum remittitur. Quia secundum Aposto. ad Hebræ. Sine sanguinis effusione non fit remissio. Passio verò Christi per fidem coniungimur atque communicamus.

2 ¶ Denique per baptismum non solum tollitur omnis culpa, sed omnis etiam pœna. Per ipsum nanque Christo incorporamur, sic q̃ passio Christi nobis coniungitur & communicatur, ac si simul cum Christo passi moriuique essemus. Verum tamen reatus pœnæ, quæ debetur peccato, quantum ad homines qui per peccatum scandalizati, vel læsi sunt, non aufertur per baptismum. Sed iustum est homines per satisfactionem & pœnam nocentis placari ac ædificari: sicut in homicida baptizato. Princeps tamen potest pie in talibus remittere pœnā.

3 ¶ Præterea quanuis baptismus virtutem meriti Christi sufficiens sit præsentis vitæ pœnalitates auferre, non tamen auferat eas in hac vita: sed in resurrectione futura, quando mortale hoc induet immortalitatem. Nam per baptismum Christi membra efficiamur. Christus autem corpus passibile habuit. Conuenit ergo, vt membra eius passibilia corpora habeant. Secundo propter exercitium spirituale. Videlicet vt contra concupiscentiam & pœnalitates pugnando, gloriæ coronam atque triumphum adipiscamur. Tertio, ne homines ad baptismum allicerentur potius propter præsentis vitæ impassibilitatem, quàm futuræ felicitatis amorem.

4 ¶ Insuper certum est q̃ prædicta hominum incorporatio



in Christo sine gratia atque virtutibus fieri nequeat, ideo per baptismum virtus & gratia infunduntur. Nam & gratiæ ac virtutis splendorem aqua sua naturali claritate designat. Sacramenta autem nouæ legis efficiunt, quod figurant.

5 ¶ At verò secundum Dionysium, baptismi effectus est illuminatio, secundum August. Christi incorporatio, secundum alios fœcundatio. Hi ergo effectus baptismi cōueniunt. Nam homo per baptismum Christiformiter conuersatur, & Christi vitam seſatur. Membra autem non viuunt, nisi capiti copulentur. Primo igitur per baptismum necesse est Christo incorporari, sicque ab eo velut à capite sensum ac motum, id est illuminationem & spiritualement fœcunditatem sortiri.

¶ *An in baptismo gratia & uirtutes paruulis conferantur 2. An ianua regni aperiatur 3. An baptismus æqualem in omnibus habeat effectum 4. An per fictionem impediatur 5. An ea remota, proprium effectum sortiatur. Articulus 93.*

**O**Pinati sunt quoque quidam antiqui, quod pueris in baptismi non infundantur virtutes & gratia. Sed character, cuius virtute reciperent virtutes ac gratiam, cum ad ætatem perfectam aduenerint. Hoc autem stare non potest. Pueri enim in baptismi membra Christi fiunt: & si moriuntur saluantur, quorum nullum sine gratia atque virtutibus fieri valet, cum ad Romanos sexto dicat Apostolus: Gratia dei vita æterna. Recipiunt ergo habitus virtutum & gratiæ, quanuis actum ante plenior ætatem exercere non possunt.

2 ¶ Denique apertio ianue regni cœlestis est remotio obstaculi regni. Quoniam ergo baptismus omnem culpam pœnæque remoueat, constat, quod ianuam regni referat baptizatis. Quanuis enim pœnalitates & vulnera nature permant, non tamen morientibus imputantur, quia per Christi passionem ablata sunt quantum ad pœnæ reatum, pro natura enim humana Christus satisfecit.

3 ¶ Amplius duplex ponitur effectus baptismi. Vnus, ad quem propriè ordinatur, qui est regeneratio in spiritualement vitam. Et hic vocatur effectus baptismi per se. Alius verò effectus baptismi per accidens dicitur, quem in quibusdam baptizatis diuina virtus quasi miraculose producit, ut scilicet lex peccati

quæ est in membris, penitus extinguatur, ne vltà feruiat quis peccato. Baptismus ergo primum effectum omnibus pueris æqualiter donat, quoniam pueri ad hunc effectum se æqualiter habent, eo quod non in fide propria sed in fide ecclesiæ baptismum recipiant. Adulti verò istum effectum magis vel minus recipiunt, secundum quod magis vel minus se propria deuotione & voto disponunt. Alius autem baptismi effectus non omnibus, etiam æqualiter dispositis, æqualiter datur, sed secundum diuinæ prouidentie ordinem dispensatur.

4 ¶ Præterea secundum Augustinum, quatuor modis dicitur aliquis fictus. Primo, quia non credit. Secundo, quia sacramentum contemnit. Tertio, quoniam ritu alio quàm ecclesia ipsum celebrat. Quarto, quoniam indeuote accedit. Quoniam ergo deus hominem ad iustitiam non cogit, oportet vt homo propria voluntate baptismum & eius effectum amplectatur atque recipiat, si iustificationem recipere debet. Et ideo fictio impedit baptismum, quantum ad gratiam, non quo ad characteris impressionem. Fictus autem dicitur proprie, qui demonstrat aliquid velle, quod non vult.

5 ¶ Denique sicut in generatione naturali res simul recipit formam & proprium eius effectum seu actum, nisi sit aliquid prohibens, quo remoto forma generati perficit suum actum: vt cum graue generatur, mox deorsum mouetur, nisi impediatur. Conformiter baptismus imprimendo characterem quasi formam simul tribuit gratiam, quæ comitatur characterem: nisi sit aliquid impediens, vtpote fictio, quo impediente sublato gratia dabitur. Itaque fictione cessante, baptismus effectum suum consequitur, scilicet gratiam atque omnis præteriti mali & pœnæ remissionem. Fictio autem per pœnitentiam deletur ac cessat.

¶ *Vtrum circumcisio sit præparatiua & figuratiua baptismi. 2. De institutione. 3. De ritu. 3. De effectu circumcisionis.*

Articulus

94.

**B**aptismus itaque fidei sacramentum vocatur, qui per eum baptizatus fidem profitetur atque fidelium collegio cōnaueratur. Eadem autem est fides nostra & veterum. Iuxta illud Apostoli secunda ad Corinthios

L. iiii

quarto: Habentes eundem spiritum fidei credimus. Quoniam ergo antiquitus per circumcisionem homines fidem suam restabantur, & inter credentes computabantur, certum est, quod circumcisio erat præparatoria ad baptismum & figura triua eiusdem. Omnia enim in figura contingebant illis, secundum Apostolum.

2 ¶ Porro quoniam Abraham primo facta est de Christo promissio. Genesim vicessi. secundo. In semine tuo benedicentur omnes gentes. Et ipse quoque se primo ab infidelibus segregavit obediens deo sibi dicenti: Egredere de terra tua, &c. Idcirco ipsi Abraham conuenienter data est circumcisio: quæ erat fidei sacramentum. Nec erat necessarium eam dari statim post primi parentis peccatum. Adam enim quoniam plene instructus fuerat de diuinis, sufficienter alios docuit. Naturalis quoque ratio & fides diu vigeant. Sed circa tempora Abraham naturalis ratio & fides vigeant pæne extinctæ declinantibus ad idololatriam plurimis.

3 ¶ Præterea conuenienter fiebat in membro generatio nis. Primo, quoniam fuit signum fidei, qua Abraham credidit Christum ex semine suo nasciturum. Secundo, quia ordinabatur contra originale peccatum: quod per hoc mēbrum diffunditur. Tertio, quia dabatur contra carnalem concupiscentiam, ut minueretur. Sciendum quoque, quod cultellus lapideus de necessitate circumcisionis non fuit. Non enim præceptum erat, ut tali instrumēto vterentur, nec cōmuniter Iudæi eo utebantur, sicut nec modo vtuntur. Iosue tamen præcepit deus, ut cum cultellis lapideis circumscinderet Israël. Et Sephora Mosi coniux cum petra acutissima filium suum circumcidit: ad figurandum, quod spiritualis circumcisio perageretur. De quo ait Apostolus: Petra autem erat Christus. Rursus circumcisio octauo die fiebat ratione mysterij, quia videlicet in octaua ætate, id est, in resurrectione beatorum, omnes pœnalitates ex peccato secutæ, per Christum plenissime ab electis tollentur. Secundo propter teneritudinem puerorum ante diem octauum. Nam & animalia offerri non poterant ante hunc diem. Quauis autem octaua dies fuit de necessitate præcepti, non tamen sacramenti. Nam qui octaua die circumcissus non erat, postmodum circumcidi valebat. Quidam etiam asserunt, quod propter imminentis mortis periculum anticipari poterat dies octauus. Sed cum hoc non habeatur

nec autoritate scripturæ, nec ex Iudæorum consuetudine, melius dicitur cum Hugone de sancto Victore, quod propter nullam necessitatem hæc dies potuit præueniri.

4 ¶ Quæstio autem an circumcisio contulit gratiam, præ-  
tacta est atque soluta. Dictum est enim, quod contulit gra-  
tiam, non ex propria ratione, sed in quantum fuit signum fi-  
dei passionis Christi. Ex quo patet, q̃ gratiam præstitit pro-  
pter fidem, non propter significationem. Legitur verò Iosue  
quinto, quod populus Iudæorum, qui per quadraginta annos  
in desertis morabatur & in eis natus fuit, circumcisionem nō  
accepit. A quo tamen excusantur, quoniam ignorabant quo  
tempore castra essent mouenda, & quia inter infideles non  
manebant, vnde nec signo distinctiuo egebant. Probabile e-  
tiam est nullum illorum, qui in desertis natus est, obiisse intra  
hoc tempus, & antequam circumciderentur à Iosue. Quia in  
Psalmo habetur: Non erat in tribubus eorum infirmus. Ve-  
runtamen si ibi mortui sunt aliqui incircumcisi, eadem ratio  
est de his & illis qui moriebantur ante circumcisionis institu-  
tionem. Quod & de pueris ante octauam diem tempore legis  
decedentibus intelligendum est. Adulti autem in circumci-  
sione omnium peccatorum etiā actualium remissionem per-  
ceperunt. Non tamen liberabantur à pœnæ reatu: quemad-  
modum in baptismo, in quo copiosior gratia datur.

*An catechismus & exorcismus baptismum præ-  
cedere debeant. 2. An ea quæ in ipsis fiunt  
aliquid efficiant. 3. Quorum sit bapti-  
zandum catechizare & exorci-  
zare. Articulus 95*

Cum ergo sit baptismus fidei sacramentum, catechis-  
mus, id est, instructio rudimentorum fidei, ipsum præ-  
cedere debet. Fides enim ex auditu est. Vnde & Chri-  
stus discipulis formam baptismi ostendens, de docendi actu  
ira præmisit: Euntes docere omnes gentes baptizantes eas,  
&c. & sicut pueri baptizantur in fide ecclesiæ, ita & fidem au-  
diunt atque docentur in persona ecclesiæ, quæ eis aures ac  
sensum accommodat.

2 ¶ Amplius qui intendit aliquod opus efficaciter sapienter  
que agere, primo impedimēta agendi tollit à se. Cōueniente

igitur ante baptismum expelluntur à baptizandis diaboli, qui in eis potestatem propter peccata, habebant. Hoc autem fit per exorcismum, qui contra energumenos ordinatur. Sunt enim saltem interius arrepticii, qui diabolicæ potestati subduntur. Hanc verò expulsionem diaboli signat exufflatio exorcistæ. Benedictio quoque fit, ne aduersarius redeat. Sal verò missum in nares & os, auriumque cum sputo linitio significat acceptionem doctrinæ fidei, quantum ad aures: approbationem, quantum ad nares: confessionem, quantum ad os. Oculi verò inunctio signat aptitudinem hominis ad pugnam aduersus Zabulum. Dicuntur autem energumeni, quasi interius laborantes.

3 ¶ Porro aliqui asserunt ea quæ in exorcismo aguntur, nihil efficere, sed solû significare. Hoc autem stare nõ potest, quia ecclesia in exorcismo utitur verbis imperariis, dicendo: Ergo exi ab eo male dicte diabole. Hñt ergo aliquæ effectû. Aliter tamẽ quàm baptismus. Est enim duplex impedimentû gratiæ percipiendæ, videlicet extrinsecû ex potestate diaboli: & intrinsecû propter præclusionẽ sensuû ex infectione originalis peccati. Quorum primû aufertur in exorcismis per exufflationes. Secundû per saluam typicam, sacerdotisque tactû. Exorcismus ergo non aufert peccata, & ideo pueri post exorcismum ante baptismum defuncti non saluantur. Sed tollit impedimenta gratiæ percipiendæ. Veruntamen exorcismus non necessario, requiritur ad baptismum, quanuis omitti non debet sine necessitatis articulo: quo sublato supplendum est vt uniformitas in baptismo seruetur, & ne gratia amittatur. Potest enim effectus baptismi impediri etiam postquam receptus est. In baptizato quoque quædam sunt per baptismum, quæ solum significant: sicut traditio candidæ vestis, quæ vitæ nouitatem spirituales figurat. Quædam verò tunc fiunt quæ aliquid efficiunt, vt pote inunctio verticis, quæ designat conseruationem gratiæ spiritualis.

4 ¶ Præterea ministri comparantur ad sacerdotes, vt agens secundarium & instrumentale ad primum principaleque agens, sine quo operari non potest. Ad actiones autem nobiliores exiguntur instrumenta perfectiora. Idcirco diaconorum, qui sunt maiores ministri, est sacerdotibus in ipsa sacramentorum collatione assistere & cooperari. Aliorum verò in his quæ sunt præparatoria ad sa-

cramentum, sicut leſtores in catechiſmo, exorcistæ in exorcismo. Sacerdotibus tamen omnia ista conueniunt, sicut principali agenti. Vnde Nicolaus papa ait, quod catechiſmi à sacerdotibus vniuscuiusque ecclesiæ fieri possunt. Et secundum Gregorium, sacerdotes per exorcismi gratiam manum imponunt credentibus. Dicit quoque Dionysius, quod instructio conuersiua ad fidem atque de profundis mysterijs fidei, Christianæq; vitæ perfectione ad episcopos pertinet.

¶ *Vtrum confirmatio sit sacramentum. 2. De materia eius.*

3. *An oportet chrisma per episcopum consecrari. 4. De forma ipsius.*      *Articulus 96.*

**P**orro sacramenta nouæ legis ad speciales effectus gratiæ ordinantur: idcirco oportet esse speciale sacramentum, vbi occurrit specialis operatio gratiæ. Quemadmodum autem in corporali vita primo aliquis nascitur recipiendo formam specificam, deinde eget augmento quo roboretur, perfectamque ætatem adipiscatur: sic in spiritali vita post baptismum, qui est spiritalis regenerationis principium & gratiam præstans, sequitur confirmatio per quam homo in gratia confortatur, & perfectam spiritualem ætatem seu spirituale augmentum sortitur: quemadmodum Mechaides Papa affirmat. Et igitur confirmatio ponitur speciale sacramentum. Hoc autem sacramentum Christus instituit, non exhibendo sed promittendo, dum dixit: Nisi ego abiero, paracletus non veniet ad vos. Quoniam enim in hoc sacramento confertur plenitudo gratiæ spiritus sancti, ideo non fuit instituendum nisi post Christi ascensionem. Propter eandem etiam rationem nullum legale sacramentum confirmationi correspondet, quia nihil ad perfectum adduxit lex, secundum Apostolum ad Hebræos septimo.

2 ¶ **M**ateria denique huius sacramenti est chrisma, quod ex oleo constat & balsamo. Oleum enim spiritus sancti significat gratiam, sicut de Christo cantatur: Vniuit te deus oleo lætitiæ. Balsamum verò bonum odorem & incorruptionem perfectæ vitæ designat. Solebant nanque apostoli hac uti materia in sacramento hoc, nisi quando diuinitus sensibilibus signa ostendebantur: ut cum spiritus sanctus cecidit super

## D. DIONYSII CARTHYSIANI

Cornelium & sibi adiunctos, vel super alios cum signo sensibili. Vnde Dionysius quarto capitulo Ecclesiasticæ Hierarchiæ testatur: Est quædam perfectiua operatio, quâ duces nostrî (id est, apostoli) chrismatis hostiam nominant.

3 ¶ At verò quibusdam sacramentis, videlicet baptismo & eucharistia, vñus est Christus. Et ergo horum sacramentorum materia alia consecratione non eget, nisi propter solennitatē. Sed sensibili vnctione Christus vñus non est, ne suæ inuisibili vnctione iniuria fieret. Ideo chrisma & oleum sanctum, oleū quoq; infirmorum prius benedicuntur, antequam sacramenti vsui adhibeantur: sic ergo oportet chrisma per episcopū consecrari vt sit apta ac propria sacramenti materia.

4 ¶ Amplius sicut forma naturalis dat speciem rei: sic forma sacramenti ea includit quæ ad rationem ac speciem sacramenti respiciunt. Forma igitur confirmationis, qua dicitur: Consigno te signo crucis. Cōfirmo te chrismate salutis in nomine patris & filij & spiritus sancti, cōueniēs est. In hoc enim sacramento sunt tria necessaria, scilicet causa conferens spirituale robur, quæ est sancta trinitas. Et hæc explicatur, cū dicitur: In nomine patris, &c. Secundum est ipsum robur ad spirituales pugnam, quod in confirmatione præstatur. Et hoc exprimitur, cum dicitur: Confirmo te chrismate salutis. Tertium est signum, quod pugnatore datur quæadmodum milites quodam signo solēt ornari. Et hoc tangitur, cum dicitur: Cōsigno te signo crucis. Hæc autē forma à Christo instituta est, quanuis in scripturis digesta non sit. Dicit enim Dionysius ultimo Ecclesiasticæ Hierarchiæ capitulo. Consummatiuas inuocationes (id est, verba quibus perficiuntur sacramenta) non decuisse in commune deducere.

¶ *An confirmatio imprimat characterem. 2. An character confirmationis characterem baptismalem præsupponat. 3. An confirmatio conferat gratiam. 4. Cui competat eam recipere. Articulus 97.*

**E**ST autem iuxta præinducta character quædam spiritualis potestas ad aliquas sacras actiones ordinata. Quæadmodum verò in baptismo datur potestas agendi ea, quæ propriam concernunt salutem: sic in confirmatione datur potestas agendi ea, quæ pertinent ad pugnam



contra fidei hostes. Vnde apostoli hac potestate ex missione spiritus sancti accepta, mox sine timore ad pugnam egressi sunt, qui antè clausi sedebant. In sacramento ergo confirmationis character imprimitur, sicut in quolibet sacramento, quod non iteratur.

2 ¶ Insuper, ut ratum est, sicut se habet augmentatio ad generationem: ita se habet confirmatio ad baptismum. Sicut igitur augeri non potest, nisi qui genitus est: sic confirmari non valet, nec confirmationis characterē recipere potest, qui baptizatus nō est. Character ergo cōfirmationis characterē baptismalem præxigit. Divina tamē virtus præstare potest aliqui, effectum sacramentorum sine sacramentis, quantum ad actuale suscepcionē, & siue prædicti ordinis observatione.

3 ¶ Præterea sicut in die Pentecostes dabatur apostolis spiritus sanctus ad robur, & baptizatis in primitiva ecclesia per impositionem manuum apostolorū, ut dicitur Actuum octavo: sic in confirmatione confertur spiritus sanctus ad robur. Vnde innotescit, quod sacramentum confirmationis gratiam gratum facientem impendit. Sed dandum non est nisi gratiā habentibus, cōfirmatio nanq; dat id roborat quod invenit. Et ideo in Aurelianensi concilio dicitur, ut ieiuni ad confirmationem veniant, & moneantur confessionem facere.

4 ¶ Porro deus, quantum in se est, nil in opere suo imperfectum relinquit. Dei enim perfecta sunt opera. Quoniam ergo confirmatio ad spirituale quantitātē ac robur gratiæ ordinatur, patet, quod omnibus dādu sit etiā pueris. Qui si confirmati decedant, maiore gloriā cōsequētur, sicut ampliorē gratiam habuerunt. Propter quod etiam morientibus dandum est, quatenus & in resurrectione perfecti appareant. Vnde Hugo de sancto Victore dicit: Omnino periculosum esse ab hac vita sine sacramento confirmationis decedere, non propter necessitatem salutis, sed detrimentum perfectionis.

¶ Cur sacramētū cōfirmationis detur in fronte. 2. An oporteat esse aliquē, qui teneat confirmādū. 3. An confirmatio per solos episcopos danda sit. 4. De ritu huius sacramenti. Artic. 98.

**F**rens autem pudoris seu verecundiæ atq; timoris est locus, propter propinquitatē eius ad imaginationē. Est quoq; frons locus maximē manifestus, semper ma-

nens intellectus. Quoniam igitur confirmandi signantur signo crucis velut vexillo sui regis, quatenus nomen eius publice & absque timore confiteantur, etiam inter aduersarios veritatis: idcirco confirmandi in fronte signantur, ut sine verecundia atque pauore Christum aperte denuntient, pro eoque pugnant ac viriliter agant.

2 ¶ Insuper quoniam illi qui ad pugnam deputantur, maxima egent cautela ac instructione: idcirco confirmatus tenetur ab aliquo quasi erudiendus in his quæ modum concernunt sacri certaminis, sicut in bello corporali, ponuntur centuriones & duces, qui alios dirigant. Item qui ad confirmationem accedit, adhuc quasi tener ac debilis est. Et igitur merito sustentatur ab aliquo, quem tamen oportet esse confirmatum, ut repræsentet eum episcopo tamquam principi Christianæ militiæ, cui militiæ confirmatus ascribitur in hoc sacramento.

3 ¶ At verò in omni negotio ipsa consummatio seu vltimata perfectio à suprema virtute inducitur. Cum ergo sit confirmatio baptismi perfectio, spiritus sancti plenitudinem præstans, sicut enim per baptismum homines fiunt quasi domus dei: sic per gratiam confirmationis consecrantur deo, ut sint quasi templum ipsius. Idcirco dari non debet, nisi ab episcopis, qui locum apostolorum nunc supplent, quauis summus pontifex possit hanc potestatem concedere simplici sacerdoti, quemadmodum beatus Gregorius fecit ad tollendum scandalum aliorum. Sciendum quoque, quod sacramentum baptismi efficacius est sacramento confirmationis quo ad remotionem mali, est enim spiritalis generatio, generatio verò est mutatio de non esse in esse. Sed quantum ad promotionem in bono confirmatio excedit.

4 ¶ Adhuc autem quoniam Matth. 18. dominus suis promissit, ubi fuerint tres vel duo congregati in nomine meo, ibi in medio eorum sum. Ideo certissime est tenendum, ordinationes ecclesiæ à spiritu Christi procedere atque à sapientia eius formari. Rationabiliter ergo ordinavit ecclesia, ut sacramentum confirmationis non solum præstetur in vigilia Paschæ ac Pentecostes, quando sollemnis datur baptismus, confirmatio quoque sollemnis: sed etiam tempore alio, quoniam episcopi non semper habentur præsentibus ad nutum. Quod autem institutum est, ut à ieiuniis recipiatur & detur, non obligat debiles, & propter multitudinem confirmandorum, imminetia quoque pericula dari & recipi potest à non ieiuniis. Item chrisma in die cænæ confi-

citur: quatenus destinari queat ad alia loca ante vigiliam Paschæ, quando datur sollemnis baptismus, & quoniam Christus tunc eucharistiam consecrauit.

¶ *Vtrum eucharistia sit sacramentum. 2. An sit unum uel plura. 3. An sit de necessitate salutis. 4. De nominibus eius. 5. De eius institutione. 6. De figuris ipsius. Articulus 99.*

**A**gnosendum præterea, quod sicut in corporali vita ille qui genitus est & augendus est, cibo potuque indiget: sic spiritualiter in Christo renatus spirituali alimonia eget, per quã conseruetur in vita. Hoc autem est eucharistia. Cum igitur sacramenta ad spiritualem vitam ordinentur secundum speciales gratiæ operationes: patet, quod sicut baptismus qui est spiritualis renatio, & confirmatio quæ est spirituale augmentum, sunt sacramenta: sic eucharistia, quæ est spirituale nutrimentum, sit sacramentum. Dicitur autem sacramentum, quoniam continet aliquid sacrum. Eucharistiæ autem sacramentum continet aliquid, quod est simpliciter sacrum, videlicet Christum. Alia verò sacramenta continent aliqua sacra in ordine ad aliud. Ideo sacramentum eucharistiæ perficitur in ipsa consecratione materiæ. Alia autem in applicatione ad aliud: ex quo ultra consequitur, ut in eucharistia id quod est sacramentum & res, sit in ipsa materia, scilicet corpus Christi. Id autem quod est res tantum utpote gratia est in recipiente. Sed in baptismo vtrunque est in recipiente, videlicet tam character quàm gratia.

2. ¶ Præterea vnum dicitur vel quia cõtinuum, vel quia indiuisibile, vel quia est integrum, omnia scilicet habes quæ ad eius integritatem concurrunt, & quæ ad finem eius requiruntur, quemadmodum homo ex mēbris componitur. Eucharistia autem ad spiritualem refectionem ordinatur, in qua duo sunt necessaria, sicut in refectione corporali. Et ideo ad eucharistiæ perfectionem duo exiguntur, videlicet spiritualis cibus, spiritualisq; potus. Iuxta illud Ioānis sexto: Caro mea verè est cibus, & sanguis meus verè est potus. Hoc ergo sacramentum materialiter est multa, sed formaliter perfectiueque vnum. Et ideo in collecta dicitur: Purificet nos, quæsumus, sacramenta quæ sumpsimus, pluraliter: ad insinuandum materialem diuersitatem. Et subditur: Et præsta, ut hoc tui corporis

¶ Sacramentum, singulariter, propter unitatem formalem.

3 ¶ Præterea in eucharistia duo possunt attendi, videlicet sacramentum & res sacramenti, quæ est unitas corporis mystici. Hoc ergo sacramentum quantum ad actualem perceptionem non est de necessitate salutis, quo ad id quod est sacramentum. Sed quantum ad id quod est res sacramenti. Sine unitate enim mystici corporis, id est, extra ecclesiam Christi, nulli reponitur salus. Potest autem homo à deo recipere rem sacramenti ante sacramentum, ut dictum est, dummodo habeatur sacramentum in voto. Vnde August. contra Pelagianos Bonifacio scribens: Nec id, inquit, cogitetis, paruulos vitam habere non posse, qui sunt expertes corporis & sanguinis Christi. Dicitur autem eucharistia sacramentum charitatis, quia est sacramentum passionis, prout homo perficitur in vnione ad Christum.

4 ¶ Præterea hoc sacramentum prout significat passionem Christi præteritā, dicitur sacrificium. Sed prout designat præsentem ecclesiæ unitatē in electis, vocatur cōmunio vel synaxis. Inquārum autē figurat fruitionem futurā, nominatur viaticum & eucharistia, id est, bona gratia, quia per gratiam eius datur facultas pertingendi ad patriam. Dicitur quoque hostia, secundum quod continet ipsum Christum, qui est hostia salutaris vera & viuā. Conuenienter autem Christus hoc sacramentum in cœna instituit. Primo, quia tunc corporaliter discipulos suos reliquit. Et ergo sub sacramentali specie cū eis permanere disposuit. Secundo, quoniā in ipso veteris legis sacramenta consummātur. Tercio, ut memoriæ fortius imprimeretur quasi vltimum memoriale ac donum recedentis amici.

5 ¶ Porro in sacramento eucharistiæ tria pensantur. Vnum, quod est sacramentum tantum, videlicet panis & sanguis. Aliud, quod est res & sacramentum, scilicet corpus Christi verum. Tercium, quod est res tantum, puta effectus sacramenti istius. Quantum ergo ad primum, potissima huius sacramenti figura fuit oblatio Melchisedech, qui panem & vinum obtulit. Quantum ad secundum, omnia sacrificia legis fuerant eius figura, potissime verò sacrificium expiationis, quod sollemnissimum fuit, quando pontifex introiuit semel in anno in sancta sanctorum cum sanguine, sicut Apostolus ait ad Hebræos nono: Quantum autem ad effectum eucharistiæ, sic manna erat potissima eius figura. Nam sicut manna omnis saporis dulcedinem continebat: sic huius sacramenti gratia mentē ad omnia

reficit. Agnus verò paschalis, quantum ad omnia tria hæc, sacramentum eucharistiæ figurat. Nam agnus ille edebatur cum azymis panibus. Offerebatur quoque ab omni populo Israël luna. 14. in figuram Christi, passionisque eius, qui propter innocentiam appellatus est agnus. Item per sanguinem agni paschalis protecti sunt Iudæi in Aegypto ab angelo deustante, id est, primogenita occidente, atque ex Aegyptiaca servitute erepti: quemadmodum nos per sanguinem Christi redimimur. Ideo agnus paschalis non immerito dicitur potissima huius sacramenti fuisse figura.

¶ De materia sacramenti eucharistiæ. 2. An requiratur ad eam determinata quantitas. 3. An panis triticus. 4. An panis azymus uel fermentatus. 5. An vinum uuae sit propria eius materia. Articulus 100.

**A**Pte præterea iussit Christus sacramentum hoc sub specie panis ac vini, ex quibus conficitur. Materia enim sacramentorum correspondere debet effectui eorum: quemadmodum aqua baptismi spirituali lotioni. Cum ergo sit hoc sacramentum spiritualis refectio & māducatio, sub specie panis qui maxime cibatur, & vini quod reficit, confici debuit. Seorsum tamen, quia in passione Christi separatus est sanguis à corpore eius. Item panis figura est corporis, & sanguis animæ. Hoc autem sacramentum tuetur corpus & animam. Rursus hoc sacramentum ecclesiasticæ unitatis, quæ ex multorum collectione in Christo consurgit, est causa. Et ergo sub formis panis, qui ex multis granis, & vini quod ex diuersis uuis constant, celebrandum consistit.

2. ¶ Amplius in omnibus habentibus materiam ratio determinationis materiæ sumitur ex ordine ad finem: quemadmodum determinatio materiæ serræ est ut sectioni sit apta. Finis verò eucharistiæ est usus fidelium. Determinatio ergo quantitatis materiæ sacramenti istius accipitur in comparatione ad fideles. Non qui occurrunt in præsentia, alioquin sacerdos paucos habens parachianos, non posset consecrare hostias multas: sed in ordine ad fideles absolute, quorum numerus indeterminatus est. Propter quod quantitas materiæ huius sacramenti non est determinanda, sed quantuscunque panis ac vinum consecrari possunt simul à sacerdote:

sicut & materia quantumlibet modica.

3 ¶ Porro ad usum sacramentorum assumitur materia magis communis in usu vite humanæ. Pane autem triticeo homines communius uti consueverunt. Nam in huius panis defectum alij panes introducti videntur. Idcirco propria huius sacramenti materia est panis triticeus. Nam & Christus in hac materia istud sacramentum instituit.

4 ¶ Veruntamen non est differentia quantum ad veritatem sacramenti, utrum fiat in azymo vel in fermentato: sed debet unusquisque sue ecclesie ritum seruare. Vnde sicut peccaret Latinus, si in fermentato conficeret: ita Græcus peccaret consecrando in azymo. Conficitur enim in azymo, ad designandum quod filius dei sine omni cōmixtione carnē assumpsit. In fermentato autem, quia verbum patris induit carnē. Conuenientius verò est, ut fiat in azymo, quoniā Christus in azymo corpus proprium consecrauit, videlicet primo die azymorum post esum agni paschalis, quo die non licuit in domibus Iudæorum esse fermentatum. Secundo ad designandum, quod caro Christi sine virili cōmixtione atque corruptione concepta & nata est. Tertio, ad insinuandum synceritatē vite eorum, qui hoc sacramentum sumere debent, quemadmodum ait Apostolus: Epulemur in azymis synceritatis & veritatis. Græci autem in fermentato conficiunt propter detestationem hæresis Nazæorum, qui legalia Euangelio miscuerunt.

5 ¶ Sanguis insuper Christi non nisi in vino vitis confici valet. Tum, quia Christus in tali vino confecit. Iuxta illud Lucæ: Non bibam amodo de hoc genimine vitis. Tum, quia hoc vinum duntaxat est verum vinum. Alij autem liquores non nisi propter similitudinem quandam vinum dicuntur. Tum, quia effectus huius sacramenti est spiritualis lætitia. De vino autem scriptum est: Vinum lætificat cor hominis. In vino igitur mororum vel malorum granatorum non potest consecratio fieri, neque in aceto quod per corruptionem vini generatur. In musto autem, & si necesse esset, etiam in liquore ex botro expresso sacramentum hoc confici potest, secundum Iulium Papam. Non tamen in agresta, cum sit in via generationis.

¶ An aqua sit uino miscenda. 2. An aquæ admixtio sit necessaria. 3. De quantitate aquæ apponendæ. Art. 101.

**V**Ino insuper admiscēda est aqua in sacramēto eucharistiæ. Primo, quia probabiliter creditur Christus in vino lymphato confecisse, secūdum morē terræ sanctæ, in qua Vina sunt fortia. Vnde in Prouerb. dicitur: Bibite vinum, quod miscui vobis. Secundo propter repræsentationem passionis Christi, de cuius latere fluxit sanguis & aqua. Tertio ad designandum effectum huius sacramenti, videlicet vnionem populi Christiani cum Christo. Nam per aquam exprimitur populus, per vinum Christi sanguis.

2 ¶ Deniq; ista admixtio non est de necessitate sacramēti, cum fiat propter significationē prædictā, cuius significatū, scilicet vnio populi cū Christo, nō est de necessitate sacramenti istius. Hoc nanq; sacramentū perficitur in consecratione materiæ, non in applicatione ad hominē, vt alia sacramenta.

3 ¶ Præterea, vt Innocentius Papa refert, circa aquam quæ vino miscetur, triplex fuit opinio. Prima dixit, quod aqua per se manet vino consecrato. Sed hoc stare non potest, quoniā post consecrationem nihil est in sacramento altaris nisi corpus & sanguis Christi, secundum Ambro. Alij ergo dixerunt, quod sicut vinum conuertitur in Christi sanguinem, sic aqua in aquā, quæ de eius latere emanauit. Sed hoc dici nō debet. Nam secundum hoc aqua seorsum cōsecraretur à vino. Tertia itaque opinio, vt Innocētius asserit, rationabilior est: quæ ponit aquam primo conuerti in vinum, sicq; totum simul cōsecrari. Et ideo aqua in parua quantitate miscenda est, ne species vini mutetur, præsertim, si vinum sit debile.

¶ *Vtrum in hoc sacramento sit uerum corpus Christi & sanguis. 2. An substantia panis & uini post consecrationē remaneant. 3. An annihilentur. 4. An panis conuertatur in corpus Christi. 5. An accidentia maneant.*

Articulus 102.

**P**orro verum Christi corpus ac sanguinem in hoc sacramēto cōsistere, sola diuina sanctaq; fide credimus. Cōuenit quoq; sic esse. Nam sacrificia veteris legis verum Christi sacrificium cōtinebant, duntaxat figuratim. Cū ergo lex noua perfecta sit, conuenit vt sacrificium eius contineat Christū realiter. Secundo ad insinuandū ardētissimā charitatem Christu ad nos. Proprium enim amicorum



## D. DIONYSII CARTHUSIANI

videtur, conuiuere & simul velle vniri. Tertio, quoniam fides est non solum de Christi diuinitate, sed & de eius humanitate. Sicut igitur diuinitatem nobis suam Christus inuisibiliter exhibet: sic humanitatem suam in hoc sacramento nobis inuisibili modo proponit. Corpus quippe Christi non est in sacramento sicut in loco, sed spirituali, speciali atque ineffabili modo huic sacramento proprio.

2 ¶ Denique corpus Christi in sacramento esse non incipit per motum localem, seu descensum à cœlis. Desineret enim esse in cœlo, nec in instanti sub hostia esse inciperet, nec simul in pluribus hostijs esset: sed per conuersionem panis in ipsum, & vini in sanguinem. Ideo opinio dicentium in hoc sacramento remanere substantiam panis ac vini, omnino absurda est, & cauenda tanquam hæretica.

3 ¶ Ex quo etiam sequitur, quod substantia panis & vini nec annihiletur, nec in præiacentē materiā resoluatur: sed vere in Christo corpus ac sanguinē conuertitur: sicq; transsubstantiatur. Conuersio enim accipit nomen & speciem à termino ad quem. Et secundū Aug. deus nō est causa tendendi in nō esse.

4 ¶ Insuper ista cōuersio omnino supernaturalis est, & soli omnipotenti diuinæ potestati possibilis. Omne enim agens creatum ad genus ac speciē est limitatum. Et ergo actio eius non fertur nisi ad aliquem determinatū actum, subiecto supposito. Potest ergo ad immutationem formæ agere, vt vna forma alteri in eodem subiecto succedat. Propter quod omnis naturalis conuersio nominatur formalis. Sed Deus, qui est infinitus & purus actus, cuius virtus immensa existens nihil supponit, totam substantiam rei mutare potest conuertendo vnum in aliud præexistens. Quæ conuersio non formalis sed substantialis vocatur. Sicq; in sacramento dignissimo tota substantia panis conuertitur in totam substantiā corporis Christi. Et item tota substantia vini in totam substantiā sanguinis eius. Hæc ergo supernaturalis conuersio non est in vno subiecto, sed est in vtraq; substantia, sicut in subiecto: quæadmodū ordo & numerus. Nam & ipsa ordinem substantiarū, quarum vna in aliam transit, importat. Itaque per infinitam dei potentiam conuerti potest forma in formam, atque materia in materiam. Quoniam vtrique formæ atq; materiæ est natura entis communis. Id ergo entitatis, quod est in vna, potest author totius entis conuertere in id, quod est entitatis

in alia, sublato illo per quod ab illa distinguebatur.

5 ¶ Amplius accidentia in hoc sacramento manent. Primo, ne abhorreamus Christi carnem sub propria specie manducare. Secundo, ne infideles Christianos derideant, quod proprium dominum edant. Tertio, vt fides meritum habeat.

¶ An post consecrationem forma substantialis panis permaneat.

2. An conuersio hæc fiat in instanti. 3. An sit miraculosior  
omni alia mutatione. Articulus 103

**D**ixerunt quoque nonnulli formam substantialem panis post consecrationem manere. Sed hoc dici non potest. Sic enim nil cōuerteretur in corpus Christi, nisi sola materia, quæ conuerteri non potest in totum corpus Christi, sed in solam eius materiam. Quo concesso, non fieret conuersio in totum corpus Christi, sed in solam materiam eius. Sed hoc formæ sacramenti repugnat, qua dicitur: Hoc est corpus meum. Item si forma substantialis manet, vel manet in propria materia, vel in alia, vel stat per se separata. Primum horum dici nō valet, cū materia panis cōuertatur. Nec secundū quoniā propria forma non est nisi in propria materia. Nec tertium, quia secundum hoc illa esset forma actu intelligibilis. Itaque forma substantialis panis conuertitur in animam Christi, secundum quod dat esse corporeum non prout dat esse animatum anima tali.

2 ¶ Denique mutatio instantanea est triplici ratione. Prima ex parte formæ, ad quam terminatur mutatio: sicut in formis non recipientibus magis & minus. Tales enim subito introducuntur. Secundo ex parte subiecti, quod in vltima dispositione cōsistit ad formam: quemadmodum diaphanum ad illuminationem. Tertio ex parte virtutis agentis: vt cum virtus est infinita. Hæc ergo conuersio propter omnes has rationes instantanea est. Nā substantia corporis Christi ad quā terminatur conuersio, non recipit magis aut minus. Virtus quoque quæ efficit conuersionem hanc, immensa est. Nec ipsum subiectum conuersionis successiue disponitur ad conuersionem huiusmodi. Vnde vltimum instans prolationis verborum est primum instans, in quo sub sacramento est corpus Christi, & in toto tempore præcedenti est ibi substantia panis: cuius tēporis non est accipere aliquod instans proxime ipsum præ-

## D. DIONYSII CARTHUSIANI

cedens. Sic enim ex instantibus tempus compositum foret. Est ergo dare primum instans, in quo est ibi corpus Christi. Non autem est dare ultimum instans in quo est ibi substantia panis. Sed est dare ultimum tempus, & idem est in mutationibus naturalibus: sicut octauo Physicorum probatur. In talibus quippe sunt simul fieri & factum esse, ut illuminari & illuminatum esse. Dicitur enim factum esse prout nunc est, & fieri secundum quod antè non fuit.

¶ Præterea in conuersione hac est ordo terminorum, sicut in creatione ac naturali mutatione. Non autem est hic sub utroque termino idem subiectum. Possumus igitur dicere: Ex pane fit corpus Christi: sicut ex non ente fit ens, quia præpositio ex, ordinem signat. Non autem dicendum est, quod panis fit corpus Christi, vel fieri possit corpus Christi, vel quod de pane fit corpus Christi: quia præpositio de, consubstantialitatem seu causam consubstantialem significat, quæ cōsubstantialitas extremorum in transmutatione naturali attenditur secundum conuenientiam in subiecto.

3 ¶ Est præterea ista conuersio omni alia mutatione miraculosior. Nam sicut creatio excedit quamlibet aliam mutationem, siue sit substantialis, siue accidentalis, in hoc quod attingit ipsam materiam, quam aliæ mutationes præsupponūt: ita & ista conuersio vsque ad ipsam essentiam materiæ pertingens habet hoc quidem commune cum creatione, quod excellat reliquis omnes mutationes: sed ex parte termini ad quem est mutatio, quæ est unio humanæ naturæ ad diuinam, ipsam quoque creationem superat in difficultate, unde est & ipsa miraculorum omnium miraculum.

¶ An totus Christus sit in hoc sacramento. 2. An totus sit sub qualibet specie. 3. An sub qualibet parte specierum. 4. An dimensiones corporis Christi sint totæ in hoc sacramento.

Articulus 104.

**P**Ræterea in hoc sacramento est aliquid ex vi sacramenti, id scilicet ad quod directè conuersio panis ac vini terminatur, utpote corpus Christi & sanguis: & aliquid concomitanter, videlicet anima Christi atque diuinitas. Quæ cum realiter sint coniuncta corpori Christi

& sanguini, ibi necessario sunt ubi est caro sanguisque Christi. Hoc igitur modo totus Christus est in sacramento. In hac namque conuersione non conuertuntur dimensiones panis vel vini in dimensiones corporis & sanguinis domini, sed substantiam. Tota autem substantia rei est æque in magna & parua quantitate. Quemadmodum natura aeris si est verè tam in paruo quàm in magno aëre. Tota ergo substantia corporis & sanguinis Christi continetur in hoc sacramento sub qualibet dimensionis particula. Sicut antea substantia panis & vini contenta fuit. Nam corpus Christi est in hoc sacramento nõ per modum quantitatis, sed substantiæ.

2 ¶ Ex istis innotescit, quod sub specie panis est totus sanguis Christi, atque sub specie vini totum corpus Christi, & ipse totus Christus sub vtraque specie. Difformiter tamen. Nam sub specie panis est sanguis Christi concomitanter, eo quod non sit separatus realiter à corpore Christi. Corpus verò ex vi sacramenti. Similiter sub specie vini est sanguis ex vi sacramenti, quia directe conuertitur substantia vini in ipsum. Corpus autem concomitanter. Cum verò Christus dixit, Caro mea verè est cibus, ponitur pars pro toto, videlicet caro pro toto corpore neruos & ossa habente, eò quòd caro sit comestioni magis accommoda.

3 ¶ Porro sicut tota substantia seu natura panis continetur sub qualibet particula dimensionis: ita & totus Christus continetur sub qualibet specie panis ac hostiæ, non solum cum actu diuiditur vt aliqui asserunt, ponentes simile de speculo: quòd integrum manens vnã imaginem continet. Sed etiam ante actualem diuisionem. Non tamen est sub partibus infinitis, quoniam numerus sequitur diuisionem in actu. Habet quoque Christi corpus distantiam & ordinem partium suarum in sacramento, non prout comparatur ad dimensiones sacramenti, sed proprias, quas semper æqualiter habet.

4 ¶ Insuper quoniam dimensiones Christi propriæ suo corpori semper coniunctæ sunt, nec à corpore eius separabiles sunt, Iccirco tota quantitas dimensiua corporis Christi in isto sacramento consistit concomitanter, atque per modum substantiæ, non per modum dimensionum: vt scilicet sit tota in toto, & singulæ partes in singulis partibus: sed tota in toto, & tota in qualibet parte, sicut substantia.

¶ An corpus Christi sit in hoc sacramento localiter. 2. An mobilit. 3.  
 An uisibiliter. 4. An maneat in hoc sacramento, quando miraculo  
 se uidetur sub specie carnis uel pueri. Art. 105.

**S**icut nunc dictum est corpus Christi est in hoc sacramento non secundum modum quantitatis dimensionis, scilicet per commensurationem ad aliquid extra se: sed per modum substantiæ, quæ cum secundum se in diuisibilis sit, in qualibet parte quantitatis consistit. Nil autem corporeum in loco est, nisi per commensurationem ad locum, & secundum dimensionem extensionem. Corpus igitur Christi non est in hoc sacramento sicut in loco, sed per modum quo natura rei sub propria quantitate continetur. Corpus autem Christi succedit substantiæ panis. Vnde sicut natura panis ante consecrationem non erat sub suis dimensionibus sicut in loco: ita nec postea corpus Christi. Verumtamen substantia panis localiter ibi erat, quoniam comparabatur ad locum mediantibus dimensionibus proprijs tanquam subiectum earum, sed corpus Christi illarum subiectum non est dimensionum. Et ergo non comparatur ad locum illum per illas dimensiones. Sed neque per proprias, cum illæ non sint ibi nisi concomitanter. Nullo itaque modo Christus est in sacramento localiter. Imo sicut aliarum rerum substantia comparatur ad locum per dimensiones suas: sic dimensiones corporis Christi comparantur ad locum illum mediante substantia, quod est contra rationem corporis locati.

2. ¶ At verò eidem possunt conuenire diuersa secundum diuersas rationes. Imò quod subiecto est vnum & idem tamē secundum esse multa, potest secundum aliquid mouere & simul quiescere secundum aliud, ut res quæ colorata & magna est, potest secundum colorem mutari sine magnitudinis mutatione seu motu. Similiter Christus secundum esse propriū potest quiescere & simul moueri, secundum id in quo est atque per accidens, scilicet ad motum formarum: sub quibus in sacramento continetur, sub quibus desinit esse sine sua mutatione, cum habeat esse indeficiens & immortale: quemadmodum deus desinit esse in creatura corruptibili per mutationem, non suam, sed creaturæ: & sicut deus desinit esse dominus alicuius creati, non quod ipse mutetur, sed quoniam habitudo eius ad creaturam auferetur per mutationem creatu-

3: Sic Christus definit esse sub sacramento, quoniam habitu  
do eius ad hunc locum tollitur propter mutationem seu cor-  
ruptionem creaturarum specierum sacramenti.

3 ¶ Porro Christus secundum quod in hoc sacramento est,  
à corporali oculo nequit videri. Substantia enim nō nisi per  
accidentia visum immutat. Dicitur est autem quod acciden-  
tia Christi sunt in hoc sacramento concomitanter & medi-  
ante substantia. Non ergo visum immutant. Itē corpus Chri-  
sti in hoc sacramento consistit per modum substantiæ, non  
per modum dimensionis. Substantia verò secundum se inui-  
sibilis est. Intellectus autem beatorum tam angelorum quàm  
hominum spirituali oculo vident corpus Christi, prout in sa-  
cramento est secundum participatam charitatem diuini in-  
tellectus per visionem diuinæ essentiæ.

¶ Dæmones verò ipsum, non vident, nisi per fidem, cui non  
assentiunt bona voluntate, sed euidentium conuicti necessi-  
tate signorum, quemadmodum Iacobi secundo habetur: Dæ-  
mones credunt & contremiscunt.

4 ¶ Præterea, quod in hoc sacramento interdum conspici-  
tur quasi caro vel sanguis seu puer, quandoque contingit pro-  
pter solam immutationem sensuum videntis: cuius sensus ita  
afficitur atque formatur, ac si huiusmodi aliquid præsens  
videret. Quod tunc præcipue fit, quando vnus conspicit ho-  
stiam in propria specie, alius in forma prædicta. Secundo  
istud contingit propter immutationem factam circa species  
sacramenti, quæ ita qualificantur, vt videantur sub specie car-  
nis vel sanguinis. Quidam verò dixerunt, hoc esse propriam  
speciem corporis Christi. Sed hoc non dicitur recte, quoniā  
Corpus secundū propriā speciē non videtur, nisi in vno loco  
Itaq; quādiu remanēt dimēsiōes quæ sunt in sacramēto alio-  
rū accidētū fundamētū, manet sub eis corp⁹ Christi ac sāguis

¶ An accidentia maneant sine subiecto in hoc sacramento. 2. An quanti-  
tas sit eorum subiectum. 3. An illa accidentia possint immutare  
corpus extrinsecum. 4. An possint corrumpi. Art. 106.

**A**ccidētia insuper sine subiecto in hoc sacramento cō-  
sistunt, quia substantia panis non manet, nec trans-  
eunt in corpus Christi, nec sunt, vt aliqui æstimant, in  
aere circumstante, quoniam accidens non migrat de  
subiecto in subiectū, nec aer susceptiuus est accidentiū taliū.

## D. DIONYSIICARTHVSIANI

2 ¶ Porro cum quantitas immediate sequatur substantiam ratione materiae, ipsa quantitas fundamentum est aliorum accidentium, quæ posterius consequuntur substantiam, scilicet colorum, saporum, &c. & ideo quauis virtute diuina quantitas panis & vini maneat sine subiecto: alia tamen accidentia manent in ea tanquam in fundamento atque subiecto. Patet quoque ad oculum in sacramento aliquod quantum ibi esse coloratum, alijsque accidentibus formis affectum.

3 ¶ Præterea agere sequitur ipsum esse agētis. Vnumquodque enim operatur secundum quod est in actu. Quemadmodum ergo diuina virtute confertur accidentibus in isto sacramento siue substantia esse: sic & agere possunt sine subiecto proprias actiones, sicut & ante consecrationem. Possunt ergo immutare extrinseca corpora.

4 ¶ Rursus corrumpi possunt sicut & antè, siue per se ut à qualitatibus contrariis per alterationem, vel propter diminutionem dimensionum in tam modicas partes, quod corrumperetur substantia panis ac vini.

¶ *An ex formis seu speciebus sacramenti possit aliquid generari. 2. An aliquis potest ex eis nutrir. 3. De fractione panis consecrati. 4.*

*An uino consecrato aliquid possit misceri. Artic. 107.*

**C**orruptio autem vnius generatio est alterius. Cum ergo species sacramentales possint corrumpi, ut dictum est, oportet aliquid ex eis generari, non enim rediguntur in nihilum. Præsertim cum ad oculum poterat aliquid generari per corruptionem earum, videlicet vermes aut cineres. Quidam autem dixerūt talia quidem nō generari ex formis prædictis, sed ex aere circumstāte. Quod irrationabiliter dicitur. Primo, quia in aere nulla apparet facta corruptio vel alteratio. Generatur autem aliquid ex eo, quod ante alteratum est atque corruptum. Secundo, quia natura aeris talis non est, ut possint ex eo talia generari. Alij ergo dixerunt substantiam panis ac vini in corruptione prædictarum specierum reuerti, sicq; ex ea generari quæ fiūt. Sed hoc non videtur possibile. Cū namq; substantia panis & vini sit cōuersa in corpus & sanguinem Christi, non potest redire nisi corpus Christi, & sanguis denuo conuertatur in eā. Melius ergo apparet, ut dicamus quantitati miraculose conferri,



vt suppleat vicem materiæ, aliis formis substando, & subiectū generationis atque corruptionis existendo sicut materia: non quidem nouo miraculo, cum nil miraculosum sit in hoc sacramento, nisi ex vi cōsecrationis: sed virtute miraculi prius facti.

2 ¶ Ex quo facile constat, quod species istæ hominem nutrire possunt, non solum confortando, sicut odore aliquis confortatur: sed verè cibando. Ostensum est enim, quod conuer- ti possunt per generationem in substantiam rei. Dicitur autem panis esse in sacramento altaris post consecrationem, vel quia species panis manent, vel quoniam corpus Christi quod est panis mysticus, ibi verè existit.

3 ¶ Præterea vera fractio est in hoc sacramento, sicut ad sensum cognoscitur. Huius autem fractionis subiectum non est corpus Christi, sed ipsa dimensio, quæ secundum se habet partium quantatiuarum extensionem atq; distinctionem. Vnde quemadmodum species sacramentales sunt sacramentum corporis Christi: sic fractio hæc ponitur sacramentum passionis Christi, quæ fuit in corpore eius.

4 ¶ Porro, vt tactum est, quemadmodum species in hoc sacramento permanentes, sortiuntur virtute consecrationis modum essendi substantiæ: sic adipiscuntur & modum agendi & patiendi substantiæ: ita vt agere patique possint, quicquid ageret & pateretur substantia panis & vini, si præsens adesset. Quemadmodum ergo ante consecrationem vino alius liquor misceri potest, tam eiusdem speciei, videlicet aliud vinum, quàm alterius, vt aqua, vel simile quippiam: sic post consecrationem fieri potest permixtio. Et si illa permixtio sit tanta, quod species vini consecrati corrumpatur, non manebit sub formis illis Christi sanguis. Imò cum mixtum non sit aliquod miscibilem, sed tertium quoddam, illa pars vini consecrati, quæ alio liquore perfunditur, desinit continere sanguinem Christi, dum eius species accidentalis destruitur.

¶ De forma huius sacramenti 2. De conuenientia formæ consecrationis corporis Christi 3. De conuenientia consecrationis sanguinis Christi 4. De uirtute utriusque formæ 5. De ueritate locutionis 6.

De habitudine harum formarum adinuicem. Articulus.

**D**iffert verò hoc sacramentum à cæteris. Primo quia hoc sacramentum perficitur in consecratione materiæ: alia autem in vſu materiæ consecratæ. Secundo, quia in aliis consecratio materiæ in sola benedictione consistit materiæ, per quam recipit instrumentalem sanctificandi virtutem, quæ à ministro ad inanimata potest procedere. Sed istud sacramentum consistit in supernaturali conuerſione. Vnde in consecratione materiæ sacramenti istius sacerdos alium actum non habet, nisi prolationem verborum. Conformiter forma huius sacramenti, qua dicitur: Hoc est corpus meum, ab aliorum formis sacramentorum in duobus distinguitur. Primo, quoniam illæ formæ important vſum materiæ, vt cum dicitur: Ego te baptizo. Huius autem sacramenti forma solam materiæ consecrationem designat. Secundo, quia aliorum sacramentorum formæ dicuntur à ministro per modum agentis, vel depræcantis, vt cum dicitur: Ego te conſigno. Vel per vnctionem, &c. Huius verò sacramenti forma proferatur ex persona Christi loquentis: ad insinuandum, quod sacerdos in consecratione huius sacramenti nil aliud agit, nisi quod verba Christi pronunciat.

¶ Est autem diuersa opinio, quo modo Christus hoc sacramentum confecit. Quidam enim affirmant, quod sola diuina virtute consecrauit, & postea formam consecrandi aliis dedit. Alij dicunt, quod aliis verbis & nobis ignotis consecrauit. Quidam autem, quod eadem verba bis protulit. Primo in occulto conficiendo. Secundo aperte aliis dando. Sed melius dicitur, quod verbis quibus nunc consecratio fit, ipse Christus consecrauit, non in occulto prolatis, vel bis, sed semel. Nam & Euangelistæ secundum Augustinum non semper seruant eundem ordinem recitando, secundum quem gesta est res. Sciendum quoque, quod si sacerdos sola verba quæ ad huius sacramenti formam pertinent, proferret cum intentione consecrandi, verè conficeret. Nam eius intentio faceret, vt hæc verba intelligerentur quasi ex persona Christi prolata: quanuis verbis præcedentibus id non exprimeretur. Sic tamen conficiens grauius peccaret, vt poterit ecclesiæ non obseruans.

¶ Præterea in consecratione ista consideranda sunt tria, videlicet ipsa conuerſio, terminus à quo, & terminus ad quē. Et quia conuerſio ista fit in instanti, significatur non vt in fieri, sed vt in facto esse, cum dicitur: Hoc est corpus meum. Ter

minus quoque à quo designatur per pronomen demonstratiuum cū dicitur: Hoc. Sed & terminus ad quem exprimitur, cū additur corpus meum. Hæc autem coniunctio enim adiungitur, secundum consuetudinem Romanæ Ecclesiæ à beato Petro deriuatam. Adiungitur verò propter continuationem ad præcedentia verba. Vnde non est de forma sacramenti.

¶ At verò quidam dixerunt, quod ad formam consecrationis calicis non pertinent nisi hæc verba: Hic est calix sanguinis mei. Sed quoniam verba sequentia sunt determinationes huius prædicati sanguinis. Ideo alij melius dicunt, quod verba quoque sequentia ad formam consecrationis vini pertineant, vsque dum dicitur: Hæc, quotiescunque feceritis, quæ non sunt de forma, sed spectant ad vsum sacramenti istius. Per hæc itaque verba: Hic est calix sanguinis mei, significatur cōuersio vini in sanguinem. Verba verò sequentia designant virtutem sanguinis Christi pro nobis effusi. Valet nempe ad tria scilicet ad perceptionem vitæ æternæ, ad iustificationem gratiæ, & ad delenda peccata. Propter primum dicitur noui & æterni testamenti, propter secundum apponitur mysterium fidei. Propter tertium autem adiicitur, qui pro vobis & pro multis effundetur, &c. Cum verò dicitur: Hic est calix sanguinis mei, ponitur continens pro contēto. Et est sensus: Hic est sanguis meus contentus in calice. Testamentum quoque aliud nihil est, nisi dispositio hæreditatis. Et quia per sanguinem Christi adipisci possumus hæreditatem æternam, dictum est: Calix sanguinis mei noui & æterni testamenti. Dicitur etiam in consecratione sanguinis mysterium fidei, ad designandum occultum modum, quo sanguis Christi verè in sacramento consistit, quod sola fide tenetur. Vnde & ipsum mysterium est quasi fidei obiectum. Quauis verò non omnia verba consecrationis calicis in scriptura legantur, eo quod apostoli & euangelistæ volebant formas sacramentorum publice tradere propter infidelium derisionem secundum Dionysium in fine Ecclesiasticæ Hierarchiæ: omnia tamen verba illa à Christo prolata sunt & apostolis tradita, per quos hæc forma à Christo ad ecclesiam venit. Iuxta illud prima ad Corinthios vnde cimo: Ego accepi à domino, quod & tradidi vobis.

¶ Insuper sicut de verbis ad aliorum sacramentorum formam spectantibus dictum est, quod in eis sit quædam virtus actiua ad effectum sacramenti, non principalis, vel prima, sed

instrumentalis & secundaria: ita de verbis formalibus huius sacramenti credendum est. Quoniam cum ex persona Christi dicuntur, per hoc quod ex eius mandato proferuntur, consequuntur instrumentalem virtutem ad consecrationem. Et hoc in ultimo instanti praelationis ultimi verbi in ordine ad verba præcedentia.

5 ¶ Præterea hæc locutio, Hoc est corpus meum, vera est, intelligendo eam secundum ultimum instans prolationis verborum. Istud autem pronomen demonstratiuum hoc, non demonstrat panem, nec etiam corpus Christi, sed aliquid sub speciebus sacramenti contentum, ut pote quod prius fuit patris, & postmodum corpus est Christi. Pronomen enim significat substantiam in communi sine qualitate, id est, proprietate determinante. Et ideo verba prædicta, quæ sunt forma huius sacramenti, quanuis recitativæ à sacerdote dicuntur, non tamen sumuntur materialiter solum, sed etiam significativæ. Imo & factiva sunt eius, quod significant. Sed significatio præintelligitur conversioni seu rei significatæ ordine naturæ, non temporis. Nam causa naturaliter prior est suo effectu.

6 ¶ Amplius consecratio corporis statim perficitur verbis prolatis, quæ ad hanc pertinent consecrationem. Non enim consecrationes panis ac vini seinvicem expectant. Alioquin diceretur: Hoc erit corpus meum, nec corpus Christi elevari tur ante consecrationem sanguinis.

¶ An huius sacramenti effectus sit collatio gratiæ 2. An adeptio gloriæ 3. An remissio quoque peccati mortalis 4. An venialis peccati remissio. Articulus 109

**H**oc autem sacramentum superdignissimum gratiam confert. Tum, quoniam Christum realiter continet. Tum, quia eius passionem figurat. Tum, quoniam cibus est animæ. Et ergo quicquid agit cibus corporalis in corpore, qui sustentat, auget, reparat, & delectat: hoc totum facit hoc sacramentum spiritualiter in anima. Vnde Ambrosius: Panis, inquit, est iste vitæ æternæ, qui animæ nostræ substantiam fulcit.

2 ¶ Amplius ex eisdem rationibus patet, quod causet gloriæ adeptionem. Nam & Christus ianuam regni aperuit, & per vsum huius sacramenti efficiamur meriti eius participes, sicq; tā-

dem consummato cursu viæ introducemur ad gloriam.

3 ¶ Præterea virtus sacramenti istius consideratur dupliciter. Primo secundum se, sicq; ad omnium peccatorum remissionem sufficiens est. Secundo per comparationem ad sumentem, Et ita in eo qui spiritualiter non viuit, nec charitatem, quâ Christo iungatur habet, non operatur mortalium peccatorum indulgentiam, sed grauamen: quoniam obicem ponit peccator gratiæ dei. Nutrimentum nanque non est alicui aptum, nisi viuenti. Cum ergo sacramentum, spirituale dicatur nutrimentum, ei non competit ipsum recipere, qui non viuit spiritualiter & charitative. Operatur verò remissionem peccati mortalis obliti, per hoc, quod gratiam charitatis infundit quæ contritionem complet.

4 ¶ Denique peccata venialia per hoc sacramentum dimittuntur. Tam ratione sacramenti, quod est spirituale alimentum, per quod restauratur deperditum in spirituali vita: quemadmodum cibus corporeus illud restaurat, quod in animali per actionem naturalis caloris deperditur. Peccata verò venialia charitatis feruorem diminuunt atque ex concupiscentia naturali procedunt. Idcirco vt Innocent. tertius asserit: Hoc sacramentum veniale delet, & cauet mortale. propter quod Ambrosius ait: Iste panis quotidianus sumitur in remedium quotidianæ infirmitatis. Item res huius sacramenti est charitas, quæ in hoc sacramento augetur, nō solum in habitu, sed etiam in actu accenditur, sicq; peccatorum labem consumit.

¶ An per hoc sacramentum tota pœna peccati dimittatur 2. An per ipsum homo à peccatis futuris præseruetur 3. An profit soli sumenti 4. De impedimentis effectus huius sacramenti. Art. 110.

**E**st verò sacramentum eucharistiæ sacrificium, in quantum offertur, & sacramentum in quantum sumitur. Itaque prout est sacramentum, duplicem sortitur effectum. Vnum per se atque directè. Alium concomitanter. Cum enim hoc sacramentum institutum sit, non ad satisfaciendum, sed ad spiritualiter nutriendū per unionē ad Christum atq; ecclesiam, ideo per se efficit spirituale augmentum Sed quoniam tale augmentum per charitatem efficitur, quæ operit multitudinē peccatorū, concomitanter inducit remissionē non solū culpæ, sed etiā pœnæ, nō totius, sed tanto ma-

ioris, quo fuerit deuotio & charitas maior. In quantum verò est sacrificium, habet satisfaciendi virtutem. In satisfactione autem magis pensatur affectus offerentis, quàm quantitas oblationis. Quanquam igitur ista oblatio ex sua quantitate sufficiat cuncta auferre delicta, omnemque pœnam: tamen fit satisfactoria illis, qui offerunt, vel pro quibus offertur secundum quantitatem suæ deuotionis, & non pro tota pœna.

2 ¶ Præterea quoniam sacramentum hoc est spiritualis alimonia Christo coniungens, atq; signum victoriæ Christi, præseruat à malis futuris ab intrâ & foris emergentibus. Vnde Chrysostomus: Sicut leones flammam spirantes, sic ab illa mēsa discimus terribiles effecti diabolo.

3 ¶ Denique sacramētū hoc sub ratione sacramēti & sacrificij prodest sumentibus. Nam pro omnibus qui sumūt, offertur. Sed prout est sacrificium, prodest etiam illis, qui non sumunt, dum pro eorum offertur salute, dummodo sint Christo per fidem & charitatem coniuncti.

4 ¶ Insuper peccata venialia, secundum quod iam præterita sunt huius sacramenti effectum nequaquam impediunt. Potest namque aliquis post multa peccata venialia ad hoc sacramentum deuote accedere, eiusque effectus plene participare. Peccata verò venialia prout sunt actu exercita, effectum huius sacramenti partim impediūt, scilicet quo ad actualem spiritualis dulcedinis refectionem, quam is qui mente distracta accedit non percipit. Non autem impediunt effectum sacramenti huius in toto, quia non tollunt neque impediunt augmentum gratiæ habitualis, vel charitatis.

¶ De duplici modo manducandi hoc sacramentum 2. An soli homini competat manducare spiritualiter 3. An soli iusto conueniat manducare sacramentaliter 4. An peccator manducans sacramentaliter peccet. Art. III.

A Tenditur autem in hoc sacramento ipsum sacramentum, & sacramenti effectus. Illa ergo manducatio, quā quis sacramentum sumit non consequendo effectum ipsius, videlicet, gratiam, propter suam malitiam sacramentalis vocatur. Cū verò consequitur prædictum effectum, manducatio dicitur spiritualis. Hæc quoque distinctio in aliis sacramentis locum sortitur, secundum quod in eis recipi

potest sacramentum sine receptione effectus, scilicet gratia. Interdum autem manducat aliquis spiritualiter, non sumendo ipsum sacramentum in re, sed in voto, siue post institutionem sacramenti. ut tempore gratiae, siue propter figuram. Quemadmodum de antiquis patribus ait Apost. Omnes baptizati in Mose sunt in nube & in mari, & omnes eandem escam spirituales manducauerunt, & eundem potum spirituales biberunt.

2. ¶ Denique angeli spiritualiter manducant Christum sub propria specie cum cernentes eiusque beata contemplatione fru- entes. Sed non competit eis manducare spiritualiter Christum, secundum quod formis sacramentalibus velatur ac regitur. Sed hoc hominibus proprium est qui per fidem atque affectum se in hoc sacramentum extendunt: & ideo angelis non congruit spiritualiter manducare hoc sacramentum.

3. ¶ Præterea quidam antiqui dixerunt, quoniam statim cum peccator Christi corpus ore contingit, desinat corpus Christi esse sub speciebus sacramenti. Hoc autem prædictis non consonat. Ostensum est enim, tam diu sub sacramento manere Christi corpus & sanguinem, quam diu species illæ sacramenti perdurant. Imò tam diu, sicut substantia panis maneret si adesset. Non ergo soli iusto, sed & peccatori potest competere hoc sacramentum spiritualiter manducare.

4. ¶ Porro in hoc sacramento est aliquid, quod est solum signum: aliquid quoque quod est signatum atque contentum, videlicet corpus Christi verum. Tertium, quod est signatum non contentum, scilicet corpus Christi mysticum, quod est societas sanctorum. Itaque qui cumque hoc sacramentum accipit, ipsa sua acceptione designat se Christo unitum, membrisque eius incorporatum: quod fit per fidem formatam. Et ideo qui cum mortali peccato, de quo sibi conscius est, hoc sacramentum sumit, falsitatem ostendit & mendacium cum in sacramentum committit, sacrilegiumque incurrit, tanquam sacramenti violator. Et ergo mortaliter peccat, propter quod admittendi non sunt ad hoc sacramentum, qui in mortali peccato sciuntur.

¶ De quantitate peccati manducantium indigne 2. An peccator ad hoc sacramentum accedens sit repellendus 3. An nocturnal pollutio à communionem impediat 4. An à solis ieiunio sit sumendum sacramentum.

Articulus 112.



## D. DIONYSII CARTHYSIANI

**P** Ecceatū in super peccato grauius dicitur dupliciter scilicet per se, id est, ratione obiecti, & per accidens. Per se igitur tanto peccatum est grauius, quo maior est ille in quem peccatur. Quemadmodum ergo Christi diuinitas dignior est eius humanitate, humanitas quoque ipsius sacramentis præstantior est: tanto grauius est peccatum, quod contra diuinitatem committitur, quam contra humanitatem, & quod sit contra humanitatem Christi, quam contra sacramenta sue humanitatis: & deinde sequuntur peccata quæ sunt contra puras creaturas. Vnde patet, quod licet peccatum indigne manducantis sit grauius multis peccatis, non tamen omnium est grauißimum. Secundo autem dicitur peccatum magis, vel minus graue per accidens. Nam qui ex ignorantia, vel debilitate illicite agit, minus peccat quam qui ex certa scientia, vel contemptu peccat. Et ergo per accidens grauari potest prædictum peccatum.

2. ¶ At verò peccatori publice perseueranti in peccato mortali, vt usurario, vel raptori, neganda est sacra communio, donec confiteatur atque pœniteat, ac reconcilietur ecclesiæ. Sed si peccator sit occultus, non est denegandum eucharistiæ sacramentum. Nam eo quod baptizatus est Christianus, admissus videtur ad hoc sacramentum. Non ergo eo carere priuarique debet, nisi publice confiteatur, vel conuincatur de crimine.

3. ¶ Porro nocturna pollutio, quauis secundum se non sit peccatum mortale, tamen propter causam suam potest habere mortale peccatum annexum. Interdum nanque contingit ex illusione dæmonum, quandoque ex cogitationibus præcedentibus, quandoque ex superfluitate cibi & potus, sæpe quoque ex superfluitate, vel debilitate naturæ. Quælibet autem causarum harum esse potest cum mortali peccato, & item cum veniali, & etiam sine omni peccato. Illusio namque diaboli fieri potest ex sola eius malitia: & sic nullum erit peccatum. Quandoque verò contingit ex præcedenti negligentia præparandi se ad sacramentum, quæ negligentia esse potest mortalis, vel venialis. Similiter cogitationes præcedentes lasciuæ esse possunt sine peccato, vt cum gratia lectionis aut disputationis assumuntur. Quandoque sunt mortales, vt si assensus in peccatum sit plenus. Si autem ratio perfectè non consentit, erit veniale peccatū. Item superfluitas cibi & potus esse potest mortalis & venialis, & similiter ipsa superfluitas naturæ. Infirmi-

tas autem naturæ quandoque sine peccato est. Vnde & aliqui vigilando sustinent fluxum seminis sine peccato. Quando- cumque ergo nocturna pollutio habet causam mortalem præ cedentem, de necessitate à sacramento abstinere oportet, nec sine peccato mortali acceditur. Dum verò caret peccato, vel veniale peccatum habet, tunc abstinendum est propter congruentiam, tam ratione immunditiæ corporalis, ob quam pro pter sacramenti reuerentiæ à susceptione eius cessandum est: quàm propter mentis euagationem, quæ pollutionem noctur nam consequi solet. Præsertim quando ex imaginatione tur- pi causatur. Et hoc modo decet à communione cessare, etiam propter maritalem concubitum, quanuis peccato carentem, dempto necessitatis articulo. Sed & somnium homicidij si ex causa quæ est mortale peccatum procedit, à comunione impedit.

4. ¶ Ordinavit autem ecclesia à ieiunis debere accipi sacra- mentum. Primo propter eius reuerentiæ. Secundo propter mysterium, scilicet ut ipsum primo in cordibus nostris fundetur. Tertio ad vitandum periculum ebrietatis ac vomitus. Si ta- men reliquiæ ciborum in ore remanentes traiciantur per gut- tur, non impeditur sumptio sacramenti, quia nihil accipitur per modum cibi, vel potus.

¶ An hoc sacramentum dandum sit non habentibus usum rationis 2. An sit quotidie sumendum 3. An liceat om- nino abstinere 4. An liceat corpus sine sanguine sumere. Articulus 11.

**A**T verò qui nunquam usum rationis habuerunt, cõ- munione sumere non debent, nec eis præstari, quia huius sacramenti deuotionem nunquam habuerunt. Si verò aliquem usum rationis quanuis debilem ha- bent communicari possunt: & si illum usum amittant, nihilo- minus in articulo mortis possunt sacramentum recipere, si an- te eius affectû habuerant: licet tunc in frenesim aut similem incidant morbum, nisi timeatur periculum expuitionis seu vomitus. De baptizatis verò qui corporaliter à demonibus vexantur, eadē ratio est. Vnde Cassianus refert, quod eis qui ab immundis vexantur spiritibus, communionem sacrosan- ctam à senioribus nostris nunquam inuenimus interdiciam.

2 ¶ Præterea istud sacramentum spiritualis alimonia est, & maximè virtuosa atq; salubris. Duo igitur in communione pè-  
sanda sunt. Vnum ex parte sacramenti, sicq; expedit sacramè-  
tum quotidie recipere. Aliud ex parte recipientis, videlicet,  
vt cum magna reuerentia & deuotione accedat. Si ergo quis  
se quotidie paratum inuenerit ad sic accedendum, securus ac-  
cedat quotidie. Sed quia quotidie multa impedimenta deuo-  
tionis istius occurrunt propter indispositionem mètis & cor-  
poris, non expedit omnibus quotidie sumere, sed eis qui para-  
tos se exhibèt, quemadmodum ait Augustinus: Ille panis quo-  
tidianus est, accipe quotidie quod tibi quotidie proſit. Et vt  
insinuet quibus hoc dixerit, addit: Sic viue, vt quotidie merea-  
ris accipere. Sciendum quoq; , quod secundum antiquos ca-  
nones à Papa Clemente erat statutum, vt habetur de conse-  
cratione distinctione secunda. Si mane dominica portio edi-  
tur, vsq; ad sextam ieiunent ministri: & si tertia, vel quarta ac-  
ceperint, ieiunent vsq; ad vesperum: hoc tamen nunc per con-  
trariam consuetudinem sublatum est, quia nunc frequenter  
missarum celebrantur solennia. Debet tamen esse aliqua mo-  
ra inter sumptionem huius sacramenti & reliquos cibos.

3 ¶ Demum in primitiua ecclesia vigente deuotione fidei  
Christianæ, fideles quotidie communicabant. Sic enim statue-  
runt Apostoli, vt Anacletus Papa testatur. Postea hac deuotio  
ne refrigescente, Fabianus Papa instituit, vt saltem ter in an-  
no communicent, scilicet in Pascha, Pêtecoste & natali Chri-  
sti. Postremo propter abundantiam iniquitatis emergentem,  
Innocentius tertio statuit, vt saltem semel in anno, scilicet in  
Pascha, communicent.

¶ Amplius non est necesse hoc sacramentum sacramentali-  
ter sumere, sed sufficit spiritualis sumptio, dummodo esset vo-  
tum recipiendi ipsum sacramētum: quod etiam implere opor-  
tet, dum opportunitas adest, non solum ex ordinatione Eccle-  
siæ, sed & ex mandato Christi dicentis: Hoc facite in meam  
commemorationem.

4 ¶ Adhuc quantum est ex parte sacramenti, non decet  
corpus Christi sine sanguine maximè à sacerdotibus sumi. Sed  
ex parte recipientium ordinatum est in quibusdam Ecclesiis,  
vt non bibat populus qui communicatur, sanguinem Christi,  
seorsum, ad vitandum irreuerentiæ & effusionis periculum.

¶ An Christus sumpsit proprium corpus & sanguinem 2. An dedit illud Iudæ 3. Quale corpus dedit discipulis 4. Quomodo habuisset se in triduo mortis sub hoc sacramento. Articulus 114.

**M**elius insuper dicunt, qui asserunt Christum proprium corpus & sanguinem sub sacramento in cœna sumpsisse: quemadmodum ipse quoque baptizari volebat, ut nos suo exemplo ad baptismum induceret. Cœpit enim Iesus facere & docere. Vnde quod aliis agere commendauit, ipse primo impleuit. Propter quod quidam metricè dicunt: Rex sedet in cœnâ turba cinctus duodecim. Se tenet in manibus, se cibat ipse cibus.

2 ¶ Denique Hilarius super Matthæum affirmat, quod corpus suum Christus Iudæ non dedit in cœna. Sed hoc non conueniebat magisterio Christi, cuius omnis actio est nostra instructio. Non enim debuit occultum peccatorem publicare, vel tali discretione Iudam exasperare. Dicendum ergo, quod Iudas cum aliis discipulis corpus & sanguinem Christi accepit, quemadmodum in Eccle. Hierarchia Dionysius & Augustinus super Iohannem testantur, quod etiam Chrysost. asserit: Non est tamen putandum, quod dedit sibi corpus suum sub pane intincto, sed ante cum aliis, secundum Augustinum.

3 ¶ Præterea Hugo de sancto Victore asserit Christum in hac vita diuersis temporibus omnes dotes corporis glorificati assumpsisse, scilicet subtilitatem in natiuitate ex utero clauso, agilitatem ambulando super aquas, claritatem in transfiguratione, impassibilitatem in cœna tradendo corpus suum discipulis. Et ita secundum eum Christus dedit Apostolis corpus impassibile. Sest hoc stare non valet. Idem namque corpus dedit in sacramento sicut in propria specie fuit. Et ergo tale dedit quale habuit, scilicet passibile. Quod tamen fuit sub speciebus sacramenti impassibili modo. Quia secundum quod ibi erat, non erat tangibile, vel sensu perceptibile, quia non comparatur ad aliquid extra se per propria accidentia.

4 ¶ Ex quo etiam sequitur, quod ea quæ Christo secundum se attribuuntur, poterant dici de Christo si fuisset corpus eius seruatum in pixide tempore passionis, vel in triduo mortis. Non autem illa quæ sibi conueniunt per comparisonem ad agens extrinsecum. Vnde verum fuisset, quod Christus in pixide mortuus fuisset & dolens, &c. Crucifigi autem, irrideri

## D. DIONYSII CARTHUSIANI

& talia sibi non competeabant, nisi per comparisonem ad aliquid extra se. Et ergo prout sub sacramento fuisset, sibi non conuenissent. Et quoniam in triduo mortis separata erant anima, corpus, & sanguis: idcirco sub sacramento separata fuissent, de quo metricè dicitur: Pixide seruatopoterat sentire dolorem lunatum, sed non illatus conuenit illi.

**¶** *Utrum consecrare hoc sacramentum sit proprium sacerdoti 2. An plures possunt eandem hostiam consecrare 3. An dispensatio huius sacramenti sit sacerdotis 4. An consecrans potest à communione abstinere 5. An malus sacerdos conficere queat. Articulus 115.*

**N**emo præterea agens aliquid quod suâ propriâ transcendit virtutem operari potest, nisi in potestate illius qui sibi agendi potentiam præstitit. Consecratio autem huius sacramenti omnem naturalem atque humanam potentiam superat. Nemo igitur ipsum conficere potest, nisi cui à Christo potestas hæc data est, ut pote sacerdotes.

2 **¶** Porro dum ordinatur sacerdos, ponitur in gradu eorū quibus Christus in cœna dedit consecrandi virtutem. Quemadmodum ergo Christo cœnanti concœnauerunt Apostoli: ita secundum quarundam consuetudinem Ecclesiarum, sacerdotes dum ordinantur, concelebrant episcopo ordinatū. Omnium enim intentio ad idem instans refertur, & omnes sunt vnum in Christo, ut Innocentius tertius dicit.

3 **¶** Amplius quoniam sacerdos consecrat in persona Christi: idcirco sicut ipse Christus, personaliter hoc sacramentum confecit & aliis dedit: sic sacerdotis est non solum conficere sed & dispensare hoc sacramentum, & non diaconi neque aliterius, nisi in casu necessitatis, ut si caderet super terram. Secundo, quoniam sacerdos est medius inter deum ac populum. Sicut igitur preces populi offert deo: sic sacramenta dei dispensare habet populo. Tertio, quia hoc sacramentum non contingitur propter suam reuerentiam, nisi à re consecrata. Nam & corporale & calix consecrantur. Similiter manus sacerdotis, & non aliorum. Sed quoniam sanguis Christi tenetur in vase, potest diaconus propter propinquitatem suam ad sacerdotem sanguinem dispensare. Non autem corpus, nisi necessitate ingruente, aut certe episcopo, vel præbytero præcipientē.

re. Vnde de cōsecratione distinctione secūda habetur: Presbyter per semetipsum infirmos visitat.

4 ¶ Insuper quādo cūque sacerdos hoc sacramentum cōficit, debet ipsum accipere, quatenus particeps eius fiat. Hoc enim sacramentum non solum est sacramentum, sed etiam sacrificium. Omnis autem sacrificium offert particeps eius consistere debet. Exterioris nanque sacrificium signum est sacrificij interioris, quo quis seipsum deo interiori offert, secundum Augustinum decimo de ciuitate dei. Veruntamen si in altari corpus Christi sub specie carnis vel sanguis in specie sanguinis appareret, non esset sumenda à sacerdote, vt ait Hieronymus, nec ideo fieret sacerdos mandati transgressor: sed consulendum ei esset, quod denuo corpus domini Iesu consecraret & sumeret.

5 ¶ Præterea, quoniam sacerdos hanc consecrationem non facit vt homo ille, sed vt Christi minister, nec suo merito, sed diuina virtute: idcirco siue sit bonus siue malignus, veraciter consecrat. Quia & malus existens non desinit esse seruus. Habet enim deus seruos bonos & reprobos. Nam & dominorū quidam sunt pij, quidam verò tyranni.

¶ An missa mali sacerdotis minus valeat quàm boni.

2. An hæretici, schismatici, uel excommunicati

possunt cōficere. 3. An etiam degra-

dati. 4. An peccēt à talibus cōmunionem

recipientes. An liceat sacer-

doti oīno a celebratione cessare.

Articulus 116.]

**C**onsiderantur quoque in missa duo, videlicet ipsum sacramentum & orationes quæ dicuntur in ea pro uiuis & mortuis. Quantum ergo ad sacramētū, non minus valet missa sacerdotis mali, quàm boni. Orationes verò considerantur dupliciter. Primo, prout efficaciam sortiuntur ex orantis deuotione ac merito; & sic missa mali sacerdotis minus valet, quàm boni. Vnde prima quæst. pri. habetur: Quanto sacerdotes fuerint digniores, tanto in necessitatibus pro quibus clamant, exaudiuntur. Secūdo pro ut dicūtur in persona totius Ecclesiæ, cuius personā gerit sacerdos etiā malus; sicque oratiōes sacerdotis mali sunt valide

& fructuosæ, non solum quas dicit in missa, sed & in toto Ecclesiastico officio. Orationes verò eius priuatæ inanes sunt, quemadmodum Prouer. 28. dicitur: Qui declinat autem suam ne audiat legem oratio eius erit execrabilis.

2. ¶ Præterea aliud est, aliquid non habere, & non recte habere: vel non dare, & non recte dare. Itaque qui ordinantur extra Ecclesiam, scilicet ab hæreticis & schismaticis, vel excommunicatis, verè ordinantur: quanuis non rectè. Habent quoque potestatem, quanuis non rectè ea vtantur. Illi enim, qui per schisma, vel hæresim aut excommunicationem extra ecclesiam fiunt, potestatem ordinis non amittunt. Et ideo hoc sacramentum verè conficere possunt. Alioquin dum ad Ecclesiam redeunt, reordinandi essent: Quod tamen non fit. Et hæc responsio ex verbis Augustini secundo contra Peremianum elicitur, quanuis quidam oppositum asserant. Authoritates autem, quæ ad oppositum sonare videntur, intelligendæ sunt, quod extra ecclesiam, sacramentum non rectè offertur.

3. ¶ Porro consecrandi potestas characterem ordinis sacerdotalis, concernit. Cum ergo omnis sacramentorum character indelebilis sit, secundum præhabitum, sequitur quod degradatus characterem non amittit, & per consequens nec consecrandi potestatem: quanuis executio ei prohibeatur in perpetuum, sicut excommunicatis ad tempus, nisi reconcilientur.

4. ¶ Præterea quoniam hæretici, schismatici & excommunicati & etiam peccatores sua potestate male & non recte vtuntur si cōsecrent, non licet eorum missas audire, aut ab eis cōmunionem recipere. Qui enim alicui peccanti & male vtenti cōiccat, particeps culpæ illius efficitur. Quoniā tamē omnes peccatores presbyteri sunt suspensi per sententiam ecclesiæ ab executione consecrandi, quāuis quo ad diuinā sententiā sint suspēsi: idcirco libet eorum missas audire, & ab eis sacramētū recipere, quandiu non sunt per ecclesiam suspensi. Specialiter autem prohibuit ecclesia audire missam sacerdotis concubinarij. Quod intelligendum est de notorio, vel per sententiā quæ fertur in conuictū, vel per confessionē in iure factā, quando peccatum nulla tergiversatione potest celari.

5. ¶ Insuper opportunitas celebrandi non solum pensantur per comparisonem ad christi fideles, quibus sacramenta præbentur, sed etiam quantum ad deum præcipue, cui in sacramenti consecratione sacrificiū immolatur. Idcirco non solū



preibiteri animarum curam habentes, sed & omnes sacerdotes si possibilitas afit, celebrare tenetur interdum: & ficut apparet, praesertim in festis praecipuis, illisque diebus quibus fideles communicare sunt soliti. Nam vnusquisque dono gratiae sibi à deo collato vti tenetur, iuxta illud Apostoli. Horratur vos, ne in vacuum gratiam dei recipiatis.

¶ An Christus in celebratione immoletur. 2. De tempore. 3. De loco celebrationis. 4. De aliis ad eius apparatum spectantibus. Articulus 116.

**R**atio autem ob quam celebratio huius mysterij immolatio Christi vocatur, est quoniam ipsa est imago representatiua immolationis Christi in cruce. Imago verò nomen eius cuius est imago sortitur, quemadmodum de imagine aliqua dicimus: Ille est Petrus, ille Dionysius, item ratione effectus. Nam per hoc sacramentum participes efficimur fructus dominicae passionis, altare autem significat crucem Christi.

2 ¶ Porro quoniam per celebrationem consequimur fructum passionis dominicae, ecclesia statuit, vt quotidie celebratio fiat, & non solùm semel in anno die illo quo passus est Christus. Et quia teste Augustino, Passio Christi celebrata est à tertia hora vsque ad nonam: Ideo regulariter in illa parte diei solenniter celebratur in ecclesia hoc sacramentum: sed in die parasceues non consecratur hoc sacramentum: quia enim figura est passionis Christi, illa die non fit quando res figurata exhibita est. Nam veniente veritate cessat figura. In natali autem Christi ter celebratur propter triplicem Christi natiuitatem, videlicet aeternam, temporalem, & spiritualem, qua in mètibz nascitur electorùm. Potest quoque missa celebrari in prima parte diei, videlicet quādo aurora incipit apparere, si necessitas exigat vt dicit de cōsecratione distinctione prima. Nec debet sacerdos bis celebrare in die, nisi propter necessitatē.

3 ¶ Præterea duo sunt in his, quæ hoc sacramentum circumstant, quorum vnum pertinet ad representationem eorum, quæ circa Christi passionē sunt facta. Aliud verò ad reuerentiam pertinet sacramenti, vt cōsecrationes vasorū. Quāuis autem Christus extra domum passus sit, tamen missa in domo fit, quæ designat ecclesiam, extra quam non est verum

sacrificium. Tamē, vt habetur de consecratione distinctione prima. In itinere positus, si ecclesia defuerit, subdio vel sub tētorio si tabula cōsecrata ac cetera sacra mysteria ad id officiū pertinētia ibi affuerint, missarū solennia celebrare cōcedimus. Regulatiter verò celebrare non licet, nisi in locis ab episcopo cōsecratis. Vnde probabile est, quod aliqui dicunt, hominē consequi venialiū peccatorū remissionē per ecclesiæ consecratæ ingressum: sicut per aquæ benedictæ aspersio nē. Et sicut infans baptizatus à quocunq;, non est denuo baptizandus: sic locus ecclesiæ vel alter deo semel consecratus, non est iterū consecrandus, nisi sit vel igne exustus, vel sanguinis effusione, seu feminis pollutionē fœdatus.

4. ¶ Palla verò altaris, cathedra, candelabrum & velum si fuerint vetustate consumpta, incendio dantur, cineresque eorum baptisterio inferantur, aut in pariete seu fossis pavimentorum iacentur, ne pedibus conculcentur.

¶ De his quæ in celebratione dicuntur. 2. De his quæ in ea aguntur. 3. De his quæ circa eam occurrunt. Articulus 117.

**Q**uemadmodum de consecratione distinctione prima habetur. Iacobus frater domini secundum carnem, & Basilius Cæsariensis episcopus ædiderunt missæ celebrationem. Quia enim in hoc sacramento totum nostræ salutis mysterium comprehenditur, ideo solennius celebratur. Primo itaque ante celebrationem huius mysterij præmittitur quædam præparatio, vt digne agatur. Cuius prima pars est laus diuina, quæ fit in introitu, qui vt frequenter sumitur ex psalmis, vel simul cum Psalmo cātatur. Quoniam Psalmi continent per modum laudis, quicquid in sacra scriptura comprehenditur, secundum Dionysium tertio Ecclesiasticæ Hierarchiæ capitulo. Secunda pars continet commemorationem præsentis miseriæ, dum dicitur Kyrie eleeson. Tertia pars agit memoriam cœlestis lætitiæ, dum dicitur, Gloria in excelsis. Quarta pars continet orationem, quam facit sacerdos pro populo. Secundo verò præmittitur instructio populi, quæ dispositiue fit per doctrinam prophetarum & apostolorum, quam sequitur Graduale, spiritualem exultationem designans: vel Tractus,

spiritualem gemitum significans. Et hoc in officijs luctuosis. Hæc enim consequi debent fideles ex doctrina prophetarum & apostolorum. Deinde euangelium legitur, in quo populus perfecte instruitur. Post quod dicitur Credo, ad insinuandum, quod Euangelio perfecte credatur à populo. Deinde populo sic præparato acceditur ad celebrationem mysterij. Quod offertur, in quantum est sacrificium: & consecratur ac sumitur, in quantum est sacramentum. Primo ergo peragitur oblatio, secundo consecratur, tertio sumitur. Circa oblationem duo aguntur, videlicet laus populi, ad designandum eius lætitiā, & oratio sacerdotis. Circa cōsecrationē quoq; primo excitatur populus ad deuotionem, in præfatione. Qua finita populus cum deuotione laudat Christi diuinitatem cum angelis dicens: Sanctus. Sanctus. Sanctus, &c. Eius quoque humanitatem cum pueris, addens: Benedictus qui venit. Deinde sacerdos secrete commemorat eos pro quibus offertur. Inuocat quoque sanctorum patrocinia, quos memorat. Tertio petitionem concludit, dum dicit: Hæc oblatio, pro quibus offertur. Deinde accedit ad consecrationem. Primo petens à deo eius effectum. Secundo facit eandem per verba Christi. Tertio præsumptionem excusat per obedientiam ad Christi mandatum, dum dicit: Vnde & memores. Deinde petit hoc sacrificium esse deo acceptum, postea eius effectum. Primo quantum ad viuos, secundo pro mortuis, tertio quò ad ipsos sacerdotes, dicens: Nobis quoque peccatoribus. Deinde agit de perceptione sacramenti. Primo præparando populum ad perceptionem per orationē cōmunē atq; dominicā. Secundo per orationem priuatam, qua dicitur: Libera nos domine, quæ specialiter pro populo dicitur. Secundo præparatur populus per pacē, cum dicitur: Agnus dei. Deinde sequitur perceptio & vltimo totum officium consummatur in gratiarū actione, populo exultante pro sumptione mysterij. Quod significatur per cōmune: & sacerdote gratias referente in oratione, quæ admodum Christus post cœnā, hymnō dicto cū discipulis exijt. Cum autē orat sacerdos iube hæc perferri per manus sancti angeli, &c. Hoc orat pro corpore mystico, quod in hoc sacramento significatur, videlicet vt orationes sacerdotis ac populi angelus diuinis mysterijs assistens deo præsentet. Sublime verò dei altare vocatur triúphans ecclesia, vel ipse deus cuius participationē exposcimus. Per angelum quoq; intelligi

## D. DIONYSII CARTHUSIANI

potest Christus qui magni consilij angelus nominatur.

2 ¶ Denique in officio missæ tam verbis, quàm factis aliqua designantur, quorum quædam significant ea quæ pertinet ad passionem Christi, vel dispositione corporis eius mystici, utpote populi Christiani, qui cum deuotione communicare tenetur. Quædam verò ad reuerentiam sacramenti respiciunt, ut quod manus lauantur, quarum etiam lotio secundum Dionysium designat minimorum peccatorum emundatione. Manus enim extremitates sunt corporis. Similiter thurificatio signat effectum gratiæ dei, qua christus bono odore plenus fuit, atque ab ipso deriuatur ad nos. Signationes verò cum cruce representant ea quæ in passione Christi fuerunt. Fractio autem hostiæ figurat diuisionem corporis Christi ab anima in passionem, vel diuersum mystici corporis statum, vel distributionem gratiarum dei. Sacerdos demum quia aliam missam eodem die factururus est, os suum post communionem vino nõ debet ablueri.

3 ¶ Insuper defectibus qui in missa contingere possunt, occurrere potest & præueniendo, videlicet præcauendo ne accidant, & subsequendo utpote adhibendo remedium, vel saltem poenitentiam. Vnde si sacerdos ante consecrationem per grauem infirmitatem vel alienationem aut simili modo impediatur missam perficere nõ oportet ut alius suppleat. Si verò post consecrationem corporis, vel corporis simul ac sanguinis id contingat, debet per alium missæ celebritas consummari. Omnes enim sacerdotes sunt vnum in Christo, præsertim in huiusmodi casu. Item si sacerdos post consecrationem recordaretur, se manducasse vel bibisse, aut excommunicatum, aut in mortali peccato existẽtem, deberet missam perficere cum proposito emendandi. Sed si ante consecrationem istud sibi accideret, tutius videretur cessare: maxime si comedisset vel excommunicatus esset, nisi graue scandalum timeretur. Rursus si musca aut aranea ante consecrationem in calicem cadat, vel venenum esse vino immisum deprehendatur, debet sacerdos vinum effundere, aliudque vinum calice loto resumere. Si verò aliquid horum facta consecratione contigerit debet animal caute capi, diligenter lauari, atque comburi, & ablutio simul cū omnibus in sacrarium mitti. Si autem viderit venenũ esse immisum, nec sumere debet, nec alij dare, ne calix vitæ vertatur in mortem. Sed debet in vasculo apto cum

reliquijs conseruari, & ne sacramētum maneat imperfectum, debet vinum aliud in calice ponere, atq; à consecratione sanguinis rursus resumere. Iterum si sacerdos ante consecrationem sanguinis, etiam post consecrationem corporis, videat non esse aquam, vel vinum non esse in calice, debet statim apponere & consecrare. Si autem facta consecratione sanguinis percipiat aquam deesse, debet procedere, quoniā aquæ appositio non est de necessitate sacramenti. Ille tamen cuius negligentia hoc contigit, puniendus est. Aqua quoque nullo modo miscenda est vino consecrato, sequeretur enim corruptio sacramenti pro aliqua parte. Si verò post verba consecrationis percipiat vinum non esse in calice, si ante sumptionem corporis videat hoc, debet vinum apponere, & aquam si ibi esse effundere. Aliquid tamen aquæ more solito vino miscere, atq; à verbis consecrationis sanguinis repetere. Quod si post sumptionem corporis istud depræhendat, debet apponere aliam hostiam simul cum vino consecrandam: quia in verbis sequentibus quædā occurrunt dicenda ac facienda, quæ non solum sanguinem sed corpus quoq; concernunt. Et debet in fine hostiā consecratam & sanguinem sumere; quanuis aquā primo in calice positam biberit, quoniam præceptum de perfectione sacramenti præponderat præcepto, ut à ieiunis sumatur. Rursus si sacerdos non recolat se dixisse quædam quæ dicere debuit, non debet turbari. Non enim qui multa dicit, recolat se ea dixisse nisi apprehendat ea in dicendo sub ratione dicti. Et ergo si homo attente cogitet illud quod dicit, nō tamen se cogitet dicere illud, non multum postea recolat se dixisse: sic nanque efficitur aliquid obiectū memoriæ, prout accipitur sub ratione præteriti, ut dicitur libro de Memoria. Verum si probabiliter constet sacerdoti, se aliqua verba omisisse, quæ non sunt de necessitate sacramenti, non videtur quod debeat ea resumere immutando ordinem sacrificij: sed debet procedere. Si autem aliquid quod est de forma sacramenti, omisisse se noscit, debet facere sicut nunc dictum est de defectu materiæ, repetendo à verbis consecrationis, ne mutetur sacrificij ordo. Proinde si per negligentiam aliquid de sanguine stillet in tabula quæ terræ adhæret, lingua lambetur, & tabula radetur. Si autem non fuerit tabula, terra radetur & comburetur, cinisque intra altare condetur, & sacerdos quadraginta dies pœniteat. Si autē super altate stillauerit calix, sorbeat

## D. DIONYSII CARTHUSIANI

stillam minister, & tribus diebus pœniteat. Et si super, linteum altaris ceciderit, & si usque ad secundum peruenerit stilla, quatuor diebus pœniteat. Si usque ad tertium, nouem diebus. Si usque ad quartum, viginti. Linteamina quoque ter lauet minister supposito calice, & aqua ablutionis sumatur, & iuxta altare recondetur. Vel si sine abominatione fieri potest, à ministro potetur, quidam etiam partem linteaminum quam stilla tetigit incidunt atque comburunt, & cinerem in altario aut sacratio ponunt. Si autem aliqua pars hostiæ decadat & inueniri non possit, triginta dies pœniteat. Prædictis verò diebus ieiunare, & à communione cessare pœnitentem oportet, quauis pœnitentia augeri possit & minui pensatis pensandis.

- ¶ *Utrum pœnitentia sit sacramentum. 2. De materia eius. 3. De forma ipsius. 4. An requiratur ad eam impositio manus. 5. An sit de necessitate salutis. Articulus 118.*

**S**acramenta igitur appellantur, in quibus sub tegumento corporalium rerum diuina virtus salutem secretius operatur. Hoc autem pœnitentiæ conuenit. Nam per rem gestam in pœnitentia, aliquid sacrum signatur atque efficitur. Peccator enim per ea quæ agit circa sacerdotem, designat se à peccato recessisse. Sacerdos quoque per ea quæ circa pœnitentem exercet, significat opus dei peccatum donantis. Est ergo pœnitentia sacramentum.

¶ Nomine autem corporalium rerum accipitur omne sensibile: ita ut actus hominis sensibilis corporale materialeque dicatur in hoc sacramento. In sacramentis demum, in quibus confertur excellens gratia omnem naturalem facultatem transcendens, adhibetur aliqua corporalis materia: ut in baptismo, ubi remittitur pœna & culpa. In chrismate quoque, ubi confertur spiritus sancti plenitudo. Et in unctione extrema, in qua donatur sanctitas spiritualis perfecta. Vnde si in his sacramentis sint aliqui actus humani, non sunt de essentia materiæ sacramentorum, sed dispositione se habent ad eam. Sacramenta verò habentia effectum correspondentem humanis actibus, ipsos actus humanos loco materiæ habent, ut pœnitentia & matrimonium. In sacramento autem pœnitentiæ ipse actus exercitus per pœnitentem & absoluentem est sacramentum tantum, sed res tantum est gratia: res verò &



sacramentum, est interior dolor, vel remissio peccatorum.

2 ¶ Denique proxima huius sacramenti materia est actus poenitentis, ut dictum est. Sed quia hic actus est de peccato de quo dolet & constitetur: idcirco peccata dicuntur materia poenitentiae remota, non proxima. Principaliter verò & proprie poenitentia est de peccato actuali mortali: quod nostra voluntate peractum est, & contra quod hoc sacramentum principaliter ordinatur. Proprie quoque, sed non principaliter, poenitentia est de peccato veniali. Illud enim nostra voluntate committitur, sed poenitentia contra ipsum principaliter non ordinatur. Peccatum autè originale nec nostra voluntate commissum est, nec contra ipsum ordinatur poenitentia, sed baptismus. Propterea nec principaliter nec proprie est de eo poenitentia, nisi omnino communiter accipiat pro quacunque detestatione rei praeteritae.

3 ¶ Præterea in poenitentia actus poenitentis est loco materiae, actus autem sacerdotis loco formae; ipse enim perficit poenitentiam, quia perfectio est à forma. Sacramenta quoque nouae legis efficiunt quod figurant. Et ergo forma poenitentiae continere debet significando quod in sacramento agitur, videlicet remissionem peccati. Et ideo hæc est conuenientissima forma poenitentiae: Ego te absoluo. Quemadmodum in baptismo: Ego te baptizo, &c. Et sumitur hæc forma ex verbis quibus Christus Petro dixit: Quodcunque solueris super terram, &c. Vnde aliae absolutiones in publico factae, ut: Misereatur tibi omnipotens deus; vel indulgentiam tribuat, non sunt sacramentales absolutiones; sed orationes, ne impediatur effectus huius sacramenti ex parte poenitentis. Sed quoniam iste effectus à deo principaliter manat, conuenienter additur in forma: In nomine patris & filij & spiritus sancti: vel per virtutem passionis Christi, seu autoritate dei. Verum quia hoc ex verbis Christi determinatum non est sicut in baptismo, talis appositio relinquitur arbitrio sacerdotis. Quidam autè hanc formam: Ego te absoluo, ita exponunt, id est absolutum ostendo. Sed hæc expositio perfecta non est, sacramenta enim nouae legis agunt quod signant. Et ergo sacerdos instrumentaliter absolutioni cooperari credendus est. Propter quod melius exponitur hoc modo: Ego te absoluo, id est sacramentum absolutionis tibi impendo.

4 ¶ At verò impositio manus designat copiosum effectum



## D. DIONYSII CARTHYSIANI

gratiæ, qua illi quibus imponitur manus, continuantur ministris, in quibus copia gratiæ esse debet. Cum ergo in pœnitentia detur remissio culpæ, nec ipsa ad excellentem gratiâ, sed ad indulgentiam ordinetur, non requiritur ad eam impositio manus. Amplius sacramentum pœnitentiæ non est necessarium ad salutem absolute & omnibus, sed ex suppositione, eis videlicet solum, qui peccatis subiecerunt seipso quorum est pœnitentia spiritalis medicina.

**¶** De ordine pœnitentiæ ad alia sacramenta. 2. De institutione eius. 3. De duratione & continuatione ipsius. 4. An possit iterari. Articulus 119.

**P**Ræterea quod est per se, naturaliter prius est illo quod est per accidens. Baptismus autem cum sit spiritalis regeneratio, & Confirmatio quæ est spirituale augmentum, Eucharistia quoque quæ est spirituale alimentum per se ordinantur ad hominis salutem: pœnitentiæ autem quasi per accidens, scilicet præsupposito morbo. i. peccato. Ideo pœnitentia tenet secundum locum respectu status integritatis, quæ per prædicta sacramenta conseruatur. Vnde secundum Hieronymum dicitur metaphorice secunda tabula post naufragium. Transeuntibus enim mare primum remedium est, ut saluentur in integra naui: qua fracta secundum remedium est, ut per adminiculū tabulæ euadant. Pariformiter in hoc mari magno primum remedium est, ut homo integritatem conseruet. Secundum ut perditam per pœnitentiā reparet.

**¶** Porro sacramenta ex materia & forma cōstant. Dictum est autem, quod in sacramento pœnitentiæ actus peccatoris est loco materiæ, actus verò sacerdotis absoluentis pro forma. Quemadmodū ergo in alijs sacramentis materia præexistit à natura vel arte, ut aqua in baptismo, & panis in eucharistia: forma autem est ex institutione diuina, per quam materia applicatur ad aliquid certum per formam sacramentalem à Christo collatam: sic in hoc sacramento id quod est materiale, videlicet pœnitere de peccato, est de iure naturali: sed forma & modus, virtus atq; effectus huius materiæ est ex institutione Christi. Et sic pœnitentia formaliter est à Christo instituenta hunc modum, qui seruatur in ecclesiâ:

**¶** Amplius pœnitentiā duplex est, scilicet interior, qua quis

in se de peccato dolet. Et illa semper vsque in finem durare debet. Semper enim debet homini displicere, quod peccauit. Alia autem pœnitentia exterior dicitur, in verbis & signis cōsistens. Et hanc non oportet semper durare, sed ad certum tēpus secundum mensuram delicti, prout à sacerdote imponitur. Insuper pœnitentia continua esse debet, non secundum actum sed habitū, ut scilicet nil agat homo, veræ pœnitentiæ cōtrariū, semp̄rque propositum gerat detestandi peccatum.

4 ¶ Fuerunt etiam qui dixerunt non posse iterari pœnitentiam, vel non nisi semel. Quod falsum est, nam charitas quæ est pœnitendi principiū amitti potest, & recuperari: nec peccatum tam enorme est, quin diuinæ misericordiæ plenitudo in infinitum excedat.

¶ Veruntamen quoniam aliqui iudaizantes putabant baptismum posse iterari in noua lege: sicut in veteri lege, varia lauacra erant, in quibus lauabant se atque purgabant Iudæi frequenter. Idcirco ad hoc excludendum dixit Apostolus ad Hebræos sexto: Impossibile est eos qui semel illuminati sunt & gustauerunt donum cœlestē & prolapsi sunt, renouari ad pœnitentiam, scilicet reiterando baptismum.

¶ *Vtrum pœnitentia sit uirtus, 2. An sit uirtus specialis, 3. Sub qua uirtute contineatur. 4. De eius subiecto. 5. De causa ipsius. 6. De ordine eius ad alias uirtutes. Articulus 120.*

**E**ST autem pœnitere, de aliquo à se facto dolere. Dolor verò est duplex, scilicet appetitus sensitui qui est passio, nec est actus virtutis, sed per uirtutem moderatur. Alius est dolor voluntatis, qui cum electione rationis rectæ assumitur. Et iste quoniam est actus bonus habentem perficiens, necesse est quod sit actus virtutis. Hoc igitur modo pœnitentia est uirtus, secundum quod pœnitens per eā assumit moderatum dolorem de malo cum proposito abstinendi. Pœnitentia itaq; de qua nunc sermo agitur, est uirtus vel actus virtutis. Nam actus humani sunt materia eius, quod in baptismo & confirmatione non inuenitur. Item de pœnitentia & actu eius dantur præcepta. Ergo est uirtus. Præcepta enim legis dantur de actu uirtutum.

2 ¶ Deniq; uirtutes distinguuntur per actus. Pœnitentia autē actum specialem habet, uidelicet operari ad destructionem

## D. DIONYSII CARTHUSIANI

peccati præteriti, inquantū est offensa dei: quod ad aliam virtutem non pertinet. Est ergo pœnitētia virtus specialis. Nam peccata sunt eius obiectū sub speciali ratione, utpote ut emendabilia per actus hominis deo iustificanti cooperantis. Qui enim creauit te sine te, non iustificabit te sine te.

3. ¶ Adhuc autem pœnitentia prout est virtus, & pars iustitiæ & species eius, ad pœnitentiam enim pertinet non solum cessatio à peccato, sed & recompensatio quædam pro offensa, quod ad commutationem spectat, quæ potissime inuenitur in virtute iustitiæ. Tamen inter deum & creaturam non potest esse iustitia simpliciter dicta, videlicet quæ est inter æquales: sed iustitia secundum quid, id est secundum acceptationē superioris. Creatura quippe deo debet omne quod habet & est. Nec tamen hoc sufficit, nisi secundū quod deus illud acceptat.

4. ¶ Aduertendū etiā, quod pœnitētia prout est virtus, est in voluntate, cū sit species iustitiæ, cuius subiectū volūtas est. Si autē sumatur pœnitētia pro dolore appetitus sensitiui, qui est species tristitiæ, sic subiectum eius esset vis cōcupiscibilis.

5. ¶ Insuper pœnitentia quæ est virtus, à deo est ac habitus, qui à deo immediate infunditur cooperantibus nobis, non principaliter, sed dispositiue per alios actus.

¶ Actuum verò pœnitentiæ, per quos deo operanti in pœnitentia cooperamur, primum principium est operatio dei nos conuertentis ad se, iuxta illud Threnorum 4. Conuerte nos domine ad te, & conuertemur. Secundū principium est actus fidei. Tertiū motus timoris seruilis, quo homo timore pœnarum à malis retrahitur. Quartū principium est motus spei, per quem sub spe misericordiæ proponit quis mores corrigere. Quintum est actus charitatis, dum peccatori displicet malum secundū se, non propter supplicia. Sextū est motus timoris filialis, quo propter reuerentiam dei pœnitens ad emendā deo sponte se offert. Patet ergo, quod pœnitentia à timore seruili procedit, sicut à primo motu affectus ad hoc ordinante. A timore verò filiali, sicut à proximo atq; immediato principio.

6. ¶ Denique quia virtutes connexæ sunt, quantum ad habitum omnes simul incipiunt: Nec vna tempore prior est alia quo ad habitū, sed quo ad actū dicitur vna naturaliter prior alia. Et hoc modo pœnitentia non est simpliciter prior alijs virtutibus. Virtutes enim theologicæ eam præcedunt, tamen

quantum ad aliquid potest dici prior alijs, scilicet in iustificatione impij. Simpliciter verò aliæ virtutes naturaliter præcedunt eam, eo quod per se necessariae sint homini. Pœnitentia autem quodam supposito, puta peccato.

¶ *Vtrum peccata mortalia per pœnitentiã auferãtur. 2. An aliter tolli possint. 3. An unũ sine alio possit remitti. Articulus 121.*

**O**Mnia demum peccata pœnitentiã tolli possunt in hac vita: tum propter flexibilitatem voluntatis humanæ: tum propter meritũ passionis Christi cuius virtute pœnitentia operatur: tum propter immensitatem diuinæ clementiæ. Damnati autẽ cum spe veniæ pœnitere nõ valent, eo quod culpã non displiceat eis in quantum est culpa, sed solum propter pœnã annexã. Et talis erat pœnitentia Antiochi & Esau: quorum neuter ex vera charitate pœnituit, loquendo de illo verbo quod ait Apost. quod Esau locũ pœnitentiæ non inuenit: quanquã cum lachrymis inquisisset eã.

2. ¶ Præterea peccata mortalia actualia deleri nõ possunt, nisi per pœnitentiã, quæ est virtus, propter offensam dei quæ directe contrariatur gratiæ eius. Nõ autem peccatum dimitti perhibetur, nisi per hoc, quod homo gratiam dei acquirit, per quam deo gratus est atque acceptus. Potest tamen deus peccatum dimittere sine sacramento pœnitentiæ, prout perficitur per sacerdotis soluentis ac ligantis officium.

3. ¶ Ex eodem quoque elucescit quod vnum peccatum mortale sine alio dimitti non valeat. Non enim peccatũ dimittitur, nisi gratia restituatur. Peccatũ autẽ mortale cũ gratia stare nõ potest. Itẽ peccatũ mortale nõ potest dimitti sine pœnitentiã, quæ est virtus, per quã de peccato quis dolet, inquãtũ est contra deũ super omnia dilectum. Cũ ergo omne peccatum mortale diuinæ dilectioni directe cõtrarietur, nõ potest quis dolere de vno non pœnitendo de alio. Rursus perfectioni diuinæ benignitatis repugnat & derogat vt ab ea nõ plena sed partialis aut media venia expectetur siue speretur.

¶ *An pœnitentia auferat culpam remanente reatu. 2. An maneant reliquiae peccatorum. 3. An peccata auferre competat pœnitentiæ, prout est uirtus, uel secundum quod est sacramentum. Articulus 122.*

**I**N peccato præterea sunt duo, videlicet a uersio à bono diuino. Et ex hac parte debetur peccato pœna æterna quoniam bonum diuinum infinitum est. Secundo est in peccato conuersio ad bonum commutabile, tale autem bonum finitum est: & ideo ex hac parte debetur peccato aliqua temporalis pœna. Inæqualitas enim culpæ per pœnam ad ordinem æquitatis reducitur. Nam iustum est, vt qui propriæ voluntati plus iusto indulget, aliquid contra voluntatem suam pati cogatur. Quoniam ergo per gratiam quæ in pœnitentia datur, auferitur auersio mētis à bono diuino: idcirco per pœnitentiam tollitur reatus pœnæ æternæ. Potest tamen manere reatus seu obligatio temporalis pœnæ.

**2** ¶ Præterea peccatum mortale ratione conuersionis ad bonum caducum causat dispositionem seu habitum malum in anima, si actus frequenter iteretur. Quauis autem per gratiā auferatur peccatū mortale, quantū ad suum formale quod est auersio à Deo: non tamen oportet, vt statim tollatur inordinata conuersio ad bonum creatum atq; caducum, quæ est materiale in peccato mortali, quauis per gratiam diminuatur ac debilitetur: quemadmodum fomes in baptismo, ne homini dominantur. Et ideo reliquiæ peccati post culpæ mortalis remissionem manere dicuntur: quæ per opera satisfactoria & virtuosa tolluntur. Interdum nihilominus Deus tanta contritione conuertit cor in se, vt subito etiam vno actu & peccata & reliquiæ eorum auferantur: sicut in Maria Magdalena. Quandoq; verò successiue hoc facit: quemadmodum etiam quosdam corporaliter repēte sanauit, vt socrum Petri. Quosdam paulatim, vt cæcum illum, qui primo vidit homines quasi arbores ambulantes, de quo scribitur Mar. 8.

**3** ¶ At verò pœnitētia virtus est, prout est principium actus humani. Actus verò hominis in sacramento pœnitētiæ est loco materiæ, & actus sacerdotis loco formæ: qui virtute clauium absoluendo perficit sacramētū. Effectus autē sacramētorū cōsequitur sacramenta, non solum virtute formæ, sed etiam virtute materiæ, quauis forma principalius operetur. Patet igitur, quod remissio culpæ sit effectus pœnitentiæ principaliter, prout est sacramentum virtute clauium operans. Secundario autem, prout est virtus, in quantum actus humani & pœnitentis ad veritatem pœnitentiæ sacramentalis requiritur atq; ad clauis aliquammodo ordinantur.

¶ *Vtrum peccatum ueniale potest dimitti sine pœnitentia.*

2. *An etiam sine gratiæ infusione.* 3. *An uenialia dimittantur per asperſionē aquæ benediſſæ.* 4. *An per tuſionem pectoris, &c.* 5. *An ueniale po-  
teſt dimitti ſine mortali.* Art. 123.

**R**emiſſio verò peccati fit per coniunctionem mentis cum Deo. Quoniam ergo veniale peccatum mētem à Deo aliquo modo retardat atq; elongat, dimitti nō potest niſi per pœnitentiā, qua homo deteſtetur peccatum. Quandiu enim voluntas peccato adhæret, ipſum dimitti non valet. Sed ad pœnitentiam peccati mortalis requiritur, vt homo quantū in ſe eſt, ſingula peccata mortalia recordando deteſtetur, adhibendo diligentiam debitam ad memorandum. Hoc autem ad remiſſionem venialium non eſt neceſſe. Nec tamen ſufficit diſplicitia habitualis, quia ſic charitas & gratia non compaterentur ſecum veniale peccatum: ſed exigitur diſplicitia virtualis, videlicet, vt cum quis fertur hoc modo in deum reſq; diuinas vt deteſtetur, quicquid ei occurrit ab hoc motu retardans. Quod ad remiſſionem mortalium peccatorum non ſufficit, niſi quantum ad oblita poſt inquisitionem ſolicitam. Feruor autem charitatis includit virtualement diſplicitiam omnium venialium peccatorum, & ideo dimittuntur per eum.

2 ¶ Porro vnum contrarium extirpatur per reliquum. Peccatum autem veniale non contrariatur charitati, ſed charitatis feruori: idcirco ad remiſſionē venialium non oportet infundi nouum habitum charitatis vel gratiæ: ſed eſſe aliquem actum charitatis ſeu gratiæ. Veruntamen quoniam in habentibus uſum liberi arbitrij, non contingit infuſio gratiæ ſine actuali motu liberi arbitrij in Deum & in peccatum, id eſt, contra peccatum. Idcirco quandocunque infunditur gratia, venialia dimittuntur.

3 ¶ Deniq; venialia tripliciter dimittuntur per aliqua. Primo ſecundum quod in eis infunditur gratia, ſicq; per eucharistiā & vnctionem extremam, imo per omnia ſacramenta nouæ legis venialia indulgentur, quia in eis ſacramentis gratia datur. Secundo in quantum ſunt in aliquo motu deteſtationis peccati, & ſic per confeſſionem generalem, pectoris tuſionem, & orationem dominicam venialia ignoſcuntur.

## D. DIONYSII CARTHUSIANI

Tertio, prout sunt cum quodam motu reuerentiæ in Deum atque diuinâ: & ita benedictio episcopalis, aspersio aquæ benedictæ, quædam sacramentalis vnctio in ecclesia dedicata, & si qua sunt similia, ad venialium operantur remissionē, non tamen efficiunt reatus pœnæ destructionē, nisi secundū maiorem vel minorem charitatis feruorem in eo cui impēduntur.

4. ¶ Amplius quoniam dictum est nullum peccatum dimitti, nisi per virtutem gratiæ vel aliquem eius actum. Idcirco qui in mortali peccato est, consequi nequit remissionem aliquius venialis peccati, eo quod omni gratia careat. Pertinet autem ad gratiam Dei, quod Deus peccatū non imputat homini, sed hominem sibi acceptum facit & habet. Vnum tamē peccatū veniale sine alio potest dimitti, quoniam veniale nō excludit omnem actum gratiæ, sicut mortale. Et ergo per aliū gratiæ actum venialia omnia dimitti nil prohibet.

¶ *Vtrum peccata dimissa per sequens peccatum redeant.*

2. *An redeant per ingratitudinem secundum quædam genera culpæ.*
  3. *An redeant in æquali reatu.*
  4. *An ingratitudo prædicta sit speciale peccatum.*
- Articulus 124.

**O**Mnibus autem peccatis mortalibus commune est ipsa auersio mentis à Deo, & per consequens macula quæ est ex priuatione gratiæ, reatus quoq; pœnæ æternæ, quæ peccato mortali debetur, propter auersionem à bono diuino immenso. Sunt autem macula & reatus omni peccato mortali communes. Et secundum hoc accipiendum est quod Iacobi. 2. habetur: *Qui offendit in vno, factus est omnium reus.* Quantum verò ad conuersionē inordinatam ad bonum creatū, peccata mortalia distinguuntur, & quandoq; contrariantur, vt prodigalitas & avaritia. Vnde palam est, quod vnum nō facit aliud hoc modo redire. Est itaq; quæstio, an macula & reatus pœnæ æternæ secundum quod causabantur ex actibus peccatorū, prius dimissorum redeant per sequens peccatū. Quidam ergo dixerūt, quod sic. Sed hoc stare non potest, cum enim remissio culpæ sit, opus diuinæ elementiæ, per peccatum hominis irritari non potest, iuxta illud ad Romanos. 3. Nunquid incredulitas illorum fidē Dei euacuauit? Vnde alij ponentes peccata redire dixerunt, quod



Deus indulget peccatori iterum peccaturo secundum præsentem iustitiam, non autem secundum suam præscientiam. Hoc verò dici non potest, sic enim non fieret remissio peccatorum absolute, sed conditionaliter solum, quod gratiæ Christi & sacramentis ecclesiæ, per quæ peccata dimittuntur, repugnat ac derogat. Essent enim insufficientes & non absolute causæ dimittendi peccata. Dicendū ergo peccata dimissa per sequentia non redire simpliciter, sed secundum quid: inquantū peccatū sequens virtualiter cōtinet in se offensam peccati prioris, & propter illud gravius redditur, propter ingratitudinem veniæ exhibitæ & reciduum. Et sic intelligēdæ sunt auctoritates, quæ dicere videntur, quod peccata redeant.

2 ¶ Denique per quatuor peccata reiterata, specialiter peccata dimissa redeunt modo prædicto videlicet per odium fraternum, apostasiam à fide, contemptum confessionis, & dolorem de pœnitentia peracta. Peccata enim redeunt propter ingratitudinem. Vel ergo ingratitudo est contra beneficium datum. Et sic per quodlibet peccatum mortale sequens, dimissa peccata redeunt, nam quolibet peccato mortali fit homo Deo ingratus qui peccatum indulgit. Alio modo ingratitudo est non tantum contra beneficium, sed etiam beneficii formam, quæ ex parte beneficientis est ipsa remissio culpæ, cōtra quam est fraternum odium, dum homo homini veniā postulanti non ignoscit. In pœnitentia autem est duplex motus liberi arbitrij. Vnus in Deū, qui est motus fidei per charitatē formatæ. Et contra hoc agit homo apostatando à fide. Alius est motus in peccatū, qui est actus pœnitentiæ. Et cōtra hunc est dolor de pœnitentia facta. Pertinet quōque ad pœnitentem ut proponat se clauibus ecclesiæ subdere per confessionem. Contra quod est contemptus confessionis. Itaque horum peccatorum ingratitudo specialiter facit redire peccata, non quod ipsa sint simpliciter peccata grauissima, sed quia directius opponuntur beneficio remissionis culpæ. Secundum prædictum quoque modum peccata venialia & originale redire possunt.

3 ¶ Porro quia peccata dimissa non redeunt secundū quod ex prioribus actibus causabantur, sed modo nunc dicto. Idcirco falsa est eorum opinio, qui dicunt quod ex peccato sequenti propter ingratitudinem consurgit tantus reatus, quātus fuit omnium dimissorum peccatorum reatus supra reatum

huius proprii peccati: quanuis peccatum sequens proportio-  
nabiliter tanto fiat grauius, quanto maius beneficium remis-  
sionis antè fuit indultum. Potest quoque vnum peccatum se-  
quens tam graue esse, vt omnia peccata dimissa fuerunt. Hoc  
tamen non est peccata dimissa redire, nisi prout virtualiter  
continentur in sequenti.

4 ¶ Adhuc autem ingratitude quandoque ponitur specia-  
le peccatum, videlicet dum aliquid fit in contemptum dei  
aut beneficij præstati. Peccata enim speciem sumunt ex in-  
tentione peccantis. Interdum verò ingratitude est generalis  
circumstantia sequens omne peccatum mortale, inquantum  
homo non retrahitur à peccato ob hoc, quod ad dei irreue-  
rentiam pertinet. Quanuis enim non omne peccatum fit ex  
contemptu, deus tamen in omni peccato contemnitur, sal-  
tem in suis præceptis.

¶ An per pœnitentiam restituantur uirtutes. 2. An red-  
dantur in æquali quantitate. 3. An restituatur peccā.  
ti æqualis dignitas.      Articulus      125.

**H**omo itaque per pœnitentiam remissionem peccato-  
rum consequitur. Dictum est autem non fieri remis-  
sionem peccati sine gratiæ infusione. Cum ergo gra-  
tia sit omnium virtutum gratuitarum principium  
sequitur, quod per pœnitentiam restituantur homini omnes  
virtutes. Pœnitentia verò inquantum est sacramentum gra-  
tiam causat: sed prout est virtus causatur à gratia, sicut & cæ-  
teræ virtutes, quibus etiā connexa est, quantum ad habitum.  
Virtutes verò infusæ cum gratia per pœnitentiam, quia non  
tollunt contrariam dispositionem videlicet reliquias pecca-  
torum priorum, cum difficultate operantur, donec per actus  
virtuosos contraria dispositio auferatur. Sed virtutes acqui-  
sitæ talem difficultatem non habent annexam, non enim ac-  
quiruntur nisi contraria dispositione sublata.

2 ¶ Amplius in iustificatiōe impij motus liberi arbitrij, puta  
cōtritio, se habet vt vltima dispositio ad gratiā recipiendam:  
vnde simul in eodem instanti infunditur gratia cum motu  
prædicto. Quanto autem dispositio subiecti fuerit maior vel  
minor, tanto forma plenius aut debilius participatur. Quo er-  
go contritio pœnitentis est maior vel minor, eo præstatur ei

gratia plenior sine debilior. Et ergo per poenitentiam interdum acquirit homo gratiam maiorem quam antè habebat, quandoque verò minorem, & sæpe æqualem.

3 ¶ Præterea per peccatum duplicem dignitatem homo amittit. Vnam quantum ad deum, aliam verò quo ad ecclesiam. Quantum autem ad deum, amittit duplicem dignitatem: vnā principalē, qua per gratiam inter filios dei adoptiuos computatur. Et hæc recuperari potest, sicut & gratia. Aliam secundariam, scilicet innocentiam quæ recuperari non valet, quam uis aliquid maius possit acquiri tam in gratia quam in gloria: quia maior gratia potest acquiri per poenitentiam quam ante amissa sit. Dignitatem quoque ecclesiasticam homo perdit per hoc quod ad diuinorum officium actus exercendos inhabilis sit. Et hæc dignitas reparari non potest quandoque, quoniam homo non poenitet, vel quia negligenter poenitentiam agit non vacando lectionibus atque ieiunijs, vel quia commisit peccatum irregularitatem habens annexam, vel propter vitandum scandalum aliorum, vt si depræhensus sit publice in furto, periurio, fornicatione, cæterisq; criminibus. Contingit autem interdum vt homo post magna peccata poenitentiamque peractam, maiorem fiduciam ad Christum concipiat. Sicut de sancto Petro testatur Chrysostomus, quod antequam Christum negauit, non audebat in cæna interrogare, sed interrogationem Ioanni commisit. Post resurrectionem verò Christi & suam negationem ac poenitentiam, non solum audet interrogare pro se, sed & de alio quoque, scilicet de Ioanne magistrum interrogat.

¶ *An opera uirtuosa per peccatum sequens mortificentur. 2. An opera per peccatum mortificata per poenitentiam reuiuiscant. 3. An opera mortua, id est, sine charitate facta, per poenitentiam uiua fiant.* Articulus 126.

**Q**uemadmodū viuum mori dicitur, quando amittit operationem vitalē: sic similitudinarie dicitur res mori, quādo proprio effectu vel actu priuatur. Nā & fides sine operibus mortua fertur. Effectus autē operū virtuosorū est perducere ad regnū cælorū. Quoniam ergo hunc effectum peccata sequentia impediunt: ideo opera virtuosa in charitate facta, per peccatum mortificantur.

2 ¶ Denique quidam posuerunt opera talia sic mortificata non posse per pœnitentiam reuiuificari, id est, suum effectum fortiri, eo quod opera illa non maneant sed transferunt. Sed hoc erroneè dictum est, huiusmodi enim opera effectum suum non obtinent propter impedimentum peccati mortalis. Hoc ergo impedimēto per pœnitentiam amoto, reuiuiscunt. Item deus opera virtuosa secundum se considerata semper in sua sapientia accepta habet, & quod operanti non sunt proficua ad vitam æternam, non est nisi propter impedimentum quod ipsemet propria voluntate obiecit. Vnde illo sublato, deus pro eo quod meritorium fuit ac placitum, meritum reddit. Nec est omnino simile de animali, quod mortuum non reuiuiscit. Animal enim moritur per hoc quod in seipso priuatur principio vitæ: opera autem meritoria per hoc, quod impedimentum sui effectus adijcitur.

3 ¶ Porro opera dicuntur dupliciter mortua, scilicet effectiue, vt peccata quæ certum est non viuificari: & priuariue, inquantum non procedunt ex charitate, per quam anima deo vnitur & spiritualiter viuit. Sic enim opera quæ ex genere bona sunt, mortua reputantur, eo quod agēs gratia caret. Et hæc per pœnitentiā viuificari non possunt, quia ipsa secundum se transeunt, nec in diuina acceptione manent, nec resumī possunt eadem numero, vt ex gratia fiant.

¶ An pœnitentia habeat partes. 2. De numero partium eius. 3.

De qualitate earum. 4. De diuisione pœnitentiæ in partes subiectiuas. Articulus 127.

**D**ictum est autem, quod actus humani in pœnitentia materialiter se habet, ipsum verò sacramentum formaliter per sacerdotem perficitur virtute clauium. Quoniam ergo ad pœnitentiam ex parte pœnitentis concurrunt contritio, confessio & satisfactio: patet, quod pœnitentia partes habet, prout est sacramentum, non prout est virtus, sic enim prædicti actus causantur ab ea.

2 ¶ Præterea partes rei sunt duplices, scilicet essentielles vt forma atque materia: & quantitatiuæ. Omne ergo sacramentum habet partes essentielles, quoniam constat in verbis quæ habent locum formæ, & rebus quæ se habent per modum materiæ. Quantitas verò, consequitur materiam,

& ideo partes quantitativæ sunt partes materiæ. In sacramen-  
to autem pœnitentiæ actus humani se habent loco materiæ :  
& sic contritio, confessio & satisfactio ponuntur partes quan-  
titativæ pœnitentiæ ex parte pœnitētis. Aliter enim fit recom-  
pensation vindictæ in vindicativa iustitia quàm in pœnitentia.  
In illa namque fit recompensatio secundum arbitrium iudi-  
cis, non secundum voluntatem offensis, vel offendentis. Sed in  
pœnitentia recompensatio fit secundum voluntatem peccantis  
& dei, qui offensus est. Nam in pœnitentia non quæritur sim-  
plex & absoluta æqualitas iustitiæ, sed reconciliatio amicitiae.  
Sic itaque ex parte pœnitentis primo exigitur voluntas recõ-  
pensandi offensam : quod fit per contritiõnem. Secundo re-  
quiritur, vt se arbitrio sacerdotis subiiciat loco dei, quod fit in  
confessione. Tertio, quod secundum eius arbitrium recom-  
penset, quod fit per satisfactionem, quæ est fructus pœniten-  
tiæ virtutis, & pars pœnitentiæ quæ est sacramentum. Itaque  
contritio cordis, confessio oris, & satisfactio operis, ad pœni-  
tentiam tanquam partes quantitativæ concurrunt.

3 ¶ Unde innotescit, quod hæc tria non sunt partes subie-  
ctivæ seu species pœnitentiæ. Tota enim virtus generis seu  
totius saluatur in qualibet specie simul atque æqualiter : sicut  
virtus animalis, inquantum est animal, perfecte saluatur in qua-  
libet specie animalis, quæ æqualiter diuidunt animal. Hoc au-  
tem prædictis non convenit partibus. Rursus nõ possunt hæc  
tria dici partes potentiales pœnitentiæ, totum enim cuilibet  
parti potentiali secundum suam essentiam totam adest, vt ani-  
ma unicuique suæ potentie. Quod prædictis partibus non cõ-  
uenit. Relinquitur ergo, quod prædicta tria sint partes inte-  
grales pœnitentiæ. De talium enim partium ratione est, vt to-  
tum non absit singulis partibus, nec secundum totam suam vir-  
tutem, neque secundum totam essentiam, sed omnibus simul.

4 ¶ Præterea Augustinus in libro de pœnitentia ponit tres  
species pœnitentiæ, scilicet pœnitentiam ante baptismum, pœ-  
nitentiam mortalium, & pœnitentiam venialium. Hæc autem  
diuisio est pœnitentiæ, inquantum est virtus. Sic enim ad ea-  
am pertinet, vt secundum congruentiam temporis agat, si-  
cut secundum circumstantias alias. Pœnitentia ergo tem-  
pore gratiæ operatur, prout comperit nouæ legi. Ad pœni-  
tentiam verò spectat de peccatis præteritis dolere cum pro-  
posito emendandi vitam, quod est pœnitentiæ finis. Cum ergo

## D. DIONYSII CARTHUSIANI

moralia à fine speciem sortiantur. diuersæ species pœnitentiæ attenduntur secundū diuersas emendationes voluntatis, quas pœnitens intendit. Talis verò emendatio seu immutatio triplex est. Vna est per regenerationem in nouam vitam, ad quā pertinet pœnitentia ante baptismum. Secunda est per reformationem vitæ præteritæ iam corruptæ, ad quod respicit pœnitentia mortaliū post baptismū. Tertia est per imperfectiorē vitæ operationem: & ad hoc pertinet pœnitentia venialium, quæ per feruentem actum charitatis dimittuntur. Cuius charitatis ardorem atque indeficientem vigorem nobis præstare dignetur fons pietatis, qui peccatoribus pœnitentiā dedit

¶ *An aliqua pœnitentia debeat esse solennis & publica 2.  
An illa possit iterari 3. De ritu ipsius, uidelicet, quibus iniungi queat. Articulus 128.*

**C**ongruit demum aliquam pœnitentiam esse solennem ac publicam propter quatuor. Primo, vt peccatum publicum medicinam publicam habeat. Secundo, quoniam maxima confusione dignus efficitur, qui grauissimum facinus agit. Tertio, vt alij timorem peccandi concipiant. Quarto, ne quis propter grauitatem peccati desperet. Nec tamen idcirco sacerdos confessionem reuelat. Nam ipse pœnitentiam occulte iniungit. Pœnitens verò exequēdo eam seipsum prodit, quāuis culpa non sciatur pro certo ex pœna, eo quod aliquis quandoque pro alio pœnitentiam faciat. Et quoniam pœnitentia non semper restituit hominem in pristinam dignitatem, licet gratiam pristinam adipiscatur. Ideo sicut mulieres post peractam pœnitentiam de fornicatione non velantur: sic peccator post publicam pœnitentiā ordinari non potest in sacris, nec ad clericatum assumi. Et si episcopus eum ordinauerit, potestate ordinādi priuandus est: nisi necessitas cogat, vel consuetudo: tunc namque ad minores ordines assumi potest, non ad ordines sacros. Primo propter reuerentiam ordinum. Secundo propter timorem recidiui. Tertio propter scandalum vitandum. Quarto, quia non haberet frontem alios corripiendi, cum peccatum eius fuerit publicum.

2 ¶ Præterea solennis pœnitentia iteranda non est. Primo ne vilescat. Secundo, quia designat expulsionem primi parentis de paradiso, quæ semel est facta. Tertio, quoniam solenni-

ratio est velut professio perpetuo pœnitentiam conseruandi  
 ¶ Porro omnis pœnitentia solennis est publica & non  
 e contra. Pœnitentia namque solennis sic agitur. In capite qua-  
 dragessimæ taliter pœnitens præsensat se cum presbyteris suis  
 episcopo ciuitatis ante fores ecclesiæ, sacco indutus, nudis pe-  
 dibus, vultu demisso, coma deposita: & eo in ecclesiam ducto  
 Episcopus septem Psalmos pœnitentiales cum omni clero di-  
 cit, manum ei imponit, aquam benedictam aspergit, cinerem  
 capiti eius superponit, collum cilicio operit: denunciens ei la-  
 chrymabiliter, quod sicut Adam eiectus est de paradiso: sic ip-  
 se de ecclesia eiicitur. Iubetque ministris, vt eum ab ecclesia  
 pellant, persequentibus eum clericis cum responsorio: In su-  
 dore vultus tui. In cœna autem Domini quolibet anno à suis  
 presbyteris in ecclesiam reducuntur, sic pœnitentes vsque o-  
 ctauas Paschæ: sic tamen quod non communicabunt nec pa-  
 nem accipient. Et ita quolibet anno fiet quousque ab ecclesia  
 manent eiecti. Vltima autem reconciliatio reseruatur episco-  
 po, ad quem solum pertinet impositio pœnitentiæ solennis.  
 Potest quoque viris imponi ac fœminis, non autem clericis  
 propter scandalum. Pro nullo etiam peccato imponitur, nisi  
 quod totam commouet urbem. Publica verò & non solennis  
 pœnitentia in facie ecclesiæ fit, sed sine solennitate prædicta  
 vt peregrinatio per mundum cum baculo cubitali. Et hæc po-  
 test iterari & clerico iniungi atque à simplici sacerdote impo-  
 ni. Interdum verò pœnitentia solennis ponitur pro publica.  
 Et secundum hæc authoritates diuersimode intelliguntur de  
 solenni pœnitentia. Sciendum verò, quod mulieri in solenni  
 pœnitentia non abraditur coma, quia in subiectionis iudici-  
 um eam deportat.

¶ An homo potest de uno peccato satisfacere sine alio 2. An satisfac-  
 tio valeat adueniente peccato mortali 3. An opera bona  
 extra charitatem facta sint meritoria præmij tem-  
 poralis 4. An mitigent poenam infernalem.

Articulus 129.

**D**Enique per satisfactionem præcedens offensa dele-  
 tur. Remotio autem offensæ aliud non est, nisi resti-  
 tutio amicitie. Cum ergo dei amicitia acquiri non  
 possit manente peccato mortali: patet, quod homo



satisfacere nequit de vno mortali sine alio: quanuis aliqui op<sup>o</sup>positum dixerint.

2. ¶ Præterea deo ex condigno pro peccatis satisfacere nō possumus, sed secundum quandam acceptationem. Nil autem est deo acceptum, quod in charitate non sit. Idcirco postquā omnia peccata per confessionem atque cōtritionem quo ad culpam dimissa sunt, si homo ante satisfactionem peractam in mortale peccatū labatur, nil prodest ei satisfactio sua peccato mortali manente. Et ideo errant dicentes, quod si homo in peccato tali decederet, pro illis non puniretur in inferno, pro quibus satisfecit: quanuis tale mortale aduenit. Ex quo elucescit error dicentium, quod quanuis opera extra charitatem facta non viuificentur per charitatem aduenientem vt sint satisfactoria, viuificantur tamen quantum ad hoc vt sint satisfactoria respectu culpæ. Vnde satisfactiones quæ relinquunt effectum in pœnitente, vt ieiunium, quod corporis attenuationē relinquit actu transeunte, & eleemosynarum largitio, quæ diuitiarum diminutionem inducit in mortali peccato factas non oportet iterari: quoniam propter id quod de eis manet per pœnitentiam Deo acceptæ fiunt. Satisfactiones vero quæ nullum effectum relinquunt, vt orationes, reiterandæ sunt.

3. ¶ Insuper meritum dicitur actio per quam agenti fit debitum aliquid dari. Iustitia verò vno modo dicitur propriè, quæ concernit debitum ex parte recipientis. Secundo dicitur similitudinariè, quæ respicit debitum ex parte dantis: aliquid enim decet dantem propter suam bonitatem tribuere, quod alter non meretur recipere: sicque iustitia appellatur diuinæ bonitatis decencia. Sicut Anselmus ait, quod deus tam bonus est, quod iustum est eum peccatoribus parcere. Per hūc quoque modum meritum vno modo vocatur, per quod recipiens dignus fit aliquo, & dicitur meritum condigni. Secundo dicitur meritum ex parte dantis, per quod decet dantem largiri: & dicitur meritum congrui, vel congruentiæ. Prima autem ratio dandi est amor in his, quæ gratis donantur. Omnia verò bona tēporalia atque æterna ex diuina liberalitate nobis præstantur. Non ergo mereri possunt sine charitate ex condigno sed solum ex congruo ex parte diuinæ largitatis, quæ semper perfectionem infundit, vbi dispositionem inuenerit. Opera itaque bona extra charitatem facta ad tria valent, ad assequē-

dum temporalia, ad præparationem gratiæ recipiendæ, & ad assuetudinem bene agendi.

4 ¶ Porro opera ista sicut culpam nõ auferunt: sic nec pœnam infernalem mitigant, ita vt homo liberetur per ea à pœna, quam meruit. Nam causa manente perseverat effectus. Diminuunt autem ac mitigant pœnam inferni, quia meritum pœnæ impediunt reatum omissionis excludendo, & ad bonum aliquo modo disponendo, ita quod homo etiam peccata ex minori contemptu committat atque à malis quibusdam desistat. Veruntamen dilationem ac diminutionem pœnæ temporalis merentur, vt patet de Achab quarto Regum. Quomodo autem in omni peccato est delectatio aliqua, vel saltem quædam voluntatis complacentia: ita oportet satisfactionem per opera pœnalia fieri. Flagella quoque diuinæ correctionis, quibus in præsentì atterimur, satisfactoria nobis sũt, dummodo ea patienter pro peccatis nostris suscipere ac tolerare cõremus. Et sicut ex eodem igne aurum rutilat, & palea fumat: sic eisdem flagellis boni purgantur, & mali propter impatientiam magis inficiuntur, secundum Gregorium.

¶ An ad pœnitentiam venialium teneamur 2. An teneamur ea confiteri 3. An unum veniale sine alio dimitti possit. Articulus 130.

¶ Quoniam homo per venialia peccata mortem animæ non incurrit, non tenetur pœnitere de eis secundum absolutam necessitatem. Nam sine pœnitentia, etiam post hanc vitam dimittuntur: tamen ex suppositione finis tenemur de eis pœnitere, videlicet si remissionem eorum in vita præsentì adipisci optamus.

2 ¶ Porro ad confessionem venialium non tenemur nec absolute, quia per solam interiorem contritionem deleri possunt: nec ex suppositione finis, quoniam sine confessione possunt dimitti. Quod autem pœna satisfactoria pro venialibus iniungitur, non est de necessitate, sed potius ad excitandum devotionem contritionemque hominis. Non enim debetur eis satisfactoria pœna taxata, illa namque proportionaretur pœnæ peccati mortalis: quod esse non valet, eo quod mortale à veniali in infinitum sit distans.

3 ¶ At verò quæ connexionem adinuicem habent, separari

## D. DIONYSII CARTHUSIANI

non possunt. Peccata autem mortalia quanuis ex parte causæ peccandi seu conuersionis ad bonum caducum connexa nō sint, propter quod homo incurrere potest vnum sine alio: tamen ex parte auersionis à summo bono connexa sunt, omnia enim à deo auertunt, quoniam gratiam tollunt: & ideo vnum sine alio dimitti nequit. Venialia verò peccata nec quantum ad conuersionem connexionem habent, cum sint circa diuersas materias, nec quo ad auersionem, nō enim auertunt à deo: quia charitatem, quæ Deo animam vnit, non auferunt. Et ergo vnum veniale sine alio dimitti nil prohibet. Vnum autem peccatum mortale Deo eatenus displicet, quod & peccantem Deo displicere facit. Veniale verò quanuis propter suam inordinationem Deo displiceat, peccantem tamen Deo displicere non facit, quoniā gratiæ claritatem non tollit: quanuis secundum Gregorium, peccatum veniale obscurat, quemadmodum mortale obtenebrat. Sciendum autem, quod non est necesse circumstantias peccati confiteri, nisi illas quæ ad speciem peccati mortalis trahunt. Perfectionis verò est, alias confiteri sicut & de venialibus dictum est.

¶ *An ludi atque spectacula impediunt pœnitentiam. Art. 131.*

**T**Riplex est autem genus ludorum, quorum vnum de se turpitudinem continet: quod est certum omnibus esse vitandum. Aliud quod ex plenitudine deuotionis procedit: quemadmodum David dixit: Ludam & ero humilis in oculis meis. Tertium est, quod bene & male fieri potest, circa quod est virtus moralis, quæ eutrapelia vocatur. Hoc autem genus ludi quanuis cum debitis circumstantiis licitum sit, tamen specialiter pœnitentibus vitandum est quorum est lugere atque dolore, nisi in quantum necessitas recreationis spirituum exigit. Similiter dicendum est de spectaculis, quorum quædam secundum se vitiosa sunt, sicut in theatris: quædam verò vtilia, vt venationes, quibus pœnitentes vacare non debent, nisi necessitas poscat: quanuis alij eis intendere possint sine peccato discretionem seruata.

¶ *An animæ post hanc uitam de peccatis contritionem habeat 2. An contritio potest totaliter tollere peccatum. Articulus 132.*

**I**N contritione præterea tria sunt, scilicet dolor, charitas dolorem informans, & meritum inde emanans. Animæ ergo beatorum contritionem de peccatis non habent, quoniam propter plenitudinem gaudij, doloris capaces non sunt. Animæ verò miserorum quâvis de peccatis doleant, charitatem tamen non habent. Vnde contritione carent. Animæ autem quæ in purgatorio sunt, dolorem charitate formatum de peccatis habent, sed non meritum, quia in statu merendi non sunt. Differt autem contritio ab attritione, sicut formatum atq; perfectum ab informi & incompleto. Nam dolor de peccatis gratiâ gratum facientem præcedens, vocatur attritio. Cōtritio verò est dolor gratia informatus. Et sicut vnus actus alium præcedens ac transiens non potest fieri alius: sic attritio fieri nequit cōtritio. Fides tamen informis fieri potest formata per charitatis aduentum, quoniam fides nominat habitum, non actum.

**¶** Præterea contritio cōsideratur vno modo ex parte charitatis, quæ peccati displicentiam facit. Secundo ex parte doloris sensibilis, qui per redundantiam voluntatis & rationis in inferiori appetitu causatur. Et vtroque modo potest esse tanta contritio de peccato, vt tota pœna dimittatur. Nam feruor charitatis peccata consumit, & tanto amplius quò fortius ardet. Ipse quoq; dolor sensibilis cum sit quædam pœna, tantum potest augeri, vt pro reatu pœnæ peccati sufficiat.

**¶** An soli sacerdoti confiteri oporteat 2. An liceat in aliquo casu laico confiteri 3. An laicus extra casum necessitatis possit confessionem uenialium audire 4. An sit necesse proprio sacerdoti confiteri 5. An liceat etiam alteri confiteri. Articulus 133.

**G**RATIA insuper sacramentorum à Christo capite nostro in membra eius seu corpus mysticum deriuatur. Solus igitur ille est sacramentorum, quæ gratiam continent & conferunt, minister, qui ministerium habet super corpus Christi verum: videlicet sacerdos, qui eucharistiam conficere potest. Solis ergo presbyteris facienda est sacramentalis confessio.

**¶** Porro sicut baptismus sic pœnitentia sacramentum est necessitatis. Quemadmodum ergo in casu necessitatis quilibet

bet baptizare potest: sic in necessitate laicus vicem sacerdotis supplet vt ei confessio fieri queat. Debet enim pœnitēs facere quod in se est, videlicet conteri & confiteri. Et quanuis laicus sacramentum perficere nequeat absoluendo, hunc tamen effectum summus sacerdos supplebit. Talis quoque confessio licet non sit sacramentum perfectum, est tamen sacramentalis, & etiam iteranda dum pœnitens poterit copiam sacerdotis habere. Quanuis enim à deo veniam & gratiam consecutus sit, oportet tamen vt reconcilietur ecclesiæ quatenus ad eius sacramenta admittatur. Et hoc fit per confessionem, quæ est sacramentum perfectum: in qua etiam plenior remissionem sortitur, tam virtute clauium ecclesiæ, quàm obediendo eius mandatis.

3 ¶ Præterea quoniam ad venalem confessionem homo non tenetur, eo quod neque à deo, neque ab ecclesiæ sacramentis auertant. Propterea de venialibus potest fieri laico confessio, quæ tamen non est sacramentum, sed sacramentale quidam: vt aqua benedicta, tunsio pectoris: per quæ venialia dimittuntur.

4 ¶ Aduertendum quoque, quod quia sacerdos non absoluit nisi imperando seu ligando ad aliquid faciendum. Idcirco proprio sacerdoti confiteri oportet. Nam ille iurisdictionem habet super pœnitentem, vt ei iniungere aliquid per imperium possit, quod aliis concessum non est. Vnde proprio sacerdoti confiteri est de necessitate huius sacramenti saltem semel in anno: quemadmodum decretalis Innocentij dicit. Nec licet eucharistiam sumere ab alio, quàm proprio sacerdote. Si verò proprius sacerdos non esset idoneus, posset homo de licentia superioris sacerdotem discretum eligere. Item si pœnitens probabiliter timet periculum imminere sibi, vel sacerdoti suo ex confessione ei facta, vt si peccatum sit contra sacerdotem commissum, vel sacerdos reuelator sit confessionis, debet recurrere ad superiorem, vel ab eo licentiam petere alteri confiteri. Quam si ille dare noluerit, idem erit iudicium de ipso & illo qui sacerdotem habere non potest, vt scilicet faciat quod in se est, laico confitendo. Peccat autem sacerdos qui subdito suo non dat licentiam faciliter vt alteri confiteatur. Multi enim sine confessione mallent mori, quàm proprio sacerdoti conscientiam suam nudare.

5 ¶ Denique dupliciter impeditur sacerdos à confessione

audienda, videlicet propter iurisdictionis defectum, & propter executionis impedimentum, vt in degradatis, excommunicatis, suspensis, &cæt. Qui autem iurisdictionem habet, potest eandem committere alteri. Vnde per sacerdotis proprii, vel episcopi commissionem potest alteri sacerdoti conferri potestas confessionem audiendi & absoluendi. Cùm autem papa pœnitentiarium loco sui constituit, ille pœnitentiarius episcopo est superior. Pœnitentiarius quoque episcopi superior est sacerdote proprio & parochiali, nec tenetur pœnitens proprio sacerdoti confiteri, quæ illis confessus est: quanuis sacerdos id exigat. Si verò iterum confiteatur, bene facit. Nam quo quis sapius eadem peccata confitetur, etiam pluribus sacerdotibus, eo pœna magis minuitur, tum propter erubescentiam confessionis, tum propter vim clauium, tum propter orationem sacerdotis. Et ideo posset quis totiens confiteri, quod tota pœna sibi dimitteretur.

¶ *An confessio possit esse informis 2. An aliter fieri valeat, quàm uerbis. Articulus 134.*

**C**onfessio denique prout est actus virtutis, meritoria est, & sic sine charitate esse non potest neque informis. Sed prout est pars sacramenti pœnitentiæ, ordinat confitentem ad sacerdotem clauis habentem: & ita confessio potest esse informis. Potest namque peccator sine contritione peccata sua pandere sacerdoti, & clauibus se ecclesiæ subiicere. Et quanuis tunc non consequatur fructum absolutionis, tamen fictione cessante percipiet: sicut in aliis ecclesiæ sacramentis. Vnde qui fictus confitetur, non tenetur confessionem reiterare, sed fictionem suam confiteri.

2. ¶ Præterea confessio necessario fieri habet per verba, sicut baptismus per aquam. Est enim confessio pars sacramenti. Sacramenta autem determinatam habent materiam & formam. Muti tamen atque alterius linguæ, per scriptum & nuntum siue interpretem confiteri possunt, quoniam Deus ultra posse hominis non requirit.

¶ Demum sicut baptismus liberat à peccato non solum cum actu suscipitur, sed etiam cum voto habetur: ita & confessio. Nam contritio liberat à culpa in quantum votum confessioni annexum habet. In actu verò confessionis & absolu-

tionis gratia augetur, atque remissio peccatorum daretur, si dolor præcedens ad contritionem sufficiens non fuisset.

¶ *Vtrum debeant esse clauis in ecclesia 2. Quid sint*  
*3. Quot sint. Articulus 135.*

**A**gnosendum, quod sicut in corporalibus, clauis vocatur quo ostium aperitur: sic potestas per quam pœnitenti aperitur regnum cœlorum, quod sibi propter culpam ac pœnæ reatum fuit clausum, clauis nominatur. Hæc autem potestatis in Deo trinitate est per auctoritatem, in Christo homine per excellentiam, quoniam merito passionis suæ sacramenta atque ministri prædictam sortiuntur virtutem. Vnde in ministris est per ministerium, propter quod Deus dicitur habere clauem auctoritatis, Christus clauem excellentiæ, sacerdos clauem ministerij. Clauis verò inferni est virtus gratiam conferendi, per quam homo à peccato quod porta inferni est, exit. Et hæc potestas in solo deo est. Aliqui tamen dicunt esse idem in re clauem regni cœlorum, & clauem inferni. Nam per hoc quod homini vnum clauditur, alterum aperitur.

2 ¶ Denique clauis Ecclesiæ taliter diffinitur: Clauis est potestas ligandi & soluendi, qua ecclesiasticus iudex dignos recipere & indignos excludere debet à regno. Cum enim sit clauis quædam potentia, per actum diffiniri debet, atque obiectum. Hæc autem potestas quæ clauis vocatur, secundum re idem videtur, quod potestas consecrandi. Sed diuersa nomina recipit secundum diuersitatem effectuum. Dantur enim clauis simul cum ordine, quanuis vsus earum iurisdictionem in sacerdote requirat. Dicitur quoque sacerdos à regno excludere eo modo, quo Deus aliquem obdurare censetur, Videlicet impedimentum regni non auferendo: quod ipse auferre non potest, nisi Deus illud amouerit.

3 ¶ Porro in omni actu, in quo ex parte recipientis idoneitas quædam exigitur, duo necessaria sunt agenti, videlicet iudicium de idoneitate, atque expletio actus. Et ergo ad horum vtrumquæ quædam potestas seu auctoritas necessaria est. Vnde sacerdos confessor iudicio discretionis eget ad iudicandū de idoneitate pœnitentis: & ipsa executione, qua dignos recipit, indignos excludit. Et ad horum vtrumque potestas siue



authoritas ei collata est. Propter quod duæ dicuntur clau-  
es ecclesiæ per quarum vnâ sacerdos de quantitate pœnitentis  
discernit, & per aliam absolutionem impendit. Hæ verò cla-  
ues essentialiter idem sunt, sed duæ dicuntur per comparatio-  
nem ad actus, quorum vnus alium præsupponit. Ad duo nan-  
quæ quorum vnus est causa alterius, vna potestas ordinatur:  
quemadmodum calor ignis ad calefaciendum, ac dissoluen-  
dum. Vna igitur clavis quæ dicitur potestas soluendi atque li-  
gandi, seram aperit: alia verò quæ clavis scientiæ appellatur,  
ostendit cui aperiendum sit ostium. De clauē tamen scientiæ  
duplex opinio fuit. Vna dicentium, quod hæc clavis dicatur  
habitus scientiæ acquisitus siue infusus, & quod non sit clavis  
principalis, neque in omnibus inueniatur sacerdotibus, nec  
tradatur cum ordine: quidam enim sacerdotes neque infusam  
neque acquisitam scientiam habent: Secunda opinio tenet,  
quod clavis scientiæ non sit habitus talis, sed authoritas exer-  
cendi actum sciētiae, quæ authoritas interdum habetur simul  
cum scientia, quandoque absque scientia: sicut in iudiciis se-  
cularibus, quidam sunt iudices qui tamen scientia iuris ca-  
rent, & aliqui iuris scientiam habēt, authoritate iudicandi ca-  
rentes, & quia actus iudicandi sine scientia exequi nequit, id-  
circo qui hanc authoritatem recipit carens scientia peccat.

¶ *Quid sit excommunicatio 2. Cur fiat 3. Pro quibus  
rebus 3. An excommunicatio iniuste lata sortiatur  
effectum. Articulus 136.*

**H**omo denique per baptismum in Ecclesia positus ad  
duo ascribitur, scilicet ad cœtum fidelium, & ad par-  
ticipationem sacramentorum. Quorum secundum  
præsupponit primum. Dupliciter itaq; separari quis  
potest ab Ecclesia. Aut enim separatur à participatione sacra-  
mentorum duntaxat: & hæc est excommunicatio minor. Aut  
ab vtroque: & ista est excommunicatio maior. Quæ sic diffi-  
nitur: Excommunicatio est separatio à communione ecclesiæ  
quo ad fructum, & suffragia generalia. Communicatio verò  
fidelium duplex est, scilicet in spiritualibus, vt sunt mutuæ o-  
rationes & conuentus ad sacra participanda: & in corporali-  
bus actibus legitimis, quæ his versibus continentur: Si pro de-  
lictis anathema quis efficiatur. Os, orare, vale, communicio, mē

## D. DIONYSII CARTHUSIANI

fa negetur. Os, ne osculentur. Orare, ne cum eis oremus. Vale ne salutentur. Communio, ne quis cum ipsis in sacramentis communicet. Prædicta autem diffinitio non tangit separationem excommunicatorum à communicatione in corporalibus, sed in spiritualibus. Vnde alia utramque tangens assignatur: Excommunicatio est, à qualibet licita communione & legitimo actu separatio. Igitur pro excommunicatis non oratur ex persona ecclesiæ, cum non sint inter membra eius: quāvis persona priuata pro eis possit præcem dirigere. Minor autem excommunicatio non tollit ecclesiæ suffragia.

2 ¶ At verò iudicium ecclesiæ imitari debet iudicium Dei. Quemadmodum igitur Deus quosdam peccatores punit flagellis, ut castigati resipiscant, quosdam subtrahendo diuinum auxilium, ut sic humiliati propriamque infirmitatem pensantes se corrigant: sic ecclesia quosdam flagellis castigat separando à cœtu fidelium, quosdam propriæ infirmitati relinquit, negando sacramenta. Hæc tamen excommunicatio seu maledictio, quoniam ordinatur ad emendationem excommunicati, bona ac licita est. Valent autem suffragia ecclesiæ ad tria, videlicet ad gratiæ adeptionem in non habentibus, vel augmentum in habentibus. Secundo ad custodiam in bono. Tertio ad protectionem à dæmone. Ideo per excommunicationem homo triplex incommodum incurrit, videlicet gratiæ subtractionem, ne eam acquirat quamdiu sic manet: diuinæ protectionis carentiam qua Deus ecclesiæ filios speciali prouidentia protegit: tertio quod diabolus ampliores potestatem in eum acquirit nocendi ei spiritualiter & corporaliter. Vnde in primitiua ecclesia, quando oportuit fidem signis firmari, sicut spiritus sancti donum in signo visibili demon-strabatur, sic excommunicatio per corporalem diaboli vexationem declarabatur.

3 ¶ Porro nemo excommunicari debet nisi pro mortali peccato. Quoniam verò aliquis peccat mortaliter damnificando alium in temporalibus rebus. Idcirco pro damno temporali illato ecclesia excommunicat. Sed cum excommunicatio sit maxima pœna, non est subito infligenda, nisi offensor contumax fuerit, vel non veniendo ad iudicium, vel ante finem iudicij sine licentia recedendo, vel determinationi non parendo, nec admonitioni acquiescendo.

4 ¶ Amplius excommunicatio dici potest iniusta dupliciter

Primo ex parte excommunicantis, vt si ex ira vel odio fiat: & tunc sortitur effectum. Quauis enim excommunicans peccet excommunicatus tamen hanc pœnam meretur. Secundo ex parte excommunicationis, vt dum causa excommunicationis non est idonea, vel ordo iuris omittitur. Si ergo talis sit error qui sententiam annulet, non habet effectum, quia non est excommunicatio. Si autem sententiam non annulet, excommunicatio habet effectum, debetque excommunicatus humiliter obedire: & erit ei ad meritum, vel absolutionem ab excommunicante requirere, aut ad superiorem confugere iudicem. Si verò contemnit, eo ipso mortaliter peccat. Nam secundum Gregorium: Præcepta pastoris, siue iniusta sint siue iusta, timenda sunt. Interdum quoque excommunicatio iusta est ex parte excommunicantis, iniusta verò ex parte excommunicati: vt dum quis pro crimine falso, tamen in iudicio probato excommunicatur. Et tunc si humiliter suffert, meritum humilitatis recompensat damnum excommunicationis. Ratio autem cur excommunicatio iniusta effectum habet, est. Nam quauis nemo gratiam dei iniuste amittere potest, id est, sine propria culpa: potest tamen ea iniuste amittere per quæ ad gratiam Dei disponitur: vt patet de his, quibus verbum debitæ instructionis & exhortationis non exhibetur. Vnde quod ait Hieronimus: De supercilio pharisæorum est, æstimare ligatum vel solutum, quando iniuste ligatur vel soluitur, intelligendum est quantum ad culpas, non quantum ad pœnas, quæ possunt etiam iniuste infligi à prælatis ecclesiæ.

¶ An quilibet sacerdos potest excommunicare. 2. An non sacerdotes hoc possint. 3. An aliqua tota vniuersitas excommunicari potest. *Articulus 137*

**P**Roinde in foro conscientie causa agitur inter hominem & Deum. In foro autem exterioris iudicii inter homines ad inuicem. Absolutio ergo atq; ligatio quæ vnum hominem ligat quo ad Deum duntaxat, ad forum pœnitentie pertinet. Illa verò, quæ hominem obligat quantum ad alios homines, respicit publicum exterioris iudicii forum. Ad tale autem forum sententia excommunicationis spectat, quia per eam à cõmunionem fidelium quis

separatur. Illi igitur solum excommunicare valent, qui iurisdictionem in foro iudiciali habent, videlicet coram quibus in causis contentionis conuenitur: vt sunt episcopi & maiores prælati. Vnde presbyteri parrochiales excommunicare non possunt, nisi in casibus eis concessis: vt in rapina, & furto, atque huiusmodi. Quidam tamen affirmant quemlibet sacerdotem parrochiale posse excommunicare.

2. ¶ Ex quibus elicitur, quod aliqui quanuis non sint sacerdotes, excommunicare eos possunt in quos iurisdictionem sortiti sunt in foro contentioso. Quanuis namque non habeant clauē ordinis, habent tamen clauem iurisdictionis. Excommunicati verò atque suspensi à iurisdictione vsum iurisdictionis amittūt, nec excommunicare possunt. Itē cū per iurisdictionē ponatur homo in gradu superioritatis cuiusdā, idcirco nemo excommunicare potest seipsū, æqualē, vel superiorē. Imo in foro cōfessiōis sacerdos non potest absoluerē superiorem vel æqualē de mortali, nisi ex cōmissiōe, sed de venialibus potest. ¶ At verò nemo excommunicandus est nisi pro actu peccati mortalis. Actus verò sunt singularium, & non communitalis. Et quanuis interdum actus sit totius multitudinis, sicut dū multi vnā nauem trahunt: non tamen probabile est, quod tota communitas sit ita infecta, quin aliquos habeat non cōsentientes peccatō. Quemadmodum igitur Dei non est damnare iustum cum impio: sic ecclesia excommunicare non debet rotam communitatem, ne collectis zizanijs eradicetur & triticum. Vnde Augustinus ait, quod princeps & multitudo non est excommunicanda.

¶ *An liceat excommunicato communicare in pure corporalibus.*

2. *An excommunicato communicans sit excommunicatus.* 3. *An mortaliter peccans.* Articulus 138.

**E**Xcōmunicatio insuper minor vt dictū est, quia solū separat ab Ecclesiæ sacramentis, communicationem in corporalibus rebus non excludit. Sed excōmunicatio maior, quæ vltra hoc separat à cœtu fidelium, cōmunicationem hanc impedit. Sed quoniā excōmunicatio non ad mortē sed medelam imponitur, excipiuntur aliqui casus speciales, in quibus excōmunicato cōmunitate est licitum scilicet in his, quæ cōcernūt salutem, de quibus cum excōmu-

nicato loqui conceditur:& alia quoq; verba interserere licet quatenus ex familiaritate facilius recipiatur verbū salutis. Ex-  
cipiuntur quoq; personæ, quæ ad prouisionem excommuni-  
cati specialiter pertinent: vtpote vxor, filius non emancipa-  
tus, seruus, rusticus & seruiens, & qui ante excommunicatio-  
nem se ei subdiderunt. Quidam verò adijciunt, quod superio-  
res communicare inferioribus possint. Item cōmunicare ex-  
communicatis licet, dum excommunicatio ignoratur, &  
dum aliqui sunt peregrini, viatores in terra excommunica-  
torum, tunc enim ab eis emere, vendere, & eleemosynam ca-  
pere possunt. In casu quoque necessitatis id licet.

2. ¶ Deniq; excommunicatur quis dupliciter. Primo, cum  
omnibus suis participantibus: & tunc quicumque ei partici-  
pat, maiorem excommunicationem incurrit. Secundo, excō-  
municatur homo simpliciter, & tunc vel participat ei alter  
in crimine, consilium, auxilium, aut fauorem præbendo: &  
sic maiori excommunicatione excommunicatus est. Vel par-  
ticipat ei in alijs, scilicet verbo, mensa seu osculo:& ita mi-  
norem excommunicationem incurrit. Excommunicatio au-  
tem minore excommunicatione licitum est communicare:  
& sic excommunicatio non transit in tertiam personam.

¶ Insuper aliqui dicunt, quod quicumq; excommunicato cō-  
municat verbo vel aliquo modo prædicto, mortaliter peccat  
Sed hoc graue videtur, vt homo pro vno verbo leui quo ex-  
communicatum alloquitur, mortaliter peccet. Et ideo alij  
probabilius aiunt, quod tunc solum mortaliter peccat com-  
municans, quando in crimine sibi participat, vel in diuinis,  
vel in contemptu ecclesiæ. Et in hoc casu loquitur Decreta-  
lis, quæ dicit, quod debet homo magis mortem subire quàm  
excommunicato communicare. Sciendum quoque, quod sus-  
pensio non est tanta pœna vt excommunicatio, non enim pri-  
uantur suspensi suffragijs ecclesiæ. Et ergo potest quis sine  
proprio peccato suspendi, videlicet pro culpa eius qui in il-  
lo punitur: quemadmodum pro peccato regis totum regnum  
interdicto supponitur.

¶ Vtrum quilibet sacerdos absolueret potest subditum suum ab ex-  
communicatione. 2. An aliquis potest absolui inuitis

3. An homo potest absolui ab una excommunicatio

ne sine alijs.

Articulus 139.

**A** Minore denique excommunicatione quilibet sacerdos potest absolvere, qui potest absolvere à peccato participatiōis. Si autem sit excommunicatio maior, vel est lata à iudice, & tunc eius qui tulit sententiā est absolvere, vel superioris, vel est lata à iure: & tunc episcopus: vel etiam sacerdos potest absolvere, demptis sex casibus, quos papa suæ iurisdictioni seruauit. Primus de illo qui iniicit manum in clericum vel religiosum. Secundus de illo, qui incendit ecclesiam, & est denunciatus. Tertius de illo, qui frangit ecclesiam & denunciatus est. Quartus de illo qui in diuuis scienter communicat excommunicatis nominatim à papa. Quintus de eo qui falsat literas apostolicæ sedis. Sextus de his, qui excommunicatis in crimine communicant. Non enim debet absolui nisi ab eo qui excommunicauit, etiam si non sit subditus eius, nisi propter difficultatem itineris absolueretur ab episcopo, aut sacerdote proprio, data iuratoria cautione, quod pareret præcepto iudicis, qui tulit sententiā. Sed à primo casu octo excipiuntur. Primo in articulo necessitatis, in quo à qualibet excommunicatione quilibet sacerdos absolvere potest. Secundo si sit ostiarius alicuius potestatis, & non ex odio neque proposito percussit. Tertio si percutiens sit mulier. Quarto, si seruus, de cuius absentia dominus non habens culpam laderetur. Quinto, si regularis regularem percutiat, nisi sit enormis excessus. Sexto, si sit pauper. Septimo, si impubes, vel senex aut valitudinarius. Octauo, si habet capitales inimicos. Sunt item septem casus, in quibus percutiens clericum excommunicationem non incidit. Primo, si causa disciplinæ. Secundo, si iocosa lenitate. Tertio, si reperit eum turpiter agentem cum vxore, matre, sorore, aut filia. Quarto, si statim vim vi repellat. Quinto, si ignoret eum esse clericum. Sexto, si inuenit eum in apostasia post trinam admonitiōē. Septimo, si clericus transferat se ad actū suæ cōditioni cōtrariū, ut si miles fiat, aut bigamus.

2 ¶ Porro excommunicatio pœna est. Potest autem homo absolui à pœna inuitus. Nam pœna ab extra infligi potest & tolli: & ideo potest quis ab excommunicatione absolui inuitus.

3 ¶ Insuper excommunicationes connexionem non habet ideo nil prohibet quemquam absolui ab vna & non ab alia. Cū autem aliquis ab eodem iudice pluribus excōmunica-

tionibus excommunicatus existit, dum ab vna absoluitur, ab omnibus absolui intelligitur: nisi contrarium exprimatur, vel nisi in casu quò quis absolutionem impetrat de vno præcise casu excommunicationis, cum pro pluribus pro quibus excommunicatus sit, mētio fiat. Cū verò à diuersis iudicibus excommunicatus est, tunc absolutus ab vna excommunicatione, non liberatur idcirco ab altera, nisi oēs alij ad petitionē ei⁹ absolutionē suā cōfirmēt, vel omnes vni absolutionem demandent.

¶ *Vtrum sacerdos legalis habuit clauēs. 2. An etiam Christus. 3. An soli sacerdotes habeant clauēs. Arti. 140.*

**P**Ræfert quoque Apostolus in epistola ad Hebræos sacerdotium Christi sacerdotio legali: quoniam Christus assis-tens pontifex futurorum bonorum in tabernaculum cœleste inducit, per proprium sanguinem. Sacerdos verò legalis per sanguinem hircorum & similia illud non potuit. Ideo sacerdotes in veteri lege clauem regni non habuerūt, sed clauium figuram: quia potestas eorū non se extendebat ad cœlestia, sed ad figuras cœlestium.

2 ¶ At verò, sicut ostensum est Christus habuit clauēs p modū excellentiæ. Potestas enim ligādi atq; soluēdi in eo principaliter fuit, atq; ab ipso propagatur ad ministros ecclesiæ.

3 ¶ Præterea clauem ordinis, quæ clauis regni vocatur, & immediate ad cœli aperi-tionem se extendit remonendo peccata, soli sacerdotes habent. Clauem verò iurisdictionis in foro causarum, quæ non extendit se directe ad regnum sed mediāte ecclesia, quæ ligat & soluit, & à fidelibus separat, etiā non sacerdotes habēt, vt archidiaconi & electi, & omnes qui excommunicare possunt. Mulieres autem neutram clauē habere possunt propter conditionis suæ subiectionem.

¶ *An sacerdos potest semper subditum suum absolvere. Articulus 141.*

**O**Rdinis autem potestas quātū de se est, extēdit se ad omnia peccata remittenda: sed vsus eius iurisdictionem requirit super absoluendum. Potestas verò iurisdictionis à superioribus ad inferiores deriuatur. Potest ergo superior alios casus suæ potestati reseruare, i qui-



bus inferiori iudicium non committit: & quātum ad hos inferior iurisdictionem non habet. Vnde quinq; sunt casus, in quibus oportet vt simplex sacerdos pœnitentem ad superiorē remittat. Primus, dum solennis pœnitentia est imponēda: quā solus episcopus imponere habet. Secundus est de excommunicatis, quando inferior sacerdos nō potest absoluerē: vtpote quando non ligauit. Tertius, cum inuenit irregularitatem cōtractam. Quartus de incendiarijs. Quintus, cum consuetudo in aliquo episcopatu consistit, quod grandia crimina non nisi ab episcopo dimittantur propter aliorum terrorem. In talibus enim consuetudo aufert & dat potestatem.

¶ *Vtrum per indulgentiam aliquid pœnæ remittatur. 2. An indulgentiæ tantum ualeant sicut pronunciantur. 3. An pro temporalibus subsidij fieri debeant. Articulus 142.*

**V**alent insuper indulgētiæ ad remissionem pœnæ residuæ post contritionem, confessionem & absolutionem, siue iniuncta est siue non sit iniuncta: propter vnitatem corporis mystici ecclesiæ, in qua multi in operibus misericordiæ supererogauerunt ad mensuram peccatorum suorum, variâsq; tribulationes iniustas patienter tulerunt per quas multitudo pœnarum expiata fuisset, si eis debita extitisset. Quorum meritorum tanta est copia, quod omnem pœnam nunc viuentibus debitam superexcedit, præsertim propter meritum Christi. Sancti verò opera talia supererogationis fecerunt indeterminate atque communiter pro tota ecclesia Christi: quemadmodum Paulus ait, se implere ea quæ desunt passionū Christi, in corpore suo pro ecclesia, ad quam scribit. Itaq; merita ista communia sunt toti ecclesiæ. Quæ autem communia sunt multis, distribuuntur singulis secundum eius arbitrium, qui multitudini præsidet. Ideo sicut homo remissionem consequitur alio pro ipso satisfaciente: sic si alterius satisfactio ei cōmunicetur & detur per eum qui potest. Et per hunc modum indulgentiæ operantur remissionem pœnæ in suscipiente, quoniam dantur de communibus bonis ecclesiæ vnde debitum soluat.

2 ¶ Deniq; indulgentiæ valent non solum secundum quantitatem deuotionis eius qui recipit eas, vel dati, aut causæ pro qua datur. Nam quātitas effectus sequitur quantitatem causæ.

Causa autem remissionis pœnæ in indulgentijs non est nisi meritorum Ecclesiæ copia : quantitas ergo remissionis huius proportionanda est ad excedens Ecclesiæ meritum, non autē ad hominis laborem, vel deuotionem duntaxat. Vnde secundum quod merita ecclesiæ applicantur ad quenquam, secundum hoc remissionem consequitur. Ad hanc verò applicationem exigitur autoritas dispensandi hunc thesaurum. Vnio quoq; eius cui dispensatur ad eum, qui merebatur, quæ fit per charitatem. Ratio etiam dispensationis, per quam saluatur intentio illorum qui opera talia supererogationis fecerunt. Ipsi enim ea egerunt ad dei honorem atque ecclesiæ vtilitatem in generali: idcirco omnis causa in dei honorem & ecclesiæ suæ vtilitatem vergens, est sufficiens tota indulgentias faciendi. Propter quod aliorum opinionibus derelictis dicendum, quod indulgentiæ simpliciter tantum valent quantum prædicantur: dummodo fuerit in dante autoritas, in suscipientēq; charitas, & ex parte causæ pietas, id est, dei honor & ecclesiæ seu proximorum vtilitas. Nec hoc derogat diuinæ iustitiæ, neq; de misericordia dei fit nimis magnū forum. Nil enim de pœna remittitur, sed pœna vnus alteri computatur. Nec ob hūc indulgentiarum valorem currendum est per terras pro indulgentijs, melioribus bonis omisis: quoniam alia opera satisfactoria sunt amplius meritoria respectu præmij essentiæ, quod in infinitum præstantius est quàm temporalis pœnæ dimissio, siue in præsentī, siue in purgatorio: quia & in purgatorio existentibus prosunt indulgentiæ, eo quod Christus Petro dixit: Quæcunq; solueris super terram erūt soluta & in cælo, id est in foro diuino seu dei iudicio. Cum verò datur indulgentia indeterminate, vt qui impendit auxilium ad ecclesiæ fabricā, intelligendum est de tali auxilio, quod congruit danti secundū statū facultatemq; eius, & prout magis vel minus accēdit ad hoc, plus aut minus obtinet de indulgentijs, Vnde pauper vnum denarium præstans totam indulgentiam consequi potest, non autem diues quem non decet tam modicum dare ad opus tam fructuosum ac plūm. Item vicinus ecclesiæ & sacerdotes ac clerici, tantam consequuntur indulgentiam, vt illi qui à mille dietis adueniunt, sed illi qui plus laborant, magis merentur: quod tamen verum est dum indistincte indulgentia datur. Interdum enim distinguitur, vt dum papa transeuntibus mare dat septem annos, transeuntibus montes tres. Nec

putandum quod quicumq; infra tempus indulgentiæ vadit ad ecclesiam talem vsque ad tale tempus, habeat tantum de indulgentia: sed intelligitur semel dūtaxat: nisi vbi perennis indulgentia datur, vt in ecclesia sancti Petri quadraginta dierū. Tūc enim quotiēs aliquis vadit, totiēs indulgentiā promeretur.

3 ¶ Præterea pro temporalibus secundum se non fit indulgentia, ne spirituale pro tēporali videatur donari, sed prout ordinantur ad spiritualia: vt repressio inimicorum pacis ac fidei, constructio ecclesiarum ac pontium: nonnunquam indulgentia datur pro pure spirituali. Sicut papa Innocentius quartus dedit decē dies indulgentiarū oranti pro rege Franciæ. Quandoq; etiam datur eadem indulgentia crucem prædicantibus, quæ confertur recipientibus.

¶ *Quorum sit dare seu facere indulgentias. Articulus 143.*

**N**Vnc ergo ostensum est, quod indulgentiæ sunt ex cōmunibus bonis ecclesiæ per eū cui dispēratio thesauri huius cōmissa est. Hoc autē maxime conuenit papæ: episcopis verò secundū quod eis à summo pōtifice taxatum est atq; concessum, & nō amplius. Et quoniam indulgentias facere spectat ad clauem iurisdictionis, non ordinis, idcirco diaconi & legati seu electi, quanuis nō sint sacerdotes, indulgentiā facere possunt ex ordinatione domini Papæ. Et quia indulgentiam faciens non facit eam ex proprio merito, ideo tātum valent indulgentiæ per eum factæ, qui in mortali peccato est, sicut per illum qui est sanctissimus. Sacerdotibus verò parochialibus non conuenit indulgentiā facere, cū non sint principales prælati, nec toti Ecclesiæ præsidētes, sed quasi coadiutores sui Episcopi. Item ad indulgentiam requiritur non solum vnio recipientis ad eum qui meruit per charitatem, nam talis communis est omnibus gratiam dei habentibus: sed oportet, quod sit vnio per intentionem operantis seu promerentis ad eum, qui indulgentiam recipit virtute meritorum ipsius. Hæc verò continuatio atque vniūio fit per causam, pro qua indulgentia fit.

¶ *An semper tenetur confessor celare quæ sub confessionis sigillo audiuit. 2. An de licentia confitentis ea reuelare possit.*

3. *An si alias ea cognoscit reuelare potest. Artic. 144.*

**E**A porro quæ in sacramentis foris aguntur, sunt signa eorū quæ fiunt interius. Subiectio igitur illa, quæ peccator confessori foris se subijcit, signum est interioris subiectionis, quæ se deo anima subdit. Quemadmodum ergo deus peccata cōfessa tegit & quasi ignorat, quia indulget: sic debet confessor ea celare quasi nunquam fuissent. Et si aliquo modo reuelat, quasi sacramenti violator censendus est. Imo si adiuratus, iussusq; fuerit ea propalare, obedire non debet. Nec cogi potest, quia intentio præcipientis super eum ferri non potest, nisi secundū quod homo est. Non enim est superiori subiectus, nisi ut homo. Quæ autem in cōfessione audiuit, nō ut homo, sed ut dei vicarius nouit. Dato quoq; quod confitens nolit se emendare, non tamen potest peccata eius nudare, quia de iure diuino confessionem sequitur celatio culpæ. Sigillum autē confessionis directe concernit peccata, ad alia verō se indirec̃te extendit. Idcirco alia quæ in cōfessione dicuntur aut fiunt, videlicet ex quibus peccator aut eius peccatum depræhendi potest, summo studio sunt celanda: tum propter scandalum, tum propter prauitatem prauæ consuetudinis. Sed & ille qui nō est sacerdos, si secretum aliquod sub sigillo confessionis recipit, tenetur celare.

2 ¶ Deniq; confitens facere potest ut confessor ea quæ in confessione audiuit, sciat nō solum ut deus, sed etiā ut homo, quod facit dū eum licentiat ad reuelandum, ideo de licentia confitentis potest confessor reuelare peccata. Nihilominus propter scandalum vitandum cauere debet, ne reuelet.

3 ¶ Vnde elucescit, quod confessor ea reuelare potest quæ alias noscit quā in confessione, quāuis in confessione quoque ea audierit. Et hoc verum est, siue ante confessionem, siue post eam cognoscat huiusmodi. Quidam autem oppositū, dicūt quorum positio veritati atq; iustitiæ seruandæ repugnat.

¶ An unctio extrema sit sacramentum. 2. De unitate huius sacramenti. 3. De institutione ipsius.

Articulus

145.

**H**Orum præterea quæ ecclesia visibiliter agit, quædam sunt sacramentalia: illæ videlicet actiones, quæ ad principalem effectum, id est, curationem morbi spiritualis non attingunt, sed disponunt, ut exor-

cismus. Quidam verò sunt sacramenta, videlicet actiones quæ ad prædictum effectum pertingunt. De quo Esaiæ vigesimo-septimo dicitur: Hic est omnis fructus, vt tollatur peccatum. Vnctio autem extrema ad peccatorum remissionem operatur, ordinatur atq; pertingat, quemadmodum Iaco. 5. habetur. Et ideo sacramentum est. Et quoniam vnctio extrema immediate ad gloriæ ingressum disponit, idcirco non habuit in veteri lege figuram seu sacramentum sibi respondens. Nondū enim tunc aderat tempus introitus gloriæ.

2 ¶ Præterea vnum tripliciter dicitur. Primo quod nec actu nec potentia diuidi potest, vt punctus. Secundo, quod actu indiuisum est, sed diuidi potest, sicut cōtinuum. Tertio ipsum perfectum ex pluribus constans, quæ in aliquo vno coniunguntur, vt domus. Et hoc modo sacramentum dicitur vnum, quia in quolibet sacramēto sunt aliqua diuersa, quæ ad vnum significandum atq; causandum referuntur. Et dum vna actio sufficit ad perfectam hanc significationem, vnitas sacramenti in vna actione consistit: vt in confirmatione. Quandoq; verò signifikatio fieri potest tam per vnam quàm per plures actiones: sicut baptism⁹, qui fit vel vna vel trina immersione, tūcque vnitas sacramēti in vna vel pluribus actionibus constat. Interdum quoq; perfecta signifikatio exigit plures actiones, & tunc plures actiones sunt de perfectione sacramenti: vt in eucharistia, quæ per cibationem & potationem designatur. Et in sacramento pœnitentiæ sunt confessio, absolutio, satisfactio: similiter in hoc sacramento. Nam interiorum vulnerū curatio significari non valet nisi per applicationem medicinæ ad diuersas peccatorum radices. Et igitur plures actiones ad huius sacramenti pertinent perfectionem.

3 ¶ Deniq; aliqui dicunt, quod confirmatio & vnctio extrema quoniā plenitudinē gratiæ cōtinent, instituta nō sunt ante missionem spiritus sancti. Vnde secundum eos Christus per se non instituit ea, sed apostolis eorum institutionem commisit. Sed quoniam sacramenta ad fundamentū legis spectant, probabilius alij asserunt, quod ipsemet legislator Christus dominus ea instituit: quanuis apostoli ea promulgarunt. Quanuis etiam euangelistæ de confirmatione & vnctione extrema nil scribant, non sequitur quod Christus per seipsum non instituit ea. Multa enim fecit quæ scripta non sunt: & de istis non scripserunt, quoniam non sunt de necessitate salutis.

¶ An unctio extrema peccata dimittat. 2. An corporalem sanitatem efficiat. 3. An characterem imprimat.

Articulus 146.

**Q**Uodlibet verò sacramentum ad vnum principalem effectū ordinatur, qui per ea quæ sensibilibiter fiunt, significatur. Vnctio autem extrema per modū medicationis atque ablutionis impenditur. Vnde sicut baptismus est quædam spiritualis generatio, & pœnitentia spiritualis suscitatio: sic vnctio extrema est quædam spiritualis sanatio. Principalis igitur eius effectus est peccati infirmitatem curare, videlicet ineptitudinem ac debilitatem, quæ in nobis ex peccato actuali causantur & relinquuntur. Et ergo dicitur esse contra reliquias peccatorum. Sed quoniam confert & continet gratiam per cuius infusionem auferitur peccatum: idcirco secundarius eius effectus est tollere culpam, quæ per eam deletur, si adest, siue sit mortalis, siue venialis: nisi quis obicem ponat. Quidam verò affirmāt, quod vnctio extrema principaliter ordinatur contra venialia peccata: sed hoc non valet, quoniam pœnitentia sufficit contra omnia peccata. Vnde principalis effectus huius sacramenti est remissio peccatorum, quantum ad reliquias eorum, & ex consequenti, quantum ad culpam si inuenerit eam: & ideo Iacobus de remissione peccati conditionaliter loquitur dicens: Et si in peccatis est, dimittentur ei.

2. ¶ At verò vnctio extrema corporalem sanitatem inducit, non virtute naturali suæ materiæ, sed diuina virtute. Sed hæc sanitas est secundarius huius sacramenti effectus. Secundarius verò effectus non est introducendus, nisi prout expedit ad principalem effectum. Et ergo deus non semper inducit corporalem sanitatem in huius sacramenti exhibitione, sed tunc solum & semper dum ad spiritualem sanitatē proficuum est, nisi ex parte recipientis impedimentum consistat.

3. ¶ Amplius character in illis duntaxat sacramētis imprimitur, per quæ homo ad aliquid sacri agendū vel suscipiendum deputatur. Character enim facit distinctionē statuum, quantum ad ea quæ in ecclesia fiunt. Hæc autem extremæ vnctioni non cōpetunt. Datur enim in remedium cōtra infirmitatē prædictam. Quemadmodum verò in alijs sacramētis est aliquid quod est sacramētum tantum, aliquid quod est res & sa-

## D. DIONYSII CARTHUSIANI

cramentum, & aliquid quod est res tantum : ita in hoc sacramento ipsa exterior vnctio est sacramentum tantum. Res autem & sacramentum est ipsa interior mentis deuotio, quæ est spiritualis vnctio, gratia autem quæ confertur, est res tantum.

¶ *Quod oleum oliuæ sit huius sacramenti materia. 2*  
*An oporteat hoc oleum esse ab episcopo consecratum. Articulus 147.*

Spiritualis demum curatio quæ in fine adhibetur, esse debet perfecta cum sit vltima : & lenis, non merdax, quæ exeuntibus atque debilibus maximè est necessaria. Cum ergo oleum sit linitium ac pænetratium & diffusium, conuenit ad prædictas proprietates. Idcirco est conueniens huius sacramenti materia. Oleum quoque principaliter dicitur liquor oliuæ. Nam alij liquores propter similitudinem eius olei nomen recipiunt. Ideo oleum oliuæ est extremæ vnctionis apta necessariæque materia.

2 ¶ Denique sicut baptisumus consistit in ablutione: sic hoc sacramentum in vnctione, & materia eius est oleum sanctificatum, materiæ enim sacramentorû, quibus Christus vsus non est, sanctificatione egent. Sed illa quibus est vsus, ex suo vsu efficaciam habent: vt baptisumus. Hoc autem sacramento vsus non est, nec aliqua corporali vnctione. Propter quod in omni vnctione requiritur sanctificatio materiæ. Secunda causa sanctificationis olei extremæ vnctionis est propter plenitudinem gratiæ, quæ confertur in ea. Quæ non solum tollit culpâ, sed & reliquias eius. Tertia causa, quia corporalem sanitatem naturaliter inducere nequit. Et ergo per sanctificationem hanc efficaciam recipit. Præterea efficacia sacramentorum deriuatur à Christo, & per ministros eius dispensatur & vsui applicatur: sic tamen quod potestas inferioris ministri à superiori descendit. Vnde in omnibus sacramentis, quorum materia sanctificatione indiget, prima sanctificatio materiæ fit per episcopum, & vsus interdum per sacerdotem: ad ostendendum quod sacerdotalis potestas ab episcopali dependet.

¶ *De forma huius sacramenti.*  
*Articulus 148.*



**O**Mne igitur sacramentum, vt dictum est, significando operatur. Oportet enim materiam sacramenti determinari ad certum ac proprium effectum, per quē designat spiritualement sacramenti operationem. Sed talis significatio sine verbis fieri nequit. Et ergo in omni sacramento nouæ legis est aliqua forma verborum. Forma autem huius sacramenti per modum deprecationum profertur, cum dicitur: Per istam vñtionem & suam piissimam misericordiam indulgeat tibi deus, &cæt. Et hæc forma ab omnibus obseruanda est. Alia verò sunt de bene esse, nec obseruantur ab omnibus. Cùm nāq; hoc sacramētū suscipiēs viribus destituatur, congruit, vt pro eo deprecatio fiat. Et sic sacramētum extremæ vñtionis ei apponitur per modum deprecationis, quē admodum Iacobus docet. Secundo quoniam datur exeuntibus qui desinunt esse de foro ecclesiæ, & in manu dei requiescunt. Et ideo ei per modum orationis recommendantur. Itē quoniam hoc sacramentum non habet aliquem effectum qui semper operatione ministri producat, omnibus quæ ad ei⁹ essentiam pertinent, rite peractis: & ergo non potest habere formam verborum indicatiui modi. Prædicta verò forma aptissima est, tangit enim sacramentum, dum dicit: Per istam vñtionem: & eum qui effectum sacramenti inducit, dicendō Et suam piissimam misericordiam. Effectum quoque exprimit adiungens: Indulgeat.

¶ De ministro huius sacramenti 2. De eo cui confitendum est 3. Quæ parte sit dandum. Articulus 149.

**A**Gnoscendum quoque, quod secundum Dionysium, diaconi non habent nisi vim purgatiuam, sacerdotes verò habent vim illuminatiuam, episcopi perfectiuam. Quoniam igitur sacramenta nouæ legis gratiam continent atque impendunt, non competit eorum administratio diacono ex proprio officio. Non ergo diaconus esse debet huius sacramenti minister, sed sacerdos, non enim oportet, vt sit episcopus, nam illa sacramenta episcopis administranda reseruantur, quæ suscipientem in aliquo statu perfectionis super alios ponunt, vt ordo & cōfirmatio, sed hoc extremæ vñtionis non competit, quæ omnibus datur.

2 ¶ Præterea hoc sacramentum est spiritualis curatio, quæ

## D. DIONYSII CARTHUSIANI

per modum corporalis infirmitatis representatur: & ergo hoc sacramentum non est sanis sed ægris donandum. Rursus cum hoc sacramentū sit vltimum medicamen ecclesiæ, velut immedie disponens ad introitum gloriæ per hoc, quod reliquias peccatorum tollit: idcirco dādum est in tali infirmitate, quæ nata est mortem inferre, dūmq; de periculo formidatur.

¶ Adhuc autem quoniam hoc sacramentū per modum orationis impenditur, ideo ad percipiendum eius effectum plurimum valet deuotio suscipientis. Personale quoque meritum dantis atque commune meritum totius ecclesiæ. Vnde dandum nō est eis qui recognoscere nequeunt & cum deuotione recipere, & præsertim furiosis atq; amentibus. Possunt enim sacramento irreuerentiam exhibere: nisi haberent aliqua lucida interualla. Item pueris dandum non est, sicut nec eucharistia, nam ad vtriusq; receptionem requiritur actualis deuotio ac motus liberi arbitrij in recipiente.

3 ¶ Denique sicut corporalis medicina non toti corpori applicatur, sed parti in qua vulnus dominatur: sic vnctio extrema quæ est spiritualis medicina, non toti corpori apponitur, sed partibus illis in quibus est radix peccādi, scilicet sensibus qui sunt principia nostræ cognitionis: & in rebus, ad designandum vim appetitiuam, quæ imperat actum: atq; in pedibus, per quos designatur vis exequens motū. Mutilari aut vn-gendi sunt in partibus vicinioribus his locis prædictis: quāuis enim organa vel partes istas non habeant, habent tamen potentias animæ in radice, & interius peccare possunt.

¶ *An unctio extrema possit iterari. 2. An in eadem infirmitate valeat iterari.*      *Articulus 150.*

**A**mplius considerandum, quod sacramenta perpetuū effectum habentia iterari non debent. Ostendetur enim, quod non essent idonea ad producendum suum effectum, si iterarentur. Vnde sacramenta quæ characterem imprimunt, non iterantur: videlicet baptismus, confirmatio, ordo. Sanitas verò mentis & etiam corporis in homine, ad quam vnctio extrema ordinatur, amitti potest: & ergo hoc sacramentum iterari potest, quatenus ille effectus recuperetur: sicut pœnitentia, & eucharistiæ sumptio.

2 ¶ Porro morborum quidam non sunt diuturni & dum in

illis homo inungitur, non redit ad pristinū statum nisi omnino curetur, & si reciduum incurrit, alia erit infirmitas. In talibus ergo morbis eisdem manentibus vnctio nō iteratur, sed sunt rursus vngendi in reciduo. Aliæ verò sunt ægitudines diuturnæ, sicut hydropisis & Ethica, &c. & in talibus æger vngi non debet, nisi periculum mortis imminere putetur: & si illum articulū æger euadit ac denuo similem infirmitatis statum in eadem infirmitate incurrat, iterum est vngendus. Vnde in talibus infirmitatibus potest vnctio iterari eodem morbo durante, hoc nanq; sacramentum non tantum concernit infirmitatem, sed etiam infirmitatis statum.

¶ An ordo in ecclesia esse debeat. 2. Quid sit ordo. 3. An sit sacramentum. 4. De forma eius. 5. An habeat materiam. Articulus 151.

**D**eus autem benedictus & sapiens omnia ad suā similitudinem aliquo modo fecit, quatenus diuina perfectio in eis reluceret, & vt ex rebus cognosci posset creator. Vnde vt deus cognosceretur ex creaturis non solum secundū quod in seipso est, sed etiā secundum quod ipse alijs influit: ideo posuit diuersos ordines ī reb. creatis, videlicet vt vna regatur per aliā, & inferiora per superiora perficiantur, vt Dionysius docet. Propterea ergo voluit deus in ecclesia ordinē esse, vt quidā quasi cooperatores dei existerent: siq; diuinam perfectionem eminentius participarent. Ordines autem ecclesiæ non attēduntur secundū distinctionem gratiæ gratum facientis, sicut in angelis, qui sunt in statu gloriæ: sed secundum distinctionem potestatis: respiciūt enim participationem sacramentorum & cōmunicationem, quæ sunt causa gratiæ, & quodammodo eam præcedunt. Vnde de necessitate nostrorum ordinum non est gratia gratificans, sed potestas dispensandi sacramenta.

2 ¶ Insuper ordo sic diffinitur à magistro: Ordo est signaculum quoddam ecclesiæ, per quod spiritualis potestas traditur ordinato. Diffinit autem ordinem prout est sacramentū, & sumit signaculum non pro interiori charactere, sed pro eo quod exterius geritur: quod est interioris potestatis signū & causa, quāuis pro interiori charactere accipi potest. Nā diuisio ordinis in id quod est res tantū, quod est gratia in ordine

## D. DIONYSII CARTHUSIANI

data, & in id quod est res & sacramētum, quod est character interior, atque in id quod est sacramentum tantum quod est exterius signaculū, non est diuisio in partes integrales. Quod enim est res tantum, nō est de essentia sacramenti. Ipsum quoque exterius signaculum seu sacramentum trāsit, & ideo character interior est principaliter & essentialiter ipsum ordinis sacramentum. Veruntamen nomen ordinis dupliciter sumitur. Vno modo pro relatione, & sic est tam in superiori quā in inferiori. Secundo accipitur pro gradu, qui ordinem prædictum causat, & ita tunc sumitur.

3 ¶ Præterea sacramentum est sanctificatio cum signo sensibili exhibita hominī, cum ergo in susceptione ordinis consecratio hominī abhibeatur per visibilia signa, sequitur quod ordo sit sacramentum, & hoc sacramentum ad aliorum sacramentorum dispensationem ordinatur.

4 ¶ Sciendum quoque, quod hoc sacramentum cōsistit præcipue in potestate concessa. Potestas autem à potestate traditur, sicut simile à simili. Potestas etiam per vsum seu actum cognoscitur: idcirco in forma huius sacramenti exprimitur vñs ordinis per actū qui imperatur, & ita traditio potestatis p̄ imperatiuū modū, dū dicitur: Accipe, vel age, hoc vel illud.

5 ¶ Denique quoniā potestas imperfecta à potestate perfecta causatur, idcirco ordo sacerdotalis ab episcopali potestate quodāmodo deriuatur, & non tantum à deo. In alijs verò sacramentis id quod confertur, solū à deo, non à ministro efficitur. Propter quod sacramentum ordinis alio modo habet materiam quā alia sacramenta. Nam materia in hoc sacramento potius ad determinandū potestatem, quæ particulariter ordinato donatur ab illo, qui eā plene sortitur quā ad causandum potestatem, quæ traditur sicut porrectio calicis. Aliorum autem sacramentorum effectus causatur à materia, quæ virtutem diuinam ex sanctificatione continet atque significat sic quod virtus causatiua effectus sacramentalis est potius in materia verbo vitæ sanctificata, quā in ministro. Sed in sacramento ordinis huiusmodi virtus non residet in materia, quæ adiungitur, sed apud ministrum, qui spirituales suam potestatem traducit & confert. In hoc namque sacramento est quasi quædam communicatio vniuoca. Quoniam virtus collata ad eodē actus ordinatur qui competunt potestati ordinantis. Et quoniam materia huius sacramenti

virtutem sanctificandi non continet nec sanctificationem inducit, quemadmodum aliorum materia sacramentorum, idcirco non sanctificatur sicut aliorum materia. Non enim candelabrum seu claves sanctificantur, antequam porriguntur. Quidam etiam asserunt, quod tactus materie non sit de essentia huius sacramenti, sed ipsa porrectio. Sed huius oppositum videtur innuere forma sacramenti, qua dicitur: Accipe, &c.

- ¶ An in sacramento ordinis conferatur gratia gratum faciens .2. An character ordinis præsupponat characterem baptismalem. 3. An in sacramento ordinis imprimatur character .4. An character ordinis præsupponat etiam characterem confirmationis .5. An character unius ordinis præsupponat characterem alterius.      Articulus 152

**O**pera denique dei perfecta sunt, cuicumque ergo divinitus datur potestas, ei quoque donantur ea per quæ executio potestatis fieri potest. Sicut autem gratia gratum faciens necessaria est recipienti sacramenta, quatenus ea digne recipiat: sic & dispensanti gratia talis necessaria extat. Cum ergo in sacramento ordinis detur potestas dispensandi sacramenta, palam est quod gratia gratum faciens conferatur in hoc sacramento. Ordinatur enim ad utilitatem non unius sed totius populi, & contra ignorantiam non solum ordinati, sed omnium qui per ordinatos instrui habent. Vnde in hoc sacramento confertur excellens gratiæ munus nisi ob ex ponatur.

2 ¶ Denique nemo recipere potest id cuius capax non est, cum ergo secundum præostensa per receptionem baptismalis characteris fiat homo aliorum sacramentorum susceptivus, oportet quod character ordinis characterem baptismi supponat. Vnde qui baptisatus non est ordinari non potest nec sacerdos fieri, & si ordinaretur, nihil conficeret. Immo si episcopus fieret, alios ordinare non posset, quâvis pie credi possit quod summus sacerdos dominus noster Iesus Christus quantum ad ultimos sacramentorum effectus defectum suppleret, nec permetteret hoc ita iacere quod ecclesiæ periculum immineret.

3 ¶ Porro in omnibus ordinibus ecclesiæ character imprimitur, quia quemlibet ordinem constituitur quis in aliquo gradu potestatis supra plebem ad sacramentorum dispensatio-

nem ordinatæ. Cum ergo character sit signū distinctiū ab alijs & spiritualis potestas: sequitur q̄ in quolibet ordīe imprimatur character. Aliqui verò dixerunt, quod solum in ordine sacerdotali character imprimitur. Alij autem, quod solum in sacris ordinibus, & non in minoribus. Sed vtrāq; positio stare non potest. Cuius signum est, quod omnes ordines perpetuo manent & nunquam reiterantur. Nam si ad laicatum quis redeat characterem non amittit. Quod patet ex hoc, quia si reuertatur ad clericatum, non denuo ordinatur linitium.

4 ¶ Insuper ordo confirmationis non de necessitate exigitur ante characterem ordinis, sed de cōgruitate: omnis enim perfectio necessaria satis videtur ad idoneam executionem ordinis sacramentalis. Et ideo gratia & potestas quæ in confirmatione cōferuntur, cōgruenter debent inesse ordinādo.

5 ¶ Amplius non est de necessitate, vt inferiores ordines recipiantur ab homine, antequam ad superiores ordines promoueat. Ordines enim distincti sunt, nec vnus de sui ratione præexigit alium in eodem subiecto. Vnde in primitiua ecclesia aliqui ordinabantur presbyteri, qui inferiores ordines necdū receperāt: & nihilominus poterāt omnia quæ inferiores ordines possunt. Virtus nāq; inferioris in superiori includitur, sicut ducatus in regno. Postmodū verò ecclesia statuit, ne quis ad maiores se ordines ingerat, qui prius in inferioribus ordinibus non se humiliavit. Vnde secundum Canones non reordinantur, qui per saltum ordinantur, sed quod omissum de præcedentibus ordinibus eis confertur.

¶ *Vtrum ad receptionem ordinis exigatur bonitas uitæ .2. An scientia totius scripturæ .3. An aliquis ex merito uitæ sit sacerdos. 4. An promouens indignos peccet. 5. An in peccato existens, potest sine peccato uti ordine suo.* Articulus 153.

Q Vēadmodū tert. Ecclesiasticæ Hierarchiæ cap. Dionysius ait, non est audendum aut præsumendum alicui, vt fiat vel sit dux aliorum in spiritualibus maxime, nisi secundum omnem habitum perfectionis sit deiformissimus, id est, Deo similis. Per ordinem verò fit homo dux aliorum in his, quæ ordinem illum concernunt. Et ergo sanctitas vitæ requiritur ad ordinis suceptionem nō

de necessitate sacramenti, quia mali vere ordinantur: sed de necessitate præcepti. Cum enim ordinati inter Deum & plebem medij collocentur, debent omnino bona conscientia nitere coram Deo, & bona fama coram populo.

2 ¶ Porro actio hominis per rationem dirigitur, ut sit ordinata & bona. Recipienti itaque ordinem tanta scientia necessaria est, quanta exigitur ad digne prosequendum actum ordinis talis. Non autem oportet quod totam scripturam cognoscat, sed in quantum suo ordini congruit. Nam qui alijs præficiuntur & curam animarum habent, ea scire debent quæ ad doctrinam morum ac fidei pertinent. Sacerdotibus verò qui curam animarum non habent, sufficit scire ea quæ ad sacramentum perficiendum respiciunt. Episcopi verò etiam difficiliore ac profundiores quæstiones legis seu fidei Christianæ cognoscere debent. Nam in talibus prælati inferiores ad eos recurrere habent: & quanto est gradus sublimior, tanto amplius necessaria est scientia.

3 ¶ Sciendum verò, quod nullus merito suæ vitæ sacerdos efficitur, quasi potestatem consecrandi sortitus: sed solum secundum nominis interpretationem, ut dicatur homo sanctus sacerdos, id est, sacra dans. Et sic intelligendum est verbum Chrysostomi. Nō omnis (inquit) sacerdos sanctus, sed omnis sanctus sacerdos.

4 ¶ Præterea Christo testante: Fidelis servus & prudens, quæ constituit dominus super familiam suā. Idcirco præponitur alijs, ut det illis tritici mensuram. Vnde dispensator sacramentorum, qui indignum ad ordinem promouet vel ordinat, mortaliter peccat, quasi res domini sui indignis distribuens. ex quo infidelis domino atque imprudens efficitur. Et talis promotio in detrimentum ecclesiæ dei quæ nominis iniuriam vergit. Melius nanq; esset habere paucos ministros bonos, quàm multos malos, ut Clemens Papa testatur. Et si indigni repellerentur, tunc proculdubio ex diuina ordinatione digni sufficienter inuenirentur. Debet autem Episcopus inquisitionem facere de qualitate ordinandorum, ut sciat dignitatem vel insufficientiam eorum.

4 ¶ Adhuc autem ea quæ iusta & bona sunt, iuste & bene exequenda sunt atque tractanda, quicumque verò in mortali peccato existens aliquod sacrum officium aut sacramentum pertractat iniuste & male hoc agit, & contra legis præceptum



## D. DIONYSII CARTHUSIANI

facit atque mortaliter peccat. Imo quotienscunque hoc facit aut res sacras contingit, quasi suo officio utens, mortaliter peccat. Nam secundum Dionysium primo, Ecclesiasticae Hierarchiae capitulo: Immundis nec symbola, id est, sacramentalia signa, tangere fas est.

¶ De pluralitate ordinum. 2. De numero eorum. 3. De distinctione ipsorum in sacros, & non sacros. Articulus 154.

**S**unt demum plures ordines in ecclesia. Primo ad commendandam ac representandam sapientiam Dei, quæ in ordine rerum potissime lucet. Unde regina Saba videns ordinem ministrorum Salomonis, non habuit spiritum, deficiens præ admiratione sapientiae eius. Secundo ad subueniendum humanae infirmitati, omnia enim sacramenta per vnum administrari non possunt. Tertiò, ut ex pluralitate ministrorum cultus diuini detur populo maius ac plenius perficiendi exemplum. Diuisio verò ordinis in sua particularia non est totius integralis, vel generis, sed totius potestatiuæ in suas partes potentiales. Natura enim totius potestatiuæ est, ut totum secundum completam rationem sit in vno & in alijs secundum aliquam participationem. Sic enim est hic, quoniã tota plenitudo sacramenti ordinis est in vno, scilicet in sacerdotio secundum perfectam rationem, in alijs verò secundum aliqualem participationem.

2. ¶ Denique sacramentum ordinis ad sacramentum eucharistiae ordinatur, & ergo distinctio ordinum sumitur secundum relationem ad eucharistiae sacramentum. Vel enim potestas ordinis est consecratiua eucharistiae, vel est ad aliquod ministerium ordinata ad consecrationem. Si primum, sic est ordo sacerdotum, qui in sua ordinatione calicem cum vino atque patenam cum pane recipiunt. Si secundum, tunc cooperatio ministrorum est vel ad ipsum sacramentum, vel ad ipsos recipientes. Si primum: hoc tripliciter accidit. Primum namque ministerium est, quod sacerdoti minister exhibet in sacramento, quo ad dispensationem sacramenti. Et hoc ad diaconum pertinet, eius enim est ministrare sacerdoti in omnibus quæ in Christi sacramentis aguntur. Nam & diaconi sanguinem dispensant. Secundo est ministerium, quod ad materiam sacramenti ordinandam in sacris vasibus ordinatur. Quod ad

subdiaconum spectat, cuius est oblationem in altari ponere, & vasa corporis sanguinisque portare. Et ergo in sua ordinatione accipit calicem de manu Episcopi, vacuum tamen. Tertio est ministerium ordinatum ad præsentandum materiam sacramenti: quod acolytum respicit, cuius est vrceolum cum vino & aqua parare: Propter quod vrceolum vacuum recipit. Ministerium verò ordinatum ad præparationem recipientium non est nisi super immundos, quoniam mundi iam parati sunt atque idonei ad sacramenta sumenda. Immundorū autem secundum Dionysium triplex est genus: Quidam enim sunt omnino infideles credere nolentes. Et hi à visione sacramentorum ac cœtu fidelium pœnitentia sunt arcendi: & hoc ad ostrarios pertinet. Quidam autem sunt qui credere volunt, sed nondum in fide imbuti stabilitique sunt, ut catechumeni. Et ad horum instructionem ordinatur ordo lectorum. Unde prima fidei rudimenta, videlicet vetus testamentum, eis legendum committitur. Quidam demum sunt fideles atque instructi, sed impedimentum habent ex potestate diaboli, ut energumeni. Et super hos ministerium habet ordo exorcistarum. Septem ergo sunt ordines. In primitiua vero Ecclesia inferiorum omnium ordinum ministeria committebantur diaconis, propter paucitatem ministrorum Ecclesiæ.

¶ Præterea ordo dicitur sacer dupliciter. Primo secundum se, & sic quilibet ordo dicitur sacer, cum sit sacramentū. Secundo ratione materiæ, circa quā operatur. Et sic sunt tres ordines sacri, videlicet sacerdos atque diaconus, qui actum habent circa corpus Christi, vel sanguinem consecratum: & subdiaconus, qui circa vasa consecrata actū habet. Propter quod cōtinētia ei indicitur quatenus sacra mūdus cōtingit & traher

¶ De actibus ordinum. 2. Quando character sacerdotis talis imprimitur. Articulus 155.

**Q**uia igitur consecratio, quæ in sacramento ordinis fit, ad eucharistiam ordinatur: idcirco ille est cuiuslibet ordinis dignior actus, per quem ad Eucharistiæ sacramentum magis propinquat. Potest tamē ordo habere alios plures actus secundarios ac minus principales: & ita ad sacramenti Eucharistiæ perceptionem disponit sacerdos absolviendo tanquā proximam præparationē indu-

## D. DIONYSII CARTHUSIANI

cens. Inferiores verò ministri præparant suscipientes, remota dispositionem agendo. Acolytus quoque actum habet super vrceolum, non super contenta in eo. Nam subdiaconi est. aquam & vinum in calice ponere. Ordo autem acolyti est subdiacono magis propinquus, quam cæteri ordines inferiores.

2 ¶ Denique eiusdem est formam inducere, & materiam de proximo ad formam disponere. Episcopus autem in collatione ordinum duo facit. Nam præparat, & potestatem confert. Præparat, autem instruendo ordinandos de proprio officio. Quæ præparatio in tribus consistit, videlicet in benedictione, qua diuinis mancipantur. In manus impositione, per quam plenitudo gratiæ datur: ut sint ad magna officia digni. Et ideo non nisi sacerdotibus atque diaconis manus imponitur, quoniam officium habent in dispensatione sacramentorum, sacerdos ex proprio officio, diaconus tanquam minister. Et tertio in vñctione quæ solis sacerdotibus fit, qui propria manu corpus domini tangunt: quemadmodum & calix iniungitur: quoniam continet sanguinem, & patena quæ continet corpus. Sed potestatis collatio fit per hoc, quod datur eis aliquid ad proprium eorum pertinens actum. Cum itaque principalis actio sacerdotis sit consecrare corpus Christi & sanguinem: idcirco in datione calicis sub forma verborum determinata sacerdotalis character imprimitur. Potestas autem diaconi media est inter potestatem sacerdotis, & subdiaconi. Nā sacerdos potestatem sortitur directè super corpus Christi. Subdiaconus verò super vasa duntaxat. Sed diaconus super corpus in vase contentum. Eius namque non est tangere corpus Christi, sed illud in patenā portare, & sanguinem dispensare cum calice. Propter quod potestas eius ad actum principalem exprimi nequit, nec per dationem vasis seu calicis, sicut fit in subdiacono. Nec per dationem materiæ, sed exprimitur potestas eius quātum ad secundarium actū per hoc, quod datur ei liber euangeliorum: & in hac potestate intelligitur alia quæ est ad principalem actum, & ideo in ipsa libri datione imprimitur eius character. Acolyto quoque imprimitur character in datione vrceoli. Veruntamen nomen acolyti portationem cerei signat, & sic à ministerio, quod habet circa candelabrum, nomen accepit: non quod ille actus sit principalior, sed notior.

¶ De corona & rasura ordinatorum 2. An corona sit sacramentum 3. An per eam resignetur temporalibus. Art. 156.

**B**ene præterea competit his qui ad diuinū cultum applicantur, rasura atque tonsura per modum coronæ. Est enim corona signum perfectionis ac regni, cum sit circularis figuræ. Qui autem ad dei cultum applicantur, regiam dignitatem consequuntur, & virtutum perfectionem habere tenentur. Conuenit quoque eis rasura in parte superiori, ne mens eorum à contemplatione diuinorum retardetur: & tonsura in parte inferiori, ne sensus eorum temporalibus inuoluantur. Vnde in veteri testamento Nazaræ comam radebant omnino, in signum contemptus temporalium rerum. Similiter modo conuersi tonduntur, in signum quod temporalia spernunt. Non autem raduntur, quoniam non occupantur diuinis ministeriis, in quibus contèplando figantur.

2 ¶ Corona autem clericorum sacramentum non est, non enim per eam deputatur homo ad speciale officium, sicut per ordines: sed ad quædam communia, quæ à toto ministrorum collegio fieri possunt, vt dicere laudes diuinas. Et ergo corona est quoddam præambulum ad ordinem.

3 ¶ Porro clerici recipiendo coronam non renunciant patrimonio cæterisque temporalibus rebus: sed immoderatæ earum sollicitudini, atq; inordinato affectui. Non enim temporalis possessio: sed affectus in crimine est, nec temporalia contrariantur cultui dei, ad quem clerici deputantur, sed nimia cura & amor. Episcopus verò tenetur sustentare clericos ad sacros ordines promotos, si egeant, aliàs non tenetur.

¶ An super sacerdotalem ordinem debeat esse episcopalis potestas 2. An episcopatus sit ordo 3. An aliquis sit superior episcopo. Articulus 157.

**H**abet autem sacerdos duos actus, Vnum principale super corpus Christi verum, qui est cōficere. Alium secundarium super corpus Christi mysticum, scilicet absoluendo atque ligando, & ad sacramenta populum præparando. Quantum autem ad primum actum, potestas sacerdotis non depēdet nisi à potestate diuina: sed quantum ad actum secundum, qui exigit iurisdictionem sacerdotis

super populum cui prædictos actus impendere debet. Et quo ad hunc actum requirit sacerdotalis potestas episcopalem potestatem superiorem, per quam aliis præficiatur.

2 ¶ Denique episcopatus non est ordo, prout ordo dicitur sacramentum ad Eucharistiā ordinatum. Nam respectu sacramenti eucharistiæ non habet episcopus maiorem potestatem, quam sacerdos. Alio modo ordo dicitur officium respectu aliquarum actionum sanctarum. Et sic episcopatus est ordo, quia episcopus actionem hierarchicam habet super corpus Christi mysticum, id est, ecclesiam altiore quam sacerdos. Et hoc modo Dionysius in libro de Ecclesiastica Hierarchia ponit tres ordines, videlicet diaconatum, cuius est purgare & illuminare: & episcopatum, cui competunt purgare illuminare, atque perficere: sub diaconatu verò comprehenduntur ordines inferiores.

3 ¶ At verò in virtutibus & actibus est ordo secundum ordinem finium, ut dicitur primo Ethicorum. Cum ergo in ecclesia dei sint multa particularia regimina, oportet omnia hæc vni vniuersali regimini subdi, quatenus diuersa in vno communicent & concurrant, sicque omnia ad eundem finem perueniant. Vnde super omnes Episcopos esse oportet vnum summum pontificem. Et hic est papa, cuius potestatem negantes merito dicuntur schismatici, id est, vnitatis diuisores ac violatores. Tota enim ecclesia vnum corpus esse non posset, nisi vnum caput haberet. Qui ergo hoc caput negat, vita caret, quæ admodum corpus truncatum.

¶ De uestibus sacris ministrorum Ecclesiæ. Articulus 158.

**A**t tendendum est quoque, quod vestes sacræ ministrorum Ecclesiæ designant idoneitates, quæ in ministris esse debent, ad tractandum diuina. Et ideo quædam vestes communes sunt omnibus. Aliquæ verò solis superioribus congruunt. Omnibus itaque comperit amictus humeros regens, ad designandum fortitudinem, quæ in ipsis esse debet ad exequenda diuina. Similiter alba, quæ vitæ puritatem significat. Gingulum quoque, quod carnis reprehensionem figurat. Subdiaconus verò ultra hæc habet manipulum, qui est velut quoddam sudarium in sinistra: ad insinuandum deterisionem minimarum culparum. Habet & tunicam strictā

quæ doctrinam Christi designat. Subdiaconi enim primo admittuntur ad doctrinam nouæ legis annuntiandam. Sed diaconus habet stolam in humero sinistro, in signum quod applicatur ad ministerium in ipsis sacramentis. Habet quoque dalmaticam, quæ est vestis larga: & ita vocatur quoniâ vsus eius in Dalmatia cœpit: ad ostendendum, quod ipse primo sacramentorum ponitur dispensator, nam & sanguinem dispensat, dispensatori verò largitas conuenit.

¶ Porro sacerdoti stola in utroque humero ponitur: ad demonstrandum, quod ei plena insit potestas dispensandi sacramenta. Habet & casulam, quæ charitatem significat. Nam ipse charitatis conficit sacramentum. Episcopis quoque adduntur nouem ornamenta supra sacerdotes, videlicet caligæ, sandalia, succinctorium, tunica, dalmatica, mitra, chirotheca, anulus, & baculus, quoniam nouem possunt, quæ sacerdotes non possunt, ut pote clericos ordinare, virgines benedicere, basilicas dedicare, clericos disponere, modos celebrare, chrisma conficere, vestes & vasa consecrare. Vel per caligas gressuum rectitudo exprimitur. Per sandalia, quæ pedes tangunt, terrenorum contemptus. Per succinctorium quo stola ligatur cum alba, amor honestatis. Per tunicam perseuerantia, per dalmaticam largitas in operibus misericordiæ. Per chirothecas cautela in opere. Per mitram, quæ duo cornua habet, vtriusque testamenti cognitio. Per baculum cura pastoralis qua debet colligere vagos, quod curuitas baculi repræsentat: sustentare infirmos, quod stipes baculi monstrat: & pungere lentos, quod stimulus in pede baculi innuit. Per anulum sacramenta fidei designantur, qua Christo disponatur ecclesia. Archiepiscopis verò superadditur pallium, in signum priuilegiatæ potestatis. Pallium namque significat auream torquem, quam solebant legitime certantes accipere. Vtitur autem episcopus vestibis ministrorum potius quàm sacerdos, quoniam actus, vel potestas ministrorum in ipso est, sicut in origine. Erant quoque in veteri testamento quædam ornamenta quibus in noua lege quædam correspondent atque succedunt. Nam loco superhumeralis vtitur sacerdos stola, quæ idem designat. Pallio quoque vtitur loco rationalis. Item pro lamina aurea portat noster pontifex crucem, ut Innocentius dicit. Pro sceminalibus verò habet sandalia. Pro linea albam. Pro balthæo cingulum. Pro podore tunicam. Pro ephor amicum,

Pro cidari mitram. Aduertendum autem, quod Pontifex Romanus non vtitur baculo, quoniam Petrus misit illum ad suscitandum quendam suum discipulum defunctum, qui postea factus est Episcopus Treuerensis. Propter quod in diocœli Treuerensi Papa baculum portat, non alibi.

¶ An ordines conferre sit episcoporum duntaxat 2. An hæretici & præcisi ordines conferant 3. An mulier ordinem suscipere valeat 4. An pueri & usurationis carentes ordinem queant recipere. Articulus 159.

**E** piscopalis demum potestas ad inferiores ordines se habet, quemadmodum ars superior ad inferiorem. Vnde sicut superior ars inferiori præfigit atque ostendit quid agere debeat & qualiter: sic episcopi est ordines inferiores conferre, & in omnibus diuinis ministeriis aliquos collocare. Ipse nanq; virgines benedicit, quæ typum gerunt ecclesiæ Christo desponsatæ, cuius cura ei præsertim committitur. Vnde & vasa atq; altaria, vestes & templa consecrat, & ipse solus ordines confert. Archidiaconus verò est ministerij princeps. Veruntamen papa, qui plenitudinem potestatis sortitur, ea quæ episcopalem sacerdotem concernunt, simplici sacerdoti committere potest: dummodo illa non habeant immediatam habitudinem ad verum Christi corpus. Idcirco ex commissione papæ simplex sacerdos minores ordines conferre potest & consecrare: non autem ordines maiores, quoniam immediatam relationem habent ad verum Christi corpus, super quod maiorem potestatem non habet, quàm simplex sacerdos.

2 ¶ Porro episcopi degradati, præcisi, excommunicati, siue hæretici potestatem episcopalem non amittunt, non enim de nouo consecrantur, dum reconciliantur. Et iterum quia omnis potestas, quæ cum aliqua consecratione donatur, semper manet, re ipsa durante. Nam altare seu vestis semel consecrata, non iterum consecratur, nisi prius destruat, Idcirco tales episcopi vera sacramenta conferunt: non autem dant gratiam non propter inefficaciam sacramentorum, sed propter peccata recipientium. Vnde hæreticus absolueret, vel ligare non potest, quoniam absolutio non fit nisi per gratiam: & etiam, quia iurisdictionem amisit. Ordinati quoque à prædictis in ordinibus suis licite ministrare non possunt.



3 ¶ Præterea sacramentum cum sit signum, conferri nō potest nisi habenti correspondentiam ad significationem sacramenti, Idcirco sicut in extrema vnctione requiritur, vt sit infirmus: sic de necessitate sacramenti ordinis est, vt qui ordinatur, sit vir. Ordo enim gradus eminentiam signat, & in statu super alios ponit. Mulier autem naturaliter subiecta est viro. Quauis igitur omni circa eam fiant quæ in sacramento ordinis fiunt, ordinem tamen non recipit. In Decretis tamen fit mentio de diaconissa atque presbytera. Sed diaconissa ibi vocatur, quæ actum diaconi participat, scilicet quæ hominiam legit. Presbyteræ verò vidua dicitur. Nam presbyter est idem quod senior. De abbatissis verò fertur, quod habent potestatem non ordinariam sed ex commissione, propter periculum cohabitationis virorum cum foeminis.

4 ¶ Denique sacramenta quæ actum recipientis requirunt, quemadmodum pœnitentia & matrimonium pueris conferri non possunt, nec eis qui vsu rationis priuantur. Non enim actum possunt habere ratione ligata. Sed quoniam potestates infusæ actum præcedunt. Ideo sacramenta illa in quibus potestas diuinitus datur, nec actus susipientis de necessitate exigitur, pueris & vsu rationis carentibus possunt conferri. Veruntamen ordines minores ante tempus discretionis dari non debent, propter honestatem sacramenti, non propter necessitatem præcepti. Imo pueri de quibus est spes profectus futuri, ante tempus discretionis licite ordinantur: Sed ordines maiores propter votum castitatis annexum ante tempus discretionis conferendi non sunt de necessitate præcepti, & quoniam sacra committuntur eis tractanda. Aliqui tamē affirmant, nullū ordinem posse ante tempus discretionis conferri. Sed dictum eorū nec ratione nec auctoritate fulcitur.

¶ An seruitus. 2. An homicidium. 3. An illegitima natiuitas. 4. An defectus membrorum, impediunt a susceptione ordinis. Articulus 160.

**N**emo denique dare potest alteri quod suum nō est. Seruus autem est non sui ipsius, sed domini. Per ordinis verò susceptionem mancipatur homo diuinis officijs. Seruus ergo ordinari non potest. Si verò ordinatur, ordinem recipit, quia libertas nō est de necessitate

## D. DIONYSII CARTHUSIANI

sacramenti, sed præcepti, quæ impedit actum non potestatem. Et similis ratio est de omnibus, qui aliis obligantur ut rationibus detenti. Ordinatus autem seruus domino suo sciente nec reclamante, ex hoc ipso ingenuus fit. Si verò dominus nesciat, tunc episcopus & illi qui seruum præsentant, tenentur domino in duplo quàm sit præcium serui, si scierant eum esse seruum. Aliàs seruus si habet peculium, tenetur seipsum redimere. Alioquin redigetur in seruitutem domini sui, non obstante quod ordinem exequi nequit.

2 ¶ Amplius oēs ordines ad Eucharistiã referuntur, q̄ est sacramentũ pacis, per Christi sanguinis effusionẽ factã. Huic autẽ paci homicidiũ maximẽ contrariatur. Vnde ordinandũ nõ esse homicidã, est de necessitate præcepti non sacramenti: si cut de seruo præhabitiũ est. Vnde & iudex & oēs qui in causã sanguinis ei participant, sunt irregulares. Irregularitas enim incurritur non solũ propter culpã: sed principaliter propter ineptitudinẽ personæ ad sacramentũ. Sanguinis autẽ effusio non decet tanti sacramenti ministros. Qui tamen per ignorantiam, q̄ omnino excusat hominẽ occidit, non efficitur irregularis. Imo nec homicida censendus est. Nullus enim facit, nisi illud, cuius causa est, quod est voluntarium in homine.

3 ¶ At verò ad ordinatos requiritur de necessitate præcepti claritatis quædã morum ac famæ, eo quod in dignitate constituatur aliisque præficiantur. Cum ergo vitiosa origo claritatẽ hominis obscuret, non sunt illegitime nati sine dispensatione ordinandi. Et quanto fuerit origo vitiosior, tanta dispensatio debet esse difficilior.

4 ¶ Ob eandem quoque causam, notabilis defectus in membris, ut nasi abscissio, susceptionem ordinis impedit de necessitate præcepti. Obscurat enim claritatem personæ.

¶ *Vtrum matrimonium sit naturale 2. An sit in præcepto*

3. *An actus eius sit semper peccatum 4. An possit esse meritorius. Articulus. 161.*

**D**icitur verò aliquid naturale dupliciter. Vno modo, sicut ex principiis naturæ de necessitate causatũ: ut ferri deorsũ, naturale est terræ. Et sic nec matrimonium, nec aliquid quod per liberũ arbitriũ cõpletur, naturale consistit. Secundo dicitur naturale, ad quod natura

inclinat, sed per liberum completur arbitrium. Et sic virtutes naturales dicuntur, & etiam matrimonium, tam propter principalem suum finem, qui est perfectio prolis, in eius informatione & educatione consistens. Tria enim habet proles à parentibus secundum Philosophũ, scilicet esse, alimentũ, & disciplinam. Non autem posset sic educari ac instrui, nisi parentes ad mutuã coniunctionẽ obligarentur. Quod fit per matrimonium, tam propter secundarium matrimonij finem, qui est mutuũ obsequium in rebus domesticis, quod coniuges mutuo sibi impendunt. Tali enim mutuo adminiculo vita humana naturaliter eget, quoniam quædam congruunt viro, quædam fœminæ. Vnde secundum Philosophum, homo naturalius est animal coniugale, quã politicum seu civile. Idcirco associatio viri & fœminæ per matrimonium dicitur naturalis.

2 ¶ Denique natura inclinatur ad aliquid dupliciter. Primo sicut ad id quod ad vnius seu singulorum pertinet perfectionem, vt est proximo benefacere, & ad talia omnes tenentur. Secundo sicut ad id quod ad multitudinem spectat, & ad talia omnes tenentur, aliàs omnes tenerentur ad agriculturam, vel domificationem. Vnde in talibus naturale est diuersa fieri à diuersis. Vita autem humana indiget quibusdam contemplatiuæ vitæ vacantibus, quæ per matrimonium maximè impeditur. Et ideo matrimonium non est de necessitate præcepti. Quod & philosophi testantur. Nam Theophrastus probat, quod sapienti non expedit nubere.

3 ¶ Denique cum matrimonium ordinetur ad conseruationem corporalis naturæ, sitque naturaliter inditum, hæreticũ est, si quis asserat omnem eius actum necessario esse culpabilem. Præsertim cum dicat Apostolus: Virgo non peccat, si nubat. Et denuo: Volo, inquit, iuenculas nubere, filios procreare. Quauis enim actus matrimonialis impediatur vnionem mentis cum deo actualem, nõ tamen habitualem, quæ est per charitatem & gratiam. Nec oportet esse peccatum omne illud quod actualem vnionem hanc impedit: quandoque enim occupatio licita circa res inferiores animum distrahit. Turpitudine quoque quæ actum matrimonialem consequitur, scilicet inobedientia inferiorum virium, membrorumque corporis, nõ est turpitudine culpæ, sed pœnæ ex originali peccato secutæ.

4 ¶ Insuper nullus actus ex deliberata voluntate procedens est indifferens. Vnde actus matrimonialis semper est meri-

torius, vel cupabilis in eo, qui gratiam habet. Est autem meritorius, dum ex iustitia exhibetur, videlicet vt coniunx coniugi debitum reddat, vel virtus religionis ad ipsum inducit, quatenus scilicet proles ad dei cultum procreetur. Si verò mouet libido intra bona matrimonij sistens, vt scilicet nullo modo ad aliam accedere vellet, est peccatum veniale. Sed si effertur libido extra bona matrimonij, ita quod etiam ad aliam accedere proponeret, est peccatū mortale. Quod autem Chrysostomus dicit super Matthæum, hunc actum nō habere mercedem, potest intellegi de præmio actuali, quo actus matrimonij caret, quia difficultatem non habet.

**¶** An matrimonium sit sacramentum 2. De institutione eius 3. An conferat gratiam 4. An carnalis coniunctio sit de integritate ipsius. Art. 162.

**S**acramentum insuper aliud non est nisi quoddam sanitatis remedium contra peccatum homini datū sub sensibilibus signis. Hoc autem matrimonio competit. Verba verò quibus consensus matrimonialis exprimitur, sunt forma huius sacramenti; non autem benedictio sacerdotis, quæ est quoddam sacramentale. Et sicut pœnitentia nō habet aliam materiam, nisi actus pœnitentis sensibiles, ita nec matrimonium. Sed perficitur vtrumq; sacramētum per actus eius qui sacramento illo vtitur. In sacramento quoq; matrimonij res illæ quæ foris apparent, sunt sacramentum tantum. Interior verò obligatio inde nascens vnius ad aliam, est res & sacramentum: sed res tantum est effectus sacramenti.

**2** **¶** Deniq; matrimonium prout ad procreationem prolis ordinatur, institutum fuit ante peccatum. Sed prout est remedium contra concupiscentiam, quæ est vulnus peccati institutum est post peccatum tempore legis naturæ. Quantum verò ad determinationem personarum, institutum est in lege Moysi. Secundum autem quod repræsentat coniunctionem Christi atq; ecclesiæ, institutionem habuit in noua lege: & sic est sacramentum nouæ legis post Christi aduentum institutum. Sed quo ad alias vtilitates ex ipso provenientes, vt sunt amicitia, mutuumq; obsequium coniugum, institutum est in lege ciuili. Primo modo est officium naturæ. Vltimo autem modo est ciuilitatis officium, sed secundum medias acceptiones est sacra

metū: de ratione enim sacramēti est, q̄ sit signū atq; remediū.

3 ¶ At verò in matrimonio cum sacramentum nouæ legis, datur gratia ad exercenda opera illa, quæ in matrimonio requiruntur. Quodcumq; enim diuinitus datur aliqua potestas ad agendum, datur etiam auxilium bene vtendi illa potestate, sicut de sacramento ordinis tactum est. Et hæc gratia est vltima res contenta in hoc sacramēto, quæ datur in quantum matrimonium in fide Christi contrahitur. Vnio verò Christi ad ecclesiam non est res contenta in isto sacramento, sed significata duntaxat. Quidam autem dixerunt, quod matrimonium non conferat gratiam, maximè ad bene agendum. Sed melius dicitur, sicut prædictum est. Nam actus exteriores & verba consensum exprimentia directè faciunt nexum quendam cōiugum, qui est sacramētū matrimonij: & nexus iste ex virtute diuinæ institutionis dispositiue operatur ad grātiā.

4 ¶ Amplius integritas duplex est. Vna quæ attenditur secundum primam rei perfectionem, id est, secundum esse ipsius. Et sic carnalis commixtio non est de integritate matrimonij. Nā & in paradiso matrimoniū fuit, non tamē carnalis cōmixtio. Alia verò integritas rei attenditur secundū perfectionem eius secundam, id est, secundum operationē. Et sic cum copula carnalis sit vsus matrimonij, pertinet ad eius integritatem.

¶ Quid sit matrimonium 2. An consensus sit causa eius efficiens

3. An oporteat consensum exprimi uerbis 4. An consensus expressus per uerba de futuro matrimonium faciat

5. An consensus per uerba faciat matrimonium, dum deest intentio. Ar. 163.

**M**atrimonium deniq; est quædā coniunctio atq; relatio, qua maritus & cōiunx ita vocantur. Nam per matrimoniū ordinantur ad vnā curam rei domesticæ, & generationē educationēq; proles. Tria autē in matrimonio considerantur, videlicet ipsa essentia matrimonij, quæ est coniunctio: & sic matrimoniū vocatur cōiugium. Secundo causa eius, quæ est dispensario: & sic dicitur nuptiæ. Tertio effectus eius, qui est proles: & ita matrimoniū dicitur à matre potius, quàm à patre. Nam matri potissimè conuenit officium educandæ proles. Itaq; matrimonium est cōiunctio inter legitimas personas maritalis ac indissolubilis.

2 ¶ Præterea in omni sacramento est quædam spiritualis operatio per operationem sensibilem significata. Vnde in sacramento matrimonij est quædam spiritualis coniunctio, in quantum est sacramentum: & aliqua materialis, in quantum est naturæ officium, ac vitæ civilis. Hæc autem spiritualis coniunctio fit mediante coniunctione materiali virtute diuina. Itaque sicut coniunctiones materialium contractuum sunt per mutuum consensum: sic & matrimonialis coniunctio. Et ideo causa efficiens matrimonij est consensus, & hic consensus est signum voluntatis Christi, quia ipse consensit vniri ecclesiæ.

3 ¶ Porro sicut contractuum exteriorum coniunctio exigit vt per verba exprimat: sic consensus prædictus non efficit matrimonium, nisi verbis explicetur, vel aliquo correspondente, scilicet nutu, si muti sunt aut diuersarum linguarum. Imò si puella non contradicit, tunc verba patris reputantur quasi verba ipsius.

4 ¶ Adhuc autem sacramentum efficit quod significat. Qui autem se dicit aliquid esse facturum, nõ facit iam illud, sed facturus est. Et ergo cum aliquis consensum suum per verba de futuro exprimit, non significat se matrimoniũ facere, sed promittit se illud facturum. Consensus igitur per verba de futuro non facit matrimonium, sed sponsonem eius, quæ sponsalia appellantur. Vnde secundũ Iura. qui promittit, vel dicit se aliquam recepturum, & postea consensit in aliam per verba de præsentī, tenetur habere secundam.

5 ¶ Præterea sicut exterior ablutio nõ sufficit, vt dicatur quis baptizatus, nisi sc̃m intēdat recipere, sic exterior verborũ expressio sine interiori cōsensu nõ facit matrimoniũ, vt In nõcē. dicit. Et hic defect⁹ cōsensus suffragatur cōsciētiæ hoīs, q̃ nõ astringitur alteri vinculo matrimoniali: non tamē in foro ecclesiæ, q̃ iudicat secundum allegata atq; probata. Imò si in vno desit consensus interior, ex parte nullius est matrimoniũ, quoniã matrimonium in mutua coniunctione cōsistit. Si verò quis ducat aliam vxorem primā relicta, quam sine interiori consensu accepit, compellitur per ecclesiam stare cum prima vxore, quia ecclesia iudicat secundum ea quæ foris apparent. Nec decipitur in iustitia, quanuis decipiatur in facto. Sed ille debet potius excommunicationem sustinere, quàm ad primam accedere, vel debet ad terras remotas aufugere.

¶ *An alter coniugum religionem ingredi possit altero inuito .2.*

*An mulier potest nubere alteri uiro, priore ante carnalem copulam religionem ingresso. Articulus 164.*

**P**Er copulam autem carnalem matrimonium cōsumma-  
tur, & caro viri mulieris efficitur atq; e contra. Nemo  
verò potest obligationē facere de alieno. Idcirco post  
carnalem commixtionē non potest alter coniugum  
sine consensu alterius, religionem intrare. Veruntamen ante  
carnalem copulā hoc fieri licet, tunc enim non est inter con-  
iuges nisi spirituale vinculū: quod per spiritualem mortem, id  
est, religionis ingressum, quo seculo aliquis moritur, solui po-  
test, sicut & vinculum carnale per mortē corporalē. Nam ante  
carnalem copulam non transfertur corpus vnus in potestare  
alterius simpliciter, propter consensum per verba de præsē-  
ti expressum, sed sub conditione, videlicet si ad melioris vitæ  
frugem non euolet: vnde nec statim tenetur reddere debi-  
tum, sed datur ei tempus duorum mensium, propter tria. Pri-  
mo, vt interim de religionis ingressu deliberet. Secundo vt  
præparet ea, quæ ad nuptiarum solennitatem exiguntur. Ter-  
tio, ne vilem habeat maritus datā, quam nō suspirauit dilata-  
re. 2 ¶ Præterea sicut per mortem, corporalem soluitur matri-  
monium, ita vt mulier cui voluerit, nubat secundum Aposto-  
lum: ita & per mortem spirituale id est, religionis introitum  
Vnde viro religionem ingresso ante copulam carnalem po-  
test mulier alteri nubere: non tamen ante professionem viri.  
Dicit autem Decretalis noua, quod professio ante annum e-  
missa pro nulla reputatur. De tali enim professione sic facta  
ante tempus à iure determinatum est idem iudicium sicut  
de voto simplici. Vnde sicut post votum simplex non tene-  
tur mulier reddere debitum viro: ita non tenetur, si ille ante  
annum profiteatur: nec tamen alteri nubere possit.

¶ *Quid sint sponsalia .2. Quis possit ea contrahere .3.*

*Vtrum sponsalia dirimi possint. Articulus 165*

**D**icuntur verò sponsalia, promissio matrimonij con-  
trahendi per verba de futuro. Hæc autem promissio  
dupliciter fit. sc; absolute, & sub cōditione. Primum  
fit quatuor modis, vcz, nuda promissioe, datiōe arræ



sponsalitiae ut pecunia, annuli subtractione, & iuramento. Conditio quoque, quandoque honesta est, & tunc stante condicione stat promissio, ut si dicatur: Accipiam te, si placet parentibus. Interdum est inhonesta. Et hoc dupliciter, aut enim est contraria bonis matrimonij, ut si dicatur: Accipiam te, si venena sterilitatis procures, & tunc non contrahuntur sponsalia. Aut non est matrimonij bonis contraria, ut si quis dicat Accipiam te, si furtis meis consentias, & tunc stat promissio: sed est tollenda conditio. Cum autem promissio stat, non potest sine mortali peccato negari impletio. Ecclesia quoque cogit ad hoc in foro poenitentiali, non autem in foro contentioso, quoniam matrimonia coacta malos exitus solent habere, nisi fortassis iuramentum interuenerit: tunc enim cogendus est, ut quidam affirmant: quanuis alijs videatur oppositum, propter causam praedictam: praesertim si de vxoricidio timeatur. Si vero conditio de datione pecuniae per modum poenae additur, non contrahuntur sponsalia, quoniam matrimonia non debent esse coacta.

2 ¶ Præterea secundum iura septennium determinatum est tempus ad sponsalia contrahenda, cum enim in sponsalibus fiat quaedam promissio requiritur aliquis usus rationis, qui ante primum septennium nullus bene est, sed circa ipsum incipit esse, nam tunc pueri ad scholas ponuntur. Est quoque secundum philosophum primo Ethicorum triplex status hominis. Primus, cum nec per se, neque per alium veritatem cognoscere potest: quod est ante primum septennium. Secundus, cum non potest intelligere per se, sed informari ab alio: & hoc incipit circa finem primi septennij. Tertius, cum per seipsum cognoscere potest: & hoc incipit in fine secundi septennij in his, quæ pertinent ad se. Sed in fine tertij septennij, quantum ad ea quæ alios concernunt. Ratio quippe hominis proficit paulatim, secundum quod motus fluxibilitasque humorum quietantur in homine. Ad matrimonium vero puella fit apta in duodecimo anno. Puer autem in fine secundi septennij, talibus namque temporibus utriusque corpus generationi est aptum secundum philosophum in libro de animalibus.

3 ¶ Porro sponsalia dirimi possunt. Nam ipso iure dirimuntur, cum aliquis religionem ingreditur, vel cum alia contrahit per verba de presenti. In alijs quoque casibus dirimuntur secundum iudiciū ecclesiae, ut si alter ad terras longinquas se trāserat, nec

ad tempus pro matrimonio contrahendo statutum redeat: vel si alter eorum grauem infirmitatem incurrit, quæ sit vel deformans, vt nasi abscisio, vel debilitans sicut hydropisis, vel contra bonum Prolis vt lepra, quæ foetum inficere solet. Et hoc iudeo, ne coniuges sibi mutuo displiceant, ipsumq; matrimonij exitum malum acquirat. Item si sponsus consanguineam sponse cognouerit, dirimuntur sponsalia. Ad quod probandum sufficit sola fama propter scandalum vitandum. Probabile quoq; est (& decretalis hoc dicit) quod sponsalia dirimi possunt, si se mutuo absoluunt. Item si alter fornicetur, per hoc enim suspectus efficitur, quod postea fidem non conseruaret.

¶ *Quomodo bigamia contrahitur. 2. Quod irregularitas sit, ei annexa. Articulus 166.*

**E**st autem defectus quidam in sacramento, dum significatio eius integra non est. Sacramentum verò matrimonij vnionem designat Christi atque ecclesiæ, quæ est vnus ad vnā. Et ergo ad perfectam sacramenti significationem exigitur, vt vir non sit nisi vnus sceminæ vir, & vxor tantum vnus vxor. Vnde bigamia, quæ hoc tollit irregularitatem inducit. Suntque quatuor modi bigamiæ. Primus, dum vir plures vxores habet de iure, successiue. Secundus, cum simul habet plures, vnā de iure, & aliam de facto. Tertius, quando successiue habet plures. Vnā de iure, & alteram de facto. Quartus, dum viduam ducit vxorem. Quauis enim in secundo & tertio modo non sit sacramentum, in altero est tamen quædam sacramenti similitudo. Primus verò modus est principalis in causando bigamiam.

2. ¶ Denique in coniunctione Christi ex vtraque parte vnitas inuenitur, & ideo siue ex parte viri, siue ex parte sceminæ diuisio carnis sit facta, est defectus sacramenti. Tamen diuersimode, in viro enim non oportet quod sit virgo, sed quod aliam non duxerit in vxorem. Sed ex parte vxoris requiritur, quod sit virgo, cuius rationem assignant Decretistæ dicentes, quod episcopus ecclesiam militantem significat, cuius curam gerit, in qua multæ corruptiones sunt. Sponsa verò significat Christum, qui virgo fuit. Sed istud non consonat verbo Apostoli ad Eph. 5. dicentis: Viri diligite vxores vestras sicut Christus ecclesiam. Vbi apparet quod vxor signat ecclesiam, & spon-

## D. DIONYSII CARTHUSIANI

sus Christum. Respondendum ergo, quod corruptio extra & ante matrimonium facta defectum non facit in sacramento ex parte eius in quo est corruptio, sed alterius, quoniam actus contrahentis cadit super alium: & ergo ex termino specificatur, qui est quasi materia sacramenti respectu actus illius. Vnde si mulier esset ordinis capax, ipsa irregularis fieret, contrahendo cum viro corrupto. Si verò quis virginem defloret, & postea eam ducat uxorem, probabilius est, quod non efficitur irregularis, quia carnem suam non diuidit in plures.

¶ Porro secundum Augustinum, per baptismum non tollitur bigamia vel irregularitas, baptismus enim aufert culpam, non autem coniugia ad quæ irregularitas sequitur. Hieronymus tamen oppositum tenet: sed non tenetur in hoc.

¶ Insuper cum irregularitas non sit adiuncta bigamiæ de iure naturali, sed positiuo, nec sit de essentia ordinis, quod aliquis non sit bigamus. Immo si bigamus ad ordinem accedit, characterem recipit. Ideo in tali irregularitate papa dispensare potest totaliter: Episcopus verò quantum ad ordines minores. Quidam quoque affirmant, quod episcopus dispensare potest in hac irregularitate, quo ad ordines maiores cum eis qui volunt Deo in religione seruire, propter vitandum religiosorum discursum.

¶ *An iuramentum additum consensui per uerba de futuro faciat matrimonium. 2. An copula carnalis addita talibus uerbis matrimonium faciat. 3. An consensus in occulto per uerba de presenti expressus faciat matrimonium. 4. An consensus in matrimonium sit consensus in copulâ carnalem. Articulus. 167*

**I**uramentum denique significationem non mutat, sed dictum confirmat. Et ergo iuramentum uerbis de futuro adiunctum non facit matrimonium, sicut nec consensus per uerba de futuro expressus sine iuramento propter rationem præhabitam. Vnde si post iuramentum cum alia contrahat per uerba de presenti, tenetur eam habere uxorem quamuis grauiter peccet priorem promissionem iuramento

firmatam infringens. Quod enim ante contractum cum alia per verba de præsenti illicitum fuit, videlicet promissionē implere cum iuramento; hoc postea illicitum redditur propter cōtractum prædictum cum alia per quem potestatem sui corporis transfert in posteriorem.

2 ¶ Porro quoniā nulla verba expressius significare possunt cōsensum, quā copula ipsa carnalis. Idcirco secundū iudiciū ecclesiæ, quæ iudicat secundum ea quæ foris apparēt, copula carnalis addita consensui per verba de futuro facit matrimonium, nisi appareant evidētia signa doli vel fraudis, nō tamen secundū rei veritatē atq; diuinum iudiciū, si desit consensus interior. Vnde si sponsa sponsum ad copulam carnalē admittit credens eum velle esse & cōsummare matrimonium, excusatur à peccato, nisi appareant aperta signa fraudis: vt si sint multū distantis conditionis, vel in nobilitate, aut in bonis fortunæ. Si etiam quis virginem deflorauit, tenetur eam recipere coniugem, si sint æqualis conditionis, vel ipsa sit melioris conditionis. Sed si aliam duxerit, factus est impotens ad soluendum id ad quod tenebatur: & ideo sufficit, vt ei de nuptijs prouideat. Ad quod etiam secundum alios non tenetur, si sit multo melioris conditionis, aut manifesta signa fraudis appareant: tunc enim probabiliter æstimari potest, quod sponsa decepta non fuit, sed decipi finxit.

3 ¶ Præterea consensus per verba de præsenti, quāuis in occulto expressus, verum matrimonium facit: quanuis peccent sic contrahentes, nisi per legitimam causam excusentur. Sicut enim in alijs sacramētis quædam ad solennitatem pertinent, nec sine culpa omitti possunt, non tamen ad sacramēti essentiam spectant: ita & in matrimonio: prohibētur nāq; clandestina matrimonia, ppter pericula, quæ inde eueniūt. Sæpe enim ex altera parte miscetur fraus, & speciem turpitudinis habet.

4 ¶ At verò cum matrimonium non sit carnalis commixtio, sed associatio viri ac feminae in ordine ad ea ad quæ matrimonium ordinatur: idcirco consentire in matrimonium non est consentire in carnalem copulam explicite, sed implicite.

¶ An consensus coactus tollat matrimonium. 2. An consensus conditionatus facit matrimonium. 3. An per præceptum parentum cogi quis ualeat ad matrimonium. Articulus 168.

**V** Inculum porro matrimonij perpetuum est, quoniā igitur metus qui cadit in virum constantem, perpetuitatem cōtractus aufert: nam restitutio in integrū repeti potest: idcirco coactio talis metus tollit matrimonium & non alia. Constans autem cogitur ad minus malum propter vitandum maius malum. Incōstans e contra. Peritinax verò nec propter maius malum vitandum cogi potest, vt minus malum incurrat.

2 ¶ Amplius cōditio addita vel est de præsenti: & tunc stante ea stat matrimonium, & non stante non stat matrimoniū, siue sit honesta siue non: nisi fuerit matrimonij bonis contraria. Si autem conditio sit de futuro, tunc vel est de necessario, vt solem cras oriri: & tunc stat matrimonium, nam talia in suis causis iam sunt præsentia: vel est de contingenti, vt est datio pecuniæ: & tunc non facit matrimonium.

3 ¶ At verò proles non est in potestate parentum vt seruus, sed libera est, & potestatem sui corporis habet, quanuis à parentibus educationem ac disciplinam in moribus sumere debet. Vnde filius aut filia cogi non potest præcepto parentum ad matrimonium, cum in matrimonio sit perpetua seruitus. Papa tamen potest cogere clericum ad suscipiendum episcopatum, quoniam in spiritali matrimonio non est seruitus corporalis. Spirituale nanque matrimonium est, sicut quoddam officium dispensandæ rei publicæ.

¶ *An error impediat matrimonium. 2. An omnis error hoc faciat. Articulus 169.*

**C**onsensus denique sine quo matrimoniū esse vel fieri nequit, actus est voluntatis. Actus autem voluntatis ex actu intellectus procedit atque dependet. Deficiente verò priori deficere oportet posterius. Et ergo dum error cognitionem conditionis impedit, sequitur defectus in consensu, nec fit matrimonium. Vnde de iure naturali error sortitur, quod matrimonium tollit.

2 ¶ Porro error ex hoc matrimonium aufert, ex quo inuolutarium causat: & ergo errorem quo matrimonium tollitur, necesse est esse alicuius eorum, quæ sunt de essentia matrimonij. Sed matrimonium duo includit, videlicet personas quæ coniunguntur & mutuam potestatem in inuicem, in qua

matrimonium consistit. Quorum primum aufertur per errorem personæ, secundum per errorem conditionis. Nam seruus dare non potest alteri potestatem sui corporis sine consensu domini sui. Propterea hi duo errores, & non alij, matrimonium tollunt. Veruntamen error aliorum impedimentorum matrimonij, quantum ad ea quæ reddunt personas illegitimas, impedit matrimonium, vt error impotentix coeundi. Sed de illorum errore non fit mentio, quoniam illa impediunt matrimonium, siue sciantur siue ignorentur: vt si aliqua cum diacono contrahat: conditio autem seruitutis non impedit, si seruitus cognoscatur.

¶ De bonis matrimonii. 2. Et de numero bonorum matrimonii 3. De ordine eorundem. Articulus 170.

Apiens insuper iacturam boni incurrere non vult, nisi propter recôpensationem boni æqualis vel amplioris. Actus autem matrimonialis actum rationis impedit. Indiget ergo aliquo bono annexo quo honestetur, talisq; iactura recompensetur. Hoc autem est bonum matrimonij ipsum honestans atque excusans.

2 ¶ Tria verò sunt matrimonij huiusmodi bona. Matrimonium nanque est & officium naturæ, & est sacramentum ecclesiæ. In quantum igitur est officium naturæ, duobus ordinatur: quorum vnum est finis agentis, scilicet proles. Aliud verò perficit ipsum actum, videlicet fides. Et sumitur hic fides, non prout est virtus theologica, sed prout est pars iustitiæ, per quam seruantur promissa. Matrimonium verò in quantum est sacramentum ecclesiæ, aliam bonitatem sortitur, & hæc explicatur nomine sacramenti. Vnde proles, fides, & sacramentum sunt tria bona matrimonij.

3 ¶ Deniq; horum trium bonorum matrimonij sacramentum est dignius, quia concernit matrimonium prout est sacramentum gratiæ. Alia duo prout est officium naturæ. Fides verò & proles considerantur dupliciter. Primo secundum quod in seipsis sunt, & sic pertinent ad actum matrimonij. Sacramentum verò quo indiuisibilitas designatur, respicit matrimonium secundum seipsum: & sic sacramentum est essentialius matrimonio, quàm duo prædicta. Nunquam enim inuenitur matrimonium sine inseparabilitate, reperitur tamen sine

## D. DIONYSII CARTHUSIANI

prole & fide: quoniam esse rei non dependet ex actu ipsius, sed e contra. Secundo accipitur proles pro intentione prolis, & fides pro debito seruandi fidem, sine quibus matrimonium esse non valet: hæc enim in matrimonio ex pactione coniugali qua sibi inuicem proprii corporis potestatem donant, causantur. Vnde si aliquid his contrarium exprimeretur in consensum qui multum facit, impediretur matrimonium. Et hoc modo proles est essentialissimum matrimonio. 2. fides, 3. sacramentum, quemadmodum homini essentialius est esse naturæ quàm gratiæ, quanuis esse gratiæ dignius sit quàm esse naturæ. Matrimonium quoque non imprimit characterem, quoniam ad actus corporales refertur, sacramenta autè quæ characterem imprimunt, ad spirituales actus ordinantur.

¶ *An habere plures uxores sit contra legem naturæ.  
2. An aliquando licuit.      Articulus 171.*

**N**aturalis porro conceptio homini indita, qua ad operandum conueniēter dirigitur, lex naturalis seu ius naturale vocatur. Idcirco quod actionem hominis inconuenientem reddit suo fini, contra legē naturæ esse censetur. Potest autè actio esse inconueniens tā fini principali quàm secundo: vel finem omnino impediendo, sicut comestio nimia corporis sanitatē corrumpit: vel indecētā seu difficultatē circa finē acquirendū causādo, vt inordinata comestio, quantū ad tempus. Cum igitur actio finē principalem directe impedit, tunc per legem naturæ prohibetur primis eius præceptis. Si verò actio incompetēs sit fini principali vel secundo, indecentiam vel difficultatem inducendo: tunc prohibetur secundis præceptis, legis naturalis, quæ deriuātur ex primis: quemadmodum conclusio ex præmissis. Principalis demum finis matrimonij est procreatio ac educatio prolis, & hæc actio conuenit homini ex natura sui generis, nam & alijs animalibus est communis. Secundarius verò finis matrimonij est cōmunicatio coniugū in operibus ad domesticam vitam spectantibus, & hæc conuenit homini ratione suæ speciei. Tertius autem finis matrimonij est, significare vñionem Christi atque ecclesiæ: prout ponitur nouæ legis ac gratiæ sacramentum, & competit homini prout est Christianus. Pluralitas ergo vxorū primū matrimonij finē non tollit



nec impedit. Vnus enim vir plures vxores impregnare earumque proles potest nutrire. Sed secundum finem multum impedit, quauis non penitus tollat. Nam vnus vir pluribus vxoribus satisfacere nequit, & communicatio plurium in vno officio litem producit. Vnde sicut figuli, ita & vxores vnus contendunt. Tertium autem finem, qui est significare vnitatem Christi & ecclesiae, pluralitas vxorum penitus aufert. Ex quibus elucescit, quod vxorum pluralitas sit quodammodo contra legem naturae, & quodammodo non. Sed vnā mulierem habere plures maritos est contra prima praecepta legis naturae, ex hoc enim sequeretur incertitudo prolis quantum ad patrem, vnde hoc nulla lege aut consuetudine est permissum.

2. ¶ Denique, quoniam pluralitas vxorum non est contra prima praecepta legis naturae, idcirco per dispensationem atque licentiam auctoris omnis naturae ac legis aliquando licita fuit, videlicet dum multiplicatio hominum necessaria fuit ad cultum diuinum. Necesse est enim secundaria naturalis legis praecepta variari interdum secundum quod actus hominum exigunt, propter diuersitatem conditionum in personis, & temporibus ac circumstantiis alijs. Verum quia lex de vnitatem vxoris non humanitus est instituta, sed à deo, nec vnquam verbo aut literis tradita, sed cordi impressa: idcirco in hoc à solo deo dispensatio fieri potuit, per inspirationem internam in patribus sanctis quae eorum exemplo ad posterum deriuata consistit.

¶ *Vtrum concubinā habere sit contra legem naturae. 2. An sit peccatum mortale. 3. An aliquādo licuit. Art. 172.*

**A**ctio itaque contra legem naturae vocatur, quae est debito fini naturae incōpetēs. Finis autem concubitus est proles educanda ac instruenda. Et propter hunc finem natura delectationē cōmixtione adiunxit. Qui ergo concubitu propter delectationē requirit, contra naturalem legem facit. Similiter qui cum ea concubuit, cum qua non ordinatur, ita quod simul prolem educare atque instruere possint. Res autem à fine nomen sortitur. Vnde quemadmodum coniunctio matrimonij à bono prolis nomen accepit: sic nomen concubinæ à concubitu propter se intento impositum est. Et si quis ex tali concubitu saepe foetum desiderat, non tamen est conueniens ad bonum prolis, idcirco concubinam habere est contra legem naturae.

2 ¶ Denique talis concubitus est mortale peccatum, aufert namque debitam ordinationem parentis ad prolem. Illa verò peccata ex suo genere sunt mortalia, per quæ fœdus amicitiae inter deum & hominem, vel inter homines adinuicē, violatur. Contingit autem frequenter, quod homo qui non vitat peccatum mortale, vitat peccatum veniale, ad quod tantum incitamentum nō habet.

3 ¶ Porro actus peccati mortalis nunquam licet per quancunque dispensationem. Cum ergo iste concubitus seu fornicatio simplex sit peccatum mortale, nunquam fuit. Itaque ubicunque in veteri testamento leguntur habuisse concubinas aliqui, quos à peccato mortali excusare oportet, intelligendum est eas matrimonio fuisse iunctas: & nihilominus cōcubinas nominari, quoniam perfectam rationem vxoris non attingebant. Erant quippe vxores quantum ad principalem matrimonij finem, qui est procreatio prolis. Non autem quo ad secundarium eius finem, qui est dispensatio familiæ & cōmunicatio operum vitæ domesticæ. Ex quo patet, quod Agar fuit vxor Abrahæ, quo ad finē matrimonij principalē & ideo quod eiecta erat cum filio, non licuit nisi propter commissio- nem dispensationis diuinæ propter mysterium, quod Aposto- lus ad Galatas quarto edisserit de duobus testamentis.

¶ *An inseparabilitas uxoris sit de lege naturæ. 2. An uxorem dimitte- re licuit per dispensationem. 1. An in lege Mosi licuit uxorem di- mittere. 4. An licuit repudiatæ olium uirum habere. 5. An repudiam licuit repudiatam recipere. Artic. 73.*

**M**atrimonium ergo ad educationem prolis ordina- tur, non solum per aliquod tēpus sed p totā vitam & ideo de lege naturæ est, vt parētes filiis thesau- rizēt filijq; parentū hæredes sint. Societatē igitur viri & cōiugis indiuisibilē esse oportet. Et sic inseparabilitas ad matrimonium pertinet de lege naturæ seu naturalis rōnis dictamine. Tamen separatio matrimonij non prohibetur, ni si lege Christi. Nā ipsa duntaxat inter omnes leges ad perfe- ctionem adducit, atque ad naturæ integræ statum.

2 ¶ At verò dispensatio in præceptis legis naturæ se habet, quemadmodum immutatio cursus rei naturalis, quæ duplici- ter fieri potest, videlicet per causam aliam naturālē cōtrariā

& impediens in actum alterius. Et hoc non fit nisi in his, quæ non semper eodem modo fiunt vel agunt. Secundo hoc fit per causam supernaturalem, ut in miraculis: quod etiam potest accidere his quæ semper eodem modo contingunt, ut statio solis tempore Iosue. Pariformiter dispensatio præceptorum primorum legis naturæ non pertinet nisi ad deum, sed dispensatio secundorum præceptorum legis naturæ ad inferiores causas spectare potest. Si ergo inseparabilitas matrimonij ad prima præcepta legis naturæ pertinet, dispensationem non recipit nisi à deo. Si verò ad secundaria præcepta legis naturalis attinet, tunc per causas inferiores dispensationem admittit. Videtur quoque potius pertinere ad secunda legis naturalis præcepta.

3 ¶ Præterea aliqui asserunt, quod qui in lege Moysi libellum repudij dabant, excusabatur à pœna secūdum legem infligēda, nō aut à culpa. Vnde Moses libellum repudij permisit, sicut & alijs gentibus fornicari. Præsertim ad vitandū vxoricidiū, ad quod Iudæi proni erant, sicut & ad avaritiam. Alij verò affirmant, quod ex dispensatione diuina licitum & absq; culpa fuit. Aliās viderentur Iudæi à salute relictī, eo quod nec Moses neq; aliquis prophetarum hoc peccatum prohibuit. Et licet hoc probabiliter dicitur, primum tamen communius tenetur.

4 ¶ Insuper secundum primam harum opinionum mulier repudiata peccabat alterum virum ducens, quoniam primum matrimonium non fuit solutum, quāto enim tempore vir viuit, mulier alligata est legi viri, secūdum Apostolum. Sed alia opinio ait, quod sicut per diuinam dispensationem separatio coniugum licita fuit: ita & mulier repudiata alteri viro sine peccato se matrimonio iunxit. Et secundum hos quod Christus Matth. quinto dixit, qui diuissam duxerit, mœchatur, ad tempus nouæ legis refertur.

5 ¶ Amplius duo erant permissa & item duo præcepta in lege circa libellum repudij. Nā vxorem dimittere & diuissam aliam ducere erant permissa. Sed libellum repudij scribere, & repudiantem virum non posse accipere quam semel dimisit, videlicet ne pronus quis esset vxorem dimittere, præcepta fuerunt. Proxima verò causa repudij erat vitatio vxoricidij, sed remota causa fuit inuidia, quæ vxoricidium facere solet. Causæ quoque repudij scribebantur in libello, non in speciali sed in generali. Quia non scribebantur ut ostenderent

repudium esse licitum. Sed ut liceret mulieri alium ducere, secundum Iosephum. Propter quod libellus ei tradebatur. Sed secundum Augustinum, libellus repudij scribebatur, quatenus mora scribendi atque consilio scribarum interuenientibus maritus à proposito repudiandi desisteret. Dicit etiam Iosephus, quod scriptura libelli repudij talis erat: Promitto tibi, quod nunquam tecum conueniam.

¶ De uariis impedimentis matrimonii. Articulus 174.

**E**orum præterea quæ ad solennitatem matrimonij spectant omissiones seu impedimenta impediunt matrimonium contrahendum. Sed non derimunt contractum, ut prohibitio Ecclesiæ, & tempus feriatum, de quo sunt metra: Ecclesiæ vetitum, nec non tempus feriatum impediunt fieri, permittunt iuncta teneri. Impedimenta verò quæ contrariautur pertinentibus ad essentiam matrimonij, dirimunt contractum. Non enim est verum matrimonium, quæ his versibus exprimuntur. Error, conditio, votum, cognatio, crimē. Cultus, disparitas, vis, ordo, ligamen, honestas. Si sis affinis, si forte coire nequibis. Hæc socianda utant cōnubia, facta retrahant. Intelligitur autem per vim coactio, per ligamen contractus cum alia. Per cognationem propinquitās duarum personarum respectu tertiæ matrimonio iunctæ. Per honestatem propinquitās duarum personarum respectu tertiæ per sponsalia iunctæ. Per crimen adulteriū prius cum muliere commissum. Frigiditas deniq; quæ perpetuam impotentiam coeundi inducit, ad quam impotentiam experiendam ecclesia triēnij tempus instituit, matrimonium soluit, si ante contractum matrimonij ignoretur. Et simile est de seruitute, propter quam non potest aliquis libere debitum reddere coniugi. Hæc enim si ante ignoratur, soluit matrimonium: si verò sciatur, non soluit. Item impotentia quæ per maleficium infertur, & operationem diaboli si fuerit perpetua, dirimit matrimonium: non autem si sit temporalis. Et ad hoc experiendum ordinauit ecclesia tempus trium annorum, in quo tamen falli potest: & ideo statuit, ut si vxor viri frigidi alterum duxit post diuortium, ut reuertatur ad virum priorem, si ille inuenitur ad copulam carualem idoneus. Maleficium verò non facit impotentiam coeundi cum omnibus fœmi-

nis, sed cum vna vel certis potest esse potens, & quantum ad alias impotens. Propter quod datur viro licentia contrahendi cum alia, & etiam fœmina alium ducere potest. Insuper furia quæ matrimonium sequitur, ipsum non dirimit. Si verò præcedit, tunc vel furiosus habet lucida interualla, & illis durantibus contrahere potest: quanuis hoc tutum non sit. Vel non habet, & tunc neque contrahere valet, imo nec consentire. Rursus si vir cognouerit sororem aut consanguineâ vxoris suæ ante matrimonium contractum, etiam post sponsalia, oportet matrimonium separari ratione affinitatis contractæ. Si verò post matrimonium contractum & consummatum hoc faciat, non debet totaliter separari, sed vir amittit ius petendi debitum ab vxore, sed reddere potest petenti: quoniam puniendi non est propter peccatum viri. Post mortem autem vxoris debet manere sine spe coniugij, nisi cum eo dispensetur: & tamen si sine dispensatione contraxerit, peccat: sed matrimonium stat, nec soluendum est.

¶ *An propter fornicationem sit uxor dimittenda. 2. An hoc sit in præcepto. 3. An potest fieri proprio iudicio.*

Articulus

175.

**V**XOREM autem dimittere in noua lege conceditur in pœnam eius qui fidem fregit, atque in eius fauorem qui fidem seruauit. Septem ergo sunt casus, in quibus istud non licet. Primus si vterque sit adulter, nullus enim potest alium accusare qui in simili crimine est. Secundus si vir vxorē prostituit. Tertius, si ipsa virum probabiliter mortuum credens, alteri nupsit. Quartus, si alter ad eam latèter sub specie viri accessit. Quintus, si vi oppressa est. Sextus, si vir eam sibi reconciliauit per copulam carnalem. Septimus, si matrimonio in perfidia vtriusque contracto vir dedit vxori libellum repudij, & vxor alteri nupsit: tunc nanque si ambo conuertantur, tenetur vir eam recipere. Potest quoque propter peccatum contra naturam diuortium fieri.

2 ¶ Deniq; quoniâ vxoris fornicantis dimissio introducta est in pœnam & correctionē peccantis: idcirco si ipsa pœniteat, non tenetur vir eam dimittere. Si verò non pœniteat, tenetur eam relinquere, ne crimini eius videatur consentire.

3 ¶ At verò dupliciter potest vir vxorem relinquere. Primo,

S ij

quantū ad thorum duntaxat: & sic potest eā proprio iudicio emittere, quā cito de fornicatione ipsius certitudinē haber, nec tenetur ei debitum reddere nisi per ecclesiam compellatur. Secundo, quantum ad cohabitationem & thorum: & sic non licet vxorem iudicio suo dimittere, sed iudicio ecclesiæ. Quod si eam aliter dimiserit, cogendus est ad cohabitationē, nisi queat vxori fornicationem in continenti probare. Hæc autem diuissio diuortium dicitur, & ergo diuortium proprio iudicio fieri nequit. Sciendum verò, quod Ioseph volebat virginem matrem relinquere non propter suspicionem fornicationis, sed propter reuerentiam sanctitatis eius, tam sacratissimæ virgini cohabitare se censens indignum.

¶ *An uir & uxor sint ad paria iudicandi in causa diuortii. 2. An post diuortium uir alteri nubere possit. 3. An post diuortium uir & mulier reconciliari possint. Articulus 176.*

**D**Enique in casu diuortij uir & mulier iudicantur ad paria, ita quod idem est utrique licitum atque illicitum. Non tamē hoc fit pari causa. Nam adulterium mulieris magis contrariatur bono prolis quā adulterium uiri, facit enim incertitudinem prolis: in utroque tamen est causa sufficiens.

2. ¶ At verò nil superueniens matrimonio potest ipsum dissoluere: & ergo propter adulterium non rumpitur vinculum matrimonij, sed matrimonium verum manet. Nam secundum Augustinū: Inter viuentes manet coniugale vinculum, quod nec separatio, nec cum alio iunctio potest auferre. Et igitur non licet vni alio viuente ad aliam copulam transire.

3. ¶ Ostēsum est autem quod si vxor pœniteat, posse eā viro reconciliari. Sciendū quoq; quod seruus & ancilla contrahere possunt. Et quāuis seruitutē suam ignorent ante contractum, non tamen ob id matrimonium dirimi potest: sicut dirimere tur, si alter liber existeret, non potest aliquis maiorem obligationem exigere ex parte alterius, quā ipse possit facere.

¶ *An seruus potest contrahere matrimonium sine consensu domini. 2. An seruitus potest matrimonio superuenire. 3. An filii sequantur conditionem patris.*

**P** Ræterea ius positivū à iure naturali progreditur, nec ei præiudicare potest. Cum ergo matrimonium sit ad ius naturale pertinaens, quoniam ordinatur ad conseruationem speciei, vt dictum est: patet, quod seruitus matrimonium impedire non valeat, quantū ad dominum: sed domino nesciente & contradicente seruus cōtrahere potest. Seruus enim est res domini sui quātū ad ea quæ superueniūt & superadducuntur naturæ, non autē in naturalibus in quibus omnes pares existunt. Sed in tali casu magis tenetur domino præcipienti parere atq; seruire, quā mulieri debitū reddere: secus tamen esset, si ex consensu domini contraxisset.

2. ¶ Denique maritus potest se in seruum dare vel vendere inuita vxore, non enim subditur ei nisi in actibus naturæ, in quibus in se mutuam potestatem habent, ad quos seruitus se non extendit. Nec idcirco matrimonium soluitur quoniam nullum impedimentum matrimonio superueniens ipsum dissolvere potest. Sed tunc vir potius obligatur vxori debitum reddere, quā domino obedire.

3. ¶ Porro secundum leges ciuiles partus sequitur ventrem. Nec irrationabiliter. Pater enim dat complementum formale, sed mater ministrat substantiam corporis partui. Seruitus autem est conditio corporalis. Nam seruus est velut organum domini sui in operando. Vnde in libertate ac seruitute proles sequitur matrem. In his autem quæ dignitatem concernunt, sequitur patrem: vt in honoribus, in municipijs, & hæreditate. Et huic Canones & lex Mosi concorditer consonant. Sed in quibusdam terris, quæ in lege ciuili non reguntur, partus sequitur deteriorem conditionem: vt si pater sit seruus, quanuis mater sit libera, filij serui sint: non tamen si pater post matrimonium contractum se dedit in seruum nolente vxore. Et similiter fit, si sit econuerso. Si autem ambo sint seruilis conditionis atque ad diuersos dominos pertinent, diuidunt domini filios si plures fuerint. Sed si sit vnus duntaxat, tunc vnus dominorum qui eum habuerit, alteri re-  
compensabit de precio.

¶ An defectus ætatis matrimonium tollat. 2. An liceat viro uxorem in adulterio deprehensam occidere.

3. An talis possit alii nubere. Articulus 178.



## D. DIONYSII CARTHYSIANI

**S**ecundum determinationem insuper iuris matrimonia contrahi nequeunt ante illud tempus discretionis, quo potest uterq; de matrimonio sufficenter deliberare, & debitum mutuo reddere: & si aliter fiant matrimonia, dirimuntur. Hoc autem tempus ut frequentius in masculis est in anno quartodecimo, in femina verò in duodecimo. Sed quoniam præcepta iuris positiui sequuntur id quod est in pluribus: si quis ante prædictum tempus usum rationis ac naturæ vigorem attigerit, matrimonium stabit. Et ergo si contrahentes ante prædictum tempus pubertatis carnaliter commisceantur matrimonium solui non poterit.

**2** ¶ Præterea secundum leges civiles quasi licitum computatur, ut vir mulierem fornicantem in ipso actu deprehensam occidat. Sed ecclesia non reputat hoc fieri sine reatu poenæ æternæ, vel in ecclesiastico iudicio infligendæ. Sed nulla lex permittit, ut vir uxorem occidat extra actum fornicationis, quantumcunque certus sit inde. Patet ergo, quod in foro conscientie in nullo casu sit licitum uxorem propria autoritate occidere.

**3** ¶ Amplius ex statuto ecclesiæ uxoricidium matrimonium impedit, quandoque enim impedit contrahendum: sed non dirimit contractum, quando videlicet propter odium vel adulterium vir uxorem interficit. Sed si timendum videtur de incontinentia eius, dispensari potest cum eo. Interdum verò uxoricidium dirimit matrimonium contractum, ut dum quis propriam uxorem occidit, quatenus aliam cum qua mœchatur accipiat: tunc enim nullo modo recipere potest, sed est illegitima persona quo ad eam, non tamen respectu aliarum. Et ideo si cum alijs contrahit matrimonium stabit, quamvis sic contrahens peccet. Sciendum quoque, quod in ecclesia occidentali ordo sacer impedit matrimonium contrahendum & dirimit contractum. Dirimit enim contrahendum ex vi ordinis & propter votum annexum. Sed apud Græcos seu in orientali ecclesia sacri ordines impediunt matrimonium contrahendum solum ex vi ordinis, non autem dirimunt contractum. Sed licet mulierem quam ante ordinis susceptionem habebat retinere, atque cognoscere. Sed non possunt Græci in sacris ordinibus existentes de nouo contrahere. Itē si vir uxore viuente ac nolente seu reclamante ad ordines suscipiendos accedat, veraciter ordinatur, & characterem recipit. Sed executio ordinis suscepi priuatur, quoadiu hæc viuit. Si verò vir cum consensu uxoris

SV MMAE FID. ORTHOD. LIB. IIM. 324  
ordinet sacros sumit, ipsa tenetur castitatem vouere, & si non  
anc vir tenetur ei debitum reddere.

**¶** An fidelis potest matrimonium cum infideli contrahere. 2. An in  
ter infideles sit matrimonium .3. An coniunx ad fidem con  
uersus possit commanere cum uxore infideli nolente cō  
uerti, cum qua in infidelitate contraxit. 4. De aliis  
quibusdam. Articulus 179.

**O** Rdinatur autem matrimonium ad prolem diuino  
obsequio mancipandam. Hoc verò fieri conueni  
enter non valet, dum alter coniugum veram fidem  
nō habet. Et ergo talis disparitas cultus impedit ma  
trimonium ne contrahi possit. Sed in veteri lege erat permis  
sum cum aliquibus infidelibus contrahere, non tamen cum  
Chananæis & quibusdam vicinis eisdem, propter periculū se  
quendi deos eorum. Si verò vterque sit baptizatus, quanuis  
vnus coniugum esset hæreticus, tamen si contrahant, verū  
est matrimonium licet peccent sic contrahendo.

2 **¶** Ex istis elicitur, quod inter infideles sit quidem matri  
monium, non tamen perfectum, non enim ordinatur ad per  
fectum ac debitum finem matrimonij, scilicet ad educandum pro  
lem ad cultum diuinum, sed solum ad ipsam prolem seu na  
turalem perfectionem.

3 **¶** Denique fides non rumpit sed perficit matrimonium  
Et ergo si vnus coniugum ad fidem conuertitur, non tenetur  
vxorem relinquere nisi videret eam omnino in malo obstina  
tam. Est enim idem iudicium de tali vxore & de muliere adul  
tera, de cuius dimissione ac permissione præhabitu est.

4 **¶** Insuper dum infidelis ad Christum conuertitur, nō am  
plius tenetur vxori infideli debitum reddere, nec cohabitare  
si illa conuerti non vult. Dum enim quis priori vitæ moritur,  
non tenetur ad ea ad quæ antè obligabatur. Si autem mulier  
infidelis cum viro fideli velit habitare sine blasphemia creato  
ris, & subuersione fidei maris, potest fidelis discredere &  
non discredere. Sed si discedit, alteri nubere non licet. Si ve  
rò mulier sine blasphemia & subuersione prædicta coha  
bitare non velit, tunc vir tenetur discedere, & potest ali  
am ducere. matrimonium etiam infidelium perfectum ac  
ratum non est.

**A**micitia verò in aliqua communicatione consistit. Amicitia autem est vnio, quædam siue ligatio. Et ideo communicatio, quæ est amicitia causa, vinculum appellatur. Vnde secundum quamlibet communicationem dicuntur aliqui colligati, sicut dicuntur conciuues qui communicationem politicam habent, & commilitones qui in negotio militari conueniunt: & eodem modo consanguinei nominantur, qui naturali communicatione conueniunt. Propter quod consanguinitas taliter diffinitur. Consanguinitas est vinculum ab eodem stipite descendentium carnali propagatione contractum. Per stipitem autem intelligendus est stipes propinquus, cuius virtus productiua aliquo modo manet in posteris, non stipes remotus. Prædictum quoque vinculum melius dicitur consanguinitas, quàm carnalitas, quoniam proximum quod in semen conuertitur est sanguis, secundum philosophum. Inter alia autem animalia consanguinitas locum non habet, quia eorum coniunctio non est ad amicitia vnitatem, sicut in homine.

2 ¶ At verò secundum philosophum octauo Ethicorū, Prædicta consanguinitatis communicatio triplex est. Vna secundum habitudinem principij ad principiatam, vt patris ad filiū. Alia secundum habitudinem principiatam ad principium, vt filij ad partem. Tertia secundum habitudinem eorum quæ sunt ab vno principio inter se, vt fratrum adinuicem. Et quoniam punctus suo motu lineam causat, ipseque pater per propagationem quodammodo in prolem descendit: idcirco secundum tres has habitudines tres lineæ consanguinitatis sumuntur, videlicet linea descendentiū secundum primam habitudinem: linea ascendentium, iuxta secundam habitudinem: linea transversalium, secundum tertiam. Propagatio autem naturalis non quiescit in vno termino, sed est accipere patrem patris, & filium filij, & secundum talem progressum, diuersi gradus in vna linea reperiuntur. Gradus verò rei est pars eius. Non ergo est gradus propinquitatis, si desit propinquitas. Vnde nimia propinquitates nimia quoque distantia gradus consanguinitates tollunt. Et ideo nulla persona ad seipsam facit gradum sed per comparisonem ad aliam. Et tamen diuersa est ratio

computandi gradus in diuersis lineis. Gradus namque consanguinitatis in linea ascendentium ac descendantium contrahitur ex hoc, quod vna persona ab alia propagatur, eorum inter quos gradus pensatur. Vnde secundū cōputationē canonicā atque legalē, persona quæ primo ingressu propagatio- nis occurrit vel ascēdēdo vel descēdēdo, distat ab aliquo in primo gradu, vt pater & filius: quæ verò vtrinque secundo occurrit distat in secundo gradu, vt auus & nepos: sicque deinceps. Consanguinitas autem existentium in linea trāsuersali inde contrahitur, quod plures propagantur ex vno. Idcirco gradus consanguinitatis in hac linea computantur per comparisonem ad vnum principium. Diuersimode tamen. Nam legalis computatio attendit descensum à communi radice ex vtraque parte, sed canonica solum ex vna, illa videlicet, ex qua maior numerus graduum inuenitur. Et igitur frater & soror seu duo fratres attinent sibi in secundo gradu, secundum computationem legalem: quia vterque à communi radice distat per vnum gradum. Et similiter filij duorum fratrum distant à se in quarto membro. Secundum comparisonem autem canonicam duo fratres attinet sibi in secundo gradu, quoniam neuter eorum distat à communi radice, nisi per vnum gradum. Filij verò fratrum in secunda membro attinēt sibi. Et ergo secundum computationem legalem, quanto aliquis gradu distat ab aliquo superiori, tanto distat à quolibet descendantium, & nunquam minus, nam propter quod vnumquodque tale & illud magis. Sumitur autem nunc linea non prout est simplex dimensio, quæ est prima species quantitatis: sed pro his, quæ linealiter disponuntur: quemadmodum vnitas post vnitatem in numero ordinatur. Et sicut in tali linea quælibet vnitas adiecta gradum facit: ita in linea consanguinitatis, sicque vna linea plures continet gradus.

¶ Consanguinitas demum dici potest maior seu minor dupliciter, scilicet intensiue ex ipsa natura consanguinitatis, & dimensiuè secundum quod quantitas consanguinitatis mensuratur ex personis, inter quas cōsanguinitatis propagatio procedit. Et hoc modo gradus consanguinitatis traduntur. Potest itaque duorum in eodem gradu consanguineorum vnus alicui tertio esse magis consanguineus intensiue quàm alius, quantum ipsi sunt illi tertio atque propinqui quantum ad gradum: vt pater & frater sunt vni in eodem gradu propinquo: & ta-

## D. DIONYSII CARTHUSIANI

men pater est idem magis propinquus intensius, cum sit filius eius, quam frater illius.

**¶** *An consanguinitas de lege naturali impediat matrimonium .2. An gradus consanguinitatis matrimonium impediens sit ab ecclesia, usque ad quartum gradum taxandus.*      *Articulus 181*

**C**onsanguinitas insuper quantum ad aliquas personas, videlicet inter patrem & filiam, matrem quoque & filiam, impedit matrimonium de iure naturali. Filia enim naturaliter debet esse patri subiecta in omnibus. Et ideo innaturale est, ut sit ei socia in educatione proles & regimine domus. Sed filius naturaliter obligatur matrem reuereri, quantum verò ad aliquas personas impedit matrimonium de iure diuino quod per moysen prohibuit certas personas propter consanguinitatem à matrimonio: eas præsertim, quas oportet vel solitum est simul morari. Nisi enim inter personas domesticas interdicta esset matrimonij copula, magnus daretur concupiscentiæ aditus. Cum ergo sit matrimonium in remedium contra concupiscentiam datum conuenienter contrahi nequit inter quosdam propinquos. Quantum autem ad aliquos consanguinitas impedit matrimonium de iure per homines instituto ad augendum amicitiam, & multiplicandum confederationem ac pacem inter homines cum homo ita afficitur propinquis coniugis suæ ut proprijs. Itaque secundum diuersa tempora consanguinitas secundum diuersos gradus matrimonium impedit. In principio namque generis humani propter paucitatem hominum & necessitatem multiplicationis eorum, non nisi pater & mater à matrimonio repellébatur. Postmodum autem multiplicatis hominibus tempore Moysi plures personæ propter consanguinitatem prohibitæ sunt illiæ vtz quæ cohabitare in vna familia soliti sunt, ut Rabbi Moyses dicit, ne daretur incentiuum libidini. Sed aliæ personæ propinquæ non erant prohibitæ, sed tempore nouæ legis, quæ est lex amoris & spiritus, consanguinitas matrimonium impediuit vsque ad septimum gradum, & non ultra, quoniam post tantam distantiam non facile remansit memoria communis radicis: & etiam propter congruentiam septiformis gratiæ spiritus sancti, & hoc ut augeretur inter homines dilectio mutua per multas personas ra-

¶ Nunc verò circa hæc vltima tempora restrictum est iuium ecclesiæ vsq; ad quartum gradum, quoniam refrigescit charitate multorum propinqui post quartum gradum non diliguntur quàm personæ extraneæ. Et ergo per matrimonium est renouanda dilectio.

Aduertendum autem, quod mundo assignantur ætates non ad substantiam, sed quantum ad statum: ad similitudinem ætatis vnius hominis, cuius ætates variantur secundum notatas varietates in statu ipsius. Prima quippe ætas vocatur infantia, vsq; septennium durans. Secunda pueritia vsq; ad quatuordecimum annum. Tertia adolescentia vsq; ad annum viginti quintum. Et hæc ætates interdum computantur propria. Quarta est iuuentus ad quinquagesimum annū durans. Quinta senectus vsq; ad 59. Sexta dicitur senium, & durat vsq; ad vltimum finem. Similiter in hoc mundo dicitur prima ætas ab Adam vsq; ad Noe, in qua fuit humani generis institutio & etiam lapsus. Secunda à Noe vsq; ad Abraham in qua fuit humani generis destructio per diluuium & renouatio eius. Tertia ab Abraham vsque ad Dauid, in qua lex & circumcisio datæ sunt. Quarta à Dauid vsq; ad transmigrationem Babylonis, in qua floruit sub regibus & prophetis. Quinta à transmigratione Babylonis vsq; ad Christum, in qua fuit populi captiuatio & liberatio. Sexta à Christo vsq; ad finem mundi, in qua fuit humani generis facta redemptio. Non itaque oportet, vt ætates credita æqualem numerum annorum sortiantur: sicut nec ætates vnius hominis. Vltima enim ætas quandoque tantum durat vt aliæ omnes.

¶ An ex matrimonio consanguinei affinitas causetur 2. An maneat post mortem uiri inter relictam & consanguineos uiri 3. An ex illicito concubitu causetur affinitas 4. An ex sponsalibus causetur affinitas 5. An affinitas sit causa affinitatis. Articulus 182.

**A**micitia ergo, vt dictum est, in quadam cōmunicatio-  
ne fundatur. Naturalis autē communicatio duplici-  
ter fit, scilicet per carnis propagationem, & per con-  
iunctionem carnalem ad propagationem ordinā-  
tam. Sicut itaque persona alteri per carnis propagationem,

## D. DIONYSII CARTHUSIANI

coniuncta, quoddam naturalis amicitiae vinculum facit: ita si coniungatur per copulam carnalem, non tamen fit particeps eiusdem radicis & sanguinis, sed quasi ab extrinseco aduenit. Propter quod efficitur aliud genus vinculi, quod affinitas appellatur. Sed persona per carnis propagationem coniuncta manet in eo de genere vinculi seu attinentiae, non tamen in eodem gradu, de quo versus habetur: Mutat nupta genus, sed generata gradum.

2 ¶ Denique causa affinitatis est coniunctio viri atque uxoris. Ipsa autem coniunctio transit, & ratione praeteritionis habet quandam necessitatem, sicut praeterita. Unde sicut paternitas & filiatio non destruuntur propter subtractionem causae, cum illa praeterita sit, videlicet esse genitum: sed propter corruptionem subiecti in altero extremorum: sic affinitas manet manente uxore ad consanguineos viri, quamvis mortuus sit vir, quamdiu illi manent cum quibus affinitas est contracta. Matrimonium enim & consanguinitas atque affinitas aliud non sunt, nisi quaedam relationes quae in actione, vel passionem seu motu fundantur.

3 ¶ Praeterea quoniam affinitas ex carnali coniunctione causatur, idcirco fornicarius quoque concubitus affinitatem inducit, in quantum aliquid habet de naturali coniunctione: non autem concubitus contra naturam, quia non habet seminum commixtionem, quae possit prolem producere.

4 ¶ Sciendum verò, quod sicut sponsalia non habent perfectam rationem matrimonij, sed sunt praeparatio ad ipsum: ita non causant affinitatem, sed aliquid simile, quod dicitur publicae honestatis iustitia: quae impedit matrimonium sicut affinitas & consanguinitas, & secundum eosdem gradus ex institutione ecclesiae.

¶ Denique dictum est, quod attinentia quae est per carnis propagationem, manet in eadem specie, non autem quae per copulam carnalem contrahitur: sed fit aliud genus vinculi seu attinentiae. Unde iste modus contrahendi propinquitatem cum alio est quasi aequiuocus, & in aliam speciem cadens à sua causa: non autem primus. Et ergo affinitas non causat affinitatem, sicut consanguinitas consanguinitatem: nisi dicatur omnino aliud genus, vel secundum, aut tertium genus affinitatis. Secundum & tertium genus affinitatis olim erant prohibita ab ecclesia, propter publicae honestatis iustitiam, potius quam propter affinitatem, quia deficiunt à ratione verae affinitatis. Sed



SVMMAE FID. ORTHOD. LIB. III. 327  
do prohibitio illa cessavit, & primum genus affinitatis pro-  
bitum manet.

*An affinitas impediat matrimonium 2. An habeat gradus 3. An gra-  
dus illi extendatur, sicut gradus consanguinitatis. Artic. 183.*

**P**orro affinitas quæ matrimoniū præcedit, impedit cō-  
trahendum dirimitq; contractum, eadem ratione qua  
consanguinitas. Quemadmodum enim consanguine-  
os, sic & affines cohabitare necesse est. Si verò affini-  
as matrimonio superueniat, non valet ipsum dissolvere.

**¶** Amplius graduum distinctio directè & immediate cō-  
petit consanguinitati, quoniam per carnis propagationem cō-  
trahitur. Sed affinitas à carnis propagatione mediante cōsan-  
guinitate procedit, quæ est causa affinitatis. Vnde ad inueni-  
endum gradum affinitatis est regula generalis, q̃ quoto gradu  
consanguinitatis attinet mihi vir, toto gradu affinitatis atti-  
net mihi vxor.

**¶** Quia igitur gradus affinitatis sumitur secundum grad<sup>o</sup>  
consanguinitatis, tot sunt gradus affinitatis quot consanguini-  
tatis. Facilius tamen & olim & nunc dispensatur in remo-  
tis gradibus affinitatis, quā consanguinitatis. Vinculum enim  
affinitatis minus est vinculo consanguinitatis.

*¶ De filiis illegitimis 2. De pœna eorum 3. An etiam  
ualeant legitimari. Articulus 184.*

**Q**uadruplex dæmum est status filiorum, quidā enim  
sunt naturales & legitimi, vt ex matrimonio nati:  
quidam naturales & illegitimi, vt ex simplici for-  
nicatione producti: quidam legitimi & non natu-  
rales, vt adoptiui: quidam nec legitimi, nec naturales, vt spu-  
rij, de stupro aut adulterio nati, tales namq; nascuntur con-  
tra legem positiuam, legemq̃ naturæ.

**¶** Porro filij illegitimi duplex damnum incurrunt. Primo  
quia non admittuntur ad actus legitimos, scilicet ad officia  
vel dignitates, quæ honestatem requirunt in agente. Secundo  
quia non succedunt in hæreditate. Naturales verò filij succe-  
dere possunt in sexta parte tantum. Spurij autem in nulla. Pa-  
rentes tamen de iure naturali tenentur eis providere, ad quod  
per episcopum sunt cogendi. Prædicta ergo damna illegitimi

filij pati dicuntur, non quod eis quicquam subtrahitur quod eis debitum fuit, sed quoniam eis non est debitum, quod alijs eis debitum esse potuisset, videlicet si illegitimi non essent.

3 ¶ Deniq; filij legitimi legitimantur ex hoc, quod per auctoritatem ecclesiæ prædictis damnis nō subiiciuntur. Suntq; sex modi legitimandi, duo secundū Canones: vt cū quis ducit in vxorem illam, ex qua filiū illegitimum generauit, si nō fuit adulteriū. Secundus est per specialē indulgentiam & dispensationē domini Papæ. Alij quatuor modi sunt civiles. Primus, dum pater filium naturalem curiæ imperatoris offert. Secundus, cum pater in testimonio nominat eum legitimum heredem, & filius postmodum imperatori testimonium offert. Tertius, si nullus est filius legitimus. & ipsemet principi offerat sc. Quartus est, quando in publico instrumento, vel cum trium testium subscriptione eum vocat legitimum, nec adiicit naturalem. Agnoscendum quoque, quod ignorantia excusat illicitum coitum, si non sit affectata. Et ergo qui bona fide conueniunt in facie ecclesiæ, licet sit impedimentum si ipsum ignorant, non peccant, nec filij illegitimi erunt. Si verò sciant, quāuis ecclesia quæ impedimentum ignorat, sustinet eos: non excusantur à culpa, nec filij ab illegitimitate. Si autem non sciunt, & in occulto contrahunt non excusantur, eo quod talis ignorantia appareat affectata.

¶ *Utrum spiritualis cognatio impedit matrimonium 2.  
An talis propinquitatis per solum baptismum contrahatur. Articulus 185.*

**S**icut præterea per carnis propagationem accepit homo esse naturæ, sic per sacramenta ecclesiæ suscipit esse spirituale gratiæ: quod est ei quodammodo naturale in quantum est membrum ecclesiæ. Idcirco sicut carnalis, sic & spiritualis cognatio matrimonium impedit ex statu ecclesiæ. Si enim præcessit matrimonium, impedit contrahendum, dirimitq; contractum. Sed si sequeretur, tunc non dirimit matrimonij vinculum. De actu tamen matrimonij est distinguendum. Vel enim spiritualis cognatio causa necessitatis inducitur, vt dum pater pueri infantem baptizat propter periculum mortis: & tunc ex nulla parte impedit matrimonij actū. Aut inducitur sine necessitate, sed ex ignorantia: & tunc

ille ex cuius actu inducitur, debitam diligentiam adhibuit, et idem iudicium sicut prædictum est. Si verò inducitur ex industria & præter necessitatem: tunc ille ex cuius actu inducitur, perdit ius petendi debitum, quanvis reddere obligetur.

¶ Causa autem cur spiritualis cognatio matrimonium impedit est: quia multiplicationem amicitiae tollit, ipsa enim per se ad amicitiam est sufficiens.

¶ Præterea secundum probabiliorem & communio- rem opinionem spiritualis cognatio non contrahitur nisi per duo sacramenta, videlicet per baptismum & confirmationem. Catechismus verò impedit matrimonium contrahendum, non autem dirimit contractum.

¶ Inter quos contrahatur spiritualis cognatio 2. An transeat à viro in foeminam 3. An à patre in filios. Artic. 186.

**D**Enique sicut in generatione carnali quis nascitur ex patre & filio: sic in spirituali regeneratione nascitur homo filius dei sicut patris, atque ecclesiae sicut matris. Quemadmodum autem sacramentum conferens gerit personam dei: sic qui baptizatum de fonte sacro leuat, vel confirmandum tenet, habet personam ecclesiae: ideo ad utrumque spiritualis cognatio contrahitur.

2. ¶ Insuper aliquis potest fieri compater alicuius dupliciter Vno modo per actum alterius, scilicet baptizantis, vel suscipientis in baptismo filium eius: sicque spiritualis cognatio non transit à viro in coniugem, nisi ille sit filius vxoris, tunc enim vxor directe contrahit cognationem spiritualem, sicut & vir. Alio modo per proprium actum, vt dum filium alterius de fonte baptismatis leuat: & sic cognatio spiritualis trāsit ad mulierem carnaliter cognitam, quanvis non sit matrimonialiter iuncta, tunc enim sunt vna caro. Non autem si non sit mulier carnaliter cognita, sed inter patrem spiritualem, matremque spiritualem eiusdem non oritur spiritualis cognatio, quoniam alter per se sufficeret. Et ergo simul contrahere possunt. Cum infideli quoque non potest spiritualis cognatio contrahi, quia non pertinet ad mysticum corpus Christi.

3. ¶ Præterea cum filius sit aliquid patris, & non econtra: idcirco spiritualis cognatio transit à patre in filios, & non vice versa. Tres igitur sunt spirituales cognationes, quarum vna paternitas nominatur, quæ inter patrem spiritualem & filium

eius consistit. Alia compaternitas dicitur, quæ est inter patrẽ spiritualem & filium eius carnalem. Tertia verò vocatur spiritalis fraternitas, quæ est inter filium spiritualem filiosque carnales eiusdem patris. Et qualibet harum impedit matrimoniũ contrahendũ dirimitq; contractum. Spiritualis tamen cognatio nõ habet gradum. Nam in eodem gradu attinet filius spiritalis filio naturali sui spiritalis patris, in quo attinet ei pater eius, mediante quo spiritalis cognatio transir.

**¶** De diffinitione adoptionis per quam est legalis cognatio 2. An ex adoptione impediatur matrimonium 3. Inter quos talis cognatio contrahatur. Art. 168.

**A**Rs autem imitatur naturã, & supplet eius defectum. Et ergo per ius positivum, quod est ars æqui & boni, potest homo personam extraneam sibi in filium assumere, ad similitudinem filij naturalis, propter supplementum amissorum filiorum defectum. Ad quod adoptio instituta cõsetur, & ideo taliter diffinitur: Adoptio est extraneæ personæ in filium aut nepotem, vel deinceps, legitima assumptio. Est verò adoptio duplex, videlicet perfecta quæ arrogatio dicitur, & naturalem filiationem perfectè imitatur. Per hanc enim adoptatus transit in potestatem adoptantis, & succedit ei ex intestato. Et hæc adoptio fieri nequit, nisi auctoritate principis, nec taliter adoptari valet qui sui iuris non est. Alia verò species adoptionis est imperfecta, quæ naturalem filiationem imperfectè sectatur. Non enim per eam transit adoptatus in potestatem adoptantis, nec succedit ei in bonis, neque tenetur ei adoptans aliquid in testamento relinquere. Hæc quoque adoptio fieri potest sine auctoritate principis, ex auctoritate magistratus: sicq; adoptari potest, qui sui iuris nõ est. Sed primo modo adoptatus sine culpa sua priuari non potest quarta parte hæreditatis. Item qui sui iuris non est, vel qui nõdum viginquique annos sortitus est, & mulier, adoptare non possunt: nisi ex concessione principis. Qui etiã perpetuũ habet impedimentum generandi adoptare non potest, nã ratione suæ sterilitatis hæreditas eiº ad propinquos eiº pertinet.

**¶** At verò legalis cognatio, quæ per adoptionem inducitur, matrimonium impedit, secundum leges civiles & approbationem ecclesiæ: tales enim personas cohabitare oportet,

ergo coniungi non debent, nec personæ consanguineæ.

¶ Sciendum quoque, quod cognatio legalis est triplex. Prima quasi descendentiū, quæ contrahitur inter patrem adoptantem & filium adoptatum, & filium filij adoptiui & nepotem, & ita deinceps. Secunda, quæ est inter filium adoptiui & filium naturalem. Tertia est per modum affinitatis cuiusdā quæ est inter patrem adoptantem atq; uxorem filij adoptati, vel econtra. Et item inter filium adoptatum & uxorem patris adoptantis. Prima ergo & tertia perpetuo matrimonium impediūt. Secūda verò quādiu manet in potestate patris adoptantis. Vnde mortuo patre, vel filio emancipato, potest inter eos matrimoniū esse, quando cohabitatio terminatur: tūc enim filius adoptiuus & filia naturalis eiusdē patris contrahere pñt.

¶ *An secundæ nuptiæ sint licitæ 2. An sacramentales* Articulus 188.

**M**ulier insuper, teste Apostolo, alligata est viro, quādiu viuit vir eius. Vnde mortuo viro vinculum matrimoniale cessat ac desinit, propter quod alteri nubit. Et ideo non solum secundæ nuptiæ, sed tertiæ quoque & quartæ, atq; deinceps sunt licitæ.

2 ¶ Deniq; ea quæ ad sacramenti huius essentiam requiruntur, videlicet debitam materiam, cum sit inter personas legitimas: & debitam formam, vt pote expressus consensus interioris per verba de præsentī. Nihilominus tale matrimonium ali quid imperfectionis sortitur respectu matrimonij primi. Non enim seruatur in eo plena significatio matrimonij quæ est vnio Christi & ecclesiæ, in qua vnione non est diuisio in plura. Et ideo benedictio subtrahitur, quando secundæ nuptiæ sunt secundæ ex parte viri ac coniugis, vel ex parte vxoris duntaxat. Nam si virgo contrahat cum eo qui aliam mulierem habuit, nuptiæ benedicuntur, saluatur enim quodammodo significatio etiam in ordine ad primas nuptias. Quanuis enim Christus vnā ecclesiam habeat sponsam, habet tamen plures personas desponsatas in ecclesia. Anima autē non potest esse sponsa alicuius quā Christi, cum dæmone nāq; fornicatur, neq; est ibi spirituale matrimoniū. Idcirco dum mulier secundo nubit nuptiæ non benedicuntur, propter defectum sacramenti, quod vnionem designat cum Christo.

T

**¶** An uterq; coniugum teneatur semper ex æquo ad reddendum debitū etiam quandoq; non petenti propter verecundiam 2. An uir & mulier possint uotum emittere contra debitum matrimonij sine mutuo consensu 3. An temporibus sacris debitum petere sit mortale peccatum. Articulus 189.

**O** Rdo naturæ & charitatis hoc habet, ut unūquodque prius in seipso perficiatur, & postmodū alteri de sua perfectione communicet. Et ergo licet vxor in viro potestatem habeat quantum ad virtutē generatiuā exigendi ab eo debitum, non tamen tenetur reddere cum detrimento incolumitatis proprii corporis. Extra quem casum tenetur vir semper vxori debitum reddere, etiam non petenti propter verecundiam: modo expressa signa in ea appareant voluntatis reddendi debitum, etiam festiuo tempore, saltem seruata debita honestate, quæ in talibus exigitur. Hoc enim est propter lubricum carnis diuinitus ordinatū, ut semper petenti debitū reddatur, ne aliqua occasio detur peccati. Et eadem ratione tenetur vxor viro petenti semper debitū reddere. Quia quantū ad hoc vir & mulier sunt æquales. Vnde 1. Cor. 7. Mulier potestatem sui corporis non habet, sed vir: similiter autem & vir sui corporis potestatem non habet, sed mulier.

2. **¶** Cū itaq; coniuges sibi inuicē teneantur in redditione debiti, non potest vnus absq; consensu alterius continentiam vouere. Votū enim est de illis duntaxat bonis, quæ nostræ subiacent voluntati: qualia non sunt ea, in quibus vnus tenetur alteri. Peccat proinde qui sic vouet & non debet seruare votū, sed agere poenitentiam de voto malefacto, etiā si tantū uouerit se redditurum quidē debitum petenti, sed nunquā petiturum. Per hoc enim redderetur matrimonium alteri onerosum, dū oporteret semper unū onus petēdi debitū subire. Et ob hoc 1. Cor. 7. dicitur. Ne fraudetis vos inuicē, nisi ex cōmuni cōsensu ad tēpus, ut uacetis orationi. Si verò ante contractū matrimonium emisisset votum simplex castitatis, tenetur quidē petenti debitū reddere: ipse autē exigere debitū sine petō nō pōt.

3. **¶** Quanuis verò semper oporteat petenti debitum reddere, saluis conditionibus suprà memoratis, petere tamen in die festo peccatum est ad minus veniale: grauius quidem si sola delectationis causa petatur. Reddit quippe carnalis delectatio, rationē deprimens, hominem ineptum ad spiritualia, qui-

is præcipue intendendum est die festo. Non est autem peccatum mortale, quia petere debitum in die festo est circumstantia, non trahens in aliam peccati speciem, quare nec potest in infinitum aggravare. Si qua igitur carnis tectatio insurgat die festo ratione, ieiunio, vigiliisq; aut præveniēda est aut retundēda.

¶ *An animabus post mortem receptacula assignentur 2. An statim post mortem ad ipsa animæ deducantur 3. An de ipsis locis egredi ualeant 4. An limbus inferni sit idem quod sinus Abrææ 5. An limbus sit idem quod infernus damnatorum 6 An limbus patrum sit idem quod limbus puerorum 7. An tot receptacula debeant distingui. Ar. 190.*

**C**um scriptura sacra attribuat deo (qui est substantia spiritualis omnium prima) locum corporeum supremum, cælum videlicet Psalm. attestante: Cælum mihi sedes est, omnino credendum est animas quæ sunt in participatione perfectæ deitatis, in cælo esse. Quæ autē à participatione huiusmodi impediuntur, loco contrariò deputari. Quod licet à nobis pro statu huius viæ plene cognosci non possit, tamen quia secundum Aug. 3. de trinitate, & Grego. 4. dialogo, corporalia gubernantur à deo mediantibus spiritualibus, & secundum philosophos, ordo mobilium pensatur secundum ordinem substantiarum separatarum: consequens profectò est, ut dignioribus substantiis digniora corpora adaptentur. Cònuenit enim anima separata cum corpore cui deputatur, & si non secundum similitudinem alicuius sensibilis qualitatis, cònuenit tamen secundum quid per quandam proportionabilitatem. Animæ spiritualiter illuminatæ conueniunt cum corporibus luminosis, offuscatae verò per culpam cum locis tenebrosis. Quibus dum se agnoscunt animæ deputari: vel gaudio afficiuntur, vel dolore.

2 ¶ *Quemadmodum verò graua & leuia sublato impedimento, protinus in suum quæq; locum feruntur: ita & animæ vinculo carnis abrupto, illico vel in infernum demerguntur, vel in cælum euolant, nisi obstitat peccatum aliquod veniale purgandum. Testatur hoc Paulus 2. Cor. 5. Scimus enim quoniam si terrestris domus nostra huius habitationis dissoluatur, quod ædificatio nē ex deo habemus, domum non manufactam, sed æternā in cælis. Qui & Philipensibus scribens: Cupio, inquit, dissolui, &*



esse eum Christo. Hoc autem frustra peteret, si existimaret animam à corpore solutam non confestim in cœlum migraturam. Sed & diues epulo Luca 16. defunctus in inferno, animâ Lazari in sinu Abraham vidisse perhibetur. Nam cum sint animæ singulæ à deo creatæ, nunc quidem sola singulari retributione in abditis illis receptaculis, cœlo videlicet, vel inferno continentur, licet aliter nunc quàm post diem nouissimû: quia nunc sine corpore, tunc verò simul cum corpore, vel beatitudine perfruentur, vel affligentur miseria. Quæ quidem corpora propter mutuam continuationem adinuicem (nam secundum eâ verum est dicere, quod dicitur Act. 17. q̃ deus ex vno fecit omnium hominum genus) congruum est simul omnia glorificari, vt & in ipsa carne gaudeant secundum B. Gregorium quarto dialogo, in qua dolores pro domino cruciatusq; pertulerunt. Et eodem modo dicendum est de dñatis.

¶ Et quia secundum B. Augustinum in libro de cura pro mortuis agenda, alij sunt humanarum limites rerum, alia diuinorum signa virtutum, alia quæ naturaliter, & alia quæ inuisibiliter fiunt. Quauis animæ suis deputatæ locis, inde simpliciter, vel secundum consuetum naturæ cursum non exeant, tamen secundum ordinem diuinæ prouidentia, quandoq; ad tēpus egredi possunt, dum vel ad eruditiōē hominū, vel terrorem permittuntur viuētibus apparere, aut etiam suffragia expectant, quantum ad illos qui purgatorio detinentur, vt probat per multa exēpla B. Greg. quarto dialogo. Et B. Aug. li. de cura pro mortuis agenda de Felici martyre, qui ciuibz Nolanis visibiliter apparuit cum à barbaris oppugnarentur. Quòd autem sancti (qui etiam cum hic viuerent miraculorum gratia clauerunt, & ob id verisimile est viuētibz posse apparere cum velint) non semper apparent viuīs, iis etiam quos hic habuerunt charissimos: fieri putandum est propter conformitatem voluntatis eorum ad dispositionem diuinam, quæ nouit quatenus huiusmodi apparitiones viuētibz, vel obsint, vel expediant: vel quia in purgatorio pœnis oppressi de sua magis miseria doleant, quàm vt curent aliis apparere, nam etiam cum viuētibz apparent, nec gaudij diminutionē patiuntur beati, nec dñati vllam pœnarum suarū sentiunt reuelationē eo q̃ se agnoscat sic semper latis aut tristibus locis addictos, vt nisi ad momentum nutu creatoris inde nequeant exire.

4 ¶ Cæterum iustorū animæ post mortem non semper ean

de requiem habuerunt. Quia post Christi aduentū habent plenam requiē diuina visione fruētes, sed ante aduentum Christi habebant tantū immunitatem pœnæ absq; quiete desiderij per consecutionē finis. Erat proinde idem locus saltem per accidens, quo ante aduentū Christi delatæ sunt animæ iustorū & quo nunc deferuntur, videlicet limbus inferni & sinus Abraæ. Qui propter requiē ad quā Abraæ fides trans mittebat: accedentē enim ad deū oportet credere, Heb. 2. sinus Abraæ diceretur, & limbus inferni propter carentiā beatificæ visionis. Hæc tamen identitas post Christi aduentū est cassata. Non autē vnitati accidentali repugnat, q̃ nusq̃ in sacris literis sinus Abraæ in malū accipitur propter requiē, & limb⁹ inferni siue infernus nūquam in bonum propter defectum. Nā cum ante aduentum Christi, requies sanctorū haberet defectum quietis adiunctum, dictus est infernus & limbus, tantū enim ibi nō videbatur deus. Nunc verò cōpleta post Christi aduentum sanctorum requie, citra omnis defectus admixtionem eadē quies non infernus dicitur, sed sinus Abraæ. Ad quē etiam ecclesia fideles suos orat perducī. Est enī nunc requies beatorū pauperū, quorum est regnū cœlorum, vt dicit quēdā glossa Luc. 16 super illud. Factū est vt moreretur diues. 5. Quauis verò probabile sit eundē esse locum, vel continuū secundum sitū, limbū inferni & infernū damnatorum, ita tamen q̃ quēdā superior inferni pars limbus patrū dicatur, decebat enim sanctos patres qui minimum quid habebāt de ratione culpæ supremū & minus tenebrosū locū habere præ iis, qui illic puniebātur, nequaquā tamen dubitandū est limbum patrū & infernum damnatorum secundū qualitatem locorū, porro fuisse distinctas. Quia in inferno est pœna & sensibilis & æterna: quarum neutra erat in limbo, vbi tēporaliter tantū detinebantur absq; omni sensibili dolore. Vnde euoluto decreto à deo tempore, Christus infernū mordens non absorbens, expoliavit limbū, patres antiquos secum inde in cœlū transduxit. Inter quos & Iob fuisse credendū est, non obstante q̃ de se dixerit 17. cap. In profundissimū infernū descendit anima mea: hoc quippe, vel de limbo patrū dixisse putandus est, qui & profundissimus est in comparatione ad alia loca nō pœnalia, inquantū sub eodē includitur omnis locus pœnarū. Vel secundū Augu. 1. 2. super Gen. ad literā, dicendum quod iustus homo timuerit ne tristitia nimia sic perturbaretur, vt non ad requiem bono-



propter defectum personæ, & sic est purgatorium in quo detinentur animæ, ne statim præmia consequantur, propter peccata quæ commiserunt. Nā licet in inferno (vbi non est purū malū citra omnis boni admixtionem) damnatorū quoq; quædā bona opera per mitiorem pœnam quoddāmodo præmiāt ad beatitudinē tamen (cuius est impermixtū ac syncerum bonū) (nemo nisi omnino purgatus, potest admitti. Vel est ppter defectū naturæ, & sic est limbus patrum, in quo propter reatum naturæ humanæ (quæ nondum poterat expiari) à consecutione gloriæ patres antiqui in anima detinebantur. Carentia enim gloriæ animæ statum diversificat non carentia gloriæ corporis, quia in gloria animæ consistit præmium essentialē, à qua originaliter redundat in corpus.

**C** An anima separata remaneant potentie sensitivæ. 2. An remaneant in ea actus distarum potentiarum. 3. An anima separata possit pati ab igne corporeo. **Articulus 191.**

**O**perationē hominis duplex est genus. Quædā enim sunt quarū principia sunt potentie animæ: & tamē non proprie sunt animæ vt subiecti, sicut color est corporis (vt quidā falso sunt opinati) sed coniuncti id est corporis & animæ simul, quia explentur per corpus, vt est videre, audire, & huiusmodi. Et quia secundū Philosoph. de somno & vigilia, eius est actio cuius est potentia: oportet qd istæ potentie sint coniuncti sicut subiecti, animæ verò sicut principij influentis, eo modo quo omnis forma est principij proprietatū compositi. Nam non comparantur ad animā vt naturales passionēs ad suū obiectum, sed sicut ad originē in qua radicanter. Qua ratione à beato Aug. dictum est, animā secū trahere sensum & imaginationē, concupiscibilitatē & irascibilitatē, quæ tamen ad sensitivā potentiam spectāt, nisi forte de interioribus sensibus, qui ad intellectuū partim pertinent, videatur locutus, eo modo loquēdi, quo secundū Basiliū super Proverbia, & Philosoph. sexto Ethicorum sensus quandoque p intellectu accipitur. Alterū vero genus operationū est, quæ immediate exercētur ab aīa sine organo corporali, vt intelligere, cōsiderare, & velle. Et hæ sunt animæ pprie. Nā potentie quæ sunt harū principia, nō solū sunt animæ vt principij, sed etiā vt subiecti. Has ergo potētias, quæ in suis actionib. nō vtū

tur organo corporali, necesse est remanere in anima separata. Sicut enim remanente subiecto, manere oportet & proprias passionis: ita & destructo subiecto, oportet easdem quoque destrui, principio nihilominus integro & illaeso perseverante, id est, anima, à qua huiusmodi potentia sensitiva in corpus manabant, sicut nec potentia regis manet dimidiata, mortuo praeposito, qui eius potentiam participabat. Et haec confirmari possunt per Augustinum libro de Ecclesiasticis dogmatibus sic dicentem: Duabus substantiis homo constat, anima tantum & carne, anima cum ratione sua, & carne cum sensibus suis. Potentia itaque sensitiva ad carnem pertinent, ergo corrupta carne non manent itaque in anima.

2 ¶ Actus potentiarum sensitiivarum communes corpori & animae, neque exerceri valeant nisi per organum aliquod corporale, nullo modo manent in anima separata, nisi forte sicut in radice: & hoc Philosophus 1. de anima dicit, quod corrupto corpore anima non reminiscitur neque amat. Quod enim dictum est diuiti epuloni Lucæ 16. Recordare fili, quia recepisti bona in vita tua, non est referendum ad memoriam, quæ est patris sensitivæ, secundum quod concernit tempus præteritum: sed ad memoriam prout est pars imaginis ad intellectivam partem pertinens, & secundum Augustinum, abstrahit ab omni differentia temporis, cum non sit tantum præteritorum, sed etiam præsentium & futurorum. Similiter gaudium, amor, tristitia, & huiusmodi erunt in anima separata, prout sunt actus voluntatis quæ est in intellectiva parte, non secundum quod sunt passionis appetitus sensitivi, quia sic non explentur sine determinato motu cordis.

3 ¶ Christo in euangelio perhibente Matthæi 25. Maledictos in ignem æternum ituros, qui præparatus sit diabolo & angelis eius, haud dubium est animas separatas non minus quam dæmones, (qui & ipsi spirituales sunt creaturae) ab igne corporeo affligi. Quo autem pacto hoc possit fieri, diversimode conati sunt ostendere. Omnium tamen modos in unum colligendo, dicendum est, quod ignis ex natura quidem sua habet, quod spiritus incorporeus ei coniungere possit, ut locus locatum, eo tamen modo quo spiritualia possunt esse in loco, videlicet per diffinitionem loci: sed in quantum est instrumentum in divinæ iustitiæ, habet ut etiam ipsum quodammodo inuitum retineat alligatum. In quo ignis ille est veraciter

spiritui nocivus, vt sic anima ignem vt sibi nocivum per violentā detentionē videns, realiter ab igne patiatur. Sicut Grego. quarto dialogo per ordinē ad longū tangit, & beatus August. vigesimo primo de Ciuitate dei: Sicut (inquit) anima in hominis conditione lungitur corpori, vt dans ei vitam, quāuis illud sit spirituale & hoc corporale: & ex illa coniunctio-  
ne vehementer concipit amorem ad corpus: sic ligatur igni, vt accipiens ab eo pœnam, & ex illa coniunctio-  
ne concipiat horrore. Vnde apparet ignem illum animā agere non per mu-  
tuā transmutationem, aut per modū influentis, aut per corpo-  
ralē contactum: quæ corporum duntaxat sunt, & eorum quæ  
cōmunicant in materia, sed per modū detinentis, & per cōta-  
ctum spirituale, sicut & motor cœli cum sit spiritualis spiritua-  
li tactu tangit cœlū, ipsum mouens, per modū quo dicitur cō-  
tristans tangere, sicut dicitur primo de generatione. Qui ta-  
ctus continuatus dæmonibus & damnatis, etiam cū per dispē-  
sationē infernū aliquādiu exeunt, sicut dicit glossa super illud  
Iacobi 3. Inflāmat rotā natiuitatis nostræ, Diab. vbi cūq; sit, si-  
ne sub terra, siue in aere, secū trahit tormēta suarū flammarū.

**¶** De suffragiis mortuorum, an suffagia per unum facta aliis prodesse possint. 2. An mortui possint iuuari operibus viuorum. 3. An suffragia per peccatores facta mortuis profint. 4. An quicquid uiuis pro mortuis fiunt facientibus profint. Ar. 192.

**E**tsi opus vnius hominis non possit valere alteri per vi-  
am meriti (quod iustitiæ innititur) ad acquirendum  
salutem beatitudinis, ad quam vnusquisq; ex suo actu  
disponitur, non ex alieno. Quæ enim seminauerit ho-  
mo, hæc & metet Galatas sexto. Potest tamen & per viam me-  
riti & per viam orationis, quæ misericordiæ innititur, opus  
vnus valere alteri, vel ad præmium aliquod accidentale, vel  
dimissionem pœnæ peccatis debitæ, tum propter communi-  
cantiam in radice operis, quæ charitas est, in operibus meri-  
toriiis, secundū quod dicit in psalmo: Particeps ego sum om-  
niū timentium te, tum etiam ex speciali intentione facientis  
opus: ad hoc, vt aliis prodesse possit, hoc enim etiam secundū  
iustitiā humanā contingit, vt satisfactio vnius p alio accipiat  
2 **¶** Quum verò charitas (quæ est vinculum, mēbra ecclesiæ  
vniens) præsentī vita non finiatur, possunt & viuorum suffra-

## D. DIONYSII CARTHUSIANI

gia mortuis in purgatorio existentibus applicari, & propter vnionem charitatis, qua uiuis mortui sociantur & propter specialem uiuentium intentionem, non minus quàm uiuorum inter se sibi mutuo suffragia subueniunt, vel quantum ad diminutionem pœnæ vel aliquid huiusmodi, quod tamen statum mortui non transmutet de miseria damnationis ad gloriâ beatitudinis. Vnde 2. Machabæorū duodecimo dicitur: Sancta & salubris est cogitatio, p̄ defūctis exorare vt à peccatis soluant̃.

3 ¶ Quauis autem suffragia per peccatores facta non tantum pro sint mortuis, quantum si per sanctos ac iustos fierent prodesse tamen credenda sunt, tum quantum ad opus operatum (vt est sacrificium altaris quod sicut & reliqua ecclesiæ sacramenta ex seipso efficaciam habet) tum quantum ad opus operans ipsius ecclesiæ, cuius personam gerit sacerdos iniquus suffragia faciens, tum etiam propter charitatē principalis agentis, qui suffragia fieri disponit.

4 ¶ Opus itaque suffragij facienti quidem prodest ad meritū vitæ æternæ, si procedat ex radice charitatis: sicut in psalmo. Oratio mea in sinu meo conuertetur. Inquātum verò est expiatiuum pœnæ per modum cuiusdam recompensationis, quæ in satisfactione attenditur, ita absoluit eum pro quo fit ab obligatione pœnæ debitæ, vt tamen non absoluat facientem à debito pœnæ propriæ. Cuius causa est quia oportet opus satisfactorium adæquari reatui, sed reatus duorum peccatorum maiorem satisfactionem requirit, quàm reatus vnus, Nam secundum mensuram delicti erit & plagarum modus, Deuteronomij vigesimo quinto.

¶ An suffragia prosint etiam existentibus in inferno, in limbo puerorum & sanctis existētibz in patria. 2. An orationibus ecclesiæ, & sacrificio altaris & elemosynis animæ defunctorum iuuentur.

Articulus 193.

**N**illus in inferno damnatorum vel limbo puerorum existens iuari potest, secundum legem communem vllis viuorum suffragiis, neq; quo ad diminutionem pœnæ, neque quo ad interruptionem, nec quo ad confortationem patētis, tū quia charitate carent secundū quam opera viuorū continuatur defunctis, tū quia totaliter ad vitæ terminū peruenerūt, recipiētes vltimā pro meritis retributionē,



sicut & sanctis qui inebriati ab vbertate domus dei immunes sunt ab omni indigentia, iuvari non competit per viuorum suffragia. Quia vt Augusti, inquit, Iniuria est in ecclesia pro martyre orare, cuius nos debemus precibus commendari. Et B. Dionysi. 7. cap. Eccle. hierarchia de damnatis inquit: Summus sacerdos, pro immundis non orat, quia in hoc auerteretur à diuino ordine.

2 ¶ Quauis verò quæcunque bona ex charitate facta pro defunctis, eis valere credenda sint, tamen orationes ecclesiar, & sacrificium altaris, & elemosinæ sunt præcipua mortuorum subsidia. Profunt enim defunctis viuorum suffragia secundum quod vniuntur inuicem charitate, & secundum quod intentio viuientis fertur in mortuos. Ad charitatem autem præcipue pertinet sacramentum eucharistia, cum sit sacramentum ecclesiasticæ vniõis Christum continens, in quo tota ecclesia vnitur & consolidatur. Eleemosyna quoque inter effectus charitatis est opus præcipuum. Sed ex parte intentionis directe in mortuos præcipue valet oratio, quæ secundum suam rationem directius respicit ad id pro quo oratur.

¶ Vnde nec ieiunium prodesse potest defunctis, nisi ratione charitatis, & intencionis in defunctos directe. Similiter nec candelæ, nec oleû, nisi inquantû sunt elemosinæ, datæ ad cultum dei vel in vsum ecclesiar. Sed & baptisumus cû sit quædã spiritalis regeneratio, illis duntaxat est utilis ex opere operato qui regenerantur, id est, viuentibus. Quos apostolus 1. Co. 5 baptizari dicit pro mortuis, id est, peccatis mortalibus.

¶ *An indulgentiæ quas facit ecclesia, etiam mortuis profint.*

2. *An cultus exequiarum defuncto profint.* 3. *An suffragia quæ fiunt pro defunctis tãtundem valeant aliis, quantum illis pro quibus fiunt.* Ar. 194.

C Vm prælatus ecclesiar ex causa cõuenienti indulgentias facit sub hac forma: Quicunq; fecerit hoc vel illud, ipse & pater eius vel quicunq; alius ei adiunctus in purgatorio detectus, tãtû de indulgẽtia habebit. Talis indulgẽtia nõ solû viuo, sed etiã mortuo pdest. Nõ est enĩ aliqua ratio quare ecclesia trãsferre possit cõmunia sanctorũ merita (quibus innitũtur indulgẽtiæ) in viuos & nõ mortuos.

2 ¶ Sepultura humani corporis viuis quidem prodest, dum

per hanc nec cadauerum putredine eorum oculi offenduntur, nec foetoribus corpora inficiuntur. Insuper & in fide resurrectionis confirmantur, videntes corpora defunctorum non viliter abijci, sed pie & religiose humari. Eadem verò defunctis prodest, non quasi mortuis corporibus aliquis sensus insit, sed quia inspicientes monumenta, memoriam retinent defunctorum, & pro ipsis orant. Quæ si fiat in loco sacro magis prodest propter preces sancti cuius se patrocinio commisit, & etià eorum qui loco sacro deferuiunt. Est etiam non inutile cultum aliquem, moderatum tamen ipsis exequijs adhibere, tum propter viuorum solatia, tum ut aspicientes ad compansionem, & per consequens ad orandum pro defuncto excitentur. Maxime verò curandum, ut ex his sumptibus vel pauperes fructum referant, vel ecclesiæ ornatus promoueat, sic enim sepultura inter ceteras elemosynas computabitur.

3 ¶ Sicut in iustitia humana aliquis pro aliquo debitum soluens, eum tantum absoluit, non quemlibet alium: ita & in iustitia diuina (quæ est exemplar iustitiæ humanæ) suffragia quæ per intentionem viuentium alicui defuncto destinantur aut applicantur, ei solum, valent pro quo fiant quantum ad remissionem pœnæ, ad quam satisfactio (quæ per suffragia intenditur) proprie ordinatur: quanuis secundum quandam interiorum consolationem, etiam eis valere possint, qui fuerint magis charitate pleni: licet pro eis specialiter non fiant, quia charitas facit omnia bona communia.

¶ De oratione respectu sanctorum qui sunt in patria.

¶ An sancti orationes nostras agnoscant. 2. An debeamus sanctos orare ad interpellandum pro nobis. 3. An orationes sanctorum ad deum pro nobis fusæ semper exaudiantur.      Articulus 195.

**A**D perfectionem beatitudinis pertinet, ut homo habeat quicquid velit, nec aliquid inordinate velit. Ergo sancti cognoscunt intuitu diuinæ essentiae (quæ est sufficiens medium ad cognoscendum omnia) vota & deuotiones & orationes hominum, qui ad eorum auxilium confugiunt: hoc enim ad eorum gloriam pertinent, quia per hoc auxilium præstare possunt indigentibus ad salutem, cooperatores dei effecti, quo nihil est diuinius, secundum b. Diony. 3.

cap. cœlestis hierar. Et idcirco dicit b. Grego. 12. lib. Mora. super illud Iob. 14. Siue nobiles fuerint filij eius, siue ignobiles, non intelliget: Hoc de animabus sanctis sentiendum non est, quia quæ omnipotentis dei virtutem & claritatem vident, nullo modo credendum est, quod sit foris aliquid qđ ignorēt.

2 ¶ Pertinet etiam hoc ad complementum ordinis vniuersi, vt secundum beatum Dionysium, Vltima in deum reducatur per media. Vnde sicut mediantibus sanctorum suffragijs, dei in nos beneficia deueniūt: ita oportet nos beneficia eius sumentes, mediantibus sanctis, iterato in deum reduci. Quare non immerito eos intercessores pro nobis ad deum cōstitui-  
mus, & quasi mediatores dū ab eis petimus vt pro vobis orēt. Sicut & beatus Paulus Romanorum decimoquinto, & plerisque alijs locis, etiam viuorum preces ac intercessionem (quas tamen constat beatorum orationibus efficaciores non esse) legitur postulasse.

3 ¶ Sancti itaque orando pro nobis oratione expressa, secundum quod votis suis aliquid nobis à deo postulāt, semper exaudiuntur: eò quod sic nihil volunt diuinæ voluntati contrarium. Cum verò orant oratione interpretatiua, scilicet per eorum merita, quæadmodum & sanguis Christi dicitur pro nobis veniā petere: non semper quod sic petunt impetrāt, propter indignitatē nostram, qui meritis sanctorū sumus indigni.

¶ De signis quæ iudicium præcedent.

¶ An aduentum domini ad iudicium præcedant aliqua signa. 2. An circa iudicium secundum rei veritatem sol & luna obscurentur. 3. An virtutes cœlorum domino ueniente moueantur. Articuli 96.

A Duentum Christi ad iudicium venientis multa signa præcedent, vt corda hominum ad subiectionem & reuerentiam venturi iudicis adducantur. Hoc enim pertinet ad dignitatem iudiciariæ potestatis, quam dominus in forma gloriosa exercebit. Quia verò secundum Apostolū, prima Tessalonis. 5. dies illa domini sicut fur ita in nocte veniet. Quæ sint illa signa, determinate sciri non poterit, vt Augustinus dicit ad Esaiam. Nam signa quæ in euangelijs leguntur, frequēter à principio mundi facta sciuntur, nisi forte credamus tunc crebriora & maiora futura, quàm vnquam antea

## D. DIONYSII CARTHUSIANI

fuerint. Signa verò quæ beatus Hieronymus recitat, ex annalibus sunt Hebræorum, parum veritatis habentia.

2 ¶ Credibile nō est, quod in ipso momento aduentus Christi sol & luna obscurētur sui luminis priuatione, tum quia tūc totus mundus innouabitur, tum quia secundū Esaiam capite tricesimo, lux lunæ erit tunc sicut lux solis: & lux solis erit septēplicit̃er sicut lux septē dierum. Poterit autem esse quod secundū tēpus propinquū ante iudicium, obscurētur per diuinā virtutem, vel simul vel diuersis temporibus ad hoīm terrorē.

3 ¶ Virtutum cœlestium nomine si intelligantur omnes angeli, tunc virtutes cœlorum moueri dicuntur in aduentu domini propter admirationem nouitatis, quæ tunc in mūdo existens, stupore quodam percellet omnes angelos. Potest & per virtutes cœlorū designari proprium nomen ordinis, cui beatus Gregorius quidē attribuit miracula facere: quæ quidē tūc frequentiora erunt ab affectu, virtutes cœlorū moueri dicuntur. Si verò secundū beatū Dionysium, virtutum officium sit mouere cœlestia corpora, tunc virtutes cœlorū moueri dicuntur, quādo cessante corporum cœlestium motu vlt̃erius corpora non mouebunt. Vnde Iob decimo sexto: Columnæ cœli (per quas non nisi virtutes cœlorum possunt intelligi) dicuntur stupere aduentū eius. Et Matthæi vigesimoquarto dicitur: Stellæ cadent de cœlo, & virtutes cœlorum mouebuntur.

- ¶ *An aliqua mundi purgatio sit futura. 2. An hæc purgatio sit futura per ignem eiusdem speciei cum igne elementari. 3. An ignis ille purgabit etiā cœlos superiores. 4. An ignis ille elementa consumet. Art. 297.*

**Q** Vanis pure corporalia, vt sunt elemēta & ea pars mundi quæ in vsum nostrum cedit, subiectum culpæ esse non possint, tamen ex culpa in eis commissæ ineptitudinem quādam ad gloriæ susceptionem recipiunt, sicut & loca sacra propter crimina in eis perpetrata, prophana & minus idonea fiunt ad cultum dei ibi peragendum. Quæ, quia propter hominē facta sunt necesse est vt homine ab omni corruptione & culpæ infectione per corpus glorificato, ipsa quoq; in meliorem statum proportionabiliter mutantur & innouentur, secundum quod beatus Ioannes in Apocalypsi vidisse se perhibet cœlum nouū & terrā nouā,

priori cœlo & terra abeuntibus. Sic enim erit glorificati hominis, & locus conuenientior, & aspectus nobilior.

2 ¶ Hæc autē purgatio, teste beato Augustino, vigesimo de Ciuitate dei, mundanorum, id est elementarium ignium conflagratione futura est, sicut & diluuium mundanarum aquarū inundatione, tum quia lux connaturalis igni maxime conuenit cum proprietatibus gloriæ, ad quam purgatio ista disponit, tum quia ignis propter actiuitatem est cæteris elementis impermixtior, tum denique quod à nostra habitatione remotior, & ob id non tam communis uostris vñibus, minus inficitur. Vnde secunda Petri vltimo dicitur, quod cœli ardentes soluentur, & elementa ignis ardore tabescent.

3 ¶ Quia verò cœli superiores non sunt peregrinæ impressionis capaces, nec in eis aliquid reperitur, repugnans vltimæ perfectioni vniuersi, nisi tantum motus localis, qui est via ad perfectionem: ideo nec per ignem, neq; per alicuius creaturæ actionem purgabuntur, sed tantū oportet motum eorum sola diuina virtute quietari, quod eis loco purificationis erit.

4 ¶ Elementa aliqua mutari ad formam cœli virtute ignis conflagrationis, secundum philosophiam quidem absurdum est, cum nec materiam communem, nec contrarietatem adinuicem habeant: secundum Theologiam verò, quia sublati aliquibus elementis non saluabitur perfectio vniuersi cū integritate suarum partium. Qualitates ergo actiue & passiue, elementorum propriae passionis & effectus formarum substantialium ab elementis auferri non possunt. Purgabuntur tamen ab infectione quam ex peccato hominum contraxerunt, & ab impuritate quæ per actionem & passionem mutuā in eis accidit, quia iam cessante motu primi mobilis, in elementis inferioribus mutua actio & passio non erit.

¶ *An omnia elementa per ignē purgabuntur. 2. An ignis vltimæ conflagrationis iudicium sequatur. 3. An ignis ille habeat talem effectum in hominibus qualis designatur. 4. An ignis ille reprobos inuoluet. Articulus 298.*

**C**Um tota sphaera ignis neque per fumum idololatriæ, neque per quoscunq; vapores peccati infectione vitiata sit, neq; per impuritates aliorum elementorum (quorum permixtio vltra mediū aëris interstitiū non

extenditur) contaminata consequens est elemētum ignis per vltimam cōflagrationem non purgari, sicut & beatus Petrus, secunda Petri tertio, illos tantum cōelos repositos igni dicit, qui per aquam diluij purgati fuerunt, quæ vltra quindecim cubitos supra altitudinem montium non eleuabatur.

2 ¶ Quia verò simul erit resurrectio communis, & sanctorum corporum glorificatio, secundum quod dicitur prima Corinthiorum duodecimo, Seminatur in ignobilitate, surget in gloria: manifeste colligi potest, quod illa cōflagratio, quod ad purgationem mundi, iudicium præcedet, vt sic tota creatura suo modo simul renouetur, quando corpora sanctorum glorificabuntur, sicut ad Rom. 8. dicitur, quod ipsa creatura liberabitur à seruitute corruptionis, in libertatem gloriæ filiorum dei. Licet quo ad inuolutionem malorum, sententiam iudicis sit sequutura, qñ dicitur: Ite maledicti in ignē æternū.

3 ¶ Ignis quoq; finalis cōflagrationis, quantū ad virtutem suæ naturæ pertinet, similiter aget in bonos & malos (qui tūc viui reperientur) vtrorumq; corpora in cinerē resoluendo. Solus enim Christus (secundū scripturas) ab hac incineratiōe est præseruatus, de quo dicitur in psal. Non dabis sanctū tuū videre corruptionem. Inquantū verò agit vt instrumentū diuinæ iustitiæ, sic mali per actionem ignis cruciabuntur. Boni verò in quibus nihil purgādū inuenietur, omnino nullū dolorem ex igne sentient, sicut nec pueri in camino ignis, Danielis tertio: Boni verò in quibus aliquid purgandum reperietur, sentient cruciatum doloris ex illo igne: subitanē tamen, tum quia pauca in eis purganda inuenientur, propter terrores & persecutiones quas patienter pertulerunt: tum quia breuitas temporis, intensiōe caloris pensabitur: quæ tamen pro meritorum diuersitate, non omnibus æqualis erit.

4 ¶ Sicut igitur post diem iudicij purgatio quædā erit, qua mali separentur à bonis, secundum quod de Christo dicitur Lucæ 3. Cuius ventilabrum in manu eius, & purgabit aream suā, & congregabit triticum suū, id est, electos in horreum: paleas autē, id est, reprobos comburet igne inextinguibili: ita & tunc purgatio quædam totius mundi futura est, vt quicquid fuerit turpe & fædum, in infernum cum reprobis ad augmentum miseriæ remittatur eos inuoluendo, quicquid verò pulchrum & nobile, conseruetur in superioribus ad cumulū gloriæ electorū. Sicut dicit Basilius super illud psal. Vox domini

intercedētis flammam ignis. Et in psalmo de illo igne dicitur, quod inflammabit in circuitu inimicos eius. Idem verò ignis prout purgabit bonos, & cruciabit malos duo ignes dicitur quodammodo: & quāt um ad officium, & etiam aliquo modo ad substantiam. Quia quo ad calidum vsium, & quantum ad id quod in igne grossum reperietur, descendet ad inferos ad pœnam damnatorum. Quod verò est ibi sensibile & lucidum, remanebit superius ad gloriam electorum.

¶ *An corporum resurrectio sit futura. 2. An resurrectio erit omnium generaliter. 3. An resurrectio sit naturalis. Arti. 199.*

**V**ltimus finis quem naturaliter omnes homines desiderant est beatitudo. Quam quidem in hac vita haberi non posse, ostēdit beatus Augustinus in fine de ciuitate dei, ex fortunæ varietate, humani corporis infirmitate, scientiæ & virtutis imperfectione & instabilitate. Similiter nec in anima sola post hanc vitam consistere potest absoluta hominis beatitudo: tū quia operatio, pro qua datur merces beatitudinis, nō solius est anima, sed hominis ex anima & corpore compositi: tū quia animæ status extra corpus & imperfectus est, & desiderium eius naturale nō impletum. Non enim vnitur aīa corpori vt instrumento, aut sicut naua naui, vel sicut malum bono, sed sicut forma materiæ, vt ostendit Philosophus in libro de anima. Si itaque homo neque in hac vita, neque in anima sola potest esse beatus, necesse est ponere resurrectionem. Et hoc B. Iob fideliter profitetur: Scio inquit, quod redemptor meus viuit, & in nouissimo die de terra surrecturus sum, & rursus circundabor pelle mea, &c.

2. ¶ Necesse est sicut vnum, ita & omnes homines resurgere. Anima enim in perfectione vltima speciei humanę esse nō potest à corpore separata, nec quoad prēmium vel pœnam, nec quoad desiderium omnibus hominibus secundum speciem naturale. Et ob id dictum est Ioan. 5. Omnes qui in monumentis sunt audient vocem filij dei, & qui audierint viuēt. Et 1. Corin. 15. Omnes quidem resurgemus, &c.

3. ¶ Omnis operatio cuius natura nec principium est, nec termin⁹, est vel miraculosa, sicut glorificatio corporis: vel violēta, sicut impulsio lapidis sursum. Cuius verò operationis natura & principiū est & terminus, ea dicitur pprie naturalis, vt



est projectio lapidis deorsum. Operatio autē, cuius terminus est natura, sed principium est vel supra naturā sicut illuminatio cæci, vel aliquid aliud sicut in acceleratione florū & fructuū per artificium facta, non potest simpliciter dici naturalis, sed vel miraculosa, vel artificialis, vel violēta. Quāuis itaq; resurrectio terminetur ad vitam naturā, tamē quia natura eius principium esse non potest, neque passium, hoc enim ad generationem naturalem pertinet, semper habens aliquam potentiā actiuam respondentē sibi in natura, vt habetur 11. Meta. neq; etiam principium actiuum, cum illius sit determinato modo per viam generationis ex semine ad productionem hominis agere: consequens est resurrectionē simpliciter loquendo miraculosam esse, & non naturalem, nisi secundum quid:

¶ *An Christi resurrectio sit causa nostræ resurrectionis. 2. An uox tubæ sit causa nostræ resurrectionis. 3. An ad resurrectionem nostram angeli aliquo modo operentur. Art. 200.*

**C**hristus, in quantum deus & homo resurgens, est causa proxima, & quasi vniuoca nostræ resurrectionis. Quia eodem principio mediante, quo Christus seipsum ad vitam resuscitauit, id est, diuina sua virtute nostram quoq; faciet resurrectionē, sicut dicitur Rom. 8. Qui suscitauit Iesum Christum a mortuis, uiuificabit & mortalia corpora nostra. Et quia ad rationē causæ vniuocæ requiritur, vt producat effectum in similitudine suæ formæ, habebit etiā resurrectio omniū hominū aliquid similitudinis de resurrectione Christi, pro quāto in vita naturā, in qua oēs erūt Christo conformes, in vitam immortalē oēs hoīes resurgēt. Cui cōformitati superaddetur in sanctis, qui fuerūt Christo cōformes per gratiā, cōformitas quoq; quāto ad ea quæ sunt gloria. Quare & cōueniēter dicitur 1. Corin. decimoquinto: Christus primitiæ dormientiū. Et Apocalypsis 1. Primogenitus mortuorum.

2. ¶ Christus resurgens est causa vniuoca nostræ resurrectionis, idcirco oportet qđ in resurrectione corporū cōmuni aliquo signo dato, Christus resurgēs operetur. Oportet enim causam & effectū aliquo modo cōiungi, vt patet. Quod quidē signū erit vel vox Christi resurrectionē imperātis, sicut imperauit mari, & cessauit tēpestas, Mat. 8. Vel ipsa representatio eundē filij dei in mūdo. Quæ etiā vox dicitur, quia Christo appa

renti tota natura obediet ad reparationē corporū humanorū sicut imperanti, vnde & in insū venire dicitur. 1. Thessalo. 4. Dicitur & clamor quasi præconis ad iudiciū citātis. Et sonus tubæ, quia resurgentes congregabuntur ad cōcilium, ad prælium, ad festum, qui fuit vsus tubæ in veteri testamento.

3 ¶ Quantum ad collectionem cinerum & eorum præparationē ad humani corporis reparationē spectat, deus vtetur in resurrectione ministerio angelorum. Nam secūdum beatum Gregoriū 4. dialogorū, in omnibus quæ à deo fiunt corporaliter, vtetur deus ministerio angelorū. Et secūdū beatū Augustinū sicut corpora inferiora per potētiora ordine quodam reguntur, ita omnino corpora reguntur à deo per spiritū animæ rationalē. Et ad hoc valet quod 1. Thessal. 4 dicitur, quod dominus in voce archangeli descēdet de cælo, & mortui qui in Christo sunt resurgent, &c. Vnionem verò animæ ad corpus & gloriam corporis ipse deus faciet sine ministerio angelorum, qui solus animam immediate creat & glorificat.

¶ An tempus resurrectionis differri oporteat usque ad finem mundi. 2. An tempus illud sit occultum. 3. An resurrectio erit noctis tempore. 4. An resurrectio subito fiat, an successiue. Articulus 201.

ET si probabile videatur secūdū B. Hiero. ad restitutiōem Christi resurrectionē, quorundā sanctorū corpora cū Christo verē resurrexisse ad imortalē vitā: tñ quia esset cōtra ordinē, quē diuina puidētia statuit reb<sup>9</sup>, si citra priuilegiū gratiæ speciale materia inferiorū corporū ad statū incorruptionis pduceretur, manēte motu corporū superiorū. Ideo humanorū corporū resurrectio differri credēda est vsq; ad finē mūdi, cū motu cæli q̄scēte, electi oēs (quos Apoc. mar tyrū noīe expressit) mille annis. i. infinito tpe cū Christo simul sunt regaturi. Et ppter ea Iob 9. dicitur: Hō cū dormierit nō resurget, donec atteratur cælū, nec euigilabit vt cōsur gat à somno suo. Et loquitur de somno mortis. Et ad Heb. 12. dicitur, hoīes dei testimonio fidei pbatos nō accepisse repro misionē. i. plenā corporis & aiæ beatitudinē: deo aliquid melius p nobis puidēte, ne sine nobis cōsummarētur. i. pficerēt.

2 ¶ Cū igitur simul erit resurrectio & finis mot<sup>9</sup> cæli, tēpus qd̄ erit vsq; ad resurrectionē enumerari non poterit naturali

ratione Ex motu enim accipitur numerus omnium quæ determinato tēpore per naturalem rationē futura prævidentur. Ex motu autē cœli nō potest cognosci finis eius : quia ex eo quod circularis est, habet secundū naturā suā qđ in perpetuū possit durare. Similiter nec per reuelationem haberi potest, tum vt oēs solliciti sint & parati ad Christo occurrēdū, tū quia nec angeli (quib⁹ mediātibus reuelatiōes fiunt hominib⁹ scđm B. Diony. 3. ca. Eccle. hierarchia) determinate sciūt tēpus prædictum, Matth. 24. De die illa & hora nemo scit, neq; angeli in cœlis. Sed nec apostoli primitias spūs habētes, vt patet Act. 1. 3 ¶ Satis tamē probabiliter à quibusdam dicitur resurrectionē fore in crepusculo, sole existente in oriente & luna in occidente: tum propter occultationē, quantum ad determinationem tēporis, tum quia in tali dispositione sol & luna credūtur esse creata, vt sic eorū circulario cōpleatur penitus per reditū ad idē pñctū, vnde & de xpō dicit, qđ tali hora resurrexit. 4 ¶ Quæ in resurrectione fient ministerio angelorum, & si non fient in indiuisibili tēporis: fient tamen tempore imperceptibili propter facultatē operandi, quæ cōpetit angelis. Quod autem fiet mediante virtute diuina, quæ infinita est, in instanti fiet & subito. Et hoc Paulus testatur 1. Corin. 15. Omnes in quiescentē resurgemus in momento & in ictu oculi.

¶ An mors sit terminus à quo resurrectionis. 2. An omnium resurrectio erit à cineribus. 3. An pulueres illi ex quibus corpus humanum reparabitur, aliquā inclinationem naturalem habeant ad animam quæ eis coniungetur. Artic. 202.

**V**erior opinio est, quod oēs homines moriantur, & à morte resurgāt. Primo quia iustitia diuina oēs mortē dānauit, qui ex Adā pignuntur naturaliter. Secūdo, quia scriptura sacra oīm futurā resurrectionē prædixit: quæ propria nō est nisi eius quod per mortē cecidit, secūdū Damascē. Tertiō, quia secundū ordinē naturæ quod corruptū & vitiatū est (cuiusmodi est natura humana) in nouitatē nō reducitur, nisi corruptione mediante. Et quia vita quæ hic viuimus, gubernatur ex influentia motus cœli, ideo oportet ex hac vita discedere eos, qui motu cœli quiescente sunt viciuri, quēadmodū 1. Cor. 15. dicitur: Quod seminas non viuificatur, nisi prius moriatur. Et loquitur sub similitudine semi-

nis de resurrectione corporum. Item ibidem clarius: Sicut in Adam omnes moriuntur, ita in Christo oēs uiuificabuntur.

2 ¶ Quauis non omniū hominū corpora cōburātur, tamē in cōmuni resurrectione oēs resurgent à cineribus, nisi ex speciali priuilegio gratiæ aliquibus indultum sit contrarium, sicut & resurrectionis acceleratio. Cineres enim intelliguntur omnes reliquię, quę remanent humano corpore resoluto, tū propter antiquos, qui mortuorum corpora comburebant, & cineres referuabāt, tum propter causam resolutionis, quę est incendium fomitis, ad cuius purgationē oportet corpus humanum vsque ad prima componentia resolui. Quod autē per incendium resoluitur, dicitur in cineres resolui. Ad quod ulterius astruendum valent rationes, quibus iam probatum est omnes à morte resurrecturos.

3 ¶ In illis autē cineribus nulla est inclinatio naturalis ad resurrectionē, quia sunt vel carnes animalium, vel partes elementorum, aut cuiuslibet alterius corporis homogenij, quorum non est naturalis inclinatio magis ad hanc quàm ad illā animā. Est ergo solum ex ordine diuinę providentię, quod hi cineres, & istę elementorum partes magis huic animę cōiunguntur quàm illi. Posse autē humanum corpus in elementa resolui, patet: quia cōposita ex contrarijs poss. bile est resolui in ea ex quibus cōponuntur.

¶ *An anima idem corpus numero resumat in resurrectione.*

2. *An oporteat pulueres humani corporis ad eādem partem corporis, quę cum eis dissoluta est, per resurrectionem redire.*      *Articulus 203.*

**N**isi anima ad idem corpus numero redeat quod per mortē deposuit, non erit vera resurrectio. Est enim secundum Damasce. resurrectio eius quod cecidit, secūda resurrectio. Sed hoc corpus quod nūc gerimus per mortē cecidit, ergo idē numero corpus resurget. Et p cōsequēs idē numero hō. Hæresis proinde est, animas iteratō cōiungi corporibus cælestibus, vel corporibus in modū venti subtilibus. Neq; secundū philosophiam sustineri potest opinio, ponentium animas separatas per viā generationis naturalis migrare vel in corpora brutorum animalium, puta, canū, leonū, aut quorumlibet aliorum, quorum se moribus conformasset homo in hac vita, vel etiam in alterius hominis corpus, ut

patet per Philosophum in lib. de anima.

2 ¶ In humano corpore possunt accipi diuersæ partes dupliciter, Vno modo diuersæ partes totius homogenei. Alio modo diuersæ partes totius heterogenei. Licet itaq; magis probabile sit secundū congruentiā, quod etiā idem situs partium humani corporis seruabitur in resurrectione, tamē quia partium situ variato nullū præiudiciū generatur idētitati totius, posset materia vnus partis totius homogenei redire ad aliā partē eiusdem speciei, salua identitate totius hominis. Materia verò tota vnus partis essentialis, & quæ erat de veritate humanæ naturæ, non posset redire in aliam partem totius heterogenei. i. alterius speciei, quia sic non tantum situs sed etiam identitas partium tolleretur, qua ablata, aufertur & identitas totius.

¶ An omnia membra humani corporis resurgant. 2. An capilli & ungues resurgant. 3. An homines resurgant. 4. An totum quod fuit in humano corpore de veritate humanæ naturæ, resurgat in ipso. Articulus 204.

¶ Portet hominem perfectum resurgere, utpote à deo (cuius perfecta sunt opéra) suscitandū, & qui ad cōsequendam vltimā perfectionē ordinatū. Sed homo perfectus esse non potest, nisi totū quod in anima continetur implicite, exterius in corpore explicetur. Cōtinet autem anima totum corpus, & omnia membra etiam ut causa efficiens, 2. de anima, & 3. de animalibus. Ergo necesse est omnia membra, quæ nunc sunt in humano corpore in resurrectione reparari. Si enim aliquod membrorum corpori defuerit, non respōdebit corpus animæ ad plenum proportionally: quod tamen oportet non minus, quā ad perfectionem artificiati requiritur, ut suæ arti respondeat.

2 ¶ In partibus coporis animati quædā ordinantur ad operationes animæ exequēdas, ut sunt cor, epar, manus & pes: quædam aut & ad ornatū & ad custodiā aliarū partium, sicut sunt capilli & ungues. Cū ergo homo resurget in omni perfectione suæ naturæ, oportet & pilos & ungues in ipso resurgere. Vnde Christus Lucæ 21. Capillus (inquit) de capite vestro nō peribit. 3 ¶ Humiditas illa quæ habet aliquam formam determinatam contentem inter partes corporis humani, sicut sanguis & alij tres humores, quos natura ordinat ad mēbra quæ ex eis

generantur, sed tamen habent aliquas formas determinatas simul resurgent cum alijs partibus corporis. Pertinent enim ad perfectionem huius individui resurgentis non minus quā reliqua membra. Similiter humiditas illa quæ iam peruenit ad ultimam perfectionem, quam natura intendit in corpore individui, quæ iam est dealbata & incorporata membris & vocatur gluten, cum sit de substantia membrorum, resurget sicut & alia membra. Reliqui verò humores, qui secundum se ad perfectionem individui non spectant, non resurgēt cuiusmodi sunt, vrina, sudor, sanguis, semē, lac, & quicunq; humores sunt in via transeundi de forma humoris in formam membri ut sunt illi quos Philosophi vocant ros & cambiū. Quod ergo Apost. dicit 1. Cor. 4. Caro & sanguis regnum dei non possidebunt, de corruptione carnis & sanguinis dictum est secundum B. Augustinum in epistola ad Consentium.

4 ¶ Sicut autem in humano corpore natura, forma, & species singularium partium eius manent continuæ per totam vitā, sed materia partium, & resolvitur per actionē caloris naturalis, & de nouo ad generatur per alimentum: non est tamē alius hō numero secundū diuersas partes & ætates, quāuis nō quicquid est materialiter in hoīe secundū vnū statū, sit in eo secundū aliū statū: ita ad hoc q̄ resurgat hō idē numero, non requirit q̄ quicquid fuit in eo materialiter secundū totū tēpus vite suæ resumatur, sed tantū ex eo quantū sufficit ad complementū debitæ quantitatis. Et præcipue illud resumendū videtur, q̄ perfectius fuit sub forma & specie humanitatis existēs.

¶ An omnes resurgent in eadem ætate, scilicet iuuenili. 2. An omnes resurgēt eiusdem staturæ. 3. An oēs resurgēt in sexu virili. 4. An omnes resurgent in uita animali      Articulus 105.

**S**Tatus ultimæ perfectionis humanæ naturæ est ætas iuuenilis quia ad hāc terminat motus augmenti, & incipit motus decrementi. Cū ergo hō in maxima perfectione resurgat, oēs in illa ætate resurgēt, tā pueri in quib⁹ natura humana ad ultimam perfectionem nondum peruenit, quā senes in quibus iā ab ultima perfectione recessit. Quod testatur Paul⁹ Ephe. 4. Donec occurramus omnes in virū perfectū, in mēsurā ætatis plenitudinis Christi, Christ⁹ autē in ætate iuuenili resurrexit, quia secundū B. Aug. incipit circa annū 30

qua ætate Christus passus est & resurrexit.

2 ¶ In resurrectione, qua tota humana natura reparabitur, non solū attendendum quod competit naturæ speciei, sed etiam quod cōpetit naturæ indiuidui. Competit autem naturæ indiuidui, vt aliquē gradum quantitatis assequatur secundum pportionabilitatē coloris extendentis & humidi extēsisibilis. Quæ quia nō sunt eiisdē virtutis in oībus, ideo non oēs resurgēt in eadē quantitate, sed quilibet resurget in illa quantitate ad quam fuisset perductus in termino augmenti per virtutem naturæ suæ propriæ, si ea nō errasset aut defecisset. Nam licet natura speciei humanæ quātitatē habeat, quā nec excedat nec ab ea deficiat, ea tamen non est accipienda secundum vnā mensuram determinatā, sed habet aliquos gradus latitudinis.

3 ¶ Cum per resurrectionem sint reparandi defectus naturæ idcirco nihil eorū quæ ad perfectionē naturæ pertinent, à corporibus resurgentiū auferetur. Sicut autē alia mēbra ad integritatē humani corporis pertinet, ita & ea quæ generationi deseruiunt, tā in maribus quā in fēminis. Resurgēt ergo ea membra in vtrisque. Deerit autē confusio mutæ visiois, quia aberit litido incitās ad turpes actus ex quibus cōfusio causat̃.

4 ¶ Vita animalis ordinatur per generationē ad subueniendū defectui, qui per mortem accidit ad multiplicationē humani generis, & per comestionem ad restaurationē deperditi, & ad augmentum quātitatis. Sed in statu resurrectionis totum genus humanum habebit totam multitudinem indiuiduorum à deo præfinitam, quia vsq; ad resurrectionē differtur. Similiter etiam quilibet homo resurget in debita quantitate, nec erit vlt̃rà mors aut aliqua deperditio fiet à parte hominis. Nō erit ergo ibi actus generatiuæ & nutritiuæ virtutis. Et ob id Matth. 22 dicitur q̃ in resurrectione neq; nubent neq; nubētur.

¶ An sanctorum corpora post resurrectionem futura sint impassibilia. 2

An impassibilitas erit æqualis omnibus. 4. An impassibilitas sensum in actu à corporibus gloriosis, excludat 4.

An sint ibi omnes sensus in actu. Art. 206.

**P**ropriè accipiēdo passionē put est secundū Damasc. motus præter naturam, non erit in corporibus sanctorū potēcialitas ad passionē, sed erunt penitus impassibilia. Cuius ista est rō: Omnis passio fit per victoriam



agentis super patiens, nā aliās agens non assimilaret sibi patiens. Corpus autem humanum & quicquid in eo est elementariū qualitatum, erit perfecte subiectum animæ rōnali. Cum ergo impossibile sit q̄ aliquid dñetur super patiens, nisi inquantū debilitatur dominium formæ propriæ supra materiā patientis, non enim materia subiicitur vni contrariorū sine hoc, quod tollatur dominium alterius super ipsam vel saltem diminuatur. Propterea non poterit in corporibus sanctorum post resurrectionē vlla actio vel passio prouenire à qualitatibus elementaribus, qua sic contra dispositionem animæ, qua intendit corpus cōseruare. Et ergo recte à B. Pau. de corpore glorioso dictū est, 1. Cor. 14. Seminatur in infirmitate, surget in virtute. Nō est itaque opinandum qualitates actiuas & passiuas quæ sunt elementorum propriæ passionēs, aut earundem actiones auferri à corpore glorioso: harum enim actio ad mixtionem requiritur, & secundum prædominium vnius vel alterius efficiuntur diuersæ complexionēs, quas oportet ponere in corpore resurgentis, quia ibi erunt carnes & ossa & huiusmodi partes, quibus omnibus non competit vna complexio.

2 ¶ Impassibilitas si consideretur secundum suam causam, qui est dominium animæ, super corpus causatum ex hoc quod anima fruitur deo immobiliter, sic erit in vno maior quàm in alio. Est enim in illo qui perfectius fruitur, maior impassibilitatis causa. Si verò consideretur secundum se, quia sic solam negationem vel priuationem importat, sic nō suscipit magis & minus, sed erit omnibus æqualis.

3 ¶ Sensem aliquem esse in corporibus sanctorum omnes ponunt, aliās enim corporalis vita somno magis compararetur quàm vigiliæ, quod non competit illi perfectioni eo quod in somno corpus sensibile non est in vltimo vitæ actu: propter quod somnus vitæ dimidium dicitur primo Ethicorum. Sed quia in resurrectione natura speciei manebit eadem in homine & omnibus partibus eius, sancti tunc sentient non tamen extramittendo, sed per receptionē alicuius speciei sensibilis administratæ à rebus quæ sunt extra animam. Est enim natura sensus vt sit potentia passiuā, vt in 2. de anima probat Philo. De cuius ratione est recipere proprium actiuū, quæ sit res existens extra animam. Si enim organum sentiendi non moueatur à rebus, sed vel ab imaginatione, vel alijs viribus

superioribus, aut ipse sensus extramittatur, non erit verū sentire sed apparens, sicut patet in phreticis & mēte captis. Hoc tamen verum est quod corpus gloriosum non recipit qualitatem rei sensibilis per immutationem naturalem organi, sicut manus fit calida ex contactu rei calidæ, quia huiusmodi receptio non parit sensum per se, ut patet in inanimatis, & immutat naturam patientis, quod corpori glorioso & impassibili non conuenit. Sed recipitur qualitas sensibilis in organis sensuum beatorum immutatione spūali: sicut pupilla recipit speciem albedinis, & tamē illa non efficitur alba, secundū quod Philosophus dicit 2. de anima, quod sensus est susceptivus specierum sine materia. Erit ergo sensus beatorum in actu, sicut etiam in Apocalypsi dicitur: Videbit eum omnis oculus.

4. ¶ Excepto gustu (qui nutritiua deseruit, cuius actus, in beatitudine non erit, nisi forte per immutationem linguæ ab aliqua humiditate) erūt omnes sensus beatorū in actu. Olfactus quidem, quia ecclesia canit quod odor suauissimus erunt corpora sanctorū, nam licet euaporatio (quæ in quadā resolutione consistit) requiratur ad hoc, quod odor in corporibus humiditate aspersus percipiatur, tamē quia in corporibus gloriosis erit odor in sua vltima perfectione nulla humiditate aspersus, iccirco pertingit ad instrumentum sentiendi spiritali immutatione absque aliqua euaporatione pertingente ad organum sensus. Similiter erit ibi auditus, non quidem propter disciplinam, qua scientiam acquirant, sed propter perfectionem sensus & delectationem. Vnde super illud Psal. Exultationes dei in gutture eorum, dicit Augustinus quod corda & linguæ non deficient, laudare deum. De sensu tactus dubiū non est cū sit fundamentum omnium sensuum, sicut nec de visu cuius tūc actus acutissimus erit, tū propter perspicuitatem medij, id est, aeris, tum propter excellentiam diaphoneitatis in pupilla.

¶ An subtilitas sit proprietas corporis gloriosi. 2. An quæcūque duo corpora, siue gloriosa, siue non gloriosa possint esse simul in eodem loco nisi per solā uirtutem diuinā & miraculū. 3. An ex sua subtilitate remoueatur à corpore glorioso necessitas existendi in æquali loco. 4. An corpus gloriosum ratione suæ subtilitatis sit impalpabile. Art. 207.

**N**omen subtilitatis secundum Philo. 2. de generatione à uirtute penetrandi est dictum. Inter corpora verò illis præcipue accommodatur quæ habent paruum

quantitatem & parvam materiam. A quibus translatum est ad illa corpora q̄ perfectissimò modo suis formis substant. Quē admodum dicimus subtilitatē esse in sole, luna, auro & huiusmodi q̄ perfectissimè complentur in esse & virtute suæ speciei. Deinde transfertur etiam ad res incorporeas quantitate & materia carentes sicut ad intellectu, quē subtilem dicimus, dū pertingit ad inspicienda intrinseca principia rerū & proprietates naturales latentes. Item ad sensum, visus enim subtilis dicitur, qui ad aliquod minimum videndum possit pertingere. Quod itaq; Apo. dicit corpus surrecturū spirituale, non sic intelligendum est (vt quidam hæretici putauerunt) quod per resurrectionem vertendum sit omnino in spiritū: sic enim non resurgeret idem homo, qui ex anima & corpore constat naturaliter. Neq; etiā sic est intelligendū q̄ corpus quidē manebit sed habebit subtilitatem secundū modum rarefactionis, ita q̄ erit aereum ac vento simile. Quā B. Grego. 23. Moraliū narrat quorundā fuisse hæresim. Hoc enim esse non potest, quia corpus resurgens erit palpabile, sicut & corpus Christi post resurrectionē, vt pote cōstans ex carnibus & ossibus, Lu. vlt. Et Iob 19. dicitur. In carne mea videbo deum. Corpus verò aereū nō esset palpabile. Quod autē quidā asserunt corpora fore subtilia propter admixtionē quinti corporis, id est, cœlestis, apparētīā non habet, quia corpus cœleste nō admisceretur elementis, ex quibus constat corpus humanū, quia nō communicant in materia. Illa ergo cōplexio ex qua corpora gloriosa spiritu alia futura sunt, id est, subtilia, erit ex dominio animæ glorificatæ super ipsum corpus, vt sic corpus gloriosum spirituale dicatur, quasi omnino subiectū spiritui. Vnde Grego. 14. Mora. Corpus gloriosum dicitur subtile per effectū spūalis potētīæ.

2 ¶ Impossibile est quæcunque duo corpora esse simul in eodem loco nisi per solam diuinam virtutem & miraculum. Pro cuius euidencia primum excludere oportet opinionem dicentium, sublata per dotem subtilitatis corpulentia, corpus gloriosum nec locum implere, & per consequens nec impedire coexistentiam sui cum quouis alio corpore in eodem loco. Hoc enim stare non potest. Primo quia cum secundum Philosophum quarto Physicorum vacuum sit locus non repletus corpore sensibili. Corpus autē gloriosum sit corp⁹ sensibile, vt puta palpabile (vt patet Lucę vl.) & in nullo dīminutum, q̄ ad integritatē corporis pertinet, vel ex parte materiæ

## D. DIONYSII CARTHVSIANI

vel ex parte formæ, vel ex parte naturalium accidentium: in-  
 sania videtur dicere, q̃ locus vbi esset corpus gloriosum, esset  
 vacuus, id est, non repletus corpore. Corpulentiam verò qua  
 dos subtilitatis aufertur cum sit inordinatio quædam materiæ  
 non perfecte substantis suæ formæ, & ob id ad defectum na-  
 turæ pertinens: sicut adhærens corpori nihil facit ad hoc q̃  
 est replere locum: ita ipsa sublata nihilominus est corpus glo-  
 riosum repletum loci, hoc habet per illud q̃ est de integrita-  
 te suæ naturæ, & non ex aliquo defectu naturæ. Secundo con-  
 cesso q̃ corpus gloriosum non repleat locum, ex hoc tamen  
 male inferitur q̃ propterea non impediatur coexistētiam sui cū  
 alio corpore in eodem loco. Cum secundum Philosophum,  
 quarto Physicorum, & tertio Metaph. si ponantur dimensio-  
 nes separatæ sine materia, illæ quidem non replebunt locum;  
 sed tamen non poterunt esse simul cum alio corpore in eodē  
 loco. Sicut corpus mathematicum (quod nihil aliud est quàm  
 dimensiones separatæ) non potest simul esse cum alio corpo-  
 re naturali sensibili. Quo errore excluso, dicendum est, q̃ quā  
 ratione corpus nostrum nunc prohibetur esse simul cum a-  
 lio corpore in eodem loco, eadem ratione, nec duo corpora  
 gloriosa nec vnum corpus gloriosum & aliud non gloriosum  
 posse esse simul in eodem loco. Hæc autem ratio est sola quan-  
 titas dimensua, secundum suam diffinitionem situm requirēs  
 per quam & materia & forma, & quicquid est sensibilem qua-  
 litatum, situm habet. Nihil enim potest prohibere corpus ali-  
 quod, ne sit simul situatum cum alio corpore in eodem loco,  
 nisi hoc quid in eo requirit diuersum situm. Nam nihil est, im-  
 peditium identitatis, nisi quod est causa diuersitatis. Quanti-  
 tas autem dimensua remoueri non poterit à corpore glorio-  
 so per dotem subtilitatis. Manente itaq; causa manet & effe-  
 ctus, &c. Et hinc est quod dicit Boëthius libro de trinitate: q̃  
 duobus corporibus vnum locum fingere non possumus, vt  
 hanc saltem accidentium varietatem, distinctio indiuiduorū  
 requirat. Quia verò causa prima potest conseruare rem in es-  
 se, cessantibus causis secundis, vt patet per primam proposi-  
 tionem libri de causis, ideo diuina virtute & ea sola fieri po-  
 test, q̃ corpori remaneat esse distinctum ab alio corpore, quā-  
 uis eius materia nō sit distincta in sinu à materia alterius cor-  
 poris. Et sic miraculose fieri potest, quod duo corpora sint in  
 eodem loco. Vnde & beata virgo peperit filium miraculose

corpore pueri exeunte. claustro pudoris integro remanente: sicut & Christus clausis ianuis ad discipulos intrauit, Ioan. 20. Credendum tamen est duo gloriosa corpora nunquam simul fore in eodem loco, tum quia seruabitur in eis debitus ordo qui distinctionem requirit, tum quia vnum corpus gloriosum nunquam opponet se alteri.

3 ¶ Sed ne per miraculum quidem fieri potest, vt corpus gloriosum sit in minori loco quàm sit sua quantitas. Hoc enim fieret, vel per variationem quantitatis circa eandem materiam, vt scilicet materia quæ nunc subest magnæ quantitati postea sub sit paruæ, aut quæ quantitas corporis gloriosi efficiatur minor seipsa per variationem situs, ita scilicet quæ partes gloriosi corporis subintrent seinuicem, & sic redeat ad quancumque par uam quantitatem. Porro primum repugnat incorruptibilitati, cum nullus motus qui sit secundum aliquid intrinsecum rei, fieri possit sine passione abiiciente à substantia. Sequeretur etiam corpus gloriosum quandoque esse rarius, quandoque densius, quod superius est improbatum. Secundum verò esse non potest, quia repugnat rectæ dispositioni humani corporis, quæ requirit determinatum situm & distantiam partium.

4 ¶ Palpabile dicitur aliquod corpus ex duobus, scilicet ex qualitatibus tangibilibus, & ex hoc quod resistit tangenti, vt non transeat. Corpus ergo gloriosum à natura quidem sua habet qualitates quæ sunt naturæ immutare tactum, tamen sicut tale corpus est omnino subiectum spiritui, habens in sua potestate, vt secundum eas immutet tactum, vel non immutet, ita & miraculose diuina virtute contingere potest ad nutum ipsius quod sit cum alio corpore in eodem loco, & sic non resistet ei transeunti. Vnde secundum naturam suam palpabile est corpus gloriosum, sed ex virtute supernaturali ei competit, vt cum non vult, non palpetur à corpore nõ glorioso. Patet hoc in corpore Christi glorioso post resurrectionem, quod cum voluit, palpandum præbuit: cū rursus vellet, cessit & euauit.

¶ An corpora gloriosa sint futura agilia 2. An sancti agilitate sua unquam utantur ut moveantur 3. An moveantur in instanti. Ar. 208.

**P**ost resurrectionem anima beata perfecte damnabitur corpori, tum propter perfectionem virtutis, tum propter habilitationem corporis gloriosi ex redundantia gloriæ ab anima in ipsum instantiū, vt non so-

lum in ipso nihil sit quod resistat voluntati spiritus, quia hoc etiam fuit in corpore Adæ: sed & etiã sub eadẽ figura & quãtitate expeditum sit & habile ad obediendũ spiritui sine vlllo labore in oĩbus motibus & actionibus animæ, etiã in his q̃ ad sensum pertinet. Quã ratione à B. Paulo dictũ videtur, 1. Cor. 15. de corpore glorioso: Seminatur in infirmitate, surget in virtute, glo. i. mobile & viuũ. Et hæc quidem perfectio dos glorificati corporis dicitur, non quasi in corpore sit propter dominium quintæ essentiæ (quã constat humano corpori non posse admisceri) sed aĩe tribuitur, à qua sicut & gloria in corpus emanat. Siquidem corpus per dotem subtilitatis subiicitur animæ totaliter, inquantũ est forma corporis, dans ei esse specificum, & per dotẽ agilitatis subiicitur ei, inquantum est motor. Ad cuius indigentiam aut imperfectionem non spectat, quod post resurrectionem corpora gloriosa deferantur in nubibus obuiã Christo in aëra ab angelis, vt dicit glossa, 1. Thess. 4. sed reuerentiam designat, quam corporibus gloriosis & angeli & omnes creaturæ tunc exhibebant.

2. ¶ Corpora sanctorum aliquando moueri necessarium est ponere, propter corpus Christi, quod motũ est in ascensione & sanctorũ corpora q̃ de terra resurgent, & ad cælum empyreũ ascendent. Sed etiã postquã cœlos cõscenderint, verissimile est quod quandoq; moueantur pro suæ libito voluntatis, vt illud quod habent in virtute actu exercentes diuinã sapientiã cõmendabilẽ ostendant, & vt visus eorũ reficiatur pulchritudine creaturarũ diuersarũ, in quibus dei sapientia eminenter relucebit. Vnde Isaia 40. dicitur: Current, & non laborabunt volabunt, & nõ deficient. Et Sapient. 3. Tanquam scintillæ in arundinetis discurrẽt. Per quem motum nihil decedet eorum beatitudini, quæ consistit in visione dei quem vbique præsentem habebunt: sicut & de angelis dicit Gregorius, quod intra deum currant quocunque mittantur.

3. ¶ Velocissimũ quidẽ ac imperceptibilẽ esse motũ corporis gloriosi omnino verissimile est, eo quod virtus animæ glorificatæ excedat inæstimabiliter virtutẽ animæ non glorificatæ, sicut & Aug. dicit in quæstionibus de resurrectione, quod corpus gloriosum vtraq; interualla pari celeritate attingit, vt radius solis. Porro cum impossibile sit, vt pote contradictionem implicans, quod aliqua mutatio habens duos contrarios terminos, quorũ vterq; est aliquid positivè sit instantanea, neces-

fariū est dicere, motū corporis gloriosi esse in tēpore . Omnis enim motus qui est de extremo in extremū per mediū, necessario est in tēpore, quia ratio medij est, quod prius attingatur à mobili quā extremū, vt patet 5. phisicorum: prius autē & posterius non sunt nisi in tēpore . Omnis autem motus corporis gloriosi est de extremo in extremū per mediū, hoc siquidem habet naturæ cursus, quē nulla virtus creata potest immutare, cuiusmodi est vis aīæ motiua corporis gloriosi . Est ergo omnis motus gloriosi corporis in tēpore. Et quia tēpus quantūcūq; parū accipiatur, est in infinitū diuisibile, potest vnū corp<sup>9</sup> gloriosum in minori tēpore idē spacium pertrāsire quā aliud.

¶ *An claritas inerit corporibus gloriosis 2. An claritas illa uideri poterit ab oculo non glorioso 3. An corpus gloriosum necessario uideatur à corpore non glorioso. Artic. 209.*

**C**orpora sanctorum fore lucida post resurrectionem Christus ostendit apud Matthæum 13. Tunc fulgebūt inquit, iusti sicut sol in regno patris eorum. Et Sapientia<sup>9</sup> tertio . Fulgebunt iusti & tāquam scintillæ in arundinetis discurrent. Item 1. Corin. 15. Seminatur in ignobilitate, surget in gloria. Quòd ad claritatem pertinet, vt patet ex sequentibus, vbi gloriam corporum resurgentium comparat claritati stellarum. Quæ quidem claritas non aliunde causabitur, quā ex redundantia gloriæ animæ in corpus: sicut in vitro resplendet color corporis contenti in eo . Et ideo secundum quòd anima fuerit maioris claritatis secundum maius meritum: ita erit & differentia claritatis in corpore, sicut patet primo Corinthi. 15.

2. ¶ Poterit autem ea gloriosi corporis claritas videri ab oculo non glorioso . Nam lux seu claritas secundum id quod est nata mouere visum & visus secundum id quod est, natus est lucem percipere . Si ergo esset visus aliquis qui non posset aliquam lucem percipere omnino, vel ille visus diceretur æquiuoce, vel lux illa: quod non potest dici in proposito. Est enim claritas gloriæ, & claritas naturæ eiusdem generis quantum ad speciem, licet non quantum ad causam . Vnde sicut claritas naturæ ratione suæ speciei est proportionata visui: ita & claritas gloriosa. Et hoc experimento probatum est in transfiguratione Christi, quando claritatem corporis eius, oculi discipulorū nodum glorificati viderūt. Impij quoq;



## D. DIONYS II CARTHVSIANI

quorū nō erunt glorificati oculi, videbunt in iudicio iustorum gloriam, in augmentum sui supplicij, vt habetur Sap. 5. Sed nō plene viderēt eorū gloriā, nisi & claritatē ipsorū inspicerent.

3 ¶ Quia verò claritas corporis gloriosi prouenit ex merito voluntatis, ideo voluntati eius plene subditur, vt secundum eius imperium videatur, vel non videatur: adeo vt in potestate hominis gloriosi futurum sit, vt claritatē suā ostendere possit, vel occultare quum velint, citra mutationem alicuius proprietatis, quæ sit de perfectione corporis gloriosi. Nam agere vel non agere in aliquod extrinsecum, cuiusmodi est actio visibilis, secundum quod agit in visum, non facit aliquam mutationem in ipso agente, & corpus gloriosum est instrumentum summæ cediens principali agenti. Et hinc est, quod de corpore Christi post resurrectionem legimus Lucæ ultimo quod cum voluit videbatur à discipulis, & cū nollet videri disparuit

¶ An corpora damnatorū cum suis deformatibus resurgent 2. An eorum corpora erunt incorruptibilia 3. An erunt impassibilia. Ar. 102.

**Q** Vicquid defectus vel turpitudinis ex mutilatione, vel corruptione, vel debilitate naturæ, seu principiorum naturalium in corpore fuit, totum in resurrectione renouabitur, sicut lippitudo, febris, & similia. Quorū omnium hæc est ratio, quod author qui naturā cōdidit, in resurrectione naturā corporum integre reparabit. In hac enim reparatione magis attendi naturæ perfectionem, quā conditionē, quæ prius fuit etiam hinc euidenter conuincitur, quia illi qui infra perfectā ætatem decedunt, in statura iuuenilis ætatis resurgent. Et prima Corinthi. decimoquinto dicitur vniuersaliter de omnibus resurgentibus, quod mortui resurgent incorrupti. Quod ergo aliqui asserunt defectus & deformatitates in corporibus dānatorum oportere remanere propter dānationē, quæ ad summam miseriam deputantur, cui nihil possit incommoditatis subtrahi, non est conueniens. Vltimā namque dānatorum miseria non excludit omne bonum, quia malū si sit integrum, corrumpit seipsum, vt dicit Philosophus quarto Ethicorum. Vnde oportet quod miseriæ damnatorum substernatur bonum naturæ in ipsis. Soli proinde defectus, qui ex naturalibus principiis in humano corpore naturaliter consequuntur, sicut pōderositas, passibilitas, & similia, in cor-

poribus damnatorum erunt. Hos siquidem defectus ab electorum corporibus gloria resurrectionis excludet.

2 ¶ Corpora quoque damnatorum post resurrectionem cessante motu cœli corrumpi non poterunt, tum quia hoc diuinæ iustitiæ deferuit, ut perpetuo viuentes, perpetuo puniantur, secundū quod dicitur Matthæi vigesimo quinto: Ibunt hi in supplicium æternum, tum quia corruptio est terminus alterationis, sicut & generatio. Quum autem primum cœlum sit alterans per motum suum localem, & alia omnia agentia secunda in virtute ipsius agant, & quasi ab ipso mora, oportet, quod cœli motu cessante, nihil sit agēs, nullaque qualitas, quæ possit corpus humanum per alterationem aliquam transmutare à naturali sua proprietate. Remoto enim principio motus, necesse est & ipsum motum remouere.

3 ¶ Quia igitur post resurrectionem motu cœli cessante non poterit aliquod corpus alterari à sua naturali qualitate, ut dictum est, nullum corpus pati poterit passione naturæ, quæ est per receptionē consimilis formæ secundū esse naturale materiali ab agente: sicut recipitur calor ab igne in aëre aut ligno. Vnde quantū ad hunc modū erunt corpora dānatorum impassibilia, sicut & incorruptibilia. Sed cessante motu cœli adhuc remanebit passio, quæ est per modū animæ, quomodo recipitur aliquid ab alio spiritualiter per modū cuiusdā intentionis, sicut similitudo coloris recipitur in aëre, vel in pupilla, quia tunc & aer à sole illuminabitur, & cœlorū deferet differentias ad visum. Vnde secundū hunc modū non erunt corpora dānatorū impassibilia, quia sensibile non solū natū est delectare, vel affligere sensum, secundū quod agit actione naturæ confortando, vel corrumpendo organū: sed etiā secundū quod agit actione spirituali: Quia quādo sensibile est in debita proportionē ad sentiendū, delectat: econuersio autē quā se habet in superabundantia & defectu. Vnde & colores mediij, & voces cōsonantes sunt delectabiles, incōsonantes autē offendūt auditū.

¶ *An cognoscat quilibet homo in iudicio omnia peccata sua 2. An possit glibet oīa merita et demerita sua et aliena uno intuitu uidere. Ar. 211*

**I**N illo extremo ac communi omnium hominum iudicio, oportet quod omnium operum suorum quisque notitiam habeat. Necesse quippe est, ut testis, accusator, & defensor in quolibet iudicio notitiam habeat eorū quæ in iudicio ver-

sanctur. Porro secundū Apost. 2. Cor. 4. iudicandum ibi erit de omnibus operib<sup>9</sup> bonis & malis, & vnusquisq; erit suiipsius testis, accusator ac defensor, prout dicitur Roma. 1. q<sup>d</sup> in die cū iudicabit dñs testimonium reddet vnicuiq; sua cōscientia, & cogitationes erunt accusantes & defendentes. Hoc autē teste B. August. 20. de Ciuitate dei, fiet quadā diuina virtute, vt cuncta quæ fecerit homo reuocentur ei ad memoriā. Tali quidē æquisima conditione, vt & boni de peccatis, quæ eis per misericordiam relaxata sunt, gaudeant, dānatos verò etiā bonorum recordatio (si qua fecerunt) magis torqueat, eo q<sup>d</sup> eorum remunerationē ac fructū sua ingratitude ac negligētia perdidērunt. Est etenim dolor maximus mulra bona opera pdidisse.

¶ Sicut verò tunc quilibet sua merita, vel demerita reducet ad memoriā, ita etiā & aliena suæ subiacebunt cognitioni, vt diuina iustitia (quæ nunc plerōq; latet) omnibus euidenter appareat. Nam sicut oportet iudicē & assessorem iudicis merita causæ cognoscere ad hoc q<sup>d</sup> sententiā iustā proferat: ita oportet ad hoc q<sup>d</sup> iusta sententiā appareat, q<sup>d</sup> omnibus sententiā cognoscentibus merita innotescā. Cognoscentur itaq; ab impiis quoq; peccata iustorū, vt Dauidis, Petri, Matthæi, Magdalenæ, ac reliquorū, quæ in eis per pœnitentiā deleta sunt: ex hoc enim cognoscetur eorū pœnitētia, per quā peruenerunt ad gloriā, omnis erubescentiæ ac verecundiæ nesciā. Est autē credibile de sanctis, qui oīa in vno ac simplicissimo deo vidēt q<sup>d</sup> omnia merita & demerita, & sua & aliena, simul in instanti videant. Dānati verò, quorum non est eleuatus intellectus vt possint deū videre, & in eo oīa, singula considerabunt, non tamen in instāti, sed in tēpore breuissimo diuina virtute ad hoc adiuuāte. Sicut Aug. dicit 20. de Ciuitate dei, q<sup>d</sup> omnia metiēs ītuitu ac celeritate enumerabūtur. Qd̄ in impossibile nō erit quia in quolibet paruo tēpore sunt infinita instantani potētia.

¶ An generale iudicium sit futurum 2. An quantū ad disceptationē fiet per uocalem locutionē 3. An fiet tēpore & loco incognitis. Art. 212.

¶ Vemadmodum est duplex dei operatio. Vna quidē quā res primitus inesse produxit instituens naturā, & distinguens ea quæ ad completionem eius pertinet, à quo quidē opere de<sup>9</sup> dicitur quicuisse Gen. 1. Alia verò qua operatur in gubernatione creaturarū, de qua Ioan. 5. Pater meus vsq; modo operatur; & ego operor: ita o-

portet esse duplex iudiciū, vnū quidē particulare respondens operationi gubernationis, per quod vnusquisque singulariter pro suis operibus iudicatur, non solum secundū q̄ sibi cōpetit, sed secundū q̄ cōpetit gubernationi vniuersi, vt patet Heb. 11. Aliud verò iudiciū vniuersale, respondens primæ rerū productioni inesse, vt videlicet sicut tunc omnia processerunt immediate à deo, ita tūc vltima cōpletio mūdo detur: vnoquoq; accipiente finaliter q̄ ei debetur secundū seipsum. Vnde Matt. 12. dicitur: Viri Niniuitæ resurgent in iudicio cū generatione ista, & cōdēnabunt eā. Et Ioan. 5. Procedent qui bona fecerūt in resurrectionem vitæ, qui verò mala in resurrectione iudicij.

2. ¶ Quāuis autē Christus in forma humana iudicabit, in qua ab omnibus corporaliter possit videri: probabilius tamen æstimatur, q̄ totū illud iudiciū, & quo ad discussionē & accusationē malorū, & cōmendationem bonorum, & quoad sententiam de vtrisque mentaliter perficitur. Nam Christi apparitio subito fieri poterit, sed si vocaliter singulorum facta narrarentur, inæstimabilis magnitudo temporis ad hoc exigeretur, sicut Augu. dicit 20. de Ciuitate dei. Et proinde q̄ Mat. 25. dicuntur, nō vocaliter, sed mentaliter intelligēda sunt esse perficiēda.

3. ¶ Quantū itaq; ad tēpus ac locū illius iudicij attinet, probabile quidē videtur, non autē certum aut euidēs, q̄ circa locum montis oliueti Christus iudicaturus descēdet, sicut & inde in cœlū ascēdit, sicut Iohelis 3. dicitur: Congregabo omnes gentes, & educam eas in vallē Iosopha, & disceptabo ibi cum eis. Cognitio verò finis mundi ac tempus extremi iudicij soli deo referuatur, secundum quod dicitur A&. 1. Nō est vestrum nosce tempora, vel momenta, quæ pater posuit in sua potestate. Sicut enim deus operatur quædam in quibus ei nulla creatura cooperatur: ita & cognoscit quædam quæ à nulla pura creatura cognoscuntur, cuiusmodi sunt illa quæ soli diuinæ subiacēt potestati, vt est creatio mundi & eius terminus. Vnde Mat. 13. De die illa nemo scit, nec angeli in cœlo, nec fili⁹ scit, nisi pater. Et 1. Thessa. 5. Dies dñi sicut fur ita in nocte veniet.

¶ An aliqui angeli & homines cum Christo iudicabunt 2. An iudicialia potestas correspondeat voluntariæ pauperpati 3. An post diem iudicij demones exæquantur sententiā iudicis in damnatos 4. An omnes homines tam boni quàm mali compareant in iudicio ut iudicentur 5. An angeli in futuro iudicentur. Articulus 213.

**L**icet verò tota trinitas iudicet per auctoritatem, filio tamen peculiariter attribuitur iudicium: quia secundum humanam naturam omnibus apparebit tam bonis quam malis, Ioan. 5. Potestatem dedit ei iudiciū facere, quia filius hominis est. Cū autē assessores iudicis debeant iudici esse proportionales, vel conformes, angelis non cōpetit iudicare cū Christo, eo quod illi secūdū humanam naturā, in qua omnibus tam bonis quā malis videri possent, nō sint conformes: sed sunt, vel ministri iudicis, Mat. 13. Mittet filius hominis angelos, & colligent de regno eius omnia scandala. Vel testes humanorum actuum, sub quorū custodia homines bene vel male egerunt. Vnde Mat. 15. dicitur: cū venerit filius hominis in maiestate sua, & omnes angeli cum eo. Soli itaque homines sancti ac viri perfecti cū Christo iudicabunt, in quā tum in eis continentur decreta diuinæ iustitiæ, ex quibus homines iudicabūtur, & in quorum cognitionē alios ducent, vt scient quid iuste pro meritis eis debeatur. Et sic ipsa reuelatio iustitiæ dicitur iudicium, sicut si liber in quo continetur, lex iudicare dicatur. Vnde Apoca. 20. dicitur: iudicium sedit & libri aperti sunt. Et Richardus de sancto Viā. Iudices inquit coram iudicandis decretorum suorum libros aperire, est ad cordium suorū inspectionem, inferiorū quorūlibet visum admittere, sensumq; suū in his q̄ ad iudiciū pertinet reuelare.

2 ¶ Iudicare multipliciter dicitur. Vno modo quasi causaliter, vt dicatur illud iudicare, vnde apparet aliquis iudicandus sicut Matthæi 12. dicitur, quod viri Niniuitæ surgent in iudicio, &c. ex comparatione enim eorum aliqui iudicandi ostendūtur: & sic iudicare in iudicio, communiter est bonorum & malorum. Alio modo dicitur iudicare quasi interpretatiue, quomodo illi iudicare dicuntur, qui consentiunt iudici, eius sententiam approbando. Interpretamur enim aliquem facere qui facienti consentit: & sic iudicare est omnium electorum, etiam angelorum. Vnde Sapientiæ tertio dicitur: iudicabunt sancti nationes. Cæterum iudicare eo modo, quem articulo præcedenti posuimus, etsi solis sanctis hominibus conueniat, non tamen concedendum est omnibus conuenire: sed illis dū taxat, qui hic in voluntaria paupertate Christum sunt imitati. Et hoc propter tria. Primo ratione congruitatis, quia in his, qui omnibus quæ mundi sunt contemptis, soli Christo inhaerent, non est aliquid quod eorum iudiciū à veritate deflectat.

Vnde idonei ad iudicandum redduntur, quasi veritatem iustitiae prae omnibus diligentes. Secundo ratione meriti, quia humilitati respondet exultatio pro merito, inter omnia autem quae hominē in hoc mundo despectum faciunt, praecipue est paupertas. Vnde & pauperibus excellentia iudiciariae potestatis promittitur, ut sic qui propter Christū se humiliat, exaltetur. Tertio quia paupertas disponit ad praedictum modum iudicandi. Est enim prima dispositio in progressu ad perfectionem, in qua habebit homo cor edoctū omni diuina veritate, secundū quam aliquis sanctorum iudicare dicitur. Et sic Iob tricesimo sexto dicitur: Non saluat impios, & iudicium pauperibus tribuet. Et super illud Matthaei decimonono. Vos, qui reliquistis omnia, dicit Glossa. Qui reliquerūt omnia, & secuti sunt deū. hi iudices erunt: qui licita habētes rectē vsi sunt, iudicabūtur.

3 ¶ Verius existimandum est post diem iudicij daemones fore exequutores sententiae iudicis in damnatos. Sicut enim ordo seruabitur in saluatis, quod quidam à quibusdam illuminabuntur & perficientur, eò quòd ordines coelestis hierarchiae perpetui erunt, ita seruabitur ordo in pœnis, ut homines per daemones puniantur, ne totaliter diuinus ordo, qui angelos medios inter naturam humanam & diuinam constituit.

4 ¶ Congruum quidem est, ut sicut christus in passionis suae humilitate sanguinem suum fudit pro omnibus, quantum ad sufficientiam, licet non quantum ad efficaciam: ita omnes in iudicio congregentur ad videndam eius exultationem in humana natura, secundum quam constitutus est iudex viuorum & mortuorum, ut habetur Actuum quarto. Hæc etenim excellentia debetur in præmium illi summæ humilitati, quam in passione Christus pro omnibus exhibuit. Vnde Apocalypsis primo dicitur: Ecce venit in nubibus, & videbit eum omnis oculus. Sed quum ad iudicium duo pertineant, videlicet discussio meritorum: & retributio præmiorū: omnes quidē homines iudicabuntur, quantum ad receptionē præmiorum, prout Paulus dicit 1. Corinthiorum decimoquinto: Omnes astabimus ante tribunal Christi, ut referat vnusquisque propria corporis, prout gessit, siue bonum, siue malum. Sed quantum ad discussionē meritorum, illi tantum iudicabuntur, in quibus est meritorum bonorum cum malis permixtio: cuiusmodi sunt soli fideles. Nam ad minus alicui fidei laudabilem habent, per quam ciues fuerunt saltem numero ciuitatis dei, quare & iudica-

buntur sicut ciues, in quos sine discussione meritorū sententia mortis nō fertur. Si verò super fidei fundamentū ædificāt lignum, fœnū, stipulā, amantes adhuc secularia, & terrenis negotiis impediti, ita tamē quòd nihil Christo præponāt, sed studeant peccata eleemosynis expiare. Tales quātum ad hoc & iudicabuntur & saluabuntur. Discussio ergo meritorū neq; in infidelibus locū habet, eo quod sublato fidei fundamento, nō est in eis aliqua permixtio bonorū operū, vel meritorū ad mala quæ discussionē requirat, sed condēnabuntur sicut hostes, qui consueuerunt apud homines absq; meritorū audientia ex terminari. Neque similiter locum habet in quibuscūq; fidelibus qui ædificantes super fidei fundamentum aurum, argentum, & lapides præciosos, diuinis seruitiis totaliter insistent, nullā admixtionem notabilem alicuius mali meriti habentes.

5 ¶ Directè loquendo, nulli angeli in illo iudicio iudicabuntur. Quia neque pro propriis meritis tunc mercedem accipient, quam in principio receperunt, quibusdam ad beatitudinem sublimatis, aliis verò demersis ad miseriam. Nec iudiciū discussionis in eis locum habebit, eò quòd in bonis nihil mali inuenietur, nec in malis angelis quicquam boni ad iudiciū illud spectans. Sed indirectè iudiciū illud quodāmodo angelos respiciet, inquantū actibus humanis fuerūt cōmixti, vel in ducēdū ad bonū, vel incitando ad malū. Quia rōne tūc angeli boni magis gaudebūt, mali verò tūc ampli⁹ torq̃būtur. Quod ad retributionē alicui⁹ p̃mij saltē accidētalis videtur p̃tinere.

¶ *An christ⁹ in forma serui sit iudicatur⁹ 2. An apparebit in forma humanitatis gloriosa 3. An eius diuinitas possit sine gaudio uideri. Ar. 2 14*

**C**Onueniens est, vt ipse Christus secundū humanā naturā in finali iudicio appareat, tū quia secundū hanc dominium habet super homines ratione redemptionis. Sicut dicitur, Ro. 14. In hoc Christus mortuus est & resurrexit, vt viuorum & mortuorū dominetur. Tum quia finale iudiciū ad hoc ordinatur, vt aliqui admittantur ad regnū & aliqui à regno excludātur. Ad regnū autē nemo admittitur per sola bona creationis nisi redēptionis beneficiū adderetur, p̃pter impedimentū, quod naturæ creatæ superuenit ex peccato primi parentis. Et ergo bene dicitur Actū 10. quod Christus constitutus sit à deo, iudex viuorum & mortuorum.

2 ¶ Christus in primo quidem aduentu in forma nostræ in-



firmitatis apparuit. Ad hoc nēpe tunc venit, vt p nobis apud patrē satisfaceret. In secundo verò aduētū in forma gloriosa apparebit, quia cū ad hoc veniet vt iustitiā patris in homines exequatur demonstrare gloriā suam debebit, quę inest ei ex cōmunione ad patrē. Vnde Lucæ 21. dicitur, Tūc videbunt filiū hominis venientē in nube cū potestate magna & maiestate.

3 ¶ Cū verò deus essentialiter sit ipsa bonitas, nō poterit diuinitas ab aliquo intellectu sine gaudio videri. Res siquidē quę sunt delectabiles p participationē bonitatis (quę est ratio appetibilitatis & delectabilitatis) possūt apprahēse nō delectare sed id per quod essentiam suam est bonitas, impossibile est qd ei<sup>9</sup> essentia apprehēsa nō delectet. Nihil etenī admixtū habet vel habere pōt, ppter quod nō sit delectabilis & appetibilis.

¶ An mundi innouatio sit futura. 2. An motus corporum cælestiū in illa innouatione cessabit. 3. An corporibus cælestibus ac elementis claritas augeatur in illa innouatione. 4. An animalia & plantæ tunc remaneant. Articulus 215.

**A**D perfectionem futuræ beatitudinis requiritur, vt homo diuinam essentiam videat, non tantum immediate per cognitionē intellectuā, sed & per potētiā sensitiuā, oculo videlicet carnis, eandē in suis effectibus corporalibus mediate inspiciat, in quibus manifesta iudicia diuinæ maiestatis apparebūt, & præcipue in carne Christi. Et post hoc in corporibus, beatorū, & deinceps in oībus alijs corporibus Et ideo ne quid solatijs desit cognitioni hominis, etiā sensitiuæ, oportebit alia quoq; corpora quæ ministerio hominis sunt subiecta, maiore influentiam diuinæ bonitatis suscipere, non quidem speciem variantem, sed addentem cuiusdā gloriæ perfectionem. Et hæc erit mundi innouatio. Vnde homine glorificato, simul mundus innouabitur. Propter quod dicitur Esaia 66. Ecce ego creo novos cælos, & nouam terrā & non erunt in memoria priora. Et Apocalypsi 21. Vide cælū nouū & terram nouā: primū enim cælū & prima terra abiit.

2 ¶ Quia verò corpus cæleste seruit homini inquantū p motū suū multiplicat gñs humanū, & gñantur plantę & animalia quæ in vsum hoīm sunt necessaria, & etiā temperies in aere efficitur, conseruans hominis sanitatē: accirco, in illa mundi innouatione, quando completo illa pefinito numero electorū, nec generatio deinceps erit, nec homo alimentis eorū

poralibus indigebit, nec ab aliqua aeris dispositione sanitas eius dependebit, motus quoque cœli diuina voluntate cessabit. Vnde tunc neq; sol occidet, nec luna minuetur, sicut dicitur Isaiæ 60. Quare nec vlla dierũ ac noctiũ erit vicissitudo.

3 ¶ Innouatio mundi ordinatur ad hoc quoque vt homo etiam sensu in corporibus quodãmodo per manifesta indicia diuinitatem videat. Creatura verò præcipue in dei cognitione ducit sua specie & decore, sicut dicitur Sapietia 13. A magnitudine speciei cognoscibiliter poterat videri creator eorũ. Et ideo corpora cœlestia, quorũ pulchritudo potissimum in luce consistit, quantum ad charitatem innouabuntur. Vnde Isaiæ 30. dicitur: Erit lux lunæ sicut lux solis, & lux solis septupliciter sicut lux septem dierum. Cum autẽ corpora inferiora communicent cum cœlestibus in natura lucis & diaphani, vt dicitur 2 de anima, oportet & ea in hac innouatione maxime perfici secundũ claritatẽ. Vñ omnia elemẽta claritate quadã vestiẽtur. Dicitur enĩ, qđ terra erit i sup̃ficie exteriori puia sicut vitrũ, aq̃ sicut cristallũ, aer vt cœlũ, & ignis vt luminaria cœli.

4 ¶ Homine itaq; ad statũ incorruptionis ac perpetuæ quietis resurgẽte, omnia illa ac sola perire oportet, quæ ad in corruptionẽ ac quietẽ nullũ omnino ordinẽ hñt: cuiusmodi sunt animalia bruta, plãtæ, mineralia, & omnia corpora mixta: quæ corrũpuntur & secundũ totũ, & secundũ partẽ. Ex parte materiæ quidẽ, quæ formã amittit: ex parte formę verò, quia actus non manet. Mundi siquidem innouatio propter hominem fiet, & ideo oportet hominis innouationi omnia conformari.

¶ *An intellectus humanus possit peruenire ad uidendũ deũ per essentiam. 2. An sancti post resurrectionem deũ corporalibus oculis sint uisuri. 3. An sancti uidentes deũ per essentiã oĩa uideant quæ deus in seipso uidet*      Articulus 216.

**Q**uemadmodum visus non cognoscit albedinem, nisi in eo recipiatur similitudo albedinis, secundũ rationẽ suæ speciei: ita intellectus nullam quidditatẽ potest intelligere, nisi in eo fiat similitudo eiusdẽ rationis secundũ speciem. Porto intellectus humanus cognoscit quidditatem diuinæ essentiæ, in hoc quippe sita est hominis vltima perfectio & beatitudo, sicut patet Iobãnis 17. Hæc est autẽ vita æterna, vt cognoscant te solũ verum deũ, & quẽ

misisti Iesum Christum. Deus ergo ac diuina essentia cum sit ens per se subsistens, non hñs in se aliquid preter id quod est intelligibile in ipsa, nec sit perfecte repræsentabilis per vllam speciẽ cuiusvis creaturæ, debet esse forma non solũ quæ, sed etiam per quam intellectus ipsummet deum intelligat. Et per consequens intellectus humanus intelligit deum ac diuinam essentiam immediate. Et hoc est quod Paulus dicit 1. Corin- thiorũ 13. Videmus nunc per speculũ in ænigmate, tunc autẽ facie ad faciem. Et 1. Iohannis 3. Cum apparuerit (inquit) simi- les ei erimus, & videbimus eum sicuti est.

2 ¶ Deus autem nullo modo videri potest corporali, aut ali- quo alio sensu, sicut sensibile p se, nec hic nec in patria, sensu existente vtrobiq; eiusdem rationis. Per se enim sentitur, q̃ p se passionẽ ingerit sensui corporali, vel sicut sensibile cõmu- ne: vt sunt magnitudo, numerus, motus, &c. Vel sicut sensibile propriũ vt ẽ color respectu visus. Cum autẽ sensus in quantum huiusmodi, vtã organo corporali, nõ potest in eo aliquid re- cipi nisi corporaliter. Omne enim q̃ recipitur, ad modũ reci- piẽtis recipitur. Igitur diuina essentia quæ omnino est incor- poreã, nequaquã videri poterit aut percipi vllõ sensu corpo- rali per se, sed p accidẽs tantũ. Quia etsi per se non inferat passionẽ sensui, neq; secundũ rõnem cõmunis sensibilis, neq; secundũ rõnem sensibilis pprij, coniungit tamen ei q̃ per se ppter sensui inferre passionẽ, vt pote corpore Christi. Deniq; visus corporalis tantam gloriã dei inspiciet in corporibus & præcipue gloriosus ex vna parte, & ex altera parte tam clare deũ videbit, q̃ in rebus visis deus percipiet, sicut in locutiõe percipitur vita. Vnde Augu. in fine de ciui. dei valde credibile est, inquit nos visuros mundana corpora, tunc cœli noui & terræ nouæ, vt deum vbique præsentem & vniuersa corpora gubernantẽ clarissima perspicuitate videamus. Nõ sicut nũc inuisibilia dei p ea quæ facta sunt, intellecta cõspiciũtur, sed sicut hoĩes mox vt aspiciunt viuere nõ credimus, sed videm⁹.

3 ¶ Notitia dei est duplex, vcz noticia visionis quæ videndo suam essentiam cognoscit oĩa quæ sunt, erunt, vel fuerunt, quasi pñtia. Et notitia simplicis intelligentiæ, quæ videndo su- am essentiam cognoscit oĩa ea quæ possunt fieri, quanuis nũ- quã futura sint. Cũ ergo quãntitas diuinæ potentiæ attenda- tur secundum ea in quæ potest si aliquis intellectus videret in diuina essentia omnia quæ deus potest facere, tanta esset quã

titas in intelligendo, quanta est quātitas diuinæ potentia in producendo effectus, & ita cōprehenderet diuinā essentiam, quod est impossibile omni intellectui creato. Et per consequens est impossibile, q̄ intellectus aliquis creatus videndo diuinā essentiam cognoscat omnia quæ deus potest. Illa aut omnia quæ deus scit notitia visionis aliquis intellectus creatus cognoscit in verbo, scilicet anima Christi. Sed de aliis vidētibz diuinam essentiam probabile est, quod ante diem iudicij nō omnia videant quæ deus videt, eo quod diuinā essentiam non cōprehendant. Porro post diem iudicij, quādo gloria hominum & angelorum erit penitus consummata, omnes beati scient omnia quæ deus scientia visionis nouit, ita tamē, quod non omnes omnia videant in diuina essentia, sed anima Christi ibi plene videbit omnia, sicut & nunc videt. Alij autem videbunt ibi plura vel pauciora, secundum gradum, quod deum cognoscent. Et sic anima Christi de his quæ præ alijs videt in verbo, oēs alias illuminabit. Vñ dicitur Apo. 21. q̄ claritas dei illuminat ciuitatē beatorū, & lucerna eius est agnus.

**¶** An beatitudo sanctorum sit maior futura post diem iudicii, quā ante resurrectionem fuerit. 2. An beatitudinis gradus mansiones dici debeat secundum diuersos charitatis gradus distinctæ Ar. 217

**B**eatitudinem sanctorum post resurrectionem augeri quidem extensiuè manifestum est, quia beatitudo tūc erit non solū in anima, sed etiam in corpore. Ob quā causam etiam animæ beatitudo augebitur, extensiuè, inquam, tamen anima non tantum gaudebit de proprio bono, sed etiam de bono corporis. Præterea cū anima perfecti⁹ esse habeat in corpore quā extra corpus (vnde est & naturaliter appetit illi vniri) quāto anima erit post resurrectionē in natura perfectior, tantō & perfectius habebit suā operationē in qua consistit felicitas. Et per cōsequens quanto fuerit cōueniens animæ operatio perfectior, tanto erit & delectatio maior, vt dicitur 4. Ethicorū. Et hoc est quod super illud Apo. 6. Vidi sub altari animas interfectorum, dicit glo. Modo animæ sanctorū sunt sub, id est, in minore dignitate quā sint futuræ.

2. **¶** Diuersi modi cōsequēdi finē vltimū, diuersæ mansiones dicuntur. In quolibet nanq; motu, Ipsam quietē in fine motus, dicimus collocationē seu mātionē. Actus autē appetitus & volūtatis mot⁹ quidā est. Ipsa igitur affectio finis appetitiui mo

tus dicitur mansio aut collocatio in fine. Et ergo licet vnus sit locus spiritualis, ac vnū obiectū beatificum omniū beatorum, sicut & omniū leuium vnus est locus corporalis sursum: tamē quia ex parte beatorū diuersi sunt gradus appropinquandi ad locū illū siue obiectum, ideo habēt diuersas māsiones secundū differentiā spiritualis leuitatis, quæ est per charitatem. Ipsa siquidē est principium distiūctiuum mansionum seu graduum beatitudinis, propinquum & remotum. Propinquum quidem per modum dispositionis in patria, vbi quanto quisque fuerit in charitate perfectior, tanto erit diuinæ claritatis capacior. Remotum verò per modū meriti in viatoribus. Vis enim merendi in omnibus virtutibus nō est ex ipsa substantia actus meritorij, sed ex charitate quæ habet ipsum deum pro obiecto.

¶ *An beati qui sunt in patria, miseras dānatorū sine cōpassione uideant. 2. An beati de dānatorū pœnis lætentur. Arti. 218.*

**M**isericordia vel compassio hoc modo ex electione rationis nascitur, prout aliquis vult malū alterius repelli. Peccatores autē quādiu sunt in hoc mūdo, possunt sine præiudicio diuinæ iustitiæ in beatitudinē transferri à statu peccati & miseriæ, & ideo beatorū cōpassio ad eos locum habet. Quia verò vnumquodq; ex comparisonē contrarij magis cognoscitur, ideo vt beatitudo sanctorum eis magis cōplaceat, & de ea vberiores deo gratias agant, datur eis quidem vt miseriam damnatorum videant, secundum quod dicitur Esa. vlti. Egredientur & videbunt cadauera virorum qui præuaricati sunt in me, attamen quia secundum diuinam voluntatem, cui & sanctorum voluntas est cōformis, transferri non possunt ab hac miseria ad beatitudinem. Ideo beati, qui sunt in gloria, secundum rectam electionem nullam compassionem habebunt ad damnatos.

2. ¶ Sancti ergo etsi videant pœnas damnatorū sine vlla cōpassione, non tamen de eis lætabuntur per se & in quantum huiusmodi. Hoc quippe spectat ad odiū. Porro quia & in illis dānatorum miserijs considerabunt diuinæ iustitiæ reſtitutionem, & suam liberationē, lætabuntur de eis saltem per acciſdens. Vnde in psal. dicitur. Letabitur iustus, cum viderit vindictā. Et Esa. vlti. Erunt vsq; ad satietatem visionis omni carni. Nam & deus tali modo de damnatorū pœnis lætatur, inquā-

rum scilicet per suam iustitiā sunt ordinatæ, sicut Prouerbio-  
rum primo dicitur: Ego quoq; in interitu vestro ridebo, &c.

¶ An ponendæ sint aliquæ dotes. 2. An ratio dotis distincta reali-  
ter à beatitudine Christo conueniat. 3. An conueniat an-  
gelis. 4. An conueniēter ponantur tres esse animæ do-  
tes, scilicet uisio, dilectio, & fructio. Articuli. 219.

**D**Os secundū primā nominis institutionē ad carnale  
matrimoniu pertines, est donatio ex parte mulieris,  
facta his qui sunt ex parte viri pro onere matrimo-  
nij q; vir sustinet: quomodo 4. Re. 9. accipitur vbi di-  
citur, qđ Pharaon rex Aegypti, cœpit Gazer & dedit eā in dotē  
filix suæ vxori Salomonis. Trāsfertur autē idē nomē ad signifi-  
candū aliqua dona, quæ diuinitus dātur beatis ad eorū orna-  
tū qñ ad gloriā transferūtur. Qñcunq; verò aliquod nomē est  
positū ad significandū aliquid principaliter, nō cōsuevit trās-  
ferri ad alia, nisi secundū aliquā similitudinē. Donū ergo illud  
dos vocatur, quod in spūali matrimonio (qđ est inter Christū  
& ecclesiā in mēbris suis, prout apo. dicit ad Ephe. 6. Sacramē-  
tū hoc magnū est, dico autē in Christo & ecclesia) datur spō-  
sæ, id est, aīæ beatæ, qñ in domū sponsi traducitur, vt præsē-  
tialiter spōsum habeat, siue à patre sponsi. i. Christi, quæ est so-  
la persona patris, siue à patre sponsæ, quæ est tota trinitas. Ec-  
dos hoc modo accepta sic diffinitur, quod est perpetu<sup>o</sup> aīæ &  
corporis ornatus, vitæ sufficiens, in æterna beatitudine iugiter  
perleuerans. Quāuis ergo in hoc spūali matrimonio non sint  
aliqua onera, est tñ ibi summa iocunditas, ad quā perficiendā  
dotes sponsæ per se cōferuntur, vt scilicet per eas delectabili-  
ter spōso cōiungatur. Et ergo sunt hic maximæ dotes assignā-  
dæ. Nā & per eas spōsa ornatur, & ad gloriā & honorē cedūt  
sponsi, Christi videlicet. Vade Esa. 61. dicitur, Induit me vesti-  
mētis salutis, & tanquā sponsam ornatam monilibus suis. Dos  
enim datur sponsæ quantum ad proprietatē & dominiū, spon-  
so autē ad vsum, sicut patet in matrimonio corporali, vbi so-  
luto matrimonio remanet dos sponsæ secundum iura.

2. ¶ Christo itaq; vel omnino nō cōuenit ratio dotis, vel nō  
ita perfecte sicut alijs sanctis, quanuis ea quæ dotes dicuntur,  
excellētissimē ei conueniāt. Dotes quippe assignātur spōsæ  
(vt iam dictum est) Christus autē etsi ecclesiæ spōsus dicatur &

fit, nullius tñ spōsa potest appellari, nisi forte secundū regulā Ticonij, inquantū assumit personā sponsæ suæ. i. ecclesiæ. Per quē modū dici posset habere dotes, non quod ipse habeat, sed quia ecclesia habet. Nā dotes extra matrimoniū vel corporale vel spūale nō reperiri, iam probatum est. Ad matrimonium autē tria requiruntur, videlicet sponsæ ad sponsum subiectio, conformitas naturæ, & distinctio personarum. In cōiunctione ergo qua Christus cōiungitur deo per vnionē amoris (quā consentaneam quidam vocant) nullum est matrimoniū propter defectum subiectionis. Similiter nec in coniunctione humanæ naturæ ad diuinam in Christo, quia illa est in vnitate personæ & distinctiōne naturæ. Præterea dos datur sponsæ quando de nouo in domum sponsi traducitur (quod separationem præsupponit) humanitas autē semel à verbo assumpta, nunquam fuit separata. Licet ergo beatitudinis ratio perfectiss. Christo conueniat, non tamen ratio dotis, quia dos à beatitudine realitèr distinguitur. Beatitudo enim in operatione consistit, qua anima beata perfectè deo coniungitur. Dotes verò dicuntur habitus vel dispositiones, vel quæcunque aliæ qualitates, quæ ordinantur magis ad beatitudinem, quàm sit ipsa beatitudo, vel partes essentiæ ipsius.

3 ¶ Cum vero nec angelis ita proprie conueniat ratio spōsæ, sicut hominibus: exigitur enim inter sponsam & sponsum conformitas naturæ, cuiusmodi non est inter angelos & Christum: ideo ratio dotis non ita proprie eis conuenit sicut hominibus: quanuis dubium non sit ea quæ ad dotes pertinent, ita conuenire angelis, vt hominibus.

4 ¶ Dos (sicut nunc dictum est) est qualitas animæ inherens, per quam ordinatur ad perfectissimam operationem in qua beatitudo consistit. Oportet ergo, quod visio, quæ est huiusmodi operationis substantia, sit delectabilis & ex parte obiecti, id est, visibilis, & ex parte visionis. Ad hoc autem quod visio sit delectabilis ex parte visionis, oportet quod sit facta cōnaturalis per aliquem habitum, qui visionem eliciat, & sic est vna dos quæ ab omnibus visio vocatur. Sed ad hoc, quod sit delectabilis ex parte visibilis, requiruntur duo. scilicet quod ipsum visibile sit conueniens, quod sit per affectum. Et quantum ad hoc, ponitur à quibusdā dilectio & à quibusdam fructio, secundū quod fructio ad affectū pertinet. Illud enim quod summè diligimus, conuenientissimum æstimamus. Requiritur



etiam ex parte visibilis coniunctio. Et sic ponitur à quibuscūq; compræhensio, quæ nihil aliud est quàm in præsentia deum habere, & eum in seipso tenere: sed secundum alios fruitio, prout fruitio non est spei, sed iam rei. Sic ergo sunt tres animæ doctes, scilicet visio, dilectio, & compræhensio vel fruitio: respondentes tribus virtutibus theologicis, scilicet visio fidei, spei compræhensio vel fruitio, charitati verò, dilectio vel etiam fruitio.

¶ *An aureola sit aliquod aliud præmiū à præmio essentiali quod aurea vocatur. 2. An aureola differat à fructu. 3. An fructus debeatur soli uirtuti continentie. 4. An conuenienter tres fructus, tribus continentie partibus assignentur. Articulus 220.*

**P**Ræmiū illud essentialē beatitudinis quod ratione charitatis, commune est omnibus beatis hominibus, id est perfectā cōiunctio animæ cum deo, corona vocatur vel aurea, tū ex parte meriti, quod cū quadā pugna agitur. Militia enim est vita hominis super terrā ut dicitur Iob 7. tum ex parte præmij per quod homo efficitur diuinitatis particeps, & per cōsequēs regię potestatis, secundū quod dicitur Apoc. 5. Fecisti nos deo nostro regnum, &c. Corona autē est propriū signū regię potestatis. Significat etiā corona perfectionē quandā ratione circularis figuræ, ut ex hoc etiā perfectioni cōperat beatorū. Cum verò præmiū debeat respondere merito, oportet quod etiā excellentiæ meriti, quæ est ex modo agendi respondeat aliqua excellentia iū præmio. Et ergo illi operi quod præter cōmunē rationē bonitatis, quæ est ex radice charitatis, etiam ex ipso genere actus quandā laudabilitatē & specialis certaminis rationē habet, ex debitis circumstantijs, ex habitu eliciente, & ex proximo fine, debeat quoddā accidētale præmiū, id est, gaudiū quoddā ratione victoriæ excellentis. Sed quia nihil potest superaddi, quin sit eo min⁹, ideo præmium istud seu gaudiū quod superadditur illi gaudio seu p̄mio essentiali, quod est de cōiūcto aīæ ad deū, nō aurea, sed aureola vocatur. Vnde Exo. 25. facies alterā coronā aureolā, dicit glo. Ad coronā pertinet canticū nouū, quod virgines tantū corā sp̄so cātant. Ex quo videtur, quod aureola sit quædā corona non omnibus, sed quibusdā specialiter reddita. Aurea autē oībus beatis redditur, ergo aureola est aliud quàm aurea.

¶ *Fructus proprie in rebus corporalibus de terræ nascēti-*

bus dicitur, & diuersos respectus ac conditiones habet. Secundū enim quod dulcedinē habet, reficit & in vsum hominis venit, est etiam vltimū ad quod naturæ operatio peruenit. Item omne illud quod ex agricultura expectatur per seminationē ac quoscunque alios modos. Porro cum ea quæ metaphoricē dicuntur, possunt varie accipi secundum adaptationes ad diuersas proprietates eius vnde fit assumptio: ideo secundum diuersas condiciones fructus corporalis, diuersimode fructus spiritualis accipitur. Quandoque igitur accipitur fructus spiritualis pro eo quod reficit quasi finis vltimus, secundum quē modum dicimur frui deo in patria. Virtutes quoque, quæ secundum B. Ambro. mētem reficiunt quadam dulcedine, fructus vocantur. Ad Galat. 5. Fructus autem spiritus gaudium, &c. Denique omne præmium quod in futuro pro nostris laboribus recipimus, fructus potest appellari secundum illud ad Roma. 6. Habetis fructum vestrum in sanctificatione, finem verò vitam æternam. Cæterum accipiendo fructum quodam speciali modo, secundum quod procedit ex semine, qualiter de eo Christus loquitur Matth. 13. diuidens inter fructum trigessimum, sexagesimum & centesimum: sic fructus distinguitur ab aurea & aureola. Quia aurea consistit in gaudio essentiali, quod est de deo, aureola verò in gaudio quod est de perfectione operis, sed fructus consistit in gaudio quod habet homini quantum per quādam spiritualitatem à carne recedens magis ex cultus, paratus atque dispositus fuit vt in eo semē spirituale quod est verbum dei, fructū vberiorē faceret.

3 ¶ Cum itaq; in homine carnis dominio prævalente minus sit efficax virtus sementiua, spiritualis seminis verbi dei, illi præcipuæ virtutis, fructus ascribendus est, quæ ab hoc dominio hominem magis liberat. Hoc autem continentia facit. Nam delectationes veneriæ quæ per continentiam cohibentur ac reprimuntur sunt præ cæteris magis vehementes, & per eas homo magis carni subijcitur: secundum quod Hieronymus dicit quod in actu carnali deus prophetarum corda non tangit, & secundum Philosophum. 7. Ethicor. impossibile est in illa delectatione aliquid intelligere. Et ideo cōtinentiæ magis respondet fructus, quā alij virtuti.

4 Quia vero est quādam spiritualitas necessaria, ea videlicet quæ carnis delectationibus non vitur, nisi secundum rectum ordinem rationis, cuiusmodi est continentia coniugatorū: &

quædam superabundans per quam homo ab huiusmodi carnis delectationibus spiritum suffocantibus omnino se abstrahit, vel secundum omne tempus, videlicet præteritum, præsens & futurum ut est spiritualitas virginum, vel secundum aliquod tempus ut est spiritualitas viduarum. ideo seruantibus continetiam coniugalem, datur fructus trigessimus, vidualem sexagemus & virginelem centesimus. Decet enim, ut secundum diuersum modum spiritualitatis (quâ continetia facit) diuersi fructus distinguantur & assignentur. Cuius & alia ratio assignari posset ex natura numerorum, sed hæc breuitatis causa dimitto.

¶ *An uirginibus debeat aureola. 2. An martyribus debeat. 3. An debeat doctores. 4. An Christo debeat. 5. An cõpetit angelis. 6. An conueniat etiã corpori. Ar. 221.*

**S**iquidem aureola proprie accipitur, tunc omnibus a cõsolis illis uirginibus aureola proprie debetur, quæ propositum habuerunt uirginitatem perpetuo seruandi siue hoc propositum voto firmauerint, siue non: etiã si interruptum fuerit integritate tamẽ carnis manente: dummodo in fine uitæ inueniatur, quia uirginitas mentis reparari potest, non uirginitas corporis. Nam ubi est specialis ratio uictoriæ, ibi debetur aliqua specialis corona: Per uirginitatem uerò aliquis singularẽ quandã uictoriã obinet de carne, contra quam pugnat continue, ut patet ad Galatas 5. Spiritus concupiscit aduersus carnẽ. Cũ uerò meritum actũ uirtutis debeat a charitate imperato, uirginitas autem secundum hoc ad genus uirtutis spectet, secundum quod perpetua incorruptio mentis & corporis sub electione cadit: patet, quod non cuilibet uirginitati, sed illi duntaxat omni & soli corona debeat, quæ aureola uocatur, quæ est a proposito uirginitatẽ perpetuo seruandi. Vnde Esa. 56. dicitur: Hæc dicit dominus deus eunuchis. Et sequitur. Dabo eis nomẽ melius a filiis & filiabus. Dicit gloriã propriã excellẽtemq; significat. Sed per eunuchos, qui seipso castrauerunt propter regnum cœlorũ uirgines designantur. Ergo uirginitati debetur aliquod excellens præmiũ, & hoc uocatur aureola.

2. ¶ Martyrio quoq; aureola debetur sicut & uirginitati. Nã sicut per uirginitatẽ perfectissime triumphatur de concupiscentiis carnis, quæ inter omnes passionẽs interiores sunt ma-

gis vehemētes, ita & per martyriū triumphatur de morte quæ inter passionēs exterius illatas primum ac præcipuum locum obtinet potissimum ea mors quæ propter Christū suscipitur, cuiusmodi est mors martyriū. Martyrem quippe nō pœna facit, sed causa. Vnde Augustinus in libro de virginitate. Nemo (quantū puto) ausus fuit virginitatem præferre martyrio. Sed virginitate debetur aureola. Ergo & martyrio. Qualiscunque igitur afflictio propter Christū illata, siue famis siue carceris, siue vulneris vsq; ad mortē cōtinuata, siue mors inde sequatur siue nō, aliquis martyr efficitur & aureolam meretur, sicut de beata Cecilia patet, quæ accepto vulnere triduo supervixit. Et quorundam martyria in ecclesia celebrātur, qui in carcere mortui sunt, aliquibus vulneribus lōge ante susceptis, sicut de Marcello papa. Si autē afflictio nō cōtinuatur vsq; ad mortē, nō ppter ea aliquis martyr dicetur, sicut patet de beato Syluestro, de quo nō solēnizat ecclesia sicut de martyre: quia in pace vitam finivit, quāvis prius aliquas passionēs sustinuerit.

3 ¶ Per prædicationem etiam ac doctrinam de pertinentibus ad salutem, diabolus à cordibus hominum expugnatur, sicut quibusdam spiritualibus armis, de quibus dicitur 2. Corinthi. 10. Arma militiæ nostræ sunt non carnalia, sed spiritualia. Ea verò est perfectissima victoria quando aliquis non solum diabolo impugnantī non cedit (quod fit per virginitatem ac martyrium) sed etiam expellit eum, & non solum à se, sed etiam ab alijs. Et ideo quibuscunq; licite actum prædicationis & doctrinæ exercentibus aureola debetur, non minus quam virginitati ac martyrio. Vnde ad Ephes. 1. super illud. Vt sciatis quæ sit supereminēs, &c. dicit glo. Quoddam incrementum habebunt sancti doctores, ultra id quod alij cōmuniter habebunt. Prælati ergo quanvis officium prædicandi habeant, tamē nisi actu prædicet aut scribēdo scripturā sacram exponant (hic enim est etiā quidā docēdi modus) aureolā nō habebunt. Corona quippe nō debetur habitui sed actuali pugnæ, secundum illud. 1. Timo. 2. Nō coronabitur, nisi qui legitime certaverit.

4 ¶ Quāvis verò id qđ est in Christo, nō habeat rationē aureolæ tñ est excellētius omni aureola. Illis siquidē cōpetit habere aureolam in quibus est aliqua perfectionis victoriæ principatum, secundum imitationem eius, in quo perfectæ victoriæ ratio plena consistit. In Christo autē inuenitur, huius vi-

Gloriæ plena & principalis ratio, per cuius victoriam omnes victores constituuntur, ut patet Ioan. 16. Confidite, ego vici mundū. Et Apoca. 5. Ecce vicit leo de tribu iuda. Ideo Christo nō cōpetit habere aureolā, sed id vnde omnes aureolæ originantur. Vnde dicitur Apocal. 3. Qui vicerit, faciam eū sedere in throno meo, sicut ego vici & sedeo in throno patris mei.

¶ Nec angeli aureolā habēt ratione eorū propter quā hominibus aureola debetur. Aureola cū respondet cuilibet perfectioni excellenti in merito, ea autem quæ in hominibus ad perfectionē meriti prinēt, angelis sunt cōnaturalia, ut est virginitas, vel etiā spectant ad cōmunē statū eorū, sicut doctrina qua docent homines, aut etiā ad ipsum præmiū essentialē ipsorū: sicut ppetua incorruptio spiritus, quæ ī eis est de necessitate salutis, cū in eis nō possit subsequi reparatio post ruinā.

¶ Aureola quidē est principaliter in mēte, cū sit gaudiū de illis operibus, quibus debetur aureola, sed p quādā redūdāt ā resulget etiam in corpore vel in carne. Sicut enim ex gaudio essentialis præmij quod est aurea, redundat quidam decor in corpore qui est gloria corporis, ita verisimile est ex gaudio aureolæ resultare aliquem decorem in corpore, ut sic merito quod exercetur per corpus respondeat etiam præmiū & in anima & in corpore.

¶ An conuenienter tres aureolæ designentur virginis scilicet, martyrum & doctorum. 2. An virginum aureola sit inter alias potissima. 3. An unus aureolam uirginitatis uel martyrii uel doctrinis excellentius aliq habeat. Articulus 222.

¶ Vm itaq; sint tantū tres privilegiatæ victoriæ in tribus pugnis, quæ cuilibet homini imminēt, ideo tres tantū aureolæ assignantur. Aut enim victoriā quis obinet cōtra delectatiōes venereas (quæ sunt reliquis delectationibus vehemētiōres: & sic est aureola virginibus debita. Aut cōtra mundū qñ videlicet persecutiones mundi aliquis vsq; ad mortem sustinet, quæ in hac pugna est præcipua victoriā, & sic secūda aureola debetur martyribus, qui in ista pugna victoriā obtinent. Doctoribus verō ac prædicatoribus tertia debetur aureola, quia in pugna qua contra diabolum pugnatur, illa censetur potissima, qñ aliquis diabolum nō solū a se, sed etiā a cordibus aliorū remouet (quod fit per prædica-

tionē & doctrinā.) Siue igitur secundū quosdā distinguantur tres aureolæ secundū potissimos triū viriū animæ actus, vt vide licet aureolā doctōrū dicamus respōdere potissimo actui rationalis, qui est veritatē fidei etiā in alijs diffundere, aureolam verò martyriū potissimo actui irascibilis, qui est mortē ppter Christū superare: virginū verò aureolā potissimo actui cōcupiscibilis, qui est à delectabilibus carnis penitus abstinere. Siue etiā distinguantur secundū ea quibus Christo nobilissime conformamur, vtpote in eo quod fuit, doctōr, martyr & virgo. constat nihilominus tantum tres distingui aureolas.

2 ¶ Simpliciter quidem loquendo aureola martyrum inter omnes est potior. Aureola enim secundū propriā rationē respicit victoriam & pugnam, sed pugna martyriū est fortior, & vehemētius affligens. Porro quantū ad aliquid, nihil prohibet alias aureolas excellētiore esse. Pugna enim carnis est periculosior, inquantum est diuturnior, & magis nobis imminere vicino, quam pugna martyrum. Aureola quoq; doctōrum, ratione eorum de quibus est pugna, inter omnes est potior, quia huiusmodi pugna versatur circa intelligibilia, aliæ verò pugnae circa sensibiles passiones.

3 ¶ Est autem non tantum vna aureola potior alia, puta aureola martyriū, potior quā aureola virginū: sed etiam vna aureola, videlicet virginitatis, martyrij vel doctōris, potest in vno esse maior quā in alio. Aliquid enim intēditur & remittitur per intensiōem & remissionem suæ causæ, meritum autem (quod est causa aureolæ) potest esse maius & minus, vnde & aureola potest esse maior & minor, sicut patet in duobus, quorum vnus sustinet grauius martyrium, aut frequentius docet ac prædicat quā alius. Et quia intensiōni meriti, quæ attenditur penes radicem charitatis, non respondet intensiō aureolæ, sed auræ: intensiōni verò meriti, quæ est ex genere actus, respondet intensiō aureolæ: fieri potest quōd aliquis, qui minus in martyrio meretur, quantum ad essentiale præmium, habeat pro merito maiorem aureolam.

¶ An damnati in inferno sola pœna ignis affligantur. 2. An uermis, quo affliguntur impii, sit uermis corporalis.

3. An fletus qui erit in damnatis, sit corporalis.

4. An damnati sint in tenebris corporalibus.

Articulus

223.

Y ij

**H**oc diuinæ iustitiæ conuenit, quod peccatores, qui ab vno recedentes in rebus materialibus quæ sunt multæ & variæ finem suum posuerunt: multipliciter & etiam ex multis affligantur. Quamobrem nō tantum ignis, sed quicquid est ignobile & fœtulentum in elementis, in infernum projicietur ad pœnam damnatorum, secundum Basilium, vt sic ex omnibus creaturis tormētum damnatis accrescat, secundum illud Sapiētiae quinto: Pugnabit cum illo orbis terræ contra insensatos. Et in psalmo dicitur: Ignis, sulphur, & spiritus procellarum, pars calicis eorum. Quod verò secundum illud Iob 33. Transibunt ab aquis niuium ad calorem nimium, nullum eis omnino refrigerium præstabit huiusmodi pœnarum vicissitudo aut varietas, quia passio ab exterioribus non erit per transmutationem corporis à sua pristina naturali dispositione, sed per actionem spiritualem secundum quod sensibilia agunt in sensum secundum esse spirituale, & non secundum esse materiale.

2 ¶ Vermis ille qui in damnatis ponitur Iudith 15. Et dabit ignem & vermes in carnes eorum. Et Ecclesi. 7. Vindicta carnis impij ignis & vermis, non debet intelligi esse materialis, quia sicut iam suprà probatum est, innouato post diem iudicij mundo, non remanebit aliquod animal aut corpus mixtū, nisi corpus hominis tantum. Dicitur autem conscientia remorsus vermis spiritualis, quia ex putredine peccati oritur, & animam affligit, sicut corporalis vermis ex putredine ortus affligit pungendo. Vnde Augusti. 20. de Ciui. dei: In pœnis malorum inextinguibilis ignis & viuacissimus vermis, ab alijs aliter atque aliter est expositus. Alij vtrumque ad corpus, alij vtrūq; ad animā recēsent, alij proprie ad corpus ignē tropice ad animā vermē, quod credibilis esse videtur.

3 ¶ Post diem iudicij quiescēte motu cœli, nō erit aliqua regeneratio, vel corruptio, vel corporalis alteratio: sicut superius est ostensum. Quantum ergo ad lachrymarū resolutionē, nō poterit esse fletus corporalis in dānatis. In lachrymarū enim resolutione oportet esse illius humoris regenerationem, qui per lachrymas distillat. Cum verò corpora damnatorum non solum ab exteriori sed etiam ab interiori affligantur, secundū quod corpus immutatur ad passionem animæ in bonum vel in malum, quantum ad hoc fletus in damnatis esse poterit post resurrectionem, secundum quandam commotionem &



turbationem capitis & oculorum, respondentem delectationi culpæ, quæ fuit in anima & in corpore.

4 ¶ Simpliciter quidem loquendo, infernus est locus tenebrosus, tum ratione situs localis, quia in terræ medio ubi infernus ponitur non potest esse ignis nisi foetulentus & turbidus & quasi fumosus, tum ex commassatione & compressione corporum damnatorum, quæ præ multitudine ita replebunt locum inferni, quod ibi nihil de aëre manebit: & sic non erit ibi aliquid de diaphono, quod possit esse subiectum lucis nisi oculi damnatorum, qui erunt obtenebrati. Vnde Matr. 22. dicitur: Ligatis manibus & pedibus, projicite eum in tenebras exteriores Super quod dicit Grego. Si ignis ille lucē haberet, in tenebras exteriores nequaquam mitti dicerentur. Sed quia dispositio inferni talis erit, quod maxime miseriæ cōpetat dānatorum, ideo ex diuina dispositione erit ibi aliquid luminis, quod sufficiat ad videndum illa, quæ animam torquere possint. Visio quippe etsi secundum se sit delectabilis (vt dicitur in principio metaphysicæ) tamen per accidens contingit visionē esse afflictiuam, in quantū videmus aliqua nobis nociva vel nostræ voluntati repugnantia. Et hoc est, quod Grego. 20. li. Moralium super illud Iob: Sēpiternus horror inhabitat, dicit: Quauis ignis illic ad consolationem non luceat, tamē vt magis torqueat ad aliquid lucet. Nam sequaces quos secū traxerunt de mundo reprobī, flamma illustrante visuri sunt.

¶ An ignis inferni, quo cruciabuntur corpora damnatorum, sit corporeus. 2. An ignis ille sit eiusdem speciei cum igne isto corporeo, quem uidemus. 3. An ignis ille sit sub terra. Articulus . 224.

**I**gnis ille, quo cruciabuntur corpora damnatorum, post resurrectionem etsi corpora materialiter nō alteret: agit tamen in ea punitionem, quadam spiritali actione. Et ideo oportet de illo igne dicere, quod sit corporalis, ac idem secūdum substantiam cum igne materiali, qui apud nos est, differens secundum punitionis effectum. Corpori nanq; non potest adaptari nisi pœna corporea. Vnde beatus Gregorius quarto dialogorum probat ignem istum esse corporeum, quia reprobī post diem iudicij in eum detrudentur. Sicut autē ignis fornacis modificatur ex industria fabri in sua actione, ignis, secūdū quod cōpetit suæ arti: ita & ignis ille infernalis

modificatur ex ordine diuinæ iustitiæ (cuius est instrumentū) ut non vno modo omnes peccatores cruciet, sed vnusquisq; quantum exigit culpa, tantum ab hoc igne sentiet de pœna.

2 ¶ Quod verò ignis inferni quantum ad hoc quod habet de natura ignis sit eiusdē speciei cum igne, qui apud nos est, manifestum est. Quocunq; enim modo ignis inueniatur, siue in materia propria, prout est ī sua sphaera, siue materia aliena terrestri, videlicet ut in carbone, ac aërea ut in flamma, siue hoc sit per violentiam, ut in ferro ignito, siue ex principio intrinseco naturali, ut in sulphure, semper est idem in specie, quātum ad naturam ignis pertinet. Cum verò sit ignotum, in qua materia sit ignis inferni, propria videlicet an aliena, secū dum hoc potest ab igne qui apud nos est specie differre materialiter cōsideratus. Potest enim diuersitas esse in specie quātum ad corpora, quæ sunt materia ignis, sicut flamma, & carbō differunt specie, & lignum igneū & ferreum ignitū. Quod itaq; ignis qui apud nos est lignis nutritur, & ab homine succēditur, propterea est, quia est artificialiter & per violentiam in aliena materia introductus, sed ignis ille infernalis lignis nō indiget, quibus foueatur, quia vel est in propria materia existens, vel est in aliena materia non per violentiam, sed per naturam à principio intrinseco. Vnde non est ab homine succēsus, sed à deo qui naturam instituit, secundum quod dicitur Esa. 3. Flatus domini sicut torrens sulphuris succendens eam.

3 ¶ Quauis per certitudinem ac euidentiā sciri non possit pro statu huius vitæ, in qua parte mundi sit infernus; conuenientius tamen est his quæ in scripturā dicuntur, ut sub terra esse credatur. Huius autem duas rationes B. Grego. dialogo assignat. Quarum prior est ex ipsa nōminis ratione. Infernum enim dicimus quia inferius iacet. Altera est ex hoc, quod dicitur 1. Apo. Nemo poterat neq; in celo, neq; in terra neq; subt<sup>9</sup> terrā, &c. Vbi hoc quod dicitur sub<sup>9</sup> terrā, refertur ad animas existētes in inferno. Idē cōfirmat B. Aug. 12. super Genesim ad literā duabus alijs rationibus. Vna est, ut quoniā defunctorū animæ carnis amore peccauerunt, hoc eis exhibetur, quod ipsi carni mortuæ solet exhiberi, ut scilicet sub terrā retrudātur. Alia est, quod sicut est grauitas in corporibus, tristitia in spiritibus, & lætitia sicut leuitas. Vnde sicut scdm corpus si ponderis sui ordinē teneāt, inferiora sunt oīa grauiora, ita secūdm spiritum inferiora sunt omnia tristitia. Et sicut cō-

ueniens locus gaudio electum est cœlū empyreū, ita conueniens locus tristitiæ damnatorū est infimū terræ. Et sic Esaiæ 14. dicitur: Infernus subitus conturbatus est in occursum tui.

¶ An omnis uoluntas damnatorum sit mala. 2. An damnati unquā pœniteant de malis, quæ fecerunt. 3. An damnati recta ratione & de liberatiua, possent uelle nō esse. 4. An dānati in inferno uellēt esse alios damnatos, qui non sunt damnati. Articulus 225

**V**oluntas deliberatiua damnatorum, id est, quæ est in eis ex seipsis, secundum quod est in potestate eorum inclinari in hoc vel in illud per affectum, est in eis solum mala. Quia nulla uoluntas potest esse bona, nisi in ordine ad ultimum finem. Damnati uerò sunt ab hoc uitæ penitus auersi. Sola itaque uoluntas naturalis damnatorū quæ nō est in eis ex seipsis, sed ex actione naturæ, quæ hanc inclinationē posuit, poterit esse in eis bona natura in eis integra ac bona remanente. Sed quia etiam ista inclinatio bona naturalis, per eorū maliciam corrumpitur, in quantum hoc bonum quod naturaliter desiderant, sub malis circumstantiis desiderant. Ideo etsi aliquod bonum naturaliter uelint, sicut uiuere, intelligere, & huiusmodi, tamē quia hoc bonū nō bene uolūt, non pōt eorū uoluntas ex hoc bona cēseri simpliciter.

2 ¶ Proinde uoluntatis malitia in damnatis perseuerante, nec per se de peccatis pœnitebūt. Quia peccatum in eo quod peccatū est, non abominabuntur. Cum uerò peccato pœna annexa sit per quam affligentur, ratione illius saltem per accidēs, p peccato pœnitebūt. Vnde Sapi. 5. de dānatis dicit intra se pœnitentiā agētes. Et Philoso. 9. Ethico. dicit, q pœnitudine replētur mali, mox enim tristātur de hoc, q male lātati sunt.

3 ¶ Quāuis uerò nō esse, non sit per se eligibile, cum nō habeat rationē boni, sed sit boni priuatio, quia tamē nō esse priuat miseriam, quæ est maximū malorū, per consequens habet quandam rationem boni, secundum quod Philoso. 5. Ethico. dicit, q carere malo bonū est. Et ideo dānati possunt præeligere non esse, secundū deliberatiuā rationē. Vnde Apo. 9. dicitur: In die illa desiderabūt hoīes mori, & fugiet mors ab eis.

4 ¶ Sicut in beatis erit perfectissima charitas, propter quā de omnibus bonis gaudebunt, ita in dānatis erit summum odiū per quod de omnibus bonis dolebunt, maximē uerò de

sanctorum felicitate. Et ergo cupient omnes esse damnatos, secundum quod in eorum persona dicitur. Esa 26. Videant & confundantur populi, & ignis hostes tuos deuoret.

¶ An damnati habeant deum odio. 2. An damnati demereantur

3. An damnati possint uti notitia, quā hic mundo habuerūt.

4. An damnati cogitabunt de deo. 5. An damnati gloriam uideant beatorum.

Articulus 226.

**Q**Uicumque deum per essentiam vident, eum odio habere nō possunt. Quia cū ipse sit per essentiam bonitas, non potest alicui voluntati displicere. Dānati verò quia deū per essentiā nō vident, sed tantū per effectus iustitiæ, possunt eū odio habere. Huiusmodi quippe effectus sunt pœnales, & ob hoc voluntati repugnant. Et secundum hoc in psal. dicitur. Superbia eorum qui te oderunt, ascendit semper.

2 ¶ Respectu retributionis essentialis nullum erit meritum in beatis, nec demeritum in damnatis, nec ante diem iudicii, nec postea. Meritum quippe vel demeritum ordinatur ad aliquod bonum vel malum vltius consequendum, sed quantū ad retributionem essentialē & ante diem iudicii & postea erit vltima consecutio & bonorum & malorum. Sed quia vsque ad diem iudicii aliqui trahuntur ad bonum officio bonorum angelorum, & aliqui ad malum instigatione malorum: Ideo respectu præmij accidentalē, ac pœnæ secundariæ possunt augeri meritum & demeritum vsq; ad diem iudicii, præcipuè in angelis bonis ac malis. Ex hoc enim crescit gaudium bonorum angelorum, & crescit pœna malorum.

3 ¶ In damnatis erit actualis cognitio eorum, quæ prius fecerunt, aliter tamen quàm in beatis. Quia in beatis erit ad materiam gaudij, ne quid desit perfectioni beatitudinis. In damnatis verò ad augmentum tristitiæ, vt sit eorum consummata miseria. Potest nanque cognitio esse ratio tristitiæ & ex parte cognoscibilium quæ sunt nata contristare, & ex parte cognitionis prout eius imperfectio consideratur. Et sic damnati considerabuntur, & mala quæ gesserunt, ex quibus damnati sunt, & bona delectabilia quæ amiserunt similiter considerabunt notitiam quam de rebus speculabilibus habuerunt imperfectam esse, & se amisisse summam eius perfectionem;

quam poterant adipisci. De quibus omnibus dolebunt.

4 ¶ Cognitio verò damnatorum nullo modo erit de deo, secundum quod est proprium, scilicet esse bonitatis principium: sic nempe sine gaudio de deo cogitari non poterit. Sed quia cognitio de deo potest tristitiam inducere, in quantum est ab eo punitio aut aliquid huiusmodi, ideo damnati cogitabunt, de deo saltem per accidens, id est secundum id quod est ei quasi accidentale in effectibus eius.

5 ¶ Augmentum miserix damnatorum spectat, ut non solum ipsi penas suas experiantur, sed ut etiam gloria beatorum ante diem iudicii videant, id est, cognoscant sanctos esse in gloria inestimabili. Ex hoc enim turbantur & affliguntur, tum propter invidiam, dolentes de felicitate eorum, tum propter hoc quod ipsi talem gloriam amiserunt. Vnde dicitur Sapientix quinto de impijs. Videntes turbabuntur timore horribili: Hac tamen visione ac cognitione post diem iudicii priuabuntur, ut etiam cognoscant, se indignos reputari videre gloriam, quam sancti merentur habere.

¶ *An ex diuina iustitia inferatur peccatoribus poena æterna. 2. An per diuinam misericordiam omnis poena terminetur, tam hominum quam etiam daemonum. 3. An christianorum præsertim opera misericordiae facientium poena per diuinam misericordiam terminetur.* Articulus 227.

**Q**uantitas pœnæ respondet quãtitati culpæ secundum intensiorem acerbitatis, ut secundum quod quis grauius peccauit, secundum hoc ei grauior pœna infligatur. Vnde Apoca. 18. Quantum glorificauit se & in deliciis fuit, tantum date ei tormentum & luctum. Porro pœnæ duratio non respondet culpæ durationi, sed per quolibet peccato mortali, quod est contrarium charitati etiam si in momento fuerit perpetratum, aliquis in æternum à societate sanctorum expulsus, secundum diuinam iustitiam æternæ pœnæ addicitur, non minus quam secundum leges humanas aliquis per mortem aut perpetuum exilium à societate ciuitatis sine spe redeundi expellitur propter adulterium, aut quodlibet aliud crimen capitale, licet momentaneum. Huius aut plures rationes à sanctis assignantur. Quarum prima est, quia peccauerunt contra bonum æternum, dum contempse

## D. DIONYSII CARTHYSIANI

runt vitam æternam sicut Augustinus. 21. de ciuitate dei di-  
 cit, factus est malo dignus æterno, qui hoc in se peremit bo-  
 num quod esse posset æternum. Secunda ratio, quia in bono  
 æterno peccauerunt. Vnde Grego. 4. Dialogorū, Ad magnam  
 iusticiam iudicantis pertinet, vt nunquam careant supplicio,  
 qui nunquā voluerūt carere peccato. Ex hoc ipso etenim q̃  
 mortaliter quis peccat, finem suum in creatura constituit, &  
 quia ad finē vitæ tota vita ordinatur, ideo ex hoc ipso totam  
 vitam suam ordinat ad illud peccatum, & vellet in perpetuū  
 in peccato manere, si hoc esset sibi impune. Et hoc Grego. 29  
 dialogo ostendens: Iniqui, inquit, ideo cum fine deliquerunt,  
 quia cum fine vixerunt: Voluissent quippe sine fine viuere, vt  
 sine fine potuissent in suis iniquitatibus permanere. Nam ma-  
 gis appetunt peccare quā viuere. Tertia ratio, quia per pec-  
 catum mortale peccatur contra deum, qui est æternus. Et er-  
 go cum creatura non sit capax alicuius qualitatis aut pœnæ  
 infinite secundum intensionem, requiritur quod sit saltem du-  
 ratione infinita. Quarta ratio, quia manente culpa, non debet  
 cessare pœna: culpa autem in perpetuum manet, quia remitti  
 non potest sine gratia, quā post mortem homo acquirere non  
 potest. Quinta ratio quia ex perpetuatione pœnarum magna  
 vtilitas prouenit, quia in his diuina iusticia conseruatur: secū-  
 dum quod Grego. dicit in dialogis, Omnipotens deus quia  
 misericors est, miserorum cruciatu non pascitur, quia autem  
 iustus est, ab iniquorum vltione in perpetuum non sedatur.  
 Sunt etiam huiusmodi pœnæ vtilēs, vt de his electi gaudeant  
 dum non solum in deo vident gaudia quæ perceperunt, sed  
 in illis etiam percipiant supplicia, quæ euaserunt, quatenus tā-  
 to magis in æternum diuinæ gratiæ debitores se esse agnos-  
 cant, quanto in æternum malapuniari conspiciunt, quæ eius  
 adiutorio vicerunt. Soli igitur illi à consortio sanctæ ciuitatis  
 in æternum non separabuntur, qui venialiter tantum peccan-  
 tes, in charitate hinc discesserunt. Charitas quippe est vincu-  
 lum prædictam ciuitatem vniens. Vnde secundum diuinam  
 iusticiam temporalis tantum pœna illis infligitur vel hic vel  
 in purgatorio, tanto breuior vel diuturnior, quāto magis vel  
 minus erunt purgabiles. Secundo: Sicut dæmones ita & ani-  
 mæ hominum, quæ hinc sine charitate decedunt nunquam  
 sunt à pœna gehennæ liberandæ. Dæmones quidem, quia A-  
 pocalyp. 20. manifeste dicitur, quod diabolus qui seducebat

homines, missus est in stagnum ignis & sulphuris, vbi bestiae & pseudoprophetae cruciabuntur die ac nocte in secula seculorum: per quod in scriptura significari aeternitas consuevit. De hominibus vero electis ac reprobis simul dicitur Mat. 25, Ibi hi in supplicium aeternum iusti vero in vitam aeternam: sed inconueniens est ponere, quod iustorum vira quandoque finitur. Ergo & inconueniens est ponere, quod reproborum supplicium terminetur. Quo & Origenis error refellitur, qui misericordiam dei extendere volens ad daemones ac damnatorum hominum animas, retraxit eam ab angelis bonis ac saluatis: dicens daemones ac damnatas hominum animas quandoque a poena ac miseria liberandas. Angelos vero ac beatos homines a beatitudine ad huius vitae misérias deuoluendos.

Tertio. Quicumque igitur cum peccato mortali decedunt, nec fide nec quibus liber misericordiae operibus a poena aeterna liberabuntur, etiam post quantumcunque spacium temporis. Quia sine charitate non potest aliquid esse deo acceptum, nec sine ea prodest aliquid ad vitam aeternam, vt patet primo Corinthio. 13. Fides quoque sola non tantum ab aeterna poena non liberat, cum fides operibus mortua dicatur, Iacobi 1. & Mat. 7 dicitur: Non omnis qui dicit michi, Domine domine, intrabit in regnum coelorum, sed qui fecerit voluntatem patris mei, qui in coelis est. Verum etiam si quis fidem catholicam teneat, & ei male viuendo contra dicat, non minori poena dignus efficitur, sed maiori. Dicitur enim 1. Petri 2. Quia melius erat eis viam veritatis non cognoscere, quam post agnitam retroire ab eo, quod traditum est illis sancto mandato. Sunt item multi fornicarij, adulteri, & raptores, in operibus misericordiae se exercentes, aut sua egenis impartientes, aut quae ab aliis per rapinas atque calumnias extorserunt in eleemosynas re fundentes: fornicarij vero adulteri ac raptores, regnum dei non possidebunt, vt habetur 1. Cor. 6. Sed secundum illud Iacobi, secundo. Quicumque totam legem seruauerit, offendet autem in vno, factus est omnium reus. Ergo quicumque seruat legem quo ad opera misericordiae, alia bona opera aut negligens, aut contemnens, reatum de transgressione legis incurret, & ita aeternaliter punietur a iustissimo iudice deo, qui est super omnia benedictus in secula.

✠ A M E N.



## Encomium Christiani Ischyrii ad Dionysium ecstaticum Carthu.

¶ Magnanimum prisca mirantes hec tora Troes,  
Rhoma potens rerum Rhomuleosq; duces,  
Herculeosq; ausus miratur Græcia mendax,  
Hydram qui claua contudit igniuomam.  
Quur non tergeminum mirare Brabantia scælix,  
Ricklæum vatem, Carthusiæque decus.  
Qui bene Lernæos vicit scribendo furores,  
Mercurium superans pneumaticis eloquio,  
Scripta patrum enarrans, quod non fecere priores,  
Quis bene contagis vincetur hæreseos.  
Instar apes strepitans, hyblæis foribus omnem,  
Collegit succum, mellea verba tenans.  
Perspexit vigilans diuina volumina patrum,  
Vt populus caperet mystica verba dei,  
Obscura illustrans non intellecta priorum,  
Annis iis multis sensa retrusa nimis.  
Oedipodem referens scripturæ ænigmata pandit,  
Hactenus ignotos permeat iste locus.  
De'ituit multo frigescent tempore, nulli  
Cognitus iniuria est, vindice enim caruit,  
Hunc Loher à Stratis æterno nomine dignus,  
Vir pius & prudens, eruit è scoria.  
Quem nemo extinguet meritum bene fortibus ausis,  
Cui licet impallens zoilus inuideat.  
Perge Lohere, dabunt pro tantis fata periclis,  
Mercedem dignam cœlica regna tibi.

# Carmen extemporarium Ischyrii ad Dionysium Carthu.

**Q** Vis nouus occiduo mutato cardine prodit?  
Igniuomo iubare affulgens Sol aureus axe,  
Lncidior multo quàm qui consurgit eo  
Lucifer actus equo, mundi illustrator opaci.  
Nam per quadrisidum spargit sua lumina mundum  
Cimmeriæ fugiunt tenebræ, luceſcit vbique  
Haſtenus obſcurum: non intellecta Sophorum  
Dogmata clareſcunt, quæ non capere priores.  
Mox pueri capient dubitata ænigmata patrum,  
Quàm tenues modo ſint dociles aptiq; Mineræ.  
Quiſquis is eſt, non eſt dubium, quin miſſus olym-  
po  
Ve ſua in immenſum ſpargat noua lumina mundum.  
Hic eſt ecſtaticus Dionyſius, ore diſertus,  
Eloquio præſtans, nulli pietate ſequundus.  
Doctrina exuperans, interpres & ore ſideli,  
Artis multiiugæ, quo non præſtantior alter.  
Fons eſt eloquij, paraphraſtes, ecphraſis autor.  
Omnia declarat, quod non fecere priores.  
Forſitan haud facient meditantès multa nepotes.  
Audi aliquid lector, quod neſciuiſſe dolebit.  
Eſt operæ prætium mentem recreare legendo,  
Et veterum aſſiduè tractare volumina patrum.  
Quum ferme in toto frigefceret orbe ſacrata,  
Religio, & ſuperum cultus qui milibus annis  
Perſtiterat, cœlo gratus bona ſœnora reddens,  
Et pœnitus toto Monachiſmus languidus orbe.  
Exilium patiens frigeret vilior alga,  
Cui vix in toto patuit ſeceſſus in orbe  
Tutus, ſed fugiens tardæ teſtudinis inſtar,  
Delituit timidus propere in ſua clauſtra receptus.  
Inq; Lupos verſi Monachi, veſtræq; ſorores  
Proclamarentur pueris ſenibusq; prophanis,  
Bardocucullati paſſim ſine honore repulſi,  
Et vix in toto Monachus ſua nomina apertè

Auderet fari, furtim, sed proripiens se,  
Diffugit in claustra cochleam sectatus inertem,  
Emicuit tandem Dionysius orbe Brabanto,  
Rikelus, Halbanus, quo non facundior alter.  
Quem ingenium præstans, librorum Copia priscis,  
Omnibus exequat, citra inuidiam bone lector.  
Crede mihi, non est vanum, scriptoribus arte probata,  
Quandoquidem ex scriptis facile modo discitur eius,  
Quod fuit abstrusum, & quod nesciuere priores.  
Quicquid in arcanis diuina volumina seruant  
Non intellectum, capies interprete tanto,  
Vt possis tandem cataphrattus pellere sæuam  
Dirigenum turbam, valde atq; occurrere sacris  
Hæresibus, Christi male depascentibus herbam.  
Pestibus & variis toto gliscentibus orbe.  
Quippe grauem rerum facit ignorantia casum,  
Qua ruit in præceps ecclesia sancta: sed vnus  
Instaurabit agens Dionysius impiger acres  
Supponens humeros, propugnans ore disertio,  
Si adfuerit. Sed neglectus, sub sorde vetusta  
Deliter, & carie corrosus forte maligna.  
Sed Loher à Stratis veniet Theodorichus ille,  
Vir pius & prudens, scoria euecturus in altum  
Dulcissimum, & multa Dionysion arte fluentem,  
Qui claua Herculeæ contundens fortibus ausis,  
Quicquid in ecclesiam subrepit pestiferum almam,  
Suppressit hæreseos sacræ mala dogmata plebem,  
Quæ infecere rudem non intellecta prophanis,  
Emersis phlegetonte viris, sutoribus atq;  
Claudis, queis nihil est lapidum, nisi quod Styge natum,  
Fata superna ferant ventos ad vela sequundos.  
Nauiget vt tutus per tot discrimina rerum  
Per mare Velifragum Theodorichus auspice Christo,  
Qui vehat in tutum fluitantia carbasa portum,  
Nutibus & faueat, blanda quoq; fronte Moneta,  
Affatim vt expromant loculi non deficientes,  
Chalcotypis prætium impensi sine fine laboris,  
Vt semel emergant conscripta volumina patris,  
Quæ latuere diu carie conspersa maligna.  
Hinc feret æternam laudem Theodorichus author,

Ne tantus putri lateat tellure sepultus  
Thesaurus, multa in cœlos mercede ferendus,  
Qua beet authores operum post fata beatos,  
Promeritam ut capiant laudem, Rex Iuppiter æquus.

FINIS.



LEGATORIA DI LIBRI

**P. CICCIO RICCIO**

Borgo Vecchio, 26







